

ნოდარ ტაბიძე



ქართული
ბიბლიოთეკა

გარდაცემნი

სამართალი
2010

ნოღარ ბაბიძე

გაგაენცხიანი

თბილისი
2010



წიგნში გაშუქებულია საქართველოს სახალხო პოეტის, აკადემიკოს გალაკტიონ ვასილის ძე ტაბიძის ცხოვრებისა და შემოქმედების ადრეული პერიოდი. გამოვლენილი არაერთი უცნობი ნაწარმოები და ბიოგრაფიული ფაქტი. განსხვავებულად არის კვალიფიცირებული ბევრი რამ. ავტორი გალაკტიონის ხასიათისა და პოეტური განწყობილების საიდუმლო კუნძულების აღმოჩენას ესწრაფვის, ყურადღებას ამახვილებს შემოქმედის ფორმირების განმსაზღვრელ პირობებსა და მიზეზებზე. არკვევს პოეტისა და საზოგადოების ურთიერთობას, აანალიზებს ღირიკულ შედეგებს...

Нодар Табидзе – Галактион

В книге освещен ранний период жизни и творчества народного поэта Грузии, академика Галактиона Васильевича Табидзе. Выявлен ряд неизвестных произведений и также биографические факты. Многие квалифицированы по новому. Автор стремится открыть тайные островки поэтического настроения и характера Галактиона Табидзе, заостряет внимание на условиях и причинах определяющих формирование творчества, исследует взаимоотношения поэта и общества.

Nodar Tabidze – GALAKTIONI

The early period of the creative life of Academician Galaktion Tabidze, the founder of modern Georgian poetry, Peoples Artist, is elucidated in the book. A number of unknown works and biographical facts are brought to light. Many points are discussed in a novel way.

The author focuses the reader's attention on the conditions and causes determining the formation of the Poet, as well as on the relations between the Poet and Society.



507.473
1274.405

რ ე დ ა ქ ტ ო რ ი ს ა გ ა ნ



ქართული
წიგნების
კავშირები

წინამდებარე წიგნი მრავალმხრივ იმსახურებს ყურადღებას. უპირველეს ყოვლისა, მასში ფიქსირებულია გალაკტიონის უცნობი თხზულებები: ლექსები, ეტიუდები, დღიურები და ა. შ. ეს რამდენიმე ათეული ახალი ნაწარმოები ზრდის ჩვენს წარმოდგენას XX საუკუნის ქართული პოეზიის ფუძემდებელზე. ისინი გაანალიზებულია საფუძვლიანად და მეფე-პოეტის ცხოვრება-მოდვაწეობის მრავალ მხარეს პფენს შუქს.

მეორე თავისებურება: ავტორი გალაკტიონთან ცხოვრობდა. მისი ყოველდღიური ყოფის მხილველი და განმცდელი გახლდათ. წიგნში ბევრი ისეთი ეპიზოდი და დეტალია გაცოცხლებული, რომელიც მგოსნის ბუნებას მეტი დამაჯერებლობით წარმოაჩენს.

რაც მთავარია, ავტორი, არა მხოლოდ ქვეტექსტებით, არამედ სახონად გადმოგვცემს ჩანაფიქრს, რაც თანამედროვე ლიტერატურათმცოდნეობის მიღწევებზე დაყრდნობით აწარმოებს კვლევას, ცდილობს, გენიოსის ცხოვრება ობიექტურად, შეღამაზების გარეშე წარმოაჩინოს.

ამ წიგნს, იმედია მოყვება მეორე, მესამე ტომები და, ჩვენც შეგვეძლება განვაცხადოთ, რომ გალაკტიონოლოგიამ ახალ საფეხურს მიაღწია.

გიორგი ტაბიძე

„Человек есть тайна.
Ее надо разгадать...“

Ф. Достоевский

დიდი პიროვნება თავის ორბიტაში გვაქცევს და გვთანგავს. ამიტომ არცთუ იშვიათად ვაფერადებთ სინამდვილეს. ბევრი რამის წინაშე ვხუჭავთ თვალს, ძვირფას ადამიანს სიკეთე-სათნოების ზღუდეს ვავლებთ და იმას კი არ დავიდევთ, მოცემულ შემთხვევაში ზუსტია თუ არ ჩვენეული მეტრი. ასე და ამრიგად, თანდათანობით იქმნება გარკვეული ბარიერები, რომელთა გადალახვა შემდეგ მკრეხელობად ითვლება. გენიოსი კი სრულებითაც არ ხატიროებს მოწყალებას. პირიქით, ამდაგვარი მიდგომით ხელოვნურად ვხერგავთ მისი შინაგანი სამყაროსაკენ შიშაველ ბილიკებს.

გალაკტიონი გენიოსი იყო და მისი ცხოვრება შეფერადებას კი არ ხატიროებს, არამედ ახსნას. გალაკტიონოლოგიის ერთ-ერთი ძირითადი ამოცანაა ფაქტთა კონსტანტაცია. არ უნდა დაიკარგოს არც ერთი მნიშვნელოვანი დეტალი და არც იმან უნდა შეგვაშფოთოს, რომ გარკვეულ ეტაპზე შეიძლება ადგილი ჰქონდეს მოვლენათა განსხვავებულ ინტერპრეტაციას. საბოლოოდ ჭეშმარიტება იმარჯვებს. სწორედ ეს აპირობებს მავანთათვის მიუღებელი სოგიერთი ფაქტის გამოშხურებას.

ჩვენი ძირითადი მიზანი მხოლოდ უცნობი მასალების გამოშხურება როდია. ფაქტები და სიტუაციები გვაინტერესებს იმდენად, რამდენადაც ისინი ხელს უწყობდნენ თუ აშკარად განსაზღვრავდნენ გალაკტიონის ფენომენს. სოფელმა, ოჯახმა, ნათესავებმა, სასწავლებელმა და ა. შ. დრმა ანაბეჭდი გააკეთეს გალაკტიონის სულში და უზარმაზარი როლი შეასრულეს მისი, როგორც მხატვრის, მოაზროვნისა და მოქალაქის ჩამოყალიბებაში. მაგრამ ეს სრულიადაც არ იძლევა იმის უფლებას, დაივიწყოთ შთავარი – პიროვნების ბუნება, ღვთით მომადლებული ნიჭი. იყო თუ არა გალაკტიონის ხასიათში, ვთქვათ, ეჭვიანობის, შარტოსულობის, სამყაროს გამორჩეულად ხილვის მძლავრი იმპულსები? და თუ იყო, რამდენად ტრანსფორმირდებოდნენ ისინი სინამდვილესთან მიმართებაში, რამ განსაზღვრა გალაკტიონის ინტელექტუალური ზრდა და პოეტური ნერვის გამახვილება,

როგორ შეფასებას იმსახურებს პირველი ნაბიჯები... და, საერთოდ, როგორი იყო გალაკტიონის, როგორც ქართული ლექსის ახალი მესიის, მოვლინება?

შევეცდებით, ამ და სხვა მსგავს კითხვებზე გავცეთ პასუხი.

იმასაც დავსძენთ, რომ გალაკტიონის ლირიკული ბუნება ყოველთვის არ ემთხვევა მის ბიოგრაფიულ მონაცემებს. მაგრამ ამ უკანასკნელის გათვალისწინება მაინც აუცილებელია პირველის შესამეცნებლად.

კარდინალურმა ცვლილებებმა, რომლებიც ჩვენს ცხოვრებაში მოხდა, ლიტერატურის ისტორიის არაერთი დებულების გადასინჯვა-გადაფასება გამოიწვია. ბევრი ლირიკული შედევრი ახლებურ წაკითხვას შოითხოვს. ორიგინალურ მიდგომას საჭიროებს ისეთი პრობლემებიც, როგორიცაა: გალაკტიონი და რევოლუცია, გალაკტიონი და სიმბოლიზმი თუ სხვა.

ვცდილობთ, ამ კუთხითაც გავამახვილოთ ყურადღება.

„სადაც შრიალებს ჭაობი ჭყვიშის“



„ცვრიან ბალახზე თუ გიგანტურად“

ფეხშიშველა

არ გავიარე — რაა მამული?!”

გალაკტიონი

ბედი სოფლისა მშობლის ბედსა ჰგავს. მისი დიდება სახელოვან შვილებს მოაქვთ. გალაკტიონი და ტიცციანი რომ არა, ჭყვიშის არსებობა უცხოთაგან ორიოდე თავგამოდებულ ტურისტს თუ ეცოდინებოდა. საქართველოშიაც ბევრისთვის ალბათ არაფრის მოქმელი იქნებოდა ეს სახელი. დღეს კი ყველამ უწყის, რომ XX საუკუნის ქართული პოეზიის მერიდიანი ჭყვიშზე გადის.

გალაკტიონმა არა მხოლოდ უკვდავო ჭყვიში, არამედ თითქმის გააღვეგნდა. პოეტური სურნელით გაღვინთა მისი ჰაერი, რომანტიკული ფერებით გაულამაზა პეიზაჟი, უცნაურ-ამაღლებული ხიდეები და ასოციაციები შეუწყვილა სინამდვილეს...

...აქ ღამღამობით დგება წაქცეული ცამეტი სვეტი და ცეკვავს სამეფოდ ნაქარგი ქოში...

...აქ ვარსკვალაუების თოვლი ცას შელგვია და ნანაობს ატმის შტოზე მთვარის ჩრდილი...

...აქ ქარი ხეთა რიგს, ხეთა ჯარს რკალად ხრის და ზამთარს ბილიკი დაუტანია...

ჭყვიში — ყოფით-ეთნოგრაფიული და ჭყვიში — პოეტური — ორივე შესაცნობია. პირველი ქმნის მეორეს და მეორე ამაღლებს პირველს. ამიტომაც საჭიროებს იგი საგანგებო შესწავლას.

ახლა ძნელია გალაკტიონისდროინდელი ჭყვიშის სოფერთი მხარის თუ ნიუანსის აღდგენა. გაქრა სოფლის დასავლეთით მდებარე უბნები. ძველი საფოსტო გზა რიონმა მოაშეავა. თელებისა და კოპიტების ხეივანი გაიკაფა. მეზობელი სოფლებიც აიყარა. ეს ძირითადად ჯერ კიდევ რევოლუციამდე მოხდა. რიონის პირას ბილიკ-ბილიკ მიმავალს ეული ბროწეულის ბუჩქი ან ქვევრების ნამსხვრევეები თუ შეგახსნებს, რომ აქ „მამალი ყიოდა და ძაღლი ყუფდა“. ახლა ჭყვიშს არ სერავს თემშარა. თითქმის არაფერს სარგებლობს ბორნით. ვანის რაიონი საჯავახოს ხიდით უკავშირდება სამტრედიას.

მეორე მხრივ, ახალმა საუკუნემ ფერი უცვალა სოფელს — გააღამაზა, გაამდიდრა და გააჯანსაღა.

ღიახ, ძნელია ძველი სურათის აღდგენა, მაგრამ გადმოცემებით, პრესაზე დაყრდნობით თუ პოეტთა ჩანაწერებით მაინც ხერხდება XIX საუკუნის მიწურულის ჭყვიშზე მკაფიო წარმოდგენის შემუშავება.



ჭყვიში, პირველ რიგში, გვაინტერესებს როგორც სარკმელი, საიდანაც დაინახა მომავალმა მგოსანმა სამყარო და შეიმეცნა სინამდვილე.

როგორც მეცნიერები ამტკიცებენ, ტოპონიმი ჭყვიში მეგრულ-ჭანური წარმომავლობისაა და „წყალ“ ფუძეს უკავშირდება.

გალაქტიონი სხვაგვარ ახსნას იძლევა. „ჭყვიში – ნიშნავს მწყერს (მეგრ.). ამ არემარეში დარჩენილია მეგრული გვარები“.

ეს ეტიმოლოგიური გაშიფვრა ზუსტი არ არის. მწყერს მეგრულად „ჭყორი“ ჰქვია. ფონეტიკური მსგავსება უთუოდ შეინიშნება და ალბათ ამას უყრდნობოდა მგოსანი. მაგრამ მთავარი შეიძლება სხვა იყოს. ხომ არ იგრძნობა მშობლიური სოფლის სახელის გაპოეტურობისაკენ სწრაფვა?

ჭყვიში დასავლეთ საქართველოში მდებარეობს (ვანის რაიონი), იმერეთ-გურია-სამეგრელოს საზღვრის მახლობლად, იგი რიონის მარცხენა ნაპირზე, დაცემულ ვაკეზეა გაშენებული, ზღვის დონიდან სამოცი მეტრის სიმაღლეზე.

აქ ოდესღაც არგონავტებს ჩამოუვლიათ. ამ ნაპირებს ახსოვთ მედეას სევდნარევი ღიმილი და იაზონის გახელებაც. ბევრი რამ ახსოვთ...

დღეს საყოველთაოდ ცნობილია, რომ ვანში, ჭყვიშიდან 8 კილომეტრით დაშორებულ ქალაქში, V-II საუკუნეებში ჩვენს წელთაღრიცხვამდე ცხოვრება დულდა და გადადულდა. არქეოლოგიური გათხრების საფუძველზე მოპოვებულმა იშვიათმა ქინძისთავეებმა, ოქროს დიადემებმა, ყელსაბამებმა თუ სხვა უნიკალურმა ნივთებმა მითი რეალობად აქცია; – თურმე კოლხეთის სიძლიერე და სიმდიდრე პოეტთა ფანტაზიის ნაყოფი კი არ ყოფილა, არამედ სინამდვილე.

როგორც ჩანს, მითრიდატის შემოსევების შემდეგ ვანი მოისრა. შემოგარენიც გავერანდა...

პატარა გალაქტიონი არაერთხელ ყოფილა მოწმე გავრცელებაში გადასული ჩურჩულისა: – თურმე ვანში, ახელქდიანების გორაზე ბარის ყოველ დარტყმაზე ოქრო და ვერცხლი ამოდისო.

ყოველივე ეს აცეცხლებდა ცნობისმოყვარეობას, საიდუმლოში წვდომის დაუოკებელ სურვილს უწინდა ყმაწვილს. მერე ბევრი რამ გაითავისა პოეტმა, პომეროსსა და სოფოკლეს დაეწაფა, ევრიპიდეს და სტრაბონს ნაულრმავდა... ვამაყებოდა, რომ მის მშობლიურ ფაზისს ჯერ კიდევ 26 საუკუნის წინათ უმღერა ქესიოდემ.

ძველი საქართველოს ანალებში უმეტესად ლეჩხუმის ჭყვიში ფიგურირებს. ვახუშტი ბაგრატიონი რამდენჯერმე იხსენებს მას. იმერეთის, რიონისპირა¹ ჭყვიში, როგორც ჩანს, ნაკლებ როლს

¹ იმერეთში არსებობდა სხვა ჭყვიშიც – კულაშიხა და ხუნჯილორის მახლობლად (გაზ. „დროება“, 188, №198).



ასრულებდა ქვეყნის ცხოვრებაში.

როდის ჩავეყარა საფუძველი გალაკტიონის მშობლიურ სოფელს? ამის დადგენა ჭირს. 1578 წლის ერთ დოკუმენტში „დავთარი ქუთაისის საყდრის გამოსავალი ბეგრისა“ ნახსენებია ჭყუში. „მართებს ჭყუშს გოგნიახა სვანიძესა ზუთხი ცხრა“.

სავარაუდოა, ეს იყო ის სოფელი, რომელმაც შემდეგ ქართულ მწერლობას ორი ბუმბერაზი მისცა.

ჭყევიში ფიქსირებულია სოლომონ პირველის „შეწირულების წიგნშიც“, რომელიც 1773 წლით თარიღდება¹.

გამორიცხული არ არის, რომ აქაც გალაკტიონის სოფელი იგულისხმებოდეს.

აღრე ჭყევიშა და მის შემოგარენში თითო-ოროლა გლეხი თუ ბინადრობდა და მეგრელი მწყემსები აზამთრებდნენ საქონელს. სოფელს შემორჩა მოგონება: გამოქცეულ ყმას აქ უპოვებია თავშესაფარი, საუკუნოვანი მუხის ფულუროში შეუხიზნია ჯაღაბი და აი, ერთხელ კულაშელი თავადი – ნადირობის ტრფიალი და თავაწყვეტილი მოქვიფე – მიქელაძე გადაყრია ოჯახის უფროსს. ჭყევიშელს მუხის ფულუროში მიუპატიუებია საპატიო სტუმარი, თავანკარა ღვინით, ზუთხითა და მწყვრით გამასპინძლებია. უზომო ყოფილა თავადის გაოცება. ღოცვაც აღუვლენია: ღმერთო, ნუ მოშლი საქართველოში ღვინისა და მიწის სიყვარულსო.

სისხლსავე ცხოვრება არსებითად XIX საუკუნიდან იწყება.

1803 წელს იმერეთის მეფემ სოლომონ მეორემ წყალობის წიგნი უბოძა ხონის მახლობლად მდებარე სოფელ ივანდიდის მკვიდრს გიორგი ტაბიძეს: „...გიბოძეთ შნ, ხონის წმინდის გიორგის ეკლესიის ყმას მღუდელს ტაბიძეს გიორგის და შენს ძმებს იესეს, ბეკანიკას და გაბრიელას და სხუათა შულთა და მომავალთა სახლისა თქნისათა, ესრეთ და ესე ვითარად რომე ადგილზედ ნაკლები კცი იყავით და მრავალგზის გვევედრეთ ადგილის ბოძებისათს და ჩნ ვისმინეთ ვედრება თქნი და თქნის მღუდელმთაურის მთავარეპისკოპოსის ანტონის დასტურით ხონის წმინდა გიორგის ეკლესიისათვს ჭყევიშურის ადგილის წყალობა ვიყავით და დაგასახლეთ. ყუმურის დელე რომ რიონშიდ ჩაერთვის იმ ადგილზედ, გიბოძეთ შნი საყოფი სამოსახლო სამამულე და საყანე ჭალისთავიანათ პაატვის ღომინის ფშანი რომ ჩამოაყვება კაპნარის თავიანათ და ისევე ეკლესიას უნდა ემსახურო, რლიც მისი ბეგარა გემართა და მეფობისა ჩნისა წარსამართებლად და ხლისა ჩნისა საოხად ამადლებას დღეს ცხუარი უნდა დაკლათ და მღუდელს უნდა აწირვინოთ და სხუა სათხოვარი ჩნგნ და

¹ ქართული სიმაღლის ძეგლები, ტ. II, 1965, გვ. 432.

² იქვე, ტ. III, 1970, გვ. 318.



გიორგის შემდეგ ჭყვიშში სხვებიც ჩამოსახლდნენ და აჩქარდა სოფლის მაჯისცემა. დასავლეთ საქართველოში ერთ-ერთი ფეხმოკიდებას რიონზე ნაოსნობის გაცხოველება მოხერხდა.

კ. ბოროზდინი იგონებს XIX საუკუნის 50-იანი წლების ამბებს. „...მაისის 23, როცა მე სტუმრად ვიყავი გეგიძესთან, მისი სახლის აივანზე იჯდა რამდენიმე მგზავრი, ფოთში მიმავალი. ლაპარაკობდნენ მეორე დღისთვის ნავის დაქირავების შესახებ. ამ დროს შორი-ახლოდან ხარბაზნის დაცლის ხმა მოისმა. ნეტავ, რა ამბავი უნდა იყოს? აქ ხარბაზანს რა უნდოდა?

თვალის დახამხამებაში გამოეცვივდით ნაპირზე და დაეინახეთ პირველი და სრულიად მოულოდნელი ორთქლმავალი გემი, რომელიც დიდის ხმაურით მიაპობდა რიონის ტალღებს“¹.

მაგრამ ვიდრე ცეცხლის გემები ამოუყვებოდა რიონს, მანამდე ბრტყელძირა კოლხური ნავეებით მოცურავდნენ ვაჭრები, უმეტესად ბერძნები, და ჭყვიშამდე აღწევდნენ. სოფლის ყურეში, რომელსაც წისკვიადისფონი ეწოდება, გაჩნდა დუქნები და სავაჭრო ფარდულები. საჩინოს თემიდან, რომელიც გამოირჩეოდა სოფლის მეურნეობის პროდუქტთა სიუხვით, აქეთკენ მოედინებოდა სიმინდითა და აბრეშუმის პარკით დატვირთული ურმები. მოქონდათ კაკლის ხეები და ათასგვარი ნედლეული. მერე იტვირთებოდა უზარმაზარი ნავეები და თავიქვე ფრთისა თუ ყულევისაკენ მიცურავდნენ.

ჭყვიშში პატარა სამდინარო ნავსადგურად იქცა. ამ გარემოებამ, ცხადია, გავლენა მოახდინა სოფელსა და მის მცხოვრებლებზე.

ფოთი-თბილისი რკინიგზის გაყვანის შემდეგ რიონზე ნაოსნობა შეწყდა და ჭყვიშმაც დაკარგა გარკვეული უპირატესობა. მაგრამ დიდი სოფლის სახელი მაინც შეინარჩუნა XIX საუკუნის მიწურულამდე.

გალაკტიონის დაბადების წელს აქ ორას კომლზე მეტი ცხოვრობდა: ტაბიძეები, ბახტაძეები, წიქვიძეები, ბერუკაშვილები, ნანაძეები, კოპალეიშვილები, ბაღდავაძეები, კიკაბიძეები, ლეკავეები, ქაჯაიები, მამფორიები, ფარცხალაძეები, ცაგარეიშვილები და ა. შ.

სხვათა შორის, ივანდიდთან კავშირი მთელი საუკუნე არ გაწყვეტილა. გალაკტიონი არაერთგზის ყოფილა მოწმე იმისა, თუ როგორ აიბარგებოდნენ ტაბიძეები და ჩარდახიანი ურმებით მამა-პაპათა სალოცავების მოსანახულებლად მიეშურებოდნენ. იმასაც იგონებდა, რომ ერთი ივანდიდეული „მაკვესართვალებიანი“ მოხუცი ყოველ გიორგობას გატენილი ხურჯინითა და სავსე

¹ კ. ბოროზდინი, სამეგრელო და სვანეთი 1854-1861, 1934. გვ. 302-303.



ტიკით მობრძანდებოდა ჭყვიშს.

ჭყვიში ქუთაისის მაზრაში შედიოდა და სამტრედიის საბოქაულოს ექვემდებარებოდა. თავაპირველად მის დამოუკიდებელი საზოგადოება აქონდა, შემდეგ კი ტობანიერს შეუერთეს.

საფიქრებელია, ადმინისტრაციული გაერთიანება მოსახლეობის შემცირებამაც გამოიწვია. ადრე ჭყვიში და მისი შემოგარენი, როგორც უბატონო მხარე, ბევრს იზიდავდა, ბატონყმობის გადავარდნის შემდეგ. გლეხობამ უფრო მწვავედ განიცადა მაღაროისა და ადიდებული რიონის რისხვა. ფოთი-თბილისის რკინიგზის გაყვანამ და დაბა სამტრედიის შექმნამ დააჩქარეს მოსახლეობის მნიშვნელოვანი ნაწილის სოფლიდან წასვლა.

„ივერიის“ პუბლიცისტი ვლადო ბზუანელი 1897 წელს წერდა: „ს. ჭყუშიდგან, რომელიც შეადგენს ტობანიერის საზოგადოებას, გადასახლდა ეწერის საზოგადოებაში 30-ზედ მეტი მცხოვრებელი. ამ გვარად დაშორდნენ თავის საზოგადოებას რვა-ათი ვერსის მანძილით. დღეს ისინი შეტად გაჭირვებულნი არიან, რადგან ვერ მიეწერნენ იმ საზოგადოებას, სადაც დასახლდნენ, და თავიანთი საზოგადოებაც დაუშორდათ, იმათთვის არც წირვა-ლოცვაა და არც სასწავლებელი“¹.

მეორე გაზეთის კორესპონდენტი არ კმაყოფილდება ფაქტის კონსტანტაციით და იმ მიზეზსაც გახაზავს, რამაც განაპირობა ჭყვიშელთა გადასახლება სამტრედიის მოსახლურ სოფელ ციცხში.

აქ სამოცი კომლია და ყველანი რიონგამიდან არიან გამოხიზნულნი, მათი აურა გამოიწვია შემდეგმა გარემოებამ. „მკითხველს ეხსოვება, რომ 1895 წელს დიდი წყალდიდობა იყო ქვემო იმერეთში. ამ წყალდიდობამ ყველანი ააწიოკ-დააწიოკა, მათ შორის ჭყუშელებიც. რიონი, რომელიც გვერდზე ჩაუდის ჭყუშს, მცხოვრებთა კარ-მიდამოს საშინლად ავერანებდა და იმ წვევლა-კრულვით მოსაგონებელმა წელმა ხომ სულ ბოლო მოუღო ჭყუშელებს. აი, ამისათვის რამდენიმე კომლი იძულებული გახდა დაეტოვებინა თავისი მამა-პაპური კარ-მიდამო და გადასახლებულიყო სხვა მხარეს, რადგან მათთვის ხელმისაწვდომი იყო და თან კარგადაც ემხრობოდათ ძველი სახნაუ-სათესის მუშაობა. ამის გამო იყიდეს თითო ნაკვეთი მიწა ციცხში და დაესახლნენ იქ. ახლად დასახლებულთ თანდათან ემატებიან მეზობლები, რის გამოც ციცხის ცარიელი

¹ გაზ. „ივერია“, 1897, №216.

მიწები, რომელზედაც ტურა-მგელის მეტი არა დადროდა-
რადღეს მცხოვრებლებით არის მოყვნილი. აქაური მცხოვრებნი
შეუერთდნენ ეწრის საზოგადოებას და თანაც ააშენეს სპეციალური
ხის ეკლესია¹.

ეს ცნობები იმიტომაც მოვიტანეთ, რომ, ჯერ ერთი, გვეჩვენებინა
ჭყვიშის მოსახლეობის შემცირების ტენდენცია. მეორეც, ხაზი
გაგვეხვა იმ გარემოებისათვის, რომ გადასახლებულნი კავშირს
არ წყვეტდნენ ძველ მეზობლებთან, ნათესავეებთან, ხოლო მისვლა-
მოსვლა და მკიდრო ურთიერთობა გარკვეულად უწყობდა ხელს
ჭყვიშში ახალი ცხოვრების შემოჭრა-დამკვიდრებას.

საგანგებოდ უნდა აღინიშნოს, რომ ჭყვიშზე დიდ გავლენას
ახდენდა სამტრედია. აქ მოდიოდნენ ბაზრობაზე, ზოგი აქვე
იწყებდა სამსახურს. სამტრედიიდან მიემგზავრებოდნენ ფოთში,
ბათუმში, ქუთაისსა თუ თბილისში. აქ უფრო ღრმად ეცნობოდნენ
ბურჟუაზიულ ყოფასა და ურთიერთობას.

1892 წლის გაზ. „ივერიაში“ ვკითხულობთ: „ვისაც რკინის გზით
უწვდია, უჭკველია შენიშნავედა, რომ სამტრედია ერთი საუკეთესო
სადგურთაგანია. დღეს აქ საკმაოდ ბევრი ხალხი ტრიალებს,
დიდი ვაჭრობაც იციან, ირგვლივ დიდძალი მოსახლეობაა და
რამდენიმე დიდი სოფელიც. აკრავს ზედ. ამ ოცის, ოცდახუთის
წლის წინად – კი იმ ადგილას, საცა დღეს რკინის გზის სადგური
და ამდენი სხვა შენობაა გამოჭიმული, თითქმის გაუვალი ტყე
იყო; მონადირე თუ შევიდოდა შიგ, თორემ მგზავრს, ვაჭარს და
საქმის კაცს აქ რა უნდოდა“².

1897 წელს სამტრედიაში ორას ორმოცდაათამდე საწარმო-
დაწესებულება იყო. სახელოსნო, დუქანი, შადაზია, აფთიაქი,
სამკითხველო, წიგნის სავაჭრო და სხვა³.

კაპიტალისტური ცხოვრება მოურიდებლად ანგრევდა
ჯებირებს. სამტრედია ძალუშად იზიდავდა ბედის მაძიებლებს
და მათ შორის ჭყვიშელებსაც. ბარემ იმასაც ვიტყვი, რომ
გალაკტიონისათვის მახლობელი იყო სამტრედია. მას აქ
არაერთი ლიტერატურული საღამო გაუმართავს. მაგრამ მთავარი
ის არის, რომ პოეტის ბავშვობის, ყრმობისა და სიჭაბუკის ხანა
აღსავსეა ამ ქალაქთან დაკავშირებული შთაბეჭდილებებითა და
მძაფრი განცდებით. ალბათ ამ სიახლოვემ, ღრმა სიყვარულმა
გაუწინა უკვე სახელმწიფოებრივ პოეტს სურვილი, სამტრედიას

¹ გაზ. „ცნობის ფურცელი“, 1903, №2093.

² გაზ. „ივერია“, 1892, №78.

³ გაზ. „ცნობის ფურცელი“, 1897, №291.



საგალაქციონო დარქმეოდა.

მოგვიანებით გალაქციონი წერდა:

„შენთვის არავის უძღვინია ლექსი, რომ ვერ ვაშენევენ აღბათ ბედია. შენ ხომ სახელად ატარე დაბა – თან მხოლოდ დაბა და სამტრედია. წინათ ბორბლები დილიჯანსების გაიძახოდნენ: ტობა, სანინო. ეხლა კი მინდა უზარმაზარი შენში ქალაქი აღმოვანინო. ინდუსტრიული დროის სიმბოლო! ინდუსტრიული დროის რეფლექსი! პოეზიისთვის ნემგან პირველად – აღმოვინიღო: ქალაქი-ლექსი!“

ჭკვიშუე გადიოდა სამტრედია-ვანის საფოსტო გზა – სანინოს თემის ძირითადი არტერია. ყოველდღე ზანზალიკების წკარუნით ჩაიქროლებდა დილიჯანსი გალაქციონის ეზოს წინ, ჭრიჭინით ჩაივლიდნენ დატვირთული ურმები. გარემოს აცოცხლებდა ჩაღვადრების ჩუეული სიმღერა.

კვირაში ერთხელ კულაშელი მეწვრილმანის ჯაგლაგი ცხენი გამონდებოდა ორღობებში და გააკიოდა ისაკა: საპონი, გუნდა, მიხაკი, ფართალი...

შემოდგომაზე ჩარჩების შემოსევა იწყებოდა. გზისა პირას ჩაღის ქოხებს დგამდნენ და კაპიკიან ტარანსა თუ ქინძისთავეში ოცდახუთ ტაროს ძალავდნენ ბავშვებს.

სოფელი ეკონომიკურად ღონივრად გამოიყურებოდა. „ჭკვიშელი გლეხი საზოგადოდ შეძლებულია. ძვირად მნახავთ აქ გლეხს, რომელსაც ოდა არ ედგას. ოდის აშენება თითქმის ავადმყოფობადა აქვთ აქაურებს გარდაქცეული. იშოვნის ოცს, ოცდა-ხუთს თუმანს თუ არა, მაშინვე ეშურება ოთხ-ხუთ თვალბანის სახლის აშენებას“¹.

შემოსავლის ძირითადი წყარო სიმინდი იყო. „ძნელად მოიპოვება იმისთანა კომლი, რომელმაც, რაც უნდ ცუდი მოსავლიანი წელიწადი შეხვდეს, ასი-ორასი ფუთი სიმინდი არ გაყიდოს ყოველ წელს. არიან იმისთანებიც, რომელნიც ოთხას ფუთამდის პედიან“².

გლეხები ხელს იმართავდნენ აგრეთვე აბრეშუმის პარკით. ეს საქმე, როგორც ჩანს, სარფიანი იყო, რაც დასტურდება ერთი კერძო

¹ გაზ. „ივერია“, 1892, №62.

² იქვე.



ბარათითაც. გალაკტიონის დედას ფული უთხოვია მაზლისთვის. პასუხად იუსტინე წერს: „...დღეს იმისთანა ვიწროობა მაქვს, რომ ვერაფერს ვერ ვიხერხებ, სხვაგან რომ ვიშოვიდე ვისეხებდი და ისე გამოვიგზავნიდი. მარა როგორც მე არ მაქვს, ვგონებ, არც სხვას უნდა ქონდეს. ჯერ აბრეშუმი არ შემოსულა და ისე ფული, ხომ იცი, საიდან უნდა შემოვიდეს ჩვენში. ჩემი შემოსავალიც ამაზეა დამოკიდებული...“

ჭყვიში გამორჩეული იყო იმით, რომ აქ არცერთი თავადი არ ცხოვრობდა. ალბათ ესეც აპირობებდა მოსახლეობის ყოფასა და ურთიერთობაში სიღალღესითამაშეს.

პატარა გალაკტიონი დაკვირვებით ადევნებდა თვალს სოფლის ცხოვრებას. მის გონებაში ღრმად იბეჭდებოდა სოფლის სურათები, ყოფითი დეტალები და სიტუაციები, რომლებიც შემდეგ პირდაპირ თუ ირიბად თავს იჩენს მის შემოქმედებაში.

რა შეიძლება ითქვას ჭყვიშის გარემოსა და ლანდშაფტზე, როგორც გალაკტიონის ხასიათისა და ბუნების განმსახლავრელ ერთ-ერთ წინა პირობაზე?

—ცენტრალურ გზას პატარ-პატარა შუკები ერთვის. შუკის ორივე მხარეს არცთუ დიდი ეზოები ბროწეულის ღობეებს მოუშვეყდევიათ, ჭიშკართან კაკალი ან თუთა შრიალებს. ხახლის წინ გაფენილ მოლს ომბალო მოძალებია. უკან მუხის ბოძებზე შემდგარი სასიმიინდვა. მოშორებით ხურმისა და ტყემლის ხეებზე ქათმები იბუღებენ.

ჩარღვლებით შემოაკაგებულ ბოსტანში კვეერა მხალი, პრასი და ჭყიმა ხარობს, დიდი თეთრი გოგრები ძლივს იმაგრებენ თავს ისლიან სახურავზე.

საკმარისია წარმოწვიმოს და ტბორებით ივსება ეზოები. მერე მზე გამოანათებს და ადის ოხშივარი მიდამოს. ბოლავს ხავსმოკიდებული ყავრები, შრება აივანზე გამოფენილი ღამით დანესტიანებული ქვეშაგებელი.

სოფელსა და მის შემოგარენში უამრავი ფშანია. წუიან კოლოები და ბობოქრობს მაღარია. „მღერის გომბეშო გაუშრალი და ოქროპირი“ მდინარის პირას, გუბერებში, ეზოში. მას მოძახილს აძლევს ხეზე შესეკუული ვასაკა.

აქ ანწლი და ჭიაფერა კაცის სიმაღლისა იზრდება. შემოდგომით ღობის გასამაგრებლად ჩასობილი ტირიფის სარი გაზაფხულზე ტანშეფოთლილი ხეა.

ტიციანი წერს: „ტროპიკული გვიმრები, ლიანები, ჭადრებისა და აღვის ხეების ხშირი რიგები და ალაგ-ალაგ ჭაობიანი სახნავეების ფართო არე ჩემს გონებაში აცოცხლებდნენ მაინ რიდისა და

ალექსანდრე დიუმას რომანების გმირებს... განსაკუთრებით დამამახსოვრდა მზის ჩასვლა რაიონისპირა ველებზე როდესაც მზე ცვეცხლმოდებულ მეწამულ პალიასტომის ტბაში ჩაეშვებოდა ხოლმე და ცას სანახევროდ კოლოები ჰფარავდნენ¹.

ციებისაგან გატანჯული ჰყვიშელ ქალს, რომელსაც შუბლი მხლის ფოთლებით შეუხვევია, პოეტი ქეთევან წამებულს ადარებს.

სოფელს რიონი აძლევს რიტმს. იგი მოწყალეც არიც და დაუნდობელიც. მოაქვს შლამი და ანოყიერებს სახნაუ-სათესებს. მას უმადლიან თევზს, შეშას, ხაშენ რიყის ქვებს... გვიან გაზაფხულზე გაბოროტებაც იცის. ნაპირებიდან გადმოვა. მოხვეტს ყველაფერს, რისი მოხვეტაც კი შეუძლია, დატოვებს ხაშმს და გაიღალღება.

დავესესხებით „სამშობლოს“ ერთ კორესპონდენციას.

„26 ივნისს, გათენებისას, შეიქნა ხალხში გულ შემზარავი კივილი, აბა, წყლის დანახვაზე ერთი მეორეს გასძახოდნენ: თავს უშველეთ ხეებზე გასვლით. აგერ დედა აღვიძებს თავის პატარა შვილებს და ბავშვებით ხელში გარბის ხეებისაკენ. აკვანი დღესაც ბევრ ალაგას არის ხეებზე ჩამოკიდებული“².

და შემდეგ:

„ამრიგათ განვლო თითქმის ერთი დღე-ღამე. ხალხი მშვიერ-მწყურვალე ხეებზე იყო შებუდრული, უმწუთო დარჩენილი შეყურებდნენ ყველაფერს“³.

წყალდიდობამ სოფელი გაანადგურა. ასეთი შემთხვევები არცთუ იშვიათი იყო. მაგალითად, 1922 წლის 16 ოქტომბერს ტიციანი მეუღლეს სწერდა: „ჩვენი სოფელი რიონს სულ გაუფუჭებია“.

რიონთან დაკავშირებული დეტალები ყოველდღიურ ყოფაში ძალუმად შემოიჭრა. მაგალითად, იტყოდნენ: ხე იმოდენა იყო, ერთი ნავე შეშა ავიდაო. ან მავანმა და მავანმა ერთი ნავე სიმინდი გაყიდაო, ნავემა საზომი ერთეულის ფუნქცია შეიძინა.

სხვათა შორის, გალაკტიონისათვის რიონი უფრო მეტი იყო, ვიდრე ჩვეულებრივი მდინარე – მეგობარი და ცხოვრების სიმბოლო, სანუკუარი ფიქრების აღმძურელი და მესაიდუმლე, ტბობის საგანი და „მემატიანეც“. ამიტომაც ამბობს:

„სიტყვით რაც ძველებრ
ხატავს კარგს, ფაქიზს,

¹ ტ. ტაბიძე, თხზულებანი სამ ტომად, ტ. I, 1966, გვ. 1.

² გაზ. „სამშობლო“, 1915, №119.

³ იქვე.



მე ვამბობთ
მშვენიერ ფაზისს.
მონად ვარ, მიწად
მიხი ქნარისა,
სინარნარისა
და სიციხეებისა¹.

აქ ერთ ფრიად მნიშვნელოვან საკითხზე უნდა შევხედო. გალაკტიონი ხშირად ესაუბრება მდინარეს. გთხოვთ, ამ ფრაზას ფიგურაულად გამოთქმად ნუ მიიხედავთ. იგი პირდაპირი მნიშვნელობით უნდა გავიგოთ.

ღიახ, გალაკტიონის ურთიერთობა წყალთან განსაკუთრებულია. მას ეხერხება ტალღებთან უბნობა. ამას მხოლოდ ინტუიციას ნუ მივაწერთ.

ღღეს უკვე დადგენილია, რომ წყალს აქვს ინფორმაციის მიღებისა და გადაცემის უნარი და რომ დრო და სივრცე სულაც არ ქმნიან ამ შემთხვევაში წინაღობას. სწავლულებისათვის ისიც ცნობილია, რომ წყლის ენერგეტიკული სიძლიერე დღე-ღამის სხვადასხვა მონაკვეთში განსხვავებულია.

...წყალს, ქიმიური ფორმულის (H_2O) გარდა, გააჩნია მისტიკური თვისებები – იგი ფიქრობს, აზროვნებს, ინფორმაციის მატარებელია და, რამდენადაც გასაკვირი არ უნდა იყოს, გააჩნია სმენაც. ცნობილმა მუსიკოსმა და პროფესორ-მედიკოსმა სერგეი სურმაჯანმა ჩვეულებრივ წყალს მოასმენინა მუსიკა და აღმოაჩინა ის, რომ მუსიკა ხელს უწყობს წყალში ჰიდროქსიდის (წყლის შემადგენელი დამუხტული ნაწილი) მომატებას. სხვა მეცნიერებმა კი უახლესი ტექნიკით აღჭურვილ ლაბორატორიებში დააფიქსირეს შემდეგი: წყლის კრისტალები სხვადასხვაგვარად რეაგირებენ კლასიკურ, ხალხურ და თანამედროვე მუსიკაზე. ულტრაიისფერი სხივებით გადაღებულ კადრებში გამოჩნდა წყლის კრისტალებზე რიტმული მოძრაობა.

მუსიკის ტაქტის მიხედვით წყლის კრისტალები ემოციას ვიზუალურად გადმოსცემენ – სასიამოვნო პანგების დროს ესთეტიკურ ცოცხალ ნახატს ქმნიდნენ, ხოლო მძიმე, დაძაბული მუსიკის მოსმენისას ერთმანეთზე ვჯახებოდნენ და პანიკურად მოძრაობდნენ, უფრო მეტიც, წყალს შეუძლია თავისი თვისებების შეცვლის შესახებ ინფორმაცია გადასცეს სხვა წყალს, რომელიც მისგან შორი მანძილით არის დაშორებული².

¹ გ. ტაბიძე, თხზ., ტ. XI, გვ. 305.

² იგორ დოლიძე, რატომღაც წყალი სკანდალური საიდუმლოს მატარებელი?, ჟურნ. „ფენომენი“, 2005, №8, გვ. 7.





ცხადია, პოეტს ყოველმხრივ გაცნობიერებული არ აქვს წყლის საიდუმლო ბუნება, მაგრამ დარწმუნებული ვარ, რომ რეინისაგან იგი არა მხოლოდ უნერგიას იღებს, არამედ ინფორმაციასაც იღებს დაუბრუნდეთ განშტოების სათავეს.

სოფლის ცენტრში ხის ეკლესია ღვას. წირვიდან გამოსულნი ცაცხვის დაკორებულ ფესვებზე ჩამოსხდებიან, ნაწილიც მიწაზე მოირთხამს ფეხს და ყვებიან თავიანთი გაჭირვებისა და დაღვინების ამბებს. მერე სიმღერას წამოიწყებენ და უფინება მიდამოს იმერულ-გურული პანგები. პატარა გალაკტიონსაც გული იქეთ მიუწევს. გაირინდება, თვალებს მილულავს და არა მხოლოდ რიტმს, არამედ ხედავს კიდევ სიმღერას.

ზოგჯერ შეკრებილთ მღვდელი ან მასწავლებელი შეემატეა და საუბარიც სხვა კალაპოტს იღებს. გლეხებს არიგებენ, ურჩევენ, უხსნიან.

შაბათ საღამოს ჯარიანობა უწყობა. „... შეიკრიბებოდნენ გოგობიკები ცაცხვის ქვეშ ეკლესიის გაღაფანში და აწრიალდებოდა გარმონი, რომელსაც აქ „მუხიკა“ ჰქვიაოდა.

ყველაზე უფრო მეტიხარა გოგო მოიდერებდა ყველს და იტყოდა შაირს, სადაც ჩამოთვლილი იყო ყველა ქუთაისელი ექიმი: ხეჩინოვი, ნაზაროვი, მგონი სამსონ თოფურიაც, - ვიხედაც ეს ქალბატონი არ აპირებდა გათხოვებას, და დაათავებდა:

*... მე წავეყვები გომართელსო,
გული შტკივა, მომარჩენსო!*

- შენ რაც გტკივა, ბიძია, კი ვიცი, მაგრამ გომართელს სად აქვს შენი მორჩენის თავი, - იტყოდა შეჭადარავებული სოფრონა, რომელიც ფაენივით განდებოდა ცაცხვებთან და ნახსი თვალით ათვალდებოდა შეუკებში წამოზრდილ ახალგაზრდობას¹.

გალაენის აღმოსავლეთით დუქნებია, აქ ჩერდება დილიქანსი. აქვე ისვენებენ მურმეები და ჩალვადრები. ურემს ქვეშასადგამზე შეაყენებენ. ცხენებს საპალნეს ჩამოხსნიან და თხრილის პირას მირეკავენ. წაიხემსებენ და ზოგჯერ თვალსაც მოატყუებენ.

მომავალი პოეტი მძაფრად განიცდიდა ყველაფერს. ბუქის ბუნება - განსაკუთრებით შემოდგომისა და ზამთრის პეიზაჟები - მასში გაუცნობიერებულ სვედას ბადებდნენ, ფიქრისა და ოცნებისაკენ უბიძგებდნენ.

სწავლულები ამბობენ, რომ ადამიანის ორგანიზმი მშობლიური მიწის ატომებისაგან შედგება, რომ პიროვნებასა და მშობლიურ გარემოს შორის ქიმიურ ელემენტთა მუდმივი ცვლაა, რაც პატრიოტიზმის საფუძველი და ინდივიდის მეობის ერთ-ერთი

¹ ტ. ტაბიძე, თხზ., ტ. 3, გვ. 43.



განმსახვრელი ფაქტორია.

გალაკტიონიც ჭყვიშის ატომებით, მისი ხმებით, ფერებში და სხედით ღრმად არის გაჯერებული. იგი მთელი არსებობის სულით ეჯაჭვება მშობლიურ გარემოს, რაც კარგად წარმოჩინდება პოეზიაში. გალაკტიონის შემოქმედება უთუოდ დავადებულია ჭყვიშისგან. ეს სოფელი არცთუ იშვიათად იყო პოეტური ხილვა-აფეთქების წყარო და ობიექტი.

აბხურდი იქნებოდა იმის თქმა, რომ გალაკტიონი, როგორც მწერალი, არსებითად ვიწრო მშობლიურმა ბუნებამ და გარემომ შექმნა. იმ წიადში ასობით სხვამაც აახილა თვალი, მაგრამ მასაყით არაყის გაუშლია ფრთები. გალაკტიონი იმიტომაც არის გალაკტიონი, რომ გასაოცარი, უღრმესი ხილვები და შეგრძნებები კქონდა, მისი გული სეისმოლოგიური სისუსტით აღნუსხავდა უმცირეს ძვრებსაც და ეს მაშინ, როცა სხვები დედამიწის შებარბაცებასაც კი ვერ გრძნობდნენ. ამ თანდაყოლილი ნიჭის გამახვილებას უთოდ შესამჩნევად შეუწყო ხელი რიონის სანახებმა და ყმაწვილობის დროინდელმა დაკვირვება-შთაბეჭდილებებმა. ბუნება არა მარტო ტკბობის წყარო იყო მისთვის, არამედ განწყობილებათა მიზეზი თუ საბაბი, მძლავრი იმპულსების წარმომშობი, ღირიკულ გამძაფრებათა სათავე, სტრიქონებში განცდათა დაურევების საფანელი...

ჩვენ ვერ შემოვიფარგლებით იმის აღნუსხვით, თუ რამდენჯერ არის ფიქსირებული გალაკტიონის ღირიკაში მშობლიური ტოპონიმები, როგორი სტრიქონები უძღვნა პოეტმა ჭყვიშის, შუამთის თუ საპაიჭოს სანახებს. როგორ იგონებს იგი ბავშვობისა და ყრმობის ეპიზოდებს. ეს თავისთავად მნიშვნელოვანი საკითხებია, რამეთუ იგი ნიადაგისა და ნაყოფის ცნობილი დილემის გადაჭრის წინა პირობაა. მაგრამ ამით დაკმაყოფილება პრობლემის პროკრუსტეს სარეკელზე მოთავსებას დაქმნავს, საოცრად დაკნინდებოდა და პროვინციულ ხასიათს მიიღებდა გალაკტიონის პოეზიის ჩვენთვის საინტერესო ნაკადი.

განსაკუთრებით მნიშვნელოვანია და აგრეთვე მხელსაკვლევით, თუ მშობლიურმა გარემომ რა გავლენა მოახდინა გალაკტიონის პოეტურ ფორმირებაზე. შეიძლება ლექსში სრულიად არ იხსენიებოდეს საჩინოს თემი თუ ტობანიერის ჭადრები, მაგრამ იგი სწორედ „სოფლური“ განწყობილებითა და შთაბეჭდილებებით იყო შთაგონებული.

გაგვიჭირდებოდა იმის თქმა, რომ გალაკტიონი საგანგებო გამოცალკევებით იხსენიებდა მშობლიურ სოფელს. მოგონებათა მოვანების ვაჟს, ჩვეულებრივი საუბრისას თუ სერობისას ბევრის

მხილველი მგოსანი მისთვის ნიშანდობლივი ნახევარტონებით, უეცარი შეყოვნებითა და მოცახცახე კილოთი ყვებოდა მრავალი ქალაქისა და სოფლის ამბავს. და მაინც, თუ შეპირისპირებაზე მიდგება საქმე, მის მოგონებებში პირველობის პაღმას ისევე ქუთაისი და პეტერბურგი ისაკუთრებენ. (თბილისი განცალკევებით დგას გალაკტიონის ცხოვრებასა და შემოქმედებაში. იგი არა მოგონებების, არამედ ყოველდღიური განცდის საგანი იყო).

აღნიშნული ფაქტის ერთი გარემოებით ახსნა სწორი არ იქნებოდა. შეიძლება იმანაც იქონია გავლენა, რომ გალაკტიონი დიდხანს არ ცხოვრობდა ჭყვიშში და არც ხშირი სტუმარი იყო მისი. ალბათ იმანაც, რომ თავი „სრულიად საქართველოს ძედ“ გამოაცხადა, იმანაც, რომ მგოსანი გულის ძაფებით ენასკეებოდა ყოველ ახალ ადგილს... ამიტომაცაა შინდისი, ყვარული თუ ბათუმი ესოდენ მახლობელი მისთვის... ეს, რა თქმა უნდა, სრულიადაც არ ნიშნავს, რომ პოეტმა ზურგი შეაქცია მშობლიურ სოფელს.

გალაკტიონისათვის ძვირფასი იყო ჭყვიში და მისი მოსახლურე სოფლები. იგი არაერთხელ დახდგომია ნათესავებთან თუ ნაცნობ ჩაღვადრებთან ერთად დედუღეთის გზას. ჭყვიშიდან აღმოსავლეთისაკენ გაუტევედნენ და ერთ საათში შეამთას მიადგებოდნენ. შემდეგ სამხრეთისაკენ აუხვევედნენ და იწყებოდა აღმართ-დაღმართები, ყუმურზე გადებული ბოგირები, ფერად-ფერადი კორდები და შექქნული კორომები.

ზოგჯერ ტობანიერის მუხნარს გვერდს აუვლიდნენ და დასავლეთის შარას გაძყებოდნენ. ნახერალის ჩასახვევთან შეჩერდებოდნენ. გალაკტიონს განსაკუთრებით უყვარდა ეს ადგილი. უზარმაზარ სამიჯნე ქვაზე გარკვევით იკითხებოდა: „მეფემან სოლომონ გაენათს შევსწირე“ (ესე მიწანი). პატარა ბიჭის წარმოსახვაში ასოების მიღმა ფერადი სურათები ცოცხლდებოდა XVIII საუკუნის იმერეთი, ოქროს ჩარდახი, ბრძენი ხელმწიფე, ფანტასტიკური გელათი და...

გზად მიქელეფონში შესივენებდა. აქ მამიდა ეგულებოდა – გერმანე გიორგაძეზე გათხოვილი მორცხვი და კეთილი ტერეზა. გალაკტიონს გამორჩეულად უყვარდა უფროსი მამიდაშვილი გიორგი და ეს სიყვარული ბოლომდე შეინარჩუნა. ხვევრიანე კეკელიძის (გალაკტიონის მამიდაშვილის – ოღლას მეუღლის) ოჯახში ახლაც სათუთად ინახვენ გალაკტიონის მიერ გიორგისადმი მიძღვნილ წიგნს ძვირფასი წარწერით.

ცოტა კიდევ და საოცნებო საპაიჭოც. აღეშვილების წაბლის ოდა ფართო აივნითა და ღამაზი რიკულებით თითქოს გულში ჩასაკრავად იწვევს. 19 წლის გალაკტიონს დღიურში ჩაუწერია:

„ეს ადგილი მთიანია, კარგი პაერთ და ნათესავეებიც კარგი ხასიათისანი მყვანან იქ“.

იმერეთის ამ პატარა კუთხემ მძლავრად შეარხია პოეტის სული და ფეხვი გაიდგა „მშვენიერ წიგნებში“. მოგვიანებით შეთხზულ ერთ ლექსში გალაკტიონი ამბობს:

„სადაც არ უნდა ვლიდეს
ეს საპაურო გემი,
მაინც ფაზისის კიდეს
უვლის ოცნება ჩემი.

სადაც მგზნებარე ბავშვი
ქარის პირისპირ ვჭროდი;
ველად, ყანა ში, ნავში
მღერდა ზვირთების შფოთი“.

მაინც როგორ არის დახატული მშობლიური სოფელი? მოვიგონოთ ცნობილი ლექსი „ომნიბუსით“.

„ეზოს ახსოვს ყოველ წუთის
შარაგზა და გადაღმა.
ისევ იქ დგას ჩრდილი თუთის,
ცაცხვეები კი გადახმა.
და ტირიფიც მაღლარ მტკუნით!
სასაცილო ტირიფი,
გადახრილი შედმიწუნით,
მსუბუქი და ირიბი.
დაფენილი, თითქო ომში,
ფშანია თუ ეალტამი?
ველად ყრია ღურჯი კომში
და ცისფერი ატამი.
აღუბლები ისე ჰქრიან –
სეუდიანნი სიონი,
და სახელად რიონს ჰქვიან
ისევ იგი რიონი.
ისევ ჩნდება მწვერით ველი,
ლაღლა თვალს ეცეცება.
ღამჯამობით მოდის მგელი
და საქონელს ეცემა.
დარჩენილი მინდვრად ჩაღა,
დანისლული კოპიტა.

¹ გ. ტაბიძე, თხზ., ტ. VII, გვ. 162.

განადგურდა მეფის კალა,
ნრდელი შემოდგომით...!



ვინც ერთხელ მაინც ყოფილა ჭყევიშში, მას არ გაუჩინებდნენ ამ ლექსში იქაური ლანდშაფტის დანახვა. უფრო მეტიც, აქ ჩანს გალაკტიონის ეზოც: გზის პირად ჩაშვკრივებული ტირიფები იზაბელათი², კაშურითა და ალადასტურით გადაბარდნილი. კომშების რიგი და ბალახებში მიმოფანტული ყვითელი ნაყოფი. ცოტა მოშორებით ბუბუნა კოპიტები, სახლის გვერდით კი დიდი თუთა. გადაკვეთ შარას და ქალტამში ჩაფლული ბილიკი რიონთან მიგიყვანს. გზად შწყერი აგიფრინდება და შენს ხედვას მეფისჭაღისკენ გაიტაცებს.

ლექსში ირეკლება კონკრეტული ამბები, რომელთა მომსწრე გალაკტიონი ყოფილა. (ეს ფიქსირებულია მის დღიურებშიაც). დამღამობით შგლები რაიონის ტოტს გადმოსცურავენ და კუნძულ ხედიფზე საქონელს გლეჯდნენ.

გალაკტიონი არა მარტო ხედავს, არამედ განიცდის. ჩვენ გვესმის რომანტიკოსის გულის ფეთქვა. მგოსანი მშობლიური სოფლის ტიპურ მომენტებზე ამახვილებს ყურადღებას და ხურათის ჩარჩოსაც აფართოებს, რაც საბოლოოდ გრძნობათა განზოგადოების საფუძველიც ხდება. ესეც ხელს უწყობს ლექსის მასშტაბურობას და განცდის კონკრეტული საფუძელის ფართოდ გააზრებას. ამიტომაც არის, რომ ჩვეულებრივმა მკითხველმა ამ ლექსში შეიძლება ვერ ან არც დაინახოს ჭყევიში (ეს არცაა მისთვის მთავარი). მას პოეტური განწყობილება ხიბლავს და არა ფაქტურა.

ვიმეორებთ: ლექსში ჩანს გალაკტიონის მშობლიური სოფელი, მაგრამ არა ეთნოგრაფიულ-პუბლიცისტური სიზუსტით. სოფლის რეალებს შენარჩუნებული აქვს კონტურები, ამასთანავე მინიჭებული აქვს გლობალურობის ფუნქციაც. ამიტომაც არის ხსენებული ნაწარმოები ესოდენ ღრმა, ტვეადი და მომხიბვლელი.

ხედვისა და წერის ამგვარი მანერა ნიშანდობლივია გალაკტიონისათვის. იგი უმეტეს შემთხვევაში არ ასახელებს სოფელს, მაგრამ ისეთ მომენტებსა და დეტალებზე ამახვილებს ყურადღებას, რომლებიც მშობლიური გარემოს ხატს იძლევა. ეს შემთხვევითად არ უნდა მივიჩნიოთ. იგი პოეტის კონცეფციის,

¹ გ. ტაბიძე, თხზ., ტ. I, გვ. 330-331.

² ეაზის ამ ამერიკულ ჯიშს, ჩვენში „ადესას“ უწოდებენ. როგორც თვლი სახოკია შენიშნავს, „ალბათ იმიტომ, რომ ქ. ოლესიდან მოუტანიათ“ (თ. სახოკია, მოგზაურობანი, 1950, გვ. 231).

სტილის ერთ-ერთი მეტყველი გამოხატულებაა. გალაკტიონის
სოფელი აინტერესებს, როგორც მიზეზი თუ საბაზი ღირსეული
განცდისა. ყმაწვილური მოგონებები, ბავშვობისდროინდელი
ეპიზოდები მისთვის საშენი მასალაა, მაგრამ არა მხოლოდ
მასალა. ამგვარი მიდგომა, როგორც ითქვა, ფართო განზოგადობის
საფუძველს ქმნის და მასშტაბურობას უწყობს ხელს. გავიხსენოთ
ქართული ღირიკის ერთ-ერთი საინტერესო ნიმუში „ჭარხალი“.

*„ეზოში ყუფდა ბამბურა მურა,
ეზოში მწვანე კვეთდა ბო,
ვახის ბარდებში სცურავდა სურა,
შენ ბანცაღებდი, ბურულო ცაო.“*

*ბობრი ბელავდა კახამბაღს, ეოლას,
ბირკვიღს ბატები ქარმა მორეკა,
ცა წამოიწყებს მსხვილ წვიმის სროლას
და აბლაბუღას კრებს ბობორიკა.*

*ჟჟური, ვაღტამი! მოჭრილი სამხარს,
ნახირი მოდის საღამო დროის,
უცებ მოაქვება ჭარხალი ხარხარს
და ქალი პიკის იმ „ღოი-ღოი“-ს.*

*მკვეთა ქარი ბურდებსა და რტოს,
უცებ აშფოთდა ისლი, ნელტები.
ო, სიყმაწვილე! აწი არახდროს
იმგვარად აღარ ამეტყველდები“.*

სიყმაწვილისას სამყაროს აღქმა ამადლებული განწყო-
ბილებით ხდებოდა, რასაც კონკრეტული სურათები აპირობებდა.
ამრიგად, სოფლის პეიზაჟს ღრმა დატვირთვა მიეცა. იგი
ადრინდელი შთაბეჭდილების პოეტური დასაბუთებისთვის არის
მოშველიებული. ეს მით უფრო მნიშვნელოვანია, რამდენადაც
იმჟამინდელი სევდის საფუძველზეც მიგვანიშნებს.

სოფლის სურათი რომანტიკულად არის წარმოსახული
და მკითხველისთვისაც აშკარაა, რომ ობიექტის სიმშვენიერემ
განსაზღვრა განცდის მომხიბვლელობა. პოეტმა სიყმაწვილე
თვალწარმტაც ხატებსა და ტკბობას შეუწყვილა. ამიტომაც
განიცდება ასე მძლავრად მისი დაკარგვა.

¹ გ. ტაბიძე, თხზ., ტ. I, გვ. 331-332.



ჩანაფიქრის გამოსახატავად ზუსტი გზა და საშუალებები
 თუ ვერ მოიძებნა, ეფექტი სუსტდება. განცდა რომ *ჯადამდებო*
 იყოს, მას, უპირველეს ყოვლისა, სიწრფელე და *სწავილობა*
 უნდა ახასიათებდეს. ღექსი პოეტური ლოგიკურობით უნდა
 გამოირჩეოდეს. ამიტომაც განსაკუთრებული მნიშვნელობა
 ენიჭება ფაქტურას (ამ ტერმინს ფართო გაგებით ვხმარობთ).

გალაქტიონი ამ მიზნით ზოგჯერ სოფლის,
 ჭაბუკობისდროინდელ მოგონებებს მიმართავს და საუკეთესოდ
 აღწევს მიზანს. ღექსში „როგორც მენავემ ძველი სანავე“
 პოეტი განახლების ქარის სუნთქვას გრძნობს და სახიამოვნო
 ცვლილებებს ჭკრეტს. ამიტომაც ნატრობს:

*„ნეტა ამ ნავში დამაძინა და
 გამომაღვიძა ასი წლის გარე –
 მანახვა: რა მხრით, როგორ ინათა
 და როგორ ნათობს აქ მზე და მთვარე“.*

სურვილისა და განწყობილების სიწრფელე, ბუნებრიობა
 შეპირობებულა ღექსის წინა სტროფების შინაარსითაც.

*„როგორც მენავემ ძველი სანავე,
 ვით გულმა გული და მკლავმა მკლავი,
 ისე პირველი ნახვისთანავე
 ვიცანი ჩვენი მდინარის ნავი.“*

*ჩემი ყრმობის ხნის, დიდი ხნის წინედ
 ამ ნაპირებმა, სავსემ მწვანეთი,
 იცოდა, საჭკვე, რა გულმოდგინედ
 დავიშველობრეთ ჩვენ ერთმანეთი“.*

მშობლიური ადგილების ამგვარად წარმოსახვამ, მოგონებებმა
 გზა მოუტრეს ყაღბ პათეტიკას. სურვილისა და მისი გამომწვევი
 მიზეზის ოსტატურმა გადაჯაჭვამ ღექსი შინაგანად გაამთლიანა.
 ჩემთვის გასაგებია გალაქტიონის ნაწარმოებთა არაერთი
 ქვეტექსტი. მისი ღექსების კითხვისას ზოგჯერ ისეთი განცდა
 მეუფლება, თითქოს გულდაგულ ვჭკრეტდეთ თუ საიდან იღებს
 სათავეს პოეტის განწყობილება და როგორ ნიუთდება იგი.

ღექსს „მოდის ჭაღების სული მცურავი“ ყოველთვის
 ჭკვიშში გადავყავარ. რატომღაც მგონია, რომ იგი დედის
 წერილითაა შთაგონებული. ტაბიძეების საგვარეულო არქივიც
 ასეთი დასკვნისაკენ მიბიძგებს. „ფიქრიდან განუშორებული

¹ გ. ტაბიძე, თხზ. ტ. IV, გვ. 34.

² იქვე გვ. 33.

შვილისადმი“ გავზავნილ ბარათებში დედა დაეინებოთ იმეორებს: ნამოდი სოფლად, ნუთუ არ გენატრება აქაურობა?! მე მუდგუნობა ნადგურდება, რიონიც გვიტყვს...

მგოსანი თითქოს სვედიანად დასცქერის ამგვარ ბარათებს და იბადება სტრიქონები:

„შენ არ ივონებ ეზოებს, ფაცხებს,
არ გახსენდება დიდი შარავზა,
შენ არ დაუწყებ საუბარს ცაცხეებს,
აღარ გაუბამ მთებს ლაპარაკსა.
არ გავონდება ჩვენი თუთები,
არ გავონდება ჩვენი ფშანები,
არც შორი სახლი ნასათუთები,
არც ღრუბლიან დღის კაემანები“.

ლექსში გაცოცხლებულია ჭყვიშის პეიზაჟი.

„მდინარემ წყალი შემოადიდა,
კოპიტებთან დგას ზვირთი წყალისა.
დაფარულია მთელი მინდორი,
თანდათან მღვრიე რიონი მოდის,
მოაქვს ხაბო და ნასიმინდარი,
მოაქვს ამინდი წვიმის და შფოთის,
მოაქვს ხეები, მოაქვს მორები,
მოაქვს ჭალებს სული მცურავი,
მოუახლოვდა სახლებს მორვეი,
მდინარის რისხვა და სამღურავი“.


ტაბიძიანთ ეზოს სასაფლაო ეკერის. აივნიდან დადუმებული სამკკლო მოჩანს. მიტოვებული საფლავეები, მიწაში ნაკარგული ქვები, გაძარცული ცაცხეები და შემოდგომის ირიბი წვიმა აღიზიანებს წარმოსახვას. პეიზაჟი სულის სიმებს ათრთოლებს და ისევ ტივტივდება ყოფნა-არყოფნის დილემა. ცხოვრების წარმავლობით გამოწვეული განცდა ლექსს ემოციური შინაარსით ტვირთავს და მძაფრ ინტონაციებს მატებს.

„სადღაც შრიალებს ჭაობი ჭყვიშის,
შარასთან ორი ძველი ცაცხვია;
იქ ბევრი დარდის და ბევრი შიშის
გადამტან გულთა ფურფლი აწევია.
ხსოვნაც არაა, გამჭრალა ნიში;
რა სიშიშველვა, რა ხისაწყლვა!“

¹ გ. ტაბიძე, თხზ. ტ. I, გვ. 332.

² იქვე გვ. 332-333.

³ იქვე ტ. VII, გვ. 42.



ამჟამად ჩვენს ყურადღებას ღექსის ღრმა პოეტური შინაარსი კი არ იპყრობს, არამედ მისი შემაპირობებელი სეკუნდარული დეტალების ხაზგასმა. ცხადია, აქ სოფლის გარკვეული სურათი ჩანს, მაგრამ არა სქემატურ-დეკორატიულად. ბუნება დრამატული განცდის გამოვლენის საბაზი და ფონია.

თავისთავად ძალზე ღამაში და მომხიბვლელი სოფლის სურათი, თუ იგი პოეტის სულით არ არის გაშუქებული, ნაკლებ დაგვაკმაყოფილებს. გალაკტიონის ლირიკაში სწორედ მგოსნის განცდებთან შეწყვილებული და რამდენადმე აეტონომიადაკარგული სოფელი ჩანს.

*„მახსოვს ზაფხული ტობანიერის,
ჩვენი მდინარე და მეფის-ჭალა,
დედა სათუთად შლის „ივერიას“,
მდინარის ქარი ქერის ჩალა-ჩალა“.*

ეს სურათი ასოციაციების წყებათა წყებას ბადებს. მესამე ტაეპში ბევრი რამ არის ჩატეულ-ჩაქსოვილი. აქ იგრძნობა ის კულტურული ატმოსფერო, რომელიც ტაბიძეების ოჯახში სუფევდა; ის სიყვარული ილიასა და ქართული მწერლობისადმი, რომელსაც სათავე სტეფანე ტაბიძემ დაუდო. ან როგორ ნათლად ჩანს გალაკტიონის დედა – კრძალვითა და გატაცებით რომ ფურცლავს ჟურნალ-გაზეთებს, ლიტერატურის სიყვარულს რომ უღვივებს შვილებს.

სხვა რიგისაა მეოტხე ტაეპი. აქ წმინდა ჭკვიშური პეიზაჟი შეიცნობა: რიონისპირა ჭალებს მზე ძლიერ ატყვრს და სიღანარვეი ნიადაგიდან, ავარდნილი ბუდი მდინარეს ამოყოლილ ქვენა ქართან ერთად სიმინდის ღეროებს აშიშვლებს. სხვაგან სიმწვანეა, აქ კი ჩალა ხშიანობს. მესამე და მეოთხე ტაეპები ერთმანეთს ავსებენ. ღექსი დინამიკური და ტევალი ხდება.

*„არც ის ზაფხული არსებობს ახლა,
არც მეფის-ჭალა, არც ის მდინარე,
სულ სხვა დროებამ ხმა აღიმადლა
და გზა წაშალა მონანიარე“.*

განა აქ ფაქტის ფიქსაციია მთავარი? ზემოთ მოტანილ სტრიქონებში პოეტის წუხილია გამჟღავნებული და შეცდომა იქნებოდა, იგი კონკრეტული პეიზაჟის ცვალებადობით აგვეხსნა. აქ

¹ ბ. ტაბიძე, თხზ., ტ. VI, გვ. 188.

² იქვე გვ. 188.



უფრო ღრმა აზრია ჩაქსოვილი. ურვა განაპირობა ახალგაზრდობის, სიყმაწვილის დაკარგვამაც და მით უფრო ხშიანობს ეს დარღვი-
 მკითხველის სულში, რამდენადაც იგი ღირიკული გმირის ნათქვამ
 მოგონებებთან არის დაკავშირებული. ისიც უნდა ითქვას, რომ
 ამ ლექსში ნაღველი ყველაფერს როდი ახშობს. წუხილი და
 სიხარული ერთულეს კონტრაპუნქტად იწნება. „სხვა გზა“,
 „ფართო პორიზონტი“, სოციალური ცხოვრების გარდაქმნაზე
 მიგვანიშნებს და პოეტის აღტაცებას ამჟღავნებს. ერთი ხიტყვით,
 ლექსში შორიდან დანახული დეტალები კი არ ენასკვება
 ერთურთს, არამედ პოეტის მიერ განცდილი და ამაღლებული.

ზოგიერთ ლექსში სოფელი და ცალკეული საგნები
 გალაკტიონის პოეტური აფეთქებებისა და ყმაწვილური
 გატაცებების შესაიდუმლე-თანახიარად გვევლინებიან. ასეთ
 შემთვევაში უტყვის ამეტყველებიდან მომდინარე მძლავრი
 ეფექტი იქმნება და ნაწარმოები დიდი შინაგანი შუქით ნათდება.
*„ადგილები, სადაც დღის მებრმავეებდა მყობადი,
 შარა სანაპიროზე და მაისის „ნობათი“,
 მახსოვს მისი დღეები სამშაბათი, შაბათი,
 სანაპირო და ჩემი ჩაბაღახი, ნაბადი.
 ფაზის სანაპიროზე ცივის ცვართ ნაბანი,
 ჩემი ყრმობის ლექსების მოთაყვანე ლაფანი“.*

მშობლიური სოფელი და მასთან დაკავშირებული ამბები
 ყველაზე ვრცლად „მშვიდობის წიგნში“ აისახა. პოეტი დიდ
 ადგილს უთმობს ფაზისის ადიდებისა და მდინარისპირა
 სოფლის (იგულისხმება ჭყვიში - ნ. ტ.) გასაჭირის აღწერას.
 ცხადია, ფიქსირებული სურათები პოემის დედააზრის გაშლისა
 და სიუჟეტის განვითარებისათვის არის მოხმობილი.

გალაკტიონი უშუალოდ ხილულსა და განცდილს აღწერს.
 კითხულობთ პოემას და თითქოს ცხადლივ ხედავთ, თანდათან
 როგორ ივსება კალაპორტი. მოქუხს მღვრიე მდინარე და
 ხანხარებს ირგვლივ ყველაფერი. ტალღები ხან საბძლის კარს
 ატივტივებს, ხან კიდევ მორებს შეახეთქებს ურთიერთს. შუა
 მდინარეში ზოგჯერ გიდეულ-კალათებიც ამოყურყუმალავდება.
 დუქმორეული სტიქიონი ყველაფერს წალგაკით ეშუქრება. ხალხი
 ნაპირზე გამოფენილა. შიშამდგარი თვალებით გასცქერაინ
 პირმორღვეულ სიერცეს.

მერე ნავებს მოხსნიან და ნაპირზე ამოათრევენ.
 მდინარე უფრო და უფრო ზვაედება. ერთი მტკაველი რჩება

¹ გ. ტაბიძე, თხზ. ტ. VI, გვ. 235.

ხაბოს თავამდე, შეძრწუნებულნი შინ გარბიან და იწყება ქათმების
კრიახი, გოჭების ჭყვირილი, საქონლის ბლავილი, ოჩოფეხებზე
შემდგარ სასიძინდეებში უთაებოლოდ ყრიან ყველაფერს
მდინარე კალაპოტიდან გადმოდის, სისისით ავსებს წყალი
ფშანებსა და ეზოებს.

მაკრინე სხვენზე ეზიდება ბარგს.

— აბესალომ, წიგნები მომაწოდე!

— გატუნია, ფრთხილად ამოდი, შვილო!

და იზნიქება დირეებზე გადებული შქერის წნელით დაღობილი
ჩელტები ზანდუკებისა და ხალშების სიმძიმისაგან.

წყალი ტაბიძეების ქოხშიაც შემოიჭრება, კერიას გადაუვლის,
ნაცარს ააფუებს, ფიხის ნამწვავებს აატივტივებს. მერე ყუჩდება.

მაკრინე მუხის გრძელი კიბით დაბლა ეშვება. საქონელს
უნდა მიუგდოს ყური, გადის წუთები, საათები... მოსაწყენია.
გატუნია სახურაიდან ყავარს ამრობს და დატბორილ სოფელს
გასცქერის...

ყველაფერი ღრმად იბეჭდება გონებაში.

და აი, ათუელი წლების შემდეგ ყრმობისდროინდელი
შთაბეჭდილებები პოემაში ცოცხლდება. წარსულის განცდა
ძალზე მძაფრია და გალაკტიონი ღირიკულ გადახვევებშიც
ამჟღავნებს თავის ვნებათა ღელვას.

„იყო კარგი ტყე

და აღარ არის!

მე და შენ კი, პე,

ამ არე-მარეს

რამდენი წაში

გვახსოვს ხიამის...

ის დრო და ეაში

წყაა სიზმარეთს...“

„მშვიდობის წიგნის“ სიმღიერეს ისიც ამირობებს, რომ მასში
ძალზე რელიეფურად არის დახატული ცალკეული პასაჟები,
რომელთა წყარო ჭყვიშია. გალაკტიონი ყვებოდა ხოლმე: როცა
ადიდებული რიონი ეზოებს დატბორავდა, სოფელს ნავები არ
ყოფნიდა და ზოგიერთი ახალგაზრდა საწნახელს გამოაცურებდა.
ძნელი იყო საწნახელით წონახწორობის დაცვა. ყირავდებოდა
ეს უცნაური „ხომაღლი“ და გაბედული მესაჭეც თავიდან
ბოლომდე ილუმბებოდა. ეს სურათები თითქმის პირდაპირ არის
გადმოტანილი „მშვიდობის წიგნში“. პოეტი მსუბუქი იუმორით
აღწერს ეროდეს ფათურაკს.

¹ გ. ტაბიძე, თხზ., ტ. XI, გვ. 150-151.



მსგავსი მაგალითების მოტანა შორს წაგვიყვანდა. მთავარი ის არის, რომ პოეტი უხვად იყენებს სიყრმისას მენსიფერებებში ნაბეჭდილ ჭყვიშურ ეპიზოდებს ნაწარმოებთა საშენ მასალად.

აქვე უნდა გავიხსენოთ ის ვირტუოზული სახეები, ტროპები, რომლებიც მშობლიური ადგილების ხილვითა და შთაბეჭდილებები არის პირობადებული. სინამდვილე მძლავრ მეტამორფოზს განიცდის პოეტის სულიერ ქურაში, ახალ სიცოცხლეს იძენს და ისე გვექმლევა, მაგრამ, მიუხედავად ამ სირთულისა, ზოგჯერ მაინც ხერხდება „საწყისი პოზიციის“, განცდათა საბაბის თუ მიზეზების წარმოსახვა-მიკვლევა.

*„სალამოს ხანად ჩაღანდრის ცხენი
მე მაგონებდა გორებს შორეულს,
ფშანში ლანდივით დაცქერდნენ ხენი
ბინდის მეგობარს მოუშორებულს“.*

სოფელი საინტერესოა არა მხოლოდ როგორც ასახვის ობიექტი, როგორც კონკრეტული ლექსის თემა, არამედ სხვა მხრივაც. კერძოდ, იმ თვალსაზრისით, თუ როგორი გავლენა იქონია მან ინდივიდის ფორმირებაზე. ე. ი. ჩვენ გვაინტერესებს სოფლისაგან პირობადებული ხასიათ-განწყობილების შედეგი.

ცნობილია, მდიდარი ბიოგრაფია პოეტური ინდივიდუალობის ერთ-ერთი წინა პირობაა. რა თქმა უნდა, ყოველივე ინდივიდუალური არ გადატყდება პოეტურ პრისმაში, მაგრამ ისიც ფაქტია, რომ მრავლის ხილვა, განცდა, გააზრება აფართოებს ღირიკის ჩარჩოებს და ზრდის უშუალობას.

გალაკტიონის ბიოგრაფია ჭყვიშიდან იწყება. ჭყვიში და იმერეთი ხელს უწყობენ მისი თვისებების, ჩვევების გამოკვეთას. ცხადია, გეოგრაფიულ გარემოს პოეტური ხასიათის ერთადერთ განმსაზღვრელ ფაქტორად ვერ მივიჩნევთ, მაგრამ ვერც სულ უარყოფთ მის როლს.

შემთხვევითი არაა გალაკტიონის ლექსებში შემოდგომის ხმები და განწყობილებები.

უცნაური შემოდგომა იცის ჭყვიშში.

ნოემბერი წვიმაში იხრჩობა და ტირის ორღობეში ქალის ნაფხური...

ქარი ბებური ვაშლის ტოტს კედელს მიახლის, მცირე ხნით გაარინდებს და ფხაჭნით ჩააცურებს, თითქოს ზღურბლთან წაქცეული მგზავრი სადგურს ითხოვს. მერე მთელი ძალით ეცემა სახლს, ღრიჭოდ დარჩენილ კარებში შემოიჭრება, ააფუთფუთებს

¹ გ. ტაბიძე, თხზ., ტ. XI, გვ. 170.



საქართველოს ენციკლოპედია
საქართველოს ენციკლოპედია

იქაურობას და ჭეუჭტურანიდან გაიპარება.

ნედლ შეშას ისევ დააყრიან კერიას და ჯორკოს ცეცხლმანქანი მიანიჩებენ.

შემოდგომა სულშიც კონავეს. გინდა გაიქცე, გაიქცე; სულს მზით სავესე ლურჯი მონტვეიდეო სწყურია, მაგრამ გზა არსით არის.

იხრნობა ნოემბერი წვიმაში და ტირის ორღობეში ქალის ნაფეხური.

ბურუსი დასწოლია მდინარეს. მდუმარებას მოუცავს მეფისჭაღა. გაძარცვული და თავდახრილი ხეები თითქოს გაზაფხულის ცოდვებს ინანებენ. თაღხი მომატებია საფლავის ქვებს. სულს ზარავს ფეხმოტეხილი სამრეკლოს ყელგამოჭრილი სიშავე კვლავ უკრავს წვიმა ყავურის კლავიშებზე და ნელა იწვის ნედლი შეშა. სევდა გულს აღნობს. საშველი არ არის, არ არის, არ არის.

იხრნობა ნოემბერი წვიმაში და ტირის ორღობეში ქალის ნაფეხური...

ამ დროს ზოგჯერ სატრფოს სახე გაიფლევებს და მისი სიშორე თუ დუმილი კიდევ უფრო აბნელებს არეს.

ვეფიქრობთ, ასეთი განწყობილება უნდა შეიცნობოდეს ლექსში „შრიადლებს ჩაღა“.

*„შემოდგომა... შრიადლებს ჩაღა,
აჩაღეს ჩაღა, ზიდავენ შეშას,
როგორ აფიქრებს სამშობლო ჭაღა
ჭაობის ვარდებს, დახილულ ნეშოს.
შემოდგომა... დაყრუვდა შარა,
მოვიდა წვიმა, დამძიმდა ზვინი;
მოვა თუ არა, მოვა თუ არა? -
ოხვრით კითხულობს ცეცხლის შიშინი“.*

ბუნება გთანგავს, როცა სული სოციალური მიზეზებით არის შეწუხებული და ამას ემატება გარემოს სვედიანობაც, ლექსში მინორული ნოტები უფრო იკვეთება, უფრო მკლერი ხდება.

წვიმა ყველგან წვიმამაგრამ მისგან მომდინარე შთაბეჭდილება განსხვავებულია, რაც არა მხოლოდ სუბიექტის განწყობილებით, არამედ გარემოს თავისებურებებითაც არის პირობადადებული. სხვაგან შეიძლება, წვიმის წვეთები მეფსეულად იკარგებოდეს მიწაში. ჭკევიში კი იგი ტბორებს ქმნის, ტბორში წვეთთა ცვენა ძალზე თვალსაჩინოა, წვეთის გზაც გაგრძელებული. წვიმის

¹ გ. ტაბიძე, თხზ., ტ. II, გვ. 295.



შედგვი ძალზე რელიეფურად ჩანს და გამორიცხული არ არის, რომ სვედიან განწყობილებას ნაწილობრივ ესეც აძლერებდნენ, რეზულტატი უფრო გამაღიზიანებელი იყოს.

დიახ, აქ დროდადრო ხმელეთი თითქოს იკარგება. წყალი შუკვებში, წყალი ბილიკებზე, წყალი ეზოებში... ქოხებიც კი წყლიანია. ასე გგონი, შენი სხეულიც წყლისგან შედგება. ყველაფერი იღუმალებით არის მოცული.

მეცნიერება გვიმტკიცებს, რომ წვიმის წვეთების მონოტონური დაცემა იწვევს დაღლილობის განცდას. მაშასადამე, ბუნება გარკვეულ შემთხვევაში რეალურად ქმნის მოშვებულობის საფუძველს და ყოველივე ეს ირეკლება განმცდელის შემოქმედებაში.

რიონისპირა შემოდგომა; ქარის კენესა და სახურავიდან დაცურებული სისოფლე ალბათ ყველა მგრძნობიარე ბავშვს უბიძგებს სვედისაკენ, მოწყვნილობისაკენ. გალაკტიონის სიდიადე კი ისიცაა, რომ ეს იმპულსები დიდ სათქმელს დაუკავშირა, პოეზიის სფეროში გადაიტანა, ცალკეულ შტრიხებს გააზრებული დატვირთვა მისცა და სისტემის გამოხატვის ფუნქცია დააქისრა.

სულ სხვაგვარია ჭკეიშიში გაზაფხული... თითქოს ღამაში ქალი იჩქითად გაშიშვლდა... ყელმოღერებული მდინარე და ატკრცილებული სახურავი. აფეთქებული ატამი და დილის ცვარი... ამპარტავანი მამალი რძიანას ჩრდილს კენკავს. გადააქნტილი ტყემალი ქარის დაბერვაზე ისე ხრის ქქროს, თითქოს თეთრი იორღა აწყვეტას ღამობს... თუმცა, უმჯობესია გალაკტიონს მოვეუსმინოთ:

*„გაზაფხულია. ხე ფოთოლს იხსამს
ვაზის ცრემლებით აივსო ზვარი,
ამ მშვენიერ დღეს, ამ დილას სისხამს
ფეხებს გისუსხავს ეს უხვი ცვარი.*

*კარვია, როცა რიურავი მოსდებს
სიმინდს და ხეებს ნამუბის ლივლივს;
საკმარისია შეუხო ტოტებს
და ნაში თავით კოჭამდე გივლის.*

*შორით კი ხვამლი მოსწანს ცისფერი,
როსმე ის ნემი იყო ზმანება.
გაივლის თვალწინ იგი სიზმარი
და რაღაც მწარედ დამუნანება!**

* გ. ტაბიძე, თხზ., ტ. IV, გვ. 129.



ჭყვიშის, იმერეთის გარეშო ბადებს ხილბოსა და სინარარეს, თრთოლვასა და მუსიკალობას. გალაკტიონის პოეზიაშიც ხომ აშკარად მძლავრობს ეს ნიშნები.

გალაკტიონი ხშირად ახსენებს ალუნას: „მზეზე ყვაოდა სოფლად ალუნა“, „ალუნა შვიდი წლის ბავშვი“, „შეკიდებიან მთვარეს – როგორც მძიმე მტკვნები, თეთრ-ვარდისფერი ალუნი და შადრევნები“, „ფშვნდა ალუნა“, „სადამოხანად სოფლად ალუნის აშრიალება კი ნუ გგონია“ და სხვ. არც ისაა შემთხვევითი, რომ ღირიკული გმირის სახელად ალუნას ირჩევს. ყოველივე ეს ჭყვიშიდან მოდის.

მაისში ეზოს ალუნების ქოლგა ეხურა... მერე დამსკდარი მარცვლებიდან მზედ იღვრებოდა... მერე მუჭა-მუჭა აგროვებდნენ და ივლისის მიწურულს არაყს ხდიდნენ.

ალუნა ჭაბუკი გალაკტიონისთვის უბიწოების, სინათლისა და სიმშვიდის სიმბოლო იყო. ასეთადვე დარჩა ბოლომდე.

საგანგებოდ უნდა შევჩერდეთ კიდევ რამდენიმე გარემოებაზე, რომელთა როლი გალაკტიონის ხასიათის ფორმირებასა და მისი პოეზიის გარკვეული მხარეების შექმნაში უთუოდ საცნაურია.

პატარა გალაკტიონს უყვარდა მდინარის პირას ჯდომა. შეეძლო საათობით ეცქირა კაკკასიონის მწვერვალებისთვის, რომლებიც ხან ირისის, ხან კიდევ დაბინდული ქლიავის ფერს გადიკრავდნენ. ისინი მეოცნებე ბავშვში შორეულისა და მიუწვდომლის განცდას ბადებდნენ... ხოლო სიღურჯიდან კრეისერივით ამოხიდული ხვამლის მთა ტკივილამდე აღიზიანებდა მის წარმოსახვას. მრავალთათვის ჩვეულებრივ მთებს გალაკტიონი ზღაპრულ სამყაროდ აღიქვამდა. იქ სიწმინდე და სიმაღლე იყო. იქ მღუმარებას ამირანის კენესა კაწრავდა. იქ ყველაფერი ერთმანეთში ზავდებოდა და ყველაფერი ერთმანეთს ცვლიდა.

გალაკტიონი წერდა:

„ვიკონებ ყრმობას;
 შორს, ძლიერ შორს,
 ჭალების გაღმა,
 კაკკასიონის
 კლდოვანი მთის
 მოჩანდა ფერდი.
 სადამოლობით –
 ვით ხომალდი
 ასწიოს ნაღმმა –
 მზით ენთდებოდა



და ქრებოდა
ტიტანის მკერდი.
ბავშვობიდანვე
ის სიშორე
მტანჯავდა ერთი -
ლაკვარდოვანნი
მიტაცებდნენ
ნაქერალები
და კეითხულობდი,
კვოცნებობდი,
უმღერდი, თუ ვსწერდი -
მდედნენ, შეძახდნენ,
მიხიდავდნენ
ის მწვერვალები¹.

ზოგჯერ მდინარის შეტორტმანება გამოარკვევდა მყოცნებებს და მზერას მოლიცლიცვ ნაფოტი მიიტაცებდა. ბავშვი გონების თვალთ მიპყებოდა ნაფოტს: ჭაკანი, შუახი, ძველი სამტრედია, საჯავახო, ორპირი... მერე შორს ფოთია. იქ მდინარე ზღვაში შეაცურებს ნაფოტს. და მძაფრდებოდა წარმოსახვა. ისევ იქმნებოდა ვფემერული სურათები.

სადამო ხანს კი გვიმზე გადაყვებულ ბიჭუნას ბაზრიდან მობრუნებული ჩაღვადრები წყალს თხოვდნენ. მერე იქვე ჩაიძუხლებდნენ და დაბერტყავდნენ ფარსაგი ამბებით სავსე ხურჯინებს ბიჭი უსმენდა და უსმენდა...

შთაბეჭდილებები, ფიქრები ღლიდა და დიდხანს ვერ იძინებდა. მატარებლის შორეული კივილი ბუსუსებს აყრიდა ღამეს. ოდნავ ისმოდა ბორბილების ხმაური, ან იქნებ არც ისმოდა და მას ეჩვენებოდა? მატარებელი სადღაც მიიჩქაროდა და ბავშვიც სერავდა მსოფლიოს...

რიონისპირა სანახებში ქარი მუფობს. იგი წლის ნებისმიერ დროს ქრის და ემაწვილის სულში ანაბეჭდს აკეთებს.

მახსენდება შემოდგომის ერთ-ერთი საღამო. გალაკტიონს ამაღლებული განწყობა აქვს, მუშტაიდის ბაღში შევიარეთ. განაპირა ხევიანში ბილიკიც არ ჩანს. წითელ-ყვითელ ხაღინაზე მივაბიჯებთ. გალაკტიონი ფეხით მიათამაშებს ფოთლების გროვას. დროდადრო ჩერდება და ქარის ჩურჩულს უგდებს ყურს, მერე იხრება, ფოთლების გროვას თოვლის გუნდასავით მუჭში ასირსალებს და ხეზე შემომჯდარ ბელურას ესერის. გაოცება შემნიშნა.

¹ გ. ტაბიძე, თხზ., ტ. IX, გვ. 132-133.

- ფოთლებით არასდროს გიგუნდავია?

- არა.

- ბავშვობაში ხშირად ვთამაშობდი ასე.

მცირე პაუზა და აგრძელებს:

- მხოლოდ ქვა არ უნდა ნაღო ფოთლების გუნდაში.

გარინდება. გონება სხვაგან ქრის.

- ო, როგორი ქარი იცის ჩვენთან. ალვის ხეებიც კი სხვაგვარად ხრიან თავს. ახლა რიონისპირა ტყეების გუგუნს არ იკითხავ?

ვუსმენ და მახსენდება უკვდავი სტრიქონები: „ქარი ქანაობს ქარად“... „ქარი არხვეს ზეარის ხამოსს“... „ქარი მირეკავს ღრუბელთა გედებს“, „და შლიდა ბაირაღებს თმაგაწვეწილი ქარი“, „რტოებს ტირილით ამტერვედა ქარი“...

ქარი...

ქარი...

ქარი...

და პოეტის მოულოდნელი ამოოხერა: „ოჰ, სიცოცხლეც უცვარი ქარია“.

გალაკტიონის პოეზია წარმოუდგენელია ქარის გარეშე. ის არა მხოლოდ განცდის საგანია, არამედ ფილოსოფიური ჩაფიქრებისაც. რაც მთავარია, მხატვრული სახის, ტროპის შექმნის საბაზი და საფუძველია.

*„ტოტებს ქარისას გადაჰყვამარტი,
თეთრ ტანსაცმელში მე მოვირთვები
და წაეღ ქარში, როგორც მოცარტი,
გულში სიმღერის მსუბუქ ზვირთებით“¹.*

ეს უკვე ზეპოეზიაა. მუსიკის, ფერის უჩვეულო შერწყმა გათრობს და გამადღებს.

რაც შეეხება „ქარი პქრის“, იგი არა მხოლოდ ღექსია, არამედ ქართული ენის უღიადესი და მოუხელთებელი სილამაზის განფენაა.

გარემო უკრავდა სულის მგრძობიარე სიმებზე და იბადებოდა მოტივები, განწყობილებები, ნოტები, ფერები, ესოდენ რომ აცალკევებს გალაკტიონის ღირიკას შრავალთა პოეზიისაგან.

სხვათა შორის, რამდენადმე განსხვავებულია ტყვიშის ტიცვიანისეული აღქმა. ტიცვიანი უფრო მეტად ყურადღებას ამახვილებს სოფლის სპეციფიკის გამოვლენის გარეგნულ მხარეზე. ამ თვალსაზრისით ნიშანდობლივ დეტალებზე მაღარია, ფშანი, გომბეშო და ა. შ. რა თქმა უნდა, ამ შემთხვევაშიაც ტყვიშთან დაკავშირებულ საგნებსა თუ მოვლენებს პოეტის სულიერი განწყობილების გამოხატვის ფუნქცია ეკისრებათ. მაგრამ ისეთი

¹ ვ. ტაბიძე, თხზ., ტ. 1, გვ. 276.

შთაბეჭდილება გვექმნება, რომ ტიცციანთან მეტად შეინიშნება ხელა სოფლიდან განწყობილებისაკენ. გალაკტიონთან უფრორე - განწყობილებიდან სოფლისაკენ.

ამასთანავე მათ ბევრი აქვთ საერთო. ეს საკითხი საგანგებო შესწავლას მოითხოვს. და ამჯერად სიტყვას არ ვაგრძელებთ, მაგრამ ერთ პარაფულზე მაინც ღირს შეჩერება.

გავიხსენოთ გალაკტიონის „მამული“.

„ცვრიან ბაღახზე თუ ფეხშიშველა

არ ვაეიარე - რაა მამული?!

წინაპართაგან წაიდა ყველა,

სხვა ხაღხის ისმის აქ კრიაშული“¹.

ახლა ტიცციანს მოვუსმინოთ:

„მესმის ყანებში გადაბმული გრძელი ნადური,

მოაქვს დილიდანსს კრენდელები და „ნაკადული“.

მოიმღერიან შარავ ხაზე ჩაღანდარები

და შიშველ ფეხებს აქ კალიც არ კარება“².

ჩვენს მიერ ხაზგასმული სიტყვები ძალზე მეტყველია. ისინი განსხვავებულად, ორიგინალურად ამჟღავნებენ პოეტთა განცდას. აშკარაა ხელწერათა თავისთავადობა. სხვათა შორის, ყოველდღიურ ყოფაშიაც სხვაგვარი იყო მათი დამოკიდებულება ჭყვიშისა და ჭყვიშელებისადმი. ტიცციანი უფრო ხშირად ნადიოდა სოფელში და მეტად იზიარებდა მეზობელთა ჭირსა თუ ღხინს. საკმარისი იყო, რომელიმე პროვინციული ნათესავი თბილისს აღმოჩენილიყო, რომ უმაღლესად ტიცციანის მზრუნველობის ქვეშ.

გალაკტიონთან თითქმის არავინ მოდიოდა თხოვნით. იცოდნენ, ამაოდ დაშვრებოდნენ. გალაკტიონს ნამდვილად არ ხელეწიფებოდა ამ მხრივ ფრთების გაშლა. იგი სხვა ცხოვრებით ცხოვრობდა. ვინმეს შეეწუხება, თუნდაც სარეკომენდაციო ბარათის დაწერა, უკიდურესად უძნელდებოდა. ამიტომაც ყოველგვარ გზას მიმართავდა, ზოგჯერ ბავშვურ, გულუბრყვილო იღუთებსაც კი იყენებდა თავის დასაღწევად.

ერთხელ სოფლიდან მელიტონ წიქვაძე გვეწვია ვაჟებითურთ. მანქანის შექენა სურდათ. (მაშინ ეს პრობლემა იყო). გალაკტიონი დუმილით უსმენდა. პასუხი ყოველად მოულოდნელი და კომიკური აღმოჩნდა.

- აბა, მე სად შემიძლია. ერთი საწყალი კაცი ვარ, ყურს არავინ მიგაღებს. ნოდარ, იქნებ შენ დაეხმარო!

¹ გ. ტაბიძე, თხზ., ტ. I, გვ. 283.

² ტ. ტაბიძე, თხზ., ტ. I, გვ. 105.



კიდევ ერთ გარემოებაზე გვემართებს ყურადღების გამახვილება. საქმე ისაა, რომ სწორედ ჭყვიშმა, იმერეთმა მისცა საშუალება გალაკტიონს გაემდიდრებინა ლექსიკა. მხედველობაში გვაქვს დიალექტების გამოყენება. გალაკტიონმა კარგად იცის, რომ კუთხური გამოთქმები სალიტერატურო ენის სიძლიერის წყაროა და ხშირადაც ესესხება მათ. ისიც ცხადია, რომ ჩანაფიქრის საუკეთესოდ გამოხატვაში მნიშვნელოვან როლს ასრულებს საგნის აღქმისა და გათავისების ბუნებრივი გარემო.

„ჭარხალში“ პოეტს გამოყენებული აქვს ათზე მეტი დიალექტური ერთეული: ჟოლა, ბირკვილი, ბობორიკა, ჯალტამი, ბურდუ და სხვ. ისინი ტექსტში ორგანულად არიან ჩაწნული და მნიშვნელოვნად ათვალსაჩინოებენ იმერული პეისაჟის კოლორიტს. მათ მოჯარებას საგრძნობლად განაპირობებს აგრეთვე პოეტის განწყობილების უშუალოდ და ეფექტურად წარმოჩენის სურვილი.

ლექსში „ქებთა ქება ნიკორწმინდას“ მოხმობილია სიტყვა „რამდი“. როგორც მ. ალავეძე წერს, „რამდი“ იმერისშია და ნიშნავს „როდემდის“. მაშასადამე, სტროფში:

*„რა განძი ვეჭონია,
რა მხნე, რა მდიდარი,
ჯღერს ქვის პარმონია –
დარდობს რამდი დარი“¹.*

მეოთხე სტრიქონი გაგებული უნდა იქნეს ასე: „სანამდის კარგი დარია“.

იმერიშმა ხელი შეუწყო ალიტერაციას და, საერთოდ, ლექსის ჟღერადობის გაძლიერებას. გალაკტიონი რომ საგანგებო ინტერესს იწუნდა კუთხური გამოთქმებისა თუ მეტყველებებისადმი, ამის დასტურია „ლექსიკოლოგიური ჩანაწერებიც“. აქ ფიქსირებულია „დაბურსალობს“, „ჯიქურა“, „ბობორიკა კაცი“, „ჩაჩნებივით აიკირკლებიან“, „მეშარავეები“, „მეპარასკევე ურია“, „ადაღდანდა“, „გამოპრეტუნებული“, „კვატი-კვატი“ და სხვ. ბევრი მათგანი სწორედ მშობლიურ სოფელში გაუგონია და დაუმახსოვრებია.

სიტყვამ მოიტანა და იმასაც დავსძენ, რომ გალაკტიონი იყენებს არა მხოლოდ იმერიშს, არამედ გურულ, ხევსურულ, რაჭულ და სხვა დიალექტებსაც. მათ გეისრებათ ხან კოლორიტის მეტი სიძლიერით გადმოცემა, ხან პოეტური ჟღერადობის გაძლიერება, ხან კიდევ განწყობის ბუნებრიობის ჩვენება და ა. შ.

ამრიგად, ჭყვიშში მრავალმხრივ აირეკლა გალაკტიონის პოეზიაში. სოფელმა ხელი შეუწყო მგონის შინაგანი ხმის

¹ გ. ტაბიძე, თხზ., ტ. VI, გვ. 57.

გამოკვეთას, პალიტრის გამდიდრებას და მუხიკალური ფრაზების დახვეწას.



ამ თავის დასასრულს პოეტის ერთ კერძო დავესესხები. მასში არა მხოლოდ ჭყვიში ჩანს, არამედ სოფლისადმი გალაკტიონის დამოკიდებულებაც, მისი გულის ფუთქვა. „მე არასდროს, მთელი ჩემი სიცოცხლის განმავლობაში იმდენი ჩუმი და მყუდრო ბედნიერება არ გამომიცდია, რამდენიც ესლა, სოფელში ყოფნის დროს. წარმოიდგინე სოფელი, ქალაქის დრტინვასა და მოუხეშავ ცხოვრებას დაშორებული, შორი, თვალწინდელი მინდვრები, იქით კიდევ მუდმივი მწვანით შემოსილი მთები. ახლა მინდვრებზე სულ სიმინდია დათესილი. ალაგ-ალაგ გაუვალი ტყეებია, მათ სივრილეში დასვენებას და ოცნებობას არა სჯობს-რა. ჩვენი სახლის მახლობლათ, სულ ორმოც სავენზე, მდინარე რიონი ჩამოდის. მე და ტიტე დღეში სამჯერ ვბანაობთ ხოლმე შიგ, დილას, შუადღისას და საღამოს, ვკითხულობთ ერთად წიგნებს, რაც კი გაგვანია. შეღამებისას გავალთ რიონს ვაღმა ყანებში, დავსხდებით რიონის პირზე ვერხვის ძირში, გვაქვს თან დოქით ღვინო, თან ვსვამთ და თან ვსაუბრობთ, ვიგონებთ ნაცნობებს, მეგობრებს, ნათესავეებს; მაგრამ ყველაზე უფრო ვიგონებთ ჩვენს ტრფიალებს. ტიტე მიაპობს მოსკოვის ამბებს, მე ვუამბობ ქუთაისისას. ხანდახან გამოდის, რომ ქუთაისის ამბები ჯობნებია მოსკოვისას, რადგან მე უფრო მეტ ტრფილებს ვამბობ, ვინემ ტიტე. ტიტე გულზე სკდება.

მთვარე ამ დროს შალლა სივრცეზეა ასული; ნიავე ქრის, რიონის ზვირთების ბუტბუტი არღვევს მყუდროებას.

შემდეგ მივსვირნობთ ნავით. ვერ წარმოიდგენ, რა საუცხოო რამაა ნავით სვირნობა მთვარიან ღამეს¹.

ღირს ამ წერილის ხელმოკრედ გადაკითვა და წარმოსახვისთვის სადავეების მიშვება.

შებინდებუნდება... ხემ ჩიტები მოისხა... რიონის პირას სიმშვიდემ დაივანა. ეს განსაკუთრებით მაშინ შეიგრძნობა, როცა შეშინებული ტყის ქათამი გადაიჭახტახტებს.

ტიტემ დოქი შეანჯღრია.

— ფარსავი ამბავია, ღვინო სწორედ მაშინ მთავრდება, როცა წყურვილი ყელს გიკაწრავს.

გალაკტიონი ღიმილით დასძენს:

— კურიასთან გაეგარძელოთ.

— ამ გაგანია ზაფხულში?

— ცეცხლი არ გვინდა, სინათლეს და ნაპერწკლებს ღვინით საესე ჯამები ისედაც გადმოაფრქვევენ.

¹ გ. ტაბიძე, თხზ., ტ. XII, გვ. 507-508.

გაფურცება...

მერე ტიტე თხმელის პატარა ტოტებს ამტვრევს და ნავის თავში, ღუზასთან ყრის. წიგნებს ფრთხილად დებს. გალაკტიონი მსგავსად აწვება საჭეს... შხვილი. ტალღა კნის ეხეთქება, კიდევ ორიოდ ბიძგი და ნავი შუა მდინარეშია. საჭე ფსკერსაც ვერ წვდება. აქ წყალი სამ საფენზეა.

ნავი თავიქვე მიცურავს. ოცნებებში ჩაფლული ბიძაშვილები გაფურცებულან.

ოდნავ აღწევს და თითქოს არც აღწევს სოფლის ხმაური. კვამლი გაფურცრთავდა. მეწამული მთვარე ცაცხვის კენწვროზე გარჩენილა. გადმოხრილი ზღვლევის ფოთლები წყლის ზედაპირზე იუროგლიფებით წერს სიყვარულის ამბავს.

გალაკტიონი ჩაფიქრდება:

*საყვარელ ხელებს შეშლილივით დაკეწაფები,
ბროლის თითები, მზისგან ხავსე აღისფერ
ღვინით,
მე დამათრობენ:
გაკვევებები,
გაკვენაბები!*

ტიტეს ჩაფიქრება:

*ნეტავ ვის აწონებს ისია ახლა თავს?
სულში ვაშლის ხე ვილაცამ დარგო,
სიყვარულისთვის ნუ მემდურები.
... მკონი ძლიერ შევტყობეთ...*

დავუბრუნდეთ ზემო მოტანილ ბარათს.

ადრესატი ოღლა ოკუჯავაა. ეს მნიშვნელოვნად განაპირობებს წერილის ტონს და ზოგიერთი დეტალის აქცენტირებას. საგნების გამორჩევა და აღქმა ხომ განწყობილების შესაბამისად ხდება. მთავარი მაინც ისაა, რომ ბარათში სოფლის რეალური სურათებია მოცემული, კოლხური სუნთქვა იგრძნობა.

ნურც იმას დავეიფიწებთრომ ჭკვიში არცთუ იშვიათად ქარიშხალთან შებმით დაღლილი მესღვაურის ერთადერთი ნავსაყუდელი იყო.

*„ო, სიხარულო,
დედავ, აქაა,
რაც ჩემი გულის
აღურხადაა –
ბავშვობა, ყრმობა,
სიწმინდე, ძმობა,
კვლავაც ერთობა
წიგნად და გზად“¹.*

¹ გ. ტაბიძე, თხზ., ტ. XI, გვ. 305.



ტიონის სანაპირო

„არ მოსწრებიხარ შენ მშობელ მამას“



„გაშალა ველი ნელმა ნიაჟმა,
და მელანდება მე მის წიაღში
მოხუცი მამა, მოხუცი მამა
სასხლავით ხელში დადის
ვენახში“.

გალაკტიონი

გენიოსის ცხოვრებასა და შემოქმედებაში ბევრი რამ არის ამოსაცნობი. ერთი შეხედვით უცნაური ან მარტივი, როგორც ჩანს, ზოგჯერ სრულიად არ არის ამგვარი. ამიტომაც იშრიტება თაობათა ენერგია, ენის და ინტერესი ინდივიდის საიდუმლოებათა ამოსახსნელად.

ახლა ბევრს წერენ გენებზე, მემკვიდრეობით თვისებებზე და არცთუ უსაფუძვლოდ. პიროვნების ფსიქოლოგია და ხელწერა წინაპართა ბუნებითაც არის დადგენილი. ჯიში მაინც ჯიშია.

ჩვენ შორს ვართ იმ მოსახრებისაგან, რომ გალაკტიონის ფენოშენი მხოლოდ ოჯახური გარემოთი და მემკვიდრეობითი ნიშნებით იყოს განსაზღვრული, მაგრამ არც ის იქნებოდა მართალიეს მნიშვნელოვანი მხარეები საერთოდ უგულვებელგვეყო. ამიტომაც საგანგებოდ ვამახვილებთ ყურადღებას ნათესავთა წრეზე, მით უფრო, რომ მოცემულ შემთხვევაში ნათესაობა მეგობრობასა და სულიერ თანაზიარობას ეწყვილება.

გალაკტიონის წინაპრები, როგორც მამის, ასევე დედის მხრივ, სასულიერო წოდებას ეკუთვნოდნენ, ძველ საქართველოში კი ინტელექტუალურ ცხოვრებას სწორედ ამ სფეროს წარმომადგენლები წარმართავდნენ. ტიცვიანის სიტყვებით რომ ვთქვათ, „გრძელაა ჯამი, მღვდელმსახურობს რაც ჩემი გვარი“. ტაბიძეების გვარში კი მღვდელმსახურება შერწყმული იყო მწიგნობრობასთან. გალაკტიონი სიამაყით აღნიშნავს: „ჩემი წინაპრები – მამის მხრით იყვნენ მწიგნობრები. დაწყებული XIV საუკუნიდან კი განუწყვეტელი რიგით, თაობიდან თაობაზე მოდის საგვარეულო ეკლესიისადმი ფანტასტიური, შუუცვლელობით უერთგულესი მღვდელმსახურება. ერთი წინაპართაგანირომელსაც იცნობს ქართული მწიგნობრობის ისტორია, XVII საუკუნეში მიიწვია დედოფალმა ანნამ თავისი მდიდარი წიგნთსაცავის მოსაწესრიგებლად. ის იყო საუკეთესო მცოდნე ბერძნულისა და



არაბული ენების. სთარგმნიდა პლატონის დიალოგებს, და ესეც ხშირად მხედება ეს თარგმანები ინტიმური ზედწარწერებით: „მათს უმაღლესობას, დედოფალს ანნას – სვიმეონ ტაბიძესგან“¹. ჩემი წინაპრები დედის ხაზით მოდიან აფხაზეთის მეფეების შერვაშიძეთა გვარიდან – ჩემი დიდების, გურული ქალის, ბერიძის დედა იყო შერვაშიძის ასული. ამგვარად, ჩემში არის სამნაირი ქართული სისხლი: აფხაზის, გურულისა და იმერელის“².

ვინ იყო ეს სვიმეონ ტაბიძე? რა აქვს მას საერთო XIX საუკუნის 30-80-იან წლებში მოღვაწე სვიმონ ტაბიძესთან, რომელიც გურულად იწოდება და რომლის ხელითაც აიწყო 1841 წელს პეტერბურგში „ვეფხისტყაოსანი“ („მესტამზე სვიმონ ტაბიძე ბეჭდვაზედ იყო მცდელია“).

რაც შეეხება გვარის მწიგნობრულ ინტერესებს, ამის ხაზგასმელად სულაც არ არის აუცილებელი შორეული წარსულის გახსენება. შეიძლება გალაკტიონის უფროსი ნათესაეების მაგალითითაც დავეკმაყოფილდეთ.

პ ა პ ა

პოეტის პაპა სტეფანე აგრძელებდა წინაპრების ხაზს. იგი კარგად იცნობდა როგორც სასულიერო, ასევე საერო ლიტერატურას. აქონდა მრავალი ხელნაწერი და ნაბეჭდი წიგნი. სტეფანე ფეხს უწყობდა ეპოქას. ორივე ვაჟს საფუძვლიანი განათლება მისცა.

შვილებისადმი ვაგ ზავნილ ბარათებში სტეფანე წარმონინდება არა მხოლოდ მზრუნველ და მოყვარულ მამად, არამედ გონიერ მოძღვრადაც, რომელიც ზნობრივ სიმტკიცეს, სულიერ სისპეტაკესა და საზოგადო საქმისადმი თავდადებას ქადაგებს. დაგვსესხოთ ერთ კერძო ბარათს, რომელიც იმ მხრივაც არის საყურადღებო, რომ ძველი დროის სურნელებას გვაგრძნობინებს. იგი 1884 წლის 13 იანვრით თარიღდება. „საკვარელო შეილო ვასილი! შენს მშვიდობას დმერთს ვსთხოვ და კარგად ყოფნას. ამას გარდა, ჩვენს ანბავს თუ იკითხავ, ყველანი ერთობლივ მშვიდობით ვართ, მხოლოდ ერთი ეს მაწუხებს, რომ შენს ანბავს

¹ გ. ტაბიძე, თხზ., ტ. XII, გვ. 276.

² შინაწერი „ვეფხისტყაოსანზე“. 1884 წელს ს. ტაბიძეს ილია ჭავჭავაძისათვის მიუბღვნია ლექსი: „მათს ბრწყინვალეებას თავადს ილია ჭავჭავაძეს მიერთვას მცირე ლექსი“ (იხ. „ილიას ავტოგრაფები“, 1951, გვ. 202).



ვერ ვტყობილობთ ერთი ხანია. მე წერილი გამოვიგზავნე. მოგივიდა თუ არა, არ ვიცი, შვილო. ვერაფერი შევიტყუე. ნახალი ანბავი ეს არის - დადუხაშვილი გამოცვალეს უნიტელისაგან და ვილაც სხვა მოვიდა - გურული. თუმც მშვიდობით ხარ, ჭკვიანი იყავი, სირცხვილი არ ნახო. ხო იცი, ქვეყანა რა მლანძღავია კაცისა. მუყაითათ იყავი, ფაქიზად შეინახე თავი, ცუდათ არავინ შეგნიშნოს. თუ მამაშვილობა გწამდეს, რამე ფერათ თქვენი ამბავი მალე ხანში მაცოდინე. ამ სადღესასწაულოთ მოგულოდი, მარა... კარგი ინებე, რომ არ ჩამოდი. ამისთვის, რომ ცუდი ამინდები იყო, არც იუსტინე ყოფილა აქ.

მ. შ. მ. ს. ტაბიძე.

სტეფანე სოფლის თაყვანი იყო და არაერთ კარგ საქმეს ჩაუყარა საფუძველი. ამაზე მეტყველებს შემდეგი უცნობი „განაჩენიც“. ჩვენ ქვემოთე ამაზედ ხელის მომწერელნი ქუთაისის მარხის, ტობანიერის საზოგადოების და სოფელსა ჭკვიშის წმიდის გიორგის ეკლესიის მრევლი მოწოდებულ ვიქმნებით ადგილობრითი მღვდლის სტეფანე ტაბიძის მიერ, რომლისგან გამოგვეცხადა საეკლესიო-სამრევლო სკოლის დაარსებაზედ ჩვენს ეკლესიაზედ თანახმად გამოცემულის წესდებისა, უწმინდესის სინოდის უმაღლესად დამტკიცებულისა. შემდეგ წესდების გამოცხადებისა და მწყემსობრივი შთაგონებისა ჩვენ მრევლთა მოვახდინეთ რჩევა შესახებ სამრევლო სკოლის დაარსებისა და შენახვისა და დავადგინეთ აშნაირათ, რომ გაიხსენეს სკოლა ჩვენს ეკლესიაზედ, მახლობლივ, იმ პირობით, რომ სამრევლო სკოლის სახლის აშენება თვითონ ადგილობრივმა მღვდელმა სტეფანე ტაბიძემ იტვირთოს თავის ხარჯით. და თუ ვინმე თავის სინდისით შეუეწვეით, ეს მოიხმაროს მღვდელმა სკოლის მუბელის მოსაწყობად, ხოლო რაიც შეეხება სკოლის შენახვას, ვტირთულობთ ჩვენ მრევლი ამ რიგათ, რომ, ვისაც ბოვში კი გვეყოლება სკოლაში, მასწავლებელს ვაძლიოთ თვიურად ექს-ქკესი შაური სწავლის გასამრჯელოთ და როცა დავათხოვოთ ბოვში სწავლას, არავითარი ხარჯი არ მოგვეთხოვოს მშობლებს და თავისუფალი გავხდეთ, გარდა იმისა, თუ ვისმეზედ რაც ანგარიში დარჩება მასწავლებელთან გასასწორებელი. და არც მასწავლებლის ნებადაუკითხველათაც ბოვში გამოვიყვანოთ სკოლიდგან. ეს არის ჩუენი პირობა და სრულს თანხმობას ვაცხადებთ ყუელა პირნი ამ პირობით სკოლის გახსნაზედ, რასა ზედა ხელს ვაწერთ“.

სტეფანე ტაბიძე ხაკუთარი ხარჯით აგებს სკოლის შენობას.



ქველმოქმედება მაშინ, როცა პიროვნება ეკონომიკურად არ
 ყელყელაობს, აშკარად მეტყველებს მის მაღალ მისწრაფებებსა და
 მოყვასისადმი უანგარო სამსახურზე, პედაგოგის გაბნეულობა
 მოკრძალებულია, მეზობელ სოფელ დიხაშხოში ყმაწვილებს
 თვიურად ორმოც კაპიკს ახდევინებდნენ¹.

როგორც ჩანს, ჭყვიშის სკოლის მესვეურთათვის მთავარია
 არა შემოსავალი, არამედ ბავშვების მიზიდვა-აღზრდა.

საყურადღებოა ისიც, რომ ს. ტაბიძე წინასწარ უჭრის
 გზას იმ მშობლებს, რომლებსაც უმჯობესად მიაჩნდათ, ბავშვი
 მეურნეობაში დაესაქმებინათ, ვიდრე სკოლაში ეტარებინათ.

კიდევ ერთი შტრიხი სტეფანეს ხასიათისა. იგი ცხოვრებაზე
 გულადრენილი, სევდით შეპყრობილი და მეოცნებე ყოფილა.
 უკმარისობის გრძნობა, მუდამ სდევდა თურმე ამიტომაც
 ზოგიერთებმა ბუზღუნაც კი შეარქვეს.

სტეფანე 1894 წელს გარდაიცვალა და ბუნებრივია გალაკტიონს
 არ ემახსოვრებოდა იგი. მაგრამ პაპის მიერ დამკვიდრებული
 წესი და კანონი ღრმად იყო ფესვგადმული ოჯახში. წიგნისადმი
 სიყვარული თითქმის რელიგიურ მოწიწებაზე იყო აყვანილი. დედა
 ხშირად უკითხავდა პროკლეს (აბესალომს) და გალაკტიონს პაპის,
 მამისა თუ ბიძის პირად ბარათებს. ყმაწვილებიც უფროსებისადმი
 მოწიწებითა და პატივისცემით იმსჯელებოდნენ.

მ ა მ ა

პოეტის მამას ვახილს წერა-კითხვა ოჯახში შეუსწავლია.
 შემდეგ ქუთაისის სასულიერო სასწავლებელში მიუბარებიათ.
 ხსენებულ სკოლას დიდი ფუნცია ეკისრებოდა. მიუხედავად იმისა,
 რომ აქ დოგმატიზმი ბატონობდა, ნიჭიერი ყმაწვილები მაინც
 ახერხებდნენ ცოდნის მიღებას. ბევრი მათგანი წიგნის ტრფიალით
 იმსჯელებოდა. მათ უძლიერდებოდათ სამყაროს შეცნობისა და
 „წყველა-კრულიანი“ საკითხის გარკვევის სურვილი. ქუთაისის
 სასულიერო სასწავლებელში არაერთმა საზოგადო მოღვაწემ
 მიიღო განათლება.

ვახილს წარჩინებით დაუმთავრებია ეს სკოლა. გონებაგახსნილ
 და კრიტიკულად მოაზროვნე ახალგაზრდას უარი უთქვამხ
 მღვდლობაზე და პედაგოგის ეკლიან გზას დასდგომა. მას კარგად
 აქონია შეცნობილი, რომ მასწავლებლობა დიდ სიმწველეთან იყო
დაკავშირებული. ანაფორას მეტი მატერიალური სარგებლობის

¹ გაზ. „შრომა“, 1883, №2.

მოტანა შეეძლო, მაგრამ არჩეული გზიდან მაინც არ გადაუხვევია. მისი მოქმედება ღრმა რწმენას ვერდნობოდა. საქართველოს განახლებას ახალგაზრდობის აღზრდას უკავშირებდა. ამიტომაც იყო, რომ მთელი თავისი შვებულებული ცხოვრება, 10 წელიწადზე მეტი, ოჯახიდან მოწყვეტილმა, მახლობლების სითბო-ზრუნვას მოკლებულმა სხვა გარემოცვაში, დაძაბულ შრომაში გაატარა.

თავდაპირველად ვანის საზოგადოების სოფელ დიხაშხოს სამრევლო სკოლაში მასწავლებლობდა. დღევანდელ მკითხველს ნამდვილად გაუძნელდება იმის წარმოსახვა, თუ რა პირობებში უხდებოდა ვასილს პედაგოგიური საქმიანობა. დავესესხოთ მისსავე კორესპონდენციას: სკოლის შენობა იყო „...ისლით დახურულს უპოლო, უბუხრო და პატარა, სივრძით ოთხი არშინ ნახევარი და სივანით ორი არშინი და ჩარუქი“.

ამას ვასილი ოფიციალურად, საქვეყნოდ წერს და უფლება არა გვაქვს არ ვენდოთ. მკითხველს ადვილად შეუძლია დაასრულოს სურათი. ამისთვის სრულიადაც არ არის საჭირო გამორჩეული ფანტაზია.

წარმოგვიდგენია, როგორი იქნებოდა მეცადინეობა ზამთრის სუსხიან დღეებში, როცა ისლით დახურულ ქოხში კვამლი გასავალს ვერ პოულობს, კარის გაღება კი შეუძლებელია, როცა მიწის იატაკზე წვიმის წვეთები პატარა ღრმულებს აკეთებს და შეგირდი ქალამნის წვერით ავლებს ხაზებს.

მეორეს თვალი ზემოთ გაუპარებია. შეტკეპილი დირე ქარის დაბურვაზე დაკრილულ კბილებს აჩენს. ბიჭს პირში თითი ჩაუდვია და გული უწუხს: ააგლეჯს თუ ვერ ააგლეჯს ქარი გამჭვარტლულ დირეს ქერქის ნარჩენს.

სიცივისაგან აკანკალებული შეგირდები სახელოთი ცხვის იწმენდენ და ერთი სული აქვთ, როდის გაანთავისუფლებს „უჩიტელი“ ამ საპყრობილისაგან.

1883 წლის შემოდგომიდან ვასილი მუხურში გაამწესეს. ეს ხუთასკომლიანი სოფელი შორაპნის მაზრაში, ტყიბულის მახლობლად მდებარეობს. გალაკტიონი წერდა:

„სამოცდათი წლის წინ მუხურას

აქ მამანეპი ავზნებდა ქურას.

სწავლისხას ქჷონდა პატარა სკოლა

და მოწაფენი თითო-ოროლა“.

საბოლოოდ ვასილი მშობლიურ ტყეშს დაუბრუნდა, მაგრამ დიდხანს არ დასცაღდა მასწავლებლობა. 1891 წლის

¹ გ. ტაბიძე, თხზ., ტ. VII, გვ. 173.



გალაქტიონის მამა ვასილ ტაბიძე
ნახ. უნა ჯაფარიძისა



26 თევრვალს (ძვ. სტ.), ფილტვების ანთებით გარდაიცვალა. „ივერიაში“ კკითხულობთ: „განხვენებული მეტად საძველედ აღამიანი იყო თავისის ხახიათით და სათხოვრად მოღვაწეობა სამასწავლებლო ახპარესხედ ყოველად უანგარო იყო. მის გულში არც ერთხელ არ გაუვლია რც ერთს დაბაღსა და ქვენა გრძნობას. ის იყო აღვსილი მხოლოდ ერთის აზრით: თავისი წვლილი შეეტანა გლეხ-კაცის განათლების საქმეში. გლეხებიც მხედავდნენ მის ასეთს ღირსებას და ამისათვის, რა დროსაც უნდა მისუღიყავით მის სკოლაში, ყოველთვის ხავე იყო მოსწავლე ბავშვებით. განხვენებული სკოლაში მასწავლებლობას არ სჯერდებოდა. ყოველ კვირა – უქმე დღეს მიუდიოდა სასაფლაოზედ და უკითხავდა ხალხს სხვა-და-სხვა ქართულ წიგნს, რომლითაც მდიდარი იყო მისი ბიბლიოთეკა“¹.

ვახილი გულისყურით ეკიდებოდა საქმეს და საზოგადოების პატივისცემაც დაიმსახურა. იგი შევირდებზე ზრუნვაში ატარებდა დღეებს. ცდილობდა, ახალი სახელმძღვანელოებით მოემარაგებინათ ყმაწვილები და კედაგოგიკურ მეცნიერებათა მიღწევების გათვალისწინებით ჩაეტარებინა გაკვეთილები. ამ მხრივ უთუოდ საგულისხმოა შედეგი ბარათი.

„საყვარელო ძაო იუსტინე! კდ შენს მშვიდობას და წარმატებას უფალს ეთხოვე. სხვათა შორის ჩვენს ამბავს იკითხავ. ჩვენ შინაურნი და გადაღმორული ყველანი მშვიდობით ვართ. ჩემზედ იწერები: ვახილ, როგორ ხარ. მე ძრიელ კარგათ ვარ – არავითარს სისუსტეს არა ვგრძნობ მხოლოდ ამ სამთარს ბრტყალებს შესაფერი წამალი უნდა ვუშოვო, რადგან მეტად მჭიდროთ ჩამსჭიდებია. სხვა არა მიშავს რა საგრძნობლად სისუსტე ჩემში ინიშნების ზავხულის თვეებში: ივლისში და აგვისტოში სხვა დროებაში ძრიელ ნაკლებად შესამჩნევი ხდება სისუსტე. სხვა, ეხლა ჩემი კერძო საჭიროება მინდა აღენიშნო: მოგეხსენება, რომ ჩვენ გვაქვს საეკლესიო-სამრევლო სკოლა, რომელზედაც ცნობა კიდევ წარდგინდა ვისდამიცა ჯერ იყო. ამ სკოლის მოწაფეებთა შორისა იმისთანა მოწაფენი, რომელნიც მხად არიან მომზადებულნი მეორე ოტდელენისათვის და მომზადებულნი არიან რუსულად სასწავლოდ და კიდევ დავაწეებინე. ჩემდა და ჩემ მოწაფეებთა სამწუხაროდ, აღმოჩნდა, ერთი ხელის შემწვდელი გარემოება. შემოიღეს, როგორც სახალხო სკოლებში, აგრეთვე მათი წაბადებით სამრევლო სკოლებში სასწავლო წიგნი Русское слово для грузинской школы. изд. Горебашвили.

ვერსად ეს წიგნი ვერ ვიპოვე საყიდლად. ქუთაისში

¹ გახ. „ივერია“, 1892, №62.

ტილაძეების მალაზიაში არ არის. ბევრის ხეუწით და მუდარით თავს ვერ შეგაწყენ; სამ მანეთს ვიგზავნი. ამით მიყიდე წიგნები ზემოაღნიშნული, შვიდი ვგზავნი და მერვედ მისი რუკუვოსდტოც, თუ იქნება დაბედილი. ფასი თითოეული ვგზ. 50 კ. იკითხეთ გრიჭუროვის მალაზიაში და რაც შეიძლება დაჩქარებით გამოგზავნე. შეგირდები მიცდებიან, საშობოთ უსათუოდ უნდა ჩამოხვიდე და იმედია შემდგომ წიგნაკებს თან იქონიებთ: კარაბად სამხარეულო წიგ. კალენდარი საქართველოსი გუნიას გამოცემული, აგრეთვე რამე სახარგებლო გამოცემები. ქადაგება ამჟროსი ნეკრესელისა, თუმცა დიდი არაფერი საპიტნაო არის, მხოლოდ შემდეგში მწვემსის დროს ქადაგებისას მასალათ შესაძლოა დაისაჭიროს. იმასაც ვწერ, შესაძლოა ეს წიგნები „რუსკოე სლოვო“ ვერ იშოვოთ. Руководство კალენდარაშვილის გამოცემა მაინც გამოთხოვავნე, თუ ძმა ხარ, არ დამდაღატო. ან გრიჭუროვის ან ჩარკვიანის მალაზიაში როგორ ვერ იშოვოთ.

თქვენი სიამოვნების მოწადე ვასილ. სტ. ტაბიძე.

P. S. მღვდელმა გიორგი გიორგაძემ რომ გთხოვათ ადგილის თაობაზედ საქმე საჩივრისა, გთხოვს ეს საქმე, ამ მოკლე დროში შემატყობინო.

7 ნოემბერი, 1888 წელსა“.

ვასილი ლიტერატურის ტრაფიალი ყოფილა, რაზედ მტყუველებს მისი ბიბლიოთეკა. აქ თავმოყრილია „ვეფხისტყაოსანი“, „არსენას ლექსი“, ი. ჭავჭავაძის „განდევილი“, ა. წერეთლის „თორნიკე ერისთავი“, ა. ფურცელაძის „ქიტესა“, ნ. ნიკოლაძის „ერობა“, ს. მგალობლიშვილის „ორი მოთხრობა“, ცახელის „შალვას თავგადასავალი“, ი. გოგებაშვილის „დედა ენა“ და „ბუნების კარი“. ვ. გაბინაძის „ქართული წერის დედანი“, ილ. დიდუბულიძის „ქართული არითმეტიკული საანგარიშოები“, მ. ჯანაშვილის „მოკლე ისტორია“, ვ. გუნიას „საქართველოს კალენდარი“, გაბრიელ ეპისკოპოსის „ქადაგებანი“, „დაბადება“, „ქაშნი“, და სხვა. აქვეა „ივერიის“, „იმედის“, „დროების“, „შრომისა“ და „ნობათის“ ნომრები.

წიგნები კატალოგიზირებულია. მაგალითად, „შაქრო გულისაშვილის „ძველი დროის მეფეებზედ“ 117 ნომრით არის რეგისტრირებული, თეიმურაზ მეორის „სარკე თქმულთა“ 124-ით, ცახელის „შალვას თავგადასავალი“ 132-ით და ა. შ. უმეტესობას ვასილის ბეჭდვი-ტვიფრი უზის (ეს ბეჭდვი ახლაც დაცულია საგვარეული არქივში).

წიგნთა გვერდებზე ალაგ-ალაგ იკითხება ვასილის ხელით მიწერილი: „დიდებულია“.


ჩვენთვის უცნობია, მისდევდა თუ არა ვასილი ლიტერატურულ საქმიანობას. პრესაში (გაზ. „შრომა“) მხოლოდ ერთი წერილი აქვს გამოქვეყნებული, რომელშიაც მასწავლებლის მოსწავლის ურთიერთობის საკითხს განიხილავს. მაგრამ მის პირად ბარათებზე დაყრდნობით თამამად შეიძლება ითქვას, რომ კალაში უჭრიდა.

რაც მთავარია, ვასილმა კიდევ უფრო გააღრმავა გვარში ფესვგადგმული სიყვარული ლიტერატურისადმი და შეიღებოს დიდი ბიბლიოთეკა დაუტოვა.

ოჯახიდან შორს ყოფნა, ავადმყოფობა, სოფლის უკუღმა ტრიალი დაღს ამწნევდა ვასილის სულს. მის პირად წერილებში არცთუ იშვიათად გაიფიქრებს დრამატული ნოტები. მაგალითად, „ვარ გუელდახშული უთქვენობით“, „მეკითხებიან, ვასილ, რათა ხარ ვერე დაღონებულიო, ცუდი ამბავი ხომ არ მიგიღიათ სახლიდანო? მე პასუხს არ ვაძლევ არავის ამ კითხვაზე. სახლში მინდოდა ეხლა წამოსვლა, ამ ოქტომბრის დამდეგს, რომ ეგებ დარდები მომეცილებინა თავიდან, მაგრამ ვეღარ მომიხდა“. მუულისადმი გაგზავნილ ერთ ბარათში კვითხულობთ: „არ გეცოდები აი, მაკრინე, იმდენად დამივიწყე, რომ ერთი წერილი არ გამომიგზავნე ამ წიფობის თვეში. ამ უცხო ქვეყანაში ჩემს დიდ სიამოვნებას შეადგენას, როცა თქვენ წერილს მივიღებ, ხად ვარ მერე დაკარგული? ამ გარემოებას მიხედვით ხშირ-ხშირად უნდა მიგზავნიდე წერილს. მაგრამ არავის არ ვახსოვარ, ყველასაგან დავიწყებული ვარ, ცოლისგანაც და დედამამისაგანაც“.

რა არის ეს? მხოლოდ მარტოობით გამოწვეული ურვა თუ სხვა მიზეზებით შეპირობებული ყვედრება? ამ ნოტებს აქვს თუ არა რაიმე ხაერთო გალაკტიონის დღიურებსა და ლექსებში ესოდენ ძალუმად გამოქვეყნებულ დრამატიზმთან?

გალაკტიონს დედის ნაამბობის მიხედვით შეუქმნია ვასილის პორტრეტი. მოგვეყავს შემოკლებით: „საწყალი ძალიან ჩამოგავდა აბესალომს სახით: იმნაირი თვალ-წარბა, იმნაირივე ტუჩები, ხასიათიც ისეთი ჰქონდა; ხანდახან აბესალომი რომ შეხტება, გახალისდება რაღაცნაირად, სწორედ ისეთი იყო... ხუმრობა უყვარდა. მადალი არ იყო მხოლოდ არც აბესალომივით, არც შენსავით. მე მგონია, ასე შენზე ცოტა დაბალი იყო. არ ამხელდა ავადმყოფობას. უკანასკნელად ფილტვების ანთებით გავდა ავათ: იწვა ჩვენს პატარა ოთახში. ყოველდღე მოდიოდნენ ექიმები და ფერშალი კონჩინოვი. უკანასკნელს ეთქვა: „არ მორჩება, მაგრამ თქვენ ცდას და მოვლას ნუ მოაკლებთ სულის დასამშვიდებლათო“. აბა, მე ამას ვინ გამომხელდა? მთელი ათი დღე, ათი დღე და ღამე განუწყვეტლივ თავს ვაძექი.“



საწყალი ჩემი მამამთილი, რომელსაც ძალიან უმცროს შეიღზე უფრო, უყვარდა ვასილი, ყოველდღე ავიდმოყოფოან იყო. იჯდა დაღონებული. მოდიოდნენ ნაცნობები, ნათესავენი, გვირეხედნენ: „ახალი კარგი ექიმია ჩამოსული, სამსონ თოფურია, ის თუ მოარჩენსო მხოლოდ“. ვასილი უარზე იყო: „ცოტათი მოემჯობინდები, შემდეგ მე თვითონ გავესწევ ქუთაისში“, მაგრამ არავითარი მომჯობინება არ დაეტყო. უკანასკნელ საღამოს (მახსოვს, შაბათის საღამო იყო) იგი საწოლიდან წამოდგა, ფოსტლებში ფეხი შეადგა და ფანჯარასთან მივიდა. დიდხანს იცქირებოდა. ეზოში ბავშვს მოჰკრა თვალი: „მაკრინე, მაკრინე, შეხედე ბავში ეზოში ფეხშიშველა დადისო“. და ფანჯრიდან გამობრუნდა. დაწვა საწოლში და აღარ ამდგარა.

შეღამდა. მე და ჩემი მამამთილი ისევ თავზე ვადექით, მაგრამ მამამთილი აივანზე გავიდა. ვასილი მე მომიბრუნდა. „ვეღარ მოერჩებიო“ – მითხრა. „რას ამბობ“ – ელდანაკრავმა ესთქვი. – „გული ნიუ გაგიტყდება, ყოჩაღად იყავი“ – განაგრძო მან, „ბავში წამოიზრდება, შენ კიდევ ისეთი ქალი ხარო, რომ უბედურებას არ დაიმჩნევ“. „ნუ ამბობ“, – ვუბნებოდი მე. „შენ თუ არ იქნები, ერთი ბავშიც შეყოფოდა, სხვა რაღად მიწდოდა?“ როგორო, ჩამეძია, მე ძალიან მრცხვენოდა გამხელა, არავისთვის არ მეთქვა, მაგრამ მას ვუთხარი, რომ ორსულად ვიყავი: მას სახე გაუბრწყინდა: „არა გიშავს რა, იუსტინე (მაზლი) კარგი კაცია, შენ ნუ დაიმჩნევ“. ვამჩნევდი, რომ ღელაედა ახალი ამბის გაგონებით. „ეხლა წადი, მეორე ოთახში წადი“ – მეუბნებოდა ის ღონემიხდილი. მე არასგზით არ ვეთანხმებოდი. სახლიდან ბავშვის ტირილი შემოგვესმა: „არც ეხლა წახვალო?“ – მითხრა მან. მე ავდექი...

უკანასკნელი მისი წამები ძალიან მშვიდობიანი იყო თურმე. მამამთილი თავს ადგა. მომაკვდავმა მოითხოვა ღვინო, საზოგადოდ ღვინოს არ ასმევდნენ, ეხლა კი ვეღარ დაუკავეს: ღვინო, ღვინო! გაიმეორა მან. ეს იყო მისი უკანასკნელი სიტყვები. დასცალა ზედიზედ რამდენიმე ჭიქა: „ეს გაუმარჯოს პატარა ადამიანს, რომელიც შვიდი თვის შემდეგ დაიბადებაო“ – სთქვა მან და... სულიც დალია...“

აქ დახატული ვასილი ნაწილობრივ განსხვავდება იმ პიროვნებისაგან, რომელიც მშობლების, მეუღლისა თუ ძმისადმი გაგზავნილ ბარათებში ჩანს. პირად წერილებში იგი წარმოგვიდგება ღრმად დაფიქრებულ, სვედიან, ზოგჯერ სასოწარკვეთილ ადამიანად. ერთგან წამოიძახებს კიდევ: „ველჭირვება თუ შემხვდა, სიკვდილი აუცილებელია და ქვე მოვრჩები ამ უთისოფელს“, თითქოს სიკვდილი ხსნის ერთადერთი გზა იყო.

¹ გ. ტაბიძე, თხზ., ტ. XII, გვ. 255-257.

ვახილი გალაკტიონის დაბადებამდე გარდაიცვალა. დედა ბუერს უამბოდა ბიჭებს მამაზე და მისი სახეც არა მხოლოდ რეალურ კონტურებს იძენდა, არამედ შარავანდელითაც იმოსებოდა. გალაკტიონისთვის იგი მარად საფიცარი პიროვნება იყო. სახელმოხვეჭილი პოეტი, როცა გადაწყვეტდა თავისი სიტყვისთვის მეტი დამარწმუნებულობა მიეცა, მამის სახელს მოიშველიებდა: „მამაჩემის ვახილის სულს ვფიცავარ“.

ლექსში „მუხურის გზებზე“ გალაკტიონი სიამაყითა და სიყვარულით იხსენიებს მამის დამსახურებას.

*„მე შეუხარი ძველს, რომელსაც სულდგმულივით გული უხურს,
მაგრამ არრაგვარი ძველი არ შთენია ეხლა მუხურს.
აქ ოდესმე კესარიელს, მიმოშხილველს დროთა ბრუნვის,
გზად მოსდევდა ელვარება, მხნე მექექსე საუკუნის.
და მშვენიერ იმერეთის უუძველეს ქალაქთ შორის
ის აღიდებს ძველ სარაპანს, ძველს როდოპოლს და მუხურისს,
მეცხრამეტე საუკუნეს აქ მოვიდა მამა ჩემი,
ის მოვიდა ხელში წიგნით და ახალი დასძრა გემი.
ის არ არის და სახელიც მისი არსად არ სწვრია,
მხოლოდ ხალხი იგონებდა და ილიას „ივერია“.
„მამა“ ვამბობ და პასუხად მხოლოდ საქმე მხედება მისი,
ახალ-ახალ გზებით მოდის ძველის-ძველი მუხურისი“.*


დ ე ღ ა

გალაკტიონის დედა მაკრინე გიორგის ასული ადუიშვილი ჭყვიშიდან თხუთმეტოდე ვერსით დაშორებული სოფლიდან – საპაიჭოდან იყო. დაიბადა 1862 წელს მღვდლის ოჯახში. მამამისს დიდი ჯალაბობა ეხვია, შემოსავალი კი მცირე ჰქონდა. მიუხედავად ამისა, შვილებს იმ დროისათვის საკმაო განათლება მისცა. ვაჟი კოზმანი სკოლაში მიაბარა. ქალიშვილებს: მაკრინეს, მართას, ტერეზას, ეკატერინეს, ანასტასიას წერა-კითხვა, წამლებს მომზადება და ხელსაქმე შეასწავლა.

1886 წლის 11 თებერვალს მაკრინემ ჯვარი დაიწერა ვახილ ტაბიძეზე.

ქმრის გარდაცვალების შემდეგ ოჯახის მთელი სიმძიმე მაკრინეს დააწვა.

თუ რას წარმოადგენდა ეს ოჯახი, ამაზე ნათელ წარმოდგენას გვიქმნის 1894 წლის 16 დეკემბრის გაყოფის წიგნი. ობლებს – პროკლეხა და გალაკტიონს – საკუთრივ ერვოთ სახლი, სახიმიანდე და ორ ქვევაზე ცოტა მეტი საყანე – ე. წ. შარაძენიძისეული ადგილი. ეს ყველაფერი 615 მანეთად იყო შეფასებული.



გალაკტიონის დედა მაკრინე აღმთავრობის
ნახ. უნა ჯაფარიძისა

საზიაროდ დარჩა 1600 მანეთის ქონება: 15 ქცევა მიწა, ცაცხვის საწნახელი, თხმელის სასიმინდე, თოთხმეტი ჭური, ჯორები სამი მაგიდა, ორი პატარა სუფრა, სკამლოგინი, 4 ხალაში, 3 კობე, 3 ზანდუკი, ძროხა, უშობელი, ჯორი და ა. შ. გაყოფის წიგნში ზუსტად არის ფიქსირებული ყველა ნივთი თუ საგანი. მხედველობიდან არ გამოჩნენიან საერთო ვალი: სტეფანე ტაბიძის დასაფლავებისას დახარჯული 82 მან. და მოჯამაგირის ხელფასი - 20 მან. ამ დროს ბელელში აქონიათ 450 ფუთი სიმინდი, რომელიც 180 მანეთად შეუფასებიათ.

ცოტა ხნის შემდეგ კვლავ დანაწილდა საზიარო ქონება. საერთო მფლობელობაში მიწის მცირე ნაკვეთი და ხეები დარჩა. როგორც ვხედავთ, მაკრინე ტაბიძის ოჯახს შიმშილით სიკვდილი არ ელოდა, მაგრამ არც დაღხინებით ყოფნა ეწერა.

მაკრინეს ხელს უწყვიდნენ დები და სიძეები, განსაკუთრებით თადეოზ ნამიჭეიშვილი, რომელიც ობლების მეურვე იყო. მაგრამ არც ნათესავეები იყვნენ მდიდრები.

გამოუცდელმა ქალმა არაჩვეულებრივი სიმხნევე და შეუდრეკელობა გამოიჩინა.

მაკრინე მალალ-მალალი, თხელი და სანდომიანი სახის ქალი იყო, საოცრად მეტყველი და მომწუსხველი თვალებით. იცვამდა სადად და მოხდენილად. პატარა გალაკტიონი მას ხვეურდის დედას ეძახდა, რადგან ხვეურდის კაბა ემოსა. შემდეგაც ამგვარად მიმართავდა, მაგრამ უკვე ამ სიტყვამ უკითხვის ფუნქცია შეიძინა. პოეტისათვის დედა სინაზის, სილამაზისა და ატალღების სიმბოლოდ იქცა.

ახალგაზრდა ქვრივს ბევრი მთხოვნელი გამოუჩნდა, მაგრამ მას კერია არ მიუტოვებია და არ გაუცივებია, მთელი სიცოცხლე შეიღების აღზრდა-განათლებას, მათ ბედნიერებას შეაღია. „ერთადერთი ჩვენი პატრონი დედა იყო, რომელიც გვიყვებოდა სხვადასხვა ამბავს, გვაცნობდა ხალხური სიტყვიერების ნიმუშებს და გვიკითხავდა მამის დანატოვარ წიგნებს“. - წერს ავტობიოგრაფიაში პროკლე ტაბიძე.

ცხოვრებამ ბევრი რამ ასწავლა და მეურნეობასაც რიგიანად უძღვებოდა. მომთხოვნი იყო და ყაირათიანი - იგონებს გალაკტიონი. ხმელ ხეს მანამდე არ მოგვაჭრევენებდა, ვიდრე სანაცვლოს არ დაურგავდით. ეზო ყოველთვის დაწვრილებული ქქონდა. პარიზის გარეუბნებს, ულამაზეს ხეივნებს რომ ვათვალიერებდი, დედაჩემის ნათქვამი მახსენდებოდა, ხე ხეს შნოს მატებს, მაგრამ უნდა იცოდეთ როგორ მიურგო ერთი მეორესო.

უჭირდა მარტოხელა ქალს, სიმინდის მოყვანა, საქონლის



მოვლა, ვენახის დამუშავება, აბრეშუმის ჭიის გამოკვება, ყველაფერი ეს უამრავ დროსა და ენერჯიას მთავრად ნათესავეებისადმი გაგზავნილ ბარათებში ხშირად ასეთი ფრაზები: „სტველი იწყება და იქნება მოჯამაგირე მიშოვოთ“, „ბიჭი მომახმარეთ“, „ქირით მუშას ვეძებ“ და სხვ.

საქმე გამოუღვეველია. აი, უკვე სახურავიდან წვიმა ჩამოდის, ჭიშკრის კარბა დაღპა, ღობე მოირღვა. მეფისტალიდან სიმინდია გამოსატანი, გალაკტიონიც ფულს მოითხოვს: „...ის ფული არ მეყო, მიშველეთ. გამომიგზავნეთ ცოტა კიდევ... გამომიგზავნეთ დაჩქარებით, თუ მოახერხებთ“.

რომელ ერთს გაართვას თავი?! ფათერაკიც იშვიათი როდია. „ამ სტველზე – სწერს მაკრინე უფროს ვაჟს (პროკლეს) – უეცრად ურემი გადაგვიბრუნდა რიონში ჯილეზე... მადლობა ღმერთს, ურემი და ხარები მშვიდობით გადარჩენ, მე ამოვედი წყლიდან თუ არა, როგორც შაშიკორა ისე შევიქცევი... ახლა კარგათ ვარ. ჩემი ჯავრი არ ჩაიდო გულში, ჩემო ძვირფასო შვილო. შენი ხასიათის ამბავი რომ ვიცი, თვარა მეორეს ჩემი ჯავრი არა აქვს“.

ჯაფახა და წვალბას ხშირად შედევი არ მოაქვს. 1907 წელს გალაკტიონი ძმას ატყობინებს: „სტველი უკვე მოთავებულა სოფელში. ჩვენც მოვიხტველეთ, მაგრამ რაღა ამისთანა მოსტველება: ორმოცი კონა ჩალა შეკრული საქონლებმა გაანიავეს ისე, რომ არაფერი, ერთი კონაც არ დარჩენილა, ორასი კონა ჩალა შარაქენისის სოფელში ხულ ერთიანად გააფუჭეს საქონლებმა, ერთი კონაც სახლში არ მოგვიტანია. სიმინდი მოზიარებებმა ზოგმა გარჩეული მოიტანა და ზოგმა გაურჩვევლი, ესენი ყველა სახლში დაყარეს და როდესაც გადავარჩიეთ, მთელი გოდრები ვნახეთ დამპალი და გაოხრებული. ვაშლმა ხულ ერთიანად ჩამოიარა. უწინ ტოტები ვერ უძლებდა და ეხლა ხულ სამ-ხამი კაკალი მოვკრიფეთ, თითო ხეზედ. ასეთია ჩვენი ზარალი წრეულს“.

ოჯახის ეკონომიკური სივიწროვე თითქმის ყველა ბარათიდან ჟონავს... დავეხესხოთ კიდევ ერთ წერილს: გალაკტიონს ორი გამოყვა. მოსამზადებლად ფულია საჭირო. დედა შეშვოთებულია. „ეს ერთი კვირაა ვიტანჯები დარდებით... რანაირათ რა გავახერხო ასეთ უცფათ, რა გავყიდო, რაც მქონდა შესალევი ადგილი. ჩვენი საცხოვრებელი ადგილები რიონმა რიყეთ აქცია. აქეთ მქონდა ცოტა სარწო მიწა. ნახევარი დაწინდრებული მაქვს. გავყიდი, თუ სასესხებლად ვერ ვიშოვნე“.

გულს არ იტეხდა მაკრინე. მართლაც რომ, ებრძოდა

¹ გ. ტაბიძე, თხზ., ტ. XII, გვ. 491.

წუთისოფელს. ნაირ-ნაირ საშუალებას ეძებდა მდგომარეობის გასაუმჯობესებლად. დამით საკერავ მანქანას უჯდა და მწირ შეკვეთებს ასრულებდა. კერვა კი ეხერხებოდა. გაღატაკი იგონებს: ერთ წვეულებაზე დედაჩემს ახნაურ შარაქნისძის ქალები ენახა. უკანასკნელი მოდის მიხედვით შეკერილი კაბები ეცვათ თურმე. დედაჩემს სწრაფად გადაუღია თარგი და მეორე დღეს მსგავსი კაბით მოვლენია საზოგადოებას.

მაკრინეს დღიურში ვხვდებით ასეთ ჩანაწერებს: „ შემოვიდა საკერავის ფასად“: სამი აბაზი, ოთხი აბაზი, მანეთი, სამი აბაზი, ათი შაური, ექვსი შაური, მანეთი და ა. შ.

მაკრინე მკურნალიც იყო. საჩინოს თემსა და გურიაში სახელგანთქმული ექიმბაშებისაგან შეუსწავლია ეს საქმე. კარაბადინსაც მარჯვედ იყენებდა. ეზოს ერთ ყურეში სამკურნალო ბაღახები მოაშენა. კარგი სააფთიაქო ხელსაწყოები შეიძინა, რომელთა ნაწილი დღესაც დაცულია.

სოფიო ტაბიძე მოგვითხრობს – მახსოვს, დედაჩემი და ტიცციანი ყანაში წავეიდნენ. ტიცციანი დიდი აღუხილი დანით ჭრიდა ჩალას. აუცდა თურმე და მარცხენა ხელზე იშვლია. შადრევანივით იფეთქა სისხლმა. დედაჩემმა სასწრაფოდ გამოარბენინა ბავში შინ. შევევდრა ბიცოლაჩემს: – მიშველე რამე.

ბიცოლამ წამალი შეამზადა და ჭრილობაზე დაადო. სულ მალე იარა მოუშუშდა, მაგრამ კვალი მაინც დარჩა.

– გაღმოდ, შვილო ტიტე, ერთი ორჯერ კიდევ დაეადოთ მალამო და ხაზიც გაქრებაო, – უთხრა მაკრინე ბიცოლამ.

– არ მინდა, ბიცოლა, დარჩეს კვალი, მემახსოვრება.

და მართლაც, დარჩა ღურჯი ზოლი. შემდეგ ტიცციანი ამბობდა ჩემი სენტიმენტალობა, თორემ დამეჯერებინა ბიცოლასათვის, რად მინდოდა ეს ხაზიო.

ახლა მოვუსმინოთ ტატიანა ცინცაძე-ტაბიძისას: ვერინკა ბაღდავაძის უფროსი ვაჟი ვახტანგი მდინარე ყუმურში გადაშტარა და ბოთლის ნამსხვრევებზე გაუპია თავი. ექიმებმა ჭრილობა მოურჩინეს, მაგრამ საშინელი ხორცმუტი ამოიზარდა, რომელსაც ღპობა შეეპარა. ბიჭი იღუპებოდა.

ვერინკამ ჩემს დედამთილს მოაკითხა. მაშინ ის დრო იყო, როცა ხალხურ მედიცინას დევნიდნენ. შეილებსაც დედა გაფრთხილებული პყავდათ, თავი შეეკავებინა ექიმობისაგან. როცა მაკრინემ ბიჭი ნახა, ყოველგვარი მოსალოდნელი უსიამოვნება დაივიწყა და წამლობას შეუდგა. სულ მალე ვახტანგი აბსოლუტურად განიკურნა.

მიუხედავად მატერიალური ხელმოკლეობისა, მკურნალობა

შემოსავლის წყაროდ არ გაუხდია. ღრმად სწამდა, რომ ავადმყოფისადმი დახმარება საზოგადოებრივი ვალდებულებაა, ამამადღებელი და გამაფაქიხებელი საქმე.

სოფელიც უმადლოდა, ზოგს ძღვენს მოართმევდა, ზოგიც ყანაში წაეხმარებოდა და ა. შ.

მაკრინე კარგად იცნობდა ლიტერატურას. გატაცებული იყო ხალხური პოეზიით. შემონახულია მის მიერ ნაწერილი ფოლკლორული ნიმუშები, რომელთაგან აღსანიშნავია „არსენას ლექსის“ იმერული ვარიანტი. იგი ასე იწყება:

„არსენა ოძელაშვილი ვა რა ბიჭია დელია.

წელში წერილი, ბეჭში ფართო, თქოში უფრო სქელია.

ბარათაშვილის ვოგოსა აღარ შეაშვა ხელია.

ბარათაშ კაცი გავზავნა ორი და სამი მღვდელია...“

ჩანს, მაკრინე თანდაც თხზავდა შაირებს. გალაკტიონს ფიქსირებული აქვს ლექსი, რომელიც დედამისს გამოუთქვამს!

თავიდათავი მაინც ის არის, რომ მაკრინე პოეზიის სიყვარულით ზრდიდა შვილებს.

გალაკტიონის დედა კარგად უკრავდა ჩონგურზე, სასიამოვნო ხმა, უტყუარი და მახვილი სმენა პქონია. ვაგებოც აწავლიდა სიმღერას. ჭყვიშელები იჯონებენ: მიმწუხრის ვამს დედა და შვილები აივანზე დასხდებოდნენ. მაკრინე სიმებს ჩამოკრავდა და ეფინებოდა რიონის ჭალებს სასიამოვნო კანკები.

მაკრინე აბესალომს სწერდა: გალაკტიონს „ბავშვები შობის წინა შაბათს დაეთხოვა, მაგრამ ქუთაისს შეჩერებულიყო და ტიტე და ის ერთად მოვიდნენ. აქ რაკი მარტო იყო თუ რაღაც, მოწყენილი იყო. ეს მეც მწყინდა და ახალ წელიწადს საღამოს მათი ხათრიზა მეც გამოვიცვალე ხასიათი და რაეც იყო გამოფხიზლდა. მერმეთ, მე მთხოვა ჩონგური ამიწყვილო“.

ასეთი შემთხვევები ხშირი იყო. გალაკტიონს ძლიერ უყვარდა დედის სიმღერა. ზოგჯერ საათობით უსმენდა ჩონგურის კენესას. დაჟინებით თხოვდა დედას, დაკვრა არ შეეწყვიტა. ამ დროს სხვა სამყაროში გადადიოდა პოეტი. დავესხსოთ მის ერთ ჩანაწერს: „ჩონგურზე უკრავს ქალი. მე გატაცებით ვუგვებ მას ყურს. სოფელს სძინავს. ყოველივე ღამის სიბნელეშია გახვეული. ამ ბნელს, მყუდრო, ნუმ გარემოზე უცბად ამოდის მთვარე და გააშუქებს ჩემს აივანს, ქართულ რიკულებიან აივანს – და ქალს, მუხლებზე ჩონგურით. მთვარის ნათელზე შეგვიძლიათ გააჩნოთ ეს ქალი. ეს – დედაჩემია. ა, გატუნია, მეუბნება იგი – კარგად დამიგდე ყური. შენ გაგიგონია, რომ ჩონგური კი არ მღეროდეს,

¹ გ. ტაბიძე, თხზ., ტ. XII, გვ. 271.

ლაპარაკობდეს, იმეორებდეს პირდაპირ, სწორედ იმას, რასაც შენ ამბობ, რასაც შენ მღერის? აი, მაგალითად: ჩე-ში ქმა-რი, სად წა-ვი-და? დედა მღერის - ჩე-ში ძმა-ნი სად წა-ვი-და? ჩამოკრებს ხიმის ერთს, მეორეს. ჩონგური ბგერა-ბგერით იმეორებს იმასვე, რასაც მღერის დედა...

დედაჩემი გადადებს ჩონგურს... მე ისევე ბურუსში რომ ვარ, დედა მარდად სდგება და მესმის ეხლა პროზაული!

- ხვალ ადრე უნდა ავდგეთ, საქონელი გაღმა გავიყვანოთ, წისქვილზე ვინმე უნდა გავგზავნოთ.

- რა გვეშველება, რა გვეშველება, სიმინდი მოსატეხია, ჩალა ასანეხია, დავიძინოთ, დავიძინოთ, ჩემო გატუნია! რა გვემღერება, რა გვეჩონგურება?...¹

ჩონგურთან და სიმღერასთან დაკავშირებით მაკრინე ბვერ რამეს უამბობდა ვაჟებს და, რაც მთავარია, ეს მონათხრობი მათი სულის გაფაქიზებას ემსახურებოდა. სწორედ დედის ნაამბობი დაედო საფუძვლად გადააქტიონის ბრწყინვალე მინიატურას „ციცინოს ჩონგური“.

ერთ გარემოებაზეც გემართებს ყურადღების გამახვილება. სოფელში გაზრდილი, კლასიკურ განათლებას მოკლებული ქალი ევროპული პუნქტუალობით წერს დღიურებს, მოკლედ აღნიშნავს უმთავრეს მოვლენებს. მაგალითად, „1886 წლის 2 სექტემბერი - მომიყვანეს სახლში. 24 სექტემბერი - ქურდები მოგვიბტნენ და ჩემი ზანდუკი მომპარეს, რომელიც დამტვრეული ვიპოვე. 28 სექტემბერი - მოვიდნენ თათოვნი და ეკატერინე ჩემს სანახავად, 1887 წლის 3 მარტი - წავედი ქუთაისში საკერავი მაშინის საყიდლად და მივეცი ორი თუმანნახევარი. 10 სექტემბერი - ვასილი დაეთხოვა სამსახურს, მასწავლებლობას და მომიტანა 9 თუმანი. 12 სექტემბერი - ჩემმა მულმა კალინიკემ ჯვარი დაიწერა“ და სხვ. დღიურების წერა მაკრინემ შეიღებსაც შეაყვარა. გადააქტიონისათვის დღიური ყველა მეგობარზე ძვირფასი იყო. ერთგან იგი სინანულით წერს: „დავიწყებული მქონდა ის დიდი სარკე საკუთარი, თავისივე ცხოვრებისა, რომელსაც „დღიური“ ეწოდება. მე მსურს ვესაუბრო თავისივე თავს ჩემს ბედკრულ ცხოვრებაზე“. პოეტი დღიურს ანდობდა ფიქრებსა და განცდებს. ამ დროს იგი განსაკუთრებით გულწრფელი და გულღია იყო, სხვა საკითხია - რამდენად მართალი. ხშირად, რასაც პირად ურთიერთობაში, საუბრებში ვერ ამკლავებდა, იმას თამამად გამოხატავდა დღიურებში. ვისაც გადააქტიონის ყოველდღიური ცხოვრებისათვის დაკვირვებით უდევნებია თვალი და, ამასთანავე,

¹ გ. ტაბიძე, თხზ., ტ. XII, გვ. 224-225.

იმ პერიოდის ჩანაწერებსაც გაცნობია, იგი შეიძლება გაოცდეს, იმდენად გამომრიცხავია ზოგჯერ პირადი საუბრის და დღიურის ტენდენციები. ადამიანთა თუ მოვლენათა შეფასება უარყოფითი შეიათად რადიკალურად განსხვავებულია.

დედამ ვაჟები აკურატულობას შეაჩვია. ყველა ბარათის, დოკუმენტის, ჩანაწერის დაცვას ავალდებდა. თვითონაც თვალისწინივით უფრთხილდებოდა ვაჟების ხელნაწერებს; აგროვებდა და ხანდუკში ფაქიხად ინახავდა.

ამ ჩვეულებას უნდა კუმადლოდეთ ტაბიძეების, განსაკუთრებით გალაკტიონის არქივის სიმდიდრეს.

მაკრინე გარდაიცვალა 1935 წელს. გალაკტიონს დღიურში ჩაუწერია „დაჯარგე დედა და მასთან ერთად დაჯარგე იმედი, ნუგეში, თანამგრძობობი... უდედოდ ცხოვრება ვერ წარმოშედგინა, მაგრამ ვაი... დავტოვე ჭყვიში და მასთან ერთად დავტოვე დედის ახლადშეზენული საფლავი... წუხელის ძილში ვწუხდი, რომ უკვე აღარავისთვისა ვარ ისე ძვირფასი, როგორც ვიყავი ჩემი დედისათვის... ვწუხდი, რომ ჩემი მომხრე, თანამგრძობობი და დამცველი არაფერ არის-მეთქი. ამ დროს ჩემი ოთახის ფანჯარას დედაჩემი მოადგა: - გატუნია, შეილო, რამ დაგაღონა, ბიჭო! შენ, შეილო, ყველასთვის ხარ საჭირო და თუ დაგჭირდა, დამცველი და თანამგრძობობნიცა გყავს. გაიხსენე შენი ღექსი, შენი ჭირიმე: „ო, ნანა, ნანა...“. დედაჩემი გაქრა, გამომეღვიძა, მაშინვე ავდექი, ავიღე ჩემი ღექსთა კრებული და მოკებენე ღექსი „ო, ნანა, ნანა...“ დედაჩემი, ალბათ, ამ სიტყვებს გულისხმობდა:

*„კედლით გიმღერის ვეჭხი მგონის ძვირფასი ქარი:
რუსთაველს, გურამი შეილს, ბარათა შეილს და ვაეხ,
წერეთელს, ჭავეჭავაძეს სურთ დაგიჭირონ მხარი.
და კიდევ დედაშენის ნანა არ გიცავს განა?“*

დედა ხულიერ წონასწორობას უნარჩუნებდა, ამხნევებდა და ძალას მატებდა გალაკტიონს.

როგორც ითქვა, მაკრინემ პირადი ბედნიერება მსხვერპლად შესწირა შეილებს. მისი შთაჯარი საზრუნავი პროკლეხა და გალაკტიონის ღირსეულ მოქალაქეებად აღზრდა იყო. თავად ბევრ რამეს იკლებდა, ოღონდ ყმაწვილებს ხელი არ შეშლოდათ სწავლაში და შიადწია კიდევ საწადელს. გალაკტიონმა ძალზე მართებულად დაახასიათა მაკრინე: „რა უყუით, თუ ღარიბები ვართ, სამაგიეროდ, სადაა იმისთანა პატიოსანი და შეურცხვენელი ოჯახი, როგორიც ჩვენი ოჯახია? თუ ერთი დედა დაიტრაბახებს, რომ შეილები ამიზრდია, მით უმეტეს, შენ გამართებს ეს. შენოდენა

¹ გ. ტაბიძე, თხზ., ტ. XII, გვ. 339-340.

საქმეებს, დედანემო, მარტო ზღაპრებში გაგონილი ძველი გმირი
ქალები თუ სძლევენ, თვარა ახლა სადაა ამისთანა ქალები? 111
მაკრინეს განსაკუთრებით აღელვებდა უმცროსი 112
ბედი, რაც თვით გალაკტიონის ხასიათით იყო შეპირობებული.
მოშავი პოეტი ბავშვობიდანვე გამორჩეული ყოფილა, ბევრს
იგი უცნაურადაც კი მიანდა.

მაკრინეს წერილები უმთავრესად ასე იწყება: „ფიქრიდან
განუშორებელი და სხვა და სხვა ნაირათ სადარდებელი შეილო
ჩემო გალაკტიონ“. ან „ფიქრიდან განუშორებელი და სხვა და სხვა
მოგონებით ჩემო დამტანჯველო საყვარელო შეილო გალაკტიონ,
შენი სახელის ხსენებას ენაცვლოს შენი დედა“. ეს არ არის
მხოლოდ სიღარიბით თუ შეილის შორს ყოფნით გამოწვეული
განცლა. მაკრინე არასდროს ამგვარად არ ეხმიანებოდა უფროს
ვაჟს, რომელიც ზუსტად იმგვარ პირობებში იყო, როგორ შიაც
გალაკტიონი (პროკლესადმი მიმართვები ასეთია: „ყოველ
მინუტში ტკბილად მოსაფიქრებელი ძვირფასო შეილო ჩემო
აბესალომ“ ან „ფიქრიდან განუშორებელი ძვირფასო და მეტად
საყვარელო შეილო ჩემო აბესალომ“).

საქმე ის არის, რომ გალაკტიონი ამ ცხოვრების დინებას
არ მიჰყვებოდა. იგი ხშირად ეთიშებოდა და ზოგჯერ
უპირისპირდებოდა კიდევ სინამდვილეს. ყოველდღიური
წერილმანი მას ნაკლებ აღელვებდა. საგნებსა და მოვლენებს
საკუთარი არშინით ზომავდა და ეს მაევანთა და მაევანთა
შეშფოთებას იწვევდა.

დედა წუხს, რომ გალაკტიონი ბარათის გამოგზავნას აკვიანებს,
სოფელში იშვიათად ჩამოდის, ზოგიერთ საგანს არ სწავლობს,
სამსახურზე ნაკლებად ზრუნავს და ა. შ. გალაკტიონისთვის კი
ყოველივე ეს მთავარი როდია. კარგად ამბობს ერთგან: „...მე ჩემი
საქმე მაქვს. ეს საქმე მწერლობაა, კალამია. რაკი თავიდანვე ამ
გზას დავადექი, არასდროს ამ გზიდან არ გადაუხუხვევ და ჩემსას
მაინც გავიტან. ჩემზე ნუ დარდობ, დედაჩემო! რასაკვირველია, შენ
მე სულელად მთვლი, სხვები კი ჩემს მდგომარეობას შენატრიან:
მთვლიან ნიჭიერ კაცად, პატივს მცემენ და სხვა და სხვ“.

ეს თვითდახასიათება 22 წლის გალაკტიონის ეკუთვნის.
მაკრინე კარგად გრძნობდა გალაკტიონის პოეტურ ნიჭს,
ამაყობდა კიდევ შეილის ლიტერატურული წარმატებებით, მაგრამ
ეს მაინც ვერ უნებლბდა შიშს, რომ გალაკტიონმა შეიძლება
ფეხი წაიმტვრიოს, რადგან ცხოვრების ფხა აკლია.

მაკრინეს წერილები სავსეა საყვედურით:
„ეცადე, შეილო, არ გამირონიო ნაშრომი და არ დვიდუპო

თავი. ჭკუით იყავი... შენ არ იცი, მე საწყალოს, რა შრომით და რა წვალებით ნაზარდი მყავხარ და ეხლა რა დროს დაღლატია... აჰა, შეიღო, წელიწადნახევარი გაჭირება მაქანა, მერმეთ შენც აბესალოშთან იქნები¹”.

„არ გახსოვს არავე, არც ნათესავი და არც ოჯახი... რა გიჭირდა. მოსულიყავი და გაგემხიარულებინა შენი საწყალი დედის გული და შენი ძმის. ეს შენც კი უნდა იცოდე, როცა თქვენ ორივეს ერთად დაგინახავთ, მაშინ გამოთენდება დღესასწაული... არა, შე კაცო, რატომ მომაკლებ წუთისოფელს, რა დამიშავებია შენთვის“.

„წერილი შენგან არ მომხვლია. რატომ ხარ ასეთ უგუნებო. ვისზე მერე? იფიქრე, შეიძლება როდესმე კიდევ დაერჩე საჭირო, როდისმე, თუ ვიცოცხლე, მარა მე რა მაცოცხლებს. კაცო, წერილი რომ გამოგიგზავნე იქით კვირაებში, მიიღებდი უთუოდ, მაგიერი წერილი რატომ არ მომწერე...“

„ჩამოდი და შემახედე შენთვის. მაინც ავადმყოფათ ვარ და შენ ნულარ მომიტავებ ხელს“.

საყვედური გულის მომკვლელია, რადგან ჩივის ძვირფასი ადამიანი, რომელსაც ვჭკვი იპყრობს... არავეს, საკუთარ შეილსაც კი, არ ვჭირდებიო.

მოტანილი ციტატები წარმოაჩენენ მშრომელ, დადლილ და შეშფოთებულ პიროვნებას, რომელიც საგანგებოდ უსვამს ხაზს თავის სისაწყალებსა და სიდუხჭირეს. ყოველი წერილიდან გალაკტიონს ესმის ურვა, თვალწინ უდგება შავოსანი ქალის მწუხარე და ცრემლიანი სახე.

ამგვარი განწყობით დაწერილი ბარათები მუდმივი ფიქრისა და წუხილისკენ უბიძგებდა გალაკტიონს. იგი სტრიქონების მიღმა კონკრეტულ სურათებს, ეპიზოდებს, ამბებს სჭვრეტდა და ისედაც სვედიანს კიდევ უფრო ეწურებოდა გული. მას ხომ მეოთხედ ტონებში ესმოდა დედისა. მოგვიანებით წერდა:

„შაუბნელი ღამე დააწვა ტყესა.

ო, დედა კვნესის;


მავრამ ის კვნესა, სიკვდილის კვნესა,

მხოლოდ მე მესმის!“

თუ როგორ მტკივნეულად განიცდიდა გალაკტიონი დედის საყვედურს, ეს ჩანს შემდეგი ბარათიდანაც: „შენმა წერილმა მე მომკლა! დედიკო! რატომ იწერები, რატომ იწერები, რომ მე შენთვის სანატრული ვარ. არა, დედა, შენ გენაცვალე, ჩემზე ნუ

¹ გ. ტაბიძე, თხზ., ტ. IV, გვ. 49.

ფიქრობ. თუ არ მოკვდი, სწორედ ურცხვენელად, როგორც გინდა, გავატარებ ჩემს ახალგაზრდობას.



შენ იწერები „შენგან მოძულებული“! (1)

ქვირფასო დედა, შენ არ შეგფერის სოქვა: „შენგან მოძულებული“.

ო, ჩემო ქვირფასო დედა!..“

როგორც ვხედავთ, ოჯახური გარემო თაღს ფერებს სთავაზობს გალაკტიონს. საგულისხმოა შემდეგიც: დედა სოფლისაკენ უხმობს შეიღს, მისგან ყოველდღიურ ყურადღებას მოითხოვს. გალაკტიონს კი არ შეუძლია დაჰყვეს მშობლის ნებას. სოფლის მასწავლებლობა არ ხიბლავს პოეტს. იგი სხვაგვარ მომავალზე ოცნებობს, დიდი სივრცეების დაპყრობას ელტვის, მსოფლიო მორევში ტრიალს ესწრაფვის. ამიტომაც ჩნდება გარკვეული წინააღმდეგობა, ხვედის კიდევ ერთი მიზეზი. გულწრფელი სურვილი – დედას ასიაშოვნის – ობიექტურად განუხორციელებელია და ეს ტანჯავს მოყვარულ შეიღს.

სადაც არ უნდა ყოფილიყო, როგორ პირობებში, გალაკტიონს მუდამ თან ახლდა დედის ხახება. მასზე ფიქრი არ ასვენებდა. ერთ ღექსში ამბობს:

*„იღია მღერის – ვაჰმე!
ანღა რას ნიშნავს ნეტა:
იხუ რა გავა ღამე –
არ დამენახვოს დედა.*

*შუბლზე მეხება ხელით
და ვგრძნობ, ცივია ტილო:
„შვილო, შუბლი გაქვს ცხელი,
რა გეპართება, შვილო!“
იმ სამუდამო მხარეს,
აღბათ შენ ჩემზე სწუხარ,
დარდს ნუ ეძლევი მწარეს,
არ წაქცეულა მუხა“.*

პოეტის ჩანაწერები მიგვანიშნებს, რომ მაკრინეს სახე არცთუ იშვიათად ხვედთანად ასოცირდებოდა. დედის გახსენება ხშირად ტკივილს უახლვებდა. ეს, რა თქმა უნდა, უპირველეს ყოვლისა, ობიექტური მიზეზებით იყო მოტივირებული, მაგრამ ვერც გალაკტიონის ბუნებას დაუვიწყებთ. მთავარი კი ის არის, რომ ამგვარი წარმოსახვანი მგონისის პოეტური ნერვის ათროლეუბას და გამახვილებას იწვევდა.

¹ გ. ტაბიძე, თხზ. ტ. XII, გვ. 492-493.

² გ. ტაბიძე, თხზ., ტ. III, გვ. 278-279.

არქივმა შემოგვინახა ერთი პატარა ჩანაწერი: „ბრმა მოხუცებული ქართველი ქალი... მას აცვია შავები. ხურავს შავი თავსაფარი დანაოჭებული, კბილებჩაცვენილი, ხაცორდავიწველში მოხრილი იგი სდგას და მწარედ ტირის: სად წაიღო? სად წაიღო?“ ცრემლები გადმოდის თვალთაგან და მოხუცებული ხმით ტირის: „სად წაიღო? სად წაიღო?“ გარს ხაღხი ახვევია და ყველა გულდათუთქული უგდებს ყურს, ყველას სახე დრმა მწუხარებას გამოხატავს. „რა არის? რაშია საქმე?“ – ვკითხულობ, ერთი იქ მდგომთაგანი მიპასუხებს, რომ ვიღაცა პატარა ქალმა მოხუცებულ ქალს ხელიდან გამოგლიჯა ჯოხი და გაიქცა.

(რამდენი ბოროტი ბავშვია ქვეყანაზე?) მოხუცებული ქალი ტიროდა – „სად წაიღო ჩემი ჯოხი?“ ო, ღმერთო ჩემო! რა გულგამგმირავე სცენა იყო. რად გამახსენდა ამ დროს ჩემზე მტირალი დედა?”

დამეთანხმებით, მრავლისმთქმელი ჩანაწერია. მას შეიძლება ნიჭიერად შეთხზული მინიატურაც ვუწოდოთ.

არც მეორე მხარის დაეიწყება ვგების. მაკრინა გალაკტიონისათვის არა მხოლოდ მშობელი, არამედ ამ სამყაროსთან დამაკავშირებელი მთავარი ძაფი, ძალა და იმედი იყო.

დუდის გაჭირვებას თითქმის სასოწარკვეთილებამდე მიჰყავდა გალაკტიონი. 1915 წელი. დაღლილი მგოსანი ბაკურიანში ისვენებს. იმერეთში უჩვეულო წყალდიდობაა და გალაკტიონიც მოსვენებას კარგავს.

„ძვირფასო დედა და ძმარ აბესალომ? პირველად ღმერთს ვთხოვ თქვენს ჯანმრთელსა და ხანგრძლივ სიცოცხლეს – თუ ჯერ კიდევ ცოცხალი ხართ. სწორედ 24 ივნისს დამით მე გავედი ქუთაისიდან ბაკურიანში. ბაკურიანში კი არც გახუთები მოდის, არც ბევრი მოაგარაკებია. ასე რომ, წყალდიდობის ამბავმა მხოლოდ დღეს 1 ივლისს მოატანა აქ. მე პირდაპირ არ ვიცი, რა ვქნა. არავითარი მოსვენება არ მექნება, სანამდის თქვენს ამბავს არ გავიგებ... არ ვიცი, როგორ დამეძინება ამადამ... რაღაც საშინელ ამბებს ყვებიან აქ, ძვირფასო დედანემო! ამ წერილის მიღებისთანავე დასწერე წერილი და ყველაფერი შემომითვალე, რაც მოხდა და შენ, ძმარ აბესალომ, თუ ძმობა გწამს: დღესვე გამომიგზავნე წერილი, გესმის! დღესვე! დარწმუნებული იყავით, თუ მალე წერილი არ მომივიდა, ავად გაეხდები, აი, ჩემი ადრესი: Бакуриани. Галактиону Табидзе.

ძმარ აბესალომ! პატიოსნებას გაფიცებ, თუმანი რომ დაგიჯდეს, დღესვე გამომიგზავნე წერილი. ამას არასოდეს არ დაგივიწყებ.



თუ ეხლა წერილი არ გამოვიგზავნე“.

გალაკტიონი ხშირად ამბობდა: ჩემში ბევრია დედისეული თვისებაო. ამგვარი აქცენტირება შემთხვევითი არ ყოფილა მართლაც, ორივესათვის ნიშანდობლივია სინამდვილის მორთოლვარე აღქმა; დრამატულის გამაფრებული განცდა; არცთუ იშვიათად, შიშითა და ეჭვით ჭერეტა პიროვნებისა და მოვლენისა; მუსიკის სიყვარული და, რაც მთავარია, პოეტური ხილვები. ასე რომ, გალაკტიონმა ბევრი რამ მიიღო მემკვიდრეობით დედისაგან.

ბ ი ძ ა

იმ პირთა შორის, რომლებმაც გავლენა მოახდინეს გალაკტიონზე, უნდა მოვიხსენიოთ პოეტის ბიძა, ტიცციანის მამა — იუსტინე ტაბიძე.

იუსტინემაც ქუთაისის სასულიერო სასწავლებელი დაამთავრა და სწავლის გასაგრძელებლად თბილისს მიაშურა. 1879 წლის 8 სექტემბრით დათარიღებულ ბარათში იგი დეტალურად აცნობს მშობლებს თავის შთაბეჭდილებებს — სემინარიაში ცხოვრების პირობებს და დასძენს: „მეთორმეტე საათამი ვმეცადინებო“.

ჭაბუკი ხარბად დაეწაფა წიგნებს, მას არც ნიჭი აკლდა და არც მუყაითობა. სოფელში სისტემატურად აზავნიდა ბარათებს, რომლებშიც არა მხოლოდ თავის პირად, არამედ თბილისის ამბებსაც იტყობინებოდა. ეს წერილები ჭკვიშულებისათვის გაზუთის როლსაც ასრულებდა. ისინი მრავალგვარი სიახლით, ინფორმაციით იყო აღსავსე. მაგალითად, „ჩვენს სემინარიასთან მოიყვანეს სტანციიდან რკინიგზა, რომელზედაც მოწყობილია დროგები, ცხენები უბია და ისე მიდის, რომ ვერ გადაუხვიონ-გადმოუხვიონ. როგორც პარახოდისთვის, ისე უნდა აიღო ბილეთი და შეხვიდე შით. ბილეთი ჩვენი სემინარიიდან სტანციაშიდის ღირს ორი შაური. ამ დენხანს ფაიტონში ორი შაურის მაგივრად მანეთს ვიხდიდით“.

1883 წლის 14 სექტემბრის წერილში ვკითხულობთ: „ეხლა ამბავი რომ ხდება ამ სემინარიაში, მიდღეში არ შესწრებია კაცი. გლეხი კაცის შვილები, ვინც იყო სახელმწიფო ხარჯზედ, სულ ყველა გამოაგდეს. იმერლებიდან წლეულს მარტო შეიდი მიიღეს სემინარიაში, დანარჩენები დააბრუნეს“.

„—სემინარიაში ბერძნული გადააგდენ და მის მაგივრ

ქართული შემოიღეს“.

„აქეთ ახალი ამბავი ის არის, რომ ტფილისის მღვდელთა წვეულებრივ მდინარეები გაყინა და ძრეული სიცივე დაიწყო როგორც გახეთქებში იწერებინან, რუსეთის ძლიერ დიდი ნიხუბი მოედის ამ იანერიდან ნემცებთან“.

სხვა ბარათებში კიდევ იმას აღწერს, თუ როგორ ეგებება სემინარია საპატიო სტუმრებს: მთავარმმართველ დონდუკოვ-კორსაკოვს, უწინდელ მეფის ნაცვალს მიხეილს, ეგზარხოსს და ა. შ.

როგორც ირკვევა, სემინარიაში იუსტინე რადიკალურად მოაზროვნე ახალგაზრდების წრეში ტრიალებდა, ხარბად დაეწაფა არალეგალურ ლიტერატურას და არსებული წეს-წყობილებისადმი მტრულად განეწყო.

1886 წლის თებერვალში ინსპექტორს სემინარიის გამგეობისათვის წარუდგენია მოხსენება, რომელშიც ვკითხულობთ: „Небрежность по отношению к богослужению замечена со стороны воспитанников Иосифа Лагнев (III кл.), Николая Гагунова (I кл.), Идетина Табидзе и Мих. Цхакая (VI кл.). Как этим, так и другим воспитанникам, допустившим более важные поступки, ректором семинарии делаются были своевременно предостережения, а некоторые подвергнуты были карцерному заключению“¹.

ეს ის იოსებ ღალიაშვილია, რომელმაც ვერ აიტანა მრავალმხრივი უსამართლობა და 1886 წელს, 24 მაისს მოკლა სემინარიის რექტორი, რეაქციონერი ნუდეცი. ამას მოჰყვა სემინარიის დარბევა და 34 მოსწავლის გამორიცხვა, მათ შორის იუსტინესიც.

პირველ ნომრად დასახელებულია მიხეილ ცხაკაია. „ეჭრწაგდებულია მოწაფის მოვადეობის ასრულებაში, უხეში და, თავხედი, არაერთხელ შენიშნულია აკრძალული წიგნების კითხვაში და აშკარად ანტირელიგიური და ნაწილობრივი სოციალისტური მიმართულების ადამიანია, რომლის გაერცვლებას ის ცდილობს განსაკუთრებით დაბალი კლასების მოწაფეებში“².

მეორე ნომრად დასახელებულია იუსტინე ტაბიძე. „უხეში თავხედობამდე და მიმართულებით თავისი ამხანაგის ცხაკაის

¹ იხ. ტ. ხუნდაძე, ნარკვევები სახალხო განათლების ისტორიიდან საქართველოში, 1951, გვ. 251.

² იქვე, გვ. 57.



მსგავსი¹.

როგორც ჩანს, სემინარიიდან გარიცხვა ძლიერ განუცდრია იუსტინეს. ამ ფაქტით შეშფოთებული ვასილი ამხნევეებს წამსჯის: „რა გაეწეობა, ჭირს გაძლება უნდა, არ მომხდარიყო ამხნევისა და ამბავი ხომ კარგი, რაკი მოხდა, კაცმა სისუსტეს თავი არ უნდა მისცეს. ქვეყანაზედ ყველაფერს უნდა ელოდებოდე საწყალი კაცი“.

სემინარიიდან გამორიცხული იუსტინე ერთხანს სოფელშია. შემდეგ კი თბილისში, სასამართლო უწყებაში მუშაობს. სამსახურის გამო ხშირად მოეზაურობს კახეთში, ქიზიყში, ხევში თუ სხვაგან და დაწვრილებით ვცნობა ხალხის ყოფას.

1891 წლიდან ქუთაისშია, მაგრამ აქ დიდხანს არ დარჩენილა. მამის თხოვნით ჭყვიშს უბრუნდება და ანაფორას იცვამს.

ასე და ამრიგად, გამოეთხოვა ლაჟვარდოვან ოცნებებს და მთლიანად ჩაეფლო სოფლის ორომტრიალში. ჭყვიშელთა თავკაცობა იკისრა და ღირსეულადაც ეწეოდა ჭაპანს. გლეხთა შრეველი და დამრიგებელი, მოსამართლე და გულშემატკივარი იყო. იუსტინე გულწრფელად და მთელი მონდომებით იღვწოდა თანასოფელელთა განათლებისათვის. ამაზე მეტყველებს „კოლხიდაში“ გამოქვეყნებული კორესპონდენციაც.

1911 წლის 1 სექტემბერს ჭყვიშში ყრილობა გამართულა, რომელსაც უნდა გადაწყვიტა სკოლის შენობის განახლების საკითხი. სკოლის გამგემ „ღედელმა ი. ტაბიძემ შემდეგი სიტყვებით მიმართა მრევლს: „ღდეს მთელი ქვეყანა მიიღტვის სწავლისაკენ, ისეთი სოფელი არ შოიპოუება, სადაც არ არსებობდეს სამრევლო, ნორმალური და სხვა უმდაბლესი სკოლები. თქვენ მარტო ერთადერთი მამაპაპური სამრევლო სკოლა გაქვთ, სადაც იზრდებიან ისევ თქვენი შვილები. ათი წელიწადია, რაც ეს სკოლა უნაკლოთ იყო, ღდეს მას შეეკეთება სჭირდება და არც ერთი თქვენთაგანი ამაზე ყურს არ აპარტყუნებს. საჭიროა სკოლას შემწეობა აღმოუჩინოთ“².

როგორც ჩანს იუსტინეს შეგონებამ და მცდელობამ გაჭრა.

ტიციანი ასე ახასიათებას მამას: „მთელ თავის სიცოცხლეში იგი თავყვანს სცემდა რუს სამოციანელებს – ნ. ჩერნიშევსკის, ნ. დობროლიუბოვს, დ. პისარევს და სიცოცხლის ბოლომდე ზეპირად ახსოვდა მთელი ნეკრასოვი. მაგრამ მისი ლიტერატურული მოღვაწეობის ცდებიდან არაფერი არ გამოვიდა – ბაბუაჩემის

¹ იხ. ტ. ხუნდაძე, ნარკვევები სახალხო განათლების ისტორიიდან საქართველოში, 1951, გვ. 251.

² გაზ. „კოლხიდა“, 1911, №168.

დაინებით იგი იძულებული იყო სოფელში დაბრუნებულიყო და მღვდლობა დაეწყო¹.

აქ გალაკტიონის მონათხრობიც უნდა მოვიტანოთ: „იუსტინე აღმერთებდა ილია ჭავჭავაძეს. მახსოვს, 1907 წელს ბიძანემთან ერთად მივემგზავრებოდი. რიონის სადგურზე იუსტინემ გაზეთი იყიდა. დახედა და ელდა ეცა. ილია ჭავჭავაძის მკვლევლობას იუწყებოდნენ. ცრემლით აეკისო თვალები. მთელი გზა ხმა არ ამოუღია. გადაშლილ გაზეთს უაზროდ ჩასცქეროდა.

იუსტინემ ილიას „ივერიაში“ რამდენიმე პუბლიცისტური ნაწარმოები გამოაქვეყნა. პირველ კორესპონდენციაში ავტორი სოფელ ჭყვიშის აუკარგს აცნობს ფართო საზოგადოებას. მოსახლეობა შეძლებულია - წერს იგი - ბევრს ოდა უდგას, შემოსავლის ძირითადი წყარო სიმინდია. მართალია, ხარობს იზაბელა, ე. ი. „ადესა“, მაგრამ „იმისგან გამოწურული ღვინო ჭის წელისაგან არაფრით განირსევაო“.

ავტორი იმასაც შენიშნავს, რომ ქაჯა ცუდია. იუსტინე ყურადღებას ამახვილებს სკოლაზე, განათლების საკითხებზე, ქვეყნის წინსვლასა და ბოროტების აღკვეთის მთავარ საშუალებად „სწავლა-განათლებლასა და მოზარდი თაობის კარგ გზაზე დაყენებას“ მიიჩნევს.

კორესპონდენცია ბევრ საინტერესო ფაქტს შეიცავს და მკითხველს მკაფიო წარმოდგენას უქმნის ჭყვიშზე.

მეორე ნაწარმოები ტობანიერს ეძღვნება. წინ არის წამოწეული სოფლის ორი ძირითადი სატკივარი. ვაზის დაავადება და გაუნათლებლობა. კორესპონდენცია ყურადღებას იპყრობს არა მხოლოდ ფაქტების სიუხვით, არამედ მათი ანალიზით და კრიტიკული პათოსით.

ტობანიერია - წერს პუბლიცისტი - განთქმულია ღვინოებით, მაგრამ ამ ბოლო დროს ვაზს ავადმყოფობა გაუჩნდა და „მალე მოვა ის დრო, როცა აქაურებს ღვინო პირის გახასველებლად არ ექნებათ“. ამგვარი დასკვნისაკენ ავტორს უბიძგებს მოსახლეობის უმოქმედობა. ჟურნალისტი მახვილს ძირითადად აზნაურების წინააღმდეგ მიმართავს. ისინი გლეხებზე ღონიერნი არიან, მეტად შეუძლიათ ვაზის დაავადების წინააღმდეგ ბრძოლა, მაგრამ ყურსაც არ იბურტყავენ. „ამისთანა უზრუნველნი, სწავლა-განათლების გულგრილად მკურნებელნი, არა ვგონებ, კიდევ იყვნენ სადმე ამ სოფელში. სამოც კომლამდის აზნაურობაა, და სიტყვამ მოიტანა შევნიშნოთ, რომ ვერც ერთს აზნაურს ვერ ჩნახავთ ამათში იმისთანას, რომელსაც არა თუ უმადლესი, ან

¹ გ. ტაბიძე, თხზ., ტ. I, გვ. 2.

საშუალო სასწავლებელი, არამედ, ასე გასინჯეთ, სადმე მაინც
ესწავლოს“¹.

პრივილეგირებული წოდების წარმომადგენლები მაშინვე
საგანგებოდ დაარსებული გიმნაზიითაც კი არ სარგებლობენ. და
ეს მაშინ, როცა სოფლის უბრალო მღვდლები თუ მედავითნენი
ყველაფერს აკეთებენ, რათა მათმა შვილებმა განათლება მიიღონ.

ი. ტაბიძე მოგვითხრობს, რომ 1876 წელს ტობანიერში გაიხსნა
სამინისტროს სკოლა. სწავლის საქმე კარგად წარიმართა, მაგრამ
ასე დიდხანს არ გაგრძელებულა. „მოგეხსენებათ, სწავლა-
განათლების გლეხობისას, როგორც მის თვალის ამხელს და
სიბეჩაის დამნახვებელს, ყოველთვის წინ ელობებიან და გზას
უკრავენ იმისთანა სულიერნი,

რომელთათვისაც გლეხ-კაცის გამოფხიზლება დიდი ზარალი
და უბედურებაა. ამგვარ კაცთათვის გლეხი რამდენადაც
გაუნათლებელი და უმეცარია, იმდენად კარგი გასათლელ-
გასაფცქენელია. ამისთანა სულიერნი ამ სოფელშიაც არიან და აი,
როცა დაინახეს ამ ვაჟბატონებმა, რომ სკოლის დაარსებით მათს
გაიძვერობას და გლეჯა-ფცქენას საზღვარი ედებოდა, დაიწყეს
ხალხში ქადაგება: რა საჭიროა გლეხ-კაცისათვის სწავლა, წერა-
კითხვის ცოდნა. ეს ხომ მოცლილ კაცების საქმეაო. გლეხ-
კაცისათვისა საჭიროა თოხი და ბარი და ამისი ხმარებაო“².

ხალხმა სკოლას აღმაცკრად დაუწყო ცქერა, მასწავლებლებიც
აიძულა გაქცეულიყვნენ. სახელმწიფო მაინც ახდევინებდა
გლეხებს სკოლის ფულს და მათაც დაასვენეს: დე. ლუკმა
გავარდეს, ჯამში ჩავარდესო. ისინი სკოლისაკენ შემობრუნდნენ
და საქმეს კარგი პირი უჩანსო.

ჟურნალისტი დემოკრატიულ პოზიციაზე დგას, ხალხის
ინტერესების დამცველია, საზოგადოების გამოფხიზლება-
განათლებისათვის იბრძვის, ავტორი აშკარად ავლენს თავად-
აზნაურებისადმი მტრულ დამოკიდებულებას.

სწავლა-განათლების საკითხებს სხვა ნაწარმოებშიაც ეხება
ი. ტაბიძე ერთ-ერთ კორესპონდენციაში იგი საუბრობს ქუთაისის
ქალთა ეპარქიალურ სასწავლებელზე. დიდ მნიშვნელობას
ანიჭებს ახად სკოლას. ამასთანავე კონკრეტულ შენიშვნებს
გამოთქვამს პროგრამებთან დაკავშირებით. მისი აზრით, უფრო
მეტი ყურადღება უნდა მიექცეს „შეგნებულ სწავლებას ისეთის
ხაზებისას, როგორც არის დედა-ენა, საქართველოს საეკლესიო

¹ გაზ. „ივერია“, 1892, №89.

² გაზ. „ივერია“, 1892, №89.



და სამოქალაქო ისტორია და ქართული მწერლობა“¹.
 პუბლიცისტური ოსტატობით გამოირჩევა კორესპონდენტი „ქ. ქუთაისი“. ავტორი დაკვირვებით არწევს ფაქტებს, მისი საზოგადოებრივად მნიშვნელოვანი, თვალშისაცემი და ძირითადი იდეის დასაბუთებისათვის ეფექტურია. მათი წარმოჩენითა და კომენტარებით ავტორს ბუნებრივად მიუყვართ დასკვნამდე, რომ ქალაქის გაძგეობა თავს ვერ ართმევს მასზე დაკისრებულ მოვალეობას. „რაც გინდა ბევრი ჩხირკო და პქქო, დიოგენის ფანარიც რომ თან იქონიო, აქ იმისთანა საკეთილო საქმეს ვერა მნახავთ, რომელიც სამოქალაქო თვითმმართველობას დაეწყოს და სანატრელად დაეგვირგვინებინოს. ყველგან და ყველაფერში რაღაცნაირ უსულობას, უსიცოცხლობას და დაუდევრობას, უთაებოლობას ამჩნევთ...“²

ფაქტთა განლაგება ეფექტურია. თავდაპირველად ავტორი ქუჩების კეთილმოწყობაზე ამახვილებს ყურადღებას. თვითმმართველობა მხოლოდ თბილისის ქუჩის მიმართ იჩენს გულისყურსო. ერთი წელიწადია, რაც მისი შეკეთება დაიწვეს, მაგრამ საქმეს ბოლო მაინც არ უჩანს. ალბათ ვერც დაამთავრებენ რემონტს, რადგან „შეაკეთებენ თუ არა ბოლომდის, ისევე თავიდან დაიწყებენ და ამნაირად გამოვა „წაჯექუკუჯექობის“ თამაში“³.

კორესპონდენტი გულისტკივილით აღნიშნავს, რომ ქუჩების განათება უვარგისია. ქალაქი მოკლებულია საზოგადოებრივ საავადმყოფო-სამკურნალოს. ამ ფაქტებზე შედარებით ვრცელი და დასაბუთებული მსჯელობით, სარკასტული ჩანართებით პუბლიცისტს ადვილად გადააყვას მკითხველი თავის პოზიციაზე. ამიტომაც აუცილებლად არ თვლის სხვა ნაკლოვანებებზე დეტალურად შეჩერებას. იგი მხოლოდ ჩამოთვლის მათ. „ქალაქს აგრეთვე არა აქვს საკუთარი სასაფლაო, არ უვარგა სასმელი წყალი, ხოლო რაც შეეხება სხვა საქველმოქმედო დაწესებულებათ, როგორც, მაგალითად, თავშესაფარს უპატრონო ბავშვებისათვის პროფესიონალ სკოლებსა და სხვ., ესენი ხომ არ არიან და არ არიან“⁴.

კორესპონდენტის მთავარ ღირსებად ის უნდა მივიჩნიოთ, რომ მასში საფუძვლიანად არის გაანალიზებული ფაქტები,

¹ გაზ. „ივერია“, 1892, №213.
² იქვე, №111.
³ იქვე, 1892, №111.
⁴ იქვე.

მიზეზთა მიზეზთა დაძებნილი, ავტორი მართებულად შენიშნავს: „უსამართლობა იქნებოდა ჩვენის მხრით, ყოველფერადი აღნიშნული ნაკლულეკანება ქალაქისა, ქალაქის გამგებლობისა და საზოგადოდ საქალაქო თვით-მმართველობის დაუდევნელობისა და გულგრილობის მივაწვროთ. რასაკვირველია, იმასაც წილი უდევს ამ საქმეში, მაგრამ მასთან ურთად სხვა მიზეზებიც ამოქმედობს“¹.

ავტორი ასახელებს ყველაზე მთავარს. ეს არის ვაჭრობის დაცემა და ქალაქის შემოსავლის სიმცირე.

გამორიცხული არ არის, რომ ი. ტაბიძეს სხვა მასალებიც აქონდეს გამოქვეყნებული. ეს ვარაუდი გამოითქვა კიდევც².

მაგრამ განხილული ნაწარმოებებიც საკმარისია იმისათვის, რომ დავასკვნათ: ი. ტაბიძე დემოკრატიულად განწყობილი, პროგრესულად მოაზროვნე პიროვნება იყო, რომელსაც კალამი უჭრიდა.

როგორც ჩანს, იუსტინესთვის უკვალოდ არ ჩაუვლია რევოლუციონერებთან კავშირს და საქარია ჭიჭინაძის წრეში ყოფნას.

გარდაიცვალა 1919 წელს:

იუსტინე სიტყვაძუნწი კაცი იყო. ერიდებოდა ემოციების გამჟღავნებას. საგანგებო გულგახსნილობას ძმისწულებთანაც არ იხენდა. მაგრამ მისი ყოველი საუბარი პატარა ნათესავეებთან, წარსულის გახსენება თუ ღიბერატურული მაგალითების მოხმობა – ყოველთვის დროული და შთამბეჭდავი იყო. პროკლე და ვალაკტიონი ანგარიშს უწევდნენ ბიძის აზრს. იხიბდებოდნენ მისი ნაკითხობითა და გემოვნებით. იუსტინეს ბიბლიოთეკითაც ხშირად სარგებლობდნენ. ბიძა სიკეთისა და პატიოსნებისაკენ მოუწოდებდა ძმისწულებს, განათლებისა და მწიგნობრობისკენ ღტოლვას უღვივებდა მათ.

ბიძასთან ურთიერთობის ყველა მნიშვნელოვანი ფაქტი აქ ვერ აღინუსხება. თუმცა ისიც საკითხავია, მომავალი პოეტისათვის რა უფრო მნიშვნელოვანი იყო: იუსტინეს ფხიზელი გამოხედვა და თრთოლვით წარმოთქმული „ბიჭო, ვალაკტიონ“, თუ ეკლესიაში

¹ გაზ. „ივერია“, 1892, №111.

² ი. ტაბიძეს არ ვკუთვნის „ცნობის ფურცელში“ 1902-1904 წლებში გამოქვეყნებული კორესპონდენციები. „ს. სვირი“, როგორც ეს აღნიშნულია ქართული გაზეთების ანალიტიკურ ბიბლიოგრაფიაში. ამ პერიოდში იუსტინე ჭვეიშში ცხოვრობს. მას არავითარი კავშირი არა აქვს სვირთან.

წაკითხული ქადაგებანი ან ჩაფრების წინააღმდეგ აღმართული
ჯვარი.

ყოველდღიური ურთიერთობის მდინარეში თანდათანობით
იძირება უმნიშვნელო და რჩება ჭეშმარიტი ღირებულება,
რომელსაც სოფჯურ სახელსაც კი ვერ მოუძებნი.

მართლაც რომ, მაინც სხვა არის ყივილი სისხლისა, მაინც
სხვა არის ნაღდი მირონი და სულის თანაზიარობა.

აღბათ ამ ქვეთაეის ყველაზე კარგ დასასრულად
გალაკტიონისადმი მიძღვნილი ტიციანის ლექსის სტრიქონები
გამოვღებთ:

*„ერთი ოცნების, ერთი გეარის ვართ ტუუპის ცალი,
ერთად ლპებიან ჩვენ მამების კუბოს ფიცარი.
ორპირის ფშანის ერთად ვწოვეთ ჩვენ უმურები
და ლექსებითაც ერთმანეთს არ დავემდურებით...
გაუყოფელი დაგვერჩა ეზო, სახლი და კარი,
რიონის ტალღად დაგვედევნა სიტყვა ანკარა.
ერთია ჩვენი სამუდამო ხაშმის ემბაზი,
ლექსი ქართული გაიშართა ორპირის ხაზით“.*

მ მ ა

გალაკტიონს „მთელის გულითა“ და გასაოცარი სიფაქიზით
უყვარდა უფროსი მმა პროკლე, იგივე აბესალომი.

პროკლე მისთვის მეგობარიც იყო და მასწავლებელიც,
მესაიდუმლეც და ქომაგიც. მმამ დიდი ამაგი დასდო
გალაკტიონის აღზრდას, მისი პოეტური ნერვის გამახვილებას
და ლიტერატურულ წრთობას. გალაკტიონმაც კარგად იცოდა
პროკლეს თანადგომის ფასი. ამიტომაც წერდა:

*„მმა დაგკარგვ, მერე რა მმა - უკეთესი,
ერთადერთი,
გაჭირვების ხანაშია მე მიცავდა მისი მკერდი,
ნუგეშს მცემდა, მამხნელებდა, მარიგებდა, როცა
ვწერდი...
კელის ნაცვლად მისგან მქონდა აბრეშუმი და
ხავერდი.“*

მოვიდოდა ჩემთან ოდეს, მე ვიცოდი სული მმისა,

¹ ტ. ტაბიძე, თხზ., ტ. I, გვ. 105.

ჩემი მტერი მისად უნდა, მედგრად გამომცემი
ხმისა,

დაფარული არა გვექონდა, პირდაპირი იყო
მტრისა.

ვაი, მისმა დამკარგავმან, ცრემლი დამადინა
ზღვისა¹.

პროკლე 1889 წელს დაიბადა. წერა-კითხვა დედის ხელმძღვანელობით შეისწავლა. 8 წლისა ქუთაისის სასულიერო სასწავლებელში მიაბარეს, რომელიც პირველი ხარისხის დიპლომით დაასრულა. „სამშა მოწაფემ გავათავეთ მარტო პირველი რაზრიადითო“ – ხიამაყით სწერდა დედას.

1906 წელს მან სწავლა სასულიერო სემინარიაში გააგრძელა. წერილში „იშეიათი მასწავლებელი“ იგი ასე ახასიათებს სემინარიის ატმოსფეროს: „პაერი შეხუთული იყო... გულისგამაწყალებელი ღოცვები, ღვთისმეტყველების მოსაწყენი გაკვეთილები, სულიერად გამოფიტული მასწავლებლები, ჯაშუშები, შავი ყორნები... ჩვენ კი სიცოცხლე გვეწუროდა“².

პროკლე ბუჯითად კვიდებს ხელს არა მხოლოდ სავალდებულო დისციპლინების, არამედ მხატვრული ლიტერატურის შესწავლასაც. იგი ერთნაირი გატაცებით კვიდება როგორც ქართულ, ასევე რუსულ და ევროპულ მწერლობას. ცდილობს ღრმად ჩასწვდეს ნაწარმოებთა იდეას. მისთვის მხატვრული ტილო არა მხოლოდ ესთეტიკური ტკობის წყაროა, არამედ მსოფლმხედველობითი პოზიციების გამრკვევი და ზნეობრივი წრთობის საშუალება. სიღარიბის გამო შესაძლებლობა არა აქვს საკუთარი მდიდარი ბიბლიოთეკა შექმნას. ამიტომაც სხვათა სამკითხველოების ხშირი სტუმარია. წაუკითხავს არ ტოვებს მეგობარ-ნათესავთა თუ ამხანავთა მიერ შექნილ მნიშვნელოვან წიგნებს.

მრავლისმთქმნელია ლ. ტოლსტოისადმი გავზავნილი მისი ბარათი. იგი 1907 წლის 14 აპრილს არის დაწერილი და არა მხოლოდ პროკლეს, არამედ მოწინავე ქართველი ახალგაზრდობის სულისკვეთებასაც გამოხატავს. ამასთან ხაზს უსვამს ლ. ტოლსტოისადმი მთაერობის დამოკიდებულებას.

«Многоуважаемый Лев Николаевич!

Давным давно о вас часто мне попадалось слышать: «Так говорит Лев Николаевич» - говорили между собою разсуждающие. Кто это Толстой – спрашивал я товаришей и когда узнал, что он замечательный

¹ ბ. ტაბიძე, თხზ., ტ. VI, გვ. 124.

² გაზ. „საბჭოთა მასწავლებელი“, 1939, №79.

философ, стал жадно читать попадающиеся его сочинения. Помню, раз ко мне пришел инспектор, тогда я был в духовном училище, увидев что я читаю, он бросился ко мне с криком: «Несчастный, что ты читаешь! Неужели не знаешь что развратные книги этого автора могут погубить тебя на всегда, на всю жизнь. Я возьму с собою эту книгу и предупреждаю тебя: если подобное дело повтлорится, то тебя выгоню из училища». Он взял с собою книгу и мне дали по поведению четверку.

Хотя, с тех пор до окончания училища (тогда я был в IV классе), я в руки не брал ваших сочинений, но никогда не мог догадаться: почему запрещали чтение этих книг?

Теперь я в семинарии много читал и слышал о ваших сочинениях, как о творениях великого мыслителя и очень желал познакомиться вашему учению. Но, к моему несчастью, у меня не было денег, чтобы покупать книги.

Теперь я, Многоуваеваемый Лев Николаевич, обращаюсь к вам просьбою удовлетворить мое душевное чувство тем, что выслать мне по экземпляру ваших сочинений бесплатно.

Прошу еще, если можно, написать мне письмо. Я этому буду очень рад я письмо сохранию до конца моей жизни»¹.

პროკლე სიცოცხლის ბოლომდე დარჩა ლ. ტოლსტოის თავყანისმცემელი, მისი შემოქმედებით მოხიბლული და ანთებული.

სემინარიაში პროკლე დაუახლოვდა ვასილ ბარნოვს, რომელიც პედაგოგიკას ასწავლიდა (მოგვიანებით მან სიყვარულით გამთბარი წერილი უძღვნა ძვირფას აღმზრდელს).

პროკლე სკოლაში რედაქტორობდა ხელნაწერ ჟურნალს, მონაწილეობდა საქველმოქმედო კონცერტებში; ფართო საზოგადოებრივი ცხოვრებით ინტერესდებოდა. ამავე პერიოდში იწყებს იგი ჟურნალ-გაზეთებში თანამშრომლობას. პ. ტაბიძის სემინარიული ამხანაგი ტერენტი ვეფხვაძე იგონებს, პროკლე გამოირჩეოდა სიბუჯითითა და წესიერებით. ძალზე გვიყვარდა ამხანაგებს, ადრევე გამოამჟღავნა მხატვრული გემოვნება და წერის ნიჭი. რადგან ნოველებსაც თხზავდა. მახსოვს, ერთხელ სემინარიიდან გავიპარეთ და სობინოვის კონცერტს დავესწარი. მეორე დღეს მაგრად მოგეცხეს, გადაყოლილი იყო გალაკტიონბზე გარინდება იცოდა. შევარჩჯღრვეით: „საით ქრის გონება შენი?“ კეთილი ღიმილით გვეტყოდა: „დედაჩემზე ვფიქრობო“.

ახლა მოუხსმინოთ აღექსანდრე თვარაძეს... პროკლეს მერხის მუგობარს: „მისებრი კაცი ბევრი აღარ შემხვედრია ცხოვრებაში. აბესალომი ერთი იმათგანი იყო, ვისაც ცხოვრების ჭუჭყი

¹ რ. თვარაძე, გალაკტიონი, 1972, გვ. 36.



ბაქალავტის კმა პროკლე (აბუსალომ) ტაბიძე

რადაც სასწაულით არ ვკარება ხოლმე რანაირ გარემოშიც უნდა მოხვედრილიყო, მისი სპექტაკი ზნეობა და ნათელი გონება არასოდეს აიძვრებოდა¹.

და ერთიც, პროკლეს ბიძაშვილი დაეთ ტაბიძე თვინებს. ბავშვობიდანვე ვიცნებობდი, რომ პროკლესნაირი ვყოფილიყავი, მასავით ჭკვიანი, განათლებული, მოწესრიგებული, თითოთ საჩვენებელი.

უმაღლესი სასწავლებელიც დავამთავრე, სკოლის დირექტორადაც დიდხანს ვმუშაობდი, ახლა აგერ მუზეუმის დირექტორის მოადგილე ვარ. ბევრი რამ ენახე და განვიცადე, საწაღელს კი მაინც ვერ მივწვდი. არა, ძმავ, სხვა კაცი იყო, სხვა მბრუნით ნაკურთხი.

1912 წელს პროკლემ სტუდენტის ხარისხით დაამთავრა სემინარია და რუსეთში სწავლის გაგრძელება გადაწყვიტა. მაგრამ ამ ოცნებას ფრთები შეეკვეცა. ფულის შოვნა გაძნელდა. დედაც მარტოღმარტო იყო. გალაკტიონი ოჯახისთვის ვერ იცლიდა... მაკრინე ვაჯებოდა შვილს: ნუ გააცივებ კურიას, ძლიერ მიჭირს, ჩამოდით... და აბესალომიც მასწავლებლობას იწყებს. ჯერ ჭოკნარში მსახურობს, შემდეგ დაფნარსა, შუამთასა, სამტრედიასა და თბილისში ასწავლის ქართულ ენასა და ლიტერატურას, იყო სასწავლო ნაწილის გამგე, სკოლის დირექტორი.

პროკლე საზოგადოებრივი საქმიანობითაც გამოირჩეოდა. ხუთი წლის განმავლობაში თემსაბჭოს პრეზიდენტის წევრად მუშაობდა. ხელმძღვანელობდა კულტურის სექციას, ასრულებდა კულტრწმუნებულის მოვალეობას. მისი ინიციატივით აშენდა შუამთის (ვანის რაიონი) საშუალო სკოლის დიდი კაპიტალური შენობა, გაიხსნა ბიბლიოთეკა. პროკლეს თაოსნობით არაერთხელ გამართულა პოეზიის საღამო, დისკუტი, ლიტერატურული გასამართლება. იგი საზოგადოების არა მხოლოდ განათლებისა და ზნეობის ამადლებისათვის იღვწოდა, არამედ მისი ეკონომიკური მდგომარეობისა და ყოფის გაუმჯობესებისათვის.

უანგაროდ და წუმად იცოდა მოყვასისათვის ხელის გაწვდენა. ჭკვიშელები მისი კაიკაცობის დამადასტურებელ მრავალ კბიზოდს იხსენებენ.

სოფელში კოლორიტული კაცი ცხოვრობდა - ქრისტეფორე ბაღდავაძე. ცხოვრობდა თითქმის ეულად, ისლით დახურულ ქოხში, უზარმაზარი ხეებით დაბურულ ეზოში. ძველი ყაიღის გლეხი იყო, ახირებული, ცივილიზაციისაგან რამდენადმე შორს მდგომი. 30-იან წლებშიც კი მშვილდისრით ნადირობდა და

¹ გ. ტაბიძე, თხზ., ტ. VI, გვ. 118.

ასანთს მამა-პაპურ კვეს-აბედს ამჯობინებდა. ბოლომდე კერძო მესაკუთრე დარჩა. მოხუცებულობაში მხედველობამ უმტყუნა – საგანთა კონტურებს ამჩნევდა მხოლოდ. ამან კიდევ უფრო გააღიზიანა, უკიდურესად ეჭვიანი, ჯაჯღანა და მოურიდებელი გახდა.

ერთ დღეს პროკლე ეწვია და სხვადასხვა ზომის სათვალეები მიუტანა. ქრისტეფორემ სათვალე მორგო და ამოისუნთქა. კაცი გადახალისდა, ამაღლდა. სიცოცხლის უკანასკნელ წუთამდე პროკლეზე მლოცველი იყო.

პროკლე იმ ადამიანთა რიცხვს ეკუთვნოდა, რომლებიც შეჭირვებულის მოსვლას კი არ ელოდებიან, არამედ თავად მიდიან მასთან.

და მაინც... პროკლემ თავისი ცოდნა, ნიჭი და ენერჯია ძირითადად ახალგაზრდობის აღზრდას შესწირა. ლექსში „აბესალომის ხსოვნას“ გალაკტიონი ამბობს:

„...შენ აღარ ხარ, მაგრამ შენს სიტყვებს საქმედ დაქპარავს

ის თაობა, დღეს რომ სწუხს მახწავლებლის დაქარავს.

მოწაფეებს, შენს გამო გულწრფელად რომ სტირიან, გრძნობებს, რომლის ფესვები ასეა ღრმა და ხშირია.

ესმით: როცა სულს ლევედი, მათთან საგასანდობლო, შენი უკანასკნელი სიტყვა იყო: „სამშობლო“¹.

მუდარგობა მისთვის მოწოდება იყო და მთელი გატაცებითაც ეძლეოდა. გალაკტიონისადმი გაგზავნილ ერთ ბარათში აღნიშნავდა: „არის კი წუთები, როდესაც ცხოვრება გიყვარს და სიხარულსა გრძნობ. ეს მაშინ, როცა გაკვეთილებზე ხარ. ხედავ, რანაირის გატაცებით გისმენენ, როგორ უბრწყინავთ თვალები, როცა ახალს რამეს იგებენ... მე მინდა მათ ავაცდინო ის წამება, რასაც ჩვენ განვიცდიდით. ოხ! რანაირად მოკლეს ჩვენში თვითშემოქმედება... სიხარული და სიყვარული!.. სამწუხაროა მხოლოდ, რომ ჩვენი მახწავლებლობა არაა საკმაოდ მომზადებული ახალი შკოლისათვის და თავიდათავი რაც არის: არაა გატაცება. ეს კი უმთავრესია ყოველი ადამიანის მოღვაწეობაში (გაკვეთით: შენ რომ ასეთი გატაცება არ გქონდეს, უკ, რა უმნიშვნელო ვინმე იქნებოდი)“².

¹ პროკლე (აბესალომ) ტაბიძე, მოთხრობები, ბარათები გალაკტიონს, 1997, გვ. 139-140.

² გ. ტაბიძე, თხზ. ტ. XII, გვ. 402.

მწერალი ანდრო თევზაძე იგონებს: „პარტიონი პროკლეს გაკვეთილები სავსე იყო პოეტური ცეცხლითა და არტისტისმით. არა მხოლოდ საფუძვლიანად ფლობდა, არამედ ღრმად განიცდიდა მასალას. წვენი მოწმენი ვიყავით მასწავლებლის შინაგანი წვისა. ზვირად იცოდა ქართული და რუსული კლასიკური პოეზია. საათობით შეეძლო ესაუბრა გალაკტიონის შემოქმედებაზე.“

არ მახსოვს, შეგირდებს გასწვრომოდა. ალბათ იმიტომაც, რომ სულგანაბული ვუსმენდით და დავალებასაც ყოველთვის ვუსრულებდით“.

პროკლეს პარტიის სცემდნენ მოსწავლეები, მათი მშობლები. დავკესხსოთ აკადემიკოს კორნელი კეკელიძის ერთ ბარათს: „პარტიეცემულო ბ. პროკლე! მოგიკითხავთ და ვისურვებთ ბედნიერებას და ნაყოფიერ მუშაობას. თქვენი წერილი მივიღე და მადლობას გიძღვნით იმ ყურადღებისა და მზრუნველობისათვის, რომელსაც ჩემს ბავშვებს მუდამ უნდნით მანდ. იღუშა ესლა მერვე ჯგუფში მინდა მოეთათესო, ისვე პროვინციაში. ვფიქრობ, ვანში გაგზავნო, თუ იქ არ დაიკეტა არსებული შიკოლა. მიიღე გულწრფელი ხალაში ჩემი შეუღლისაგან. მარად პარტიისმცემელი კ კეკელიძე“.

პროკლეს მინიჭებული აქონდა საქართველოს სსრ დამსახურებული მასწავლებლის წოდება. დაჯილდოებული იყო ლენინის ორდენით.

გარდაიცვალა 1948 წელს.

ეს უდიდესი ტრაგედია იყო გალაკტიონისთვის: თითქოს სამყარო შეინძრა, ფერი იცვალა, ყველაფერი ქარიშხალმა გადალექა. გალაკტიონს დღიურში ჩაუწერია: „ამოვარდა ძლიერი ქარი. სახურავებს დეწდა, ხეებს სტეხდა ქარი. არ მახსოვს, რომ ასეთი ამინდი ყოფილიყოს, რაც იყო 1948 წ. 2 ოქტომბერს დამით, პირველის ორ წუთზე, როდესაც გარდაიცვალა აბესალომი“.

მთელი დამე ბორგავდა. დღით ადრე გავიდა შინიდან და თვალებამღვრეული დაბრუნდა. მახსოვს, პანაშვიდებზე კუთხეში იყო მიკრუნხული, ცახცახებდა, მორცხვად და უგერგილოდ უწვდიდა ხელს თანამგრძნობლებს.

ტიროდა ბეთსოვენი...

ტიროდა შოპენი...

გული უწუხდა გალაკტიონს.

- როდის დამთავრდება? მაღიძმად მკითხებოდა.

დასაფლავების დღეს ბარბაცით მაყვებოდა საყვარელი ძმის ცხედარს. გათხრილ საფლავთან დაიხარა. უკანასკნელად

ეამბორა და კუბოში კონვერტი ჩაუღო, რომელშიც სისხლით და ცრემლით დაწერილი ლექსი იყო.

დაცარიელდა მზისქვეშეთი. გალაკტიონი ადგილს ვერ მოუძებნა. სასმელს მიეპალა. ცდილობდა ღვინოში ჩაეკლა დარდი. თვენახევარი არ გამოფხიზლებულა.

მერმე ამის პატივსაცემად წვერი მოუშვა და განდა კიდევ ერთი საფიცარი: „აბესალომის სულს გეფიცები“.

ვიდრე ამების ურთიერთობას ვრცლად შევეხებოდეთ, მანამდე მოკლედ მიმოვიხილავეთ პროკლეს შხატურულ და პუბლიცისტურ მემკვიდრეობას. ეს იმიტომაც არის საჭირო, რომ გალაკტიონის ოჯახურ-ლიტერატურულ ატმოსფეროზე უფრო სრული წარმოდგენა შეგვექმნას. მშათა მეგობრობას აღუღაბებდა ლიტერატურისადმი საერთო სიყვარულიც. პროკლე იგონებს: როცა არდადეგებზე ქუთაისიდან სოფლად ვბრუნდებოდით, მთელი გზა - ბორნიდან მოყოლებული სახლამდე - რითმების ძიებით ვიყავით გატაცებული. ვერსიფიკაციულ ვარჯიშში თავდაპირველად მე ვიმარჯვებდი. კარგად მახსოვს, პირველად 1906 წელს დამჯაბნა. შემდეგ კი საერთოდ ვერ ვუბამდი მხარს.

პროკლემ გალაკტიონზე ადრე დაიწყო მწერლობა.

1907 წელს გაზეთ „ისარში“ (№43) ს. შანშიაშვილისა და შ. დადიანის ნაწარმოებების გვერდით დაიბეჭდა პროკლეს შიერ თარგმნილი „წვიმა“. გალაკტიონი აღტაცებულია ამ ფაქტით: „მშაო აბესალომ, წაეკითხე „ისარის“ 25 თებერვლის ნომერი, ძალიან გამეხარდა, როდესაც ფელეტონში მოქცეული პატარა ამბავი წაეკითხე. ერთგან ქვევით შენი სახელი და გვარი იყო მიწერილი“.

აქედან მოყოლებული პროკლეს მოთხრობები სისტემატურად იბეჭდებოდა ქართულ ჟურნალ-გაზეთებში.

„გთხოვთ, თქვენი მოთხრობები და ყოველნაირი მასალა მოგვაწოდოთ, აგრეთვე გთხოვთ ჩვენს აგენტთ იყო და გაავრცელო ჩვენი ჟურნალი“. - სწერდა „ნაკადულის“ რედაქტორი შარიაშვილს.

„მე თქვენს ნაწარმოებებს დიდი სიხარულით დავსტამბავ ყოველთვის“. - პირდებოდა ჟურნალ „ცხოვრების“ რედაქტორ-გამომცემელი რომანოზ ფანცხავა.

მოგვაწოდეთ მასალა „განათლებისათვის“ - სთხოვდა ლუარსაბ ბოცვაძე. სხვათა შორის, ლ. ბოცვაძესა და პ. ტაბიძეს შორის მეგობრული ურთიერთობა დამყარდა. 1916 წელს პროკლე ლ. ბოცვაძეს სწერდა:

„პირველად ვისურვებთ წარმატებებს ყოველ საქმეში. ეს

ყველაზე უფრო საჭიროა, რადგან ძალზე გამრავლდნენ ისეთი ადამიანები, რომლებიც თვითონ ძალიან ცოტას აკეთებენ და სხვებს კი ხელს უშლიან საზოგადო საქმეების კეთებაში. აქედან ვადევნებ თქვენს უნაგარო მოღვაწეობას. ვკითხულობ თქვენს წერილებს და ვფიქრობ, სწორედ გშირი უნდა იყო ადამიანი, რომ ამდენ ხელისშემშლელს გაუშკლავდეს. გაივიღოს ხანი და ისტორია პირუთვნველ მსჯავრს გამოიტანს... გიგზავნით ხელნაწერს. ბოდიშს ვიხდი თქვენთან, რომ ამდენ ხანს ვერაფერი მოგაწოდეთ. ეხლაც მეტწილად მოთხრობებს ვწერ, ვთანამშრომლობ გზუთ „სამშობლოში“ და ამ უკანასკნელ ხანს ჟურნალ „ცხოვრებაშიც“ გავგზავნე ორი მოთხრობა, რომლის რედაქტორისაგან აღმაფრთოვანებელი წერილი მივიღე. ვკონებ, მივგავნი ჩემს მოწოდებას. ვეცდები ხშირ-ხშირად მოგაწოდოთ მოთხრობები. თქვენ ხომ პირველი იყავით, რომელმაც ჩემი ნაწერი მოათავსეთ „განათლებაში“.

დავუბრუნეთ „წვიმას“. ეს ესკიზი კარგად ამკლავნებს პ. ტაბიძის სულიერ განწვობილებას. მხედველობიდან არ უნდა გამოგვრჩეს, რომ 1907 წელი დაცემის ხანაა. პრესა გაივსო დეკადენტური, უიმედობის შემცველი ნაწარმოებებით. ასეთ ვითარებაში „წვიმა“ ერთგვარ გამოწვევადაც კი ჟღერს. ამ აღფრთოვანი ესკიზის ლაიტმოტივი ასეთია: წვიმა, რეაქცია ვერ წაღვკავს ყველაფერს, საბოლოოდ თავისუფლება გაიმარჯვებს.

„წვიმა მოდის და მოდის. ისმის ერთნაირი მოსაწყენი მგლოვიარე სიმღერა. გვერნება, არასოდეს არ შესწყდება და ადამიანი მზის სხივებს ვერ ეღირსება, მაგრამ ჩვენ იმედით ვცხოვრობთ. ცა გაიწმინდება და ბრწყინვალე მზის სხივები მოეფინება დედამიწას.“

მზე კიდევ ამოვა და გაანათებს ჩვენს დაღლილ სახეებს. ჩვენ მივაპყრობთ თვალებს ზეცას და ვიმღერებთ სიმღერას - სიმღერას გამარჯვებისას“.

1909 წელს „ჯეჯილში“ იბეჭდება ნაწყვეტი ნ. გოგოლის ცნობილი მოთხრობისა „ძველი დროების მუბატონენი“. ტერენტო ვეფხვაძე გადმოგვცემს: მე და აბესალოშმა გადავწყვიტეთ გამოეხმაურებოდით გოგოლის იუბილეს. მე ბიოგრაფიული ნარკვევი დავწერე, აბესალოშმა კი „ძველი მუბატონეები“ თარგმნა. ჩემი მასალა ხელმოწერილია, აბესალოშისა კი არა. ამან გამოიწვია ის, რომ ერთმა ბიბლიოგრაფმა აბესალოშიდ ნაშრომიც მე მომაკუთვნა.

პროკლეს უთარგმნია იდეურად და მხატვრულად ძლიერი ნაწილი, კერძოდ, ათანასე ივანეს ძისა და პულხერია ივანეს

ახულის ღორმუცელობის, სულიერი დაკნინების ამსახველი
ეპიზოდი.

3. ტაბიძის თარგმანებიდან აღსანიშნავია „ნაკადულში“ გამოქვეყნებული „რადაა ზღვა მარილიანი?“ ეს ზღაპარი ბავშვებს ჩაფიქვლისა და კეთილისადმი სიმპათიას, ტუნწისა და ბოროტისადმი სიძულვილს უღვივებს.

პროკლე ტაბიძის შემოქმედებიდან ყველაზე ღირებული მაინც ორიგინალური მოთხრობები, ნოველები და ესკიზებია. ისინი „განათლების“, „ნაკადულის“, „ცხოვრების“, „თავისუფლების“, „სამშობლოსა“ და „წითელი კარსკელაის“ ფურცლებზე ქვეყნდებოდა. უმეტესობა შეთხზულია 10-იან წლებში. 20-იანი წლებიდან პროკლე მთლიანად პედაგოგიურ საქმიანობას ეძლევა და მწერლობას თითქმის ჩამოშორდა. 1923 წელს იგი გალაკტიონს სწერდა: „გოგზაენი ორ პატარა ესკიზს, თუ გინდ მინიატურას და მოათავსე ან შენ ჟურნალში ან „ლომისში“ და ის ნომერი უსათუოდ გამოაგზავნე“¹.

როგორც ჩანს, ესენი იყო უკანასკნელი მხატვრული ნაწარმოებები, რომლებიც მან დასაბუჟდად წარადგინა. შემდგომ დროდადრო კვლავ იმარჯვებდა კალამს, უმეტესად საბავშვო მოთხრობებს წერდა, მაგრამ მათი გამოქვეყნება არ უცდია. ისინი პირად არქივს შემორჩა².

ახალგაზრდა მწერლის ლიტერატურულ ინტერესებსა და მხატვრულ ოსტატობაზე უფრო შკაფიო წარმოდგენა რომ შეგვექმნას, საგანგებოდ შევჩერდებით მოთხრობაზე „ორი თვის ჯამაგირი“.

სამრევლო სკოლის მასწავლებელმა პირველი ჯამაგირი – 50 მანეთი აიღო და ქალაქს ესტუმრა. ბევრი რამის შექენა სურს, უპირველს ყოვლისა, პალტოსი. აი, მაღაზიაში შედის. ჯერ ერთს მოისინჯავს, შერე – მეორეს, მოსწონს კიდევ, მაგრამ ეძნელება 30 მანეთის გადახდა.

„შენ, ჩემო ძმაო, ოცდაათი მანეთი ღიღახანა გგონია! – ფიქრობს თავისთვის ივანე პატრეს ძე და ქვაფენილზე ნელა მიაბიჯებს. ის კი არ იცის, ერთი ხბოიანი ძროხის ფასია. არა, კარგი კი იყო ის სატიალო! მოდი, ვიყიდო? – აქ განერდა მასწავლებელი.

¹ პროკლე (აბესალომ) ტაბიძე, მოთხრობები, ბარათები გალაკტიონთან, 1997, გვ. 197.

² პროკლე (აბესალომ) ტაბიძემ დაგვიტოვა დაუმთავრებელი „მოგონებები“. მცირე ნაწყვეტი ამ „მოგონებებიდან“ გამოქვეყნებული აქვს ვ. ქაჯაიას წიგნში „გამოჩენილი ქართული პედაგოგები“, 1973, გვ. 83-84.

ვთქვით, ვიყიდე – განაგრძობს ის ფიქრს – მერე, დამრჩება იცო მანეთი. ხუთი მანეთი ხარჯათ მინდა. დანარჩენიც დიასახლისს უნდა მივცე. არა, დავანებებ, ჩემო ძმავ, ისევ თავს, ხელს ჩაიქნოს და გზას გაუდგა.

გაიარა რამდენიმე მანძილი და ისევ შენერდა. „რაც იქნეს, იქნეს! მოდი, ვიყიდი, მა! რას იტყვი, ჩემო ძმავო?“ თითქოს ვიღაცას დაეკითხა და წამოვიდა უკან იმ გადაწყვეტილებით, რომ უპკველათ ვიყიდა. ამ დროს მისთვის გარშემო არ არსებობდა არაფერი, გარდა იმ ყავისფერი პალტოსი, რომელიც მალე მიხი საკუთრება შეიქნებოდა. ხალხი ქუჩებზე ჩვეულებრივ მიდი-მოდიოდა. მერე რა? აქცევდა განა ამას ყურადღებას ივანე პეტრეს ძე? სრულებითაც არა... ძნელია, როცა ადამიანის გონებას მარტო ერთი აზრი შეუბოჭავს და დაიმონებს.

მაღაზიის კარებთან რო მივიდა გაშტერდა. „არა, არა მიმანქარებს, ჩემო ძმავო, – გაიფიქრა მან. – არა ჯობია, ისევ ავწონ-დავწონო ეს საქმე და ხვალ ვიყიდო? ხვალაც აქ არ ვიქნები? უბრალო საქმე ხომ არ არის სამი თუმანი?“

რასაკვირველია, უბრალო საქმე არ არის... – ეუბნებოდა რაღაც იდუმალი ხმა და ადასტურებდა მის ფიქრებს.

ამნაირ სულიერ ბრძოლას განიცდიდა იგი და, მართალი უნდა ვთქვა, კიდევ დაიდალა. ისე მოიქანცა, თითქო ხეები ეჭრას, ან მთელი დღის განმავლობაში ეთოხნოს¹.

ღამე დუქანში გაათია, სადაც ნალოლიავეები 5 თუმანი აწაპნეს. ცხოვრებისაგან დაბეჭავებულ ივანე ქინკლაძეს ჩივილიც ვერ გაუბედავს. „არა, ჩემო ძმავო, არაფერი არ იქნება. შეიძლება, კიდევ მე გამამტყუნონ: ტყვილს იგონებო. ხო შეიძლება? აქ ის შენერდა და განცხადების გასაკრავ სვეტს მიეყუდა.

„ხო შეიძლება? ხო შეიძლება?“ – ეკითხება ის თავის თავს...

„შეიძლება, რასაკვირველია, შეიძლება“ – ეუბნებოდა რაღაც ხმა. იგი მოტრიალდა და უკანვე წამოვიდა.

შუადღე გადასულია. მზე საშინლათ აცხუნებს და სულისთქმას უხუთავს სულდგმულთ. სოფლის პატარა მდინარეში ჩაყრილან კამეჩები და ნელა იცოხნებიან. ეზოებში, ხეების ჩრდილქვეშ, მოსახლეებს გაუშლიათ ფარდაგები და წამოწოლილან... ხეების ფოთლები საცოდავით მოკრუნჩხულან... ჩიტების ხმა არსაიდან ისმის...

ამ დროს შარავნაზე ჩქარი ნაბიჯით მიაბიჯებს ერთი მგზავრი, ჩექმები მტვერით აქვს შეფარული, შუბლიდან ოფლი

¹ პროკლე (აბესალომ) ტაბიძე, მოთხრობები, ბარათები გალაკ-ტონთან, 1997, გვ. 77.

წერწერით ნამოდის. ხანდახან გაჩერდება. იფიქრებს, იფიქრებს და თვალები ცრემლებით ავესება: „ვაიმე, ჩემო თავო! ვაი, ვაი! რა მეშველება, მე საცოდავს“. – ხმაშავლა წამოიძახებს იგი და, რა ამოვებინებს, რომ ადამიანს ეგონება, გულიც თან ამოატანარ.

ხომ იცანით! ეს ივანე პეტრეს ძე ქინქლაძეა, რომელმაც მატარებლის ფულის უქონლობის გამო ოცი ვერსი ფეხით უნდა გაიაროს¹.

ივანე საზოგადოების ერთი ნაწილის ტიპური წარმომადგენელია. მის უკან დგანან მერყევი, შშიშარა და პასიური ადამიანები, რომელთაც ბრძოლის უნარი დაუკარგავთ. ავტორს ებრალება თავისი გმირი, მაგრამ მაინც დასცინის, რადგან ივანეს მსგავსნი ცხოვრებას ამუხრუჭებენ, ფერსა და ძალას უკარგავენ.

„ორი თვის ჯამარგიში“ იგრანობა სინამდვილისადმი ჩეხოვისებური მიდგომა. საერთოდ, იუმორისტული თუ სატირული ნაკადი მძლავრად იჩენს თავს პ. ტაბიძის ნაწარმოებებში, მაგალითად, „ოცნებასა და სინამდვილეში“, „დაგუბებულ ნაღველში“, „ჩემს მეგობარში“ და ა. შ.

მოტანილი ციტატები ნაწილობრივ მაინც გვიქმნის წარმოდგენას პ. ტაბიძის წერის მანერაზე. მისი ფრაზა ლაკონიური და ტვეადია. ავტორი მოქმედებაში გვიჩვენებს პერსონაჟს. გაურბის ვრცელ აღწერებსა და ბიოგრაფიულ შენაკადებს. ცდილობს, რამდენიმე შტრიხით შექმნას პორტრეტი, აზრთა ჰიდილის ფონზე გამოკვეთოს ხასიათი.

სოციალური მოტივი სხვა ნაწარმოებებშიაც დომინირებს, მაგრამ მათში ყურადღება მდიდართა და ღარიბთა აშკარა შეტაკებაზე, კლასობრივ ბრძოლაზე როდი მახვილდება. ავტორს აინტერესებს „პატარა ადამიანის“ შინაგანი სამყარო, ფსიქოლოგია და ამ გზით ცდილობს სინამდვილის სურათის შექმნას, ვითარების დახასიათებას.

პროკლე ტაბიძის შემოქმედებაში თვალსაჩინო ადგილი უკავია სატრფიალო მოტივსაც. ამ თვალსაზრისით საყურადღებოა „განცდანი“ და „ფარაონის კარისკაცის სასახლეში“.

პ. ტაბიძის საყვარელი ჟანრია ესკიზი. იგი საშუალებას აძლევს მწერალს უკეთ გამოავლინოს მძაფრი ლირიკული პათოსი. ლირიზმი კი, როგორც ჩანს, მისთვის სინამდვილისადმი დამოკიდებულების გამჟღავნების ერთ-ერთი ყველაზე ხელსაყრელი „ფორმაა“. ამის დადასტურებაა „ავადმყოფის ფიქრები“ და „საით?“ ისინი გამოირჩევიან განცდების ანალიზით და ექსპრესიულობით,

¹ პროკლე (აბესალომ) ტაბიძე, მოთხრობები, ბარათები გალაკტიონთან, 1997, გვ. 80.

ამასთანავე ავტორის სულიერი კოლიზიების იმგვარად ჩვენებით, რომ მკითხველს „დასწრების ეფექტი შეექმნას“.

პროკლე ტაბიძის საბავშვო მოთხრობებიდან აღსანიშნავია „მამლაყინწას თავგადასავალი“, რომელიც 1916 წელს გამოქვეყნდა „ნაკადულში“. ხოლო 1963 წელს გამომოხატეს კრებულში „გაფანტული მძივები“. როგორც ამ წიგნის წინასიტყვაობაშია აღნიშნული, აბესალომ ტაბიძის მოთხრობა გამოირჩევა პეზანტიზმით. „მკითხველს რომ პკონია მოვლენათა განვითარების დასასრული უსიამოვნების მომგვრელი იქნებაო, მოულოდნელად ისეთი სხივი შემოიჭრება ნაწარმოებში, რომ უცებ ფანტავს გულისტკივილის მომგვრელ განწყობილებას“¹.

3. ტაბიძის მხატვრულ შემოქმედებაში ნათლად ჩანს XX საუკუნის 10-იანი წლების ქართული ლიტერატურის ტენდენციები. ერთიც. მასში ბევრი რამ არის ავტობიოგრაფიული და გარკვეულ დახმარებას გაუწევს გალაკტიონის ცხოვრება-მოღვაწეობის შემსწავლელთ.

პროკლე ტაბიძის პუბლიცისტიკა არ გამოირჩევა თემატიკური მრავალფეროვნებით. ავტორი არსებითად პედაგოგიკის, სწავლა-აღზრდის საკითხებს ეხება. ჯერ კიდევ ადრე, 1915 წელს გამოქვეყნებულ მოთხრობაში „მასწავლებლის დღიური“ მან უურადღება სწორედ განათლების საკითხებზე გაამახვილა და ეს შემთხვევითი არ ყოფილა. პროკლეს ღრმად სწამდა, რომ განათლება საზოგადოებრივი ცხოვრების გაუმჯობესების ერთ-ერთი უმთავრესი საშუალებაა. „როცა ოთხმოცი წლის გიორგი ხარკველზე იწვა და ელოდა უკანასკნელ წუთს, ხმამაღლა წამოიძახა: „მეტი სინათლე“. დიას, მეტი გონებრივი სინათლე, მეტი ზნეობრივი სინათლე! აი, სად არის ხსნა!“²

ახალგაზრდა მწერალი გულისტკივილით აღნიშნავს, რომ თვითმპყრობელურ რუსეთში პედაგოგები უმძიმეს პირობებში იმყოფებიან. „ამაზე მეტი დაცინვა და მასხრათ ადგება განათლებისა კიდევ იქნება? ღაჭია, ნოქარი, დარაჯი მეტი უზრუნველყოფილია, ვინემ მასწავლებელი“³.

ლოგიკურად ასკვნის ავტორი, რომ მასწავლებლის ეკონომიკური ხელმოკლეობა დაღს ასევე მთელს მის საქმიანობას და საბოლოოდ ქვეყნის წინსვლასაც. „თუ მასწავლებელი თავის სულიერ მოთხოვნილებას ვერ აკმაყოფილებს, თუ მას ტანთ არ

¹ „გაფანტული მძივები“, 1963, გვ. 6.

² ეურნ. „განათლება“, 1915, №1, გვ. 49.

³ იქვე, გვ. 50.

აცვია, კუჭი შიშშილით უხმება, აბა, როგორ შეიძლება სკოლაში
კმაყოფილების ატმოსფეროს შექმნას? ის დაღუპული
მწუხარება და ეს დაკრეშილობა, მწუხარება როგორც ~~დაღუპული~~
ისე ვადადის მოწაფეებზე და მეფდება სკოლაში უხალისობა,
მოწყვნილობა“¹.

მიუხედავად მძიმე პირობებისა, ჭეშმარიტმა პედაგოგმა მაინც
არ უნდა დაჟაროს ფარ-ხმალი. პ. ტაბიძის აზრით, სახალხო
მასწავლებლობა მეფის რუსეთში პიროვნების სულიერი
სიმაღლისა და სიწმინდის გამოცდაა. ვინც უძლებს ამ გამოცდას,
იგი ვშირია. მასწავლებელი ბედნიერია, თუ მის მიერ ჩაყრილი
თესლი კეთილ ნაყოფს გამოიღებს, თუ მისი მოსწავლეები
ქვეყნის სამსახურში ჩადგებიან, ეს თვალსაზრისი ნათლად არის
გამოხატული მოთხრობის ფინალში.

პედაგოგის მოწოდებისა და, საერთოდ, სწავლა-აღზრდის
საკითხებს უხება. პ. ტაბიძე წერილში „აკაკი - მოწაფე და იმ
დროის სკოლა“. ავტორი შკაცრად აკრიტიკებს ძველი სკოლის
მაგნე ჩვევებს: მასალის „დაზუთხება“, შეგირდების გაროზგვას
და სხვა. იგი ახასიათებს აკაკის მასწავლებლებს: საპუგას,
პოზნანოვსკის და დასძენს: „განა ასეთი ადამიანების ადგილი
სულთ ავადყოფთა თავშესაფარი არ არის? მაგრამ დახეთ
ისტორიის ირონიას! ისინი გვეკლინებთან როგორც აღმზრდელები
მომავალი თაობისა. ძალაუნებურად უნდა წამოძახო ცეზარის
სიტყვები: „O tempora, O mores!“².

პ. ტაბიძის ნაშრომებიდან საგულისხმოა „ყურადღება და
ინტერესი სწავლის საქმეში“, რომელიც 1914 წლის „განათლებაში“
დაიბეჭდა. ავტორი ძირითადად ყურდნობა პროფესორ შ. რიბოს
„ყურადღების ფსიქოლოგიას“, პროფ. ჩელპანოვის „ფსიქოლოგიის
სახელმძღვანელოს“, პ. სოკოლოვის „პედაგოგიურ ფსიქოლოგიას“,
შ. ჩიტაძის „ინტერესს სწავლაში“ და ახასიათებს ყურადღებასთან
დაკავშირებულ ძირითად ცნებებსა თუ მომენტებს: რა არის
ყურადღება, მისი სახეები, აპერცეპცია და ინტერესი და სხვ. მაგრამ
ამ წერილის ძირითადი მიზანი თეორიული საკითხების გარკვევა
არ არის, არამედ პედაგოგებისათვის პრაქტიკული დახმარების
აღმოჩენა. ამიტომაც გამახვილებულია ის მხარეები, რომელთა
გათვალისწინება მართებთ მასწავლებლებს მოწაფეთა ინტერესის
გასადღეივებლად და ყურადღების მობილიზაციისათვის.

წერილი გამოირჩევა აზრის მკაფიოობითა და მეტყველი
მაგალითებით.

¹ ჟურნ. „განათლება“, 1915, №1, გვ. 50.

² იქვე, №5-6, გვ. 411.

რევოლუციამ კარდინალური ცვლილებები მოიტანა მრავალსფეროში და, ცხადია, განათლების სისტემაშიც. განაღდა ბრძოლა წერა-კითხვის უცოდინარობის ლიკვიდაციისა და მასწავლებელთა განათლებისათვის. გაიხსნა ახალი სკოლები, ჩამოყალიბდა სხვადასხვა სახის კურსები, გაუმჯობესდა სასწავლებელთა მატერიალურ-ტექნიკური ბაზები და ა. შ. მაგრამ ჯერ კიდევ მწვავედ იგრძნობოდა პედაგოგთა კვალიფიციური კადრების ნაკლებობა. სწორედ ამ გარემოებაზე გაამახვილა ყურადღება პ. ტაბიძემ 1924 წელს გაზეთ „კომუნისტი“ გამოქვეყნებულ წერილში „სკოლების გამგეთა მომზადების საჭიროება“. ავტორი მდგომარეობის შეუფარავ დახასიათებას იძლევა. „სამწუხაროდ, ჩვენი სკოლები აივსო ისეთი ელემენტებით, რომელთაც მასწავლებლობაზე ძალიან სუსტი წარმოდგენა აქვთ. ყველა, ვისაც „იოლი სამსახური“ უნდა, მასწავლებლის ქურქში ეხვევა, თითქო მართლაც „იოლი“ იყოს ეს საქმე და არ თხოულობდეს დიდ მომზადებას, დიდ შრომას“.

პუბლიცისტი მართებულად მიუთითებს, რომ პედაგოგისათვის მხოლოდ თეორიული ცოდნა არ კმარა, მას მყარი მოქალაქეობრივი პოზიცია უნდა ეკავოს. ახალი სკოლა ახალი იდეებით შეიარაღებულ კადრებს მოითხოვს. ამიტომაც აუცილებელია სისტემატური წრობა. მართალია, ზაფხულობით ყალიბდება მასწავლებელთა გადასამზადებელი კურსები, მაგრამ ეს არ კმარა.

პ. ტაბიძის აზრით, ერთ-ერთი უმთავრესი და გადაუდებელი ამოცანა სკოლის გამგეთა მომზადებაა. ამ დებულებას იგი იმითაც ასაბუთებს, რომ თანამედროვე პირობებში გამგეს უდიდესი ფუნქციები ეკისრება. „სწავლის მსვლელობა ხშირად დამოკიდებულია იმაზე, თუ როგორი პედაგოგი უდგია სათავეში სკოლებს. გამგე ესწრება ამხანაგების მეცადინეობას, აწყობს სანიმუშო გაკვეთილებს, აძლევს შენიშვნებს მასწავლებელთ, აცნობს მათ ახალ გზებს. აი სწორედ ამ პასუხისმგებელ პირთა საჭირო მომზადებისაკენ უნდა იყოს მიმართული ჩვენი ძალღონე“.

ავტორი არ ემაუფილდება საკითხის დასმით. იგი მიუთითებს, თუ რომელ თემებსა და პრობლემებზე უნდა გაამახვილდეს ყურადღება, როდის უნდა მოეწიოს გადასამზადებელი კურსები, ვის უნდა მიენდოს ლექციების წაკითხვა და ა. შ.

ამჟამად ჩანს საქმის საფუძვლიანი ცოდნა. იგრძნობა, რომ

¹ გაზ. „კომუნისტი“, 1924, №165.

² იქვე.



ბალაკტიონი დედასთან და ძმასთან

ავტორისათვის აღძრული საკითხი სისხლხორცეულია. იგი გულწრფელად არის დაინტერესებული მდგომარეობის სწრაფი გაუმჯობესებით.

მეორე წერილიც - „ჩვენი სკოლის ტიკიკილები“ პრობლემურია. აქაც მძლავრობს კრიტიკული პათოსი. „ჩვენი დღევანდელი სკოლის შესახებ - წერს პ. ტაბიძე - ხშირად გაიგონებთ საყვედურს მშობელთაგან. „ვერ წარმომიდგენია - ამბობს მშობელი - მეოთხე განყოფილებიდან ვარ გამოსული და ჩემ შვილზე მეტი ვიცი, თუმც მან ცხრაწლედ დაამთავრა. კითხვით ცუდად კითხულობს, წერით ისე საძაგლათ სწერს, კაცი ვერაფერს გაიგებს; არც ქართული იცის ხეირიანად და რუსულათ კი, რომ გადააკვდეს, სიტყვასაც ვერ ამოაღებინებო. თქვენ გენაცვალეთ, მითხარით ერთი ისეთს რას ახწავლით, რომ მე ვერ მივმხვდარვარ და ვერ ვხედავ“. გულწრფელნი თუ ვიქნებით, ამ სიტყვებში ჭეშმარიტების ნასახს უჭკველად დავინახავთ“.

ავტორი არ ფარავს სკოლის სატიკივარს. ამასთანავე მდგომარეობის განმაპირობებელ მიზეზებსაც იკვლევს. პ. ტაბიძის აზრით, ხარვეზები, უპირველეს ყოვლისა, გამოწვეულია პედაგოგთა მოუმზადებლობით. მეორე მიზეზი ცუდად შედგენილი პროგრამებია. ისინი საშუალო დონის მასწავლებლებისათვისაც კი გაუგებარია. ამიტომ ხშირად არც კი იყენებენ სოფლის სკოლებში.

პუბლიცისტი გულისტკივილით აღნიშნავს იმასაც, რომ პროგრამები და სახელმძღვანელოები შეუთავსებელია. ჯერ კიდევ არ არსებობს სტაბილური სახელმძღვანელოები. მასწავლებელი და მოსწავლეებიც იძულებულნი არიან სხვადასხვა წიგნით იხელმძღვანელონ. ყოველივე ეს იწვევს არეუ-დარევას და საგნის არასათანადო სიღრმით ათვისებას.

ასევე საგულისხმოა წერილი „ქართული ლიტერატურის სწავლების გაუმჯობესებისათვის“. ავტორი შენიშნავს, რომ ლიტერატურის რიგიანად სწავლება შეუძლებელია პოეტიკის საფუძველთა ცოდნის გარეშე. მაგრამ, სამწუხაროდ, პოეტიკის სახელმძღვანელო ქართულად არ არსებობს. ამიტომაც ზოგიერთი მასწავლებელი ლექსიკონებს მიმართავს, ზოგი გაზეთებში გაბნულ ცნობებს კრებს, სხვები კიდევ რუსულიდან თარგმნიან, „ნაწილი კი, როცა ამას ვერ ახერხებს, სრულებით არ გადის ამ საგანს, ანდა ისე ჰკვეცავს, რომ მისგან არაფერი რჩება“².

¹ გაზ. „კომუნისტი“, 1929, №194.

² გაზ. „საბჭოთა მასწავლებელი“, 1939, №65.

ავტორი მოითხოვს პოეტიკის სახელმძღვანელოს დროულად შედგენასა და გამოცემას. ასევე გასაზიარებელია მისი მოსაზრება პროგრამასთან დაკავშირებით. გეგმით გათვალისწინებული ზოგიერთი ისეთი თხზულების სწავლება¹ „რომელიც ქართულ ენაზე არ მოგვეპოვება. მაგალითად, ახუნდოვის, სუნდუკიანის, საღტიკოვ-შენდრინის ნაწარმოებები პროგრამაში შეტანილია, მაგრამ ქართულად არაა გამოცემული. ეს ნაწარმოებები ან პროგრამიდან უნდა იქნეს ამოღებული (სინამდვილეში ასეცაა: ვფიქრობთ, არც ერთ სკოლაში არ გადიან ახუნდოვსა და სუნდუკიანს), ანდა უსათუოდ გამოიცეს ქართულ ენაზე“.

პ. ტაბიძის გადაუდებელ ამოცანად სახავს აგრეთვე მეთოდური მითითებებისა და განმარტებების დაბეჭდვას. ბევრ არსებით საკითხთან დაკავშირებით ხშირია აზრთა სხვადასხვაობა. როგორ ვასწავლოთ ესა თუ ის ნაწარმოები, რამდენი საათი დაეთმოს ტექსტს? არცთუ იშვიათად ამ კითხვებზე ზუსტი პასუხი არ მოგვეპოვება და მასწავლებელთა „თვითმოქმედებას“ ზიანი მოაქვს.

მართებულია ავტორის შემდეგი დებულებაც: ზოგიერთი მწერლის ცხოვრებასა და მოღვაწეობაზე კრიტიკული მასალა არ არსებობს, ზოგის შეფასებისას კი საპირისპირო მოსაზრებებია გამოთქმული, რაც კედაგოგთა გაორებას იწვევს. ამიტომაც აუცილებელია არსებული ხარვეზების სასწრაფოდ გამოსწორდება.

1948 წელს პ. ტაბიძე კვლავ შეეხო სახელმძღვანელოების შედგენა-გამოცემის საკითხს. „ზარია ვოსტოკაში“ გამოაქვეყნა სტატია „საჭიროა ქართული ლიტერატურის სახელმძღვანელო“. ავტორი აღნიშნავს, რომ პროგრამის მიხედვით ზედა კლასებში XX საუკუნის ქართულ მწერალთა შემოქმედებას თვალსაჩინო ადგილი ეთმობა. მაგრამ მათ შესახებ ლიტერატურა მწირზე მწირია. კედაგოგი იძულებულია დიდი დრო დაკარგოს პრესაში გაბნეული მასალების მოსაძიებლად, ხოლო როცა ეს არ ხერხდება, თავად კისრულობს კრიტიკოსობას. ყოველივე ამას კუსტარულობამდე მიყვავართ.

საგულისხმოა შემდეგი მოსაზრება:

„В нынешнем году исполняется 40 лет литературной деятельности поэта Галактиона Табидзе. Произведения Табидзе широко известны. Школьники знают их с малых лет. А вот полноценного критического разбора творчества этого поэта, серьезной книги, доступной для

¹ გაზ. „საბჭოთა მასწავლებელი“, 1939, №65.



учащихся и для педагогов, нет¹.

რეკომენდაცია ასეთია: გამოცდილი ლიტერატურათმცოდნეებისა და მასწავლებლებისაგან შეიქმნას სპეციალური კომისია, რომელიც შეადგენს ქართული ლიტერატურის სახელმძღვანელოს: „Необходимость в таком учебнике назрела уже давно“².

3. ტაბიძის წერილებში იგრძნობა მოვლენებისადმი მასშტაბური მიდგომა და დასკვნების ფართო განხილვა. ამის დადასტურებაა „პედაგოგიური ორგანოს გამოცემის შესახებ“.

ირკვევა, რომ 20-იანი წლების დასაწყისში ეს საკითხი მტკივნეულად იდგა. როგორც ავტორი წერს, 1923 წელს ქუთაისში საფუძველი ჩაეყარა ჟურნალ „განათლების მოამბეს“, მაგრამ მისი არსებობა ხანმოკლე გამოდგა. თბილისშიაც დაარსდა „ახალი სკოლისაკენ“. იგი „...სახსეა ათასგვარი დაპირებებით და იმედებით. ველოდით. როგორც განცხადებიდან ხიანდა. ყოველ ორ თვეში გამოვიდოდა და ამით წინ წახვედა მასწავლებლობას. მოგტყუვდით. მას მერე ცხრა თვეა, რიგით მუხუთე ნომერი უნდა გამოდიოდეს და მეორესაც ვეღარ ვეღირსეთ“³.

პუბლიცისტი სამართლიანად კითხულობს – რა ხდება? თუ ერთი კაცი – ლ. ბოცვაძე – ათი წლის განმავლობაში შეუწყობდა ბეჭდავდა „განათლებას“, განა დღეს ამდენმა პედაგოგმა ერთ ჟურნალს ვერ უნდა მოეუაროთ?

აქ არა მხოლოდ წუხილი ჩანს, არამედ ადრესატთა თაუმოუყვარობის გაღიზიანებისა და დარაზმვა-ამოქმედების სურვილიც.

3. ტაბიძე მოცემულ სიტუაციაში უპირატესობას ანიჭებს გაზეთს, რადგან იგი ჟურნალზე უფრო ოპერატიულია და ამხსთანაკვე მეტი ორგანიზატორული ფუნქციით ხასიათდება.

ავტორის აზრით, ქართული პედაგოგიური გაზეთი უნდა იყოს „შკოლა ი ქიზნის“ ტიპისა. ასეთი გამოცემა ხელს შეუწყობს პედაგოგთა დაოსტატებას, უმნიშვნელოვანესი პრაქტიკული საკითხების გადაჭრას და, საერთოდ, სახალხო განათლების აღმავლობას.

სტატია გამოირჩევა სიმწვავეითა და დებულებათა არგუმენტაციით.

ხემო განხილული წერილები უფლებას იძლევა, დავასკვნათ:

3. ტაბიძე მოახროვნე, შემოქმედი პედაგოგია, რომელიც მოელი

¹ „Заря Востока“, 1948, №208.

² იქვე.

³ გაზ. „კომუნისტი“, 1924, №222.

არსებით არის დაინტერესებული სწავლა-აღზრდის საკითხებით და ცდილობს თავისი მოკრძალებული წვლილიც შეიტანოს საერთო საქმეში.

აღსანიშნავია, რომ პ. ტაბიძე თეორიული მოსაზრებების მტკიცე დამცველი იყო პრაქტიკაში.

არცთუ იშვიათად ძმთა კავშირი მხოლოდ ნათესაურ გრძნობებს ემყარება, ინტელექტუალური დონისა და საზოგადოებრივი ინტერესების სხვაობა მათ გარკვეულად თიშავს. ეს გამორიცხებულია გალაკტიონისა და პროკლეს ურთიერთობაში. ამ უკანასკნელის განათლება, ფართო ერუდიცია, ქვეყნის სატკივარის გულთან მიტანა და, რაც მთავარია, ლიტერატურული ინტერესები აპირობებდა ძმთა იდეურ და საზოგადოებრივ თანადგომას.

აქ დავეხეხებო პროკლეს ერთ ბარათს, რომელშიაც ნათლად ჩანს ავტორის მთრთოლვარე სული და ძმების პოეტური ბუნება. — გული ვერ შორდება იმ გარემოს, სადაც აღვიზარდეთ და სადაც ესოდენი რამ გამოვცადეთ. სულ უბრალო რამ — ოთახზე ბავშვური ზელით ამოყვანილი: „ეს ვოთახი ეკუთვნის გალაკტიონს“ და ვერ წარმოიდგენ, როგორ მოქმედებს ეს ჩემზე... „Лишняя сентиментальность!“ წამოიძახებს პროზაიკი. მაგრამ წვენ კი ვერასოდეს ვერ ვიტყვიო ასე, რადგან, არ ვიცი, რა მოხვით (აღზრდა თუ მემკვიდრეობა) მეტად მგრძნობიარენი ვართ...¹

ახლა უფრო კონკრეტულად იმ გავლენაზე, რომელიც პროკლემ (აბესალომმა) გალაკტიონზე მოახდინა.

ოჯახში სამნი იყვნენ: დედა და ორი ვაჟი. უჭირდათ მატერიალურად, უჭირდათ სულიერადაც. მარტონი დარჩნენ ცხოვრების ეკლიან გზაზე, სადაც უანგარო ხელგაწვდომას მტაცებლური ინსტინქტები სჯაბნიდა, გამხნეუებას — შური, კეთილ დიმილს — ირიბი შემოხედვა.

დედამ ვაჟები ქუთაისში დატოვა და თავად სოფელში დაბრუნდა. მძიმე ტვირთი დააწვა პროკლეს. არა მხოლოდ საკუთარ თავს, ძმასაც უნდა მოუაროს. როგორც დედა ამბობს, „გალაკტიონი უცნაური ბავშვია“, მეტი აღერსი და სხვაგვარი მიდგომა უნდა. პროკლემ თავგადადებულია. იგი ლუკმას იკლებს და უმრწემეს აწვდის. ყოველმხრივ იბრძვის, რათა ეკონომიკური მდგომარეობა გაუმჯობესოს. სასულიერო სასწავლებლის ზედამხედველის — ალექსანდრე როკდესტვენსკისადმი 1899 წლის დეკემბერს წარდგენილ თხოვნაში პროკლე აღნიშნავს:

¹ პროკლე (აბესალომ) ტაბიძე, მოთხრობები, ბარათები გალაკტიონთან, 1997, გვ. 140.

მამის სიკვდილის შემდეგ არსებობის სახსარს მოკლებულნი აღმოვინდით. ახლა კიდევ უფრო გაგვიჭირდა, რადგან ჩემი ძმაც სასწავლებლად ქუთაისს ჩამოვიდა. გთხოვთ ფულად დახმარებას, არც თუ იშვიათად პასუხი დადებითი იყო და პროკლეც აღებულ კაპიკებს ძმას ახმარდა. დედისადმი გაგზავნილ ბარათებში ხშირია ასეთი თუ მსგავსი ფრაზები: „გალაქტიონის მასწავლებელს ვესაუბრე“, „გალაქტიონს პოლსაპოკეები ვუყიდე“, „გალაქტიონი ექიმთან მყავდა“, „იწერებოდი, პალტო იყიდეო, მაგრამ რანაირად ვიყიდო, როდესაც გალაქტიონს საჭმელი სჭირდება და ბინის ფულიც უნდა“. ან კიდევ: „ეხლა აქ რომ ჩამოვედი, გალაქტიონს ფული უსესხებია – სახლის ქირა და ის გადაუხადე, ხუთი მანეთი. სადილის ვალი აქვს ორი მანეთი და ისიც უნდა გადაუხადო“.

პროკლე მხოლოდ მატერიალურად როდი ეხმარება ძმას. უხსნის გაკვეთილებს, შევლის ამოცანების გადაწყვეტაში, არიგებს და მფარველობს. დედაც დამშვიდებულია, როცა ძმები ერთად არიან. იგი დიდ იმედს ამყარებს აბესალომზე, სჯერა მისი. „აა, აბესალომ, შენ დაგენაცელოს შენი დედა, მიეცე შემწეობა, დაეხმარე, რაც შენგან შეიძლება, შეილო. რაკი შენ მაგას თავზე ადგახარ, მე მეტი საჯავრო არ უნდა მქონდეს. კი მართალია, ცოტა თუ მართლა დაუჯერებელი კაცივითაა, მარა რაცხანაირათ შეუწყე ხელი, რომ არც იმას შეაძულო თავი და არც შენი თავი გაიფუტო. ისე დაეხმარე, რაიმე ურჩიე, მაღიმაღ ნახე, რაეც ჯობდეს მისთვის, იმ ჭკუაზე დააყენე. აა, შენ იცი, თუ რაიმე საშველი დაგვადგა, თვარა გლახათაა ჩვენი საქმე. იმეცადინეთ, შეიღებო, რაც შეიძლებოდეს“. ან კიდევ: „აბესალომ, თუ ძემი დედაშვილობა გაქვს და თუ ჩემი სიყვარული გაქვს, ჩემი თხოვნა გაიგონე, გალაქტიონს ნუ გაუწყრები, ნურც ამხანაგებში შეარცხვენ, როცა მარტო იყვეს, მაშინ დაარიგე, იქნებ რაიმე შეისმინოს. ისე შენ არ იცი, მაგას რომ ნამეტანი ხშირი გაწყრომა არ უხდება. მაგი ნამეტანი გაწყრომით თლათ ჩერჩენტდება. იგი ჯერ კიდევ შეუწევველია, შენს მეტი მაგას ვინ ყავს. გულს ნუ წაუხდენ, ეცადე რამენაირად. იქნება კარგი ყოფაქცევით და კარგი ხელშეწყობით გამოკეთდეს. ამ დათხოვნის შემდეგ ამეცადინე, იქნებ გამოაკეთოს რაცხაფრად ის ცუდი ნიშნები. უშველუ, დაეხმარე რამენაირად. უფროსი ძმა თავზე ადგიხარ და მაგი ჩემდა ჯავრად უნდა იყოს ასე?!”

პროკლე მძიმე მდგომარეობაშია. ყველაფერს ვერ მისწვრს დედას. იცის, რომ გალაქტიონის მარცხი სიცოცხლეს უნახევრებს მშობელს. არადა, მაკრინე, როცა სხვა გზებით იგებს გალაქტიონის

ნამორჩენას, საყვედურით იკლებს უფროს ვაჟს: რატომ ადრე არ
მაცნობე ყველაფერი, მეტი ყურადღება მიაქციე ვალაქტონს და
ა. შ.

პროკლე, ერთი მხრივ, ვალაქტონს ამხნეებს, ბუჯითობისაკენ
მოუწოდებს, მეორე მხრივ, დედას ანუგეშებს. მაკრინე ძლიერ
წუხს - ვალაქტონი გამოცდაზე არ დაუშვიათ. პროკლე
ცდილობს, დაძაბული ვითარება განმუხტოს: „...მაგრამ, დედაჩემო,
ვალაქტონი დამნაშავე არ არის. მთელი წლის განმავლობაში
სულ ავადმყოფობდა და გაკვეთილებს აკლდებოდა. მაინც რომ
გადასულიყო, ის სემინარიაში ვერ ისწავლიდა და ეხლა რომ
დაითხოვეს, ერთთავად უკეთესიცაა, რადგან სხვა სასწავლებელში
გზას მონახავს. კიდევ კარგი, რომ ჯერ სალდათობა არ უწევს და
ყოფა-ქცევაში ხუთი აქვს. მე რამე გზას ვეწევი და გიმნაზიისათვის
მოვამზადებ“.

პროკლეც თავს არ ზოგავს, მაგრამ სასურველ მიზანს
ყოველთვის ვერ აღწევს. როცა მშები ერთად არ არიან, უფროსი
ერთი წუთითაც არ ივიწყებს უმცროსს. იცის, რომ ვალაქტონს
ხშირი შეხმინება, დარიგება, სითბო, ნუგეში სჭირდება და ეს
დარიგება-დამოძღვრა მთელი სიცოცხლე გრძელდება, მაშინაც
კი, როცა ვალაქტონი საქართველოს სახალხო პოეტი და
აკადემიკოსია.

1906 წელი. „ტკუით იყავი და ზნეობას ყურადღება მიაქციე“,
„რაც ბავშვობაში შეგებრდება, ის სიბერემდის შეგრჩება“,
„შენ ეხლა, იცოდე, კარგი მეცადინეობა გამართებს, რომ იმავე
კლასში არ დარჩე, რადგან მესამე კლასში ძნელი საგნებია. სხვა,
წიგნებს ბევრს ნუ წაიკითხავ, ცოტა წაიკითხე და რაც წაიკითხო,
გულმოდგინეთ და დაკვირვებით. შინაარსი და კარგი აზრები
წიგნიდან ცალკე რვეულში ჩასწერე“ -

1907 წელი. „...რა ღმერთი გიწყრება, შე კაცო! მაგ მესამე
კლასში დარჩენას ხომ არ აპირებ. მათემატიკაში რომ ორი
გქონია და ყოფაქცევას რომ იფუჭებ, რას ფიქრობ? დედაჩემი
გულგახეთქილი მოვიდა სახლში. ნუთუ არ გებრალდება, როდესაც
ის უკანასკნელ გროშებს შენზედ ხარჯავს და შენ იმედსაც კი
არ უმართლებ!“ „კარგად იმეცადინე და თავიდათავე ყოფაქცევა
არ გაიფუჭო“.

1911 წელი. „დედა როგორ დატოვე? ხომ არ უშოვია
მოსამსახურე? შენებურად ხომ არ გიწყენინებია და ისთე არ
მიგიტოვებია. ვინ იცის, ეხლა წერილის ვაგზავნას იქნება ისთე
იმაღლები, როგორც რომ დიდ რამეს? სირცხვილია. ჩქარ-ჩქარა
წერილი გაუგზავნე, იცოდე“ -



1913 წელი. „იცი, გალაკტიონ, შენ როდესაც გაქვს ფული, ბავშვივით იცი ფლანგვა, სულ არ გაუფრთხილდები, ხოლმე შემდეგ კი გაჭირვებაში ცხოვრობ. ეხლა, თუ რაიმე დაგჩნდება, ღამაში სუფთა ტანისამოსი, პრასტინა, საცვლები“...

1921 წელი. „ტიტემ სახლში ორჯერ გამოგზავნა წერილი და ხუთჯერ ტელეგრაფითაც აცნობა თავისი მდგომარეობა. შენ კი ერთი წერილიც ძალიან გაგიჭირდა! ყოჩაღ!“

1922 წელი. „ერთი წელიწადი კი გადის, ეგონებ, რაც შენგან წერილი არ მიმიღია. მე მაინც ამას უურადლებას არ ვაქცევდი და წერილს წერილზე ვაგზავნიდი – ვინძლი რამენაირად შემერყია შენი ასეთი გულგრილობა და გამბედედინებინა კალმის ხელში აღება. მაგრამ არ იქნა და არა. უკანასკნელად სიმონს გამოვატანე წერილი. არ მახსოვს, ნაშობევეს იყო ეგონებ. დავაბარე – არ მოცილდე, სანამ სამაგიერო წერილი არ გამოგატანოს-თქო. გავიხედეთ და ცარიელი მოვიდა. გალაკტიონი კი იქნებოდა, წერილი გემოეტანებინა. მართალი ვითხრა, ძალიან გულმოსული ვარ, მაგრამ ყველაფერს დავივიწყებ, თუ იერუსალიმელი ბერივით შეინანებ ცოდვას და ერცული შინაარსის წერილს მომწერ“.

1923 წელი. „მეტი ხიფხილუ არაყი და ღვინო ეს ვშაპის სულია, დიდების წასართმევად მოგზავნილი და სახელის დასამდაბლებლად შემოპარული. აი, აქ გჭირია თავის დატყრა.“

ხუმრობა საქმე ხომ არ არის ახლის თქმა, ჟურნალის გაძლოდა და დატყერილი პოზიციის შენარჩუნება. არა, ეს დიდი საქმეა და ბრძოლაში იგებს, ვინც ჩაფიქრებულია, ვინც დინჯია და მაგარი ნერვების პატრონია და გამბედავია ამასთანავე“.

1924 წელი. „ოთხი წელიწადია არ ჩამოსულხარ. ნუთუ მაშინ ჩამოხვალ, როცა ავადმყოფობას ან სიკვდილს გაიგებ ნევნსას? არ გრცხევნია? ნუთუ მე არ უნდა შემემძლოს ორი დღითაც მივატოვო სახლი და დედა და შენ კი მთელი წლობით შეგიძლია ასე მოიქცე. ჩადი უუჭველად სახლში“.

1928 წელი. „მუდამ გამარჯვებული ხარ და აწიც გამარჯვებული იქნები შენ – დარწმუნებული ვარ – გაიმარჯვებ ნევნს მტერზეც (ღვინოზე). ოღონდ შენ მოისურვე, ოღონდ შენ ეს (დედამ რომ იცის, ისე) „გულში ამოითქე“.

ყოველდღე გამონახე სერიოზული საქმე. ან წიგნის წაკითხვა, ან ლექსის დაწერა, ან კინოფილმი და სხვა... არც ერთ კრებაზე ან ხალამოზე დაღუპული არ წახვიდე“.

1936 წელი. „დისკუსია ფორმალისმისა და ფუნქურიზმზე უთუოდ დამთავრებული იქნება დღეს. აი ეს არის წაუკითხე გაზეთში გამოსულა შენს წინააღმდეგ. გაზეთი ამას „ყოველათ“



მიუღებლად, დაუშვებლად და უნაყოფოდ¹ ნათლავს.

არ გაგიკვირდეს! ღუნინის ორდენი, რომელიც შენს¹ შვედურ¹ ამშვენებს... მოსვენებას არ მისცემს და არა ერთს და არა ააწკმუტუნებს შენს წინააღმდეგ— გულში ცვეცხლი უტრიალებთ და რით დააქრონ, თუ არა შხამისა და ღერწოს გაღმონთხევით. ძალიან კარგი იქნებოდა იმათთვისაც მიეცათ ორდენი, რომელ ზედაც დიდი ასოებით იქნებოდა წარწერა: „შური“.

„ერიდუ მაგ ოხერ სასმელებს, რომელმაც ჩვენი სიცოცხლე ასე მოშხამა და მოწამლა. არაფერი გაკლია: დიდება, სახელი, ქონება — უმადლეს მწვერვალზე ხარ ასული, მტრებს შურით თვალები უბრმავდებათ და ისარგებლე ამით... ნუ იკლავ თავს მაგ შხამით“...

1938 წელი. „იცოდე, ერთ კვირაში რაიმე კარგი ღექსი „კომუნისტში“ უნდა იქნეს.

1945 წელი. „თბილისსი უთუოდ დიდი სიცივეები იქნება, თუ ძმა ხარ, თავს მოუფრთხილდი, არ გაცივდე“.

1948 წელი. „გველით, გალაკტიონ! გელით, რომ მოკლე ხნით დაისვენო და სასურველად იმუშაო. ჩემი სურვილი, ოცნება, იდეალი — შენი კარგად ყოფნა“.

დამრიგებელურ კილოსა და სასაყვედურო ინტონაციებს ბუნებრივად იღებს გალაკტიონი. მხოლოდ დედას და ძმას აქვთ უფლება ამგვარად შეეხმიანონ.

ერთად თავმოყრილი ეს შეგონებები შეიძლება სურათს ამუქებდეს. მაგრამ ისინი ისე გულწრფელად და ბუნებრივად არის ჩართული ბარათებში, რომ გალაკტიონი შეურაცხყოფილად არ გრძნობს თავს ამ დარიგებებისა თუ ყვედრების გამო.

რაც მთავარია, პროკლე მხოლოდ ამ გზით არ მოქმედებს. იგი ძმას აცნობს თავის მდგომარეობას, გვემებს, საზოგადოებრივ ვითარებას. ეს გულახდილობის ატმოსფეროს ქმნის. ურთიერთობას აღუდაბებს და შეგონებებსაც სიწრფელეს მატებს. მხედველობაში მისაღებია წერილების ინფორმაციული ხასიათი და აღმზრდელითი ღირებულებაც. აი, ნაწვევტიც 1907 წლის წერილიდან: „აქ, თბილისში დიდი ამბავი იყო. იღია ჭავჭავაძე გაასვენეს. მე ჩემს დღეში იმდენი ხალხი არ მინახავს. პროცესია მთელს ვერსტზე იყო. მგალობელნი და გვირგვინები — უთვალავი. გვირგვინი ჩვენც ვიყიდეთ. იცი, რამდენი სიტყვები წარმოთქვეს?! მთელი წიგნი იქნება, რომ კაცმა ყველა დაწეროს. სილოვანი¹, ვაჟა-

¹ სილოვანი — სილოვან ხუნდაძე (1860-1928).

ფშაველა, ფხა¹, Bazoon-ი², აკაკი, მაქედან გიმნაზიელი ქორეოგრაფი და ბევრი სხვანი სიტყვების თქმით დაიღალნენ. ბევრი ცრემლებიც რომ დაიღვარა!!! ვკონებ, საქართველოში ასეთი პატივით ერთი კაციც არ დამარხულა. სიონში მიცვალებული ორ დღეს ესვენა და ამ ხნის განმავლობაში უთვალავი ხალხი ტრიალებდა, მისთვის რომ თვალი მოეკრათ, დიდებული კაცისათვის, ყველას უნდოდა მისი ნახვა...³

პროკლე ხელს უწყობდა ძმას ლიტერატურულ საქმიანობაში. რედაქციებში მიჰქონდა მისი ნაწერები, მოლაპარაკებას აწარმოებდა გამომცემლებთან, მასალებს აგროვებდა პოემებისა და ციკლებისათვის (ამ მხრივ აღსანიშნავია აფხაზეთისადმი მიძღვნილი ლიტერატურისა და ცნობების შეკრება-დამუშავება) და ა. შ. მაგრამ ყველაზე მნიშვნელოვანი მაინც ის არის, რომ სხვადასხვა გზით და საშუალებით უღვივებდა და უშეაფრებდა ლიტერატურული საქმიანობისადმი ინტერესს. „როგორ შევებუე მასწავლებლობას, რას აკეთებ, რას შერები?... რატომ არაფერს წერ, რა ამბავია?... კვირის ნომერი წაიკითხე? რაღაც ტიტუზებაც იყო დაწერილი. დამატებაში გრიშაშვილის ლექსის ბოლოც წაიკითხე. რანაირად წააგავს შენი ლექსის ბოლოს „მსურს ნაღველი““.

„აბა, ჩემო გალაქტიონ, შენებურად ვეფხვივით დატრიალდი და ლამაზ მარგალიტებად ჩამოსხმული სიტყვებით აღადგინე შოთას სახე და ქაჯების შემშუსვრელთ ქება შეასხი.

ყოველი დღე ველი და ვიცდი“⁴.

პროკლე გრძნობს ძმის მძიმე მდგომარეობას, სულიერ მარტოობას. ცდილობს გაამხნევოს, გაუადვილოს ყოფა. მან კარგად იცის, რომ გალაქტიონის არსებობა მწერლობაა და ამიტომაც ხშირ-ხშირად შეახსენებს თავის ძირითად მოვალეობას, მოუწოდებს ინტენსიური მუშაობისაკენ. ამგვარ ბარათებს გალაქტიონისათვის დიდი მნიშვნელობა ჰქონდა. ისინი წონასწორობას უნარჩუნებდნენ და ალაჯ ხნებდნენ კიდევ. გალაქტიონი კიდევ უფრო მეტი გატაცებით ებრძოდა სიტყვას. საკმარისია დაავიციანოს პროკლეს ბარათმა, და გალაქტიონი

¹ ფხა – იაკობ ფანცხავე (1867-1955).

² Bazoon – მიხაკო წერეთელი (1878-1965).

³ პროკლე (აბესალომ) ტაბიძე. მოთხრობები, ბარათები გალაქტიონთან, 1997, გვ. 104.

⁴ იქვე, გვ. 109.

⁵ იქვე, გვ. 148.

მოსვენებას კარგავს. „ძმად აბესალომ, როგორ ხარ! წერილს რად არ იწერები? შენი წერილი მეტად ძვირფასი რამ იქნება ჩემთვის. საშინელ ყრუ სოფელში ჩამოვყარდი. აბა შენ იცი, თუ წერილს მომწერ“ და აბესალომიც სწრაფად ეხმინება, ყრველთვის აგრძნობინებს, რომ იგი მარტო არაა.

გალაკტიონი ღრმად განიცდიდა ძმის სათუთ დამოკიდებულებას, ზრუნვას, თავდადებას და ბავშვივით მიხედობილი იყო მასზე. უჩვეულო სიყვარულითაც პასუხობდა. აი, რას ხწერდა გალაკტიონი 1911 წელს უფროს ძმას: „გამამხნევებელი წერილი მომწერე, თორემ ღამის გაუნადგურდე ვრცელი წერილი მომწერე, თუ ძმა ხარ, დახურული შენა ხარ ერთადერთი ჩემი იმედი“.

ალბათ, არავის ისე ზუსტად არ დაუხასიათებია გალაკტიონი, როგორც პროკლეს. იგი რძალს – ოლია ოკუჯავას ხწერდა: „უმთავრესი ის არის, რომ მას ისე ვერ გაგვზომავეთ, როგორც ჩვეულებრივ ადამიანს. „პოეზია უპირველეს ყოვლისა“ და გარეშე პოეზიისა, ოცნებისა და მაღლა-მაღლა ფრენისა, მას არაფერი აინტერესებს. დიდებულთა იგი, როცა მაღლა დაფრინავს, მხოლოდ სასაცილოა, როდესაც ძირს ეშვება და ჩვეულებრივ ადამიანის სახეს იღებს. ამიტომ, დაო, ბევრი რამ უნდა ვაპატიოთ, თუ იგი გეიყვარს! 7 წელიწადია სახლში არ ყოფილა. 7 წელიწადია დედა არ უნახავს, მაგრამ რა ექნათ, მაინც ღმობიერი უნდა ვიქნეთ, მაინც უნდა გეიყვარდეს ეს უცნაურ ვარსკვლავზე დაბადებული დიდი ადამიანი და გულუბრყვილო ბავშვი!“¹

დასასრულს კიდევ ერთ ბარათს დავესესხებით. იგი 1938 წლის 8 იანვარს არის დაწერილი და კარგად ამჟღავნებს ძმისადმი პროკლეს ზრუნვას, მის უძირო სიყვარულსა და შეშფოთებას. სწორედ ამგვარ ბარათზე ითქმის, სისხლით და ცრემლით არის დაწერილიო.

„შენ გძინავს... არ მინდა გაგაღვიძო და ისე მივდივარ... მაგრამ ვაი ასეთ ხასიათს, ეხლა მე რომ ვარ. ფიქრები, მწარე ფიქრები არ მასვენებს. შენ თუ ასე განაგრძე, აუცილებლად დავიღუპებით. გალაკტიონ, რა უნდა ქნას კაცმა, თუ რაზე ვითხარი, გული მოგდის, თუ ვინმემ სასარგებლოდ დაილაპარაკა და გიორჩია, შენ გულისწყრომას საზღვარი არა აქვს – ჩემი მტერიყო. არ გრცხვენია? მე ხომ მტერი არა ვარ შენი. ვიცი, შეგოდლია თავის დაჭერა. მე დარწმუნებული ვარ, შენ შესძლებ თავის შემაგრებას, მაგრამ არ ინდომებ და თავს იღუპავ, მტრებს ახარებ!“

რა სიამოვნებით ვისმენდი იუბილესზე რომ ამბობდი, წიგნის

¹ პროკლე (აბესალომ) ტაბიძე, მოთრობები, ბარათები გალაკტიონთან, 1997, გვ. 156.

გამოცემაზე და სხვა.

ასე თუ გაგრძელდა, იუბილეი კი არა, შეიძლება კავშირიდანაც კი გამოვრცხონ. რატომ შეები ამას?

აი, დღევანდელი შემთხვევაც. სახლის კიბეს მწიფე ხაჭაპურით ოთხი რუსის ქალი ვიშეიშებენ და იძახიან: Ой бедный, ой бедный. სული შემეხუთა. რა ამბავია? – შევეკითხე. ისინი სიბრაღულით კიბისკენ იყურებიან და მეუბნებიან: Ой Галактион Табилде. თავზარდაცემული ამოვვარდი და კიბეზე გაშხლართული დაგინახე. ჯიბიდან გასაღები ამოვიღე. შენ არც კი გაგივია. ამ დროს მეზობელი დიასახლისი გამოვიდა, მომეხმარა და ამოვიყვანეთ. საბუნდოვროდ, ცული სიტყვა არაფერი წამოგცდენია. პირიქით, ხელზე ვინდოდა გეკოცნა მადლობის ნიშნად.

ძლივს გაგზაღდე და დაგაწვინე. ძიღში საშინლად ხრიალებდი... გახველებდა... ვკვდებიო, – იძახდი.

გალაქტიონ, შეიბრაღე თავი, ნუ დათურები. იცოდე, რომ მერე შენ ჭკუაზე არა ხარ და ქვეყნის სასაცილოდ და შესაბრაღისად ხდები...

კიდევ ბუნდოვრება, რომ ნაშუადღევის ოთხი საათი იყო... დამე რომ ყოფილიყო, კაცი არ შემოგხედავდა. გაგძარცვავდნენ, წაგართმევდნენ პალტოს, ფეხსაცმელებს, ფულებს, მიგატოვებდნენ. გაცივდებოდი და სამუდამოდ დაიღუპებოდი.

რატომ შეები ამას, რატომ? ნუთუ ისე დაღუპული ვართ, რომ თავს ანგარიშს ვერ აძღვევ? აბა, თუ ძმა ხარ, შენი ჭირიმე, გალაქტიონ, გამოიჩინე გმირობა, აჩვენე ქვეყანას, რომ შენ შეგიძლია უღვინოთაც ცხოვრება! ნუ წაიღებ ჯიბეში ფულს. და თუ მაინც და მაინც ვერ გაძლებ, სახლში მოიტანე და დალიე...

სხვათა შორის, ჯიბეები შარვლის და პალტოსი გახვეული გქონია და მოეკერე...

ბლუზა გიყიდე. არ ვიცე, როგორი იქნება. თუ ის საქმე მოგვარდა, იცოდე, საუკეთესო კოსტიუმში წემს თავზე იყოს... რაღაც ქაღალდი შემხვდა. ღომბარდში ბეჭედი და სხვა რაღაცეები დაგირავებული გქონია, გამოიყიდე აუცილებლად. ხვალ არის ვადა. შემდეგ ნიუთს არ დაგიბრუნებენ.

წერილი უსათუოდ მომწერე...

მშვიდობით!

ნეტა თუ ისეთი ბუნდოვრები ვიქნები, რომ ღვინოს არ გაეკარო¹.

¹ პროკლე (აბესალომ) ტაბიზე, მოთხრობები, ბარათები გალაქტიონთან, 1997, გვ. 149-150.

ეს წერილი მრავალმხრივ არის საყურადღებო. იგი არა მხოლოდ ემოციების აღმკვერელია, არამედ ძალზე დამაფიქრებელიც. მისი უკომენტარებოდ დატოვებას შეიძლება ზოგიერთი მკითხველის ფიქრთა არასწორი კალაპოტით წარმართვა მოჰყვეს.

ღიახ, გალაკტიონი ღვინოს ეძალემა, ეძალემა და თერება უგონოდაც, მაგრამ შედეგი უმიზეზოდ როდი არსებობს.

მწერლობისაგან შორს მდგარ დილექტანტს ენვენება, რომ ღვექსის შეთხზვა მსუბუქი, იოლი საქმეა. მისი აზრით, ჯანმრთელობის შელახვას მხოლოდ მძიმე და გაბმული ფიზიკური შრომა იწვევს. იგი არ ითვალისწინებს იმ უზარმაზარ ფიზიკურ დატვირთვას, რაც შემოქმედებითი პროცესის თანმხლებია.

ტეშმარიტი პოეტი ჯვარზე გაკრული ქრისტეა. სიტყვასთან ჭიდილი, გრძნობათა დაურეება და უმაღლეს ესთეტიკურ სახეებში გამოხატვა არცთუ იშვიათად გადაწვას იწვევს.

გალაკტიონი არა მარტო წერდა არამედ უმძაფრესად განიცდიდა, რასაც შეუძლებელი იყო უკვალოდ ჩაეელო. დიდი შემოქმედებითი ტანჯვის შემდეგ დროებითი განმუხტვის, განტვირთვის, ძალთა აღდგენის აუცილებლობა ჩნდება. გალაკტიონი ნაწილობრივ ღვინოშიაც ეძებდა ტრილობათა დაამების საშუალებას. სხვა საკითხია, რამდენად მისაღებია ეს გზა. ამ შემთხვევაში სუბიექტურმა თვისებებმა იძაღეს. ყველა შემოქმედი ხომ თავისებურად იკრებს ძალებს. გასათვალისწინებელია მეორე გარემოებაც. 1937 წლის რეპრესიებმა უმძიმესი ანაბეჭდი გააკეთეს პოეტის სულში. ჩნდება შიშის გრძნობაც, რომლის დაძლევა არცთუ იშვიათად ღვინით ცდილობს.

ამ ორი გარემოების გათვალისწინება აუცილებლად ვეპართებს. და მაინც: განმსაზღვრელად მათ ვერ მივიჩნევთ. ღვინოსადმი მიდრეკილება სიმაწვილიდანვე დაჰყვა გალაკტიონს და ავადმყოფობად ექცა. ალკოჰოლთან ბრძოლაში გალაკტიონი უძლური აღმოჩნდა, მით უფრო, რომ გარემოებაც მის საზიანოდ მოქმედებდა.

ბარემ ისიც ვიკითხოთ, რამდენად საფუძვლიანია მოსაზრება, თითქოს გალაკტიონი უმეტესად შეზარხოშებული თხზავდა.

მე არ მახსოვს, რომ გალაკტიონი მთერალი მიჯდომოდეს სამუშაო მაგიდას. როცა ავადმყოფის ციკლი იწყებოდა, კაბინეტის კარი საგულდაგულოდ იგმანებოდა. თავადაც არ შედიოდა სამუშაო ოთახში. შეუძლებელიც იყო რაიმე ლიტერატურული საქმიანობა, რადგან ღვინო განწყობილებას კი არ უმაღლებდა, არამედ პოეტური ნერვის დაილუნგებას იწვევდა. ორი ჭიქა

შამპანური ისე მოქმედებდა გალაკტიონზე, როგორც ჯანმრთელ კაცზე ორი ბოთლი. ეს იყო ძალზე მრუშე დღეები, ბახუსის თანამგზავრობა კვირაობით გრძელდებოდა. არ არსებობდა თუნდაც ერთდღიანი გამოფხიზლება. ადრიან გაღვიძებული ამდგურქელი თვალებითა და აკანკალებული ხელებით მოითხოვდა სასმელს. გადაკრავდა და თითქოს მშვიდდებოდა, მდგომარეობიდან თავის დახსნის ნაღდი გზა საავადმყოფოზე გადიოდა. განიკურნებოდა და მთელი გატაცებით გადაეშვებოდა პოეზიის საუფლოში. ამ დროს წვეთ სასმელს არ იკარებდა. მაგრამ, საუბედუროდ, ეს არცთუ დიდხანს გრძელდებოდა. დემონი კვლავ ააფარფატებდა ფრთებს. გულრგილად მოექცეოდნენ გალაკტიონს, აწყენინებდნენ, გააჯავრებდნენ და ისიც კვლავ მიეძალებოდა სასმელს. მე არ შემიძლია ვამტკიცო, ბახუსი მასტიმულირებელი იყო თუ არა ახალგაზრდა პოეტისათვის. ის კი თამამად შემიძლია ვთქვა, რომ სიცოცხლის მიმწუხრს მთვრალი გალაკტიონი სერიოზულ ლიტერატურულ საქმეს შეჭიდებული არ მინახავს.

ერთადერთი შემთხვევა მაგონდება, როცა მობარბაცემ არა მაგრამ საკმაოდ ადგზნებულმა თაბახი შემომიტანა:

*„ნეტავ ეხლა რად არ ვარ ბავშვი,
ჩემი ჭაღების ექროდე ამბავში
ფაზისდა ზედა.
გარეშემო ტყუა და გუგუნია,
„გამცივდები, ო, გატუნია“,
მეძახის დედა...“*

მეორე სტროფში ის აზრია გატარებული, რომ დღეს მას სხვა დედა დაჟინებით ჩასძახის — „გაცივდი, მოკვდი!“

საერთოდ, კაცმა რომ თქვას, ლეგენდა იმის თაობაზე, რომ გალაკტიონი ბახუსს მიმართავდა შემოქმედებითი მუშაობის პროცესში, ლიტერატურულ შრომას გაიოლებულად წარმოაჩენს. ჭეშმარიტი პოეზია უზარმაზარი ტკივილის, ჯაფისა და სიამოვნების შერწყმაა. ვისაც გალაკტიონის ხელნაწერები უნახავს, დამეთანხმება, რომ მისი შედევრები არა მხოლოდ ნიჭის, არამედ ტიტანური შრომის ნაყოფიც არის.

დიახ, ჩვენ ყურადღებას გამახვილებთ დრმა და სერიოზულ მუშაობაზე, თორემ ლექსის ისეთ ვირტუოზს, როგორიც გალაკტიონი იყო, შედვინიანებულხსაც არ გაუჭირებოდა ექსპრომტის შეთხზვა, თუ ამბის გალექსვა, თანაც არა მხოლოდ ქართულად. ამ მაგალითიც:

Света

*Света, Света
Глубокого цвета.
Можно намечтать с ней
При то и по эта,*

*Поймать ли поэта,
Дорогая Света?
О, тогда с просветом
Минет это лето!*

ისიც ცხადია, რომ ამგვარ ნაწარმოებებში მეტ-ნაკლებად მაინც ირეკლება პოეტის ნიჭი და გამოცდილება.

ჩვენს ხელთ სწორედ ასეთი „განწყობილების“ ეამს დაწერილი ლექსია.

გალაქტიონი სკოლაში მიუწვევიათ. იგი გადაკრულშია. ჩანს, ვიღაც უბირმა შეჰკადრა – რატომ სვამო. ან იქნებ მოსწავლეებში ატყდა ჩურჩული: – ნახე, ნახე, მთვრალია!

გალაქტიონს არ გამოპარვია ეს ჩოჩოლი და პირდაპირი თუ ირიბი სავეედური. ზის პრეზიდენტში და მოჩვენებითი ყურადღებით უსმენს მომხსენებელს. ფიქრით კი სხვაგანაა. მერე იღებს „კარანდაშს“ და წერს, დროდადრო ორატორს ყასიდად უქნევს თავს, თან სტრიქონებს ხაზავს.

ეს ლექსი არ წაუკითხავს გალაქტიონს, არც არავისთვის უჩვენებია. დარბაზიდან გამოსულმა ფურცელი გადახია და დერეფნის კუთხეში მიყარა. ქართული ენისა და ლიტერატურის მასწავლებელმა სათუთად აკრიფა ნახევები, დააწება და საგულდაგულოდ შეინახა, იგი ჟურნალისტიკის ფაკულტეტის სტუდენტმა მაია კილაძე-ქვენტმა გადმოშვა. ლექსი მომაქვს თვალსაჩინო კუპირებით:

*„რად სვამ ღვინოს? რად სვამ ღვინოს?
ყოველ წუთში შეკითხები.
იცი ჩემი გულის დარდი,
იცი ჩემი გულის ხმები?
რომ სვედიანს, დამწვარს, დაგულს
ერთხელ ტკბილად დამეძინოს,
გუჟიცები მხოლოდ მისთვის
ვეწაფები მე ამ ღვინოს.
და ღვინისგან განაუღვინოსა
განა მესმის მაშინ, რამე?
ვის რა უნდა, თუ კი ერთხელ
ღვინით გული დაეიაჭე.“*



რომ მეწვევა მწვავე ფიქრი
და გულს მიღრღნის სველა მწველი,
ვეწაფები მაშინ ღვინოს,
ღვინო არის ჩემი მხსნელი.

და გთხოვთ კვლავაც ნულარ მკითხავთ -
რად სვამ ღვინოს, რად სვამ ღვინოს
თქვენც გადაქართ, გამოხსცალეთ,
თუ გსურთ ტკბილად დაგვიძინოთ“.

დავანებოთ თავი იმას, გალაკტიონი მხოლოდ ერთი მიზეზით ხსნის ღვინოსაკენ ღტოლვას. მაგრამ ეს მიზეზიც ხომ თავისთავად მეტად ბევრის მთქმელია. არსებითი იხიციად, რომ ბოლო სტროფში პოეტი ფართო განზოგადებას ახდენს, სოციალური უსამართლობის მსხვერპლად სხვებსაც მიიჩნევს და ხინამდვილიდან გააქცევისაკენ მოწოდებაც ამით არის შეპირობებული.

ხსენებული ლექსი დაიწერა როგორც ფარული გამოწვევის პასუხი. მაშასადამე, შინაგანად გულისხმობს ადრესატს. მაგრამ პოეტს ხომ არავისთვის გადაუცია იგი?

ცნობილია, რომ გალაკტიონი ყოველ სტრიქონს, ყოველ ჩანაწერს თვალისჩინივით უფრთხილდებოდა. მაშ რატომ გასწირა ეს ლექსი?

გასწირა კი? ნუ ავჩქარდებით.

ლექსს საჯაროდ ვერ წაიკითხავდა, არადა საზოგადოებას აუცილებლად უნდა გაეცნო იგი. ამიტომაც ჯიბეში კი არ ჩაიდო, ან ქუჩაში კი არ მოისროლა, არამედ სწორედ სკოლის დერეფანში გადახია, თანაც მაშინ, როცა მის ყოველ ექსტს თვალს ადევნებდნენ. იცოდა, ნახევებს უთუოდ აკრეფდნენ. აკი ასეც მოხდა.

გვნიოსის პატარა ეშმაკობა?!

ან იქნებ სულაც არ იყო ასე?!

სხვათა შორის, გალაკტიონი ძალზე კარგად გრძნობდა ღოთობის დამანგრეველ ძალას. აკი ამბობს: „გულის ვანგი ღვინოს სვამს პირველად, მაგრამ ორიოდე ყანწის შემდეგ ღვინო აბითურებს ვანგს. დაღვეს კაცი ღვინოს და გადმოიღვრება ვანგი, გამჟღავნდება ყველა საიდუმლო. დაღვე ღვინოს და დატრიალდებიან მთები, აირევიან ღრუბლები (მთებო, ღრუბლებო, რა მოგივიდათ, ღვინოს მე ვსვამ და თქვენა თვრებით?). ასეთია ღვინის ძალა: ის რომ ტურას ხახაში ჩაახსა, მგელს წააქცევს...“¹

¹ გ. ტაბიძე, თხზ., ტ. XII, გვ. 317.



ყოველივე ზემოთქმული ცალმხრივად არ უნდა უკავივრო-
ისიც გასათვალისწინებელია, რომ გალაკტიონის ზოგიერთ
ლექსში ღვინო სიწმინდესა და სილამაზეს, მზეს ეწვევდნენ. ამ
მხრივ უინტერესოდ არ გვეჩვენება „ყვავილები და ღვინო“, მაგრამ
ეს სულ სხვა თემაა.

ფაქტია, რომ გალაკტიონი ძალუძად ეტანებოდა სასმელს და
ამან დასაბამი მისცა ნაირგვარ თქმულებებს. საზოგადოების დიდ
ნაწილს გალაკტიონი ვერ წარმოედგინა თვინიერ ღვინისა, ხოლო
შეზარხოშებული პოეტი შემოქმედებითი აღტკინების გარეშე,
ამ მხრივ ტიპურია ერთი საახალწლო მილოცვა - „გოზინაიო“,
რომლის ავტორია დონ-ბაზილი (ვ. პატარაია).

გალაკტიონ გაბიძეს

*„უნუგეშო მხარეში, რესტორანის არეში,
ღვინის სიმხურვალეში მეჭვდება გენია,
ძლიერ მოსაწყენია, ფხიზლად სთვალო დღენია,
გულის მომალხენია პოეტების თარეში...
ღურჯა ცხენზე მჯდარია, ჩემი სულის არია“.*

აქ ერთ ღვეკენდასაც გავიხსენებ, რომელიც სხვაგანაც მაქვს
ფიქსირებული.

...გალაკტიონი ღუდის ჯიხურთან შეწერებულა. ჭიქები
არყით აუვისია და სხვებისთვის მიუწოდებია. თავად კი არყით
დაუსველებია ხელი და თითები წვერში შეუცურებია...

– მთვრალი ვეგონები ხალხო, – ჩაუქირქილებია.

ჰყვებიან ამ ამბებს... ზოგი აშკარა აღტაცებით, ზოგიც
წუხილით, ზოგიც მხრების აჩქევით...

მსგავსი რამ არ ყოფილა და არც შეიძლებოდა ყოფილიყო.
როგორც აღვნიშნეთ, სიფხიზლეში გალაკტიონი ჭირიეთ გაურბოდა
არაყს. მის სუნსაც კი ვერ იტანდა. მობარბაცე ნაცნობს თვალს
რომ მოაქრავდა, ქუჩის მეორე მხარეს გადადიოდა.

ამიტომაც ვუწოდებ ამ ამბავს ღვეკენდა... მაგრამ ეს ღვეკენდა
უკუსაგდები როდია. იგი კარგად გამოხატავს საზოგადოების
დამოკიდებულებას პოეტისადმი. ხალხი ვერ იმეტებს
სათაყვანებელ მგოსანს, არ სურს უსახურ პოზაში იხილოს იგი.
სმასაც თვითგადარჩენის მიზეზით ხსნის.

ეს არის უდიდესი სიყვარულის გამოვლენა. მსგავსი

¹ გაზ. „ტრიბუნა“, 1923, №384.

მასალებისადმი, იქნებ ეს გალაკტიონისადმი მიწერილი ანკეფორტი, მახვილსიტყვაობა თუ პოეტის ცხოვრების შეღამაზებული ეპიზოდი, საგანგებო ყურადღება გემართებს. ისინი უნდა შეიკრიბოს.

რადგან გალაკტიონის ხასიათს შევხებით, მოდით, აბესალომის ზემოთ განხილულ წერილს დაუბრუნდეთ. მისი შინაარსი იმდენად გვაფიქრიახებს და გვაღელვებს, რომ სხვა საკითხებს უკან ვწევთ ან ვივიწყებთ კიდევ. არადა, ზოგი რამ სრულიადაც არ იმსახურებს ამგვარ მიდგომას.

დამეთანხმებით, ბევრი ჩვენგანი მსგავს ბარსთს ნაკუწებად აქცევდა, ყოველმხრივ შევცდებოდა მისი კვლის დაფარვას, რადგან ადრესატი ფაქტობრივად კომპრომენტირებულია, ჩვეულებრივ მოკვდავთ კი არ ვვსურს ნირწამხდარი ვჩანდეთ.

გალაკტიონი სხვაგვარად იქცევა. საგულდაგულოდ ინახავს ძმის წერილს, ისტორიის საკუთრებად ხდის.

უცნაურია?!

ფაქტი ახსნას მოითხოვს. ეს კი ძალზე ძნელია.

რა ამოძრავებდა ამ შემთხვევაში გალაკტიონს?

იქნებ ეს ტრადიციის გამოვლენაა, ბავშვობიდან შესისხლხორცებული წესის დაცვა - ყოველი ბარათი და ჩანაწერი ზანდუკს ჩაეკეტოს...

იქნებ ამ ბარათს იმიტომაც უფრთხილდებოდა, რომ ზღურბლზე ჭოჭმანის ქამს ფარად იფაროს, ძალა მოიკრიბოს და ფსკერზე არ დაეშვას...

იქნებ ამ შემთხვევაში ძმასთან ფარული შეპაექრებაც ჩანდეს - ვერუ იოლად ნუ განსჯი და ვერუ სასტიკად ნუ განმიკითხავ...

იქნებ ეს წერილი ცხოვრებისეული უკუღმართობის მეტყველ დოკუმენტად დაგვიტოვა...

იქნებ თვითგვემისათვის შემონახული ბარათია და მას პატივმოყვარეობისაგან განკურნების ფუნქციაც ეკისრებოდა...

იქნებ ეს გენიოსის თვითდაჯერების გამოკრთომაა - ყოფითი ამბები ნაკლებ მაფიქრებს, ჩემი შემოქმედების მზის ქვეშ ჩრდილები ქრება...

იქნებ... იქნებ... იქნებ...

შორს წაგვიყვანდა ამგვარი ჩამოთვლა. ერთი კია, პატივს წვერი შემოურღვა და მოაზროვნე კაცი გორგალს გაჰყვება.

მკითხველმა გვაპატიოს ეს გადახვევა.

ამრიგად, ოჯახურმა წრემ არსებითი გავლენა მოახდინა
გალაქციონზე. პოეტს მემკვიდრეობით გადაეცა მთრთოლვარე
სული და მოვლენების მძაფრად აღქმის უნარი. გვეროვნულმა
ტრადიციამ თვალსაჩინოდ განსაზღვრა გალაქციონის
ლიტერატურული მიდრეკილებანი... ნათესავთა სულიერი
სიფაქიზე, კეთილშობილება და, საერთოდ, კულტი პატიოსნებისა,
გალაქციონს არა მხოლოდ ზღუდეებს უმართავდა, რომელთა
გადაღაბვის უფლება არ ჰქონდა, არამედ იმ კალაპოტსაც
უჩვენებდა, რომლითაც უნდა წარმართულიყო მისი ცხოვრება
და შემოქმედება.

„წინაპარის ცრემლები
გულზე ხშირად გედინა,
გულმა ძველი ემბლემა
ღალით მოაჭედინა“¹.

ბიძე...
მეგობარი...
1905

¹ გ. ტაბიძე, თხზ., ტ. VII, გვ. 54.

„ვიგონებ ყრმობას“



„არ ვემდური სიყმაწვილეს,
ის ხომ კარგი მახსოვს“.

„ჩემი ბავშვობის ჩანტი
კვლავ ხმებს იგონებს
გრძნეულს“.

გალაკტიონი

გალაკტიონი დაიბადა 1891 წლის 17 ნოემბერს!

გამზიარულდა მგლოვიარე ფუძე. ჩამოვიდნენ მაკრინეს ნათესავეები, მეზობლებმა მოსანახულებელი მოართვეს ოჯახს და გაიშალა შუა ცეცხლთან სუფრა. მოხუცი სტეფანე ხშირ-ხშირად შეადებდა პატარა ოთახის კარს და სიყვარულით დასცქეროდა გაღურსულ ბიჭუნას. უდროოდ გარდაცვლილი ვასილის სიცოცხლეს უკვე ორი ვაჟი აგრძელებდა.


¹ დაბადების თარიღთან დაკავშირებით აზრთა სხვადასხვაობა დღესაც გრძელდება, ზოგი 1892 წელს ახახელეებს, ზოგიც ორივეს. მაგალითად, ქართულ საბჭოთა ენციკლოპედიაში ფიქსირებულია: დაიბადა 5(17) XI, 1891 ან 6(18) XI, 1892. ამგვარი აღრევა არცაა მოულოდნელი. პოეტის ბიოგრაფიულ ჩანაწერში ვკითხულობთ: „დავიბადე 1892 წელს, მამის, სახალხო მასწავლებლის გარდაცვალებიდან შვიდი თვის შემდეგ.“ ეს თვალსაზრისი ბატონობდა ათეული წლების მანძილზე და ინერციის ძალა დიდი აღმოჩნდა. მართებულია 1891 წელი და აი, რატომ.

1892 წლის 21 მარტის „ივერიაში“ აღნიშნულია: „წარსულის თვის 26 შესრულდა ერთი წელიწადი მას აქეთ, რაც სიკვდილმა გამოაცალა ამ სოფელს (ჭყვიშს - ნ. ტ.) ხელიდგან ერთი ახალგაზრდა მასწავლებელი, გტაბიძე ვანსვენებული იყო ადგილობრივის მღვდლის შვილი, ქუთაისის სასულიერო სასწავლებელში კერს-შესრულებული. ამას ჰქონდა ამ სოფელში თავის ხარჯით გამართული სკოლა და დიდის გულ-მოდგინებით ეწეოდა მასწავლებლობის უღელს“.

აქ მოხსენებული ვასილ ტაბიძე გალაკტიონის მამაა. როგორც ირკვევა, იგი 1891 წლის 26 თებერვალს გარდაიცვალა. ამ ცნობის სისწორეში ვჭკის შეტანა შეუძლებელია, რადგანაც კორესპონდენციას ხელს აწერს იუსტინე ტაბიძე, ვასილის ძმა.

ცხადია, თუ ვასილ ტაბიძე 1891 წლის 26 თებერვალს გარდაიცვალა, გალაკტიონი ვერ დაიბადებოდა 1892 წელს, არა თუ ნოემბერში, არამედ იანვარშიც კი.

სოფელ ჭყვიშის წმინდა გიორგის ეკლესიის 1892 წლის „შეტრინესკი წიგნიში“ გალაკტიონის დაბადების დღედ ჩაწერილია 5 ნოემბერი, მონათვლის დღე კი - 3 იანვარი. ეს ორი თარიღი ერთი წლისა როდია, რისთვისაც ყურადღება არ მიუქცევიათ და შეცდომაც აქედან მომდინარეობს. 1892 წლის 3 იანვარს მოუწათლოავ 1891 წლის 5 ნოემბერს დაბადებული ბავშვი. რვეის-ტრაცია გვიან მომხდარა.



გალაკტიონმა ადრე აიდგა ფეხი და ერთთავად აივანზე იყო.
რიკულებს ჩაფრენილი გულდასმით აკვირდებოდა ყველაფერს.

რატომ ყივის მამალი?
რატომ სვირნობენ ჩრდილები?
ღამეს სად ათევეს ქარი?..

შერე თავის აღმოჩენებს უფროს ძმას უზიარებდა.

წამოიზარდა და ეზოს არც ერთ კუნჭულს არ ტოვებს მოუხსრეკავს. ეზოში კი, რომელიც ნახევარ ქცევას არ აღემატება, ბევრი რამ არის საინტერესო. ჩრდილოეთით, ცენტრალური გზის გაყოფებით, ბროწეულების ღობესთან კომშებია ჩარიგებული, ბიძის კარ-მიდამოსაკენ მიმავალ შუკას ალუჩების მწკრივი გასდევს. სასაფლაოს გასწვრივ თუთები და კაკლის ხეები შრიალდებენ. აღმოსავლეთით, სადაც პაპის მიერ აგებული სკოლაა, კობიტები ბუბუნებენ. ვაშლის ხეებს ტოტები ერთმანეთში გადაუხლართავენ და ალაგ-ალაგ ცის დანახვაც კი ჭირს.

მოგვიანებით პოეტი წერდა:

*„მე მახსოვს სახლი რიონის პირად
მის ღამაზე ეზოს ვივონებ ხშირად
თუთის ხეებით შემორგულ ეზოს.
(სუფთას, წყნარს) და უშიხეზოს
ეხლაც წინ მიდგას ღანდი ხეების
ცაცხეების, ვრცელი, სიმაღლეების...“¹*

ეზოს შუაგულში ძველიმერული წაბლის ხის სახლი დგას. დიდ დარბაზს მიწის იატაკი აქვს. დირუდან ნაჭაა ჩამოშვებული. კერის თავეთან კეცებია ახუხულებული, იქვე ჯორკოებია. დიდი ხის კიბით სხვენზე ასვლა შეიძლება. აქ შქერის წნელით დაღობილ ჩელტებზე, ღობიოს ფუნჩენში მაკრინე ზამთრობით ვაშლსა და მსხალს ინახავს. დარბაზი დარიბულად გამოიყურება. აღმოსავლეთის კედელს თითქმის ნახევრამდე გაბმული სამშო ტახტი გასდევს, რომელზედაც ქვეშაგებელია აკეცილი. დასავლეთით, კუთხეში სიმინდის საფშვენია გიდელითა და კალათებით. მახლობლად არყის სახდელი ქვაბი დგას. ჩრდილოეთის კედელზე კარადები ჰკიდია, რომლებშიც ჯამ-ჭურჭელია შელაგებული. იქვე ხალშები და დოჭებია. ორი გრძელი ტაბლა გვერდიგვერდ აუყუდებიათ...

დარბაზს სამხრეთით პატარა ოთახი და რიკულებიანი აივანი აკრავს ხის იატაკითა და ჭურით².

¹ ვ. ტაბიძე, თხზ., ტ. XI, გვ. 483.

² ახლა სახლი შებრუნებით დგას. ბოკონებიც რიყის ქვის

ნაცვლად ბეტონით არის ამოშენებული.



სახლი რომელშიაც დაიბადა და გავეშვობის
წლები პაატარა გალაკტიონმა

ამ ოთახში იძინებენ დედა და შვილები. ორი ტახტი, ხაწკრა
მაგიდა, ზანდუკები და თაროები. იქვე საკურავი მანქანაა და
წამლების ყუთი. კედელზე ნონგური კიდეა. აივანზე ვრძელი
სკამლოგინია. ოთახი და აივანი მიწიდან ორი სართლის
სიმაღლეზეა. კიბედ წისქვილის ქვა გამოუყენებიათ. ამ მოუკოდავი
ბორბლის კრიჭა მიწითაა ამოვსებული და ნაწვიმარზე პატარა
გალაქტიონი მასზე ბასკური ღურსმნით უცნაურ ფიგურებს
ხატავს. სხვათა შორის, ეს წისქვილის ქვა ორიგინალურად აისახა
პოეტის შემოქმედებაში, მას კერიის, ეზოს, მამულის სიყვარულის
გამოხატვაც დაეკისრა.

*„გახაფრუნად მზა
შვეცქეროდი ცას,
მაგრამ პკრავდა გზას
ეს წისქვილის ქვა.“*

*გავეცქეროდი ვრცელს,
ფაზის ჭაღაველს,
მაგრამ შება ეელს
ეს წისქვილის ქვა“.*

სახლის უკან ჩამოხურული ფარდულია, სადაც ურემი დგას.
გალაქტიონისთვის ყველა ნივთი თუ საგანი ნაცნობია
და ამავე დროს საიდუმლოებით მოცული. ძმები ბროწეულის
ყვავილისაგან ნიბუხებს აკეთებენ. მერე ქვაზე დანაყიდ
ჯიჯლაყასა და კლერტას ჭიაფურით ღებავენ – დედას ბაძავენ,
თითქოს წამალს ამზადებენ. მოსწეინდებათ და ადესის მსხვილ
ღერწებს ჩამოეკონწიალებიან. ქანაობს საქანელა და იწყება
მოგზაურობა უცხო მხარეში.

სამყაროს საზღვრები თანდათან ფართოვდება. გალაქტიონი
ადვილად აღებს ჭიშკარს და ეზოსგან შორს მიდის. შარავზის
გადაღმა სტეფანეს მიერ გაშენებული ხეივანია, მერე ფშანი,
საყანეები და რიონის ტოტი. თუ ამ უკანასკნელს გადასცურავ,
ზღაპრულ კუნძულზე მოხვდები. აქ სამ კვდარატულ კილომეტრზე
რიყეც არის და უდაბნოც, აბიბინებული მდელიც და ბუქჩარიც,
ტყეც და სახნავ-სათესიც. რიონის ძირითადი ტოტიდან
გამომდინარე ნაკადულები ნხრიალებენ. ალაგ-ალაგ სათავეები
დასილულა და მიტოვებულ კალაპოტებში ტბორები გაჩენილა.
მზე გუბეებს ათბობს და პატარა ბიჭებიც მანამდე ნეტარებენ,
ვიდრე ვინმე მოწიფული არ დაიფრენს – დაიხაშმებითო.

¹ გ. ტაბიძე, თხზ., ტ. VI, გვ. 206-207.

„ზაფხულობით სიცხე აღკოპოლივით აბრუებდა აღამიანს და მოდარაჯე თვალი პაერში მართლაც იგრძნობდა აღკოპოლურ დუღილს. და იმ პაერთ სუნთქვა აღკოპოლიანი სასმეადრეს სმასად ჰგავდა“¹.

გალაკტიონს განსაკუთრებით უყვარდა საღამო რიონის პირას. პატარა ბიჭი დედასთან ერთად იჯდა ხაბოს კედელზე და ელოდებოდა, როდის გადმორეკდნენ გაღმიდან ძროხებს. აქ მთელი სოფელი იყრიდა თავს, უმეტესად ქალები და ბავშვები. და იყო კისკისი, ფუნზნი, ხვაშიადის გამხელა. ბავშვები კენჭაობას და დანასობიას თამაშობდნენ. მერე ნაპირთან მოწითლდებოდა ნახირი და ატყდებოდა ყიჟინა: პო-პო-პო... ნელა შემოტოპავდნენ ძროხები მდინარეში, აცურდებოდნენ, მხოლოდ თავები ჩანდა, ღამაში სანახავი იყო. თითქოს რქებით მოაქონდათ

მზე. მაკრინე თავის წაბულას ბაწარს ჩააბამდა და ბილიკ-ბილიკ გაუყვებოდნენ შინისაკენ.

გალაკტიონის თვალწინ იცრიცებოდა დღე. ფერი ფერს ენაცვლებოდა და უფრო რბილი, საამო ხდებოდა პეიზაჟი. ერთ დაუშთაერებელ ღუქსში პოეტი ამბობს:

*„მზე ჩამავალი მწვერვალებს ნაღმივით
წითლავს.*

*მზე უაღერებს ღრუბელთა გუნდს - ღამაზს,
მომხიბლავს.*

*ფახისი წყნარად მოდუდუნებს და უზრუნველი
ტკბილსა სიმღერას ჩამწურულებს ნიავი ნელი“.*

ეს ყრმობისდროინდელი შთაბეჭდილებებითაც არის მოტივი-ირებული.

პატარა გალაკტიონი ბუნების ენას სწავლობდა. მისი თვალი შეუწმნეველის შემწნევის ცდილობდა. ემოციები მძლავრზე მძლავრი იყო, მაგრამ ყმაწვილი ბეურ რამეში ჯერ კიდევ ვერ ერკვეოდა. იგი არსებითად სიღამაზესა და სიმშვენიერეს ტერეტდა.

როცა მუხლი გაიმაგრა და მკლავში ძალა იგრძნო, ვაშლის ხე ამოიჩემა. კენწვროსკენ მიცოცავდა. ხე მალაღზე მალაღი იყო და ყმაწვილის თვალწინ ზღაპრული სანახები ფერადოვნებდა: შორით კაკაისიონი, ახლო - მძლავრი რიონი. შთაბარს ისე აჩნდა ნაოტები, ვით საფლავის ქეას ეპიტაფია. აქედან უკეთ ჩანდა, თუ როგორ იზმორებოდა ზაფხულის შუადღე და როგორ მიერეკებოდა მობალახე ღრუბლებს უხილავე მწვემსი. ჯერ

¹ გ. ტაბიძე, თხზ., ტ. XII, გვ. 271.

გაოცება დაეუფლა სამყაროს უსახრულობის შემცნობს, მერე შორეულში ხაოცნებოს აღმოჩენა სცადა და აფრები გაშალა...

ჩვევად ექცა: უკმარისობის გრძნობის მოძაღებისას სიმაღლეს ვლტვოდა. დიდხანს იჯდა ორ ტოტს შუა გარინდვითლი და მიწიერ ყოფას მოწვევტილი:

*„ხშირად ავსულვარ უმაღლეს ხეზე
როგორ დაემთვრალვარ იმ სიმაღლეზე
აღმოსავლეთით ვით ღურჯი ბინდი
თავამდე მიდის ღურჯი სიმინდი
დასავლით როგორც სიწითლე ბინდი
მხით იფინება კრუოდა სიმინდის...“*

ერთიცაა: გარკვეულად აღიზიანებდა, როცა სახლს, ეზოს ზემოდან დასცქეროდა. და ეს მაშინ, როცა ქვემოდან დანახული იგივე პეიზაჟი ამშვიდებდა, როგორც მოლზე სირბილი თუ რიკულებისათვის ხელის შეხება.

რატომ ხდება ასე?

ახსნა გვიან, მოწიფულობისას კპოვა.

პირველ შემთხვევაში უჩვეულო სიტუაციიდან ხდებოდა აღქმა, რაც დაძაბულობას იწვევდა. მეორე შემთხვევაში აღქმას ბუნებრიობა და არა ძალდატანება განსაზღვრავდა. ეს კი დამშვიდების წინა პირობაა.

რიონს ბავშვობიდანვე დაუმეგობრდა. დედაც არ უშლიდა მდინარეზე წასვლას. მოსურნე იყო მეტი დამოუკიდებლობა და გაბეღულება გამოეჩინა გულჩახვეულ ყმაწვილს.

ჭყეიშში წყლის კულტი არსებობდა. დიდი თუ პატარა მენავე და მებაღური იყო. ეს გასაგებიცაა. სოფლის ცხოვრება მდინარეზე იყო გადაბმული. გალაკტიონიც ბრწყინვალედ ცურავდა და მესაჭეობდა. მარტოღმარტოს გააყავდა ნავე ადიდებულ რიონში.

პატარა აბესალომსა და გალაკტიონს თავი მოსწონთ ანკელარებით. ღარები თვით დედამ დაუწნა. ექვსმეტრიან თოკებს ყოველ არშინზე ჩამობმული აქვს ორი მტკაველა სიგრძის კონები, რომელთა ბოლოებში კულაშელი მეწავეილმანისაგან ნაყიდი ანკესებია მიმაგრებული.

შუბინდებისას თანატოლები გამოუვლიან. ღობის ძირას მიწას მოჩინქნიან, ანკესებზე ჭიკაველებს წამოაგებენ და მდინარისკენ მოკურცხლავენ. ანკელარს თხელი წყალი უნდა. ეს კარგად იციან ბიჭებმა და ხაბოებს ურიდებიან, რიყიან დამრეც ადგილებს

¹ გ. ტაბიძე, თხზ., ტ. XI, გვ. 484.

ირჩევენ. ღარს ორივე ბოლოში გრძელ ქვებს მიამაგრებენ. ერთს ნაპირთან ჩააგდებენ კოჭებამდე წყალში, მეორეს კი მდინარის შუაგულისკენ ისვრიან. მერე ნაპირზე ჯოხს ჩასლობენ ან ქვებს შუაქუნებენ, რათა ადვილად იპოვონ მდინარის ფსკერზე გაწოლილი ანკელარი.

რიერაქზე ფრთხილი სტვენა აღვიძებს აბესალომსა და გალაკტიონს. აღაგესთან ჩაცუცქული ბიჭები ელიან. სწრაფად გადაიცვამენ ძმები და ნახევრად მძინარენი, ოდნავ აკანკალებულნი ყანაში გაკვალულ ბილიკს დაადგებიან.

სიმინდის ფოთლები სატვეარივით ბასრია, ღამის ნამიცი ბლომად ჩასდგომიათ ღეროებში. ბიჭებს ამჯერად არც კისერში ჩაგარდნილი წვეთები აკრთობთ და არც ფეხის თითებში გაბლანდული გლერტა.

და აი ყანაც შთაერდება. წინ ცისფერად გახელილი მდინარეა – ფიქრიანი და საიდუმლოებით სავსე. მსუბუქი ნისლი დასწოლია რიონს. ოდნავ ინაკეთება ტყის პორიზონტი. ფახისი ჩვეულებრივზე ნაკლებ ხმაურობს. ამაზე ითქმის, ალბათ, ერთი პირი წყალსაც ჩაქმინებო.

გალაკტიონი პირველი შუდის წყალში. სიცივისაგან აურჯოლებს, მაგრამ ისტიბარს არ იტყვს. ნელ-ნელა მიყვება დინებას და თაემოკაკული ჯოხით მდინარის ფსკერზე გაწოლილ ანკელარს ეძებს. ცოტაც და ჯოხი ღარს ედება. ოდნავ წვეს მადლა და გრძნობს, როგორ დაკრა მესამე კონაზე თევზმა. ნაპირი ახოქოლდა:

– ფრთხილად, არ გაგეჭვს.

ვერ გაარჩევ ჩურჩულებენ თუ ჩახლენილი ხმით იბახიან ბიჭები.

გალაკტიონი უფრო მადლა წვეს ღარს. მოშორებით ისევ დაკრა თევზმა. მერე აბესალომიც შუდის წყალში. კონის ბოლოსაკენ ხელს მიაცოცებს. თევზი გაყუნებულია. ჩანს, მთელი ღამე იომა და დაიდალა. მაგრამ საკმარისია ოდნავ შეეხონ და წყალი ადუღდება. აბესალომი ღაფუნებში ჩააგდებს ხელს. ახლა კი ვერ გაეცევა. მერე წელიდან ამოაქვს და ანკესს აძრობს. მტკაველნახევრიან წვერას ნაპირზე ისვრის.

სხვა ანკელარებსაც არ გაუცრუებიათ იმედი. ბედნიერნი არიან ბიჭები. კახზე აცმული ნახევრადცოცხალი თევზებით შინისაკენ მიიქარიან.

მკითხველო, ამ ჩანახატს ფანტაზიის ნაყოფად ნუ მიიჩნევთ, იგი აბესალომის მონათხრობაზეა აგებული.

ღამუთანხმებით, გალაკტიონის შემოქმედებაში მდინარეს

უდიდესი ადგილი უკავია. იგი არა მხოლოდ ახახვის საგანი, არამედ განცდის უკეთ გამოვლენის საფუძველი, ასოციაციების საბაზი, შედარებათა საყრდენი და ა.შ.

არაერთხელ უთქვამს, დაუწერია კიდეც, რომ ზღვიხ-თემა ქართულ ლიტერატურაში დაიკარგა. რუსთაველის შემდეგ მას საფუძვლიანად არაფერ შეხებიაო. და თავად იკისრა ამ ხარვეზის შევსება. „ოქრო აჭარის ლაქვარდში“ და „ზღვა ახმაურდა“ ამის საუკეთესო დადასტურებაა.

ვერ გეტყვით, იცნობდა თუ არა გალაკტიონი ნიკო მარის კონცეფციას ტოპონიმ „იბერიის“ „ტობიდან“ წარმოშობის შესახებ. ტობი ტბას ნიშნავს და, მაშასადამე, იბერია წყალთან დაკავშირებული ქვეყანა არის. ჩვენს კულტურასაც პროიბერიულ კულტურაში უდევს სათავეო.

ერთი კი ცხადია: წყალი ყოველთვის იყო გალაკტიონისათვის დაუოკებელი სიყვარულის საგანი; ისე აღიქვამდა, როგორც ცოცხალ არსებას.

სხვათა შორის, არც ის უნდა იყოს უინტერესო, რომ საკუთარ გვარს წყალს უკავშირებდა — აბა გაიხსენე: ტბა, ტაბაწყური, ტაბახმელა, ტბეთი, ტაბიძე... და ჩამოთვლას აგრძელებდა.

მოგვიანებით გალაკტიონის ნაუბარი მძაფრად ამოტივტივდა ჩემი შეხსიერებიდან. ენათმეცნიერებს, ვთხოვე კომენტარი. მათ არ გაიზიარეს გალაკტიონის მოსაზრება, მაგრამ ამჯერად ამას გადამწყვეტი მნიშვნელობა არ აქვს. გალაკტიონისათვის მთავარი იყო პოეტური ასოციაციები და არა ეტიმოლოგიური სიზუსტე. მის მსჯელობაში წყლისადმი თაყვანისცემაც კი ჩანდა.

საერთოდ, რიონისპირა ჭაღები და მდინარე ძლიერ იზიდავდა გალაკტიონს. დიდიდან საღამომდე წყალში ვეარნენ ბიჭები. დასილულ შორებს იღებდნენ, ცურვაში ეჯიბრებოდნენ ერთმანეთს. შეიკრიბებოდნენ ბიძაშვილები, პროკლე, გერასიმე, აკაკი, გალაკტიონი და ტიტე. მოხსნიდნენ ნეკერჩხლის ძირზე მიბმულ ნავს და ხვილიფში გავიდოდნენ. კუნძულზე მაყვალს კრეფდნენ, წიკელს ჭრიდნენ, ლაქაშისაგან კარვებს აგებდნენ, ხეებზე დაცოცავდნენ და ხავსის ბურთს დახდევდნენ. ეს იყო პარმონიული შერწყმა ბუნებასთან, ბავშვობის ყველაზე საამო დღეები, რომელთაც აღტაცებით იგონებდა სახელგანთქმული პოეტი.

— ვიბანავია წვიმიან ამინდში? — მკითხა ერთხელ გალაკტიონმა. — ზაფხულის წვიმა კენკაეს მდინარის პირს. უცნაური შეგრძნებაა. თითქოს გაორებული ხარ. რიონი თბილია. მთელი ტანით გრძობს ხილბოსა და სიამეს. სახეზე კი გამაღიზიანებლად გჩხვლავს

წიმა. ხსნა ერთია — უნდა დავეინთო. შენც ახე იქცევი და კვლავ გრძნობ მთლიანობას.

სხვათა შორის, გალაკტიონის მოვონებებში მოქცეულია პოეტური შეფასება მძლავრობს. ზოგიერთები, როცა ბავშვობას იხსენებენ, ჭარბად იყენებენ დიალექტს, რაც წარსულთან მიახლოების მიზნით ხდება. გალაკტიონი იშვიათად მიმართავს ამ გზას. მისთვის მთავარია არა საგანი თავისთავად, როგორც განყენებული ერთეული, არამედ როგორც პოეტური ასოციაციის წყარო და ფართო განზოგადების საფუძველი.

რა თქმა უნდა, მის ლექსებში გვხვდება იმერიზმები. მაგრამ მათი ფუნქცია კოლორიტის ჩვენებით არ შემოიფარგლება. ისინი პოეტის განცდა-განწყობის რელიეფურად გამჟღავნებას, ბგერის ესთეტიკას თუ ფრაზის კეთილხმოვანებას ემსახურება.

პატარა გალაკტიონისათვის დღესასწაული იყო ბაზრობაზე წახველა. დილაადრიან მოჯამაგირე ურემს გამართავდა. პროკლე და გალაკტიონი კოფოზე დასკუპტებოდნენ. უკან დედა მოკლათდებოდა და გაუყვებოდნენ სამტრედიის გზას. ბაზარში მიღეთის ხალხი ირუოდა. ყაფანში სიმინდი, ღომი და ღობიო იყიდებოდა. მეორე მხარეს ხილი იყო დახვავებული. მოშორებით წნელით ფეხებშეკრული გოჭები ყვიროდნენ. მეთუნეებს თავიანთი ნახელავი გამოუფინათ. ყაერის საპალნეზე ჩამომსხდარი შთივლები მუშტრებს ელოდნენ. დუქნების წინ, ვიწრო დახლებზე წულები და ნაირფერი ქსოვილები ელაგა. სამიკტნოდან ხარხოს დამათრობელი სურნელი და არღნის ტირილის ხმა მოდიოდა. საქონლის სიუხვე და ნაირგვარობა თვალს ჭრიდა გალაკტიონს. მისთვის ნიშანდობლივი თვისება — საგნების მიღმა მოვლენების ჭერება — ამჯერადაც ძალუმად მკლავნდებოდა. ამიტომაც კიდევ უფრო საინტერესო ჩანდა ბაზარი.

ერთხელ დედამ მეურმე გააფრთხილა — ბაზრის შესავალთან დამელოდეთ. ბიჭებს ხელი ჩაკიდა და რკინიგზის სადგურში მიიყვანა. უზარმაზარი ცეცხლის ეტლი ქშინავდა და ნაპერწკლებს ისროდა. გადაბმული ოთახებიდან ხალხი ჩამოდიოდა. ბიჭები გაოცებული შესცქეროდნენ ორთქლმავალსა და ვაკონებს. დედა უხსნიდა, რომ ამ ღამაზე სახლებს ადამიანები ქალაქიდან ქალაქში გადამყავს. შთაბეჭდილება უზარმაზარი იყო. გალაკტიონს ოცნებად გადაექცა მატარებლით მგზავრობა.

უმაწველი ყველაფრისადმი დიდ გულისყურს იჩენდა, დრმად იბეჭდავდა გონებაში ცხოველ სურათებს, ვაიზოდებს. ბევრ რამეს გულით ეცნობოდა. თავიდანვე ამჟღავნებდა აპერცეპციის ნიჭს.

ზამთარში, როცა გრძელი ღამეების მოსაკლისება ჭირდა,

სახლიკაცები ხან ერთთან იკრიბებოდნენ, ხან მეორესთან.

ღადარში კვახი იწვებოდა. ოთხფეხა დაბალ ტაბლასე არყით ხავსე ჩარეჟიანი ბოთლი ყელყელაობდა. მჭადი და ყველი, ზოგჯერ დიასახლისი მჟავე კეჟერა მხალს შემატებდა ზუფრას და გაგიხარიან...

პატარები კერიის ერთ მხარეს ჩაცუცქედებოდნენ, ხის კოჭით, უფრო ზუსტად, გათლილი ყავრის ნატეხით კვახის გულს ფხეკდნენ და უფროსებს უსმენდნენ.

სხარტ გამოთქმებს, აფორიზმებს გონებაში იბეჭდავდა პატარა გალაკტიონი.

— ნაღდი წვიმა ისაა, თავსაგირგალში რომ გაატანს და სარის წვერს დაასველებს.

— ვაშლი მტერს დაუბელე, მსხალი კი მოყვარეს.

— გაზაფხულზე თუ რიონმა გადმოიარა, გვეშველება; ღრმა ხნულის გავლება არ მოგვიწვეს.

— ყანა რომ გაგიმეჩხურდეს, ბედელს ჭერი აუმაღლეო.

— პეტრიას ფიცრები დაკრილვია. აბა, რა ევონა, ახალ მთვარეზე რომ მოჭრა ხეები. და ა. შ. და ა. შ.

ეს იყო თავისებური სკოლა, ბუნების საიდუმლოების შეცნობა, ხალხურ სიბრძნესთან ზიარება.

გულიანად ხარხარებდა პატარა გალაკტიონი, როცა წლებმოყრილი მამაკაცების ცოცხალ ტყუილს ისმენდა. ამ მხრივ მართლაც შეუდარებელი იყო ევგენი ტაბიძე.

ერთხელ ასეთი რამ მოყვა:

— ამას წინათ ჩემი ნაცნობი პრისტავი დაჰპატივე სათვეზაოდ. იმ მამაცხონებულს არყის წრუპვა უყვარს. ეს ქე იცით ყველამ. პოდა, ჩემი ორნახადით ხავსე კვარტი ჩავაცურე აბგაში. ვიდრე ბადეს გაეშლიდი, შევეკითხე: — ხომ არ გადაგვეკრა-მეთქი. თვალები გაუბრწყინდა. დაუუსხი, გადახუხა და გაცოფდა კაცი. — უჰ... მიშველე! — იძახის და ხელს მიშვერს. მე კი დასაყოლებელი შინ დამრჩენია. რა გზა აქონდა საწყალს. მოიღლიტა მუნდირიდან სპილენძის დილი და გადაუძახა ეანგიან ხახაში. მეორეც მიაყოლა. ამოისუნთქა, ძლივს გადაურჩიო...

მაგი რაა, ყველა მეორე...

გალაკტიონს იზიდავდა მოზრდილთა საზოგადოება. აღბათ იმიტომაც, რომ უფროსთა სიახლოვეს უხვ და საინტერესო ინფორმაციას კენკავდა.

ერთხანს გიგო ტაბიძეს მიეკედლა. მიზეზიც აქონდა. ეს კაცი პატარა თავით, მოკლედ შეჭრილი ხშირი წვერითა და ტუნუკის მსგავსი სამოსით აიეტის ამაღლას ჩამორჩენილ მხედარს მიაგავდა. ბევრი რამ იცოდა გიგომ, მაგრამ სათქმელს ბოლომდე

არასდროს ამბობდა, ეს კი ძლიერ აღიზიანებდა ცნობისმოყვარე ყმაწვილს.

ერთხელ, როცა გალაკტიონი სოფლის ამბებს გეგონებდა, გიგოც გაიხსენა:

– უცნაური კაცი იყო. ირიბად გახედავდა ქოხის კარს და იტყოდა: „ხვალ წვიმა იქნება“. ან ხელს გადაუსვამდა თოხის ტარს და მეუღლეს გასძახებდა: „ქალო, სარეცხს მიხედვ. გაწვიმდება“.

მისი დიაგნოზი არასდროს გაცუდებულა. ვერაფრით მივაკვლიე გასაღებს და ჯადოქრობაც კი დავწამე.

კარგად მახსოვს: ქუთაისის სასულიერო სასწავლებელში ვსწავლობდი. არდადეგებზე სოფელში ჩავდი. უკვე ბევრი მქონდა წაკითხული და გააზრებული. გიგოს გულთმისნობა კი კვლავ გამოცანად რჩებოდა.

სანახავად გადავედი. მომესიყვარულა. მეც გავთამამდი და კკითხე:

– ბიძია გიგო, თქვენი ბარომეტრი ისევე მუშაობს?

– ბარომეტრი რაია?

– ავუხსენი და მზერა თოხის ტარზე გადავიტანე.

– აბა, ჩამოაჯექი, – თქვა და ყალიონში სურნელოვანი თუთუნის ჩატენა.

– თოხის ტარი ბოლოსაა. ხის გულს ცილაც გაძევა. ცილა კი სწრაფად იფიქნება ნესტით და ტარიც ოდნავ იღუნება. ახლა კარსაც დაუკვირდი. ბაძოები მუხისაა, ფიცარი ცაცხვის. ცაცხვი ადრე გრძნობს ტაროსის შეცვლას და იფრანგება...

სოფელი ბრძენი ხალხით იყო სავსე. ხუმრობა უკვარდათ. ზოგიც ისეთ კვიპატ სიტყვას გტყორცნიდა, ხერხემაღში გადაგტეხდა. ბევრი ხატონადაც მტყუვლებდა.

ერთხელ ცაცხვის ქვეშ შეკრებილთ ღვევარსი ბაღდავაძე შემოუერთდა. შეფერთხილი ჩანდა. რა დაგემართაო, შეეკითხნენ.

– ე, ტილი უკვე ყურთან მიცოცდა. – თქვა და ხელი ჩაიქნია.

ვერაფერი გავიგე. მერე დედამ ამიხსნა: გლეხკაცის აზრით, აღამიანს დაბადებისთანავე ფეხზე ტილი შეაღოდებდა. მერე თანდათან მიცოცავს ზევით და როცა ყურში შეჭერება, სიცოცხლესაც წურტილი დაესმება.

გალაკტიონი ხშირად იხსენებდა ივანე ბერეკაშვილს, რომელსაც სოფელში სწავლული კაცის სახელი მქონდა გავარდნილი. ლექსებსაც წერდა თურმე. იგი ღუქნების ზემოთ, ქვაჩაყრილის მახლობლად ცხოვრობდა. უკვარდა ჭიშკართან კოპიტების ჩეროში ჯდომა და გამწვლულ-გამომწვლულთან შეხმიანება. უამრავი ლექსი, ანდაზა, გამოცანა იცოდა. ეშმაკურად მოწკურავდა თვალებს და იტყოდა:

ერთ ალაგსა თხელი ვთეს, მწვანით იყო
შემოსილი,

შევაკვ ხელი, ამვეილე, კელით იყო შემოსილი

- აბა, ვინ გამოიცნობს?

ნიკოლოზი

და იწყებოდა ბავშვების ეოკვივი. ბოლოს ხელს აწვედა და
სინუქში ძახილი ნიშანივით გაისმოდა: - კიტრი!

გალაკტიონმა მოიგონა: - ერთხელ ასეთი გამოცანა გვითხრა:
გვეიხელე. - შავი იყო, მიველი და მეკდარი იყო;
ფეხში ხელი წავატანე, ნაცობარი ამვიღო.

- მაკრატელი! ყველას დავესწარი მე.

თავზე ხელი გადამისვა და ატმები მახუჭა.

სხვათა შორის, ეს ივანე ბერეკაშვილი ცნობილი მოქმელი
გახლდათ. მისი რეპერტუარის ერთი ნაწილი, დაფიქსირებული ბ.
ბახტაძისაგან, პეტრე უშიკაშვილის „ხალხურ სიტყვიერებაშია“
შეტანილი.

ბევრი, ბევრი რამ იყო საგულისხმო და მნიშვნელოვანი.
ბავშვობაში ერთ-ერთი გაქცევის ეამს, მახსოვს, 1905 წლის ამბებს
იხსენებდა, თხრობა მოულოდნელად შეწყვიტა და

- მოდი, დაწერე ჩვენი სოფლის ისტორია.

მივხვდი. ეს მოწოდება კი არ იყო, არამედ წუხილი, რომ
თავად ვერ მოიცალა ამისთვის. თუმცა, კაცმა რომ თქვას, მისი
პოეზია ხომ ჭკვიშის ისტორიაა. ვუჭვობ, სხვამ უკეთ შესძლოს
ამ სოფლის წარმოჩენა.

მაკრინეს ღმერთი სწამდა და რელიგიურ წესებსაც ზუსტად
იცავდა. მაგრამ შორს იდგა ფანატიზმისაგან. დედამ ღოცვები
შეასწავლა შვილებს, ხშირად შეახსენებდა ათ მცნებას.
უხაროდა, როცა მისი ვაჟები მღვდელს ღვთისმსახურებაში
ესმარებოდნენ. მაგრამ შვილების აღზრდისას მხოლოდ რელიგიას
არ ვერდნობოდა. დიდ მნიშვნელობას ანიჭებდა მხატვრულ
ლიტერატურას, ისტორიას და განსაკუთრებით მიმდინარე
ცხოვრებიდან აღებულ მაგალითებს.

დედა გვერდით მოისვენებდა ბიჭებს და ზღაპრებს, თქმულებებს,
ლექსებს უამბობდა, წიგნებს უკითხავდა. გალაკტიონს დიდ
სიხარულს აკვირდა „კვალისა“ და „ჯეჯილის“ ნომრების
ფურცელა. ჯერ კიდევ ადრე, ვიდრე წერა-კითხვას ისწავლიდა,
იგი გაფაციცებით დასცქეროდა „ჯეჯილის“ თავფურცელს:
ნიტიკოპით მორთულ ღამაზ ქალს ბავშვები შემოხვევია.
პატარები ფარდავზე სხედან. ერთი კალთას ჩაბლაუჭებია. ორნი
კიდევ უკან დგანან. დედას წიგნი გადაუშლია და პატარებს
უკითხავს. შორს მთებია. მაღალ მწვერვალზე კოშკი ჩანს.
მდინარე, ყვავილები. ეს ყველაფერი წარმოასახვას უმძაფრებდა

და სიამეს ჰგერიდა ყმაწვილს.

ასევე ხიბლავდა „კვალის“ სატიტულო წარწერა, ნახატი სათაური. ამ სურათზე ბევრი რამ არის გამოსახული. წინა პლანზე გუთნეული ჩანს, უკან – სასახლე, უფრო შორს მთაზე აღმართული ციხე-დარბაზი. მარჯვნივ ზღვია აფრიანი ხომალდით. ნაპირს რკინიგზა მიჰყვება, რომელიც გვირაბში იკარგება. მხარმარცხნივ ნაკადული მთუნჩხუვებს. მთის ძირას გზა მიიკლაკნება. კორდზე მონასტერია. შორს დათოვლილი მწვერვალები და ამომავალი ცხრათვალა მზე ჩანს.

გალაკტიონს საათობით შეეძლო ეცქირა ამ სურათებისთვის. მის თვალწინ ზღაპრული ქვეყანა ცოცხლდებოდა. ფანტაზია შორს მიაქროლებდა. მერე ნომრებს ფურცლავდა და დედას კითხვებით არ ასვენებდა:

ეს კაცი ვინ არის?

– ბაგრატ დიდი!

ესა?

– ივანე კერესელიძე!

ესა?

– ფურდინანდ ლესკესი!

ესა?

– ეიფელი და ა. შ.

წერა-კითხვა დედამ ასწავლა, ნელა და ღამაზად გამოჰყავდა ასოები. წერდა სილაზე, ნაცრით დაფარულ კერიაზე, ქაღალდზე და უდიდეს სიამოვნებას ანიჭებდა ჩამწკრივებული ასოების ცქერა. სწორედ ამ დროს გაჩნდა ოთახის კედელზე პირველი დიდი წარწერა: „ეს ვოთახი ეკუთვნის გალაკტიონს“.

ერთხანს სოფლის სკოლაში დადიოდა. ეს პატარა ფიცრული სახლი ტაბიძეების ეზოს ყურეში იდგა. ყოველდღე წკრიადებდა ხარი და გალაკტიონი სიხარულით გარბოდა სკოლისაკენ. ყველას სჯობდა წერასა და კითხვაში, ბევრი ლექსი იცოდა და გაკვეთილებზე თამამად გრძნობდა თავს.

სოფლის სკოლას ცოდნის თვალსაზრისით ბევრი არაფერი მიუცია ყმაწვილისათვის, მთავარი ის იყო, რომ საზოგადოებაში ყოფნასა და წესრიგს შეაჩვია.

იმ მცირე მოვონებებიდან, რომლებიც თავისუფალი საიუბილეო განწყობილება-ზეწოლისაგან და სინაღდით გამოირჩევა, აღსანიშნავია უფროსი ძმის – პროკლეს მონათხრობი. პატარა გალაკტიონი გაუბედავი ყოფილა, თუმცა ამას ნაკლებ ამქლავებდა. უყვარდა თავის გამოჩენაც. ტოლ-ამხანაგებში პირველობას ჩემულობდა და, როცა ეს არ გამოუვიდოდა, ჩუმად ჩამოსცილდებოდა მოთამაშეებს. შინაურობაში მომთხოვნი

და ჟინიანი ყოფილა. რამ განაპირობა ხსენებული თვისებები? ეს საგანგებო შესწავლის საგანია. ერთი კი ცხადია, უმაჟობლა სიღარიბე და მარტოობა ანაბეჭდს ტოვებდა ბავშვის სწავლაში.

გალაკტიონს გადაუფურცლავე არ დარჩენია საოჯახო ბიბლიოთეკის არც ერთი წიგნი. შეეძლო მთელი დღე ჩაკეტილიყო პატარა ოთახში და თავაუღებელიე ეკითხა. სჩვეოდა ერთი უკიდურესობიდან მეორეში გადასვლა. ეს იყო უბედნიერესი წუთები, საათები. ყმაწვილი სხვათა სიხარულითა და წუხილით ცხოვრობდა. მოგვიანებით წერდა: „კვალის“ იმავე წლის ნომერში მე შევხვდი მშვენიერ წერილს ქრისტეფორ კოლუმბის მოგზაურობისა და ამერიკის აღმოჩენის შესახებ. პირველად იქიდან გავიგე, თუ რატომ არა ჰქვია ამერიკას მისივე აღმოჩენელის კოლუმბის სახელი, არამედ მეორე მოგზაურის ამერიგო ვესპუჩის სახელი, რის გამოც ცრემლებსა უღვრიდი კოლუმბის სახარელ ბედზე, ესპანეთის დედოფლის იზაბელას გულგრილობაზე“¹.

ამ ციტატიდან განსაკუთრებით საყურადღებოა ჩვენს მიერ ხაზგასმული სიტყვები. აქ ჩანს გალაკტიონის მთრთოლვარე ბუნება. არაფერი ავიწყდებოდა და ათუელი წლების შემდეგ ამოტივიტივებულ ძველ სურათებს პირვანდელი სიძლიერით განიცდიდა.

მახსოვს: სამკურნალო კომბინატში იწვა. მესამე და მეოთხე სტუმრობისას ღიმილით შემხვდა. კრიზისს გაველო და კარგ გუნებაზე იყო. მაგიდაზე დიკენსი ედო. წიგნით ჩემი დაინტერესება რომ იგრძნო, ტომი ხელში აიღო და თქვა:

– ახლა ხან მომიტანეს.

მერე თვალეები მოწყურა და მკითხა:

– ვინ არის დიკენსის რომანების მთავარი გმირი?

ვიგრძენი, ეს გამოცდა არ იყო. საერთოდ, არ მახსოვს, რომ მახლობლებთან გალაკტიონს ოდესმე ეცადოს საკუთარი უპირატესობის ხაზგასმა-დემონსტრირება (განათლებისა და ნაკითხოვის სფეროში). ყოველთვის თავმდაბალი და სადა იყო.

ამჯერადაც მისთვის ჩემი პასუხი კი არ იყო არსებითი, არამედ საკუთარი დაკვირვების გამჟღავნება. ამიტომაც პასუხს არც დალოდებია.

– ცეცხლი, ცეცხლი, ჩემო ნოდარ!

ოდნაე თეატრალურად წარმოსთქვა და ურცელი ნაწყვეტიც მოაყოლა რუსულად. კიდევ ორიოდე მაგალითი გაიხსენა და ჩაფიქრდა.

მინდოდა მისივე სიტყვები გამეშეორებინა: „დიკენსის

¹ გ. ტაბიძე, თხზ., ტ. XII, გვ. 333.

გმირებივით ცეცხლთან ჩაფიქრება“. მაგრამ გალაკტიონს ჩემთვის არ უცალა. იგი ბოლთას სცემდა და ძველ შთაბეჭდილებებს აცოცხლებდა. ეს უდიდეს სიამეს გვრიდა.

მიეხედოთ ძირითადას.

დედას ძალზე კარგად ესმოდა განათლების მნიშვნელობა. უსწავლელი გალაკტიონი დაიზარებოდა. მუორე მხრივ, იმახაც გრძნობდა, რომ ორი შვილის გაზრდა ქუთაისში მარტოხელა ქალს ძალზე გაუჭირდებოდა. ბიჭების შორს ყოფნა კიდევ უფრო ნაამუქებდა მის ერთფეროვან ცხოვრებას; მარტოობა და სევდა დაუღრღნიდა გულს, მაგრამ მსხვერპლის გაღება აუცილებელი იყო და გალაკტიონიც ქუთაისის გზას გაუყვნა.

დამთავრდა ტკბილი და უდარდელი ბავშვობა.

*„მდინარე ღურჯი
და დიღის ცვარი...*

*ჭალა,
რიონი,*

ნავი,

ბელტები.

*ნუთუ არასდროს იშვარად
აღარ ამეტყველებდი.*

ოპ,

ჩემო კარგო

მშვიდო ბავშვობავ,

დავსცხრე სჯობია...

მდინარე ღურჯი

და დიღის ცვარი“.

აქვე უნდა ითქვას, რომ ბავშვობის შთაბეჭდილებები, პატარაობისას მოსმენილი და განცდილი თავს იჩენს პოეზიაში. ყრმა გალაკტიონი დამსწრე და ხშირად მონაწილეც იყო შბათკვირობით გამართული ლხინისა, რომელიც ეკლესიის გაღავანში იმართებოდა. აქ სიმღერასა და ცეკვა-თამაშს გაზიარება თუ საინტერესო ამბების თხრობა ენაცვლებოდა. გალაკტიონს არა ერთი ხალხური ლექსი და თქმულება მოუსმენია, რომელთა უმეტესობას ხანდაზმულობის ეამსაც ზუსტად იხსენებდა. ფოლკლორმა თვალსაჩინო გავლენა მოახდინა გალაკტიონზე. ხალხურობა, უპირველეს ყოვლისა, ხალხის სულისკვეთების, მისწრაფების, მისი აზრისა და ფსიქოლოგიის გამჟღავნებაში გამოიხატება. და თუ ამ თვალსაზრისით შევხედავთ გალაკტიონის შემოქმედებას, იგი უთუოდ გამორჩეულია. მაგრამ ამასთანავე გალაკტიონის პოეზიაში უხვად ვხვდებით ხალხური მოტივები, სახეები, ცალკეული გამონათქვამები და ა. შ. ამ მხრივ

აღსანიშნავია „ქართული სიმღერები“, რომელსაც ბავშვობის დროინდელი, სოფლური შთაბეჭდილებები უდევს საფუძვლად.

„ქალსა კაბა შეუკერავს.
მას ნიავე სხივით ფერავს.
მაგრამ კაბა ვერ ჩაუცვამს,
დამიძახეთ, მე გიშველით,
ხომ ვერ ივლი ტანშიშველი?“

ან კიდევ:

„ქალმა თქვა, რომ ვერ წავევები
ვერც აზნაურს, ვერც თაფადებს:
არც ვაჭრებს არ ვუთანხმები,
ათასნაირ ვაღს დამადებს.
მე წავევები გომართელსა,
წამალს მომცემს, მომარჩენსა.“

შაირები ცნობილ ექიმსა და ლიტერატორზე, ივანე გომართელზე, როგორც ტიცვიან ტაბიძე აღნიშნავს, ძალზე გავრცელებული ყოფილა ჭყვიშში. მათ ყოველ ჯარიანობაზე მღეროდნენ ცაცხვების ქვეშ თავმოყრილი გოგოები.

გალაკტიონიც მოცემულ შემთხვევაში ბავშვობის დროინდელი შთაბეჭდილებებიდან ამოდის.

ასე რომ, ყრმობისას გალაკტიონმა ბევრი რამ შეიმეცნა, რაც შემდეგ ლექსთა საფუძველი თუ ასოციაციის საბაბი გახდა.

დამატებით ერთ გარემოებაზე გაეამახვილებ ყურადღებას. როგორც აღვნიშნეთ, გალაკტიონის ეზო სასაფლაოს ეკეროდა.

დილით სამარის გაჭრას იწყებდნენ. სოფჯერ ბარს თავის ქალა და ვერცხლის სამკაულები ამოყვებოდა. გულგრილი მესაფლავენი იზომებდნენ კიდევ ზემოთ ამოყრილ ბარძაყის ძელებს. მერე ღვინიან ხელადას მოიუყდებდნენ და ყოფნა-არყოფნის საკითხებზე მსჯელობდნენ. ამოზინულ მიწასთან ჩაცუცქული ბიჭები გაფაციცებით უსმენდნენ უფროსებს.

ნაშუადღევს პროცესია წივილითა და მოთქმით უახლოვდებოდა სასაფლაოს. ხარი თანდათან ძლიერდებოდა. მიცვალებულის ნათესავები სახეს იხოკდნენ. მერე მღვდელი კვლავ აღაველენდა ღოცვას და კუბოს ნელ-ნელა ჩააცურებდნენ სამარეში. ყრუდ მოისმოდა ფიცარზე ბელტების დაცემის ხმა. ეს წუთი გამანადგურებელი იყო. ნახევარ საათში სასაფლაო ცარიელდებოდა და გულისმომკვლელი სიჩუმე ისადგურებდა. სწრაფი კონტრასტი აცოფებდა ყმაწვილს. თავდაპირველად შიში და ძრწოლა ეუფლებოდა. მერე გონებას ძალას ატანდა და მოძალეებულ კითხვებზე პასუხის გაცემას ცდილობდა.

ყოველ შაბათ-კვირას მგორდებოდა ეს სცენები. კაცმა რომ თქვას, ამ გარდაუვალობას თითქოს უნდა შეგუებოდა გალაკტიონი.

მაგრამ ასე არ მოხდა. იგი ყოველ ზარს აეადმყოფურად განიცდიდა უფრო მეტიც, ბავშვობის დროინდელი შთაბეჭდილებები ღრმად ჩაბეჭდოდა გონებაში, ხშირად ტიეტვიდებოდა და არა მხოლოდ ძველ სევდას აახლებდა, არამედ უცნაურ ფიქრებსაც წარმოშობდა. პოეტური განზოგადების სურვილს ბადებდა.

*„არ არის რამე უფრო მტანჯველი,
როდესაც კუბოს მიყვები ქარში;
„დარნი“, – ქვითინებს პაერში მარში,
მაგრამ ვერავის ქვეყნად ვერ შევლი;
ეს იყო მაშინ, ეს იყო მაშინ,
როცა მე ბავშვი ვიყავ“¹.*

ნამდვილად არ არის შემთხვევითი გალაკტიონის შემოქმედებაში ხასაფლაოს ხშირი ხსენება. ეს ნაწილობრივ ყრმობის დროინდელ შთაბეჭდილებებთანაც არის დაკავშირებული.

და მაინც: ყმაწვილის ცხოვრებაში გაცილებით მეტი იყო კაშკაშა დღეები, ვიდრე დათაღზული. ამიტომაც ამბობს: „მე მქონდა ძალიან კარგი, უდარდელი ბავშვობა“².

გალაკტიონიც თავისი ბავშვობიდან მოდის. სამყაროს ხილვა, პირველი შთაბეჭდილებები მძლავრია. მახსოვრობას შემორჩა უკონტურო და უწახნაგო სურათები – აღსავსე მხიარული ფერებითა და მოციმციმე წერტილებით.

ბავშვობის წლები გალაკტიონისთვის ბუნებასთან შერწყმისა და უზრუნველობის ხანა იყო, რომელმაც გაუხუნრად შეინარჩუნა ეს თვისებები და შემდეგში მგოსნის ცხოვრების სხვა პერიოდებთან შეპირისპირების საფუძველი გახდა. ბავშვობა, როგორც დაკარგული ბედნიერება, სველის ერთ-ერთ მიზეზადაც იქცა.

*„გაფრინდა ბავშვობის დღეები,
მინდურები, ჭალები, ტყეები.
უეცრად მოვიდა შავებით
სხვა ბავშვი შორეულ დაბიდან.
მწუხარე ფერხულში ჩავებით
და თვალი ცრემლებმა დაბინდა.
ბაღახი, მდინარე, ხეები,
დღეები, ბავშვობის დღეები“³.*

არიან შემოქმედნი, რომელთათვის მიუღებელია გარემომცველი სამყარო, ამიტომაც განილტვიან მისგან. ზოგი ისტორიულ წარსულში ინთქმება, ზოგიც იდეალურ მერმისს შეფოფინებს, ზოგი კიდევ

¹ გ. ტაბიძე, თხზ., ტ. I, გვ. 284.

² გ. ტაბიძე, თხზ., ტ. XII, გვ. 277.

³ იქვე, ტ. I, გვ. 297.

ბავშვობაში გარბის. მაგრამ აქ ერთი საშიშროება ჩნდება, რომელსაც ბევრი ვერ აღწევს თავს. ეს არის ცხოვრების მიაშიტურ, ბავშვურ სამყაროდ წარმოსახვა.

გადაკტიონთან სხვაგვარადაა. „ღღენი მშვენიერი სიყმაწვილის“¹ არსებულს კიდევ უფრო მძაფრად და კრიტიკულად შეაცნობინებს; არცთუ იშვიათად ისინი ფილოსოფიური ჩაფიქრების საბაბი ხდება.

„მე ვიგონებ ვნებას სიყმაწვილის დროს,
მე ვიგონებ ატმებზე მოვარის ჩრდილებს,
იმ ატმებს გაუმარჯოს, იმ ატმის ყვავილებს!“²

„შემოსილნო გამჭვირვალე ბლონდებით,
ყრმობის ქარნო, ნეტა რად მაგონდებით?“

გ. ტაბიძე.



სუქი

¹ გ. ტაბიძე, თხზ., ტ. II, გვ. 15.

² იქვე, ტ. I, გვ. 343.

„ქუთაისო! მშვენება შენი“



„ამ დღეებს მისდევს ჩემი ენაღობა,
ფერფლდება თვალთა ზანოვნება
და ასე მტკნარი ახალგაზრდობა
ნუთუ არავის არ ენანება?“

გალაკტიონი

1900 წელს გალაკტიონი ქუთაისის სასულიერო სასწავლებლის მოსამზადებელ კლასში ჩარიცხეს. ამ სკოლაში გატარებული წლები საეკლესიო შუქჩრდილების მონაცვლეობით, მოღრუბლული დღეებითა და არცთუ ხანმოკლე ფეიერვერკებით. ეს არის ფიქრისა და ძიების, მრპოვებისა და გადახინჯვის პერიოდი. ეს არის სამყაროსათვის თვალის გასწორების ხანა.

დრომ ბევრი წაიღო. ახლა ჰკირს არათუ მეორეხარისხოვანი, არამედ ზოგიერთი არსებითი ვითარების, სიტუაციის გაცოცხლება, მაგრამ რვა წლის ეპოპეისათვის თვალის გადვენება მაინც ძალგვიძს;

მით უფრო, რომ ჩვენს მიერ მიკვლეული მასალები ამ მხრივ ფრიად მეტყველი აღმოჩნდა.

კარგად გვესმის, რომ სასულიერო სასწავლებელზე მსჯელობისას საგანგებო სიფრთხილე გემართებს, რადგან მისი მიზანი და კონკრეტული შედეგი არცთუ იშვიათად განსხვავებულია. ამ სასწავლებლის კურსდამთავრებულთაგან არაერთმა გააეღო კვალი სამამულო კულტურისა თუ მეცნიერების სფეროში. ცხადია, ეს სხვადასხვა ძალის გადაჯაჭვის შედეგია, მაგრამ ვერც იმას დავივიწყებთ, რომ სასულიერო სასწავლებელი მათრგანიზებული ბირთვის როლს ასრულებდა.

რას წარმოადგენდა ამ პერიოდის ქუთაისი?

ვინც ჩვენი ერის ისტორიას იცნობს, მისთვის აშკარაა, რომ XX საუკუნის დამდეგის ქუთაისში მძლავრად სცემდა კულტურული ცხოვრების ძარღვი. ეს პატარა საგუბერნიო ქალაქი, ერთი შეხედვით, უმნიშვნელო და მიუჩნებელი, არსებითად ტონს აძლევდა ქართულ საზოგადოებრივ აზრს. ამისი ხაზგასმა აუცილებელია, რათა მკითხველს ნათელი წარმოდგენა შევქმნას იმ გარემოზე, რომელშიაც გალაკტიონს მოუხდა ცხოვრება.

ვიწრო ქუჩები. ეზოებიდან გამოქცეული კაკლის ხეები და ბროწეულებით ახანძრებული ღობეები, ქვაფენილებში



ბალაკტიონის აღრიხული ჩანახატები

ამოზრდილი ბაღახი და დახვეტილი ჭიშკრის წინა მოედნები ერთი ნიჭიერი რუსი ლიტერატორის სიტყვებით რომ ვთქვათ, XX საუკუნის დასაწყისის ქუთაისის სახლები რეალისტური იქნებოდნენ თეატრისათვის, მაგრამ ქალაქისათვის კი შეტისშეტად თეატრალური იყვნენ.

მწვანეში ჩაფლული შემოგარენი სოფლურ იერს აძლევდა ქუთაისს, თანაც რომანტიკულს. უცხო სუბიექტობდა ისეთი შთაბეჭდილებაც კი შექმნიდა, რომ ქალაქი საკუთარ ნაჭუჭშია ჩაკეტილი. მაგრამ საკმარისი იყო დაკვირვებით გაცნობოდი მის ყოფას, რომ გვერძნო მფეთქავი პულსი. ქუთაისის მკვიდრნი მსოფლიო ცხოვრების ფერხულში იყვნენ ჩაბმულნი და დიდ მიზნებს ისახავდნენ. ქუჩებსა და ბუღვარში ხშირად შეხვდებოდი ევროპამოვლილ დარბაისლებს, პეტერბურგისა თუ მოსკოვის უნივერსიტეტების კურსდამთავრებულებს; ცნობილ საზოგადო მოღვაწეებსა და მაღალი წინის მოხელეებს.

ამ დროს ქალაქში მრავალი გაზეთი და ქურნალი გამოდიოდა. იბეჭდებოდა წიგნები და ბროშურები. გახსნილი იყო სამკითხველო-ბიბლიოთეკები (ზედმეტი არ იქნება, თუ გავიხსენებთ, რომ კ. ბალშონტი აღტაცებული დარჩა ქალაქის ბიბლიოთეკით). ასე რომ, დაინტერესებულ პირებს შეეძლოთ მსოფლიო ლიტერატურის განვითარებისათვის ედევნებინათ თვალი. ქუთაისში მძლავრი თეატრალური კოლექტივი მოქმედებდა. ქალაქში მრავლად იყო სკოლები: სასულიერო სასწავლებელი, სათავადაზნაურო და კლასიკური გიმნაზიები თუ სხვა.

არსებითი მაინც ის არის, რომ ქუთაისს, განსხვავებით ბევრი სხვა ქალაქისაგან, არა იმდენად მრეწველნი და ვაჭარნი აძლევდნენ ფერს, რამდენადაც ინტელიგენტები. აქედან გამომდინარე, მოწინავე ახალგაზრდებში კულტურული ინტერესები მძლავრობდა.

ვერც იმას დავივიწყებთ, რომ მოვლენების სწრაფი მონაცვლეობა ნაკლებად შეიძინებოდა და ქუთაისელებიც ღრმად და საფუძვლიანად ითვისებდნენ იმას, რაც ქალაქში ხდებოდა. ერთი სიტყვით, ქალაქის რომანტიკული სახე და მძლავრი ინტელექტუალური ცხოვრება ხელსაყრელ ნიადაგს ქმნიდა პოეტური აფეთქებისათვის.

პატარა გალაკტიონს გაუჭირდა ახალ გარემოსთან შეგუება, მაგრამ დედა გვერდით ჰყავდა და ამხნეუბდა. მაკრინემ ოთახი დაიქირავა არქიელის ვორაზე და შეიღებს თავს დასტრიალებდა. გალაკტიონს არ უძნელდება სწავლა. იგი დამოძღვრილ-დამუხტული მიდის სკოლაში. მან იცის, რომ ცოდნას უნდა ეხიაროს.

ეს არის მისი თავიდათავი მიზანი. ამიტომაც ჩაქორობებს სახელმძღვანელოებს, თავს უფლებას ვერ აძლევს ან ნაკლებ აძლევს სასწავლებელში არსებული ხარვეზები განაზოგადონ. პირველი მოსამზადებელი კლასის მოსწავლის რვეულსა და მუცელს ხელით გამოყვანილი ლამაზი ასოები. გალაკტიონს კარნახში ერთადერთი შეცდომა მოხვლია და მასწავლებელს 4 პლუსით დაუწერია. მეორე ნამუშევარი 4-ზეა შეფასებული; ასევე მესამე და მეოთხე, ერთი ან ორი შეცდომა. გალაკტიონი ბეჯითობს. პირველი საკლასო ნამუშევრები ავტორის ნიჭსა და გულისხმიერებაზე მეტყველებენ.

ვითარება თითქოს ნორმალურია, მაგრამ დრო და დრო სოფელი მოაგონდება და სვედა შემოაწვება. ახლა იქ კამურს ქარვის ფერი ედება, ბროწეული სიცილით კედება. მიწა მოფენილია კომშითა და ვაშლით. ბიჭები ნიგვზობანას თამაშობენ.

დედას უჭირს შეიღების მიტოვება, არადა სოფლად შეურნეობა ნადგურდება. ასე თუ გაგრძელდა, შიმშილით დაიხოცებიან. მაკრინე იძულებულია ჭკვიშს დაუბრუნდეს. გალაკტიონს უფროსი ვაჟის პროკლეს (აბესალოშის) ანაბარა ტოვებს. მოიდრუბლა გალაკტიონი. უფრო განცალკევდა და მეცადინეობას უკლო. ზოგჯერ გაკვეთილის მომზადებაც კი ავიწყდება. შედეგმაც არ დააყოვნა. იგი III მოსამზადებელში ჩარჩა. გასაგებია, თუ როგორ ააფორიაქებდა ეს მარცხი ოჯახს, როგორ დადრინიდა გალაკტიონს. საჭირო იყო შინაგანი ხიმტკიცე, დიდი ძალი-სხმევა, რათა ყმაწვილს სასო არ წარკვეთოდა, ხელი არ ჩაქნია სწავლაზე, გალაკტიონმა შესძლო წონასწორობის აღდგენა.

საერთოდ, პოეტის ცხოვრებაზე დაკვირვება გვარწმუნებს, რომ იგი უზარმაზარ ფარულ ენერგიას ფლობდა. არაერთხელ ჩაგარდნილა ურთულეს მდგომარეობაში, ყოფნა-არყოფნის ზღურბლზეც მდგარა და გაჭირვებიდან თავდაღწეული სულ მოკლე ხანში ფენიქსისებრ განახლებული წარმოჩენილა.

საიდან ჩნდებოდა ეს ზებუნებრივი ძალა? რა აპირობებდა მკედრეთიდან აღდგომას? ეს საგანგებო კვლევის საგანია. ჩვენ მხოლოდ ფაქტს ვაფიქსირებთ და იმასაც გავხაზავთ, რომ ცხოვრებამ პირველი მკაცრი გამოცდა სწორედ 1903 წელს მოუწყო.

დაეუბრუნდეთ სკოლის პერიოდს.

გალაკტიონის კლასელი გენდი მიხელიძე იგონებს: „ქუთაისში ჩამოსვლის პირველ წლებში გალაკტიონი დიდად არ გამოირჩეოდა თავისი ამხანაგებისაგან, გარდა იმისა, რომ მას უყვარდა განმარტოებით დგომა. დაახლოებული ამხანაგები, შით უმეტეს მეგობრები, ბევრი არ ჰყავდა. მეტად გულჩახვეული იყო,

არ უკვარდა თავისი გულისხმადების გამოაშკარავება დადიოდა
ნაფიქრებელი, თითქოს რაღაც დიდად აწუხებო. წუხილით
კი მართლაც აწუხებდა — თავისი ობლობა...“ **გაქორწინდა**
მგრძობიარე და მოახროვნე ემაწვილს არ შეუძლია გულგრილი
დარსეს მიმდინარე პროცესებისადმი. გონებრივ მომწიფებასთან
ერთად სკეპტიციზმი მატულობს. გალაკტიონი უკმაყოფილოა
სქოლასტიკით, სასწავლებელში გამეფებული მკაცრი რეჟიმით,
თავისუფლების მოტრფიალე ხული ლაქვარდებისაკენ მიიღრვის.

გალაკტიონს ახალი ინტერესები უჩნდება. მხატვრულმა
ლიტერატურამ ზღაპრული სამყაროს კარი გახსნა და სახე-
ლმძღვანელოებმაც ფერი დაკარგეს, გახუნდნენ, გაფერმკრთა-
ლდნენ. შემონახულია პოეტის მოსწავლეობისდროინდელი
რეკუილი, რომელშიაც ჩამოთვლილია 1905 წელს მის მიერ
წაკითხული ნაწარმოებები. დასახელებულია 46 წიგნი. ისეთი
შთაბეჭდილება გვრჩება, რომ ჭაბუკი წაუკითხავს არ ტოვებს
ქართულად გამოხულ არც ერთ მნიშვნელოვან თხზულებას. აქ
ფიქსირებულია „ბეკანიანი“, ნ. ბარათაშვილის „თხზულებანი“, დ.
ჭონჭაძის „სურამის ციხე“, ი. ჭავჭავაძის „კაცია-ადამიანი?“, ა.
წერეთლის „ნათელა“, „თორნიკე ერისთავი“, თხზულებათა I ტომი,
ი. გოგებაშვილის „საარაკო თავგადასავალი“, „ასპინძის ომი“,
„მოსავლის მცველნი“, „ხატის მიხეზით“, ა. ყაზბეგის „მოდვარი“,
„ციცია“ და სხვა, ნ. ლომოურის „ქაჯანა“, „ადი“, ანტონ
ფურცველადის „ეპი მართლთა“, „სამთა თავგადასავალი“, მელა-
ნიას „ბნელი“, მ. ჯანაშვილის „საქართველოს მოკლე ისტორია“,
1893 წლის „კვლი“, სერვანტესის „ღონ კიხოტი“ და სხვა.

გალაკტიონი ყოველთვის უღრმავდება წაკითხულს. ლოგიკურ
დასკვნას აკეთებს და მსჯავრი გამოაქვს. მოკლე რეცენზიის
წერა წესად შემოიღო. მაგალითად, ს. მგალობლიშვილის „ღამის
მეცხრე ცეცოს“ ასე ახასიათებს: „...უნინარეს ყოვლისა, მასში
ხშირად შეხედებით კუპლეტებს ბუნების აღწერილობისას,
რომლის ასე მკვეთრად დახატვა, არ ვიცი, რომ ვინმემ შესძლოს.
შესანიშნავია აგრეთვე ენა...“

გალაკტიონი აღტაცებულია ა. ყაზბეგის მოთხრობებით.
სამაგიეროდ, იწუნებს ვოდვეილს „დილა ქორწილის შემდეგ“.
„ამასში ცხადად ჩანს ავტორის უხეირობა პიესების წერაში.
მაინც და მაინც ჯერ არც „არსენა“ მოეწონება კაცს და „დილა
ქორწილის შემდეგ“ ხომ მთლად.

აი როგორ აფასებს იგი 1906 წელს გამოცემულ ი.
ველოშვილის ლექსებსა და პოემებს: „ველოშვილი სამართლიანად

¹ ჟურნ. „მნათობი“, 1962, № 11, გვ. 174.



მიხაელ ნეხუცელი
ავტორი „ქებურება ნიქარსა“



ლაშინაშვილი
ჩაყარა შესწავლილი ქოქი.

ბალაკტიონის ნახატები

არის ნაწოდები „პროლეტარიატის მგოსნად“. მისი ჩანტი აკერძო-
ლია ბედით ჩაგრულ დასთა ნიადაგზედ, ამასთანავე ძველი
მწერლობის ზედგავლენობის მგოსანია ევდოშვილი; მისი მწერლობა
„სისხლი აიღო“, „ელენე“, „ლეკი ისმაილი“ ნამდვილად მთავრ-
ლების ცხოვრებიდან არის ამოღებული. ხშირად შეგხვდებით
მათში მთიულური ენა. ძველი მწერლების ზედგავლენითვე უნდა
იყოს დაწერილი ლექსები: „ეორნის ბრალია“, „დედის მოთქმა“
და სხვები. შესანიშნავი არიან ლექსები: „ქარიშხალი“, „როცა
ვარდს სძინავს“, „ჩემს მერცხალს“, „მეგობრებო, წინ, წინ გასწით“
და სხვები.

გალაკტიონს მოკლე ანოტაციები შეუდგენია რუსულად
წაკითხულ წიგნებზეც. ესენია: ა. პუშკინის „პუგაჩოვის ისტორია“,
ლ. ტოლსტოის „ადღგომა“, ა. ხახანაშვილის „ქართული
სიტყვიერების ისტორიის ნარკვევები“, კ. იბსენის „ეკიმი შტოკმანი“
და სხვა. ისინი რუსულადაა დაწერილი.

გალაკტიონი საგანგებოდ ამახვილებს ყურადღებას
მნიშვნელოვან აზრებსა და გამოთქმებზე. 1905 წელს დღიურში
ჩაუწერია: „სადაც ხალხია, იქ კენესაც არის“ (ნეკრასოვი). „ჩვენ
უნდა ვშვათ ჩვენი მყოობადი, ჩვენ უნდა მივსცეთ მომავალი
ხალხს“ (ჭაუჭავაძე). „ყოველი წუთი თავისუფალი დროისა ადამი-
ანმა სწავლას უნდა მოახმაროს“ (კონფუცი) და ა. შ. მხატვრული
ლიტერატურა არა მხოლოდ აფართოებს გალაკტიონის
თვალსაწიერს, არამედ სიტყვის ძალასა და ნიუანსს აგრძნო-
ბინებს, საკუთარი პოეტური ძალების გამოცდისაკენ უბიძგებს.

ამ პერიოდში გალაკტიონი გატაცებულია ხატვითაც. მის
საკლასო რეკულებში ჩნდება მ. ლერმონტოვის, ი. ტურგენევის, ი.
ჭაუჭავაძის, მ. გურიელის, ი. ევდოშვილისა და სხვათა ხახები. ეს
არის საქრესტომათიო პორტრეტების რეპროდუქციები. ზედმეტია
საუბარი ორიგინალურ გააზრებასა თუ დეტალთა თავისებურ-
ებებზე. ხსენებული ფაქტი იმდენად გვაინტერესებს, რამდენადაც
ხაზს უსვამს ლიტერატურით გალაკტიონის საფუძვლიან გატა-
ცებას. ამ პორტრეტებზე მუშაობისას მომავალი მგოსანი არა
მხოლოდ ხელოვნის სახეს გამოკვეთს, არამედ მის შემოქმედება-
საც იაზრებს და ლიტერატურისადმი თავყვანისცემას გამოხატავს.
გაცილებით საინტერესოა კეიხაეები და კომპოზიციები,
რომლებიც ლიტერატურულ ნაწარმოებთა ეპიზოდების, სცენების
დასურათებას წარმოადგენს.

პატარა გალაკტიონს თხზვის შინაგანი მოთხოვნილებები
უძლიერდება. დაგუბებული გრძნობა და აზრი სადინარს ეძებს
და ჭრულდება ფურცლები ლექს-მოთხრობებით. იგი მთლიანად

შთანთქა სიტყვაკაზმულმა მწერლობამ. პოეტური ინტერესების გაღრმავებასთან ერთად გალაკტიონის აკადემიური წარმატებაც კლებულობს. რა თქმა უნდა, მხედველობაში მიხედვით სხვა გარემოება და მიზეზებიც. 1903-1904 სასწავლო წელი გალაკტიონმა ასეთი ნიშნებით დაამთავრა: საღმრთო სჯული - 3 1/2, რუსული ენა - 4/4 1/2, ქართული ენა - 3 1/2, არითმეტიკა - 4, სლავური საეკლესიო გალობა - 5, ქართული საეკლესიო გალობა - 4, სუფთა წერა - 4, ყოფაქცევა - 5.

ახალი სასწავლო წლიდან მდგომარეობა უარესდება. აი, ნოემბერ-დეკემბრის შეფასებანი: საღმრთო სჯული - 3, რუსული ენა - 4/4, ქართული ენა - 4, არითმეტიკა - 3, სლავური საეკლესიო გალობა - 4, ქართული საეკლესიო გალობა - 3, სუფთა წერა - 4, ყოფაქცევა - 4.

როგორც ვხედავთ, მხოლოდ ქართულ ენაში აღწევს წარმატების, დანარჩენ დისციპლინებში კი თითქმის ერთი ბალით ნაკლებს იღებს.

ახლა ვნახოთ, როგორ დაამთავრა გალაკტიონმა 1906-1907 სასწავლო წელი. საღმთო სჯული - 4, რუსული ენა - 4, ქართული ენა - 4, ლათინური ენა - 3, სამოქალაქო და საეკლესიო ისტორია - 4, გეოგრაფია - 4, არითმეტიკა - 4, სლავური საეკლესიო გალობა - 4, ქართული საეკლესიო გალობა - 4. ეს ძალზე კარგი ნიშნებია, თუ გავითვალისწინებთ, რომ 1906 წლის ნოემბერ-დეკემბერში არითმეტიკაში - 2, რუსულ ენასა, გეოგრაფიასა და სლავურ საეკლესიო გალობაში სამები ჰქონდა. ფაქტია, ნიჭიერი გალაკტიონი, როცა გულს უდებს მეცადინეობას და სხვა გარემოებაც ხელს არ უშლის, სასურველ ნიშნებს იღებს. ამაზე მეტყველებს ისიც, რომ სამოქალაქო და საეკლესიო ისტორიაში ნოემბერ-დეკემბერში - 4, იანვარ-თებერვალში - 2, საბოლოოდ კი - 4 გამოყვა. ზოგიერთი საგანი სულაც არ ეპიტნავენა, მაგრამ იძულებულია თავს ძალა დაატანოს, რიგიანად ისწავლოს. სამაგიეროდ, მოხიბვლილი ქართული ენის გაკვეთილებით, რომლებსაც მელიტონ ჩოგოვაძე უტარებს. 1907 წლის 1 თებერვალს დღიურში ჩაუწერია: „მიყვარს ქართული ენის გაკვეთილები, რამდენ უცნობ რამეს ვიგებ მელიტონ იესეს ძის მონათხრობიდან: დღეს მან დაამთავრა „სოლომონ ისაიის მეფედანუაშვილის“ კითხვა თავისი დამატებებითა და შენიშვნებით. პირდაპირ მომხიბვლელია მისი ახსნა. როგორ დადის ოთახში, ხელების როგორი უცნაური ქნევით გამოხატავს სათქმელს. მაგრამ ამის შესახებ სხვა დროს დავწერ“.

მ. ჩოგოვაძე განათლებული და აღლოიანი კედაგოვი

გახლდათ. დიდი მნიშვნელობას ანიჭებდა ქართული ლიტერატურის შესწავლას. ამიტომაც უკითხავდა მოსწავლეებს ლ. არდაზიანისა თუ გ. წერეთლის მოთხრობებს. ეს არ იყო ტექსტის უბრალო გაცნობა. მასწავლებელი მახვილ შენიშვნებს, ღრმა განმარტებებსა და საფუძვლიან დასკვნებს აწვდიდა შევირდებს. რაც მთავარია, აზროვნებას ასწავლიდა ახალგაზრდებს, ანალიზის უნარს უვითარებდა. ამიტომაც მოსწონდათ მისი გაკვეთილები. საგულისხმოა, რომ მ. ჩოგოვაძემ შექსპირის „შაკბეტი“ გააცნო კლასს. ეს არჩევანი მასწავლებლის ნიჭსა და ალღოზე მიუთითებს. „შაკბეტი“ ხომ უბადლო ენით აქვს ნათარგმნი ი. მანაბელს. ოსტატს სურდა ქართული სიტყვის, ფრაზის მარდესა და სიმშვენიერეს ჩასწვდომოდნენ ახალგაზრდები. იგი თემებსაც ორიგინალურს ურჩევდა მოსწავლეებს, მაგალითად, „უკანასკნელი დღე სიკვდილით დასჯილისა“ და ა.შ.

გალაკტიონი აღფრთოვანებული იყო მედიტონ ჩოგოვაძით; „მე მახსოვს ქართული ენის გაკვეთილები ხას. სასწავლებელში. მახსოვს და არ დამავიწყდება მეღ. იესეს ძე ჩოგოვაძე, ღრმად მცოდნე სამშობლოს ლიტერატურისა და ქართული ენის შეუდარებელი მასწავლებელი... მეგობრულად, ამხანაგურად გვეპყრობოდა და ეს იყო მიზეზი, რომ მთელი სასწავლებელი უსაზღვრო სიყვარულით ეკებებოდა ყოველს გაკვეთილს ქართული ენისას. ჩვენ მიუდვიოდით მის გაკვეთილზე დაუსარებლად. გვეშინოდა, არ გამოგვრჩენოდა ძვირფასი მასწავლებლის ერთი სიტყვაც კი“.

მ. ჩოგოვაძემ თვალსაჩინო გავლენა მოახდინა გალაკტიონზე. მან ერთ-ერთმა პირველმა შენიშნა გალაკტიონის ნიჭი და სწორედ განსტკვრიტა მისი მომავალიც. ქართულის მასწავლებელი ყოველთვის ყურადღებით ეპყრობოდა ჭაბუკს, ახალისებდა, უწონებდა ლექსებს. მას კარგად ესმოდა დამწვები პოეტისა და ეამაყებოდა კოდეც მისი შევირდობა.

როგორც ჩანს, მასწავლებლისა და მოსწავლის ურთიერთობას სულის თანაზიარობაც განსაზღვრავდა.

მ. ჩოგოვაძე უდროოდ გარდაიცვალა, 1910 წლის 31 იანვარს. გალაკტიონმა ძალზედ მტკიუნულად განიცადა უფროსი მეგობრის დაღუპვა, კაცისა, რომელსაც იგი „უყვარდა და თავს ევლებოდა“. მ. ჩოგოვაძე მისთვის მოქალაქის და პედაგოგის იდვალი იყო, ეტაღონი, რომლითაც ზომავდა თბილისის სასულიერო სემინარიის მასწავლებლებს.

გალაკტიონმა გულწრფელად დაიტირა მედიტონ ჩოგოვაძე. „სემინარიის კედლებშივე გვესმის გულ-მოსაკლავი ხმა: მედიტონ

ჩოგოვაძე გარდაიცვალაო! გარდაიცვალა და სამუდამოდ დაიშარხა მასწავლებელი, რომლის მსაგავსსაც, მე შგონი, ჩვენ ვერ ველირსებით.

ძვირასო მასწავლებლო! რას უშვები ამდენ მოსწავლევებს, საით უჩვენებ გზას? ნუთუ კვლავ უნდა ვქვითინებდეთ ჩვენს ყოფნაზე, რომ უბედურნი ვართ... რომ შეველა არსაით არის?!

პოეტი არაერთ ჩანაწერს აკეთებს დღიურში, საბოლოოდ კი თავის გულისტკივილს ლექსს ანდობს:

„მე ვინახულე სვედიანი შენი საფლავი...
ირგვლივ დუმილი გაშლილიყო გულ-მოსაკლავი.
ცის უდაბნოზე სვედიანი ცურავდა მთვარე...
ბევრი ვიტირე, ბევრი მწარე ცრემლი დაეღვარე...“

საგულისხმოა, რომ მელიტონს ტიცინამაც უძღვნა ლექსი, რომელიც დაიბეჭდა კიდევც გაზეთ „ფონში“. ხოლო კორნელი კეკელიძემ ასე გამოხატა ტკივილი: ღრმად დამწუხრებული ვარ პატიოსანი ადამიანის, დაულაღავე მუშაკის, დაუვიწყარი მეგობრის მელიტონ იესეს ძის უდროოდ გარდაცვალების გამო¹.

ახლად მიკვლეული მასალებით მტკიცდება, რომ მელიტონს მეგობრობა აკავშირებდა კალისტრატე ცინცაძესთან (სრულიად საქართველოს კათოლიკოს-პატრიარქი 1932-1952 წლებში)².

ისინი თურმე ერთად სწავლობდნენ კიევის სასულიერო აკადემიაში. კალისტრატე ცინცაძის საკანდიდატო დისერტაცია იყო „საქართველოს ეკლესია სასანიდების პერიოდში“ (265-570).

ან ნაშრომის პირველი თავი მელიტონ ჩოგოვაძეს გადაუწერია. რვეულის ყდაზე ვკითხულობთ: „ეს პირველი თავი თეთრად გადამიწერა პირველი კურსის სტუდენტმა მელიტონ ჩოგოვაძემ, რომელსაც ეკუთვნის ამ შავში ქართულად შეტანილი „შენიშვნები“.

მეორე თავთან დაკავშირებით ანალოგიური სამუშაო ჩაუტარებია

მესამე კურსის სტუდენტის ილია ფერაძეს, ხოლო მესამე თავი გადაუთეთრებია მეორე კურსის სტუდენტს მელიტონ კელენჯერძეს.

ჩანს, კიევის სასულიერო აკადემიის ქართველი სტუდენტები

¹ გაზ. „ფონი“, 1910, №6.

² ამის შესახებ იხილეთ ჩვენს წიგნში „სრულიად საქართველოს კათოლიკოს-პატრიარქი კალისტრატე ცინცაძე“, თბ., 2008.

БИЛЕТЪ

Предъявитель сего, ученикъ *1го парам.* класса
Кутанскаго Духовнаго Училища *Тимактiонъ*

Табиги уволенъ въ домъ
своей матери вдовы *Макрины*

въ селеніе *Кавиши* *Кутанскаго*
уѣзда *Кутанской* губерніи отъ нижесказаннаго
числа впродъ по *1го* *Июля* мѣсяца
1905 года.

Въ удостовѣреніе чего и данъ сей билетъ
лицу *Т. Табиги*
за надлежащей подписью и приложеніемъ казенной
(Училищнаго Правленія) печати.

Г. Кутань, мѣсяца *Июль* 21, дня 1905 г.



Помощникъ Смотрителя

А. Смирновъ

Тип. Князько и Косово Кутань.

ერთ გუნდად იყვნენ შეკრულნი, გულით და სულით იზიარებდნენ ურთიერთის ჭირსა და ღხინს.

მელიტონ ნოგოვაძის შენიშვნები ფრიალ საყურადღებოა ან სოციურთი მათგანი:

„შეიძლება მირიანი ქრისტიანობას მისთვის უწოდებს რომაელების სარწმუნოებას, რადგანაც რომის სახელმწიფოში განხდა პირველად და, უშეტესად რომაელები აღიარებდნენ მას და არა მისთვის, რომ კონსტანტინე ქრისტიანი იყო. კონსტანტინე არც მერე მონათლულა, მაგრამ განა ქრისტიანი არ იყო“.

„შენი ფიქრით, მაშინაც კაცებს სწირავდნენ მსხვერვლად არმაზს?“

„წმინდანები არასოდეს არ გამოდიან მოთმინებიდან და არც სიზღს გრძნობენ „негодования““.

ეს და სხვა მინაწერებიც საგანგებო შესწავლას მოითხოვს.

სამწუხაროდ, ნოგოვაძე გამონაკლისი იყო. სასწავლებელში ბევრი უღირსი პიროვნება მსახურობდა. რეჟიმიც მკაცრი იყო. ყოველდღიური წირვა-ლოცვა აუტანელი გახდა გალაკტიონისათვის და ისიც არცთუ იშვიათად იპარება ეკლესიიდან. „დღეს არ ვიყავი ლიტურგიაზე. სამაგიეროდ, მე და ნემშა ბიძაშვილმა აკაკი ტაბიძემ გადავწყვიტეთ, საფიხიის სასაფლაოზე წავსულიყავით. ასეც მოვიქცით. იქიდან ორივენი მოწამეთის მონასტერს ვესტუმრეთ. შემდეგ გელათში შევიარეთ“.

ეს დახშული ატმოსფეროდან გაქცევა როდია მხოლოდ. ექსკურსია გალაკტიონისათვის წყაროა შთაგონებისა, განცდებისა და ფიქრებისა, რომლებიც შემდეგ ლექსებში უნდა განივთდეს.

ასეთი გასეირნება იშვიათი არ ყოფილა. გალაკტიონს ხიბლავდა ქუთაისის აყვავებული შემოგარენი, ვარდის და ცაცხვის სურნელებით გაქვნილი ქაური, ღურჯი ზეცა და მონუხნუხე ხორ. როცა ქალაქიდან გასვლას ვერ ახერხებდა, გორაზე ავიდოდა, ძველი ციხის გაღაენის ნანგრევზე ჩამოჯდებოდა, საიდანაც ხელისგულივით იკითხებოდა იმერეთის ხანახები: სამხრეთ-დასავლეთით დაკლაკნილი მდინარე, რიონის ჭალები და პატარ-პატარა სოფლები ჩანდა. უფრო შორს კი გურია-აჭარის ქედი, ჩრდილოეთით ზეიდად აღმართულიყო კავკასიონის მწვერვალები...

სამხრეთი და ჩრდილოეთი... განსხვავებული ხედები და განსხვავებული შთაბეჭდილებები... ქვემოთ ოდნავ ხმაურობდა ქუთაისი, თითქოს იყო და არც იყო. აქ არავინ ურღვევდა მყუდროებას. მისი ოცნებაც ფრთებს შლიდა.

გალაკტიონმა გულით შეიყვარა ულამაზესი ქალაქი. ქუთაისი მისი პირველი ხივეარულისა და დიდი ხიხარულის,

პირველი ლექსებისა და გამარჯვებების მოწმე იყო; მოწმეც და თანამგონობიც, შთამავლენებელიც.

შემდეგში, როცა სევდა შემოაწვეოდა, როცა ლაქვერია და სიმწვანე, სიღბო და ხალისი მოენატრებოდა, ხშირად ქუთაისს გაიხსენებდა: „ეხლა ქუთაისი ყვაილების მორევში იქნება შთანთქმული... ოხ, რა კარგია ეხლა იქ ყოფნა“. ამას 1910 წლის 24 მარტს წამოიძახებს.

ახლაც თვალწინ მიდგას გალაკტიონის გაცისკროვნებული სახე, როცა იგი ქუთაისსა და იქ გატარებულ წლებს იგონებდა. მწუხარე შემთხვევებს ნაკლებ იხსენებდა. ეს აღბათ იმიტომაც, რომ ქუთაისი მისთვის ახალგაზრდული ცხოვრების სიმბოლო იყო. ახალგაზრდობა კი, როგორი მიმეც არ უნდა იყოს, მაინც საამოდ მოსაგონარია წლებით დახუნძლული ადამიანისათვის.

აცოცხლებდა მხიარულ, რომანტიკულ ამბებს, იხსენებდა ამხანაგთა უცნაურობებს, დროდადრო ირონიასაც გამოურევდა.

- გინახავს ბაგრატიის ტაძარი, გადმოგიხედია არქიელის გორიდან? მსგავს სიმშვენირებს ვერსად ნახავ, - ამბობდა იგი და ბავშური აღტაცებით ითებოდა.

გალაკტიონს სამუშაო ოთახში, თვალსაჩინო ადგილას ედო ყურძნისმტკნებიათი ქვა, ბაგრატიის ტაძრის კაპიტელის ნატეხი. იგი ქართული ხელოვნებისა და სულის ამტკვევლებად მიიჩნდა. და კიდევ იმიტომაც უყვარდა, რომ ქუთათურ შთაბეჭდილებებს უცხოველებდა.

მაინც რით სუნთქავს სასულიერო სასწავლებლის მოსწავლე? ამაზე ძნელი არ არის პასუხის გაცემა, თუ გადავფურცლავთ დღიურს, რომელიც გალაკტიონს 1907 წელს უწარმოებია. იგი რუსულად არის დაწერილი და ბევრ საინტერესო დეტალს შეიცავს. ერთი რამ წინასწარვე უნდა ითქვას. გალაკტიონი ფაქტების კონსტანტაციითა და მოკლე კომენტარებით კმაყოფილდება. გაურბის მოვლენების ლირიკულ შეფასებას და ემოციების პოეტურად გამჟღავნებას. ეს შეიძლება იმითაც აიხსნას, რომ ამ დღიურს, გარდა ავტორისა, სხვა მკითხველიც ჰყავდა. (ერთგან გალაკტიონი აღნიშნავს კიდევ 27-31 მარტს დღიურში არაფერი ჩამიწვრია, „იმიტომ, რომ იგი ვათხოვე გიმნაზიის V კლასის მოსწავლეს დ. ყიფშიძეს...“). არ არის გამორიცხული, რომ უფროსებსაც დაბადებოდათ მისი გაცნობის სურვილი. იმიტომაც ავტორი განსაკუთრებულ გულღიობას არ იჩენს.

უპირველეს ყოვლისა, გალაკტიონი ყურადღებას ამახვილებს სასწავლებლის ცხოვრებაზე. რევოლუციის ტალღამ სკოლებშიაც ბევრი რამ შეცვალა. 30 იანვარს გალაკტიონს ჩაუწვრია:

„უკვე 6 წელი გადის, რაც მე სასულიერო სასწავლებელში ვიზრდები და არ მინახავს ისეთი უწესობა, როგორც წელს შეინიშნება. მოსწავლეები გამუდმებით ჩხუბობენ გაკვეთილებსა თუ შესვენებებზე, ისინი დაუნდობლად უსწორდებიან უწესობას, ვინც მათ პირობებს არ ეთანხმება. დღეს, სხვათა შორის, 10 შეკატება იყო. გატეხეს ფანჯრის მინა. აქვე უნდა შევნიშნო, რომ მასწავლებლები და ზედამხედველები ყურადღებას არ აქცევენ მოსწავლეთა ყოფაქცევას. ბევრს ეშინია ახირებული მოსწავლეების, ისინი კი სასულიერო სასწავლებელში მრავლადაა. არცთუ იშვიათია შემთხვევები, როცა შეგირდი მასწავლებელს სცემს. ერთმა მოსწავლემ რევოლვერით დაჭრა აღმზრდელი. სხვა კიდევ სიკვდილით ემუქრება თავის პედაგოგს და ა. შ. მალე აღბათ სასულიერო სასწავლებელი ყაჩაღთა ფუნდუკად გადაიქცევა. ის მოსწავლეები, რომლებიც 12 იანვარს დააპტიმრეს, გაათავისუფლეს, უკვე სკოლაში დადიან“.

ესენი იყვნენ: ა. ყოფშიძე, გ. ენუქიძე და შ. ჩიკვაძე, რომლებიც ქალაქის ბაღში პროკლამაციების გაგრცვლებისათვის დააკავეს.

ზემომოტანილი ამონაწერიდან აშკარაა, რომ გალაკტიონი შორს დგას ანარქისტებისაგან. იგი არსებული ყოფის მეხოტბე როდია, მაგრამ უაზრო აღიაქოთსაც არ უჭერს მხარს. გალაკტიონი რომ ჭეშმარიტი რევოლუციისადმი სიმპათიურად არის განწყობილი, ეს ჩანს აფრასიონ მერკვილაძისადმი მიძღვნილი ჩანაწერებიდანაც. დღიურში მოთხრობილია მუამბოხის ბიოგრაფია. „წავიკითხე სამწუხარო ცნობა... ორ ამხანაგთან ერთად მოუკლავთ ცნობილი ატამანი აფრასიონ მერკვილაძე. განსვენებულმა ძალზე მოკლე დროში მოიპოვა დიდება. იგი თავისი რაზმით მოქმედებდა ზემო იმერეთში, ჭიათურის მახლობლად. უნდა ითქვას, რომ განმათავიასუფლებელი მოძრაობის დაწყებამდე იგი უბრალო ყაჩაღი იყო. ჯერ კიდევ ახალგაზრდამ ვერ აიტანა არსებული ბოროტება და სემინარიის დამთავრებისთანავე ტყვეში გაიჭრა. მაგრამ მას შემდეგ, რაც დაიწყო განმათავისუფლებელი მოძრაობა, მიიღო ატამანობა, შექმნა განსაკუთრებული არმია და მოქმედებდა უკანასკნელ დრომდე“.

გალაკტიონი დაინტერესებულია ა. მერკვილაძის რევოლუციური მოღვაწეობით. ეს ჩანს მეორე ჩანაწერიდანაც. „დღეს გავიგე, რომ ა. მერკვილაძის ამხანაგები, რომლებიც მასთან ერთად მოკლეს, იყვნენ განქიილაძე და ბოჭორიშვილი“.

დღიურში გამჟღავნებულია გალაკტიონის სიმპათიები სახალხო გამირებისადმი. ხსენებული ფაქტი ერთხელ კიდევ ხაზგასმით მიგვანიშნებს რევოლუციისადმი მის კეთილგანწყობაზე, მაგრამ

Նայե՛ք, մաճ բո՛ւնեղջերակ ստեղծե՛ք...



Ճիւղօղջե՛ք! սլա՛նեկնուց
 Զ. ստեղծե՛ք ձե՛զս շարձ-շփրրո՛ւ!
 Ը՛ն ջոճմու. սպա՛ն հոյ՛ք եւ՛ շարժեալ
 շու՛նի զճշդեալ, ձե՛ ը՛ն շարժեալ...
 «Չ կշխծո՛ք ձձայրս Զ ձձանո՞ւրբն
 ձձայրս Ձձիւն-չոտ, ձձայրս Ձձիւն-չոտ
 Ձձե՛նեկո՛ւ, չոյ՛ն կշխու՛րջեալ
 Բո՛ւրջեալ, ձձձձ կշխու՛րջեալ»

չոտնո՛ւ, չոյ՛ն սլա՛նեկնուց-ձե՛ն -
 «Չ կշխծո՛ք Ձձիւն-չոտ, ձձիւն-չոտ
 Ձձիւն-չոտ, ձձիւն-չոտ, ձձիւն-չոտ
 «Չ կշխծո՛ք ձձիւն-չոտ, ձձիւն-չոտ»

սպա՛ն սլա՛նեկնուց-ձե՛ն
 կշխու՛րջեալ ձձիւն-չոտ, ձձիւն-չոտ
 Ը՛ն ձձիւն-չոտ, ձձիւն-չոտ, ձձիւն-չոտ
 Զ ձձիւն-չոտ, ձձիւն-չոտ, ձձիւն-չոտ

Ճիւղօղջե՛ք! սլա՛նեկնուց
 Ձձիւն-չոտ, ձձիւն-չոտ, ձձիւն-չոտ
 Ը՛ն ձձիւն-չոտ, ձձիւն-չոտ, ձձիւն-չոտ
 ձձիւն-չոտ, ձձիւն-չոտ, ձձիւն-չոտ

1906.

Յ. Բրե՛տ.

ეს მაინც არ არის მოწინავე. შემტვე პოზიციაზე დგომს. ჭაბუკა
გალაკტიონი თავისი ბუნებით პროტესტანტია და არა აშკარა,
აქტიური მოქმედი. მოგვიანებით იგი წერდა: „1907-8 წელს მხედრი
იყო გარკვევა რევოლუციონური ცხოვრების რთულ ამოღებაში
პოეტისათვის ძნელი იყო მიეცა სწორი პოლიტიკური შეფასება
ყოველივე იმისათვის, რაც მაშინ ხდებოდა, მაგრამ მე ღრმად
განვიცდიდი მაშინდელ ამბებს“¹.

16 წლის გალაკტიონი შესაძინეე საზოგადოებრივ ინტერესებს
ამჟღავნებს. ყურადღებას ამახვილებს ქალაქში ბომბის აფე-
თქებასა, ფოსტის გაძარცვასა, გაფიცვებსა და სხვა მნიშვნელოვან
მოვლენებზე. უთუოდ ბევრის მოქმედი პატარა ნახატი, რომელიც
ამ პერიოდშია შექმნილი. სურათის მარჯვენა მხარეს ჩანს შენობა
წარწერით: „Казенное правление“. იქვე ხელებაწეული ჩაფრებია.
ერთი მათგანი გარბის კიდეც. მეორე მხარეს გამოხახულია კაცი
ხელყუმბართი. ქვემოთ წარწერაა: „ფულის გატაცება ხაზინიდან.
სამი ბომბის სროლა. მხატვარი ვ. ტაბიძე“.

გალაკტიონს დღიურში შეაქვს ამონაწერები პრესიდან. მას
მართებულად მიაჩნია ი. ვედოშვილის მიერ გაზეთ „მიწის“
კრიტიკა. ხსენებული გაზეთი მოუწოდებდა გლეხებს, ეხეიმათ 19
თებერვალი – ბატონყმობის გადავარდნის დღე. ი. ვედოშვილი
„ახალ ცხოვრებაში“ კიცხავს „მიწის“ ხელმძღვანელებს.
ნუთუ რედაქციამ არ იცის, რომ გლეხები ჯერაც არ არიან
განთავისუფლებულნი?

საგულისხმოა, რომ გალაკტიონი ბოლშევიკურ გაზეთს „ახალ
ცხოვრებას“ კითხულობს და ი. ვედოშვილის თვალსაზრისს
იზიარებს.

ამავე პერიოდში წერს ლექსს „ორი საეშმაკო“.

*„ერთხელ ვიტტეს ეშმაკებმა
სიზმარად ძილში მოაჩვენეს,
რომ იმათთვის საეშმაკო
მიეცა. ეს დააჩემეს.
ვიტტემაც ხომ იმავე ძილში
დააარსა საეშმაკო.
სწორედ კარგი გამოვიდა,
ხანაქებო, ხაარაკო“.*

პოეტი ხატირის ცეცხლით ბუგავს ხალხის მტრებს.

ეს ახალი მასალები უფლებას იძლევა შეტი დაჯერებით
ეთქვათ, რომ გალაკტიონი თანაუგრძნობდა რევოლუციონერებს
და, ამდენად, მათი დამარცხებით გამოწვეული წუხილი სრულიად

¹ ვ. ტაბიძე, თხზ., ტ. XII, გვ. 227-228.

ბუნებრივია. მაგრამ აქვე უნდა დავხსინო, რომ ეს არ იყო პოეტის სევდის ერთადერთი განმსაზღვრელი მიზეზი.

ახლა ცოტა უკან დავიხიოთ და თვალი გავაღწეოთ გალაკტიონის ხასიათის ჩამოყალიბებას.

ჭაბუკი თანდათანობით უფრო მეტად ამქლავნებს გულნათხრობილობას, განწყობილების წამიერ ცვლას. ზოგჯერ

უმიზეზოდაც ჩხუბობს. მერე გრძნობს თავის დანაშაულს და იტანჯება. „При заходе солнца я поссорился с И...м, но после совести не оставила меня и я с ним скоро примирился. Я чувствовал какую-то радость“.

ყურადღება მიაქციეთ ბოლო ფრაზას. იგი კარგად ავლენს მგრძნობიარე ჭაბუკის ბუნებას. გალაკტიონი მტკივნეულად განიცდის უნებლიე წაკინკლავებასაც კი. სხვას შეიძლება ყურადღება არ მიექცია ასეთი კონფლიქტისათვის, გალაკტიონი კი ვერ ისვენებს, შფოთავს და, როცა მდგომარეობა სწორდება, მშვიდდება.

ეს პატარა დეტალი გალაკტიონის მორთოლვარე ნატურას წარმოაჩენს.

მრავალი ობიექტური თუ სუბიექტური მიზეზი არსებობს, რათა გალაკტიონი დრამატულად იყოს განწყობილი.

მატერიალური გაჭირვება სულს უხუთავს ამაყ პიროვნებას. ფეხსაცმელები დაეხა. სადაცაა ზამთარი დადგება მას კი პალტო არ აქვს. ძმები იძულებულნი არიან თხოვნით მიმართონ სასულიერო სასწავლებლის ზედამხედველს ლეონიდ სერგის ძე კალტიპინს: „უკიდურესი სიღარიბე გვაიძულებს ვეძიოთ თქვენი მოწველება. გთხოვთ, თქვენო მაღალკეთილშობილება, გნუ დაგვეტოვებთ თქვენი კეთილი ყურადღების გარეშე და გავვიწიოთ მატერიალური დახმარება, რომლითაც თქვენ შეამსუბუქებთ დედაჩვენის უბედურ მდგომარეობას და შესაძლებლობას მოგვეცემთ განათლება მივიღოთ თქვენდამი რწმუნებულ სასწავლებელში“.

ასეთი	თხოვნა	ყოველთვის	უშუდეგოდ	
როდი	რჩებოდა.	მაგალითად,	1907	წელს
გალაკტიონმა	სასწავლებელიდან	დახმარების	სახით	
5 მანეთი მიიღო.				

მგრძნობიარე და პატიოსანი ყმაწვილი ვერ იტანდა მიკერძოებას, უსამართლობას. იგი აღშფოთებულია იმით, რომ ლათინური ენის მასწავლებელმა უფროსთა მოთხოვნის პასუხად დასასჯელად უდანაშაულონი წარადგინა, ხოლო ნამდვილ

ამრეველებზე კრინტიც არ დაუძრავს. ამიტომაც წერს გალაკტიონი:
„Никогда в своей жизни не забуду я сегодняшний день“.

გალაკტიონი მძაფრად აღიქვამს მოვლენებს. პირველი შთაბეჭდილებები ძლიერია. შემდეგ მის გონებაში ვეწლავური ლაგდება, ხარისხდება, გრძნობათა შერიდინაში იცხრილება და რჩება ის, რაც მისი პოეტური სულიხათვის მახლობელია, რაც მის შემოქმედებით ცხოვრებას უკავშირდება. დანარჩენი ფერმკრთალდება და დაეიწყების ბლონდით იფარება. საჭიროა ნიავე, რომ ეს ბლონდი ააფრიალოს და კვლავ გამოჩნდეს ძველი ანაბეჭდები.

გალაკტიონი დაკვირვებით კითხულობდა დედისა თუ ძმის წერილებს, ღრმად განიცდიდა მონათხრობს, ზოგჯერ ტრაგიზმითაც იმსჭვალებოდა, მაგრამ არცთუ იშვიათად ფიქრები შორს გაიტაცებდა და უცხო სამყაროში დაასახლებდა.

აი, ქუთაისის სასულიერო სასწავლებლის უკანასკნელი კლასის მოსწავლემ დედის ბარათი მიიღო. გაკრული ხელით, ძველი ყაიდის მიხედვით, უმიმოდ და უწერტილოდ მისდევს ფრაზები ფრაზებს. დედა წუხს შვილის მდგომარეობის გამო. გალაკტიონი არაფერს იწერება. თბილისიდან, სადაც უფროსი ვაჟი სწავლობს, ბარათმა დაიგვიანა. მაკრინუ არიგებს უმრწემეს, ურჩევს, მოძღვრავს, გალაკტიონი კითხულობს წერილს. შემდეგ რინდდება. მაგიდაზე ღერმონტოვის წიგნია გადაშლილი, დედის წერილს ხელში ატრიალებს. ფურცლის ნახევარი თავისუფალია. ახლა იგი მხოლოდ ცარიელ კაბადონს ხედავს. ფანქარს იღებს და ჩნდება „დემონის“ თარგმანი. გადახაზულია სიტყვები, ფრაზები... შემოქმედებითი წვა აშკარაა. პოეტი ამჯერად ვერ ამჩნევს დედის ხელით გამოყვანილ ასოებს. გვერდით ჩნდება შემდეგი სტრიქონები:

*„მწუხარე სული განშორების და განკიცხვისა
ცოდვილს მიწაზედ, იქ დემონი მიმოფრენავდა
და ფიქრნი ჯგუფად, წარსულ დროის მოვლენებისა
იხატებოდნენ მის წინ ერთად და უცვლელადა“*

ამას მოსდევს მთელი თორმეტი სტრიქონი.

თარგმანი მოწაფური ვარჯიშის ნაყოფია, სუსტია, მაგრამ ამჟამად ეს კი არ არის მთავარი, არამედ გალაკტიონის თხზვის მანერა: ის, რომ მას შეეძლო ერთი სამყაროდან მეორეში უეცარი გადასახლება; გამოთიშვა ამ ცხოვრების რიტმიდან და პოეზიაში ჩანთქმა.

საილუსტრაციოდ მეორე მაგალითიც გამოგვადგება, რომელშიც უფრო მოგვიანო პერიოდს განეკუთვნება. პროკლე

გალაკტიონს პატარა, ერთგვერდიანი ბარათით ეხმარებოდა.
„შენგან გამოგზავნილი წერილი მივიღეთ. იწერები ორშაბათს
ნამოვადლო და იმ დღესვე უნდა გავემგზავრო თბილისში.
საკვირველია! „Скорый поезд“-ი ხომ არა ხარ, არ გაჩერდეს ერთ
დღეს? ამისთვის დედაჩემი გწერს, უსიკვდილოდ კვირას ჩამოდიო!
აქაც მოსამზადებელი ბევრი გვაქვს!“ ამ ბარათს გალაკტიონი
მშობლიურ ჰყვიშში გადააქავს. სოფლის სურათები ცოცხლდება,
ასოციაციები იბადება... მაგრამ ეს მცირე ხანს გრძელდება. მალე
პოეტი ფურცელს გადააბრუნებს და ცარიელ გვერდზე ჩნდება
სტრიქონები:

*„ტყვილა ვეძებდი მე შენს აღერსს, შენსა სიყვარულს,
ამოდ ღვრიდი, გულქვა სატრფოვ, დამატკობობ
ცრემლებს,*

*ტყვილა ოცნება მიხატავდა სოფელს ტკბილს და სრულს,
ბოლო მოვლო ჩემს ნორნ რწმუნას, ჩვენს ტკბილ იმედებს.
მინახავს ვარდი, სასაფლაოს რომ ამშვენებდა.*

*დაემტკბარვარ, სატრფოვ, შენი ცქერით გულაღვ ზნებული.
საფლავი იგი ჩემს ცხოვრებას მომაგონებდა,
ვარდი შენ იყავ, მასზედ ნახად დაკონებული.*

*ოჰ, არ ვიცოდი, რომ ოცნება იწამლებოდა,
რომ შხამს ურევდნენ ხიტკბოს ნაცვლად ჩემს სულს
იჭვეულს.*

ოჰ, არ ვიცოდი, რომ ცხოვრება სწრაფად დნებოდა,

ტყვილად ვეძებდი მე შენს აღერსს, შენსა სიყვარულს“.

ეს ორი მაგალითი გამოჩაკლისი როდია, ასე დაიწერა
აგრეთვე „ლოცვა“ და სხვა ბევრიც.
დადგა 1907-1908 სასწავლო წელი. მას უნდა გადაეწვეთა,
მისცემდნენ თუ არა გალაკტიონს სემინარიაში სწავლის
გასაგრძელებლად რეკომენდაციას. ახლა ყველაფერი
დამოკიდებულია მონღომებაზე, ძველი „ცოდვებისაგან“
განთავისუფლებაზე. დედა და ძმაც დაბეჯითებით სთხოვენ,
მეტი გულისყური გამოიჩინოს სწავლაში. გალაკტიონიც
თითქოს მომზადებულია შინაგანად, მაგრამ ვითარება იბადება.
22 სექტემბერს ქუთაისის სასულიერო სასწავლებლის მე-3 და
მე-4 კლასების მოსწავლეებმა გაფიცვა მოაწვეეს. მეცადინეობა
დროებით შეწყდა და გალაკტიონიც სოფლად მიდის. ცდილობს
ყველაფერი არ გაუშხილოს დედას. შეიძლება მშობელმა ზოგი
რამ ვერ გაუგოს, აფორიაქდეს, დაიტანჯოს. ეს კი არ სურს
გალაკტიონს. კარგად ახსოვს, ორიოდვე წლის წინ როგორ
დატუქსა მაკრინემ. შემდეგშიც არაერთგზის შეუხსენებია: „შენ

რომ ინსპექტორს ენა შეუბრუნე, რომ გამახსენდება, ცეცხლი შემომეკიდებოა“.

ტყვიშში შემოდგომა ბარბაცებს. გალაკტიონი გეგმებს აწუბს, მაგრამ „არ გასულს ორი დღე - წერს იგი მას, რომ მე ავად გავხდი. ავადმყოფობა ყვაველი აღმოჩნდა და ოცდასამ დღეს გაგრძელდა, რის შემდეგაც სრულიად გამოვიჯანმრთელდი. არც დედაჩემს და არც სხვა ვინმეს ავადმყოფობა არ გადადებია. საკვირველია, რომ დედაჩემი ავადმყოფს თავზე მადგა, მივლიდა და მაინც არ დამართია“.

ყვაველმა სახე დაუქენკა პოეტს. დროთა განმავლობაში ღრმულები თანდათან გაქრა, მაგრამ მცირე კვალი სახადი ავადმყოფობისა მაინც დარჩა.

ოქტომბრის ბოლოს გალაკტიონი კვლავ ქუთაისს უბრუნდება და თავგამოდებით შეცადინეობს. სასწავლებელსაც წარმატებით ამთავრებს.

ჩვენს ხელთ არსებულ მასალებს იმ დასკვნამდე მივყავართ, რომ მოწაფეობის პერიოდშივე გალაკტიონში თავს იჩენს მარტოსულობა, „მეს“ წინ წამოწევა, გარემოსადმი სათუთი და მგრძობიარე დამოკიდებულება. გალაკტიონი ვერ ეგუება არსებულს. მასში მძლავრობს საპროტესტო განწყობილება, რასაც ხშირად ფარულად და ქვეტექსტებით ამჟღავნებს. ისიც შესაძინვეია, რომ სხვადასხვა მოვლენისადმი რადიკალურად განსხვავებულ პოზიციას იკავებს. ერთი საერთოდ არ აინტერესებს, ან ნაკლებ აინტერესებს, მეორე მთელი არსებით იპყრობს.

ახლა კი თვალი გადავაგლოთ გალაკტიონის ადრინდელ შემოქმედებას, გავარკვიოთ, როგორია მისი ლიტერატურული მისწრაფებები და ინტერესები.

ყველაზე ადრინდელი ლექსი 1903 წლით თარიღდება. ეს არის თექვსმეტსტრიქონიანი „ჩვენი ვრი“, რომელიც ი. ჭავჭავაძის მიბაძვით არის დაწერილი:

„მართლაც მშვენიერია

ჩვენი კუთხე, ურია,

ბოროტების რომ იყვებ

ცოტა მღვენი-მტერია“.

ორიოდე ლექსზე დაყრდნობით ჭირს მრავალმხრივი და საბოლოო დასკვნის გამოტანა. ერთი კი ნამდვილად შეიძლება ითქვას: ყმაწვილი გალაკტიონი შეუმცდარი ალლოთი ირჩევს ოსტატებს; მისი შევირდობა მოწონებას იმსახურებს.

1905 წლიდან გალაკტიონი უკვე ინტენსიურად წერს. შემონახულია ამ პერიოდის 70-მდე ნაწარმოები: ლექსები, მოთხრობები, იგავ-

არაკები, შარადები და სხვა. უმეტესობა დამთავრებულია. ნაწილი საკმაოდ გარანდულია და გადათეთრებულიც. ჩანს, გალაქტონი ყოველ დღე მუშაობს. მისთვის ლიტერატურული საჭიროება სასიცოცხლო მოთხოვნილებად იქცა.

უპირველეს ყოვლისა, რამდენიმე სიტყვა დამწეები პოეტის კრედიტზე. ლექსში „დაქა“ გალაქტონი მწერლის დანიშნულებას არკვევს. იგი დიდ სამოციანელებს ბაძავს.

როგორც ილია და აკაკი, გალაქტონიც პოეტს ერის სამსახურს უსახავს მიზნად. საგულისხმოა, რომ იგი აუცილებლად თვლის ნაწარმოებში „სისხლის ნანთხეკას“. ეს გულწრფელობისა და მოვლენებით არსებითად დაინტერესების მოთხოვნაა. ამ ლექსში პირველად იჩინა თავი იმ თვალსაზრისმა, რომლის მტკიცე დამცველი იყო იგი მთელი სიცოცხლის მანძილზე.

14 წლის გალაქტონმა თავისი, როგორც პოეტის, მოწოდება სხვა ლექსშიაც გამოხატა. ეს არის „კალამი“. აქაც შეუდრეკლობის, პირდაპირობის თეზისია განვითარებული.

ამ პერიოდის ნაწარმოებთა თემები კლასიკური ლიტერატურიდან არის ნასესხები. წერის მანერაც ორდინალურია. ეს ბუნებრივიცაა, რადგან სამყაროს სერიოზულად შეცნობის გზაზე იგი ეს-ესაა პირველ ნაბიჯებს დგამს და აზრის მაღალი პოეტური გამოხატვის ოსტატობასაც ჯერ კიდევ არ არის ნაზიარები.

გალაქტონის ცოდნა გარკვეულად შეზღუდულია. იგი უმთავრესად სკოლაში მოსმენილსა და შეთვისებულს ეყრდნობა. ეს კარგად ჩანს მოთხრობაში „გაზაფხული“. „ყმაწვილებო! მე მსურს ხელში სუნიური იათი მოგახართ ერთი რამ სასიხარულო ამბავი. სწორედ ისე, როგორც მთავარანგელოზმა გაბრიელმა ახარა მარიამს შვილის შობა. ეს ისე სასიხარულო იქნება თქვენთვის, როგორც მარიამისათვის გაბრიელის ხარება. ჩემში ეს ხარება ნიშნავს „გაზაფხულს“.

ამონაწერი ყურადღებას იპყრობს არა იმდენად სტილური დაუხვეწაობით, რამდენადაც შედარების თავისებურებით. მაგალითი ბიბლიიდან შემთხვევითი არაა. იგი გალაქტონის სულიერ სამყაროზეც მიგვანიშნებს.

ლიტერატურული გაელენა მძლავრად იგრძნობა ლექსში „საქართველო“.

*„რა რომ ვნახე შენი სახე,
კოკორ ვარდად გამოვსახე.
გრძნობა ისევ ამეუვაა,
გულს იმედი ჩავისახე“.*

აშკარაა აკაკი წერეთლის ლექსიკის, რიტმის, ხელწერის



კვალი. მთელი ღექსი აგებულია იმ ცნობილი მოდელის მიხედვით, რომელიც აკაკიმ დაამკვიდრა ქართულ მწერლობაში და რაც გულისხმობს სამშობლოს წარმოსახვას სატრფოდ, ნაწილობადაც ტყვედ და ა. შ. გალაკტიონის ამ ღექსშიც მამულს ვარდის სახითაა ნაწვენები. პოეტს სიხარული მოაკვარა ყვაილის ხილვამ, მაგრამ ეს სიხარული წამიერი გამოდგა.

*„საკვირველად მომჩვენა
 ეკლებს შორის ვარდის რხევა,
 თქვი, ნუგეშათ მომველინა,
 დაეხარე ძირს, მისკენა.
 დავაკვირდი და რას ვხედავ,
 თან შეუკვირე „ვაი, დედავ!“
 კოკობს გველი მოხვეოდა
 და ნაწილებს გლუჯდა, კენჭდა“.*

აკაკის ღექსებში ფინალი უმეტესად ოპტიმისტურია, გალაკტიონთან კი ეს არ შეინიშნება. არა გვეგონია, რომ ამ შემთხვევაში მსოფლმხედველობრივ ფაქტთან გვეკონდეს საქმე. ასეთი დასკვნის გაკეთების უფლებას იძლევა ღექსი „იმედი“.

გალაკტიონი ამ პერიოდში ა. წერეთლის უზარმაზარ გავლენას განიცდის. იგი დიდი მგონისსაგან სესხულობს არა მხოლოდ თემებს, არამედ სახეებს, ფრაზებს, ტონს და ა. შ. ეს იმიტაც აიხსენება, რომ გალაკტიონისათვის მახლობელია აკაკის პრობლემატიკა, საკითხთა წერეთლისეული გადაჭრა. აკაკი ლიტერატურული გემოვნების კანონმდებელია და გალაკტიონიც მის ფრთებქვეშ იზრდება.

დაუშთავრებელ მოგონებაში „აკაკის ნაკვალევზე“ გალაკტიონი წერდა: „მე ბავშვობიდანვე ღმერთს ვუდარებდი აკაკის. ეს აზრი თვით ჩემმა სოფელმა ჩამისახა, მშობლებმა, წიგნებმა“.

გალაკტიონისათვის უცხო არაა პატრიოტული მოტივი, მაგრამ ისიც უნდა ითქვას, რომ ეროვნული ტრაგედია ამჯერად ნაკლებ აქვს შეცნობილ-შეგრძნობილი. ყრმა პოეტი უშუალოდ ცხოვრებისეული გამოცდილებიდან როდი აკეთებს დასკვნას. მის ღექსებს ლიტერატურული შთაბეჭდილებები უღვეს საფუძვლად. ამ შემთხვევაშიც იგი ილიასა და აკაკის ბაძავს. ამის დადასტურებაა „იმედი“. ხსენებულ ღექსში გალაკტიონი გავრცელებულ ხერხს მიმართავს - ბუნებისა და ქვეყნის შეპირისპირებას. რაგინდ ბნელი დამე უნდა იყოს, წერს პოეტი, განთიადი მაინც დადგება, მაგრამ ის კი არ ვიცი, როდის გაუთენდება ჩემს მამულს:

„ნუთუ იქნება, წყვილიად
დიდ ნათლად გადაიქცევა
და მაშინ ვრი მომავალს,
ვით მუფვს, მიუვებება.

შევნატრი ამ დღეს, ნეტა მათ,
ვინც ამ დღეს მოვევლინება,
ტანჯული ივრძნობს შვებასა,
მზის სხივი მოეფინება“.

„საქართველოსა“ და „იმედის“ გვერდით გალაკტიონი წერს „განთიადს“, რომელშიაც ბუნების ნატურალისტური აღწერაა. მასში პოეტურ გააზრებას ფაქტთა ჩამოთვლა ცვლის. უფრო კარგ შთაბეჭდილებას ტოვებს „სიმღერა“, რომელშიც იგივე თემაა დამუშავებული. აი, სტროფი ამ ლექსიდან:

„ერთად გაბერეს გუდები,
სიმღერა იწყეს მტკბარია,
ყვინილა დიდურს ბანს აძღვეს,
იმას – თავტრელი ვარია“.

„ერთად გაბერეს გუდები“ უკვე სახეა, მხატვრული გააზრება. მსგავსი რამ თითქმის არ გვხვდება ამ პერიოდის ლექსებში.

როგორც ჩანს, ცხოვრებისეული შთაბეჭდილებები უმეტესად ერთ ფოკუსში იყრის თავს. ეს სკოლაა. გასაგებია, რომ მესამე კლასის შეგირდისათვის სასწავლებელი თითქმის ყველაფრის მომცველი სამყაროა, რომელიც აუად თუ კარგად, მის ცხოვრებას ავსებს და აპირობებს. ხაზგასახსმელია ისიც, რომ გალაკტიონი კრიტიკულად არის განწყობილი. ერთ ლექსში იგი აღწერს, თუ როგორ დაუგო მახე პატრა ნიკომ იეზუიტ მასწავლებელს და „გადააგდო დიდ წუმქეში“. ამით ავტორი თავის აქტიურ პოზიციას აშედავენებს.

დაუშთავრებელ მოთხრობაში „მიცვალებული“, რომელშიაც კარგად ივრძნობა გალაკტიონის დაკვირვების უნარი, ნაწვენებია ყმაწვილების ტანჯვა სკოლაში.

უშუალობითა და გულწრფელობით ხასიათდება „წერილი რედაქციის მიმართ“. გალაკტიონი გამოხატავს იმ აღტაცებას, რასაც მას „ნაკადულის“ ნომრები ჰგვრის.

„რომ მივიღე „ნაკადული“,
გადაეშალე ნელა-ნელი,
გულში ვივრძენ სიხარული,
სიყვარულით ვიწყე ცქერა.
ნახ ღიმილი მკერა ტუნხედ,
ხან ცვლიდა მას მწუხარება,

ხან მალხენდა მოთხრობები,

ხან ცრემლს მგერიდა სხვისი ვნება“

„ნაკადული“ გალაკტიონის უსაყვარლესი ურნალი იყო რომელსაც თავიდან ბოლომდე გატაცებით კითხულობდა. ამ ლექსში გამოხატული განწყობილებაც პირდაპირ გულისხმობს მოდის. „წერილი რედაქციის მიმართ“ არამც და არამც არ ნაითვლება ლიტერატურის შინის ნაყოფად. აქ უკვე გათავისებული მოვლენების კვალიფიკაცია მძლავრობს. სხვა საკითხია, როგორია ნაწარმოები მხატვრული თვალსაზრისით.

უფრო სრული წარმოდგენა რომ გვქონდეს 14 წლის გალაკტიონის შემოქმედებაზე, ერთ ლექსს მთლიანად მოვიტანთ:

„ნამი ბრჭყვიალებს

ობოლი - მწირი,

უფშტვენს, სისინებს

ნელი ზეფირი.

მაგრამ მე მაინც ვერ ვღირსებოვარ

იმ სიტკბოების წუთსა ნეტარსა,

რომლის ძალითაც გულს ძალა აქონდეს

და წინმსვლელობა - მოქმედებასა.

უსტვენს ტოროლა,

ვალობს ბუღბული.

გამეფებულა

მთლად სიხარული.

მე კი ვერ ვპოვე ვერა-რა ქვეყნად:

ვერც მივაგენი იმ ტკბილსა წამალს,

რომლითაც ეხლა მაინც ვიგრძნობდი

სიხარულსა და სიტკბოებასა!!

მზე სხივებსა აყენს

ნაზი, ნარ-ნარი!!

გაღვიძებულა

ტყე, მთა და ბარი!!

გულს მაინც ვერ-რა გამიხალისებს,

ვერც ამიტაცებს ტკბილი რამ გრძნობა,

როცა მომე მყავს უბედობაში:

მაშინ მმართებს კი მხიარულება?!”

თვალს თუ გადავაგვლებთ 1905 წლის ნაწერებს, შევამჩნევთ, რომ გალაკტიონი დღითიდღე იზრდება. ამის თქმის უფლებას გვაძლევს იელისში დაწერილი მოთხრობა „ყაჩაღები“. იგი მნიშვნელოვნად განსხვავდება წინა თვეებში შეთხზული ნოველებისა და მინიატურებისაგან. „ყაჩაღების“ სტილი დახვეწილია. ტიპები



გამოკვეთილი, მოქმედება ბუნებრივად ვითარდება. რაც მთავარი რენდენცია შენიღბულია, არ იგრძნობა ავტორის პუბლიცისტური წარწევა, რითაც საკმაოდ არის დადდასშული ადრინდელი მოთხრობები.

საბოლოო დასკვნების გამოტანისას უნდა გავითვალისწინოთ, ჯერ ერთი, ის, რომ 14 წლის ყმაწვილის შემოქმედებასთან გვაქვს საქმე. მეორეც, განხილული ნაწარმოებები ხელის ერთი მოსმით არის დაწერილი. გადახაზული სიტყვები და გადაკეთებული ფრაზები შემდგომი გასწორების ნაყოფი კი არ არის, არამედ — თხზვის პროცესის პირველი ეტაპის ბუნებრივი ნიშნები. აშკარაა, რომ ამ ნაწარმოებებს არ დაბრუნებია გალაკტიონი. ამიტომაც მათი შეფასებისას გარკვეული სიფრთხილე გეპართება. ისინი უმეტესად დამწვეები პოეტის ინტერესების სფეროს გასაცნობად გამოდგება და არა პოეტური ოსტატობის საჩვენებლად. ცხადია, ეს მაინც არ იძლევა უფლებას, ისინი კვალიფიკაციის გარეშე დავტოვოთ.

1905 წელს გალაკტიონი ძალზე გატაცებულია ბუნებით. ამაზე მეტყველებს ლექსთა სათაურებიც: „გაზაფხული“, „გაზაფხულის დილა“, „ზამთარი“, „განთიადი“, „მერცხალი“ და სხვა. საერთოდ, ნაკლებ ჩანს მარტოსულობის მოტივი. სუსტად იგრძნობა საკუთარი სულიერი სამყაროს მიმოხილვის აშკარა მცდელობა. „მეს“ კვლევის ტენდენცია. ლექსებში აღწერა დომინირებს და არა პოეტური განსჯა. გალაკტიონი მოწაფური ერთგულებით მიჰყვება კლასიკოსებს. ხშირად მათი ნაწარმოებების ვარიაციებს გვაწვდის. მაგრამ ამ შემთხვევაშიც იგრძნობა ნიჭი. ამგვარი ვარჯიში აუცილებელ წინა საფეხურად წარმოგვიდგება თვითაღზრდის და პოეტური წრთობის გზაზე.

ვერ ვიტყვით, რომ ამ პერიოდში თხზვა გარდუვალობით იყოს პირობადადებული, რომ გალაკტიონს სხვაგვარად არ შეეძლო. სულიერი ტკივილის გამგლავნება თითქმის არ იგრძნობა. უფროე ეს არის ვარჯიში, რომელიც დიდ სიამოვნებას ჰკვრის ავტორს. გალაკტიონი წერს არა იმიტომ, რომ სათქმელი დაუგროვდა. არამედ სხვა მიზნით. ზოგჯერ დავალების შესრულებასაც კი ჰკავს მისი მოქმედება. სქელ რეკულში, რომელშიც დაფიქსირებულია განხილული ნაწარმოებები, კითხულობთ: „9 ოქტომბერს, როდესაც ქუთაისში ვიქნები, უნდა დავწერო საბავშვო კომედია „მეგობრები“, რომელშიც უნდა გამოვხატო ერთმანეთის სიყვარულობის ძალა, ერთი რომელიმეს დაჩაგვრა რა შთაბეჭდილებას ახდენს ბავშვზე და სხვები... წიგნი უნდა იქნეს აკაკის „საყმაწვილო ამბების“ ტოლი, 45 ფურცელი და

სივრცით „საყ. ბაღის“ ოდენა“. მეორეგან ჩანიშნულია: „უნდა დაეწერო ხუთმოქმედებიანი ტრაგედია „ქრისტეს მცნებანი“ სისქით მსგავსი „მნათობის“, იმავე სივრცით და სიგანით, 180 გვერდიანი“.

ეს არ უნდა იყოს დიდი განსჯიდან მომდინარე ლოგიკური მზადყოფნა, ყოველმხრივ გააზრებული თემის დამუშავების სურვილიტკივილის მომგერელი განცდებისაგან განთავისუფლების ცდა. პატარა ვალაკტიონისათვის, როგორც ჩანს, მთავარია წეროს და წეროს, რაც შეიძლება ბევრი. ამგვარ სურვილს კარგი შედეგი მოსდევს. ყმაწვილი თანდათან იმორჩილებს კალამს, იურვებს სიტყვას, ეუფლება ნაწარმოების აკების წესებს. უახლოვდება დიდი სამყაროს კარიბჭეს.

ახლა თვალი გავადევნოთ 1906 წლის ნაწერებს. ვალაკტიონი უბრუნდება პოეტის დანიშნულების საკითხს. იგი ძველ ხაზს აგრძელებს, მხოლოდ ცალკეულ დეტალებს ახუსტებს. ამჯერად სიმართლისათვის ბრძოლა იწვევს წინა პლანზე. ამასთანავე პოეტობა გამოცხადებულია „ცის ნიჭად ცხოველ-მყოფელად“ („კალამს“). მთლიანად მოვიტანთ „მუზას“.

*„არ მხურს ამ ქვეყნად მე არც სიმდიდრე,
და არც განცხრომა, ტკივილი ცხოვრება,
მხოლოდ კი გვედრი შენ, ჩემო მუზავ,
მომცე სიმტკიცე, მომცე მხნეობა!..
მომეცი ძალა, რომ ბასრის კალმით
ვეიცხო საიციხი და საძაგები
და პირუთვნელად ვამხილო მწარე,
სიბოროტე და თვით ბოროტება!
სანატრელია, რომ შეიმუსროს
ეს ჯოჯოხეთი (ცხოვრება მწარე)
და არ ვინადვლი, მუზავ, თუ ხვედრი
ჩემი იქნება ცივი სამარე“.*

1906 წლის ლექსებში მეტი სიღრმე და დაკვირვება შეინიშნება. უკვე მკაფიოდ იგრძნობა არა ფაქტებიდან, არამედ ფაქტებისაკენ სვლა. ამბავი, დეტალი მოხმობილია კონკრეტული იდეის დასასაბუთებლად.

საგულისხმო დასკვნისაკენ გვიბიძგებს იდენტური სათაურების მქონე ლექსების „ქრისტე აღსდგა“ შეპირისპირება. ერთი დაწერილია 1905, მეორე კი – 1906 წ. პირველში მხოლოდ და მხოლოდ ბუნების სურათია დახატული. აღდგომა სამყაროს გარეგნულ ფერიცვალებას უკავშირდება:

„აღდგომაა!.. ხარი გმინავს,

ხალხი ტაძარს ეშურება.

განთიადიც ფერად დროშით
ნელად, ჩუმად ახლოვდება.

აღებულა მინდვრად თოვლი,
მიწა გათბა, გადადარდა.

ავიწევიმდა მახლობლად ტყე:

– ქრისტე აღსდგა! ქრისტე აღსდგა!

ქა, იღვიძებს დედამიწა,

ბუნებაშიც გაიბადრა.

მალლა მთებშიც შექმნეს დრეკა:

– ქრისტე აღსდგა! ქრისტე აღსდგა!

მოგვაშუქა გაზაფხულმა,

მინდორ-ველი შეფერადდა,

ყმაწვილებო, მოგილოცავეთ:

– ქრისტე აღსდგა! ქრისტე აღსდგა!

მეორე ლექსში იგრძნობა ფაქტის ორიგინალური გააზრება. აღდგომა საბაბია იმ იღვალუბის გამოსახატავად, რომლებიც ჭაბუკს ხიბლავს:

„ის გვაგონებს არ ქვეყნიურს

საოცნებო კუთხე-მხარეს,

სადაც უძღურ-დაცემულ ზედ

მტავრალთ გუნდი არ ხარხარებს.

სადაც თანასწორობაა,

არ იციან მტრობა, შური

სადაც ერთად იმყოფვიან

ღონიერი და უძღური“.

ეს არსებულის კრიტიკა და დაკვირებაა. აშკარაა, რომ პოეტს სათქმელი აქვს. გადადგმულია ნაბიჯი წინ. ბუნების სადა და გულუბრყვილო აღწერიდან „წყველა-კრულვიანი“ საკითხის განხილვამდე მივდივართ.

ეროვნული პრობლემისადმი ინტერესი არც ამ წელს განუღებია გალაკტიონს. ამაზე მეტყველებს „შემოდგომა“.

„გარდაიცვალა ბუნება,

აკუნესდა მთა და ბარია,

მაგრამ სამშობლოს კუნესა კი

სხვებთან რა შესადარია?“

ანალოგიური სულისკვეთებით არის დაწერილი „სულიკოს ხმაზე“, მაგრამ რაიმე პრინციპული სიახლე ძველი თემის გაშუქებისას არც ამჯერად იგრძნობა.

1906 წელს წნდება ახალი მოტივი, ბრძოლის მოტივი. პოეტი



ბალაბტიანი – სასულიერო სასწავლებლის
მოსწავლე

შინაგან ძალას შეიცნობს და „ცის ფრინველის“ წინააღმდეგ აღსდგება. ეს უკვე იმაზე მიგვანიშნებს, რომ გალაკტიონი საკუთარი ხულის სიღრმეებისაკენ იღრმის, თავისი არსებობისა და მოვალეობის გარკვევას ღამობს. „ხმის ძალა“ სწორედ ამ ტენდენციით გამოირჩევა. ეს ხაზი შემდეგ ღრმავდება და წამყვან ადგილს იკავებს.

ეპოქა, რევოლუციური ატმოსფერო გავლენას ახდენს გალაკტიონზე. ძნელია იმის თქმა, თუ რა სიღრმით აქვს გათავისებული სოციალური საკითხი, მაგრამ ფაქტი ფაქტად რჩება, რომ ლექსთა დიდი ნაწილი ამ პრობლემას ეძღვნება.

„ღამეში“ წარმარტებით არის გამოყენებული ძველი ხერხები. ბუნების სურათი შესრულებულია 14 წლის გალაკტიონისათვის ჩვეული მანერით, მაგრამ ამჯერად უფრო მძაფრად ვლინდება შეპირისპირება. მშვენიერი ღამე არ ატკობს პოეტს, პირუკუ – ანაღვლიანებს კიდევ, რადგან

*„თვალწინ მიდგება ჩვენი ცხოვრება,
მახთან ვადარებ და მისთვის ვტირი.
სატირალია ჩვენი ცხოვრება –
დაცემული და ყოვლად წამხდარი“.*

ლექსში „სიკვდილით დასასჯელის აღსარება“ გალაკტიონი გვიხატავს თავისუფლებისათვის წამებულ რაინდს, რომელიც შეუპოვრად ებრძოდა ბოროტებას, „მოსარჩლე იყო ჩაგრულებისა, დაცემულ მოძმის მწე და მფარველი“. ავტორი მისაბამად სახავეს ამგვარ ვაჟაკს, რომლისთვისაც უცხოა შიში და გულგატეხილობა. იგი თამამად ადის სახრჩობელაზე, რადგან იცის, რომ კეთილ საქმეს ემსახურებოდა და მის მიერ ჩაბნეული თესლი ნაყოფს გამოიღებს.

*„ამხანაგებო! უკანასკნელად,
ნება მომეცით, გითხრათ, „მშვიდობით“
და მომიგონეთ მაშინ, როდესაც
გამარჯვებული ყველა იქნებით“.*

„ალავერდში“ გალაკტიონი კვლავ უბრუნდება ამ თემას. პატივისცემით იხსენიებს დაღუპულთ და ერთგულებისაკენ მოუწოდებს თანამებრძოლებს.

*„არ შეგეშვენის, დიდ მოძღვრებას
აეუძციოთ ყველამ გვერდი.
სიტყვა მივცეთ, ერთმანეთს არ
ვუღალატოთ! – ალავერდი“*

შეიძლება ითქვას, რომ ამ პერიოდის თითქმის ყველა



ღექსი ოპტიმისტურია, განათებულია უკეთესი მერმისის შუქით.

„სიმღერაში“ პოეტი ამბობს:

*„ეგრე შემაშინებს ეგ შენი
მოუსვენარი ღრიალი:
მოვა დრო, ყველას გარდაქმნის
გაზაფხულისა ციალი“.*

აღსანიშნავია ისიც, რომ პოეტი საბრძოლო განწყობილებით აღანთებს საზოგადოებას:

*„მაგრამ ოცნება არ კმარა, ძმებო!
დროა, რომ საქმეს მიუყოთ ჩვენც ხელი,
და, რა გგონიათ, არ დაიძლევა
მუდამ ძლიერი და უძლეველი?“*

საერთოდ, მაკორუელი განწყობილება მძლავრად იჩენს თავს ამ პერიოდის ნაწერებში.

ამრიგად, 1906 წელს გალაკტიონის შემოქმედებაში ჩნდება ახალი მოტივი, მეტად აისახება რეალობა, მაგრამ პოეტი მაინც გაკვაღული გზით მიდის. ჯერჯერობით არაფერი ავლენს მის გენიოსობას და მწერლობისადმი თავგანწირვას. ერთადერთი, რაც თვალში საცემია, ეს არის შეუნეღებელი და გამუდმებული შრომა, ლიტერატურაში ჩანთქმა.

გალაკტიონი 1907 წელსაც ბევრს წერს, თვეში დაახლოებით 10-15 ღექსს. მათი უმეტესობა, როგორცაა: „ჩემს სამშობლოს“, „აღსდგე ჩაგრულო“, „ჩანგო“, „იაპონია“, „რუსეთი“ და სხვ. მხატვრულად სუსტია, თუმცა აქტუალურ თემებს ეძღვნება. ამ ნაწარმოებებშიც სამშობლოს სიყვარული და ხალხთა ბედნიერებისათვის ბრძოლის სურვილია გამჟღავნებული. დანაგრული მამულის ხილვა სვედით ავსებს ჭაბუკ პოეტს. იგი იმედს გამოთქვამს, რომ საქართველო მალე გამოფხიზლდება და გააფანტავს ბურუსს. გალაკტიონი ბევრ საკითხს ეხება, მაგრამ ისიც უნდა ითქვას, რომ მას ჯერ კიდევ არ აქვს ერთიანი მყარი კონცეფცია. მისი მსოფლმხედველობა ფორმირების პროცესშია. იგი ზოგჯერ ურთიერთ საწინააღმდეგო აზრებსაც კი გამოთქვამს. ერთ შემთხვევაში თუ ბრძოლის მოთხოვნით გამოდის, მეორე შემთხვევაში მოთმინებისა და მიტევების თეზისს ავითარებს. ღექსში „ილ. ჭაუჭავაძის ხსოვნას“ იგი ამბობს:

*„მაგრამ, მკვლელი, არ მომკვდარა,
არ მომკვდარა სული მგონისის
მოგიტყუებს ვით ავაზაკს,
მოგეხვევა, გადაგკოცნის!“*

აქ შედგენდება საზოგადოების ერთი ნაწილის განწყობა. როგორც ცნობილია ოღლა ჭავჭავაძემ თხოვნით მიმართა თბილისის გენერალ-გუბერნატორს: „სამხედრო სასამართლომ სიკვდილით დასჯა გადუწყვიტა ჩემთვისა და მთელი საქართველოსათვის ძვირფას ილია ჭავჭავაძის სამ მკვლელს. სიცოცხლეში ჩემმა ქმარმა მთელი თავისი ხულიერი ძალ-ღონე, ღვთის მიერ მასზე მოვლენილი მაღალი ნიჭი შესწირა ადამიანის სულში ადამიანურ გრძნობას, კაცთა შორის სიყვარულის განმტკიცებას. მე დრმად მრწამს, დღეს რომ ჩემი ქმარი ცოცხალი იყოს, შეუნდობდა იმათ, რომელთაც სასიკვდილოდ გაიმეტეს იგი, და თავის უბედურ გზა-დაბნეულ ძმებად მიიჩნევდა. დღეს კი ჩემი ქმრის ხსოვნა საქართველოს ერის ხულიერ ცხოვრებაში იმის მკვლელთა სიკვდილით დასჯით დაიხრდილება. ეს საზარელი სასჯელი დაარღვევს იმ ღვაწლს სიყვარულისას, ცხოვრების მასწავლებელ ქრისტეს იმ საუკუნო მცნებას, რომლითაც ცოცხლობდა ჩემი განსვენებული ქმარი. მოვმართავთ თქვენ გულწრფელისა და მხურვალე თხოვნით: ნუ დაამტკიცებთ სასამართლოს განაჩენს ამ უბედურთა სიკვდილით დასჯის შესახებ. თვით მე მხოლოდ შემთხვევით გადავრჩი სიკვდილს ჩემი ქმრის გვერდით და თითქო მხოლოდ იმისთვის დავრჩი ამ სოფლად, რათა დავაბოლოო ის ღვაწლი კაცთა მიმართ მხურვალე სიყვარულისა, რომელსაც ჩემმა ქმარმა მთელი თავისი სიცოცხლე შესწირა - შეუნდო იმ უბედურ, გზადაბნეულ მოყვასთ, რომელთაც თვით ის შეუნდობდა. ჩემი დღეები დათვლილია. ამჟამად თქვენგანაა დამოკიდებული მოიქცეთ ისე, რომ სიცოცხლის აღსასრულის ეამს ვიგრძნო უმაღლესი ნეტარება, რომელსაც ადამიანის სულს ძალუძს მიაღწიოს ამ წუთი-სოფელში, - შეერთება ღმერთთან, რომელიც განიცადა ქრისტემ, როცა, ჯვარზე განთხმული, სიკვდილის ეამს, ღვთიურ სიყვარულის შუქით განათებული, ვვედრებოდა შემოქმედს შენდობას იმის მტრებისას, რამეთუ - „არა იციან რასა იქმან!“¹

ეს თხოვნა დაიბეჭდა 1908 წლის 13 დეკემბრის „დროებაში“. გალაკტიონის ღუქსი კიდევ უფრო ადრეა დაწერილი. მაგრამ გამორიცხული არ არის, რომ საზოგადოებისათვის ადრევე ყოფილიყო ცნობილი ოღლა ჭავჭავაძის განზრახვა, სურვილი და გალაკტიონიც თანაუგრძნობს დიდი მწერლის ქერივს.

სხვათა შორის, ოღლა ჭავჭავაძის თხოვნას აღტაცებაში მოუყვანია ღუქ ტოლსტოი. ხოლო მწერალ ივანე გორბუნოვი-პოსადოვის ამასთან დაკავშირებით სპეციალური სტატიაც

¹ გაზ. „დროება“, 1908, №22.

კი დაუბეჭდავს „რუსსკიე კედომოსტში“ – „სანათლე აღმოსავლეთიდან მოდის“.

ჩვენს ყურადღებას განსაკუთრებით იმსახურებს ისტორიკოს-რომლებშიაც ღირიკული გმირის ვნებათაღელვა შედარებით ვრცლად წარმოჩინდება. წინა პერიოდის ნაწარმოებებში პოეტის განცდები უმეტესად მიჩქმალული იყო. მოვლენების აღწერას, ვითარების ჩვენებას ეთმობოდა მთავარი ადგილი. ამჯერად კი გალაკტიონისთვის საინტერესოა არა ფაქტი თავისთავად, არამედ ამ ფაქტიდან მომდინარე შთაბეჭდილება.

მეორე სიახლე ისიცაა, რომ სვედის თუ ტრაგიკული განწყობის მიზეზად, სოციალური ან ეროვნული უბედურების გარდა, გამოცხადებულია სხვა, ეთქვას, შინაგანი, ფილოსოფიური მომენტები. ამ მხრივ საუბრაოდ უნდა ჩაითვალოს „მაისის ღამე“. აქ პირველად გამოშვლავნდა შედარებით მკაფიოდ ის მოტივი, რომელიც შემდეგ წამყვან ადგილს იკავებს გალაკტიონის შემოქმედებაში:

*„მიყვარს მე ღამე, ჩემის ფანჯრიდან
ცქერა, თუ როგორ კრთის ცაზედ მთვარე,
როგორ ბრჭყვიალებს იმისი გვერდით
ვარსკვლავი ეშხით – სახე მკრთოლღვარე...“*

დასაწყისი თითქოს ახალს არაფერს გვიპირდება. მომდევნო სტროფებშიც გრძელდება ბუნების სიმშვენის აღწერა და მისით ტკობის სურვილიც არის გამოხატული:

*„მაგრამ არამც თუ აღარა ვტკბები,
პირიქით, ვტირი ვარემოებით,
სულ სხვა ფიქრები მიდგება თვალწინ.
არ მახალისებს მაისის ღამე,
და მსურს ვიტორო, ვიტორო შედამ,
ვიტორო ის დროც, რა დროც კი განველე!“*

აქ უკვე მინიშნებულია, რომ გალაკტიონი თავისი წარსული ცხოვრების განხილვით ინტერესდება, საკუთარი სულის ხიდრმეში იძირება; სვედის არა ვარგულ, არამედ შინაგან მიზეზებს ეძებს.

1907 წელს გალაკტიონმა რამდენიმე პიესა დაწერა, რომელთაგან ყველაზე ღირებულია ორმოქმდებიანი „სურათები ცხოვრებიდან“. სხვათა შორის, იგი სცენაზეც წარმოადგინეს. გალაკტიონს დღიურში ჩაუწერია: „გუშინ, 30 მარტს, ჩემმა ამხანაგებმა გ. მიხელიძემ, ა. დვედარიანმა, ვ. გოგოძემ, მ. ყოფშიძემ,

¹ ა. გაწერელია, რჩეული ნაწერები, I, 1962, გვ. 563.

3. ჩარკვიანმა და სხვებმა წარმოადგინეს ჩემი „სურათები ჩვენი ხალხის ცხოვრებიდან“. სპექტაკლი საშუალო დონისა იყო. ძალიან კარგი იქნებოდა, ამხანაგებს რომ არ ეცინათ როლების შესრულებისას და ეთამაშათ გენადი მიხელიძის მსგავსად!

ჩანს, სასწავლებელში გალაკტიონს მწერლად იცნობენ. მისი ნაწარმოებებით ინტერესდებიან, კითხულობენ, დგამენ...

„სურათები ცხოვრებიდან“ ურიგო შთაბეჭდილებას როდი ტოვებს. მდიდარი ვაჭრის – გაბრიელის სახე ნამდვილად დასამახსოვრებელია. ეს პერსონაჟი ინდივიდუალური ნიშან-თვისებების მატარებელია. როგორც ხათაური მიგვანიშნებს, პიესაში თანამედროვე ცხოვრების სურათებია წარმონეწილი, კერძოდ, რევოლუციის ეპოქა ასახული.

გაბრიელი არ თანაუგრძნობს სოციალ-დემოკრატებს. აღშფოთებულია მათი მოთხოვნით: „ძირს თვითმკვრობელობაო“. „გაიძახიან ხელმწიფე არ გვინდა და ღმერთი არ გვინდაო. შეიგენით, შევილო, შეიგენით, რომ ხელმწიფე მიწიერი ღმერთია. აბა, მოთხარით, რა იქნება უხელმწიფოდ, რა?!“ – ეუბნება გაბრიელი შეილეს: იასონსა და თამარს, რომლებიც აჯანყებულებს თანაუგრძნობენ. გაბრიელი ძველი ყაიღის კაცია. მისი აზროვნება და მსჯელობა ტიპურია.

მდიდარ ვაჭარს ბინაში შეუვარდებიან ყანალები, ვითომ სოციალ-დემოკრატები. მოკლავენ გაბრიელს და გამარცხავენ ოჯახს. საბოლოოდ ირკვევა, რომ მომხრუნნი რევოლუციონერები არ ყოფილან.

რატომ აირჩია გალაკტიონმა ეს თემა? მწერალს სურს ხაზი გაუსვას იმ გარემოებას, რომ ქვეყნად ანარქია სუფევს. სოციალ-დემოკრატთა სახელს ბევრნი ეფარებიან და დიდი ზიანიც მოაქვს საზოგადოებისათვის.

ცოტა მოგვიანებით გალაკტიონი წერს ესკიზს: „ძველი და ახალი მებრძოლები“, რომელშიაც რევოლუციის თემას უბრუნდება. მას აღვლევს ის გარემოება, რომ ზოგიერთები მიეტმასნენ აჯანყებულებს, რათა ამღვრულ წყალში თევზი დაეკრათ. რევოლუციის დამარცხების შემდეგ ისინი ხალხს განუდგნენ. გალაკტიონი სატირულ ფერებში გვიხატავს ასეთ პიროვნებებს. ესკიზს მოვიტანთ მთლიანად.

ძველი და ახალი მებრძოლი

„მაშინ, როდესაც აბობოქრებული ზღვა – ცხოვრება თავისი კალაპოტიდან გადმოიქექვას ღამობდა, უკვე გამარჯვებულად ითვლებოდა, მაშინ...“

სოფელში ყრილობა იყო. ტრიბუნაზე ხმამაღლა ახალგაზრდა გლეხი დაპარაკობდა:

- აირჩიეთ წარმომადგენელი.
- შენ, შენ წარმომადგენლად!
- იყავი შენ! - არეულად ზრიალებდა ხალხი.

- მაშ, ვიქნები მე... მე მრწამს, რომ პირნათლად შევასრულებ ჩემს მოვალეობას - ვუმსახურები ხალხს, ვიქნები მებრძოლი სიმართლისათვის. ვერ უშმაშინებს ვერავითარი დაბრკოლება, ვერც ჩვენგან უკვე დამონებული ძალა. წინ, წინ! ამხანაგებო! მიუხედავად თავისუფლებას! - გრძნობით ათრთოლებული ხმით დაპარაკობდა ორატორი.

მაგრამ მოულოდნელად ბედის ხარხი უკუღმა გადატრიალდა. დამონებული დამშონებლად გადაიქცა.

ეხლა სოფელში „ერთობის ხალხის“ უმეტესი ნაწილი რეაქციონერებად გადაიქცნენ, რაკი დაინახეს, რომ გამარჯვება იქით მხარეზეა. აბუზღებენ ხალხს მთავრობასთან. შეუღლიან მათს დაჭურაში და უშეტესად კი თვითონაც არბევენ ხალხს, რადგანაც ზოგიერთნი მათგანი სტრაჟნიკებად ეკურთხნენ.

სად არის ეხლა ჩვენი ნაცნობი ორატორი - გლეხი, ანდა დაიცვა მან თავისი სიტყვა - იყოს ხალხის მომსახურე და სიმართლისთვის მებრძოლი? - დიას, შეასრულა მან თავისი სიტყვა - იგი სტრაჟნიკია, ის ემსახურება ხალხს და იცავს სიმართლეს. როგორ, რანაირად?

აგურ ხალხი შეგროვილა აფიცრის ბრძანებით - მაგრამ, რადგან თვითონ ის არ არის, მის მოვალეობას ჩვენი ნაცნობი ორატორი - წარმომადგენელი ასრულებს.

- თქვენ, ვი, ვირებო! მოგვეცემთ თუ არა დღესვე გადასახადს?
- ხალხში ჩოჩქოლია.

- რას გაჩუმიდით მა? მხეცებო! - ღრიალებს სტრაჟნიკი.

- კი, ბატონო, მოგართმევთ, მოგართმევთ, მაგრამ დღეს კი ვერა, ცოტა მოგვითმინე და...

- როგორ? მაშ დღესვე არ იძლევი? ნუთუ თქვენ იმასაც არ მადლობთ მთავრობას, რომ ცუდი კაცები მოგაშორათ, არა ხართ მისი მადლობელნი?

- კოი, უმეცარხო, ვირხო! რად არ გვაძლევეთ გადასახადს! კო,



ვნახოთ, ვნახოთ!

— კი, შენი ჭირიმე, მარა...

— გაჩუმდით, ვირებო! მე თქვენ განვენებთ სეირს, ეხლავე წამოიძახა სტრაჟნიკმა და მათრახი ხელში შექმარდა. მას მიბაძეს სხვა სტრაჟნიკებმა და... ცხელ-ცხელი მათრახები ხალხის ზურგს.

სტრაჟნიკი კი ახლაც დარწმუნებულია, რომ თავისი სიტყვისათვის არც კი უმტყუნებია. ის ემსახურება ხალხს... იმგვარად თუმცა არა, მაგრამ აღფრთოვანებულ მოწოდებას განა უცერად მოქნეული მათრახი არა სჯობია?

„ასე ჩემო მანახო,

ხან ისე და ხან ასეო!“

იმასაც დაესძენთ, რომ გალაკტიონი თვითმკვრობელობის დამხობის მომხრეა. ამიტომ უჭერს მხარს რევოლუციონერებს, მაგრამ ბევრ რამეში ჯერ კიდევ ვერ გარკვეულა. რევოლუციონერთა ცალკეულ

აქციებს არცთუ ალტაცებით ხედება, პარტიული ბრძოლისაგან შორს დგას.

1908 წელსაც გალაკტიონი არსებითად სოციალური და პოლიტიკური საკითხებით არის გატაცებული. რევოლუციის დამარცხებას სრულიადაც არ გამოუწვევია განწირულების ტრაგიზმი. ფაქტები დადასტოვებენ, რომ იგი ოპტიმისტურად არის განწყობილი. გალაკტიონს რევოლუციის დამარცხება დროებით მოვლენად მიაჩნია. სწამს, რომ საბოლოოდ თავისუფლება გაიმარჯვებს, მაგრამ ამისთვის საჭიროა ბრძოლა, მსხვერპლის გაღება.

ლექსში „ბარიკადაზე“, რომელიც იანვარშია დაწერილი, ის ამბობს:

„მეგობრებო, თვით განგებამ

ბედისწერად დაგვახატა,

რომ ჩვენ სისხლით შეიღებოს

დახლართული ბარიკადა!

დეე, მოგვხედეს გულში ტყვია...

მოგვეღება მისით ბოლო,

მაგრამ მაინც ასრულდება

ჩვენი რწმენა და სიმბოლო!

რომ ასრულდეს, რაც განგებამ,

ბედისწერამ დაგვახატა:
შვილებოს, შვილებოს,
ჩვენი სისხლით ბარიკადა!”



ამავე თვალსაზრისს ავითარებს გალაკტიონი 20-ეტი წლის
დათარიღებულ ლექსში „მაშ...“

„ნუ, ნუ დაკარგავთ სასოებას,
გრწამდესთ მოშავლის სახე დიადი,
და მხოლოდ მაშინ ჩვენ მოგვაშუქებს
მზე შექქლიერი და განთიადი“.

პოეტი ხაზგასმით აღნიშნავს, რომ ცხოვრებას იღვა აძლევს
ფერს და სიძლიერეს. მის გარეშე დიდი საქმე ვერ გააკეთდება.
ამიტომაც მოუწოდებს რევოლუციონერებს რწმენის სიმტკიცისა
და შეურყვნელობისაკენ.

პატრიოტულ თემაზე დაწერილი ლექსი უფრო სვედიანია,
მაგრამ არა ტრაგიზმის გამომხატველი. სრულად მოვიტანთ 20
აგვისტოს შეთხზულ „სიმღერას“:

„მთილამ ისმის შესაზარი მწუხარე ხმები.
მუდამ გულს ატოკებენ მათი პანგები,
დადუშებით იაღბუზი ყურს უგდებს იმ ხმებს
და ის კენესა მას საეხებით შორს, შორს
იტაცებს.
აგონდება მას წარსული დიდება ძველი,
აგონდება დაკარგული წმიდა სახელი,
გაფრენილი სიტკბოება და გაზაფხული.
სადღა არის ის სიცოცხლე და სიხარული!“

ნაცვლად ისმის შესაზარი, მწუხარე ხმები.
ოჰ, რარივად ატოკებენ გულს ის პანგები.
ცრემლითა და სისხლის ღვარით მორწყულა
მღვლო,
დატანჯული ითხოვს შევლას, კენესს
საქართველო“.

ეს სვედიანი განწყობილება სასოწარკვეთაში როდი იზრდება.
გალაკტიონს სწამს საქართველოს უკეთესი ხვედრი. ეს შკაფიოდ
გამოვლინდა ივნისში დაწერილ ესკიზში: „Дорогая родина! Нет, не
все потеряно! Грузия еще восстанет. Да, она станет такою же Грузиею,
каковой она была несколько веков тому назад! Да, не все потеряно!
Когда-то скажем образованные сыны: Да здравствует освобожденная
мать, родина Грузия!“



დახასრულს შეუწერდებით კიდევ ერთ ლექსზე:
*„ნუ მეუბნებით, რომ ფრთები
 შექვეყნო აღმა-ფრენასა.
 ნუ, ნუ მაგონებთ მგოსანსა
 მომავალს ჭირს და ხნებასა.
 თვით ჩემი ჭირიც და ღხინიც
 ოცნებაშია ხართული;
 შენატრის აღმა-ფრენასა
 ჩემი გონება და გული.
 მაშ რას შევსცქირო იმედით?
 ვუმღერო ბოროტებასა?
 ვხედავ მას, მაგრამ ოცნება
 სულს ურწყევნია მგოსანსა“.*

დიას, ამ ოცნებით ცხოვრობს გალაკტიონი. როგორც მოგვიანებით იტყვის: „ეპოქის გედი ოცნებას მღერის გაბუდითებით“. რა ხდება მომდევნო წლებში, რა აპრობებს მის ტრაგიზმს? ვიდრე ამას გაეარკვევდეთ, ერთხელ კიდევ გადავავლოთ თვალი განხილულ მასალებს.

ჩვენ საგანგებოდ გაავამახვილეთ ყურადღება გალაკტიონის ადრინდელ ნაწერებზე. ისინი დღემდე შემორჩენილი არ ყოფილა სამეცნიერო მიმოქცევაში. უფრო მეტიც, აბსოლუტურად უცნობი იყო საზოგადოებისათვის. მათი გათვალისწინება კი აუცილებელია მწერლის შემოქმედებითი ზრდისა და ფორმირების დასადგენად.

მასალათა ანალიზს იმ დასკვნამდე მივყავართ, რომ გალაკტიონის ადრინდელ შემოქმედებაში ადვილი არ ჰქონია თვისებრივ ნახტომებს. თანდათანობითმა ზრდამ მიიყვანა იგი შთამბეჭდავ შედეგებამდე. ცნობილ თემებს თავდაპირველად დიდი წინაპრების – ილიასა და აკაკის წაბაძვით ამუშავებს. მაშასადამე, ჯერ კიდევ ვერ გაურღვევია შეგირდის არტახები, მაგრამ მგოსანი დღითიდღე იზრდება, ახალი მოტივებითა და თემებით ინტერესდება, სინამდვილის მოწაფური აღქმიდან სამყაროს არსისა და პიროვნების ფუნქციის განხილვამდე მიდის. უპირველეს ყოვლისა, საკუთარი სულის სიღრმეებში იხედება და, აქედან გამომდინარე, ცდილობს ადამიანის ურთულესი ბუნების დახასიათებას.



დამთავრდა სასულიერო ხასწავლებლის წლები, ცხოვრების კიდევ ერთი ღამეაში მონაკვეთი.

თვანტებიან ძველი ამხანაგები. უკან რჩება პატარა და წყნარი ქუთაისი. წინ დიდი და მშფოთვარე თბილისია. „ქუთაისო! მშვენება

შენი, არ ვიცი, თუ კიდევ გამახასლიხებს. ჩემო ტურფა აღმზრდელი,
იცი შენ ჩემი მდგომარეობა? გეხმის შენ ჩემი გულის ტკვერა?
დაგშორდი, მაგრამ ნუთუ სამუდამოდ".

მშობლიურ ქალაქთან განშორება მძიმეა. სული ტირის...
თბილისიც ანდამატივით იზიდავს.

პოეტური წვრთნის პერიოდი თითქმის გასრულდა და დაღვა
დრო მწერლობის კარის შეღებისა.

„მოვა ახალი სმენა აქარიშხლების მძაფრის,
სულ ადვილია რწმენა, აუხდენელი ზღაპრის“.

~~შენი~~ შენი
შენი წყვილი უნდა გაიყინოს შენთვის 1981
ქალი სიბნელის
კაპობიანობის დაქვემდებარება
ლოპუნიანი სიყვარულია იქნება შენ.
შენი წყვილი შენე უნდა, მოსწონს ქვეყნ
ქვეყნის სიყვარული
შენი წყვილი სხვა მტკიცე გრძელ, სიყვარული.
მ. ქაიკვაძე

¹ გ. ტაბიძე, თხზ., ტ. II, გვ. 182.

„ღმერთო, რად გამაჩინე!“

„ათოუდა ზამთრის ბაღებს,
მიქონდათ შავი ქურო,
და შლიდა ბაირაღებს
თმაგაწეწილი ქარი“.

გალაკტიონი

1908 წლის სექტემბრიდან გალაკტიონი თბილისის სემინარიის მოსწავლეა. იწყება ჯამი დიდი შთაბეჭდილებებითა და მძაფრი განცდებით, თვალისმომჭრელი წარმატებებითა და სასტიკი მარცხით...

თბილისში სწავლის გასაგრძელებლად ჩამოსული გალაკტიონი ერთხანს ნაძალადევიში ცხოვრობდა. სადგურის მახლობლად დედის შორეულ ნათესავს, — რკინიგზის მუშას, — უბადრუკი ქოხი აქონდა ხელისგულისოდენა ბაღით. გალაკტიონიც ამ კაცს შეეკედლა.

საქართველოს უპირველესი ქალაქის მისეული შეცნობაც აქედან იწყება. ახლა ძნელია იმის დაზუსტება, თუ როგორი იყო ყრმა პოეტის განცდები. მაგრამ ერთი რამ ცხადია, ნაძალადევი თვალსაჩინო

ანაბეჭდს გააკეთებდა მგრძობიარე ყმაწვილის სულ შეყმაწვილისა, რომელმაც ცოტა მოგვიანებით გაბედულად განაცხადა:

„და ვით ქრისტემ გალილა აირჩია,
მე ტფილისი ავირჩიე ბებერი“.

ერთხელ გალაკტიონმა საგანგებოდ დამათვალისწინებინა ხსენებული ადგილი, თან უცნაური ამბავი მომითხრო. მის ნათესავს თურმე ეკონომიკურად ძლიერ უჭირდა და მუდმივი პენსია რომ მიეღო, ჩარხს თითები მოაწვევტინა. ამ ამბავს გალაკტიონი ისე ყვებოდა, თითქოს ტყავზე ჩამოკონწიალებულ, გასისხლიანებულ და დაჩეხქვილ მტკვანს შეკურებსო. ყვებოდა ძრწოლვით და თვალბეჭდში ჩამღვარი უზომო შიშით.

ეს ფაქტი იმიტომაც გავიხსენე, რომ იგი მკაფიოდ აელენს წარსულისადმი გალაკტიონის დამოკიდებულების სპეციფიკას. ზოგი წარსულს ფერფლგადაყრილ სინამდვილედ აღიქვამს და მისადმი რეაქციაც გრძობათა ხელახალ გადავივებას კვავს. გარდასულისადმი მიმართება წარსულში არსებულ გრძობათა გახსენებას არ სცილდება. ე. ი. ფაქტისა და მისგან მომდინარე განცდების დახასიათება შორი დისტანციიდან წარმოებს, უფრო ზუსტად, მათი აღდგენა ხდება.

გალაკტიონთან კი ხშირად წარსული აწმყოდ პროექცირდება.

იმკამინდული განიცდება მიმდინარე რეალობად და მისადმი რეაქციაც ახალია. ე. ი. არა გრძნობათა გახსენება, არამედ მათი გამოწვევა. ამიტომაც განცდათა ინტენსივობა შეუნდევნებელია რეაქცია უშუალო, პოეტური სიტყვა მძაფრი და ემოციურად აღტაცებული. მიუხედავად ამისა, გალაკტიონის თბილისში ჩამოსვლა არაფრით ჰგავდა დიდ ქალაქში უბირი ყმაწვილის სტუმრობას; ყმაწვილისას, რომელიც აღტაცებით შესცქერის ყველაფერს, იხიბლება გარგზნული სიმშვენებით და ყალბსაც ნაღდ ვერცვლად იღებს.

გალაკტიონი უკვე კრიტიკულად მოაზროვნე მოქალაქეა. მას შკაფო შეხედულებები აქვს მზისქვეშეთზე და მოქმედების რეალური გეგმით ხელმძღვანელობს. იგი ჩამოდის პროვინციული ჭაბუკის სიჯიუტით, რათა დაიპყროს და არა ემონოს. მისთვის არსებითი მხოლოდ სწავლის გაგრძელება როდია. თბილისში ფრთების გაშლას და აღიარებას ელის.

სემინარიაში შესვლისთანავე გალაკტიონი ყურადღების ცენტრში მოექცა. ეს განპირობებულია იმით, რომ ქუთაისელმა ამხანაგებმა თან ჩამოიტანეს დამწვები პოეტის ნიჭისა და სულიერი სიწმინდის ამბავი. ამას ემატება ისიც, რომ მოსვლისთანავე მან გამოაქვეყნა ლექსები „შავი ღრუბელი“ და „მთვარე კაშკაშებს“, რომლებმაც ფართო საზოგადოების ყურადღება მიიპყრო. რაც მთავარია, თვით გალაკტიონის პიროვნება ბადებს რიდსა და პატივისცემას. მასთან საუბარი, ურთიერთობა გაგრძობინებს, რომ გამორჩეულ ახალგაზრდასთან გვაქვს საქმე.

გალაკტიონი ენერგიული, შთაგონებული პიროვნებაა. მას ხჯერა საკუთარი თავისა; იცის, რომ ნიჭიერია და ეს არა მხოლოდ სიამაყით ავსებს, არამედ მოქმედებისკენაც უბიძგებს.

გალაკტიონი სემინარიაში მოსვლისთანავე აარსებს ხელნაწერ ჟურნალს — „შუქს“. ახალგაზრდა პოეტი მომზადებული იყო ამ საქმისათვის. ქუთაისის სასულიერო სასწავლებელში იგი ხელმძღვანელობდა ლიტერატურულ ჯგუფს, რომელსაც უნდა გამოეცა გაზეთი. ჯერჯერობით ვერ დაეადგინეთ, შეესხა თუ არა ხორცი ამ განზრახვას. მაგრამ ჩანაფიქრიც მრავლისმეტყველია. სავარაუდოა, რომ ამ საქმისათვის ზრუნვა გარკვეულ გამოცდილებას შესძენდა გალაკტიონს.

ვიდრე „შუქში“ გამოქვეყნებულ მასალებზე შევჩერდებოდეთ, საჭიროა აღინიშნოს, რომ დღემდე სამეცნიერო მიმოქცევაში შემოტანილი იყო ჟურნალის მხოლოდ ერთი ნომერი (დაცულია საქართველოს სახელმწიფო ლიტერატურულ მუზეუმში). ჩვენ მივაკვლიეთ მეორესაც. იგი შესაძლებლობას იძლევა

გამოვამხუროთ გალაკტიონის რამდენიმე უცნობი ნაწარმოებთ,
ამასთანავე, კიდევ უფრო მკაფიო წარმოდგენა შევიმუშაოთ
ეურნალის სახესა და მნიშვნელობაზე.

„შუქის“ პირველი ნომერი გამოვიდა 1908 წლის 9, ხალოშვილი
- 15 ნოემბერს. ის ჩაფიქრებული იყო როგორც ყოველკვირული
ორგანო.

ეურნალი მცირე ფორმატისაა. ყდიანად თორმეტ გვერდს
შეიცავს. გვერდი ორ სვეტად არის გაყოფილი. გამოცალკევებულია
სარდაფი, რომელიც მაშინდელი წესისამებრ ფელეტონად
იწოდება.


ტექნიკური გაფორმების თვალსაზრისით „შუქი“ სადა და
მიმზიდველია. ორივე ნომრის პირველ გვერდზე დახატულია
სემინარიის შენობა, რომლის თავზე წითელი დროშა
ფრიალებს. შხის სხივები უხვად ეფინება გარემოს, სურათის
ზედა მარჯვენა კუთხეში ეურნალის სახელწოდებაა. ნახატის
ავტორია პ. ხობისპირელი. მასვე ეკუთვნის პირველ ნომერში
მოთავსებული კარიკატურა, რომელზედაც გამოსახულია ბერი,
სემინარიის თანამშრომელი. ქვემოთ წარწერაა: „მოხვედით ჩემდა
ყოველნი ტვირთმიძიენი და მაშურაღნი და მათრახითა ჩემითა
დაგამშვიდებთ თქვენ“.

მასალეები გადაწერილია გალაკტიონის ხელით.

„შუქი“ ლიტერატურულ-მხატვრული ორგანოა. მასში
ქვეყნდება ლექსები (8), მოთხრობები (2), დრამა (1), წერილები
და სხვ. ეურნალში თანამშრომლობენ ბონაპარტი (ქ. ქავთარაძე),
ლადო ოსი (ვ. ფარნევე), თავისუფალი (ს. ბაღურაშვილი), აბო (ვ.
გორგოძე), პ. ხობისპირელი, თ. ასკისპირელი, ლაშელი, შხამი, მამაცი,
მოლისკნელი, ა. ფ. და ლ. მ. ძირითადი სიძიძემ გალაკტიონის
მხრებზე გადადის. იგი არა მხოლოდ რედაქტორ-გამომცემელია,
არამედ წამყვანი პოეტი და პუბლიცისტი. „შუქის“ მასალათა
მესამედზე მეტი, 10 ნაწარმოები, მას ეკუთვნის.

იმხანად სემინარიაში რამდენიმე ხელნაწერი ეურნალი და
გაზეთი არსებობდა. მათ შორის ძალზე პოპულარული იყო
დემონის (ქ. ქავთარაძის) ეურნალი „ეკალი“. აღძრულ საკითხთან
დაკავშირებით საგულისხმო ცნობებს გვაწვდიდა გალაკტიონიც.
„შუქის“ პირველ ნომერში ვკითხულობთ: „...სემინარიაში გამოდის
გაზეთი „ჯაშუში“. გაზეთის მიმართულება სემინარიიდან
ჯაშუშობის აღმოფხვრაა.

მივიღეთ ახალი გაზეთი „წვეთი“. გაზეთი კარგ შთაბეჭდილებას
ახდენს მკითხველებზედ. შიგ ჩართულნი არიან ლ. ტოლსტოის
და პროფ. პეტრიაშვილის სურათები“.



«Երբեք»

Յոսկի ծնունդ
 երջանակ ետև
 Յոսկի ծնունդ յոսկի ծնունդ
 երջանակ ետև
 յոսկի ծնունդ յոսկի ծնունդ
 երջանակ ետև
 յոսկի ծնունդ յոսկի ծնունդ
 երջանակ ետև
 յոսկի ծնունդ յոսկի ծնունդ
 երջանակ ետև

საფიქრებელია, სასწავლებელში მასობრივი ინფორმაციის სხვა საშუალებებიც არსებობდა. ასეთ პირობებში არცთუ ადვილია ზედაკლასელების მიზიდვა. გალაკტიონმა ეს შექმნა, რაც „შუქის“ პროგრესულ მიმართულებასა და რედაქტორ-გამომცემლის ავტორიტეტზე მეტყველებს.

„შუქი“ გამოირჩევა დემოკრატიული სულისკვეთებითა და საბრძოლო განწყობილებით, როგორც სარედაქციო წერილში არის აღნიშნული, მისი მიზანია სემინარიაში გამეფებული ბოროტების მხილება, მოსწავლეთა დარაზმვა თავისუფლებისა და ბედნიერების მოსაპოვებლად. „ჩვენი ახალი გაზეთი „შუქიც“— ეცდება იცნოს, გააპოს და ოდნავაც არის გაანათოს სიბნელით მოცული სემინარიის ატმოსფერო— და თუ უკანასკნელი მისთვის შეუძლებელი შეიქმნა, ის კი შესაძლებელი იქნება, რომ მოსწავლეებს ეს ჯურღმულის ავი და კარგი გაარჩევიოს...

„შუქი“ ეცდება აღნიშნოს ცალ-ცალკე ყველა მხარეები, გადაჭრილი გზით მისწვდეს სათითაოდ ყველას და საკადრისი პანდურიც ამოკრას!!

მაშ, ვეცადოთ, გაეაუმჯობესოთ ორგანო, რომლის მიზანიც წმინდა და სპერაქია, ვეცადოთ ხელი შევეწყოთ მის გაძლიერებას, რომ უდროოდ არ განისვენოს „წიაღთა შინა აბრამისასა“¹.

ერთი შეხედვით, თითქოს მოულოდნელია, რომ გალაკტიონი სემინარიის ზღურბლზე გადაბიჯებისთანავე აშიშვლებს მახვილს, ბრძოლას უცხადებს მათ, რომლებმაც განათლების შესაძლებლობა მისცეს, შეიკედლეს და დროდადრო კეონომიკურ დახმარებასაც უწევენ.

მაგრამ ვინც გალაკტიონის ხასიათსა და მისწრაფებებს იცნობს, მას ბუნებრივად მოეწევენება ჭაბუკის ამგვარი მოქმედება. სემინარია ამ შემთხვევაში მხოლოდ კონკრეტული დაწესებულება როდია, არამედ არსებული სისტემის განსულიერებაც.

გურნალის ამოცანა ჩამოყალიბებულია გალაკტიონის ლექსშიც, რომელიც პირველ გვერდზე გამოქვეყნდა:

*„გააჰე ბნელი,
ნაცვლად ნათელი
გადმოაფინე ტანჯულსა არეს,
რომ შენი სხივით,
იმედით ტკბილით
ანუგეშებდე ტანჯულ-მწუხარეს!
რომ ბედი ჩვენი
იმედის მშენი*

¹ ჟურნ. „შუქი“, 1908, №1.

ადარ დაგვეცქერდეს განრისხებულად,
გააპე ბნელი,
ნაცვლად ნათელი



მოგეფინე ტანჯულთ, სახსნელ იმედად

სხვა მასალებშიც ის აზრია გატარებული, რომ ახალი პერიოდული გამოცემა თვალსაჩინო როლს შეასრულებს სემინარიელთა ცხოვრებაში.

„შუქი“ უპირველეს ყოვლისა გამოირჩევა არსებული ვითარების შეუფარავე კრიტიკით. რედაქცია გულისტკივილით აღნიშნავს, რომ რევოლუციის დამარცხებამ საზოგადოებრივი ცხოვრების მაჯისცემის შესუსტება გამოიწვია. უმკაცრესი რეჟიმი დამყარდა სემინარიაშიც, მაგრამ საბოლოოდ მაინც სიკეთე იხეიშებს. მოუესმინოთ ქუნუ ქავთარაძეს: „დღეს მთავრობა გამარჯვებულია სემინარიაში. ბნელეთი“ გამეფდა არა თუ სემინარიაში, არამედ მთელ რუსეთში. ეხლა ის დროა, როდესაც გამოღვიძებულია ყველა უზნეო და დაცემული, ვგრედწოდებული „ნაძარალები“.

ისარგებლეს ამ გარემოებით ჩვენმა ამხანაგებმა (თუ კი შეიძლება ამხანაგები ვუწოდოთ მათ), ისარგებლეს მთავრობამ და მასწავლებლებმა. წავიდა ის ნეტარი დრო, როდესაც ყველა ეს გაიძვერები თავიანთ ბუნაგებში შიშით იმალებოდნენ. დღეს კი ბედმა გამარჯვება იმათ არგუნა; მთელი სემინარია მყუდროებას მისცემია და დადუმებულია.

მხოლოდ ათასში ერთი შეტაკება სემინარიის ზოგიერთ დესპოტთან თუ დაარღვევს ამ ღუმილს და დაამტკიცებს, რომ სიცოცხლე კიდევ არ მოსპობილა აქ, და კიდევ ღვივის ცხოვლისმყოფელი ნაპერწკალი.

მაღე ეს ნაპერწკალი მთელს სემინარიის გაველება, დაამხოხოს სალოცას კერპებს და მედგრად, შეუპოვრად აღმართავს თავისუფლების დროშას¹.

რევოლუციური პათოსი აშკარაა. ავტორი გამარჯვების რწმენით ზრდის შეითხველებს.

რამდენადმე განსხვავებული ტონითა და მანერით არის დაწერილი ვალაკტიონის „როდის ჩამოგვეწვება შუქი?“

„იტანჯებოდა, მაგრამ მაინც ელოდა...

სიცივით კანკალებდა კუთხეში მიკუჭული გლახა...

ოხრავდა, „ოხ, როდის იქმნებაო“ – ამბობდა ის...

როდის იქმნება... საცოდავო, ვინ იცის, როდის ამოვა შენთვის

¹ ჟურნ. „შუქი“, 1908, №1.

² ჟურნ. „შუქი“, 1908, №1



დაბნელებული მზე, როდის გელირსება „შუქი“?

შენ ხარ ეს საცოდავო სემინარიელი, შენა ხარ სიბნელებში
მიგდებული, მზის ნათელს მოშორებული.

შენ ხარ ის გლახა.

შენ ელი „შუქს“.

იტანჯები, საშინლად იტანჯები...¹

გალაკტიონის მინიატურაში ტანჯვის მოტივი მძლავრობს.
მწერალი ჩაგრულისადმი თანაგრძნობას, სიბრალულის
გამოწვევას ცდილობს.

„შუქი“ თვითმპყრობელობის დამხობისაკენ მოუწოდებს
მკითხველებს. „რუსეთის რევოლუციამ ვერ შეძლო ბევრი
მიზეზებისა გამო თვითმპყრობელური აბსოლუტიზმი, რომელიც
რამდენიმე საუკუნის განმავლობაში მედგრად იდგამდა
ფესვებს რუსეთში, გაენადგურებია, მაგრამ რაც აუცილებელია,
ის უსათუოდ უნდა მოხდეს. ერთხელაც იქნება მედგარი
რევოლუციური ტალღები მაგრად დაუჯახებიან აბსოლუტიზმის
შერყეულ ზღუდეებს და მიანგრ-მოანგრევენ მას. მაშინ ჩვენც,
სულის შემხუთავ და გონების დამამახინჯებელ პირობებში
ტანჯულებს გველირსება შეველა. განვთავისუფლდებით
კლერიკალურ-იეზუიტურ აღზრდის ბორკილებისაგან და
პირნათლად მივევებებით „თავისუფალ სკოლას“ „თავისუფალ
სახელმწიფოში“. მანამდის კი ვეცადოთ იმ პატარა წრეს მაინც
შევეუნარჩუნოთ რევოლუციონური სულისკვეთება, რომელიც
დღეს ჩვენს სემინარიაში მოქმედებს“².

ასეთი მსჯელობა არა მხოლოდ გარცეხას, არამედ
აღტაცებასაც იწვევს. გეხიბლავს ახალგაზრდა ავტორის
გამბეჭდაობა, პრინციპულობა და სწორი პოზიცია.

„შუქი“ მოსწავლეთა ქურნალია და, ცხაიდა, მასში მთავარი
ადგილი სემინარიელთა ცხოვრებას ეთმობა. რედაქცია
ქურადლებას ამახვილებს სასწავლებელში გამეფებულ მძიმე
ატმოსფეროზე. ამ მხრივ ხაინტერესოა ქ. ქავთარაძის „სემინარიის
კედლებში“, ვ. ფარნუკის „ამხანაგებს“, ხელმოუწერელი „ქრონიკა“,
რომელიც, ჩვენი ფიქრით, გალაკტიონს უნდა ეკუთვნოდეს და სხვ.
ამ უკანასკნელში გამოთქმულია აღშფოთება იმის გამო, რომ
სემინარიის სამკითხველო მხოლოდ შავრაზმელურ „კავკასს“,
„ნოვოე ერემიას“ და „კოლოკოლს“ იღებს. ავტორი ურჩევს
ახალგაზრდებს, არ ისარგებლონ ამ გამოცემებით, არ შეითვისონ

¹ ქურნ. „შუქი“, 1908, №1.

² იქვე, №2.



მათი აზრები „როგორც შეტად შეაყენი და უწმინდურნი“.

ქურნალისტი შკაცრად აკრიტიკებს აგრეთვე სემინარიის საავადმყოფოს, ძალზე ცუდად არის მოწყობილი.

კონკრეტულ მასალაზე დაფუძნებული ნაწარმოებები ფართოდ დასკვნების შემცველია. სემინარიის ცხოვრება განიხილება როგორც საერთო საზოგადოებრივი ყოფის ნაწილი. ამიტომ ქურნალში მოთავსებული თხზულებების მნიშვნელობა დიდია. ეს განსაკუთრებით ითქმის გალაკტიონის ლექსებზე. პირველ ნომერში, გარდა „შუქისა“, გამოქვეყნდა „ნიავი“, მეორეში კი – „ნორჩი გულია მისი თავდები“ და „მისთვის შევცქერი (ვუძღვნი აკაკის)“, რადგან ბოლო ორი ნაწარმოები უცნობია, ამიტომ მოვიტანთ მთლიანად.

„მომეცი ხელი, ხედავ დანაგრულს?

არ გებრალევა დამონებული?

გავსწოთ მისკენ და ვაგრძნობინოთ

ბუდნიურება და სიხარული.

ავსწოთ დროშა, დროშა სიმართლის,

დავცუთ მონება, ვიხსნათ მონები...

მომეცი ხელი... არ გიღალატებ...

*ნორჩი გულია მისი თავდები!“*⁴

როგორც უხედავთ, გალაკტიონი არა მხოლოდ თანაუგრძნობს ნაგრულებს, არამედ იღვწის კიდევ მათი ბუდნიურებისათვის.

ლექსის განწყობილება ერთხელ კიდევ მიგვანიშნებს პოეტის რევოლუციურ მიდრეკილებებზე.

„მისთვის შევცქერი“ ეროვნული სულისკვეთებითაც გამოირჩევა მხატვრული თვალსზრისით იგი შორსა დგას გალაკტიონის რჩეული ნაწარმოებებისაგან, მაგრამ ახალგაზრდა პოეტის მსოფლგაგების გასათვალისწინებლად უთუოდ საგულისხმოა.

„ხშირად შევცქერი მთას აყუდებულს...

მისი სიტურფე შორს, შორს მიტაცებს,

გიჟმაჟ ოცნებას თავს ვერ ვშაყვებ,

მაქრის, მიფრინავს და მეც მიმაფრენს.

გასწი, ოცნებაჟ, შენს სამეფოში,

ნუ ეკრძალები საქვეურო ზღუდვს,

გასწი, გაფრინდი, მეც გამიტაცე-

ხედავ მთას მალაღს და თვალუწედენულს?

აი იქ არის შენი სავანე.

⁴ ქურნ. „შუქი“, 1908, №2.

ნემი ნუგეშიც იქ იმყოფება.
 საშობლოხათვის თავდადებული
 გმირი ქართველი იქ მეგულება.
 ის თავის ქვეყნის იყო ერთგული,
 საშობლოხათვის უკლერდა ჩანგი.
 გულსა ხვდებოდა, სულს აღვიძებდა
 მისი მედგარი, მჭეხარი პანგი.
 მაგრამ ის მოკლეს სიმართლისათვის,
 ხმა ჩაუწყვიტეს სიმართლის მგოსანს,
 გასწი, ოცნებაჲ... საქვეყნო ზღუდეს
 ნუ ერიდები, გადაეგლე თავს!
 იცი, თუ არა, რომ შემოიყვარდა
 მას აქეთ მე მთა აყუდებული?
 ტურფად, შემკულად ის შეწვენება
 და მისკენ მიმაქვს სული და გული.
 ხშირად მომესმის მის მწვერვალიდან
 ხმა ნაღვლიანი, ტირილი, კვნესა
 და ის ხმა გრძნობით ამოძახილი.
 სწვდება, მიშფოთებს გულის სიღრმესა.
 მეგობრის კვნესა გმირის საფლავზედ
 რა სამწუხარო მოსასმენია.
 სტირის მგოსანი თავის მეგობარს,
 სტირის, რომ არუინ არ დარჩენია.
 ძველ და საყვარელ მეგობართაგან
 ყველამ მონახა საფლავის კარი
 და ეხლა მარტოს, ობღად შთენილია
 გულს სევდა უკლავს, სევდა საზარი.
 და ეხლაც მესმის მგოსნის ტირილი
 და სულს მიშფოთებს იმისი კვნესა.
 შესტირის საფლავს დაობლებული
 და თან გარს უკლის საფლავის ქვებსა,
 დიდო მგოსანო! ნულარა სტირი,
 გესმის სიმღერა ქართველთა გუნდის?
 ხედავ, იღვიძებს ქართველი ხალხი
 და გამსჭვალული შუნკენ ისწრაფვის,
 ის უმზადება, რომ გცეს თავყანი
 მისსა დიდებას, მის სიამაყეს,
 განა არ იცი, რომ უღვთოდ მოკლულს
 შენსა მეგობარს ეს გაახარებს?
 მაშ ნულარ სტირი, ნულარ ღერი ცრემლებს,



ზედ ნუ აკედები საფლავის ქვას.
 ბოლო ედება შენს შუდმიუ ტანჯვებს
 და შენს უსაზღვრო ოხვრა-კენესასა!
 მიხთვის შევსცქერი მთას აყედებულს,
 იმისთვის მიყვარს იმისი ცქერა,
 რომ იქ მეგულების სატრფოს საფლავი
 და იქ ჩასული ჩემი ვენერა.
 იქიდან მესმის ხმა ნაღვლიანი
 მარტოდ შთენილის, ობოლი შგონის.
 გარშემო უვლის მეგობრის საფლავს
 და აღვზნებული ეხვევა, კოცნის!
 გასწი, გაფრინდი, ჩემო ოცნება,
 ხედავ მთას მაღალს და თვალუწვდენელს?
 აი იქ ნახავ, რახაც ვიხებ,
 აი იქ პოებ შენს სასუფეველს!⁴

აკაკისადმი სიყვარული და მოწიწება გალაკტიონმა „შუქში“ გამოქვეყნებულ სხვა მასალებშიაც გამოამჟღავნა. სტატიაში „აკაკის იუბილე“ იგი ხაზგასმით აღნიშნავს ა. წერეთლის უდიდეს დამსახურებას ქართული კულტურის წინაშე. მას ჭეშმარიტ ეროვნულ, სახალხო პოეტად მიიჩნევს და სემინარიელებს შგონის იუბილეში მონაწილეობისაკენ მოუწოდებს.

გამორიცხული არ არის, რომ „შუქის“ სხვა ნომრებიც აღმოჩნდეს. ეს ვარაუდი მით უფრო დასაშვებია, რადგან მეორე ნომერში გამოქვეყნებულ მასალათა ერთი ნაწილი დაუსრულებელია და რედაქცია მათ გაგრძელებებს უახლოეს ნომერში პირდება მკითხველს.

„შუქი“ ქართულ ხელნაწერ ჟურნალ-გაზეთებს შორის ერთ-ერთი საუკეთესოა. ამაზე მეტყველებს მისი რეკოლუციური-დემოკრატიული ხასიათი და მასალათა სასურველი ლიტერატურული დონე.

ბარემ იმასაც ვიტყვი, რომ ჟურნალისტიკისადმი ინტერესი გალაკტიონს არასდროს განუღებია. ეს აიხსნება იმიტაც, რომ პრესა მას მიაჩნდა არა მხოლოდ სინამდვილის ამსახველად, არამედ საზოგადოებრივი აზრის შექმნისა და ცხოვრებაზე ზემოქმედების მძლავრ საშუალებად. ჩვენი საუკუნის გარიჟრაჟზე ძნელი წარმოსადგენი იყო ქართველი პოეტის გამარჯვება პრესასთან მკიდრო კავშირის გარეშე. არსებითად ჟურნალ-გაზეთები აძლევდნენ ტონს ლიტერატურულ ცხოვრებას. ამას

⁴ ჟურნ. „შუქი“, 1908, №1.

კაგრად გრძნობდა და ითვალისწინებდა კიდევ გალაკტიონი.

მგოსანი მრავალ პერიოდულ გამოცემაში თნამშრომლობდა. რამდენიმე გაზეთის შტაბიანი მუშაკიც იყო. რედაქტორობდა ჟურნალ „ლომისს“. მაგრამ ყველაზე მნიშვნელოვან მოვლენად მაინც საკუთარი ჟურნალის დაარსება უნდა მივიჩნიოთ.

რედაქტორობა მხოლოდ სწორ საზოგადოებრივ პოზიციას და წერის ნიჭს როდი მოითხოვს. საჭიროა ამ საქმეში მთლიანად შთანთქმა, გრძნობის გონებისადმი დამორჩილება, ორგანიზატორული უნარი, სარედაქციო წერილმანებისადმი საგანგებო გულისყური, გარკვეულ ერთფეროვნებასთან შეგუება, გამძლეობა.

გალაკტიონი თავისი არსებით ლირიკოსი იყო, უკიდურესად ეპოციური, ნერვიულიც და ის იმგვარი თავდადებითა და სისრულით ემსახურებოდა პოეზიის ღმერთს, რომ სხვა კერპებისადმი შესაწირი ნაკლებად რჩებოდა. მისი თავიდათავი მოწოდება ნამდვილად არ ყოფილა რედაქტორ-პუბლიცისტური საქმიანობა. ეს, რა თქმა უნდა, სრულიად არ ნიშნავს გალაკტიონის რამდენიმე ბრწყინვალე პუბლიცისტური ნაწარმოების შეუფასებლობას ან რედაქტორული საქმიანობისადმი ნიჟილისტურ დამოკიდებულებას.

გალაკტიონის ჟურნალისტური მოღვაწეობა საგანგებო შესწავლას მოითხოვს; საგანგებოსა და ობიექტურს, რომელიც თავისუფალი იქნება პოეტური გენიდან მომდინარე შთაბეჭდილების სხვა სფეროზე უპირტიკოდ გადატანის ტენდენციისაგან. ამჯერად კი ხაზგასმით აღვნიშნავთ: „გალაკტიონ ტაბიძის ჟურნალის“ დამსახურება მნიშვნელოვანია, ყველაფერს რომ თავი დავანებოთ, სწორედ მისი მეშვეობით გაეცნო ფართო საზოგადოება საქართველოს პოეტების მეფის არაერთ საუკეთესო ნაწარმოებს.

არც ის უნდა დავივიწყოთ, რომ ხსენებულმა ჟურნალმა გააერთიანა ძველი და ახალი თაობის წარმომადგენლები. ამ ფაქტის მნიშვნელობა მით უფრო საცნაური გახდება, თუ გავიხსენებთ, რომ 20-იანი წლების პირველ ნახევარში განსაკუთრებით იგრძნობოდა ლიტერატურულ დაჯგუფებათა ანტაგონიზმი და განცალკევებიდან მომდინარე ხარვეზები. ყოველივე ამის შესახებ უფრო დაწვრილებით მეორე წიგნში ვისაუბრებთ.

დავუბრუნდეთ სიემაწვილის პერიოდს.

გალაკტიონმა სწრაფად მოიპოვა ავტორიტეტი. იგი ხასწავლებელში სახელმოხვეჭილი ლიტერატორის ქაჩუ ქავთარაძის - დემონის გვერდით დააყენეს, ზოგიერთები კულუარებში თუ საჯაროდ იმაზედაც კი მსჯელობდნენ, ვინ უფრო

დიდი პოეტია. ეს ჩანს ხელნაწერ ჟურნალში გამოქვეყნებული სტატიიდან: „პასკალის შეცდომა“. პუბლიცისტი შენიშნავს: „...რომელი უფრო მაღლა ხდება, ტ-ბე თუ დემონი, ეს კითხვა... პასკალისაგან ადვილად გადაჭრილი, ჩვენ ძნელად გადაჭრად და გადაწყვეტაც იმისთვის მიგვიხდვია, ვინც ორივეს ნაწარმოებს საფუძვლიანად შეისწავლის. ჯერჯერობით კი შეგვიძლია ვიამაყოთ ორივეთი, როგორც დემონით, ისე ტ-ბით.

ჩვენ გვწამს, რომ ორივე მომავალში ერთს შეერთებულს ძალას შექმნიან, როგორც ერთ სასწავლებელში მოსწავლეები, როგორც ორივე ახალგაზრდები და ერთი იდეალებით გამსჭვალულნი. გვწამს, რომ მათი სამწერლო ასპარეზზედ გამოსვლით თვალსაჩინო წევრები მიემატებიან ქართველი პოეტების მეტად მცირე ჯგუფს¹.

გალაქტიონს პატივს სცემენ ამხანაგები. ბუნებრივად თვლიან, რომ აკაკის იუბილეზე სემინარიიდან სიტყვა მან უნდა წარმოხატკვას.

აი, შეექვე კლასის მოსწავლეებმა ქართული სალიტერატურო და საცეკვაო საღამოს გამართვის ნებართვა აიღეს. საღამოს მომწყობ კომისიაში გალაქტიონი ერთხმად აირჩიეს.

სემინარიაში „სამამხანაგო წრე“ ჩამოყალიბდა, რომლის მიზანია კვირაში ერთხელ რეფერატების, ლექციების, მოთხრობების, ლექსების მოსმენა-განხილვა. წრის წევრად ქ. ქაუთარაძესა, ა. ანჯაფარიძესა და სხვებთან ერთად გალაქტიონიც მიიწვიეს.

გალაქტიონი აქტიურად მონაწილეობს საზოგადოებრივ ცხოვრებაში. ესწრება თავყრილობებს, ხშირი სტუმარია რედაქციებისა და ა. შ.

არაერთი კარგი დღე გათენებია, მაგრამ ყველაზე ძვირფასი მაინც 1908 წლის 29 სექტემბერი იყო. ამ დღეს „ჩვენს კვალსა“ და „ამირანში“ დაიბეჭდა მისი ლექსები „შავი ღრუვლი“ და „მთვარე კაშკაშებს“. მოუვიანებით გალაქტიონი წერდა: „როდესაც ჩემი პირველი ლექსი დაიბეჭდა, ჩემს ცხოვრებაში შემოიტრა რაღაც ახალი, მე შეჩვენებოდა, რომ სადღაც გაიღო კარი და მე ვიწრო და ბნელი საკნიდან ამოვედი თავისუფალ ასპარეზზე და ყველგან, სადაც თვალი გასწვდებოდა, იყო მზე, მოძრაობა და სინათლე“².

გალაქტიონი კმაყოფილია. დიდმა პრესამ კარი გაუღო. ამხანაგებიც მეტი პატივისცემით ეპყრობიან. მეგობართა წრემ, როგორც გ. მიხელიძე იფონებს, საზეიმო შეხვედრა მოუწყო. ...

¹ ჟურნ. „შუქი“, 1908, №2.

² ბ. ტაბიძე, თხზ., ტ. XII, გვ. 278.

შადრვენთან პატარა აუზის

გვერდით მე მიემართე გალაკტიონს მისასაღმებელი სიტყვებით. მისი ლექსების დაბეჭდვის გამო¹.

ქუთაისიდან მ. ბოჭორიშვილმა მილოცვის ბარათი გამოუგზავნა.

ნათესაებშიც აღტაცებულნი არიან.

ნათლობა იღბლიანი გამოდგა. მალე „საქართველოში“, „დროებასა“ და „ფასკუნჯშიც“ იბეჭდება გალაკტიონის ლექსები.

„წარმოიდგინე ძმაო, — სწერს ტიცინი, — პირველად შენ რომ ეს ლექსები წამიკითხე, რაღა ვიფიქრებდი, თუ ეს ლექსები საქართველოს პირველ ჟურნალში, როგორც „ფასკუნჯია“, დაიბეჭდებოდა. მაშ ვუსურვებ შენს კალამს გამარჯვებას, რომ გამოადგეს ჩვენს ისედაც ღარიბ ლიტერატურას“.

თავს ნებას მივცემ, აქ ერთ გარემოებაზეც შევაჩერო მკითხველის ყურადღება. მოგვიანებით გალაკტიონი წერდა: „ახალმა ლიტერატურულმა მიმდინარეობამ, რომელიც 1908 წლიდან დაიწყო, შეეცადა წარსულისაგან შეუსრულებელი იდეების გატარებას, შემოიტანა რა თანამედროვე პოეზიაში ახალი სტილი...“²

რატომ მაინცდამაინც 1908 წელია მიჩნეული უახლესი ქართული ლიტერატურის დასაწყისად? ხომ არ იგულისხმება აქ გალაკტიონის სამწერლო ასპარეზზე გამოსვლა? თუ ასეა, მაშინ საქმე გვაქვს თვითდახასიათების მეტად საინტერესო შემთხვევასთან.

იქნებ ამ ვარაუდის გასამაგრებლად მეორე ჩანაწერიც გამოდგეს. მასში წინა ეპოქის დასასრულაზეა საუბარი. მაგრამ დასასრული ხომ დასაწყისის საფეხურია. „— 1907 წელი. ილია ჭავჭავაძის მკვლელობა ხდება საბედისწერო ძველი პოეზიისათვის — პიროვნებასთან ერთად თითქო ესვენება ეპოქა და იწყება ახალი“.

ილიას დაღუპვისა და სამწერლო ასპარეზზე გალაკტიონის გამოსვლის ფაქტის პოეტისეული აქცენტირება ნამდვილად საჭიროებს დრამა გააზრებას.

ერთი შეხედვით, გალაკტიონი ბედნიერი უნდა იყოს. მაგრამ ამალღებულმა „სულიერმა განწყობილებამ გასტანა მხოლოდ რამდენიმე დღე“. ეს გასაგებიცაა. გალაკტიონის ბედნიერების მთავარი განმსაზღვრელი დროებითი წარმატება არასდროს

¹ ჟურნ. „მნათობი“, 1962, №11, გვ. 127.

² გ. ტაბიძე, თხზ., ტ. XII, გვ. 70.



გალაკტიონი - სახულიერო სასწავლებლის მოსწავდე

ყოფილა. პოეტი ვეგემერულ ყოფით სიამეზე მადლდებოდა. მას უფრო რთული და დიდი საფიქრალი ქონდა. ამიტომაც არ შეიძლებოდა ამგვარ წარმატებებს საერთოდ გარდაეჭმნა. თუმცა ვერც იმას უარყოფთ, რომ რედაქციების წარმომადგენლებთან დალაშქრას თვალსაჩინო გაელენა არ მოეხდინოს ახალგაზრდა კაცზე.

გალაკტიონი მაინც სევდიანი და დრამატულია. სული შფოთავს, უკმარისობის განცდა ახრჩობს.

რა აპირობებს ამგვარ განწყობილებას? რატომ „სდის ცას ცრემლები“, რატომ „წაიღო გული ნადველმა?“ რატომ არის ასეთი უიმედო პოეტი?

*„მაგრამ ის კი აღარ ვიცი,
რა იქნება საიდუმლო
ისეთი, რომ ჩემს ცრემლთ დენას
და ჩემს ტანჯვებს მისცეს ბოლო“.*

ეს, უპირველეს ყოვლისა, სამყაროს მოუწესრიგებლობით, ცხოვრების დისპარმონიულობით არის გამოწვეული. ამას ყოველ ნაბიჯზე გრძნობს ემოციური და ფხიზელი გონების პოეტი. მომავალი მაინც ბუნდოვანია.

საზოგადოებრივ ტრაგედიას პიროვნული ტკივილებიც ერთვის. მატერიალური სიდუხჭირე უიმედობას აძლიერებს. სემინარიის ხელმძღვანელებთანაც ურთიერთობა იძაბება.

თავდაპირველად გალაკტიონი ბუჯითობს. ეს იმას არ ნიშნავს, თითქოს ჭაბუკი მღვდლის ან მასწავლებლის კარიერას ეტრფის. ამ შემთხვევაში მას ამოძრავებს ცოდნის შექენისა და თავის გამოჩენის სურვილი; უნდა დედასაც ასიამოვნოს. ამასთანავე, ავად თუ კარგად, სასწავლებელი დაამთავროს, რათა გზა გაეხსნას უნივერსიტეტისაკენ. სხვათა შორის, გალაკტიონისთვის ნიშანდობლივი იყო ახალი საქმით, ახალი გარემოთი მყესეულად დაინტერესება. მაგრამ ხშირ შემთხვევაში ეს ცეცხლი სწრაფად უქრებოდა. ამჯერადაც ასე მოხდა. როგორც გ. მიხელიძე იგონებს, „თუ პირველ ორ-სამ თვეს გალაკტიონი ცოტა დროს მაინც ანდომებდა სავალდებულო საგნების შესწავლას, შემდეგ, როგორც იტყვიან, ყელამდე ჩაუფლა ლიტერატურულ მუშაობაში და თითქმის სრულებით უგულვებელყო გაკვეთილების სწავლა. მასწავლებლები კი მკაცრად მოითხოვდნენ სავალდებულო საგნების ცოდნას“².

გალაკტიონს არც დრო და არც ნებისყოფა კყოფნის, საათობით უჯდეს ლათინურის თუ საღმრთო სჯულის სახელმძღვანელოებს.

¹ გ. ტაბიძე, თხზ. ტ. I, გვ. 52.

² ჟურნ. „მნათობი“, 1962, №11, გვ. 177-178.

იგი ვერ ეგუება სემინარიას, მისი ინტერესები სხვა სახისაა, ამიტომაც უკლო სწავლას და წლის ბოლოს გამოცდა გამოიქცა. დამოკლეს მახვილმა თავი იხინა. დატოვებენ სემინარიაში? ეს დამოკიდებულია განმეორებით რომელიც აგვისტოში

უნდა ჩატარდეს. გალაკტიონი ძალზე მტკივნეულად განიცდის ვითარებას. სემინარიიდან გამორიცხვა მხოლოდ სწავლის მიტოვება როდია. ეს არის შერცხვენა, თავის მოჭრა; ეს არის დედის სასოწარკვეთა, ძმის შემწფოთება, საზოგადოების ირიბი ღმიილი. მან დროებით ყველაფერი გვერდზე გადადო და სახელმძღვანელოებს ჩაუღრმავდა.

აი, აგვისტოს მიწურულზე გამოცდამ თითქოს ურიგოდ არ ჩაიარა, მაგრამ დაძაბულობა მაინც არ შენელებულა. მოუესმინოთ თვით პოეტს: „ეგზამენი გყავდა... სწორედ საშინელი ეგზამენი. უნდა ესთქვა, ამ რამდენიმე დღის განმავლობაში ათი წლის სიცოცხლე მომაკლდა. ეგზამენში გავვედი და რეკტორმა (თვითონ მასწავლებელი სარევიზიოდ იყო წასული ოზურგეთში) ნახევარი საათის განმავლობაში შეუბრალებლად მაცვალა. შკითხავდა, მაგრამ პასუხებსაც ჩქარა და კარგად ვაძლევდი. ბოლოს ერთი კითხვა მომცა, ცოტა ამაზე შევეყოყმანდი, თორემ სხვა არაფერი არ შემშლია. ყოველ შემთხვევაში, მე დარწმუნებული ვარ, სხვებზე უკეთესად გავიმარჯვე. ე. ი. თუ ჩემი გადაყვანა სურთ, კიდევაც გადამიყვანებენ, თუ არა და, არ გადამიყვანებენ და ის არის. მე ვერა გამოვიბა, რას ნიშნავს ნახევარი საათი კითხვა, როცა სხვებს მხოლოდ თხუთმეტ ან ოც მინუტს კითხავდნენ.“

ჩემთვის ჯერ არაფერი გამოუცხადებიათ და არც სხვებისთვის. პირველ ენკენისთვემდე ვერაფერს გაიგებო. ამგვარად არის ჩემი საქმე. თუ არ გადამიყვანეს, თავს მოვიკლავ და ის იქნება; მობეზრებული მაქვს მაინც ცხოვრება...

ტყვილა კი არ ვიძახი, ჯოჯოხეთია აქაობა-მეთქი. ტანჯავ-წვალბაა ცხოვრება და მე ყოველ შემთხვევაში ვეცდები, შევამოკლო დაუსრულებელი წამება.

ფიქრები ერთი წუთითაც არ მასვენებენ. ღმერთს გეფიცები, ერთ დღეს მტკერის თავზე დავტრიალდები. მხურდა რომ... მაგრამ აღარ ღირს ამაზე ლაპარაკი... თქვენ ისე არ იხედებით ჩემს გულში არასოდეს, როგორც გარემო... არ იხედებით; რა ვქმნა, არ ვიცი.

ცოტა იმედი მაქვს, სულ ცოტა იმედი და თუ ისიც გააქრა, ცხოვრებაც გააქრება.

თუ ღმერთი სწამთ ან რეკტორს ან მასწავლებლებს, გადა-



გელაკტიონი

მიყვანებენ... ვიცი, რომ გავიმარჯვე, ვიცი, რომ სხვებზე უკეთესად მე ვუპასუხებდი... მაგრამ როდესაც ერთ-ერთ კითხვაზე შეეჩერდი, „ქუთათურები ამგვარები და იმგვარები ხართო“, დაიწყეს დანაწილება და აღარ გაათავა. სჩანს, რომ არ სურთ ჩემი გადაყვანა, იმითაა ნება!

მე კი ჩემსას ავახსრულებო!

დედისადმი გაგზავნილი ეს ბარათი, რომელიც 1909 წლის 24 აგვისტოთი თარიღდება, დაწერილია აღვლეების ეპოქის, დიდი განცდისას. ეს ჩანს სიტყვათა შერწყმასა და ხელწერაშიც.

წერილი კარგად ავლენს გალაკტიონის მარტოობას, სულიერ დეპრესიას, ობლობის განცდა მომაკვდინებელია.

გალაკტიონის სიტყვები ღამის სენტიმენტალურ ფრაზებად არ უნდა მივიღოთ.

როგორც ჩანს, ახლოვდება ტრაგიკული აქტი; ჩახმახი შემართულია.

გალაკტიონი შემდეგ კლასში არ გადაიყვანეს და მოხდა მოსახდენი.

სიცოცხლე არ ღირს!

იგი კარბოლმკვავას სვამს და თავს იწამლავს. საბედნიეროდ, დროზე მიუსწრეს და გადაარჩინეს.

შეშვოთდა სემინარია, ახმაურდა პრესა, აღვლდა საზოგადოება.

ამ ფაქტთან დაკავშირებით ძალზე საინტერესოა აღმანახ „პირველ ნაბიჯში“ მოთავსებული აკ. შინაშვილის სტატია „თვითმკვლელობა მოსწავლეებში“. „ამ უკანასკნელ ხანებში, - წერს პუბლიცისტი, - გაზეთებმა გამოაქვეყნეს სტატისტიკა მოსწავლეთა თვითმკვლელობის შესახებ. საუბედუროდ, ამ ტრაგედიას ბოლო არ ედება და გაზეთები თითქმის ყოველდღე ახალ-ახალ ამგვარ მსხვერპლზე მოგვითხრობენ. ხშირად იგი ჩვენს თვალწინ ხდება და ღამისაა ისე შევანვიოთ ყური, რომ ეს საშიშარი რამ ჩვეულებრივ მოვლენად ჩაითვალოს. ჯერ კიდევ ნორჩი ახალგაზრდა საკუთარი ხელით სიცოცხლეს ისპობს და მით, ვინ იცის, თუ რა ვანძს ართმევს მომავალში საზოგადოებას, მაგალითად, აგვისტოს ბოლო რიცხვებში კარბოლის სიმკვავით თავის მოწამვლა განიზრახა სასულიერო სემინარიის პირველი კლასის მოსწავლემ გ. ტ. მიუხედავად იმისა, რომ იგი ჯერ კიდევ სულ ახალგაზრდაა, მის ლექსებს განცვიფრებაში მოჰყავს მკითხველი. თუ დღეს მას ამდენი ძალა შესწევს, სრული იმედი უნდა ვიქონიოთ, რომ მომავალში უკეთესი დარჩება და ამისთანა ყმაწვილი, რომ ბედნიერ შემთხვევას არა, წუთისოფელს უნდა გამოსაღმე ბოდა. რა არის მიზეზი? რა აიძულებს ახალგაზრდობას გამოე-

საღმოს ბედკრულ, მაგრამ იმავე დროს ტკბილ სიცოცხლეს¹ ავტორი შენიშნავს, რომ ცხოვრება ვერ თავსდება ძველ წარწერაში. მოსწავლეებიც, გამსჭვალულნი მაღალი იდეალებით, ურიტდებიან თანამედროვე ყოფას. ისინი ახლის წარმომადგენლები არიან და შეტაკებაც ძველის დამცველებთან ბუნებრივია, მაგრამ ამ შეტაკებაში ახალგაზრდობა მარცხდება. სწორედ ეს არის მოსწავლეთა შორის თვითმკვლელობის მთავარი მიზეზი. ახლა უნდა ვალაქტიონს ხელის გაწვდენა, თანაგრძნობა, ტკბილი სიტყვა. ხომ შეიძლება დემონმა სიკვდილის ცელი კვლავ მოიმარჯვოს?

პირველ სექტემბერს ოთხმა ამხანაგმა შინ მიაკითხა. ბინა ცენტრიდან მოშორებითაა და უკვირს ვალაქტიონს, როგორ მიაგნეს. მის სიხარულს საზღვარი არ აქვს. სამეგობრო სიძი შეირბა. უხილავმა ძალამ შეაკავა, თორემ ცრემლებსაც დაღვრიდა. „გმადლობთ, მეგობრებო, გულწრფელად გმადლობთ! თქვენშია დარენილა ხელშეუხებლად გრძნობის სისპეტაკე!“

უფროსი ძმა თავზე ადგას. ეს ცოტათი ამშვიდებს.

აი, სოფლიდან წერილი მოვიდა: ჭკუით იყავი, არ შემომიკიდო დაუესებელი ცეცხლი; ნუ გენადვლება, დარჩი, არა უშავს რა. სხვებსაც შეხვედრია ამგვარი საქმე. – სწერდა დედა. ვალაქტიონს გული უკვდება.

„საბრალო დედა! მან იცის, რომ მე კლასში დავრჩი, მაგრამ არ იცის, თუ რა მომივიდა შემდეგ. დაუესებელი ცეცხლი არ შემომიკიდოვო... რას ნიშნავს ეს? ნუთუ მგრძნობიარე გული აქაც გზას უნათებს დამცირებული და ბედკრული შვილის ყოფნა-მდგომარეობის წინასწარ საცნობად?“

ოხ, რა რიგ იტანჯება ეხლა ის...

თითქოს ყურადღებასაც არ აქცევს ჩემს ეგზამენებში ჩატრას, მაშინ როცა ესეც საკმაოდ უშხამავს გრძნობებს...

რად გამაინებ, ღმერთო, რად გამაინებ!“

ნერვული სისტემა თითქმის მოშლილია. მცირე რამ აღვლევებს, ზოგჯერ უმიზეზოდ მხიარულობს, თავის ყოფას უკვირდება და ისევე სასოწარკვეთილებას ეძლევა. მცირეოდენი შედავათი ისაა, რომ პანსიონი დატოვა. „სული მოშორდა შემხუთველ ჰაერს, მოშხამულ დისციპლინას... დისციპლინას მონურს.“

მაგრამ მონობა სხვა მხრიდანაც შეჭიდება... სიცივე, სიმშვილი და სხეუბი ჩემი ბატონები იქნებიან“.

სემინარიაში დადის. გაკვეთილებს ესწრება, მასწავლებელს

¹ აღმან. „პირველი ნაბიჯი“, 1909, №1, გვ. 8.

შესცქერის, მაგრამ გონება მისი სხვაგან ქერის. გალაკტიონის განწყობილებას კარგად გადმოგვცემს II სექტემბრის დღიური.

„დღევანდელი დღე უფრო სველით აღსავსე დღეა ჩემთვის.“

სემინარიის კარიდორში მივდიოდი, როცა გვერდით მსურდელი ხმა შემომესმა... „Ах... милостивый государь“

- მოვიხედე, რექტორი იყო.

- მოთხარით, თქვენ მოსწავლე ხართ თუ არა? მიპასუხეთ...

- დიახ, მოსწავლე ვარ! - მიუგუე... თვალეში უთუოდ საშინელი მრისხანება გამომიკრთოდა...

- წელზედ ხელებშემოწყობილნი მოსწავლეები არ დადიან. დაუშვით ხელები!

არ დავემორჩილე, მაგრამ საშინლად აეღელდი.

- თქვენ იცით, ვისთან გაქვთ საქმე?

- ადამიანთან, ადამიანთან... - თვალეში ძალზე გაუფართოვდა, უთუოდ ჩემის სიმშვიდის გამო.

- წაიღეთ დოკუმენტები... გასწვინდეთ სემინარია... ეხლავე. ამ წუთში...

აქაც სიმშვიდე მრისხანების მაღლა ავსწიე - მომეცით-მეთქი.

ინსპექტორის კაბინეტისაკენ გასწია სანქაროდ, მე კი ქვევით ბაღში წავედი.

არ გასულა ორი წუთი, ამხანაგი დამეწია და მოთხრა: - რექტორი თავის ბინაზედ გიბარებსო.

როცა მის ბინას მიუახლოვდი, ზარის დასარეკად გავსწიე ხელი, მაგრამ ის უკვე ჩემთან იყო.

- მობრძანდითო - და თვითვე შემიძღვა.

ის დამშვიდებულყო. დმურთო შეგცოდნე, ამ წუთში ის ადამიანად მომეჩვენა.

- დაბრძანდით, Я хочу маленькую нотацию вам прочесть.

Примиришь с судьбой, будешь по-братский жить, лучше ли считаться уволенным из семинарии?

ჰმ... ბედს შეურიგდიო! მგონია სამართლიანად ვუპასუხე, სიკვდილს ვარჩევ-მეთქი.

უფრო გავცეცხლდი, როცა ჩემს სიკვდილის ხსენებაზედ ის წელში გასწორდა და ირონიულად მოთხრა:

.. Ты хотел те дьяволу душу отдать! Нет, братец ты мой, примиришь с судьбой...

- კიდევ გაიმეორა ეს საძაგელი სიტყვები.

საშინელ მდგომარეობაში დავბრუნდი კლასში. გაკვეთილი უკვე დაწყებულყო... ქართულის მასწავლებელი ხან აქ აღაჯებდა უშნოდ ფეხებს და ხან იქ-

არ ვიცი, არ მახსოვს, მომცა შენი შენა თუ არა მასწავლებლებმა დაგვიანებისათვის. მასწავლო წიგნის მაგიერ ლექსების რვეული ამომეღო, სწორედ არ დავეკვირვებოვარ. მასწავლებლებმა მომიახლოვდა, აიღო რვეული, გადაათვალიერა...

- სწორედ უკეთესი იყო, ამათ წერას „სადმართო წერილი“ გესწავლა, შენ ხომ იმისთვის დაგტოვეს.

მაშინ აღურად მიუვუგე რაღაც...

- არა, მითხარი, ძალიან გიყვარს „სადმართო წერილი“? არა? ამ სიტყვებმა საერთო ხარხარი გამოიწვია მთელს კლასში. მეც გამეცინა.

- საიდან იცით, რომ არა? - ჩემის მხრივ დავეკითხე.

- ზედ გეტყობათ.

- აბა როგორ?

- შენ ხომ „სოციალისტი“ ხარ... ზედ გეტყობა, ზედ გეტყობა... ასეთმა ლოლიკამ განმაცვიფრა.

- მე ვერაფერი გავიგე თქვენი ლაპარაკიდან.

- ვერ გაიგეთ? ყმაწვილო, ეგ თმა გაგიშლიათ და მაშ ვინ იქნებით, თუ არა „სოციალისტი“.

უკანასკნელი სიტყვები ისე ხაზგასმულად და სერიოზულად თქვა, რომ ჩემდაუნებურად გამეცინა. ჩემმა სიცილმა მთელი კლასის ხელმეორედ ხარხარი გამოიწვია.

ესეც შენი ქართულის გაკვეთილი და სამშობლო უნის მასწავლებლები!!!

სხვა მდგაგოგებიც იქედნურად, ზემოდან დასცქეროდნენ გალაკტიონს. ეს გულს უკლავდა ჭაბუკს და სამაგიერო რისხვას, ერთგვარ გაბორბლებასაც იწვევდა.

18 სექტემბრის ინციდენტი ღრმად ჩარჩა გულში გალაკტიონს. რუსული სიტყვიერების თეორიის მასწავლებელმა დამცინავად უთხრა ჭაბუკს:

„უნდა დაგვემორჩილო“. გალაკტიონმა მიახალა: „არავის დავემორჩილები, საკუთარი ნება მაქვს“. ამას მოჰყვა კამათი, რაც, საერთოდ, აკრძალულია სემინარიაში. განრისხებულმა მასწავლებელმა ისეთი სიტყვები იხმარა, რომელთაც ქუჩის ბიჭიც კი არ იკადრებდა და უკითხვტ „იდიოტით“ კლასიდან გააძევა გალაკტიონი.

სწავლის მხრივ მდგომარეობა არც 1909-1910 წელს გაუმჯობესებულა. საახალწლოდ გალაკტიონს ორები გამოჰყვა მსოფლიო სამოქალაქო ისტორიაში, აღგებრასა და ფრანგულში. სამები აქვს სიტყვიერების თეორიაში, ლათინურ და ქართულ ენებში. მცირე ხნით წარმატებას აღწევს, მაგრამ ესეც

ვეფერულია. ამ ფაქტთა ფიქსაციით წერტილის დასმა სწორი არ იქნება, რადგან გამორიცხული არ არის ზემომოტანილი მაგალითების სხვადასხვაგვარად გაგება და გალაკტიონზე მცდარი წარმოდგენის შემუშავება. სინამდვილეში, თუ მოვლენებს მართებულ კვალიფიკაციას მივცემთ, გალაკტიონს არა თუ ჩრდილი მიადგება, არამედ უფრო მეტი სიდიადით წარმოჩინდება – როგორც ამბოხებული მოქალაქე და პოეზიაში შთანთქმული პიროვნება.

შეშფოთებული დედა კითხულობს: „სად გაიფანტა მაგისი ნიჭი?“ და, მართლაც, რით აიხსნება ყოველივე ეს? მიზეზი მრავალია, რომელთაგან ძირითადს დავასახელებთ:

1. გალაკტიონი ვერ ვგუება განათლების არსებულ სისტემას, ანაფორიან პედაგოგთა მოქმედებას. გამოუქვეყნებელ სატირაში „მესტიერული (კუძღენი თბილისის სასულიერო სემინარიის მასწავლებლებს)“ იგი სამარცხვინო ბოძზე აკრავს შუბლვიწრო აღმზრდელებს. მათ „ჩხიკვებს, შავ ყორნებს და ძერას“ უწოდებს. ამგვარად შექობილთა შორის ზოგიერთი არცთუ უცნობი მოღვაწეა. ეს განწყობილება ბუნებრივია გალაკტიონისათვის, რაც ნათლად ჩანს დაუბუჭდავ ლექსში „სიმღერა“.

*„ველა საწვალეებელზე
საწამლავი მწარეა...
ველა სასწავლებელზე –
ძნელი სემინარია.
ველარ გვწვდები ნათელი
შეების გამომხატველი,
სულს გვიდაგავს რეკიმი,
გულს აწევა ნღველი“.*

გალაკტიონს არა მხოლოდ ზოგიერთი მასწავლებლის უეიცობა, სიმხდალე და სულნამცეცობა აღშფოთებდა, არამედ პედაგოგიკის უკიდურესი ჩამორჩენა, ცალკეული დისციპლინების დახვეწებულობა და რეალობისაგან მოწყვეტაც. 1909 წლის 19 სექტემბერს დღიურში ჩაუწერია: „მალე უნდა წარვადგინო თხზულება შემდეგი სათაურით: „Библийское учение о единстве человеческого рода“.

მობრძანდით და ამტკიცეთ უხლა თქვენ, რომ კაცობრიობა ადამიდან იწყება... რომ დარუინი სულელი იყო და სხვა არაჲინ... ჩემი ამხანაგები (ე. ი. პირველკლასელი სემინარიელები) გმირულად ემზადებიან ჭერზე ფეხებით ჩამოკიდონ დარუინი“.

ცხადია, პიროვნება, რომელიც დარუინისა და ფოიურბახის თეორიებს იცნობდა, ვერ დაკმაყოფილდებოდა სამყაროს შექმნის

ტრადიციული თეორიით. ამიტომაც სრულიად გასაგებია მიზეზი ირონია.

სემინარიისადმი ზიზლი კარგად ჩანს უგერმანულ მოწაფეობისდროინდელ უცნობ ეტიუდში - „ამ ხანას მთავრდება ჭაბუკმა ბრძოლა გამოუცხადა ბურსას და ეს არ იყო ჩვეულებრივი პროტესტი. გალაკტიონი აქაც ორიგინალურია. მან ხომადღები დასწვა.“

ეს არ არის უძღურებისაგან მომდინარე რისხვა. გალაკტიონი შორს მიდის. მას უკვე აწამებს ღმერთის არსებობის საკითხი. „ვინ არის ღმერთი? სად არის ღმერთი? თუ არის, რად დადუმებულა, როცა მის ტაძარს, მის წმიდათაწმიდას ფარისევლები აოხრებენ, შეურაცხყოფას აყენებენ? როცა მისი მცნება და სიტყვა რაღაც საბაზრო ფულად გადააქციეს, როცა ხატება მისი ოქროსა და ვერცხლში გასცვალეს?“

„ღმერთი“ ჩემი ჩვეულებრივი ერთი საშინელი ფიქრთაგანი გახდა!

„ღმერთი“ და „ადამიანი“, „ზეცა“ და „ქვეყანა“, „სიცოცხლე“ და „სიკვდილი“!

უძილობის მსხვერპლი გამხადეს ფიქრებმა. ხშირად მხოლოდ განთიადისას ჩამეძინება, როცა ადგომის დროა... იმავე წუთში უნდა წამოვდგე - ვის გამოუცდია ამგვარი საშინელება?“

ეს შინაგანი გვემა დიდხანს გრძელდება.

2. გალაკტიონი ავადმყოფობს, ამიტომაც გაკვეთილებს აცდენს, მეცადინეობა უჭირს. პროკლე დედას სწერს: „ჯაში ვნახეთ და გალაკტიონი კიდევ გასინჯა. უთხრა, ფილტვები გქონია სუსტი და პაპიროსის წვეას თავი უნდა დაანებო. აგრეთვე, რაც შეიძლება, კარგი საზრდოობაა საჭირო, დღეში ერთი ბოთლი რძე უნდა სვაო. ღვინო ძალიან ცოტ-ცოტა უნდა დალიოს. მეცადინეობა შეგიძლია, მაგრამ დიდხანს მეტისმეტს ვერ აიტანო“.

ცხადია, ფიზიკური სისუსტე გაუღენას ახდენს აკადემიურ მოსწრებაზეც.

3. ხასიათის ფორმირებას შნიშვნელოვნად აპირობებს ეკონომიკური ხელმოკლეობაც.

ციტატა პროკლეს ბარათიდან: „იწერები, გალაკტიონი წერილს რათ არ მწერსო. ამდენი შეიდი კაიკი მასხრობა ხომ არ არის, სხვა, შარველები არცერთს არ გვქონდა და ოცი მანეთი რომ მომივიდა, შარველები შევიკურეთ. გალაკტიონს კიდევ „პოლსაპოტეები“ ქქონდა დახეული და გაეშკათო“.

18 წლის ღამაზე და თავმომწონე ჭაბუკს, მრავალთაგან ნიტიერ პოეტად აღიარებულს, გამოსაცვლელი ხალათიც არ

აქვს. ზოგჯერ შიმშილობს კიდევ და პაპიროსის ნაშვავებს აგროვებს. არდადეგების ეამს თბილისიდან სოფლად ჩასვლას ვერ ახერხებს. შიმშობს, უფულობის გამო, ვაი თუ უკან ვერ დავრუნდეთ.

არსებულისა და სასურველის პოლარულობა, შეცნობილი არაა უცილებლობა ტრაგედიის ერთ-ერთი მიზეზი ხდება.

4. მთავარი მაინც ის არის, რომ გალაკტიონმა ნათლად გამოკვეთა თავისი მიზანი და მთელი ძალები მის განსახორციელებლად მიმართა. მისთვის, გარდა პოეზიისა, სხვა ყველაფერი მეორადი და უმნიშვნელოა. ენურგიისა და ინტერესის ასეთი ცალმხრივობა, მთელი ძალების ერთი კუთხით კონცენტრირება, რაც ესოდენ დამახასიათებელია გენიოსისათვის, ლოგიკურად იწვევს სხვა სფეროებისადმი გულგრილობას, მით უფრო, თუ ეს სფეროები მოქალაქეობრივი და ადამიანური თვალსაზრისითაც ნაკლებმისაღებია.

სურვილი და შესაძლებლობა ურთიერთგამომრიცხავია. გალაკტიონმა იცის, საჭიროა გაკვეთილების მოშადება, მაგრამ შინაგანად არ ძალუძს. ესეც მწუხარების კიდევ ერთი ხათავეა. 1909 წლის 29 ოქტომბერს დღიურში ჩაუწერია: „ორი თვე, სამოსწავლო წლის მეოთხედი თავდება. ხვალ უკანასკნელი გაკვეთილება და ნიშნებსაც წარადგენენ.“

ღამ-ღამობით არ ვიძინებ. მაგრამ მაინც გაკვეთილებს ვერაფერი მოუუხერხე... ღამის არის დავდნე იმათ ზეპირობაში. ისტორიის მასწავლებელმა „ერთიანი“ დამისვა, გალობის მასწავლებელმა „ნოტების“ არცოდნისათვის „ორიანი“ ფრანგულის მასწავლებელმა კიდევ „ორიანი“. რომელი ერთი უნდა გავიკეთო რიგიანად, ხვალ კი უკანასკნელად ყველა გამოიძახებს. რუსული სიტყვიერება, ეს მშვენიერი საგანი, რაღაც საზიზღარ „საზუბრაე“ საგნად გახდა... მიჭირს, საშინლად მიჭირს მეცადინეობა...“

ეს გარემოება ალბათ იმითაც უნდა აიხსნას, რომ გალაკტიონის მთელი ნიჭი, ყურადღება, ათვისების უნარი სხვა არსზე გადაართო და პიროვნებას უკვე არ ძალუძს არსებულის შეცვლა, „გამოფხიზლება“. თავად შენიშნა: „მე მტანჯავენ, მაწვალებენ მისთვის, რომ ვერ ვსწავლობ; არ ფიქრობენ კი იმას, შემძლია ვისწავლო თუ არა?... ავიღებ ხელში კისელიოვის ალგებრას და მინდა ხელი გიტარაზე ან მანდოლინოზე გავაცურო, ვიმღერო. ავიღებ ხელში ილოვაისკის „ძველ ისტორიას“ და მინდა ვხატო...“

გალაკტიონის მხოლოდ ერთ საკურთხეველზე მიაქვს შესაწირავი. იგი მთლიანად ხელოვნებით სუნთქავს.

ლიტერატურით ღრმა გატაცება კარგად ჩანს საკლასო

თხზულებებიდანაც. სემინარიაში ასეთ თემებსაც იძლეოდნენ „სამშობის მონასტრის დაარსება“, „მოსეს მოწოდება“, „დემეტრის პირველი გამოცხადება“, „მონობა ძველ ებრაელებში...“... იქნა მურომეცის დახასიათება“ და სხვ. გალაკტიონიც ვაღდებულნი იყო დაეწერა ამგვარი თხზულებანი. საბუნდევროდ, შემონახულია ეს თემები პედაგოგთა ჩასწორებებითა და რეცენზიებით. მათი გადაკითხვა ერთხელ კიდევ გვარწმუნებს გალაკტიონის გასაოცარ ნიჭიერებაში. თუ შავანი და შავანი ფაქტთა ფიქსაციითა და შშრალი კომენტარებით კმაყოფილდება, გალაკტიონი უპირატესად ფსიქოლოგიურ მომენტებზე ამახვილებს ყურადღებას და პოეტურ სურათებს გვაწვდის. მის თხზულებებში იგრძნობა თრთოლვა, განცდა. იგი არა მარტო საგანს, ობიექტს ახასიათებს, არამედ უპირატესად აღწერილისადმი თავის დამოკიდებულებას ავლენს. ამასთანავე ყოველთვის ინარჩუნებს ორიგინალობას. ამიტომაცაა, რომ პედაგოგები რეცენზიებში ხაზს უსვამენ მის ალღოიანობასა და გონიერებას. მაგალითად, „საქებია, რომ ავტორი გადმოგვცემს თავის აზრებს“. ერთ პედაგოგს კი თავი ვერ შეუკავებია აღტაცებისაგან და თემის ბოლოს მიუწერია: „ამ თხზულებით ვრწმუნდებით, რომ ავტორში პოეზიის ცეცხლი გიზგიზებს“.

ასეთი შეფასება დაიმსახურა „მდინარეთა მოდილებაშ“. იგი საინტერესო პროზაული ნაწარმოებია – შკაფიო სიუჟეტითა და დინამიკურობით, მძაფრი განცდებითა და ლირიზმით. აი, შესავალიც:

„გაცრეცილი დღე...“

ჩემს მყუდრო სენაკში დუმილია. ირგვლივ ყველაფერი საიდუმლოებით სუნთქავს. წიგნები მწუხრითა და სევდით მობურულან. კედლიდან ფიქრიანად დაუხრიათ თავები პორტრეტებს. პატარა ქანდაკებაც სევდიანია.

ო, ეს ქანდაკება!

რაოდენ ბევრ ფიქრს აღმიძრავს იგი.

თანდათან ტივტივდება მოგონება.

ეს ჩემი პატარა დის ქანდაკებაა, გოგონასი, რომელიც ასე ადრიან, ყვაილოვანი სიჭაბუკის ეპოს გაქრა. ის ქანდაკებაშიც კეთილი და მშუენიერია, როგორც რაფაელის მადონა“. შემდეგ ლირიკული გმირი მოგვითხრობს აბობოქრებული მდინარის საშინელებასა და დის დაღუპვაზე.

ამ მოთხრობაში ძნელი არაა გალაკტიონისთვის დამახასიათებელი ნოტებისა და ფერთა ნაზავის ამოცნობა.

სხვა სასკოლო თხზულებებიც საინტერესო მასალას იძლევა პოეტის მსოფლმხედველობისა და წერის მანერის გასაცნობად.

თემაში „სიონის ტაძარი“ მკაფიოდ ჩანს ხედვის ოსტატობა და განზოგადების სიმძაფრე. პოეტური ნიჭი და მოქალაქეობრივი პათოსი. ერთგან ვალაკტიონი წერს: „რადაც შევუცნობელი სევდის მინაგვარი ხელს მიხუთავს! მე მდუმარედ შევცქერ მის გაუქნებულ კედლებს. ნიავე სახეში მცემს, თითქოს უნდა რადაც მომაგონოს. წარმოვიდგინე ის დრო, როცა საოცრად ყვაოდა მშობლიური საქართველო, როცა ის კულტურის უმაღლეს მწვერვალს აღწევდა, როცა ძმურად და სიყვარულით ცხოვრობდნენ მამაცი ქართველები, როცა ერთ ხელში მახვილი ეკურათ, მეორეში კი - ჯვარი და ისე ააგეს ეს უბრწყინვალესი ტაძარი“.

ვალაკტიონის ეროვნული მისწრაფებები, პატრიოტული ხელისკვეთება მძაფრად არის გამოხატული რეფერატში „საქართველოს შინაური მდგომარეობა XII საუკუნეში“. ავტორი იხსენებს წარსულს და უპირისპირებს თანამედროვეობას. იგი აღფრთოვანებულია გარდასული დიდებით და შეშფოთებულია აწმყოთი. მისთვის XII საუკუნის საქართველო შესწავლის კი არა, აღტაცების საგანია. ვალაკტიონი ყელყელაობს წინაპართა სიდიადით. „გვაქვს უფლება ვიამაყოთ მით, რომ ერთხელ ჩვენც გვეყვდნენ წარჩინებული მწერლები. პირნათლად შეგვიძლიან სხვა ერებთან ჩვენც მოვიგონოთ ჩვენი ლიტერატურის ბრწყინვალე წარსული“.

ამგვარივე განწყობილებით გამოირჩევა თხზულება „გიორგი VI ბრწყინვალე“. მასწავლებელს მიუწერია: „ავტორს ეხერხება მოკლედ და მკაფიოდ აზრების გამოთქმა. მშვენიერად არის დახასიათებული გიორგი ბრწყინვალის მეფობა... ენა წმინდა ლიტერატურულია. სწორედ სასიამოვნოა ამგვარი თხზულების წაკითხვა“.

ვალაკტიონი ხელს აქსოვს ასეთ ნაწარმოებებში. განსაკუთრებით ლექსს და ღამეს ანდობს საიდუმლოებას, რადგან ბევრს არ ესმის მისი. ფილისტერები ყახიდად უჩვენენ თავს და შერე გაამქირდავი ღიმილით აცილებენ ჭაბუკ პოეტს.

ვალაკტიონი თხზვაში პოულობს შვებას. წერით კი ბევრს წერს. დაამთავრა დრამატული ნაწყვეტი „სამი სურათი“. როგორც თვით შენიშნავს, „კარგი გამოვიდა“. დაწერა პოემა „მწყემსის“ X თავი, დაიწყო ხუთმოქმედებიანი კომედია „ფრანტიშვილი“.

მომდევნო თვეებშიც ინტენსიურად მუშაობს. ნადსონის „იუდის“ მიბაძვით წერს პოემას „კაენი“. კმაყოფილია: „კარგად დავიწყე, თუ არ მივატოვე. მაგრამ არ ვფიქრობ, რომ მივატოვო, საშინლად შეადვილება რადაც. რითმები მწყობრნი არიან... ვ. ი. გარეგანი ფორმა კარგი აქვს. გარეგანი ფორმა კი ერთი

მხარეთაგანია...”

22 ოქტომბერს გალაკტიონმა დაასრულა პოემა „ქართველი ქალი“, ხოლო 14 ნოემბერს საჯაროდ წაიკითხა „სამშინანათესაო წრეში“, განხილვას დაესწრნენ არა მხოლოდ სემინარისტები, არამედ სათავადაზნაურო გიმნაზიის მოსწავლეები, გარეშე პირებიც. აქ იყვნენ ა. ტყეშელაძე, გ. ქუჩიშვილი, დ. თურდოსპირელი, ა. ჯინჭარაძე და სხვები. პოემა მოიწონეს. გამოითქვა კრიტიკული შენისვნებიც. მაგალითად, თ. იაკობაშვილის აზრით, „ქართველი ქალი“, მიუხედავად დიდი მოცულობისა, მაინც ლექსია და არა პოემა. ტაბიძე ი. ჭავჭავაძის „დედა და შვილის“ და ა. წერეთლის „თორნიკე ერისთავის“ გავლენას განიცდისო“.

დ. თურდოსპირელი არ დაეთანხმა რეცენზენტს. მან პოემა უწოდა „ქართველ ქალს“. მშვენივრად არის დაწერილიო. ამასთანავე, დასძინა, რომ სიუჟეტი მოძველებულია.

გ. ქუჩიშვილმა მსგავსებაზე ყურადღების გამახვილება ზედმეტად ჩათვალა. ცალკეული შემხვედრი წერტილები არ განსაზღვრავს ნაწარმოების საერთო ღირებულებასო.

მსმენელები აღტაცებულნი დარჩნენ პოემის ფორმით, იდეა კი დაიწუნეს. ამას გალაკტიონი შემდეგნაირად ხსნის: „წრეში ყველა სოციალ-დემოკრატია“. ისინი „სამშობლოს“ „კაცობრიობით“ ცვლიანო.

ეს მეტად მნიშვნელოვანი განცხადებაა. იგი უფლებას გვაძლევს დავასკვნათ, რომ გალაკტიონი არ იზიარებს სოციალ-დემოკრატთა ყველა შეხედულებას. უფრო მეტიც, პრინციპულად ეწინააღმდეგება მათ ეროვნულ პრობლემასთან დაკავშირებით. ამ მხრივ ახალგაზრდა პოეტი ილია ჭავჭავაძის გზას მიჰყვება; სწამს, რომ ინტერნაციონალიზმის საყრდენი პატრიოტიზმია. ვისაც თავის მოძმე არ უყვარს, ვინც მამულის თავისუფლებისათვის არ იღვწის, იგი ვერც სხვას შეიყვარებს და ვერც მსოფლიოს ბედნიერებისათვის იბრძოლებს.

გალაკტიონი ნამდვილად განიცდის ილიასა და აკაკის გავლენას. მისი პოემა არა მხოლოდ თემით, არამედ პრობლემის გააზრებით, ცალკეული პასაჟებითა და საერთო სულისკვეთებით უთუოდ წააგავს „დედა და შვილსა“ და „ქართველ ქალს“ (არაფერს ვამბობთ სათაურთა იდენტურობაზე).

პოემას ეპიგრაფად წამძღვარებული აქვს ნ. ბარათაშვილის სიტყვები: „მოი, დედანო, მარად ნეტარნო, კურთხევა თქვენდა, ტკბილ-სახსოვარნო!“ და ა. შ.

მოხუცი მუყანდურე იხსენებს წარსულს - ქართველთა გმირობისა და ვაჟკაცობის ამბებს.

საქართველოს მტერი შემოესია. მამული შეიღებმა ხმლები
გააშიშვლეს. დედა ომში აგზავნის ერთადერთ შვილს და ყოველ
ცისმარე ელის მის დაბრუნებას. დროდადრო ეჭვი გაკრფეს
არ შეირცხვინა თავი მისმა პირმშომ? მაგრამ აი, უპატრონო
ფაფარაშლილი მერანი გამოჩნდა, რომელსაც მკერდი სისხლით
აქვს შეღებილი. დედა მიხვდა, რომ მისი შვილი გამირულად
დაიღუპა. შიკრიკიც ამას ადასტურებს:

„ოჰ, თქმა არ ძალმიძს... მებმება ენა.

შენი ერთგული ძე იქ დაეცა.

ჩვენი ვარსკვლავი იქ ჩაეხვეწა,

იქ დაკვიბნელდა მთვარე და ზეცა.

ვერრა გაეწვევთ... როგორც აფთარი,

მძიმედ დაჭრილი მტერს იგერვდა.

ვინ იცის, რამდენს დასცა თავხარი,

თავს არ ზოგავდა... ხხნას არ ეძებდა.

მისი ხიკვილით დაობლებული,

ქართველთა რაზმი აწ კარგავს იმედს,

სღვას უნუგეშოდ ზარდაცემული“.

ქართველი ქალი მძაფრად განიცდის თანამემამულეთა
შევიწროებას, განწირულებას. იგი მსწრაფლ ამხედრდება და
ხმაღაშემართული მტრის რაზმში შეიჭრება. აღფრთოვანებული
ქართველები ამარცხებენ მტერს. დაჭრილი დედა ბრძოლის ველზე
პოულობს შვილის ცხედარს, ჩაეკონება და სულს განუტყეებს.

გალაკტიონი, ისევე როგორც XIX საუკუნის ჩვენი გამოჩენილი
პოეტები, ქებათა ქებას უძღვნის ქართველ დედეებს. წარსული მას
აინტერესებს არა განყენებულად, არამედ აწმყოსთან მიმართებაში.
მაგალითები ისტორიიდან მოხმობილია თანამედროვეობის
გადახალისების მიზნით და სურვილით.

„რამდენჯერ ბრძოლით დასუსტებული

იდგა ქართველი გულდამაშვრალი

და ამ დროს, როგორც ზეციდან სული,

გარდმოვლენილა ქართველი ქალი.

ეს მხოლოდ მისთვის, რომ შეენახათ

დღემდვ. რაც მათ სულს აღფრთოვანებდა.

დღეს კი შეხედეთ, ვინ ვართ, ან რა ვართ...

გულს ტანჯვა მიკლავს, ფიჭრი და სვედა.

ოჰ, როდის მოვა დრო განახლების,

როს ძალა დასცემს მოხუელ ძაღებს

და კვლავ აღდგენილ თავისუფლების

ქაერში დროშა გაიფრიალებს!“

Handwritten notes and sketches:

- Top left:** *Handwritten notes in a cursive script, possibly a mix of languages.*
- Top center:** *Handwritten notes, including the word "Handwritten" and "Handwritten".*
- Top right:** *Handwritten notes, including "Handwritten" and "Handwritten".*
- Middle left:** *Sketch of a profile of a person's head with a large eye and a mustache.*
- Middle center:** *Handwritten notes, including "Handwritten" and "Handwritten".*
- Middle right:** *Sketch of a person's head inside a rounded container or helmet.*
- Bottom left:** *Handwritten notes, including "Handwritten" and "Handwritten".*
- Bottom center:** *Handwritten notes, including "Handwritten" and "Handwritten".*
- Bottom right:** *Sketch of a person's face in profile, looking to the right.*

აშკარაა, რომ გალაკტიონს მკაფიო თვალსაზრისი აქვს ეროვნულ საკითხზე და ბრძალ არ მოჰყვება ახალ დინებას.

იმასაც დაესძინო, რომ ახალგაზრდა პოეტი გარკვეულად აღრმავებს ილიასა და აკაკის ტენდენციას. მისი ჰერსონაქი გაცილებით აქტიურია, ვიდრე თერგდალეულითა ნაწარმოების გმირები. ილიასთან და აკაკისთან ქართველი ქალის აღზრუნება ემოციისა და სურვილების გამჟღავნებას არ სცილდება. გალაკტიონთან კი იგი უშუალოდ ებმება ბრძოლაში.

გალაკტიონი ბევრს ფიქრობს არა მხოლოდ საკუთარ თავსა და მახლობლებზე, არამედ საზოგადოებრივ საკითხებზეც. 1909 წლის 26 სექტემბერს დაახაფლავეს ყოფილი ქალაქის თავი მარტინოვი. პროცესიას, რომელმაც ვაგზლის მოედნიდან ვანქის ტაძრამდე შთელი ქალაქი გაიარა, არც ერთი ქართველი არ შეერთებია. გალაკტიონი გაოცებულია. „ნუთუ მარტინოვი არა-რა იყო მათთვის? საშინელი ფიქრია, მაგრამ სინამდვილე კი არის, რომ არც ერთი ქართველი მე იქ არ შემომხმნევია. უმეტეს ნაწილად სომხები იყვნენ.“

რად გამწვავდა ჩვენსა და სომხებს შორის მდგომრეობა? ნუთუ ძველი მეზობლობა და ურთიერთობა ფერე უნდა გაქრეს? რად, რისთვის? განა ორივენი „ერთ ბუღს ქვეშ“ არა ვართ? განა ორთავე ერს ერთი და იგივე საზოგადო მოსაზრება არ გვაქვს?

არ ვიცი, რას ფიქრობენ!”

გალაკტიონისთვის მარტინოვის დამსახურება როდია მთავარი. იგი უფრო პრინციპული საკითხით ინტერესდება და ორი დანაგრული ერის შეგობრობას, ურთიერთანადგომას ქადაგებს. ეს ფაქტი კარგად ამჟღავნებს მისი ეროვნული იდეალების სიწმინდესა და ინტერნაციონალურ მიდრეკილებას. 18 წლის გალაკტიონი საფუძვლიანად ვრკვევა ერთ-ერთ ურთულეს საკითხში და რადიკალურად ემიჯნება ვაინაციონალისტებს.

ეროვნულ პრობლემას გალაკტიონი შორი დისტანციიდან როდი განიხილავს. უფრო მეტიც, პარტიოტიზმი მისთვის თემა კი არ არის, არამედ ყოველდღიური განცდის, წუხილის საგანი და ფიზიკურ ტკივილამდე მიმკვანი შეგრძნებაა.

20 ოქტომბერს ახალგაზრდა პოეტი მუჯლისიდან დაბრუნდა. საზოგადოება ქართული იყო, მაგრამ არც ქართული სიტყვა ისმოდა და არც ქართული სული ტრიალებდა. ეს აწუხებს პოეტს და ღამის 5 საათზე დღიურში წერს: „რა ფიქრები არ მიტრიალებენ თავში. ვხედავ ერის გადაგვარებას, დაუძღურებას და ბოდმით შევსება გულის. ახალგაზრდობა მომავალს არაფერს კარგს უქადის, არ უნდა ფიცო!“

ახლა ჩვენთვის უფრო გასაგებია, თუ რა იწვევს გალაკტიონის სევდას და წუხილს, რატომ არის იგი ეხოდენ ტრაგიკული ცხოვრებასა თუ შემოქმედებაში.

მაგრამ ეს მხოლოდ მამულის ხედრით როდია გამოწვეული. მას ღრმად აყიჭრებს სოციალური ავებდითობა, ქვეყნად გამეფებული ბოროტება, უსულგულობა, ხასოგადოების ერთი ნაწილის მორალური დაცემა, მეორის ეკონომიკური სიღუბლიერობამელ ერთს გაუსწოროს თვალი. სურს დაეხმაროს, უშველოს დაჩაგრულს, მაგრამ არ ძალუძს და ყოველივე ამას ხასოწარკვეთილებამდე მიჰყავს.

ნოემბრის ერთ საღამოს ალექსანდრეს ბაღში შეიარაუნდოდა დარდი გადაყვარა. ბაღის კუთხეში ოთხი აწრდილი შენიშნა. სამი მეძავე იყო, ერთიც ქუჩის ბიჭი. მიუახლოვდა და ყური დაუგდო მათ ხაუბარს. ვაჭრობდნენ.

ბაღი ხავსე იყო ხალხით. დასვირნობდნენ, მასლაათობდნენ, მხიარულობდნენ და არავის აწუხებდა სხვისი გასაჭირი. მხოლოდ ერთმა ებრაელმა მიიხედა იქით, საიდანაც ორი თვალი უკმაყოფილოდ ბრწყინავდა. დაინახა ნარნარი, თეთრი პირსახე. შავი ხუჭუჭა თმა, მოყვანილი ტანადობა და ამოიოხრა:

- რა გოგო გაფუჭებული!

გალაკტიონი სულთ ხორცამდე შეძრულია. მთელი დამევერ ისვენებს. „საკვარელო დებო, საკვარელო დედებო! მაწუხებს თქვენი ყოფა, თქვენი გასაჭირი... რა ექნა, რომ ვერ გშველით, რა ექნა, რომ ძალა არ შემწვევს... რა ექნა, მითხარით! დებო, დედებო! განა თქვენ შეგიძლიათ ჩემი ცრემლი დაინახოთ ამ წუთში? მე ესტირი, მაგრამ თქვენ რა?

ოჰ, უმსგავსოებავ ცხოვრებისავ“

ბარემ იმასაც ვიტყვი, რომ 1910 წელს გალაკტიონი წერს დრამას „ფული“. მხატვრული ღირსებით იგი, რა თქმა უნდა, ვერ გაუტოლდება ამ პერიოდის რჩეულ ღირიკას, მაგრამ უთუოდ საინტერესოა ახალგაზრდა მწერლის მსოფლმხედველობისა და განწყობილების გასაცნობად. „ფულის“ სისუსტე, უპირველეს ყოვლისა, კოლისიების მოდუნებულობამ და პერსონაჟთა სქემატურობამ განსაზღვრა. მოქმედ პირებს აკლიათ ინდივიდუალური ნიშნები, ცხოვრებისეული ფერები. ამიტომაც მათი განცდების მიმართ მკითხველნი რამდენადმე გულგრილნი რჩებიან.

მოქმედება მეძავეთა სახლში ვითარდება. დრამატურგი ცდილობს ფსკურის ბინადართა ხასიათებისა და მისწრაფებების ჩვენებით ხასოგადოებრივი ცხოვრების გარკვეული სურათი



შექმნას.

არსებითი ჩვენთვის ისიც არის, თუ რატომ კიდეც ხელს მწერალი ამ თემას. არ შეეცდებით, თუ ვიტყვით, რომ არჩევანში ნათლად გამოვლინდა გალაკტიონის პესიმიზმი. იგი არა მხოლოდ ლექსებში, არამედ დრამაშიც ერთგული რჩება თავისი მრწამსისა. მას მიაჩნია, რომ ცხოვრება საშინელია, ირგვლივ ბოროტება, ძალმომრეობა და მერკანტილიზმი მეფობს, რომ ნათელი სხივი თითქმის არ ჩანს.

შემთხვევითი არ არის, რომ „ფულში“ არც ერთი დადებითი პერსონაჟი არ გვხვდება. ფინალიც სევდიანია. მართალია, მეძაფთა სახლის პატრონი ხალივა იღუპება, მაგრამ მას კლავენ არა ჩადენილი ბოროტების გამ, არამედ გაძარცვის მიზნით, კლავენ გარეწრები: ქალიშვილის გაშიფველი, ღოთი და უსახო სათარა და საიდუმლო ორგანიზაციის სახელს ამოფარებული აფერისტი და გაყრვნილი სანდრო.

როგორც ჩანს, გალაკტიონის პესიმიზმი ღრმა და ფესვგადგმულია. ამ პერიოდში იგი ცხოვრების მრავალ უბანზე, თითქმის ყველა სფეროში უმეტესად თაღს ფერებს ამჩნევს.

აქ ოდნავ გადავუხვევთ და ერთ მაგალითს მოვიყვანოთ. ფუნიკულიორის პლატოზე მდგარი ჭაბუკი დასცქერის ქალაქს და ყველაფერი სევდიანად ეჩვენება. „გულნათუთქული ბურბური მტკერისა, მოქალაქეთა ნაღვლიანი კენესა, მუშებისა და მოწაფეთა შეურაცხყოფილი პანგი, თითქოს შეერთებულად ამოაქვს ნიავს მთის მწვერვალზე“.

გალაკტიონი ხშირად ობიექტური რეალობიდან კი არ გამოდის, არამედ „მედან“, ამ შემთხვევაშიც საგნები და მოვლენები მას იმგვარად მიაჩნია, როგორადაც ხედავს.

დაეუბრუნდეთ „ფულს“ - ეს დრამა, როგორც აღვნიშნეთ, მხატვრული თვალსაზრისით არ ყველყულობს. მიუხედავად ამისა, ნიჭიერი მწერლის თვალი და ხელი მრავალ ადგილას იგრძნობა. კარგ შთაბეჭდილებას ტოვებს ხალივას და როსკიპთა შეკატების ეპიზოდი. მეძავენი მოსაკლავად მიიწვევენ თავიანთ პატრონზე.

„პროსტ. - შეჩვენებულო ხალივა, რამდენს მოუშხამე სიცოცხლე, რამდენი შიბარე ცივს მიწას მშობელთა და ნათესაეთა დაუტირალი? შენ ფულით გჟიფდულობ და ფულზევე გჟიფდი. არ გვინდა ჩვენ ფული, დაგვიბრუნე უდარდელი დღეები, არ გვინდა ჩვენ ფული... ხალივა, მაცდურო ხალივა, ხმა ამოიღე“.

ეს აღშფოთება წუთიერია, მოქმედებაც - არამყარი და უგერგილო. დანებმომარჯვებულ როსკიპებს ხალივა ტკბილულს გადაუყრის და ისინი მყისვე შეიცვლებიან. ქება-დიდებათ ამკობენ



პატრონს: „მშვენიერო ხალივა, გულკეთილო ხალივა“.

ავტორმა მოქმედებაში გვინვენა პიროვნებათა მორალური დაცემა გახრწნა. „ახალმა ცხოვრებამ“ შეძველებს ადამიანს: სახე დაუკარგა, ისინი მონებად აქცია. წამიერი პროტესტი ბინდობუნდად გახსენება წარსულისა ვერ აპირობებს შეუპოვარ და თანამიმდევრულ ბრძოლას.

დრამის ცალკეული სცენები არცთუ ურიგოდ არის დაწერილი. ასეთია ლოთი მამის მიერ შვილის საროსკიპოში მიყვანა და გაყიდვა.

ერთი სიტყვით, ეს დრამა ცხოვრებაზე გულაღრვნილ და ხელჩაქნეულ შემოქმედს წარმოგვინენს.

ჩვენ გალაკტიონის ხევის რამდენიმე მიზეზი დავასახელებთ. დამატებით კიდევ ერთ გარემოებაზე ვეპარტებს ყურადღების გამახვილება. ესაა ეჭვი – ვინ არის იგი, შეუძლია თუ არა კვალის გაკვლევა?

სულში დემონი აფათურებს ხელს, ბოროტი სული ხარხარებს: – არარაობაჲ! არარაობაჲ! გალაკტიონს სურს წაუყრუოს, შავი ფიქრები მოიშოროს, მაგრამ საკუთარ თავს სად გაექცევა?

ეს ყველაზე დიდი ტანჯვაა!

ერთგან წამოსცდება კიდევ: – სულით ობღობაზე, უბედურებაზე ჩივილი ხელმოცარულობით არის გამოწვეული. „...ჩვენშიაც ბლომად არის ისეთნი, რომელთაც წერის სურვილი აქვთ. თავსაც რაღაცას ადარებენ და ბოლოს „ბასტი“ გამოუდით; თურმე ნიჭი არ ქონიათ... ეს საშინელი რისხვაა ზეცისა...“

არ ვიცი, იქნებ მეც იმათ რიცხვში ვურევივარ. საშინელი ფიქრია! მართლა და, რა უნდა ვქმნა, მერე?”

როცა ასეთი ფიქრი ეწვევა, გაცოფებამდე მიდის, ადგილს ვერ პოულობს. ბოლოს ისევ იუმორს მოიშველიებს, ბაირონის ნათქვამს გაიმეორებს: პოეტი ან შეყვარებული უნდა იყოს, ანდა ღარიბი... და დასძენს: – მე ორივე მოთხოვნას ვაკმაყოფილებ.

დროდადრო ისიც კი ეჩვენება, თითქოს თავადაა ყველაფერში დამნაშავე და თვითგვემით ესწრაფვის სულიერი სიმშვიდის მოპოვებას. სწორედ ასეთი განცდის ეაშს არის დაწერილი გენადი მიხელოძისადმი გავზავნილი ბარათი.

„...არ დამიჯერებ, რომ იმ ღამეს მე თითქმის არ მიძინია და საშინლად ვტიროდი. ვტიროდი იმისთვის, რომ ამ ბოლო ხანს ხშირად ცუდი ხასიათის შევიქენი. ამას იმიტომ ვამბობ, რომ ერთი ამხანაგი არ მყავს ისეთი, რომ არ მეწყენინებინოს. იქნებ ეს იმიტომ მომდის, რომ სიმართლე მეტად მიყვარს, მაგრამ უფრო ჩემს ცუდ ხასიათს ვაბრალებ. ვეცდები, ყველა ამხანაგს

ნამოუშორდე, გავსწყვიტო მათთან ყოველი კაკშირი, რომ ხასიათი გავისწორო“.

გასაოცრად მეტყველი ბარათია. ეჭვი, იმედი, სასოვნარკვევია, ალაგ-ალაგ ცინიზმიც... გზა ბუნდოვანი და გაურკვეველია. ათასგვარი ფიქრი ეჯარება ტაბუკს. ტრაგიზმი მძლავრობს, მარტოობისაკენ ღრულვა დიდია. ამიტომ შემთხვევითად არ უნდა მოგვეჩვენოს ცოტა მოგვიანებით „უბის წიგნი“ ფიქსირებული სიტყვები: „მე აღვაგე ტაძარი, ტაძარი ჩემის ტანჯვა-წამების, რომელშიც შესვლა არ შეუძლია, ჩემს გარდა, არავის. მე არ შემიძლია გადმოგცეთ, თუ როგორ ვეწამე, ვერ ვიტყვი, ვერ გამოვთქვამ ამას. აი ამიტომ მე მენანება ამ ტაძრის დატოვება, მეშინია დაეუახლოვდე ადამიანებს“.

ყოველი უსიამოვნო ფაქტი საფუძვლიანი განსჯის საგანი ხდება, რასაც ფართო განზოგადება მოსდევს. გალაკტიონი თითოეულ ამბავს სხვებთან კონტაქტში განიხილავს. ფიქრის გორგალი თანდათან იშლება და საბოლოოდ პოეტი მაინც ყოფნა-არყოფნის საკითხამდე მიდის. „დღეს შემთხვევით მარტო დაერჩი. თვალწინ წარმომიდგა ჩემი წარსული ცხოვრება. გადავათვალიერე წარსულის ტანჯვით სავსე ფურცლები. გონება ამერია, გრძნობა დაეკარგე... წარსული... წარსული!“

აწმყო რაღა არის? – უფრო უბუნლო და უსუნლო, ვინემ წარსული. ნადსონის გულსაკლავ სიტყვებს ვიმეორებდი: „Как мало прожито, как много пережито“.

ამის დაშვებს ჯერ კიდევ არ შესრულებია 18 წელი. ის კი ცხოვრებით დაღლილი, მრავალტანჯული ბრძენის განცდას აუღუნს.

გალაკტიონი ბორგავსეებს, ერთხანს პიპროტიზმამც გაიტაცა. ესწრება ლექციებს, ეცნობა ამ თემაზე დაწერილ წიგნებს. განსაკუთრებით იზიდავს თომა მაინმარტის თხზულებანი. გადაწვეტილი აქვს საფუძვლიანად გაეცნოს ბორნას, ვაგნერის, ფაუერის ნაწერებს. დროდადრო პატარა ცდებსაც ატარებს.

მაინც ვერ მშვიდდება. ყოველივე ეს აბორგუბული სულისთვის ნუსაყუდელის ძიების გზაზე მიკვლეული პატარა მღვიმეებია.

ერთხანს აპატიაც დაეუფლა. ყველასა და ყველაფრისადმი გულგრილი გახდა. აღიარებს კიდევ: „ეხლა, მხოლოდ ეხლა დაკრწმუნდი, რომ მართლა გულგრილი ვარ ყველაფერზე, რომ აღარაფერი მრწამს... დედაჩემს წერილი გაეუბზავნე... უსწულო წერილი. თითქოს არც კი ვდარდობ, რომ ეკეთი წერილი გაეუბზავნე, უშინაარსო, მხოლოდ ორიოდ სიტყვით. მასში კატეგორიულად მოვითხოვე ყველაფერი, რაც მჭირდება, მაგრამ არც ერთი თბილი

სიტყვა, არც რაიმე ნუგეში...

აქ უნებურად მაგონდება ღლობინოვის „იპოხონდრიკი“.

გულისხმორს ეძებს.

გამოჩნდა კიდევ 17 წლის მომხიბლავი ვოგონა მამაშარტაძე
პქვია, მამა სომეხი პყავს, დედა - რუსი. ქართულად უჭირს
საუბარი, როცა ის მეტყველებს, გალაკტიონი კეთილად იცინის.
ვოგონა ჭკვიანია, ლიტერატურით გატაცებული.

„მე მიყვარს! მაგრამ ვუყვარვარ მას? - აი საკითხი.

ოჰ, გული იწეწება!

მარო იქნებ ვერც კი გრძნობს ჩემ მისდამი სიყვარულს.

იქნებ სათამაშო ბურთად მივანივიარ, ისე როგორც სხვები.
მაგრამ არ ვფიქრობ, ის ჩემი ნიჭის თაყვანისმცემელი არის. ის
ჩემი პატივისმცემელია.

ღმერთო, სანამდის გაგრძელდება ეს ტანჯვა და მოლოდინი?
სანამდის, სანამდის?

სხვათა შორის, გალაკტიონს მისთვის მიუძღვნია ღვექი
- „რა მშვენიერი იყო ნამი“. (ადრე მას „ნამი“ ერქვა). ამაზე
მეტყველებს ერთი უცნობი ავტოგრაფი.

ეს გატაცება ხანმოკლე აღმოჩნდა. როგორც ჩანს, გალაკტიონმა
ვერც ამ მხრივ კოვია ნავსაყუდელი. იგი კვლავ იტანჯება.

ამასობაში სექტემბერიც მიიწურა და პოეტი კრიტიკულად
გადახედავს განვლილ გზას: „გავიდა თვე, საშინელი თვე! თვე
წამების, ტანჯვისა! შეტაც ვიტყვი, თვე სულიერი არარაობისა!
სექტემბერი გავიდა... დროა მიეცე კითხვა ჩემს თავს: რა გავაკეთე?

თვის განმავლობაში კლასში მხოლოდ ორჯერ ვიყავი... მე
უსინდისოდ ვსარგებლობდი იმ გარემოებით, რომ მასწავლებლებს
სულიერ ავადმყოფად მიეჩნედი და ამ მხრით ჩემს პროცესს
სწავლაში უურადლებსაც არ აქცევდნენ.

არც წირვა-ლოცვაზე, რომელიც სავალდებულოდ არის
გამოცხადებული სემინარიელებისათვის, მე არ დავდიოდი.

მასწავლებლების და ინსპექციის წინააღმდეგ მთელი
რევოლუცია მოვახდინე.

მაშ, რა გავაკეთე?

მოვიხსენიებ ზოგიერთ კარგ მხარეებსაც. წიგნები ბლომად
წავიკითხე... ჟურნალ-გაზეთები არ გამომიტოვებია... წერთაც
ბევრს ვწერდი... ბევრი კარგიც დავწერე.

ე. ი. მთლად უნაყოფოდ არ ჩაუვლია თვეს! შავი ფიქრები
მუდამ მწეწდნენ და მგლეჯდნენ. უფრო სასტიკად, ვინემ აქამომდე.

რა დამიხსნის-მეთქი, ხშირად წამომიძახნია. ვიცი, რაც
დამიხსნის. ე. ი. არაფერი არ დამიხსნის: გამოუეთხოვე ყველაფერს,

გამოვეთხოვე სულის სიმშვიდეს და მოსვენებას.

თვით „სიყვარული“, სხვებისთვის რაღაც ჰაეროვანი, პოეტების სიმთა ჯღერის საგანი, ჩემთვის არარაობაა.

იქნებ მე ვცდები? იქნებ ეს ასე არ არის?

ღმერთმაც კქნას!!! ღმერთმაც კქნას, რომ ვცდებოდე!”

გალაკტიონს სინამდვილიდან გაქცევა, სიმშვიდე, სულის მოფონება სურს, მაგრამ გზა არ ჩანს და ეძაღება ღვინოს. ადრეც სვამდა, მაგრამ ახლა ზედიზედ თურება. თავადაც ამჩნევს, რომ შოლიპულ გზაზე დგება, მაგრამ ვერ მორევია საკუთარ თავს. „ეს რა სისაძაგლე შემართება... ღვინო, წყველი ღვინო! მე არ შეგონა თუ ასე მივეწვეოდი... მაგრამ გამტყუნება ჩემგვარი ხასიათის კაცის? ბახუსი მეტისმეტად მოწყალება... ის მშვენიერი საშუალებაა გულში იმედისა და სიცოცხლის ჩასანერგად... და ამის მეტი კიდევ სჭირია რაზე ადამიანს? იმედი... იმედთან კი მოქმედებაც არის მუდამ... მოქმედებასთან უსაქმობის გაცილება და სრული ნეტარება... მე არ მინდა ამის მეტი რაზე ვსოქვა მასზე. ამ შესამე ღმერთზე, ამ სოფლის უტყუარ სიმართლეზე და მფლობელზე.“

იმ მიმე ტრავმის შემდეგ მთელი სექტემბერ-ნოემბერი გალაკტიონს თითქმის არაფერი დაუბეჭდავს. ეს ძლიერ აღონებს ტიციანს. რა ხდება? კლასში დატოვებამ ყველაფერზე ხომ არ ჩააქნევინა ხელი გალაკტიონს? გაგრძელდება დუმილი? იქნებ უკიდურეს წერტილამდეა მისული? „...როგორ ცხოვრობ, კაცო, მასე უნდა დაივიწყო ადამიანი! სხვა, რა ამბავია, რომ არაფერს ბეჭდავ. მაგას მოველოდი შენგან. სასოწარკვეთილებას ნუ მიეცემი, ნუთუ არ იცი, რომ ყველა ადამიანის ხვედრია ის, რაც შენ მოგივიდა. სხვას ვის ქონდა ია-ვარდით მოფენილი გზა მოღვაწეობისა, რო მარტო შენ გაქონოდა. თუ იმ იმედით გინდოდა გამოსვლა, შემცდარი ყოფილხარ. აქ ჯავრით აღარ ვარ... გაფაციცებით ვხინჯავ ჟურნალ-გაზეთებს, მაგრამ არ არის შენი იქ არაფერი. და რომ იცოდვ, როგორ მომამძულა თავი მაგ გრიშაშვილმა თავისი უკულო სონეტებით“.

ბიძაშვილის ბარათი ხითბოთი ავსებს გალაკტიონს, მხნეობას მატებს. „ეხლა კი გულდადებით მინდა წერა რომელიმე გაზეთში ან ჟურნალში... დაივიწყებ მალე“.

ტიციანის წერილი ერთი იმ ძაფთაგანია, რომელიც ცხოვრებასთან აკავშირებს პესიმისტ პოეტს.

გალაკტიონს ბევრი თანაურგონობს, ამხნევენს. მაგალითად, გენადი მიხეილიძე მას „პროგრესული კაცობრიობის ტიპს, შურ-ბოროტების მოწინააღმდეგეს, სინათლისა და სიმართლის

მიმდევარს“ უწოდებს.

თუნდაც ქუჩუ ქავთარაძესთან ურთიერთობა რად დირს მათ ბევრი რამ აახლოებთ, უპირველეს ყოვლისა კი, ქუჩუნის ფანატიკური სიყვარული და რომანტიკული ლტოლვა.

ქუჩუმ თვალსაჩინო გავლენა მოახდინა ახალგაზრდა პოეტზე. გალაკტიონი იგონებს: „მე ჯერ კიდევ სოფელში ვიყავი, როცა დემონის რამდენიმე ლექსი წავიკითხე თბილისის ერთ-ერთ ქურნალში, მშვენიერი, გრძნობიერი ლექსები, უბრალო, აკაკის ენით დაწერილი და შთაბეჭდილებების მომგვრელი, როგორც მაგალითად მისი ცნობილი ლექსი: „ვიშ, ამ სადამოს...“

თბილისისკენ გამგზავრების წინა დღეებში ქუთაისში ერთი სემინარიული შემხვდა.

- იცი, - მითხრა მან, - სემინარიაში მარტო არ იქნები, იქ ერთი პოეტი დაგვხვდება.

- მართლა? ვინ?

- დემონი. - ქუჩუ ქავთარაძე.

მე ეს სახელი წინაღვე გამეგონა, მოუთმენლად ველოდი მის გაცნობას“.

ქუჩუ გამორჩეული პიროვნება იყო. მას მუდამ გარს ეხვივნენ ამხანაგები. დემონს ბაძაკდნენ არა მხოლოდ პოეზიაში, არამედ მეტყველებაში, თავის დაჭერაში, ჩაცმაშიც კი...

გალაკტიონმა თბილისში ჩასვლის პირველსავე დღეს გაიცნო იგი. „...სემინარიელები ირგვლივ შემორტყმოდნენ ერთ ამხანაგს და გატაცებით უსმენდნენ მას. მოსაუბრე სემინარიელს შავი ლაიკის ბრწყინვალე ქული ეხურა, სუფთა შავი ფერის პალტო და ხელთათმანები, პირველ შეხედვისთანავე შეამჩნევდით, რომ იგი მდიდარი კაცის შვილი უნდა ყოფილიყო.“

- დემონი! გავიფიქრე მე, დემონი უნდა იყოს! ცოტათი გამხდარი სახე და ცისფერი თვალები ოცნებიანი გამოხედვით, რამდენიმე ძლივს შესამჩნევი უდროო ნაოჭი შუბლზე, სერიოზული, დინჯი სახის გამოშვრეკელება. ყველა ამან ერთბაშად მომაჯადოვა. დემონი საუბრობდა თანამედროვე ქართულ ლიტერატურაზე. საუბრობდა დიდი სიყვარულით მისდამი, რაც საუბარს ელფერს მატებდა. შემდეგ მე დავრწმუნდი, რომ ამ ყმაწვილის მსგავსი მოსაუბრე მთელ სემინარიაში ერთიც არ მოიპოვებოდა. მისი საუბარი უსათუოდ გაგიტაცებდათ მოუხიბლავდათ და ათრობდათ. ვიდრე დიდხანს გარინდებულნი და ყურს ვუკვებდით ამ ხალისიან, სიცოცხლით სავსე სემინარიელის საუბარს, რომელმაც ბოლოს ასე უმიზნოდ და ტრალიკულად დაასრულა თავისი სიცოცხლე.

იმ დღესვე გავიგე, რომ დემონი მეორე კლასშივე დატოვებინარ
ლათინური ენისთვის. ეს გარემოება თითქმის სრულიადაც არ
აღონებდა მას¹.

დემონი და გალაკტიონი მალე დამეგრობრდნენ. უსინი
ხშირად არიან ერთად და ამ წუთებს გალაკტიონი უბედნიერეს
წუთებად თვლის. ქუჩუმ მიიყვანა გალაკტიონი ვალერიან გუნიას
„საქართველოში“. ამ ჟურნალში დაიბეჭდა მეგობართა ღეკსები.
გალაკტიონი ხარობდა ქუჩუს წარმატებით. არქივმა შემოგვინახა
პატარა ბარათი: „ძმავ გალაკტიონ, იმედია, არ დაიზარებ და
ამხანაგ-ნაცნობებს მიაწვდი ამ ფურცელს. გამოცემა იკისრა ზ.
ტიტინაძემ. მხოლოდ საჭიროა ასამდე ხელმომწერი და იმედია,
დამეხმარებით. შენი ძმა დემონი“.

ამ წიგნს არ ღირსებია დღის სინათლე. ქუჩუმ
თვითმკვლელობით დაამთავრა სიცოცხლე.

სემინარიაში მიმავალ გალაკტიონს ამხანაგი შეხვდა.

– წამოდი საავადმყოფოში, დემონი ნახე.

– რა დაეშართა დემონს?

– თავი მოიწამლა კარბოლის მკაფით!

– ცოცხალია?

– ცოცხალია! ექიმები ამბობენ, რომ გადარჩება.

მუხლებზე ეცემა გალაკტიონი: „დემონო, არა გაუჭირვო რა,
ძვირფას ამხანაგს! გვეუდრები, დემონო!“

20 იანვარს ღამით დემონი გარდაიცვალა.

იღვა 1910 წელი.

გალაკტიონმა მეგობრის საფლავზე ღეკსი წაიკითხა,
რომელშიაც არა მარტო დიდი წუხილია გამოხატული, არამედ
იმდროინდელი საზოგადოების გულცივობა და გაუტანლობაც
არის მხილებული.

„სიყვარულს, ძმობას და მეგობრობას

აღამიანებს სთხოვდა ამაოდ.

აღშფოთებული გრძნობა ზღვად იქცა,

ბული კი კუბოდ და სახაფლაოდ.

ვერ აიტანა სპეტაკმა სულიმა

აღამიანთა მტრობა და შური.

ხელთგან გაუსხლტა სამტრო მახვილი

და ძირს დაეცა სუსტი, უძლური.

მხოლოდ როდესაც იგივე კაცი

თრთოლევით იწველა მისკენ საშველად,

¹ ბ. ტაბიძე, თხზ., ტ. XII, გვ. 246-247.

„ნამომეცადე“, სიტყვა მომაკვდავმა
და ცას შეხედა უკანასკნელად...



აქვე მოვიტანთ ფრაგმენტს ქუჩუს ერთი უცნობი ლექსიდან, რომელიც გალაკტიონისადმი არის მიძღვნილი:

„სურათს რომ ნახავ, გაგახსენდები,
გაგახსენდება წარსულნი დღენი,
როს მეგობრობის კონა შევკარით,
ჩვენ ხელთა გვეპყრა გრძნობის მომყენი“.

ამ ლექსში ხაზგასმულია ის დრმა, გულწრფელი ურთიერთობა, რომელიც დემონს გალაკტიონთან აკავშირებდა.

დემონის გარდაცვალებიდან ათი დღის შემდეგ გალაკტიონი დღიურში წერს: „ძვირფასო მეგობარო... შენი აზრდილი თვაღწინ მიდგას ყოველს ნაბიჯზე. შენი ნაღვლიანი სახე მაშფოთებს და უიმედო ბოღმით მივსებს გულს. რა ექნა, უბედურმა, უთვისტომომ, რამ გამიქარწყლოს მოხდევადებული შავ ფიქრთა გუნდი...“

ცრემლმორეული დაეფარფატებ სემინარიის კედლებში... „დაობლდაო!“ ჩურჩულებენ მოსწავლეები. ცეცხლის გენიას მიკიდებს ეს ერთი სიტყვა. ნუთუ მართლა დავეობდდი... ნუთუ მართლა აღარ არის ქუჩუ... ჩვენი ქუჩუ—

შეჩვენებული იყავ, სიკვდილო! განა ცოტანი არიან უვარგისნი, თითქმის „ნაღად“ ფახდებულნი ადამიანები? რად შეგშურდა ქუჩუ— რად წაგეართვი დემონი?“

საგულისხმოა, რომ გალაკტიონმა ღირიკულ-რომანტიკული პოემა „შანშე“, რომელიც 1910 წლით თარიღდება, სწორედ დემონის ხსოვნას მიუძღვნა!

განსაკუთრებით ბედნიერი იყო გალაკტიონი, როცა

ქუჩუა და მისი ოჯახის შესახებ ძალზე საგულისხმო წერილი აქვს პოეტის ძმის შეილიშვილს მუსიკათმცოდნე ნანა ქავთარაძეს, ქუჩუს ბაბუა, დაეთო დადიანებს ჩამოუყვანიათ ძველ ხანებში მაცხოვრის ველესის მშენებლობას. მოსწონებია დაეთოს ხალხი, გარეშო და აქვე დამკვიდრებულა.

ტრადიცია - ღვთისმსახურება გააგრძელებია ქუჩუს მამა სიმონს, ქუჩუ მრავალშვილიანი ოჯახიდან ყოფილა - 8 დედაშვილი. პოეტის ერთ-ერთი ძმა გიორგი (ბაბუ), შ დადიანთან, კ გამსახურდიანთან, დ. შენგელიანთან მეგობრობდა. საგულისხმოა, რომ მან სამეგრელოს მიწა ჩაატანა შალვა დადიანს საფლავში და ქუჩუს სიფრასაც გაუბღვა.

ქუჩუს მეორე ძმა კონსტანტინე - ტარტუს უნივერსიტეტის კურსდამთავრებული - ერთხანს აბულ ერუქიძის მოადგილედ მუშაობდა. დაუხვრტვით 1937 წელს.

შესამე ძმა დაეთო - ისიც ტარტუს უნივერსიტეტის კურსდამთავრებული - გიორგი პლუხანოვის თანამებრძოლი და თანამშრომელი ყოფილა (პირადი მდივანი). ქავთარაძეების ოჯახში შემონახული საფურცელი - დოკოკინის ნივარის ნახევარი. მეორე ნახევარი პლუხანოვების ოჯახშია. დაეთოსა და გიორგის ეს დიდი ნივარი ხმელთაშუა ზღვის სანაპიროზე უპოვინათ და მეგობრობის ნიშნად შუაზე გაუყვიათ.

პროკლესთან განმარტოების საშუალება ეძლეოდა. მშვიტი იფონებდნენ მეფისგაღას, რიონის ჩქერს, სოფელში მარტო დარჩენილ დედას... გალაკტიონი უკითხავდა მას ახალ ღვთაებას ენდობოდა მის გემოვნებას. იშვიათად ნაცნობი ღვთაებისკენ გაუბრუნდნენ. გალაკტიონი გრძობდა სისხლის სითბოს, მარადიულ და გაუხუნარ სიყვარულს. პროკლესადმი მიძღვნილ ღვთაებაში პოეტი ამბობს:

*„ჩქევდა ფაზისი, გავსცქეროდით მის ლაქვარდ სივრცეს,
ცა იტაცებდა ჩვენს ნორს რწმუნას, ძაღლს, სიმტკიცეს,
გვაეწიფებოდა ყველაფერი ამქვეყნიური,
არარაობა, უციცობა და უგნურება!“*

სემინარიაში გალაკტიონის სხვა ახლობლებიც სწავლობენ: გერასიმე, აკაკი ტაბიძეები, მაგრამ ბურსა მაინც აუტანელია და ისიც სხვაგან ეძებს მეუღრო სავანეს. ხან სპექტაკლებს ესწრება, ხან ელექტროვატრ „მუზას“ მიაკითხავს, სადაც ძალზე საინტერესო სურათებს უჩვენებენ: „ძველი ელადა“, „ცხოველებზე ნადირობა აფრიკაში“, „ოქროს ყვავილები“, „პარიზის ღვთისმშობლის ტაძარი“, „კაპიტან მორგანის თავგადასავალი“ და სხვა.

ყველაზე მეტად მაინც ახალგაზრდა მწერალთა წრე იზიდავს. ხშირად ხვდება ი. გრიშაშვილსა და ს. შანშიაშვილს. ი. გრიშაშვილი თავიდანვე სიმპათიით განეწყო გალაკტიონისადმი. მოსწონს მისი ღვთაებები. ისინი გულწრფელად უზიარებენ ურთიერთს ხეაშიადს: „მე და გრიშაშვილი თითქმის დავმეგობრდით... დღეს ის შემხვდა სათავადაზნაურო ქარვასლაში და ორი საათის განმავლობაში ვსაუბრობდით. სიმპათიური და გულეკითილი პოეტი!“

ვსაუბრობდით უმეტეს ნაწილად ახალგაზრდა პოეტებზე. გულმშვიდად ამბობს თავის ღვთაებზე, არ მომწონანო“.

როცა სოსო თეატრის ორ ბილეთს იშოვის, ერთი გალაკტიონისთვის მიაქვს: ხშირად აწვდის ახალ წიგნებს და ჟურნალებს.

ი. გრიშაშვილმა გააცნო გალაკტიონი ი. იმედაშვილს. ამ ფაქტს გალაკტიონი შემდეგნაირად გადმოგვცემს: „...ყოფილ „ნიშადურ-საქართველოს“ რედაქციაში შემიყვანა. იქ ერთი არტისტი დაგვხვდა... (იმედაშვილი-ხაშმელი).

– შენ ამას არ იცნობ? – დაეკითხა ის არტისტს.

– არა!

შენ ხომ ძლიერ მოგწონს მაგისი ღვთაებები. ვუ ტაბიძეა.

– აჰ, მართლა? ნება მომეცით გაგაცნოთ: მსახიობი X. თქვენს ღვთაებს დიდის სიამოვნებით და გატაცებით ვკითხულობ. განსაკუთრებით ბუნება მომწონს თქვენი.



ცოტა ხნის შემდეგ გამოვეშვიდობე.
 ღმერთმანი, რაღაცგვარ ხავსუდ და კმაყოფილად ეკვრებოდა
 თავს“.

ასეთი შეხვედრები, ამგავრი შექება სულს უნათებს პოეტს.
 მას ძალზე სჭირდება წახალისება; ბავშვს ჰგავს. თბილი სიტყვა
 მძლავრ იმპულსებს იწვევს და შემოქმედებითად აღავსნებს.

საზოგადოებრივი აზრი ძლიერია. ყველა აღიარებს
 გალაკტიონის ნიჭს და მასწავლებელთა უმეტესობაც იძულებულია
 ყურად იღონ ხმა ერისა.

საგულისხმო დეტალია. 1910 წელი. „შექვესე კლასში
 უკანასკნელი გაკვეთილი ტარდება. სემინარიის რექტორი ერთ
 მოსწავლეს ეკითხება:

- თხზულება წარმოადგინეთ?
- არა, მამაო.
- მერე რას აპირებთ, ყოფაცქცევაში სამი გამოგვევბათ.
- მაპატიეთ, დღესვე დავწერ და წარმოგიდგენთ.
- დღესვე დასწერ! არა, სადაური ნიჭის პატრონი ხარ, რომ
 ერთს წუთში დასწერო? შენც ხომ გალაკტიონ ტაბიძე არ ხარ,
 Вдохновение მოგივიდეს და...“

შეორე მაგალითი, გალაკტიონი სემინარიის ეკლესიაში
 დგას, ფანჯარაში იცქირება და ოცნებობს, უცებ საცეცხლურით
 რექტორმა ჩამოიარა და ჩურჩულით ეკითხა: „Что, Тамизе, стихи
 сочинишь, да!“ გალაკტიონი გაწითლდა. მთელი საზოგადოება
 მათ უცქერდა.

ეს უკვე გამარჯვებაა. თვით რექტორი იძულებულია, აღიაროს
 გალაკტიონის ნიჭიერება, მაგრამ დოგმატიკოსი პედაგოგებისათვის
 თითქმის არაფერს ნიშნავს გალაკტიონის პოეტური ტალანტი.

მოსწავლეებს საადდგომოდ ითხოვენ. გალაკტიონს ორი
 ორიანი გამოყვა. მაშასადამე, სწავლას ვერ გააგრძელებს.
 გაგიჟებამდე მიდის. ვინ არის დამნაშავე? თვალი ლექსებისკენ,
 ხელნაწერებისკენ გაურბის და ყველაფერს ცეცხლში ყრის.

ჩაიფერფლა უკანასკნელი რვეული და ფხიზლდება. „ჯავრი
 ვიყარე... ვიზე? რაზე?“ - ამოიგმინებს სვევამწარებული პოეტი.

„მაშ, მშვიდობით სემინარიაე! დადი, რომელიც შენ დამასვი,
 საუკუნოა! გულის არ მოშორდება ეს შხამი, რომელიც შენგან
 მივიღე... ახალი გზა... ახალი ცხოვრება... სადმე, სადმე ველირსები
 ნათელ სხივს მასწავლებელთა სიყვარულისას და გულის
 აღმზუნებ ჭეშმარიტ ფიალას სწავლა-განათლების ნექტარით
 სავსეს?“

იმედი არ გადაწურულა. ახლა ნამდვილად არ დაღვეს

საწამლავს, არ დაიხოქებს, ცხოვრებას არ გაეთუღეინება.

გამოიხურა სემინარიის კარები, მეგობრებსაც ექსპრომტით გამოეთხოვა.



„ველარ გვწვდება

დღის მშვენება.

კვდება-დნება

ფუროვნება...

მეგობრებო, ამ ცივ კვლევებს

მოთქმა, მსხვერპლი,

კენესა, ცრემლი

შეუწირავს,

როგორც საფლავს

და ბევრს კიდევ, ბევრს იმსხვერპლებს,

როცა სიზმარს

ვხვდავდით მტკიბარს,

მაშინ კვლევებს,

დაღურეშილებს,

საზარელი ფერი ეღოთ!

და თვით ქნარმა,

ხეშმა წყნარმა

იმ კვლევებში,

იმ ხერხელებში

ბევრჯერ მოხსოქვა უიმედოთ!”

სემინარიიდან გალაკტიონის წახვლამ არაერთს დაწვევითა გული. ვასო გორგაძე გალაკტიონს სწურდა: „სემინარია არახდროს არ მიყვარდა და არც შემოიყვარდება შენი და დემონის აქედან წახვლის შემდეგ“.

ამის თქმის უფლება ნამდვილად ჰქონდა. გალაკტიონს სხივი შემოაქონდა მოღრუბლულ სამყაროში. მეგობრებიც სათანადოდ პასუხობდნენ. ამიტომ წერს პოეტი:

„წუთთა შვენება

თანდათან ჰქრება...

მიაქრიან დღენი, მიაქრიან წლები

და სიბერის ეამს

მოგვაგონებს თავს

ამ სასწვლელების ძველი კვლევები.

მოგვაგონდება

მოთქმა, გოდება,

შეაცრი დესპოტის შური და მტრობა...

მაგრა აგვიანთებს

ხუნ, მოხუც კაცებს,

ძველი ერთობა და მეგობრობა“.



26 აპრილიდან პირველ აგვისტომდე გალაკტიონი მშობლიურ ქვეყნშია. გულაღრენილი ადგილს ვერ პოულობს. პატარაოთახში ჩაიკეტება და გარინდებული უხის მაგიდას. ადამიანებს გაურბის. ბუნების სიმშვენიერესაც ვერ გრძნობს. ირგვლივ კი ზეიშია. შეთვალული უნაბის ფერი გადაკრავს გარემოს. მთელი თვეა წვეთი არ ჩამოვარდნილა. ცა ისეთი ღურჯი და გამჭვივრეა, გაფრენა მოგინდება. ტრიტინობლები ხილს ამწიფებენ. შეღამებისას მათი ტრიტინი რიონის ხმასაც კი ფარავს. დედა გრძნობს შეილის გულაღრენილობას და შეკითხვებით თავს არ აბუზრებს, თითქოს ვერც ამჩნევს მის უკუნებობას.

რამდენიმე დღით გალაკტიონი ქუთაისში ჩადის. აზუსტებს, არის თუ არა გიმნაზიის VI კლასში ვაკანტური ადგილი. ადგილი ცოტაა. მთხოვნელი ბევრი. დროითაც შეზღუდულია, ვერ მოასწრებს გამოცდებისათვის მომზადებას. გადაწყვეტს სექტემბრიდან დაიწყოს მეცადინეობა, თბილისის ქართულ გიმნაზიაში სცადოს ბედი.

კვლავ სოფელი. თჯახი საგანგებოდ ემზადება ფურისცვალებისათვის. ამ დღეს, როგორც იტყვიან, წყალში ყინული ნავარდება და ბანაობას ეკრძალებიან. აწი უურძნის ჭამაც შეიძლება. მაკრინემ საკურთხი გააკეთა. ხაჭაპურებს კვერცხის გული წაუსვა. ხარშოს საკმაში მიაძალა, გალაკტიონს ესამოვნებდნენ... სუფრას ჩიტის რძეც არ აკლია. ნაირგვარი ხილი... რა თქმა უნდა, თევზი... თავანკარა ღვინო ხელადითა და აღუჩისაგან გამოხდილი არაყი ყელუკელა ჩარექიან ბოთლში.

გალაკტიონი ოდნავ გამხიარულდა. ღვინოს მიეძალა. მერე ნავი ახსნა და მეფისჭაღისაკენ გაცურა. გვიან დაბრუნდა, თითქმის გამოფხიზლებული, აივანზე, სკამლოგინზე ჩამოჯდა და ოცნებას მისცა თავი. ქუთაისში რომ იყო, ყველას ვაფა-ფშაველას სტუმრობა ეკერა პირზე. ოქტომბერში იღია ჭავეჭავაძის საღამოში მონაწილეობას მიიღებს.

იქნებ მოახერხოს იმ დროისთვის ქუთაისში ჩასვლა? ეჭვგარეშეა, საამო ბანკეტს გაუმართავენ. იქნება ლექსთა ზიდილი და სიტყვებით თავმოწონება... უნდა ეცადოს... იქნებ თვალის გაუსწოროს მთის არწივმა, ნიჭმა ნიჭი შეიცნოს. წარმოსახვას წარმოსახვა ცვლის. მერე პატარა ოთახში შედის და ფურცელს შემდეგი სტრიქონებით ავსებს:

„ბ-ბო! გუშინ ერთი ახირებული აზრი ამოვიკითხე წიგნში. ეს წიგნი მონტანს ეკუთვნის, გამოჩენილი ფილოსოფოსი და პოეტი. შიგ ახე სწრია: „საბრალთა ის ადამიანი, რომელსაც დიდებული

აღამიანის გვერდით არ გაუკლიაო“. ღმერთმანი, მიკვირს, კაცო ფილოსოფოსი ყოფილა, სწავლული, და ასეთი ჩვეულებრივზე ჩვეულებრივი, უბრალო რამ უთქვამს. მე კი ამას, ბავშვებო, რომ ვიყავი, მაშინაც ვფიქრობდი, მაშინაც საბრალოდ ვთვლიდი, თავს რომ არც იღია შენახა, არც აკაკი და არც ვაჟა, არც ცახელი. სისულელე იქნება, რაღაც ოფიციალური სუნი ექნება აქ ვისმეს ქებათა-ქება ვუმდრო... ამას არც ვაჟა მიიღებს, მე მხოლოდ მინდა სხვა ახალგაზრდებთან ერთად ვაჟას დღე-გრძელი სიცოცხლე ვუსურვო და ჯანმრთელობა. ჩვენ ახალგაზრდობას ამათვან გაკლევული გზა მუდამ ხალოცავად გვექნება... ცხოვრების უღმობელ ზღვაში კიდევ გაგვამხნევეს მათი წარსული. მაშ ასე, გრიშაშვილო, ალავერდი შენთან“.

გალაკტიონი ვაჟას პატივსაცემად გამართულ ვახშამს არ დასწრებია. არც ეს სიტყვა-სადღეგრძელო წარმოუთქვამს. მაგრამ ხსენებული ჩანაწერი მაინც ძვირფასად გვეჩვენება. იგი ვაჟასადმი თავყვანისცემას გამოხატავს.

არცთუ იშვიათად ახალი თაობა მკვეთრად უპირისპირდება ძველს და კაცობრიობის წელთაღრიცხვას საკუთარი შემოქმედებიდან იწყებს. მამებთან ბრძოლა ზოგჯერ ობიექტური მიზეზებით არის განსაზღვრული, ხან კიდევ – სუბიექტურით. ამგვარი შესხლა-შემოხლის დროს უცხო არ არის ფასეულობათა გადასინჯვა და ნაიღიწში.

გალაკტიონი იმითაც არის გამორჩეული, რომ არასდროს უპირისპირდება „სახელოვან გვარდიას“ (ასე იხსენებდა იგი ძველ თაობას). კარგად ესმის, რომ აწმყო წარულისაგან არის შობილი და განპირობებული. ახალგაზრდა პოეტი დიდებულ წინაპართა მიერ მომზადებულ ბალავარზე აგებს საკუთარ შენობას.

გალაკტიონის მთელი შემოქმედება ქართველ მწერალთა ღრმა და გულწრფელი პატივისცემით არის გამსჭვალული. ამგვარი დამოკიდებულება მოვლენათა და პროცესთა ღრმა გააზრების შედეგია და არა ჩვეულებრივი თავახიანობა, ორდინარული ეგსტი.

როგორც ვხედავთ, ჭაბუკი გალაკტიონი ლიტერატურული ცხოვრების შუაგულში ტრიალს ესწრაფვის. მას თხზვის დიდი შინაგანი მოთხოვნილება აქვს და თავის მოღვაწეობასაც სხვათა პატივისცემაზე აფუძნებს...

მივევთ კალენდარს.

მეორე დღეს კვლავ დარდმა დარია ხელი. რაღაც უნდა იღონოს. ისევ წამოტივტივდა ბავშვობისდროინდელი ოცნება. იქნებ სამხედრო სამსახური ჯობდეს. არ არის გამორიცხული, რომ ამ სურვილის დაბადებას ბარათაშვილისა და აკაკის ყმაწვილურმა

მისწრაფებებმაც შეუწყო ხელი. ერთი რამ ცხადია, გალაკტიონი უკვე არცთუ გულუბრვეილად ფიქრობს იუნკერთა სკოლაში შესვლაზე. 1911 წელს შედგენილ „ცხოვრების ქრონიკაში“ რომელიც 19 თავისგან შედგება, გვხვდება ასეთი ჩანაწერი „15. დამარჩინეს... თავის მოწამულა. ისევ სემინარიაში. ახალი ამხანაგები. ნ. მახათაძე და მე. მუსანოვსკი და მე. ვართაგაევა და მე. ინსპექტორი ფილიპე და მე. ჩოგოვაძის სიკვდილი. ღემონის თავის მოწამულა. ჩემი პესიმიზმი. სიმონის სოფელში. ჯაბა და მე. სემინარიელების დაპატიმრება (დღიური ამ წლის მაქეს). მე - სემინარიაში ცნობილი პოეტი, გამორიცხვა.

16. სოფლად დედანემის ცრემლები. შზადება საიუნკერო სასწავლებლისთვის. კადეტთა კორპუსი. უპაპიროსობა“.

როგორც ჩანს, ეს მაინც მყარ, მტკიცე საფუძველს მოკლებული ღტოლვა იყო და გალაკტიონიც ციდან მიწაზე ეშვება.

ნოემბრის დასაწყისში სოფლიდან ქუთაისში ჩამოდის, თანაც დამოძღვრილი. ყურთან ახლაც წკრიალებს დედის ხმა: გაინძვრი, იქნებ მასწავლებლის ადგილი იშოვო.

აფორიაქებული, აღრენილი... იცის, ქარაფის პირას მდგარმა ყველაფერი გულთან ახლოს არ უნდა მიიტანოს, თორემ...

და მაინც რაღაც უნდა იღონოს, უნდა მოძებნოს ხელჩასაჭიდი. პოეზია დიდი საუფლოა, შვების მომგვრელი, მაგრამ მის გვერდით ზოგჯერ ცხოვრების წერილმანაც თვალსაჩინო როლს ასრულებს. ერთმა ღიმილმა შეიძლება ბევრი რამ შეცვალოს.

აი, ნოემბრის ჩანაწერი - „რას ვგრძნობ ახლა მე?“

„სალამოზე სახლის კარები ჩაგვკეტე და ქუჩაში გავედი. მე ქალაქის განაპირას ვდგევარ და სანამ თვატრის წინ მივიდოდე, კარგა მანძილი უნდა გავიარო. იქ უთუოდ ნაცნობს რომელიმეს შევხვდები და დაველაპარაკები, თორემ მარტო, მთელი დღე მარტო პატიმარივით, მოსაწყენია, საშინლათ მოსაწყენი... აი ეხელავე, წითელკაბიან ახალგაზრდა მომხიბლავ ქალს. გვერდით ამხანაგი მოყვება... წითელკაბიან ქალს მომხიბლავი ცისფერი თვალები აქვს, პირის სახეზე აქა-იქ წითელი კორსლები ამოფენია, და მე მიყვარს ეს, ქერა თმა აქვს. მე ხშირად ვხვდები იმას და ვერ ვიცნობ კი. ვინ არის? აი ეხლაც გვერდით ჩამიარა, თვალები მომაშტერა და წამოიძახა. - Поэт, даа... მე საჩქაროდ ავუარე და გულში რაღაც სიამაყე ვიგრძენი... მგოსანი ვარ, რადგან ახლა იმ ქალმა მითხრა ღუთაუბრივი სიტყვა: „მგოსანი“. შემომხედეთ, მგოსანი ვარ. ჯერ ერთი თვატრის წინ გავიარ-გამოვიარო, მაშინ ნახავთ, „მგოსანი“ ვარ თუ არა“.

ღირს იუმორით შეფერადებულ ამ ჩანაწერზე დაფიქრება. აქ

პოეტის სული გამოკრთის. აქ დიდი ბაუშეი ნანს. გალაკტიონს გამხნეება სჭირდება, გალაკტიონს ამაღლდება სჭირდება. რა ვუყოთ, რომ ზოგჯერ ამ მიზნით მეორეხარისხოვანს ვლაცხავთ.

15 ნოემბერს გალაკტიონი სამასწავლებლო გამოცდებში აბარებს და ხარაგოულიდან ორი ვერსით დაშორებულ სოფელ ფარცხნალში სამრევლო სკოლაში იწყებს პედაგოგობას.

გალაკტიონის ხასიათიდან გამომდინარე, ძნელი არ არის წარმოვიდგინოთ, თუ როგორი იქნება ამ პერიოდის მხატვრული შემოქმედება.

ვიდრე მის დახასიათებას შევეუდგებოდე, ერთი წინასწარი განცხადება: 16-17 წლის გალაკტიონი ძალზე ბევრს წერს. მრალისმეტყველია შემდეგი ცნობა: „ტფილისში ჩამოსვლისთანავე ოცამდე დიდი „პოემით“, რამდენიმე ასეული ლექსითა და რომანტიულ-დრამატული ნაწერებით, მიმაქვს მედგარი იერიშები ყველა რედაქციებზე“¹.

აქ არაფერია გაზვიადებული. სხვა საკითხია, თუ რა ღირებულებისაა ეს ლექს-პოემები. იმასაც დავსძენთ, რომ პოეტს არ გაუნადგურებია ყველა ადრინდელი ნაწარმოები, როგორც თანამედროვე სამეცნიერო ლიტერატურაშია აღნიშნული. ზოგი მთლიანად შემორჩა, ზოგიც ფრაგმენტებისა და ვარიანტების სახით.

სემინარიაში სწავლის პერიოდშიც გალაკტიონი ინტენსიურად თხზავს. ერთი ჩანაწერის მიხედვით, 1908 წელს – 5, 1909 წელს – 11, 1910 წ. – 20 ნაწარმოები გამოუქვეყნებია. ხოლო, რომელთაც დღის სინათლე ვერ იხილეს, მათი სახელი ლეგიონია.

გალაკტიონს, უპირველეს ყოვლისა, აინტერესებს ეროვნული პრობლემა. ზემოთ ხვეწ შევხერდით „ქართულე ქალზე“. იგი ეროვნულ-განმათავისუფლებელი სულისკვეთებით არის გამსჭვალული. ყურადსაღებია პოემის დასასრული:

*„ეჰ, საქართველო! ვინ მოსთელის რამდენს
დაულევეია სიცოცხლე შენთვის,
მაგრამ არას დროს, კარგ ხე მომდგარ მტერს
არ მისდგომია შეწვევისათვის.
რამდენჯერ მწარედ ზედ დაგტიროდა
აწ დამსხერველი რუსთველის ქნარი,
მაგრამ არასდროს, შიშს ქვეშ არ თრთოდა
ხმა ძლიერი და ისევ მედგარი.
რამდენჯერ ცხარე ცრემლად დაღვრილა
უმწვოდ შენიღლი ქართველი ერი,
მაგრამ არას დროს მთლად არ აღგვიღია*

¹ გ. ტაბიძე, თხზ., ტ. XII, გვ. 278-279.



სული ვპირუელი... სული ძლიერი.
 რამდენჯერ ბრძოლით დასუსტებულა
 იდეა ქართველი გულ-დამაშურალი
 და ამ დროს როგორც ზეციდან სული
 გარდმოვლენილა ქართველი ქალი.
 ეს მხოლოდ მისთვის, რომ შეენახათ
 დღემდე, რაც მათ სულს აღფრთოვანებდა.
 დღეს კი შეხედეთ ვინ ვართ, ან რა ვართ?
 გულს ტანჯვა მიკლავს, ფიქრი და სევდა.
 ია, როდის მოვა დრო განახლების,
 როს ძალა დასცემს მოსულ ძალებს
 და კვლავ აღდგენილ თავისუფლების
 პაერში დროში გაიფრიალებს”.

„კოლხიდაშიც“ პოეტი შეუფარავად ამჟღავნებს თავისუფლების დაკარგვით გამოწვეულ ტკივილს:

„თავისუფლება დაკარგეთო, თავისუფლება,
 შეისმინევი, კე, ბუნებაჲ, მუდარა ჩვენი!
 გრძნობა გვეკარგვის, სული შფოთავს, გული წუხდება –
 რად არ წუდებაო ჩვენი კენესა, ტანჯვა ესდენი?
 მზე დაგეკატათებს... ყვაილთ გუნდი გვეაღურსება,
 ტანჯვა არისო ყველაფერი მონაგონებლად.
 თავისუფლება აღარა ვეაქვს, თავისუფლება!
 იტირეთ, ძმებო! ცრემლი დაგვრჩა მანუკეშებლად“.

ზოგიერთ ღეჰქს იმ დასკვნამდე მივყავართ, რომ სიტყვა „თავისუფლება“ ვალაკტიონი ფართო შინაარსით ხმარობს. მასში არა მარტო ეროვნული, არამედ სოციალური და პიროვნული დამოუკიდებლობაც იგულისხმება.

ისიც ხაზგასასმელია, რომ ყველა ნაწარმოები ერთნაირი პათოსით არ არის დაწერილი, თუ ბევრ მათგანში ურვა და გოდება მძლავრობს, ნაწილში ქედუხრელობა და ბრძოლისაკენ მოწოდება ნანს, გამარჯვების რწმენა გამოკრთის.

„ბრძოლაში ვეძებ თავდაუწყებას,
 ბრძოლის ქუხილში მიიღტვის სული.
 ვერ ეუღალატებ საფლავთა მცნებას,
 არ ცხრება გრძნობა აღშფოთებული.
 სამშობლო მხარვე, შენი შეგნება
 სისხლით ირწყვება და იღვბება.
 მოქანცულ გულით მეთაურები
 წმინდა დროშის წინ ძირს ეცემიან,

¹ გ. ტაბიძე, თხზ., ტ. I, გვ. 72.

მიიძე ჭრილობით დაღდასმულები,
 ისე, ვით უწინ, მშვიდად კვლებიან.
 ახალ გმირს ეძებს უკანასკნელი
 მათი წუხილი და გული წრფელი.
 ო, ვისაც მწარედ აკვნესებული
 გული გედაგვით საშინელ სევდით,
 ვისაც მრისხანედ გიტოკავთ სული -
 შევერთდეთ ერთად, დიდი იმედით!
 თავისუფლების დროშა, იხრწნება...
 მაშ ცუცხლში ეპოვოთ თავდავიწყება!..

1908-1910 წლების შემოქმედებაში წინ იწევეს სიყვარულის
 მოტივი. ეს სრულიად ბუნებრივია და არა მხოლოდ ასაკობრივი
 მომწიფების გამო. პოეტი მიისწრაფვის, არა ოდენ დატკბეს ამ
 ღვთიური გრძნობით, არამედ გაერკვეს კიდევ მის არსში. რა და
 რა სახის მიჯნურობა არსებობს. შეიძლება თუ არა ყველაფერი
 შესწიროს სატრფოს. რა წარმართავს სიყვარულს - ბედი,
 გრძნეული ძალები, ინტიმური ურთიერთობა თუ...

თავდაპირველად სიყვარულის რომანტიკული შეცნობა
 მძლავრობს. თვალსაჩინოა სხვათა გავლენაც და მაინც: 1908 წლის
 ნაწარმოებები საგულისხმოა, თანაც არა იმდენად მხატვრული
 ოსტატობის, რამდენადაც მსოფლგაგების თვალსაზრისით.

ამის დასტურად გამოდგება უცნობი პოემა „ბუნებასთან“. პერსონაჟთა მოქმედების მხატვრულ ლოგიკას დიდი ყურადღება არ ექცევა. ამბავიც უჩვეულოა.

პატარა თამარი მოუტაციათ და უსიერ ტყეში გადაუმალავთ.
 ავაზაკის ვაჟს შებრალებია გოგონა და მამისთვის ნება არ მოუცია,
 ოსმალეთს გაეყიდა იგი. გოგონა წამოიზარდა და შეუყვარდა
 მომტაცებლის ვაჟი. გვლაც ამავე გრძნობით პასუხობს.
 თითქოს არაფერი უშლის ხელს მათ ბედნიერებას, მაგრამ ვაჟი
 ავადმყოფურად ეპკიანი აღმოჩნდება და სიცოცხლეს უმწარებს
 თამარს. ისიც განიხიბლება.

და აი, ერთხელ მწუხარე თამარი ტბაზე შეხვედება სხვა ჭაბუკს.
 ისინი მყისვე გამოიჯნურდებიან. მერე ტყეში ქოხს ააგებენ და
 ბედნიერად ცხოვრობენ. მაგრამ ეს სიამე არ შეიძლება დიდხანს
 გაგრძელდეს. ქალს ავი წინათგრძნობა დრღნის.

*„და ამ ღუმელში მოისმის მშვიდი,
 ნელი ხურხული: „მითხარ რას იზამ,
 რომ უდროო დროს, მოულოდნელად
 შენის თვალის-წინ მიმსხვერპლოს მიწამ?“*



საქართველოს
საქართველოს

- რას მეუბნები - ისმის პახუხად -
 ნუ მომაგონებ, ნუ, გვეკვდები!
 თვით წარმოდგენაც ცეცხლსა მიკიდებდა
 ომ, მე უცახცახებ... არ მომეშვები?
 - არა, მითხარი, ეხლავე რომ მოვკვდე
 რას იზამ? აქვე არ მიმატოვებ?
 - ომ, ნუ დამტანჯავ! ვთხოვ, შენს ხიკვიდს ზედ
 სიტყვას ნუ იტყვი, ნუ მომაგონებ!
 - მაინც? რას იზამ?
 - მეც თავს მოვიკლავ,
 ჩვენსა ხიყვარულს შევსწირავ თავსა,
 მაგრამ ჩვენ ეცოცხლობთ, ნუ გავიწყდება,
 ხელი არა აქვს ჩვენი თან ხელდავსა.
 - ხა, ხა, ხა! განა ის კი არ იცი,
 რომ ყოველს წუთში კუბო გედარაჯობს?
 რა საბრალთა ადამიანი.
 როცა ტრფობის მეტს ქვეყნად არ-რას გრძნობს,
 მაშინ მის გულში ტრიალებს აღი,
 მაგრამ ნუგეშის, ხიცოცხლის შვეების,
 ხჯერა მუდამდღე იღვრებს ნანგი
 ხიყვარულისა, ნეტარ წუთების!
 ხჯერა, არ მივა ახლოს წამება
 და ხისპეტაკს არ გააშაგებს.
 ხჯერა... მაგრამ ის სტუკუდება შკაცრად.
 - არა, პახუხად ამბობს ჭაბუკი,
 - ნუ თუ კანონი არა აქვს ზეცას?
 რომ წინ აღუდგეს სპეტაკ ხიყვარულს,
 ხულ - შეწუხებულს, უმწიკვლო გრძნობას?
 - უგრე გგონია? რა რიგ სტუკუდები!
 - ომ, კარგი, კარგი! აბა წავიდეთ,
 ვგონებ, კიდევაც გათუნდეს მალე.
 ჩქარა, ხჯობია ნუ ვაგვიანებთ!
 და ხეებთ შორის მთვარის ნათელზე
 გამოიხნდნენ ორნი, ხელ-ჩაკიდულნი,
 მიადიჯებდნენ დაფიქრებულნი".

მერე ნავიც შეაცურეს წყალში და უეცრად ვიღაცამ თამარს ხანჯლით გაუპო გული. თან „გადაეშვა ტბისა უფსკრულში“. ჭაბუკის სულიერი დეპრესია უდიდესია. იგი გიჟდება. საბოლოოდ ქარაფიდან გადაეშვება და ტრაგიკულად ამთავრებს ხიცოცხლეს: ეპილოგის ბოლო სტროფი ასეთია:



„კითხვა საზარი: რა ვართ ამ ქვეყნად?
 თითქო სუყველას სევედასა გერიდა...
 ბულბული მწუხარ პანგს გააკიოდა,
 და ყვაველთ გუნდი ნაზად თავს ხრადღა...“

დიახ, ეს კითხვა აწამებს პოეტს. მისი მტკიცებით, სიყვარული, თვით სიცოცხლეც წამიერია და საწუთროს უკუღმართობის მანქენებელი.

არსებითად იგივე ტენდენცია მძლავრობს „სატანაში“. თუმცა განსხვავება მაინც იგრძნობა. პოემაში „ბუნებასთან“ ქალ-ვაჟის სატრფიალო ურთიერთობა გულწრფელია. „სატანაში“ – ვალბი. პირველ ნაწარმოებში უბედურება სხვათაგან მოდის, მეორეში – თვით პერსონაჟთა მოქმედებიდან. ბუნებრივი ძალა ორივეგან იგულისხმება თუ რეალიზდება, მაგრამ მისი ფუნქცია რამდენადმე განსხვავებულია.

„სატანა“ 1910 წლით თარიღდება. მისი შექმნის იდეა გალაკტიონს გაცილებით ადრე დაებადა. ისიც ირკვევა, რომ 1910 წლის შემდეგ ტექსტმა ცვლილებები განიცადა. მაგალითად, მეხუთე თავში გადახაზულია შემდეგი სტრიქონები:

*„ეს წაიკითხა თვალებმა მისმა
 ძვირფას თვალებში და ვცა ელდა;
 ვით ჯადო რამე, როგორც თილისმა
 ისე ჩაადნა... თვალთ დაუბნელდა“.*

ჩამატებულია ცალკეული პასაჟები და სტროფები... არაფერს ვამბობთ ისეთ შესწორებებზე, როგორიცაა „მდიდრული ფანჯრის“ „კოშკის ფანჯრით“ შეცვლა; მეორე თავიდან სიტყვა „როიადის“ ამოღება და სხვა მისთანანი.

დიახ, სარედაქციო ჩარევა აშკარაა, მაგრამ პიემა ძირითადად მაინც 1910 წელს არის გამართული. ეს აღნიშნულია კიდევ ხელნაწერის სატიტულო გვერდზე.

იმასაც ვიტყვით, რომ გალაკტიონს პოემისათვის ახალი სათაური შეურჩევია. გადაუხაზავს „სატანა“ და „ძველი კოშკი“ დაურქმევია. ამგვარი ტრანსფორმაცია შემთხვევითი არ უნდა იყოს. პოეტს ალბათ ღრმა ჩანაფიქრი მქონდა, რომელიც ვერ თუ არ განუხორციელებია.

1912 წელს გალაკტიონი მიხ. ბოჭორიშვილს სწერდა: „...ორი პოემა დავსწერე: „ძველი კოშკი“ (ორი შენი „მწუხრიშვილის“ ტოლა პოემა) და „ალვის ხეები“ (მისტიციზმითაა ავსებული)“¹. „ძველ კოშკში“ „სატანა“ იგულისხმება. იგი, როგორც გაირკვა, გაცილებით ადრეა შეთხზული. 1912 წელს კი ალბათ მისი

¹ ზ. ტაბიძე, თხზ., ტ. XII, გვ. 546.

გარანდვა-გადაკეთება იწყება თუ გრძელდება. მთავარი ისაა, რომ
გალაკტიონის წერილზე დაყრდნობით მკვლევარებმა „ძველი
კოშკი“ ახალ დამოუკიდებელ ნაწარმოებად მიიჩნიეს და წაუხრებლად
გამოთქვეს მისი დაკარგვის გამო.

„სატანა“ რომანტიკული პოემაა. გალაკტიონმა მას ლეგენდა
უწოდა და ეს მხოლოდ ფაბულის სპეციფიკით როდი აიხსნება.¹

„სატანაში“ მისტიკური ძალა იწვევს წინ. იგი განსაზღვრავს
როგორც სიუჟეტის განვითარებას, ასევე პერსონაჟთა უჩვეულო
მოქმედებას. უარყოფილია ტიპური ხასიათების ტიპურ გარემოში
მოქმედება.

მოდი ნუ ვინქარებთ იმის გარკვევას, პოემა რეაქციული თუ
პროგრესული რომანტიზმის პრინციპებით არის აგებული. მიყვებით
ტექსტს და ლოგიკური დასკვნის გამოტანა არ გაგვიჭირდება.
მაგრამ ერთის აღნიშვნა ამთავითვე გვმართებს, ნაწარმოებში არ
ჩანს ნათელი სხივი.

სელიმი ბედნიერია – მეგობრებით გარშემორტყმული და
სატრფოს ღიმილით ამადლებული. მაგრამ ეწვევა სატანა და
ყველაფერი იმსხვრევა. აქ არსებითი ის გახლავთ, რომ პოეტიც
იზიარებს სატანის აზრს:

*„რისთვის არ იცი, ჩემი ნაღარა,
სიმართლის ხმა დაუძლეველი!“*

რა არის ეს სიმართლე? ის, რომ არ არსებობს მტკიცე
სიყვარული და ნაღდი მეგობრობა, რომ ცხოვრება ბოროტი და
მიუღებელია.

*„ცხოვრების ბავშვო, ჩანს, რომ არ იცი
იმავე ცხოვრების კარგი და ავი.
აღაშიანის ფუჭია ფიცი –
სატრფო თასია და საამღავი“.*

სელიმი სატანას ემორჩილება. მისგან მიწოდებულ თასს
სცლის და გულთამხილველი ხდება – სხვათა ფიქრებს, აზრებს
უსეცდომოდ კითხულობს.

სასახლეში ფანტასტიკური ღზინია. ლელე ცქრიალით
გამოეგება სატრფოს. უსაყვედურა კიდევ – რად დაიგვიანეთ.
გამისწვებულმა სელიმმა კი მის თვალებში სულ სხვა ამოიკითხა:

*„როცა შენ წახვალ, კარებს გაცდები,
უგემურ კოცნით მოტყუებული,
მხწრაფლ ვაილება ისევ კარები,*

¹ გ. ტაბიძე, თხზ., ტ. VIII, გვ. 42.

² იქვე.



რომ სხვა გიჟმაკით დავიტკბო გული...
 შეშოვა ღაარა, შეშოვა წყნარად
 შენი თანსწორი და მეგობარი...
 მე ვერწვი გზნებით, გულგამახარად,
 „მაკოცე ღაარა, გულს ჩამეკარი.
 სელიში კიდევ მომბეზრდა, ღაარა...
 ეხლა შენ ხარ ჩემი იმედი,
 მიყვარხარ! გულმა გადაატარა
 სელიშის ხვეუნა და მასთან ბედი
 ჩამეკარ, ღაარა... უფრო მხურვალედ,
 ვგრე- მაკოცე, კიდევ- ნუ კრთები,
 დიდი ხანია გამოუუცვალეთ
 სელიშის აღურსს ფუჭი ფესვები“.

სელიშს თურმე არა მხოლოდ მიჯნური, არამედ მეგობარიც ღალატობს. მოვლენები სწრაფად ვითარდება. მოხდა ის, რაც სელიშმა ღელეს თვალბეჭეში ამოიკითხა და გამძვინვარებულმა გული გაუპო მეტოქეს.

სიყვარულის სამკუთხედი კარგად არის ცნობილი, თითქმის სტერეოტიპად იქცა. ლიტერატურისათვის არც ხანჯლის ტრიალი და სისხლისღვრაა უცხო. არსებითი ისაა, რამდენად მოტივირებულია ყოველივე ეს და რის დამტკიცებას ემსახურება.

გალაკტიონი პესიმისტურად არის განწყობილი. ჰემშარიტი სიყვარულისა და მეგობრობის უარყოფას საბოლოოდ ადამიანის არსებობისა და ცხოვრების აზრის გარკვევასთან მიჟვავართ. დასკვნები კი არასახარბიელო ჩანს.

ახალგაზრდა გალაკტიონის კონცეფცია არცთუ უცხო, მაგრამ მიუღებელი ჩანს. პოემა არა მხოლოდ ღირებულებათა გადაფასებისაკენ, არამედ რწმენის შეღახვისაკენაც გვიბიძგებს.

„სატანა“ საინტერესოა არა მხოლოდ როგორც თავისთავადი, დამოუკიდებელი ნაწარმოები, არამედ გალაკტიონის სხვა თხზულებათა ლაიტმოტივის შეცნობის ერთგვარი წინაპირობაც.

ხსენებულ პოემებზე მსჯელობისას ერთ გარემოებადაც უნდა გაეხვას ხაზი. გალაკტიონმა ახალი პერსონაჟი შემოიყვანა ნაწარმოებებში. ეს არის „ველური ბუნება“. ის სიუჟეტის განმსაზღვრელია და არა მხოლოდ ფონის შემქმნელი.

ამ პერიოდის შემოქმედებაში ძალუმად იწენს თავს ყოფნა-აყროფნის მოტივი. გალაკტიონი „მსოფლიო სევდის“ პოეტების გზას მიჰყვება. მის წინაშე მთელი სიმწვავეით დგბა ხაკითხი -

¹ გ. ტაბიძე, თხზ., ტ. VIII, გვ. 46-47.

რა არის ადამიანის არსებობის მიზანი, რისთვის უნდა ~~ოღვაწოდ~~
ბოლოს და ბოლოს, ყველაფერს ხომ სამარის ღოღი ფარავს?

ახალგაზრდა მგოსნის თვალსაზრისი კარგად ~~ჩანს~~
გამოხატული პოემა „შადრევანში“. განსაკუთრებით ~~შინაარსი~~
ეპილოგში. ეს ნაწარმოები ხსენებული სათაურით უცნობია
ფართო საზოგადოებისათვის. იგი 1910-11 წლებში არის დაწერილი
და საბოლოოდ მნიშვნელოვნად ტრანსფორმირებული. მგოსნის
იგი „მწვემსისთვის“ შეუერთებია. თუ ღრმად ჩაუკვირდებით,
უთუოდ ვიგრძნობთ, რომ „მწვემსის“ პირველი სამი და
მომდევნო ოთხი თავი ხელოვნურად არის შეკავშირებული.
მათ განსხვავებული ფაბულა და სიუჟეტი უძვეს საფუძვლად.
ძირითადი გამიზნულებაც არაიდენტურია. ავტორი გრძნობს ამ
უხერხულობას და ნაწარმოებთა გადაჯაჭვას იმითაც ცდილობს,
რომ პირველი ნაწილის პერსონაჟი – მწვემსი – მეორეშიც
შემოიყვანოს, მაგრამ მას უკვე სხვა ფუნქცია ეკისრება.

უფრო ნათელი რომ იყოს ეს სხვაობა, გავიხსენოთ „მწვემსის“
შინაარსი. პირველ ნაწილში მოთხრობილია, რომ ელენეს უცნობი
ჭაბუკი შეუყვარდება, მაგრამ მამა სხვაზე გაათხოვებს. ელენეს
უკვე შვილის პყავს, გული კი ისევ ჭაბუკისაკენ მიუწვევს და
ერთხელაც დანებდება. ეს გახდა უდიდესი სულიერი დრამის
საფუძველი.

*„მაგრამ ელენე – ელენე ამ დროს
საშინელ ცოდვით მოღლილ სულსა ჰგავს,
ის აღარ სცდილობს სევდა დააცხროს,
ის აღარ ელის მომხიბლავ ამბავს.
ზის მარტოდ მარტო... ვით მძიმე ტყვია
თავს დასტრიალებს ნიხლი სულისა,
შუბლზე უღმობელ დაღად ატყვია
მწარე აზრდილი სინანულისა“.*

ქმრისთვის ყველაფერი აშკარა ხდება და ბოლოქრობს. ელენე
იტანჯება მორალურად, ფიზიკურადაც. სურს თვითმკვლელობით
დაამთავროს სიცოცხლე. საბოლოოდ მას სოფელი ჩაქოლავს.

რას ქადაგებს გალაკტიონი – ოჯახური სიწმინდის დაცვას?
რას ცხადყოფს – ბრბოს გაუტანლობას? შეიძლება ასეც
ვიფიქროთ, მაგრამ მთავარი ალბათ მაინც სხვა უნდა იყოს:
– კაცობრიობას თან სდევს „ცოდვა გრძნეული“. სწორედ ეს
აპირობებს ყველაფერს და ამიტომაც პოეტს აუცილებლად არ
მიაჩნია გმირთა მოქმედების რეალისტური, ყოფითი მოტივიზაცია.

¹ გ. ტაბიძე, თხზ., ტ. VIII, გვ. 14.

მეორე ნაწილში ჩვენ ვეცნობით ვინმე მგოსანს, რომელიც დიდ მომავალს უწინასწარმეტყველებდნენ. იგი გული და მიუსაფარია. რაც არსებითია, ყველასათვის უბედურება მოაქვს სულიერად გვემული მშობლიურ მხარეს ტოვებს და ნმულთაშუა ზღვის ქვეყნებში მოგზაურობს. მისი ხეტიალი და ძიებები ცალმხრივად არ უნდა გავივოთ. აქ თავს იჩენს სრული შინაგანი ემანსიპაციისკენ სწრაფვა. გეშუე იგი გაიცნობს მომხიბლავ და სევდიან დალისას. ვნების მორვეში შთანთქმულ ახალგაზრდებს დალისას ქმარი წამოადგება და სასოწარკვეთილი კაცი თავს იკლავს. ამით შეძრწუნებული დალისაც ზღვაში გადაეშვება. მაგრამ იგი გადაურჩენიათ და პოემის დასასრულს მგოსანი მას მქავეთა სახლში ხვდება. ქალი მოთქვამს:

*...ერთხელ, გეშში რომ
ვიჯექი, ქმარი წარმოგადგა თავს,
როცა უნდობელ დროთა საწუთრომ
ვიღაც მოგზაურს შემომაველი გარს...¹*

მგოსანი (მწვემსი) ღრმად განიცდის ყოველივეს.

*„ჩუშმა ნღველმა გველივით დამღრნა,
სევდა გულისა რით შევამცირო?
ოჰ, ღმერთო, ღმერთო! რა ვუყო, რა ვქნა,
მეტი ვარ ქვეყნად... არ ვარ საჭირო“².*

პოემა „შადრევანი“ აქ მთავრდება (თუ კაილოვს არ მივიღებთ მხედველობაში). „მწვემსის“ მეორე ნაწილში კი ციტირებულ სტრიქონებს ახალი პასაჟები მოსდევს. გმირი ზურგს აქცევს საზოგადოებას და ტყეს მიაშურებს. მაგრამ იქაც ვერ პოულობს სულიერ სიმშვიდეს. საბოლოოდ იგი თავს იკლავს.

*„ხალხი კი ერთხმად კვლავ ამტკიცებს, რომ
სწორედ ამ ხანჯლით მოიკლა თავი
მან, ვისაც თავი მოაბეზრა დრომ
და სევდა კელავდა სულთამხუთაი“³.*

„მწვემსთან“ და „შადრევნის“ დასაკავშირებლად რამდენიმე დეტალია შეთხზული: პირველი შეხვედრის მოგონება, ელენეს ქმართან შებრძოლება და ა. შ., მაგრამ ისინი არცთუ ორგანულად აღიქმება.

¹ გ. ტაბიძე, თხზ., ტ. VIII, გვ. 36.

² იქვე, გვ. 37.

³ იქვე, გვ. 39.

ერთი სიტყვით, „მწვემსი“ და „შადრევანი“ განსხვავებული ნაწარმოებებია.

ჩვენთვის არსებითი მაინც ის არის, რომ „შადრევანი“ ძალუმად აელენს ახალგაზრდა გალაკტიონის სვედიან ფიქრებს და ცხოვრებაზე ხელაქნეულობას.

პოემის მთავარი გმირი თვითმკვლევლობით ამთავრებს სიცოცხლეს. ეს შემთხვევითი როდია. მან თითქმის ყველაფერი მოიხილა და განიცადა, აღიქვა და გაიაზრა. დასკვნა კი ასეთი გააკეთა: სამყარო დისპარმონიულია, არსებობა უაზრობაა.

წერტილი აქ არ უნდა დაისვას. მნიშვნელოვანია იმის გარკვევა, უარყოფილის ნაცვლად რას გვთავაზობს პოეტი. როგორია მისი ოცნებით შექმნილი სამყარო. ამ მხრივ გალაკტიონს ჯერ კიდევ ვერ გადაუდგამს დიდი ნაბიჯი. ერთი რამ კი მაინც შეიძლება ვივარაუდოთ: არსებულის უარყოფა ხომ არ ეწყვეილება მუდმივ უკმაყოფილებას, როგორც განვითარების იმპულსს?

„შადრევანი“ იმიტაც არის აღსანიშნავი, რომ მასში იგრძნობა ადამიანის შინაგანი სამყაროს საიდუმლოების ამოცნობის სურვილი.

განხილულ პოემებს ბევრი რამ აერთიანებს: მელანქოლია, ბუნების უსაზღვრო სიყვარული, უკიდვანო თავისუფლების მოთხოვნა და უიმედო ვოდებაც.

ღირიკაში უფრო მრავალსახოვნად წარმონჩდება გალაკტიონი. ცხადია, აქაც მძლავრობს სვედის მოტივი. სინამდვილე შხამით სავსე თასს აწვდის პოეტს და გრძნობას უწამლავს. ისიც ტრაგიზმით არის გამსჭვალული.

*„დავიღალევი ცხოვრების გზაზე
ველარ გაეუძელ ამ მარტობას...
კაცთ პირფეურობა უფრო მამბრა ზებს,
კაცთა მონობა მიშხამავს გრძნობას“.*

ქვეყნად გამეფებული უსამართლობა, შიში და ძრწოლა, ადამიანთა ტანჯვა და წამება გულს უღრღნის მგოსანს. მას უჩნდება სურვილი განერიდოს საზოგადოებას:

*„ოჰ, რომ შემეძლოს
გავფრინდე შორს, შორს,
მოეცილდე მხარეს შხამით აღესებულს,
ცისა ხიუხვით,
თუნდ ერთი წუთით*

შეება მიემადლო სულის დაობლებულს¹.

უნდა გაიქცეს, მაგრამ გზა არსით არის. ეს კიდევ უფრო აძლიერებს სევდას. პოეტი სიმშვიდესა და სიწყნარეს სასაფლაოზე ეძებს, სადაც არ ისმის ადამიანთა უღუთო ხარხარი, მაგრამ კერც ამგვარ განმარტოებაში პოულობს შეებას.

*„ჩემს მწარე ქვითინს ყურს არვინ უგდებს,
ფიქრი არვინ არ გაიზიარა
თვალთმაქცობს მხოლოდ ადამიანი,
არ აკრთობს ჩემი წყლული, იარა...
ცელქო ნიავო, დამიბრუნევი
გულისა სატრფო და მეგობარი...
რისთვის წამართვი ნაზი ოცნება?
რად მომიშხამე ტკბილი სიზმარი?“*

ეს უცნობი სტრიქონები 1909 წლის 19 სექტემბერს არის დაწერილი.

სურათი რომ უფრო ნათელი იყოს, ბარემ იმასაც დავსძენ, რომ ტანჯვაში პოეტი ზოგჯერ გარკვეულ სიამოვნებასაც პოულობს, თვითგვემას ინდივიდის არსის გამოვლენის ერთ-ერთ საუკეთესო გზად მიიჩნევს.

*„მე ტანჯვისთვისა ვარ გაჩენილი,
ჩემი ხვედრია კენესა, წამება...
დეკ. ვიტანჯო, ყოფნა გრძნეული
გულს არასდროს არ დაენანება“².*

ლექსებში: „მწუხარება“, „ღამე“, „მომაკვდავი“, „სასაფლაოზე“, „ყვაილი“ და სხვ. კარგად არის გამოხატული უდაბნოს სევდა და მწუხარება.

ღირიკაშიაც შესაცნობია პოემების ტენდენცია. ეს, უპირველეს ყოვლისა, თავს იჩენს ზენაარის ყოვლისშემძლეობისა და ადამიანის უსუსურობის ხაზგასმაში. პიროვნება უძლურია. იგი ემსგავსება ხუფქვეშ მოფუსფუსე ჭიანჭველას, რომელიც ყოველ წამს შეიძლება გააქრო. ყველაფერს დვითიური ძალა განაგებს და ამიტომაც მოკვდავთა ახირება, ფაციფუცი უაზრობაა. ეს სულისკვეთება ნაწილობრივ შემდეგ ლექსშიაც ჩანს:

*„ქრისტეს მაქონდა წამების ჯვარი.
წინ მათუსალა შემოვეყარა...
- დარი იქნება დღეს თუ ავდარი?
- დარი, უფალო! ამბობს მკვეხარა.*

¹ გ. ტაბიძე, თხზ., ტ. I, გვ. 68.

² იქვე, გვ. 81.



ცეცხლი და კიდევ სხვა-გვარი რამე
 ღუთაება ვეიწყენს, რომ გაეამწართ
 ცა შუბლ-გახსნილი, ცა მოციმციმე
 წაეიდნენ ორნი და შუა-გზაზე
 ცა მოიღუშა, მოსკდა ნამჭერი.
 გადააკრა ქრისტემ მათრახი მხარზე
 და მათუსალა მტკვრია... მტკვრი.
 ქრისტეს მიჰქონდა წამების ჯვარი,
 შემოეკარა მგზავრი უკვლო.
 - დარი იქნება დღეს თუ ავდარი?
 - ეს ხანაარმა იცის, უფალო!
 აქ კი, ამქვეყნად კაცს დამკვიდრებულს
 სადა აქვს ძალა სცნოს მომავალი?
 წადი, იარე... ხორციელს ვნებულს
 თვით შენ მიეცი ახალი კვალი".

ისიც უნდა ითქვას, რომ ზოგიერთი ღექსის ანალიზი გვარწმუნებს: გალაკტიონის კენესა, სულიერი მიდრეკილებანი არ აღიქმება როგორც ნიადაგს მოწყვეტილი კაცის უკიდურესი ინდივიდუალისტური განცდები. პოეტის ინტიმურ სამყაროში ფართო საზოგადოების ტკივილი იხატება, მთელი ერის ტრაგიზმი მჟღანდვება.

აშკარაა ზიგზაგები.

დასასრულს შევწერდებით 1910 წელს დაწერილ უცნობ ღექსზე, რომელსაც ერთგვარი შემაჯამებელი ხასიათი აქვს. მასში ხაზგასმულია ყველა ის მიზეზი, რომელთა გამოც პოეტი სვედიანია და ამა ქვეყნიდან იღტვის.

რომ შემეძლოს

ოჰ, რომ შემეძლოს დავტოვო, რაც გარს მარტყია, ყოველი...
 და მარტოობის ბუნქნარში ვსტიროდუ ცრემლთა მთოველი.

რა, რა ვინაღვლო? სამშობლო არა მაქვს, რომ მსურს ისეთი...

როგორც ბორკილი ისე მდევს ნაღველი შავი და მწკავე, მთელ ცის ქვეშეთში ვერ ვპოვე მე სული მონათესავე-სატრფო? მაგრამ, სიტყვით, ოდესმე სიყვარულს კვალი ჰქონია?

მე სიყვარული მხოლოდღა ზღაპრებში გამოვიონია...

მაშ, მგვობრები? ისინი, მხოლოდ აზრდილნი ყოფილან.

ზიზღი მათ! თვალთმაქც სიტყვებით და გესლით შემომკობილან,

როგორც ბორკილი, ისე მდევს ნადეველი შავი და მწვანე
ოკ, რომ შემეძლოს დავეტოვო, რაც გარს მარტყია ყოველი
და ვეჭვითინებდე ხადმე შორს, მწუხარე ცნობილთა
ითოველი".

202-1010133

ამრიგად, სემინარიის ხანა გალაკტიონის ბუნებისა და
ხასიათის მკაფიოდ გამოვლენის პერიოდია. მას აფეთქების წლებიც
შეიძლება ვუწოდოთ. ის, რაც მანამდის სუსტად იჩენდა თავს,
ახალი მთელი სიძლიერით იწვევს წინ. ამასთანავე თვალსაჩინოა
შუქწარდილების ხშირი მონაცვლეობა. ზოგი რამ ჯერ კიდევ ვერ
გაურკვევია პოეტს. იგრძნობა შინაგანი წინააღმდეგობაც, რაც
სრულიად ბუნებრივია მაძიებელი სულისათვის.

არსებითი მაინც ორი გარემოებაა. 1. გალაკტიონის
მგრძნობელობა უკიდურესად გამახვილებულია. ძალზე
მთრთოლვარედ, ღრმად განიცდის მოვლენებს და სწრაფადაც
ითავისებს მათ. დრამატიზმი ქარაფამდეა მისული. პიროვნება
ტექსმართად ტრაგიკულია. 2. წინა პერიოდში საგნებსა და
მოვლენებს ძირითადად სხვათა გავლენით აფასებდა, ახლა
უფრო დამოუკიდებელია, საკუთარი კრიტერიუმებით უდგება
ვეელაფერს. ადრე თუ ოპტიმიზმი მძლავრობდა, ახლა პესიმიზმი
დომინირებს. საქმე გვაქვს ახალ პიროვნებასთან. იწყება დიდი
გალაკტიონი.

„როგორც რონინი სოცარი და მისტერია;
სული გაფრენილს ედარება, ფერად მიმინოს;
დასტოვო მხარე, ხადაც ვველა ფილისტერია,
ხილავეარდში მიიბროლოს და მიიმინოს“.

Handwritten notes and signatures, including the name "ყველა ველა" and other illegible text.

¹ გ. ტაბიძე, თხზ., ტ. VII, გვ. 56.

„მაქვს უნარი გულმოდგინედ შრომისა“



ქართული
წიგნების
კავშირები

„გული სავსეა წყნარი სიმღერით,
სულში ვარსკვლავი ბედის გაბრწყინდა.
ემღერი, ვით არვის არ უმღერია,
წყურვილსაც მოკვლავ... მაგრამ რად მინდა?“

გალაკტიონი

სემინარია უკან დარჩა. მაგრამ ნიშნავს თუ არა ეს სრულ თავისუფლებას? გალაკტიონი ახლა დამოუკიდებელია. ვალდებული არ არის ყოველდღიურად აბაროს ანგარიში მავანს და მავანს. ვგრერიგად არც ხელის გაწვდენა სჭირდება ლუკმა პურის მოსაპოვებლად. სოფელიც პატივს სცემს ახალგაზრდა მასწავლებელს.

მაგრამ ყოველივე ეს ბედნიერებისთვის სრულიადაც არ არის საკმარისი. რა უყოს ბოროტ სულს, რომელიც სიცოცხლეს უწამლავს? განა ნაწილთა გადაადგილებით ჯამში იცვლება? ხომ ისევ დარჩა ძველი საფიქრალი და საწუხარი. თბილისიდან გალაკტიონის წამოსვლით მზისქვეშეთში თითქმის არაფერი შეცვლილა და თუ შეიცვალა, ისევ მის საზიანოდ. იგი მოწყდა ლიტერატურულ გარემოს, მიქეფარე ცხოვრებას. გალაკტიონი დეპრესიას განიცდის. მისი ბუნება ვერ ეგუება ერთფეროვნებაში გადაზრდილ სიმშვიდეს. მას ქარიშხალთან შებმა სწყურია, ბედმა კი მიყრუებულ სოფელში გადაისროლა. გაორება არამცთუ გრძელდება, არამედ მწვავედება და უმძაფრეს ტკივილებს ქვერის. ძნელია ოცნებასთან გამოთხოვება, ჭირს მოწოდების დათრგუნვა. გალაკტიონს არ შეუძლია რიგითი მოკვდავივით იცხოვროს, არადა სინამდვილე აქეთკენ ეზიდება. იქნებ მართლაც სჯობდეს, ჯვარი დაუსვას სიყმაწვილის აღმაფრენას; იქნებ უმჯობესია, განუდგეს მწვრტლობას?! ერთხანს ასეც ფიქრობს, მაგრამ ეს ფიქრი გარემოების მძაფრი ძალადობის შედეგია და არა საკუთარი უნარისა და ბუნების ღრმა ანალიზიდან მომდინარე გადაწყვეტილება. განა შეიძლება ზეავის შეკალება? განა შეიძლება გაზაფხულზე ბალახმა არ ამოხეთქოს? და გრძელდება ჭიდილი, თანაც არა მხოლოდ სხვებთან, არამედ, უპირველეს ყოვლისა, საკუთარ თავთან. ეს განწყობილება კარგად მქდაუნდება პროკლესადმი გაგზავნილ ბარათში. „გამარჯვება, ძვირფასო

ძმარ! თუ ძმა ხარ, მაპატიე, რომ ვრცელ წერილს ვერ გიგზავნი, რა უნდა მოგწერო? ირგვლივ საშინელი ერთფეროვნებაა და ისეთი საშინელი, რომ აზრზე აღარ ვარ. ამგვარი სინუბე და ყრუ მინდა მოსულს ანადგულებს. გახუთებს ვერ ვიწერ, რომ რამე გაკეთაო, არც მინდა გამოვიწერო; მინდა ვიცხოვრო ისე, როგორც ცხოვრობს ჩვეულებრივი ადამიანი, შეეუბრებოდე ცხოვრებას და გაეანიაო ძველი ოცნებები. ახალი ცხოვრება დაიწყო, რომელიც ჩემს თავს არავის არ გაახსენებს. სამწერლო კარიერა თბილისთან ერთად დაკარგე. შენი წერილები საშინლად მადლელებენ და არ მინდა, ნუ მოგზაენი მაგგვარ წერილებს.

სხვა ძმარ, რა მოგწერო... საზაფხულოდ სოფელში წამოსვლას არ ვაპირებ. საშინლად დაუბერდი სოფელში. ერთი წელიწადი კიდევ და ეს სოფელიც ბოლოს მომიღებს, თუ ადგილი სადმე ქალაქში არ მომცეს. მშვიდობით ჩემო კარგო.

1911 წ. 23 მარტი.

ამ ბარათის უკან დგას პიროვნება, რომელიც ძველს დაშორდა, ახალი კი ვერ უპოვია. გაურკვევლობიდან მომდინარე, ნერვიულობას მთლიანად შეუპყრია და შფოთავს, დრტვიანავს.

უნდა სხვაგვარი ცხოვრება დაიწყო და ამ გზაზე გადადგმული პირველი ნაბიჯი პრესისადმი ზურგ შექცევაში ელინდება, მაგრამ ეს უფრო წამიერ გულის მოოხებას აგავს და, ცხადია, დიდხანს ვერ გაგრძელდება.

ნუ ვიტყვით, რომ გალაკტიონი მთელი გატაცებით მოეკიდა მასწავლებლობას. ეს მოულოდნელი იქნებოდა მისი ბუნების კაციხაგან.

ძმა პედაგოგიური წიგნების გულმოდგინედ შედგენილ ნუსხას უგზავნის. აქ დასახელებულია კომენსკის „დიდი დიდაქტიკა“, პესტოლცის „რჩეული თხზულებანი“, სოკორსკის „ფსიქოლოგიური შესავალი“, გოროდეცის „ზოგადი ფსიქოლოგია“, უშუალოვის „რუსული მართლწერა“, სოკოლოვის „ზოგადი დიდაქტიკა“ და სხვ.

როგორც ირკვევა, გალაკტიონს დიდად არ შეუწუხებია თავი ამ წიგნების მოძიებითა და კითხვით. კვლავ მხატვრულ ლიტერატურას ეწაფება. ფაქტები მეტყველებს, რომ ახალგაზრდა მასწავლებელი არცთუ ბრწყინვალედ ართმევდა თავს დაკისრებულ მოვალეობას. სხვათა შორის, ამან გამოიწვია შეტაკება თედო ჟორდანიასთან, რომელსაც სკოლების ზედამხედველობა ევალებოდა. ცხადია,

ეს იმას არ ნიშნავს, რომ გალაკტიონს ღრმად არ ჰქონდა შეცნობილი განათლებების მნიშვნელობა. „პირველი ენკენისთვე“ იმის საუკეთესო დადასტურებაა, თუ რაოდენ დიდ დამაინტერესო ამოცანას უსახავდა მგოსანი სახალხო მასწავლებლებს.

„ხალხო ბედკრულო! მე მიჭირავს ხელში ხანთელი, არ შეუკრთება საშინელ ხვედრს მასწავლებელი! იმ ხანთლის პოვნას განუსჯელოდ სიცოცხლე მივეკურას დამაკლებს უგუნურთ მტრობა, შიმშილ-სიცოცხლე! მე ვიტყვი სიტყვას, მე გაავითბობთ შეცივებულ გულს — დეჰ, თან მღვედეს მკაცრი ხვედრი თქვენს მარად ერთგულს! თქვენ აღგამაღლებთ ჩემი ზრუნვა თბილი და წრფელი, არ შეუკრთება საშინელ ხვედრს მასწავლებელი!“

მაგრამ ერთია თეორია და მეორეა პრაქტიკა.

ზემოთქმული ცალმხრივად არ უნდა გავივით. გალაკტიონი უწესიურესი მოქალაქეა. კარგად აქვს შეგნებული მოვალეობა და პასუხისმგებლობა. ბავშვებისადმი გულითად დამოკიდებულებას ამჟღავნებს. ამას გრძნობს მოსახლეობა და ამიტომაც თვლის „ღირსეულ ადამიანად“. აი, რას ვკითხულობთ ფარცხნალიდან გამოგზავნილ ერთ კორესპონდენციაში: „იქვე, ეკლესიის გალაკანში პატარა ხის ქოხია აგებული, რომელშიდაც შკოლა გქონდა მოთავსებული. ადგილობრივი მღვდელი მამა კირ. კელენჯერიძე ბევრს ცდილობდა გაეუმჯობესებინა ეს შკოლა: უკანასკნელად მასში მასწავლებლათ ღირსეული ადამიანი იყო, ახალგაზრდა მწერალი ტაბიძე. მაგრამ დასახელებული მღვდლის პირადმა მტრებმა მისივე წოდებიდანვე ხალხი აამხედრა, როგორც მის წინააღმდეგ, აგრეთვე შკოლის მიმართ, და ეს ერთად ერთი კულტურული დაწესებულებაა, რომელიც 200 კომლ კაცს მსახურობდა, დაახურინა კიდევ. მიმდინარე ენკენისთვიდან ფარცხნალი შკოლას მოკლებულია“¹.

ეს ინფორმაცია იმითაც არის საყურადღებო, რომ აღლითან მკითხველს უადვილებს იმ გარემოსა და ვითარების წარმოსახვას, რომელშიაც უხდებოდა მოღვაწეობა გალაკტიონს.

მასწავლებლობა გალაკტიონის სტიქია არ არის. როგორც თვითონ ამბობს: „ბავშვებთან მეცადინეობა ტკინს უღაცებს მხოლოდ“.

მასში, უპირველეს ყოვლისა, პოეტი ბობოქრობს და არა

¹ გ. ტაბიძე, ოხზ., ტ. 1, გვ. 114.

² გაზ. „მნათობი“, 1911, №18.

Յոհաննէս Երեւ.



Ինչ Լուսանորտ Ենթակետ, պատշաճ
բնի ճշտութեամբ միջ Առաքելո՞ւն ըստիկ.
Յոյն, շարժա արժեքը 21 սթրոգիկո Ե-
Յոյնական համ Ենթակետ Էրեւան.
Երես չիտի կիսիկո. Կորս կիսի
Յ քաղ իւրեւ չորտեւ, ոչ ըս
և շարժա ոչ? յի քաղաքիկ շի-
կոնք շիճի ըս կորս շոջ-
աշտակոյ քա-սց հոնքո.

Ենթակետ իւր Ենթակետ
ըստիկոյ ըստի, Յոյնական և շ
Յիւ շարժա, յոյն. Ենթակետ Էր
ոչ ստեղծար.

Ենթակետ Յոյն Ենթակետ Էր

Ենթակետ,

ოსტატ-მოძღვარი. ამიტომაც უცნაურად ნუ მოგვეჩვენება, თუ ცალკეულ შემთხვევებში გაკვეთილის რიტმიდან წამიერთად გამოერთვება და ფოთოლცვენას გარინდებული შესტყნის ან ლაქვარდში მოწკრიადლე ხმებს მიუგდებს ყურს.

გალაქტიონს ტანჯავს „ძველი ცოდვები“. ვერ გაამართლა დედის იმედი, ვერ დაამთავრა ხემინარია. მატერიალურადაც ვერ ეხმარება მშობელს. რაც მთავარია, მის საზოგადოებრივ იდეალებს ფრთები შეუკვეცა. ფარცხნაღის გარემო მწერლის ინტელექტს და შთაგონებას ცოტას აძლევს. სულიერ საზრდოს მოწყურებულ ახალგაზრდას უჭირს ხეირიანი წიგნების შოვნაც კი.

იოსებ იმედაშვილისადმი გაგზავნილ ბარათში ვკითხულობთ: „სამი თვის განმავლობაში ეურნალი მომდიოდა... მადლობელი ვარ! გთხოვთ შეწყვიტოთ გზავნა. ამჟამად ვიგზავნი თორღექსს. ჩამოსვლით კი, როგორც მსურდა, თბილისში ვერ ჩამოვდივარ! ბედმა უბრალო სოფლის მასწავლებლობა მარგუნა წილად... საბაველი რამ... სოფლიდან ხალხურ ღექსებს გამოვიგზავნი, თუ მოვახერხე“.

დროდადრო ხარაგაულის სადგურში ჩადის, რათა ნაცნობს მოჰკრას თვალი და ქვეყნის ამბები შეიტყოს. სხვა თუ არაფერი, მატარებლით მონაქროლი თბილისური ნიავეთ მაინც დატკბება. მოგონებებითა და ოცნებით წამით მაინც გაიყუჩებს ტკივილებს. (დიდი ჭრილობის მოშუშებზე ლაპარაკიც ზედმეტია).

მოგვიანებით პოეტი წერდა:

*„მახსოვს ხორაგაულის
სვედიანი სადგური,
მისი ყრუ სამკაული,
აცვივნული აგური.
უშფოთველი ცხოვრება,
წყნარი, როგორც გუშული;
ისმის მოახლოებულ
ორთქლმავალის გუგუნია“.*

დიახ, გროვდება ნაღველი, მუქდება გარემო და პოეტიც დროებით ხსნას კვლავ ღვინოში ეძებს.

„გამარჯვება აბესალომ! ვიცე, ეხლა, რანაირად ხარ გაბრაზებული, წერილი ვერ მოგწერე. დაწინებით იწერებოდი წერილი მოიწერეო და ისიც ვრცელიო... შენ ხომ კარგად იცი, რომ მე, საზოგადოდ, წერილების წერა არ მეხერხება, თუ

¹ გ. ტაბიძე, თხზ., ტ. VII, გვ. 24-25.

მხედველობაში არ მივიღებთ უბრალო ღია წერილებს, რომლებშიც თავისუფლად შემოიძლია ხოლმე მოკლედ ყველაფერი უსთქვა. რა უნდა მოვწერო? შენ იცი, მე მასწავლებლად ვარ; მცნ, რომ ძალიან ცოტა ჯამაგირი მაქვს (ტანისამოსისთვისაც კი არ მყოფნის, წარმოიდგინე). წერილების გასაგზავნი ფული ხომ სულ არ მომეპოვება... ძალიან ცუდი სენი დამხემა. თუ ორი გროში მოვიხელე, უსათუოდ არისტოკრატიული გემოთი უნდა გავფანტო, არ შექნება და ვარ ჩემთვის. ეს ჩემი ხასიათი მაშინ შევაძინე, როცა შენი წერილი მივიღე სამგზავრო ფულის შესახებ... ისე შემრცხვა, რომ უსათუოდ წერილის გამოგზავნა დავაპირე, გულახდილი წერილის, რადგან ჩვენ შორის დაფარული არა უნდა იყვეს რა.

ჰ, რა გაეწოება! ჯაერიან გულს ყველაფერი ეპატიება, ჩადენილი სისულელებიც კი! მაპატიე შენც. თუ რამე საუკეთესო ფიქრია ჩემში,

ეს არის ფიქრი, რომ ჩადენილ ცოდვას ხშირად შევაძინე ჩემში. მე უფლება არ მაქვს ასე მოვექცე ჩემს თავს იმის შემდეგ, რაც დედანებმა იმდენი ჭირვარაში დაიტეხა თავზე ჩემის სწავლისთვის (სამწუხაროდ, შუაზე გაწყვეტილი სწავლისთვის). ვიმეორებ: არ მაქვს უფლება და როცა სახლში ჩავდივარ ხოლმე ხელცარიელი, არაფერი მიმაქვს (დედანები ჯამაგირსა მთხოვს). დაუსრულებელ ტანჯვას ვგრძნობ ხოლმე.

დავანებოთ ამას თავი. ეს იმედები მქონდა? ვუყურებ ჩემს საშინელ ხეულს მიერუბულ ადგილში, ცხოვრებას მოწყვეტილი, ირგვლივ ერთი კაციც არ არის, რომ ჩემი გაიგოს და იგრძნოს რამე— ერთი წიგნიც არ ჩაგივარდება ხელში წასაკითხად. სამაგიეროდ, ღვინო გაგიტაცებს ისე, როგორც ძველად ღმერთი აიტაცებდა ხოლმე მოსესა თუ ილიას, კარგად არ მახსოვს... მარა არც ისე ვთვრები, უგრძობლად რომ იციან. ისე შევქეფიფიანდები ხოლმე. ნაადღგომევეს, სული ცოდვილი, ერთხელ მომივიდა ცუდი საქმე. მე და ორი გიმნაზიელი, რომლებიც აქ დამხვდნენ, ერთად დაგეპატივეს სადღაც, ძალიან დაუთვერით. როცა წამოვედით, საცაღფეხო ხიდზე გადავევარდით ორნი, მესამე კი მოგვეშველა. წყალი დიდი არ იყო, როცა გადავევარდით, არც კი გავვივია ეს. მეორე დღეს გვითხრეს ყველაფერი.

სხვას არაფერს აკეთებო? იტყვი. ეწერ, მაგრამ დაიწერება ხეირიანი რამე ამ მდგომარეობაში? კაცი მაშინ წერს კარგად, როცა კარგად კითხულობს და ახლანდელ ჩემს ნაწერებს ერთი რედაქტორიც კი არ დაბუჭდავს.

ყველაფრის იმედი დამეკარგა და ყველაფერი მომბეზრდა.

ამგვარი უმნიშვნელოა ჩემი ცხოვრება და უმიზნო, ამგვარი ერთფეროვანი და რა უნდა მოგწერო? რაც მოგწერე, ივინიც სისულელეებია. ღმერთმანი, კალმის ხელში აღებადაც არ ღირს. მშვიდობით! გისურვებ გამარჯვებულ ვეზამენებს: დედამისის ერთადერთი იმედი ეხლა შენა ხარ. მე მან დიდი ხანია გამომივლოვა. ის იმ ხანზეა ეხლა მიღწეული, როცა ადამიანს, ბევრი ჯაფისაგან მოქანცულს, შეველა კვირება. გული მივკლება, რა კქნა? არაფერი არ შემოძლია”...

მკითხველს არ გაუჭირდება ამ ბარათში „სული ბოროტის“ ავტორის განწყობილების შეცნობა. უფრო მეტიც, ზოგიერთი ადგილი ნ. ბარათაშვილის პირად წერილებში გამოთქმულია მოსაზრებების ვარიანტებადაც კი ჟღერს.

ეს დრამატული ნოტები სხვა წერილებშიაც მკაფიოდ იჩენს თავს.

სოფელმა არათუ დაამშვიდა, არამედ კიდევ უფრო ააფორიაქა პოეტი. არ ჩანს ნათელი პერსპექტივა. გალაკტიონი რამეს უნდა ჩაებდაუგოს, თორემ დაიღუპება. სკოლა ვერ გამოდგება მთავარ ორიენტირად. წიგნში შთანთქმის შესაძლებლობაც მცირეა, არც ინტელექტუალური საზოგადოებაა ირგვლივ... სახმელს მიეძალდა... და სვამს ის ღვინოს, ვით ქარს და წვიმას, თუმცა ეს ხსნა როდია. მართალია, ღვინო წუთიერად ახალისებს, მაგრამ ზიანიც დიდი მოაქვს. გალაკტიონი თავადაც კარგად გრძნობს აღკომლის საშინელებას. ნათესავები და მახლობლებიც თავშეკავებას სთხოვენ: „გალაკტიონ, დიდად ვწუხვარ, რომ ღვინოს ხმას ესრეთ ჩაუთრევიხარ თავის უფსკრულში. რა გემართება, დაანებე თავი. იცოდე, რომ ვე არაფერი მარგებელი არ არის... თუ გიყვარდნე, გადააგდე ღლოთობა!“ ეს ამონარიდი მიხვილ ბოჭორიშვილის წერილიდან არის.

გალაკტიონი არ უარყოფს, რომ მოლიპულ გზას დაადგა. 1913 წელს ფარცხნალთან დაკავშირებით ასეთი ჩანაწერი გაუკეთებია: „ბელაგორი. ს. ფარცხნალში ჩასველა. შკოლის დათვალიერება. თანამოადგილე მასწავლებელი. მღვდელი. ჩურჩული სოფლად. ჩემი ბინა. დიმიტრი და ფილიპე. ჩემი ბავშვები და უნუგეშო მღვთმარება. საშინელი ზამთარი. გაზაფხული. მიპატივება. შკოლის ზედამხედველი. კრება. ბახუსს დავეუშვობდრი. სასურველი სტუმარი არ მოდის. გ. ჭუმბურიძის წერილი“.

გალაკტიონისათვის დამახასიათებელი იყო ფაქტებისა და მოვლენების კრიტიკული შეფასება. თავის მოქმედებასაც აანალიზებდა. სხვა საკითხია, რომ შესაძინევედ განსხვავებულია სიყმაწვილისა და მოხუცებულობის პერიოდების განსჯანი.

პირველ ხანებში მეტ პირდაპირობასა და ობიექტურობას იჩენს, არ ეკრძაღვის თვითგვემას.

როგორც ირკვევა, გალაკტიონი არა მხოლოდ უმეცობრბდებდა ბახუსს, არამედ ცდილობს ახსნა მოუძებნოს თავის ხატიციფს ამგვარი განწყობის ჟამს არის დაწერილი შემდეგი ლექსი

I

*„დავლიოთ, ძმებო, დავლიოთ, აავსეთ ღვინით ევ თახი.
მარგალიტებად ჩათვალეთ ყოველი წვეთი ძვირფასი.
ღვინოში არის სიმართლე, ტკბილი ნექტარი იქ ვაოოთ,
ტანჯვა-ვაება და კუნესა დავმარხოთ, გამოვივლოთ.*

2

*ღვინოში არის სიცოცხლე, შუება, თავ-გადაღვიწეება.
სხვა ყველაფერი ამ ქვეყნად მაძქრის, ქრება და იხრწნება.
ხანი ბერდება თან და თან, ხანი თრობაში ბრუნდება,
სიყმაწვილე კი ნექტარი კვლავ აღარ დავვიბრუნდება.*

3

*მეგობარს, ხატროფოს, სიმდიდრეს, დიდებას სამარადეამოს
ვერსად იპოვი და რად გხურს, სურვილმა გრძნობა
აწამოს.*

ღვინო კი ერთი განძია, უნდა სვა, უნდა იღხინო!

დავლიოთ ძმებო, დავლიოთ, დავლიოთ წითელი ღვინო“.

ეს ტექსტი აღ. ჭავჭავაძის ზოგიერთი ნაწარმოების ასოციაციას იწვევს. მაგრამ ამ ორი პოეტის ნააზრევს შორის მაინც თვალსაჩინო განსხვავებაა. ქართული რომანტიზმის ფუძემდებლისათვის ღვინო ცხოვრების უკეთ შეცნობის, სულიერ-ხორციელი ტკბობის წყაროა, ხოლო გალაკტიონისათვის რეალობის უარყოფის, მისგან გაქცევისა და ილუზიურ სამყაროში თავშეფარების საშუალება. ამაზე მეტყველებს მეორე ლექსიც:

*„მხურს დაღვიწეების მივეცე ზვირთებს,
მივეცე ზვირთებს ტკბილი გრძნობისას,
ნემს გულის დელეას სხვა ვინ იტვირთებს,
სულს რა მოაცლის უხილავის ფრთებს,
ფრთებს განუსაზღვრელ მარტობისას?..*

მომეცით თახი, დაესცალო ღვინო -

შუა-ღამემდე უნდა ვიღხინო...

*გვიან გავიგე, რომ სისულელე
და შეცდომაა მთელი ცხოვრება -*

ნემი ოცნება და სიგულწრფელე,

ნემი სპეტაკი დამეგობრება.

ნემი სიტყვები ტკბილი აღერსის,



შეურაცხყოფის თმენა და თმენა,
 ჩემი უსაზღვრო სინაზე ლექსის,
 სთქვი - აბა, ვინ რად გამოიყენა?

მომეცით თახი, დაუცვალო ღვინო

შუა-ღამემდე უნდა ვიღებინო...

გვიან გავიგე, რომ სიყვარული
 სამარადგამო ქვეყნად არ არის,
 ფურფლად გადმექცა რწმენა ფარული
 და სიყვარულის ტკბილი ტაძარი.
 ბრძენო, რომელთაც არა გრწამთ სევდა,
 თქვენ, მხიარულნო, და თქვენც მგონსებო,
 დაგრჩათ რა კიდევ სასიხარულო,
 ან ხაედემო, ან საოცნებო?

მომეცით თახი, დაუცვალო ღვინო -

უნდა ვიცულქო, უნდა ვიცინო..."

ამ ნაწარმოებში, რომელიც 1910 წლის დეკემბერშია დაწერილი, გლობალური ხედვა იგრძნობა. ღირიკული გმირის სევდას საზოგადოებრივი ხასიათი ეძლევა.

გალაკტიონი ეფემერულად მაინც ახერხებს ყრუ გარემოცვის გარღვევას - მახლობულ სოფლებში მოგზაურობს, ისტორიულ ძეგლებს ათვალიერებს. 1911 წლის დასაწყისში რამდენიმე დღით ბათუმს ეწვია. ამ სტუმრობას უნდა ვუმაღლოდეთ ღექსს „არაჩვეულებრივი ზამთარი 1911 წელს“. ორჯერ მშობლიური ქალაქიც მოინახულა. იქაურობამ იარები გაუშიშვლა, გააღიზიანა და კიდევ უფრო მძლავრად აგრძნობინა ფარცხნაღის მკვიდრს ნებაყოფლობითი ტყვეობის საშინელება. ჯებირი უნდა გაარღვიოს, თვალი ხომ მაინც ქუთაისის ციფერბლატზე მიპყრობილი.

სოფელში გამომწვევადელი გალაკტიონი ბორგავს. იქნებ სიყვარულმა გადაარჩინოს? იგი უფრო და უფრო ებლაუტება ამ აზრს. მეგობრისადმი გაგზავნილ ბარათში გულისტკივილით აღნიშნავს, რომ ხალხში ყოფნა უძძიმს: „...სიამოვნებით ვიცხოვრებდი თუნდ შენს „ჯვარისაში“, ოღონდ ერთი ღამაზე ქალი მყავდეს თან. სხვა არავინ... აქედან ლოგიკური დასკვნა ასეთია, რომ მე მხოლოდ ერთი ქალი მჭირდება და სხვა არავინ. ცხოვრებამ მშვენიერი გაკვეთილი მომცა, რომ ასე ვიფიქრო. ღმერთს ვფიცავარ, თვითონ ცხოვრება მითრევს კლანჭებში და თავის ნებაზე მატრიალებს; თორემ ჩემთვის უკეთესი არაფერი იქნებოდა, სადმე მშვენიერ ადგილას პატარა სამოსახლო მიწა, ქოხი და ღამაზე ქალი. იყავი შენთვის, სახლში არ შემოუშვა ცხოვრების შორი ქუხილი, გაბოროტებული ღრენა, მოუსვენარი

დრტკინვა. მე, სწორედ გუშინ, ამგვარმა ოცნებებმა გამოტაცეს: თითქო გავეძევი ცხოვრების ვაივაგლახს და მქონდა საკუთარი მყუდრო ბინა, მკავედა მშვენიერი ახალგაზრდა ქალი, რტმველსაც სახელიც კი დავარქვი: ზულეიმა. ეს იყო ჩემი თანამგრძნობელად წარმოვიდგინე შემდეგ ზამთრის დილა, რომ ამ სვედიან დროსაც მკავედა ისეთი პირი, რომელიც მუდამ ჩემი იქნება.

ოცნებებმა ისე შორს გამიტაცეს, რომ ლექსიც კი დამაწერინეს...¹

და აი, ასეთი განწყობის ქამს წარმოსახვაში ცოცხლდება რაისა ჩიხლადის - ქუთაისელი ლამაზმანის სახე. გალაკტიონს ახსენდება ბულვარზე ამ ქალის ჩაველა. ახსენდება რაისას სიმშვენიერთ მოხიბლული ახალგაზრდების წამიერი გარინდება. ახსენდება მამის მკლავზე დაყრდნობილი რაისას ირიბი გამოხედვა და ოცნება ფრთებს შლის. ზოგჯერ ქალი რეალურ სახეს კარგავს და რომანის იდეალურ პერსონაჟად წარმოიხინდება. ახალგაზრდა პოეტს სურს შექმნას სიყვარული.

რაისა ფრიად განათლებული, პოეზიის მოყვარული ქალბატონი ბრძანდებოდა. დაჯილდოებული იყო ანალიტიკური ნიჭითა და გაბედულებით. იგი ერთ-ერთი პირველი კურსისტი იყო, რომელმაც ქუთაისში საჯარო ლექციების კითხვა დაიწყო. ამის შესახებ საგულისხმო ინფორმაციებია გაბნეული 1913 წლის პრესაში. უშეტესად ინტერესდებოდა ქალთა ემანსიპაციის პრობლემით.

გალაკტიონს ხიბლავდა რაისას გონიერება და ესეც აპირობებდა მის გატაცებას. გალაკტიონი ბევრს ფიქრობდა რაისაზე. წყვილიაღში რაისა ნათელ წერტილად ჩანდა და ჭაბუკიც მისკენ მიიღტვოდა. ეს ღრთოღვა თანდათან ძლიერდებოდა და მთელ არსებას მოიცავდა. წერილებსაც სწერს რაისას. მაგრამ გრძნობის აშკარად გამხელას ვერძალვის. უშეტესად საკუთარ პოეზიაზე ესაუბრება. რაისა თავშეკავებულია. გალაკტიონის მხრივ ეს არის მხურვალე გატაცება, რომელიც ხანმოკლე აღმოჩნდა.

1912 წელს რაისა კიევის მიემგზავრება უმაღლესი განათლების მისაღებად. და ახალგაზრდების ურთიერთობას წერტილი დაესვა.

შემდეგში გალაკტიონს არასდროს მოუხსენებია რაისათი გატაცება ამაღლებულად. უფრო მეტიც, ერთ წერილში ამ ურთიერთობას უარყოფითადაც კი ახასიათებს: „მე იმას (რაისას - ნ. ტ.) სრულიადაც არ ვიცნობ როგორც მეგობარს...“²

¹ გ. ტაბიძე, თხზ., ტ. XII, გვ. 542-543.

² გ. ტაბიძე, თხზ., ტ. XII, გვ. 526.

ამ განცხადების ტონი ნაწილობრივ გასაგები გახდება, თუ გავიხსენებთ, რომ ადრესატი წერილისა, საიდანაც ამოღებულია ზემომოტანილი სიტყვები, ოღია ოკუჯავა არის.

როგორც ჩანს, რაისასაკენ ღტოლვა უმეტესად ვითარებიდან თავდაღწევის სურვილით იყო ნაკარნახევი. შეიძლება სწორედ ეს იგრძნო რაისამ და ამანაც განაპირობა მისი გულცივობა.

მაგრამ, ასეა თუ ისე, ფაქტია, რომ სოფელში ჩაკეტილი გალაკტიონი თანამზრახველს, გამგებს, მესაიდუმლეს ეძებს და ასეთად რაისა წარმოისახა. ამას ხასიათოვნო შედეგიც მოჰყვა.

1911 წლის 14 იანვარს გალაკტიონი რაისას ატყობინებს: „ახალი აქ მხოლოდ ის არის, რომ ერთ პოემას ვწერ... შეიკვრეთ გამირი ქალიცა მყავს გამოყვანილი – სახელად რაისა (ხომ არ გეწიინათ?)“¹.

რომელი პოემა იგულისხმება? თხზულებათა თორმეტომეული გასაღებს არ გვაწვდის. არც ერთ პოემაში რაისა არ იხსენიება. ამიტომაც ხელნაწერებს ჩაუღრმავდით და აი „შადრევნის“ პირველმა ვარიანტმა საკითხს ნათელი მოფინა. პოემის მთავარ პერსონაჟ ქალს რაისა ჰქვია. შემდეგ პოეტმა მას დაღისა უწოდა. ასეთი ტრანსფორმაცია ნაწილობრივ იმანაც განსაზღვრა, რომ გამირის თავგადასავალს (რაისა საბოლოოდ საროსკიპოში ხვდება) შეიძლება ობიექტული მკითხველი უსაფუძვლო პარალელამდე და არასასურველ დასკვნამდე მიეყვანა. რაისას უნდა ვუმაღლოდეთ აგრეთვე რამდენიმე კარგი ლექსის, თუნდაც „სიმღერის“ დაბადებას.

გალაკტიონის თხზულებათა აკადემიურ გამოცემაში ეს ნაწარმოები უსათაუროდ არის დაბეჭდილი. „ოდესღაც, სადღაც, მარტოობაში“. ადრინდელ პუბლიკაციებსაც არ ახლავს შინაწერი. მხოლოდ ხელნაწერმა შემოგვინახა – „რაისას“. ამ შემთხვევაშიც თავი იჩინა გალაკტიონის ხასიათმა. ბოლო წლებში მან თითქმის ყველა მიძღვნილი წარწერა მოშალა. ამგვარი ქმედება ლექსისადმი შემომქმდის უფაქიხესი და ურთულესი დამოკიდებულების გამოხატულებად უნდა მივიჩნიოთ. პოეტისათვის არსებითია ნაწარმოების შინაარსი და ლაიტმოტივი, მათგან გამომდინარე განწყობილება და არა ის, თუ რამ განაპირობა, ან რამ შეუწყო ხელი ლექსის დაბადებას. ეს არის საბაბისა და შედეგის ღრმად გააზრებული დიფერენციაცია.

გატაცებას თუ სიყვარულს გალაკტიონი საწერ მაგიდასთან სხვაგვარად წარმოაჩენდა. იგი ალამაზებდა, ცვლიდა არსებულ

¹გ. ტაბიძე, თხზ., ტ. XII, გვ. 538.

მოდელს; უფრო ზუსტად, მოდელიდან ამოდიოდა. მოდული და ასახული კი იდენტური როდია. ლექსში ჩაქსოვილია ის იდეალური, რომელიც პოეტს იტაცებს, რომელიც მას აღელვებს. აღმათქმის გახსენებაც გეპართებს, როდესაც გალაკტიონის სატრფიალო ლირიკას ვაანალიზებთ. აშკარად გაუმართლებლად გვეჩვენება გალაკტიონის ლექსებში მხოლოდ და მხოლოდ რველური პიროვნებების ზუსტი პორტრეტების ძიება ან აღწერილი ამბის რომელიმე ცხოვრებისეული ეპიზოდის ფორგრაფიულ ფიქსაციამდე დაყვანა. ეს მხატვრული ნაწარმოების პროკრუსტეს სარეცელზე მოთავსებაა, შემოქმედებითი პროცესის სპეციფიკის უარყოფა.

რაისამ ვერ მოუტანა გალაკტიონს სიმშვიდე. ტრაგიკული განწყობილება კვალვაც მძლავრობს.

ასეთ ვითარებაში შეიძლება დიდი როლი შეასრულოს მეგობრობის წრემ, ძმათნაფიცთა ღიმილმა თუ შეძახილმა, მათმა შეუნელებელმა ყურადღებამ და ზრუნვამ. მაგრამ გალაკტიონი განებივრებული როდია მეგობრებით და, საერთოდ, ჰყავდა თუ არა გალაკტიონს მეგობრები?

მოდით, გალაკტიონის ცხოვრების ქრონიკას მცირე ხნით აეუაროთ გვერდი და ეს საკითხი გავარკვიოთ.

ერთ პირად წერილში გალაკტიონი აღნიშნავდა: „არსად არ ვგრძნობ ისე ობლად და მარტო თავს, როგორც სხვასთან, თუნდ საზოგადოებაში, მაშინ ჩემი სასოწარკვეთილება უმაღლეს წერტილამდე აღწევს და არ ვიცი, რა ვქნა“¹. ეს არ არის თეატრალური ფრაზა. გალაკტიონს ნამდვილად უძნელებოდა საზოგადოებაში თავის ღაღად დაჭერა. ბოლოს და ბოლოს მიაკვლია კონტაქტის დამყარების გზას და მიმართვის სტერეოტიპებიც გამოიმუშავა (მათ შორის „ძამიკოც“), რომლებითაც ცდილობდა თავისი უპერგილობის შენიღბვას. მაგრამ

ეს შედარებით გვიან მოხდა.

ახალგაზრდა გალაკტიონი ოფიციალური ზღვარის გადაღახვას ეკრძალებოდა. გულს ვგრერიგად არავის გაუხსნიდა.

ასეთ კაცთან მეგობრობა ძნელია. ამიტომაც დადიოდა თითქმის უულად. ეს ძალზე თვალშისაცემი იყო ცისფერყანწველების ფონზე. მოგეხსენებათ, ცისფერყანწველებმა მეგობრობის კულტი შექმნეს. ისინი სიამის ტყუპებივით ცხოვრობდნენ. უმინახოდ პურს არ გატეხდნენ, ერთმანეთის ჭირსა და ღხინს შესაშური ერთგულებით ინაწილებდნენ. გალაკტიონი კი თითქმის

¹ გ. ტაბიძე, თხზ., ტ. XII, გვ. 542.

მარტომარტო მთარღვევდა წველიადს. ეს სრულიად არ გულისხმობს, რომ იგი მოწვევტილი იყო საზოგადოებას. გალაკტიონი ხალხში ტრიალებდა. ამხანაგ-თანამგ ზავრი ბევრი ჰყავდა, გულის შესაიდუმლე კი ერთი ან ორი. მათ შორის პირველი ადგილი მიხეილ ბოჭორიშვილს ეკუთვნის.



გალაკტიონი და მიხეილი ქუთაისის სასულიერო სასწავლებელში დაახლოვდნენ, ორივე გატაცებული იყო ლიტერატურით, ორივეს ღრღნიდა სევდა და უკმარისობის გრძნობა. არც ერთი იყო აღურსით განუბივრებული და არც მეორე. ახალგაზრდებმა იგრძნეს სულიერი ნათესაობა და მეგობრობის ხიდიც გაიდო.

მიხეილმა ლექსი უძღვნა გალაკტიონს. ავტორი „ჩაგრული ხალხისადმი“ სამსახურისა და „მტარვალებისადმი“ შეურიგებლობისკენ მოუწოდებს მეგობარს. ვალში არც გალაკტიონი დარჩენილა. საპასუხო „უსტარი“ ასე მთავრდება:

„შენ კი გინატრი სახელს, დიდებას...
ამის მორბედი თვითონ შენა ხარ.
როცა გამოხვალ კი ასპარეზზედ,
მეც მომიგონე მაშინ, მეც, მიხა!“

ეს ბავშური სტრიქონები იმაზეც მიგვანიშნებს, რომ გალაკტიონი გარკვეულ იმედებს ამყარებდა მეგობარზე.

მიხეილმა, მართლაც, არაერთი ნოველა, მინიატურა, ესკიზი გამოაქვეყნა: „ჩონჩხები“, „სული ობოლი“, „გახსოვდეს სიკვდილი“, „წამება ზღვაზე“, „ავონია“ „სარკე“, „ჩემი საშშობლო“, „ეპიტაფია“, „იმედის ნანგრევებზე“, „ვერ მიშველი?“, „მამა!“, „სვედის სტრიქონები“, „კოლხიდაში“ და სხვა. უთარგმნია კნუტ ჰამსონის ცნობილი რომანი „შიშშილი“. ხოლო 1915 წელს დაუწერია პიესა „ენების ბრჭყვალეში“ და დასადგმელად გადაუცია შალვა დადიანისათვის. 1916 წელს ცალკე წიგნად გამოსცა „ეტიუდები“, რომელსაც ი. გრიშაშვილი დადებითად გამოუხმაურა ქურნალ „ღვილას“ მეორე ნომერში. ის წერდა: „მიხ. ბოჭორიშვილი ახალგაზრდა ნიჭიერი ბელეტრისტია. იგი არ არის პოპულარული. შეიძლება ეს იყოს მისი ღირსება“.

1921 წელს დაიბეჭდა მიხეილ ბოჭორიშვილის ვრცელი მოთხრობა „მეტეხი“. ი. გრიშაშვილს არც ეს წიგნი დაუტოვებია

¹ ნაწვევები დაიბეჭდა 1914 წელს „შრომაში“, (№34, 38, 40, 41, 42, 43).

შეურადღებოდ. „მეტეხი“ ლამაზი პოემაა, საღი ლირიზმით დატვირთული¹. „მიხვილ ბოჭორიშვილს აქვს სიახლის განცდები“. თხზულება საინტერესოა ქვეტექსტებითა და აფორისტული გამონათქვამებით...

უფრო ადრე მ. ბოჭორიშვილის შემოქმედებას ია კვალადვე შეეხო. მან გახაზა ბელეტრისტის ნიჭიერება და ისიც დახსინა, რომ მწერალმა მეტი ყურადღება უნდა მიაქციოს სიუჟეტის შეკერა-გამთლიანებას, დიალოგების დახვეწას...

მ. ბოჭორიშვილს მოპაექრენიც საკმაოდ ჰყავდა. მაგალითად, კ. ნადირაძემ დაუწუნა ნაწარმოებთა ფაბულა და წერის კულტურა, ხოლო კ. გამსახურდიამ არ გაიზიარა მისი კრიტიკული მოსაზრებები.

„მიხვილ ბოჭორიშვილი იბეჭდება ფსევდონიმებით: „ნიკ-ქე“, „ადონისი“², „მარბახი“, „მიშქრალი“.

საგულისხმოა, რომ ნიჭიერი ბელეტრისტის რამდენიმე ნაწარმოები ადრევე ითარგმნა რუსულად. მაგალითად, 1916 წელს „კუტაისკიე ვესტნი“ (№371) გამოქვეყნდა „ძველი წიგნი“.

ადრინდელი ნაწარმოებების გადათვალისწინება გვარწმუნებს, რომ მწერალს დიდად გაუგრძელდა გზის ძიება. ამით აიხსნება განსხვავებული განწყობილებები და დაპირისპირებები. მაგალითად, ეტიუდში „ჩონჩხები“ იგრძნობა სიცოცხლის აოთხოვი: „მე შემძულდა სიკვდილი, შემძაგდა პნელი სამარე. იხვე სიცოცხლე სჯობნებია სიკვდილსა, სიცოცხლეში ბრძოლა მაინც ძალ-ვიძს, სამარეში კი ამასაც მოკლებული ხარ“³. სულ სხვაგვარია „გახსოვდეს სიკვდილი“. იგი ხვედასა და ხელჩაქნეულობის განწყობილებას ბადებს.

გალაკტიონმა როცა საკუთარი ჟურნალი დააარსა, მიხვილი რედაქციაში მიიწვია. დეშნა შენგულაიას უამბონია ჩვენთვის: – ბოჭორიშვილი „გალაკტიონ ტაბიძის ჟურნალის“ სულისჩამდგმელი იყო. ტექნიკურ და სამეურნეო საკითხებსაც არსებითად ის აგვარებდა, სულით ინტელიგენტი, ფაქიზი ბუნების კაცი

¹ ა. გრიშაშვილი, თხზულებათა კრებული ხუთ ტომად, ტ. V, გვ. 398.

² გ. ტაბიძე, თხზ., ტ. XII, გვ. 732, ა. ღორთქიფანიძის შენიშვნები. ირკვევა, რომ ადონისის ფსევდონიმით სხვაც წერდა, რაზეც მეტყველებს გაზეთ „ღომისში“ გამოქვეყნებული „წერილი რედაქციის მიმართ“. „გთხოვთ გამოაცხადოთ თქვენი გაზეთის მახლობელ ნომერში შემდეგი გალაკტიონ ტაბიძის ჟურნალში №1 მოთავსებული დეკლარაცია „ფანტასმაგორია“ ადონისის ფსევდონიმით შუ არ შეკუთვნის. „ღომისის“ თანამშრომელი „ადონის“ („ღომისი“, 1922, №15, გვ. 4).

³ ჟურნ. „თვატრი და ცხოვრება“, 1910, №37, გვ. 8.

გახლდათ. გალაკტიონს თვალეში შეჰყურებდა, შესცივინებდა. მე დავალებული ვარ მისგან, მშფარველობდა და მახალისებდა. მიხვილს არასდროს უღალატნია გალაკტიონისათვის, სამართის კარამდე მის უერთგულეს და თავდადებულ აბჯართმტვირთულად დარჩა.

ახლა იმ კითხვის თაობაზე, რომელიც დიდი ხანია მაწამებს და პასუხი ვერ მიპოვნია. მიხ. ბოჭორიშვილი 1924 წელს შეთქმულების მონაწილე, პარიტეტული კომიტეტის წევრი იყო. საქართველოს დამოუკიდებლობის აღდგენისათვის დაწვებული აჯანყება ს. ორჯონიკიძემ სისხლში ჩაახშო.

გაზეთ „წითელ არმიელში“ ვკითხულობთ: „საქართველოს საგანგებო კომისიის მიერ შიო-მღვიმის მონასტერში შეპურობილ იქნენ „აჯანყების“ მთავარი მეთაურნი: თავადი კონე ანდრონიკაშვილი, ი. ჯავახიშვილი, მიხვილ ბოჭორიშვილი, ჭ. ჯინორია და მ. იშხნელი.

ეს ვაჟბატონები იყვნენ სულის ჩამდგმულნი „საქართველოს დამოუკიდებლობის კომიტეტის“.

გაზეთ „კომუნისტში“ ამ პირთა პორტრეტებიც გამოქვეყნდა სათანადო მინაწერებით. მიხ. ბოჭორიშვილი დახასიათებულია შემდეგნაირად: „ყოფილი აზნაური, შემარჯვენე ესერების პარტიის წევრი, პარიტეტული კომიტეტის წევრი, ერთ-ერთი თავგამოდებული მომხრე შეიარაღებული აჯანყების.

დაპატიმრებულ იქნა პარიტეტული კომიტეტის სხვა წევრებთან ერთად, ბანდების გამოსვლების დროს“.

ღიახ, მიხვილ ბოჭორიშვილი ნამდვილად იყო აჯანყების სულისჩამდგმელი. იგი იბრძოდა იმ იდეალისათვის, რომელსაც გალაკტიონი თანაუგრძნობდა – მშობელი ხალხისა და მამულის დამოუკიდებლობისათვის. და ნუთუ მას სიტყვაც არ დასცდენია სანუკვარ ოცნებასა და საკუთარ მისიაზე, ნუთუ აზრდაც არ მოსვლია გალაკტიონის ჩაბმა აჯანყებაში? ანდა, ამ ურთულეს და უმძიმეს გზაზე შემდგარს, როცა პაერივით სჭირდებოდა გამხსნევება, მოსაღბუნება, ერთხელაც არ მიუმართავს გალაკტიონისათვის. იგი ხომ ყოველი შეჭირვებისას უხმობდა მას.

ამ კითხვებზე პასუხი ვერ გვიპოვნია. არ არის გამორიცხილი, რომ მ. ბოჭორიშვილი გაუფრთხილდა გალაკტიონს, მოარიდა საშიშ სიტუაციას.

ბარემ ისიც ითქვას, რომ გალაკტიონმა მძაფრად განიცადა

¹ გაზ. „წითელი არმიელი“, 1924, №592.

² გაზ. „კომუნისტში“, 1924, №211.

1924 წლის ამბები, რაც აისახა კიდევ პოემაში „მოგონებები ამ დღეების, როცა იელვა“.



„გამარჯვებულნი სასტიკი ხელით
აღრჩობენ ტყვეებს.
ჰკაფავენ, ხვრეტენ, ხალხის სახელით
უსპობენ დღეებს.
ქურდები ღამით საფლავეებს თხრიან,
მოკლულთა ცხედრებს...
გაზები ღრუბლებს შორიდან ყრიან
ღურჯებს და თეთრებს.
რბის ორი ძაღლი: მათ ისტორია
ვერ დააფეთებს,
პირიდან გლეჯენ ერთიმეორეს
ხორცის ნაფლეთებს.
და მთელი კვირა სადგურის იქით
მატარებელი
იდგა. შიგ მკედრები ეყარა რიგით
უფარებელი“¹.

ძველი თაობის წარმომადგენლებს ალბათ ახსოვთ, თუ რა მოჰყვა ამ სტრიქონების გამოქვეყნებას. „მნათობის“ მეხუთე ნომერი სწრაფად მოსკეს (მხოლოდ რამდენიმე ეგზემპლარი გადაარჩა). ცხადია, ხელმეორედ აკინძულ ნომერში პოემის ხსენებაც არ იყო.

გალაკტიონმა გაქცევითა და საზოგადოებისაგან განრიდებით უშველა თავს. მიხეილ ბოჭორიშვილი კი... თგი დახვრეტას გადაურჩა და სასჯელს რუსეთის საპრობილეში იხდიდა. როგორც პ. ბერუკაშვილი და გ. გეწაძე მიუთითებენ, მიხეილი „... გარდაცვლილი უნდა იყოს სამამულო ომის პერიოდში, კერძოდ, 1943 წლის ახლოს“².

გადასახლებიდან გამოგზავნილი ერთი ბარათის მიხედვით თუ ვიმსჯელებთ, მ. ბოჭორიშვილი სულიერად არ დაცემულა. მომავალს იმედის თვალთ შეჰყურებდა და ცდილობდა ახალ ცხოვრებას მომზადებული შეხვედროდა. „ფრანგული და გერმანული ენები შევისწავლე, ახლა ინგლისურს მივყავი ხელი“³. მისი ბუნების კაცი, მთელი არსებით ლიტერატორი, რა თქმა

¹ გ. ტაბიძე, თხზ., ტ. VIII, გვ. 88.

² გაზ. „ტყობული“, 1991, №12.

³ იქვე.

უნდა, კლამს ვერ გადადებდა და, ალბათ, არაერთი საგულისხმო ნაწარმოებიც შექმნა.

ბატონ დემნა შენგელაიასაგან გამოვიდა: მიხედონ, ნინა კლდიაშვილთან მეგობრობდა, ციხიდან წერილებსაც უბრაუნდებო (იქნებ მხატვრულ თხზულებებსაც?) სამწუხაროდ, ქალბატონ ნინას ერთხელაც ვერ ვეწვიე მწერალთა კავშირში, სადაც იგი ათეული წლების განმავლობაში მუშაობდა, და ინტერვიუც ვერ ჩამოვართვი. თუმცა, გაამხელდა კი ყველაფერს? მიხ. ბოჭორიშვილზე წერა და საუბარი მაშინ სახიფათო იყო.

ერთ შემთხვევასაც გავიხსენებ. 1984 წლის სექტემბერში საქართველოს კომპარტიის ცენტრალურ კომიტეტში დამიბარეს.

- თქვენ ბრალს გდებენ მენშევიკების ხობაასა და 1924 წლის აჯანყებულთა განდიდებაშიო. - მშვიდად მითხრა პასუხისმგებელმა მუშაკმა და ამაზრზენი წერილის შინაარსი გამაცნო. X (ვინაობის გამხელას აზრი არ აქვს), დეარძლითა და აღშფოთებით სწერდა პარტიის ცენტრალურ კომიტეტს, რომ ნ. ტაბიძე თავის წიგნში („გალაკტიონი“) აქებს და ადიდებს მიხ. ბოჭორიშვილს, რომელიც საბჭოთა ხელისუფლების დაუძინებელი მტერი იყო. გასაკებია, ჭკუნადრძობი კალმოსანი, თუ რა ღონისძიებების დაუყოვნებლივ გატარებას მოითხოვდა.

საბუდნიეროდ, ცკ პასუხისმგებელი მუშაკი, რომელიც ცოტას უბნობდა და ბევრს იაზრებდა, გონიერი ქალბატონი აღმოჩნდა. მან განმარტებითი ბარათი მომთხოვა და გაფრთხილებით გამომიხსტუმრა.

დაუებრუნდეთ გალაკტიონისა და მიხეილის ურთიერთობას.

მიხეილმა ადრევე აღიარა გალაკტიონის ლიდერობა. თავი მის მოწაფედ და ქვეშევრდომად გამოაცხადა. ასეთ ვითარებაში, როცა წინასწარვე ყველაფერი ვარკვეულია და ურთიერთობათა გადახინჯვის საკითხიც არ იხმის, მეგობრობა რვალივით მტკიცე ხდება.

სასულიერო სასწავლებლის დამთავრების შემდეგ მათი გზები გაიყარა. გალაკტიონი სემინარიაში ჩარიცხეს. მიხეილს კი უარი უთხრეს. მინაც სახალხო მასწავლებლის მძიმე მოვალეობა იკისრა და ზემო იმერეთის სოფლებში ეწეოდა ჭაკანს. 1909-1912 წლებში მეგობრები იშვიათად ხვდებოდნენ ერთმანეთს და წერილობით უხიარებდნენ ურთიერთს ხვაშიადს, სურვილებსა და მიზნებს.

არქივმა შემოგვინახა გალაკტიონისა და მიხეილის პირადი ბარათები რომლებიც უთუოდ საგულისხმოა ახალგაზრდა მგონის ვნებათაღელვისა და მისწრაფებების გასაცნობად. მიმოწერიდან

ორკვევა, რომ მეგობრებს განზრახული ჰქონდათ ინსტიტუტში სწავლის გაგრძელება. საგულისხმოა, მ. ბოჭორიშვილის შემდეგ სიტყვებიც: „რასაც ფიქრობ, დეე აღსრულდეს. მე მზუნველი ვარ „ალმანახის“ გამოცემაზე და თუ ენკენისთივდგან... მასწავლებლათ დაერჩით, სამასწავლებლო კურნალის გამოცემას ვეცადოთ“.

ეს ფაქტი კიდევ ერთი დადასტურებაა გალაკტიონის თვალსაჩინო საზოგადოებრივი კურნალისტური მიდრეკილებებისა. საკუთარი კურნალის თუ ალმანახის გამოცემის იდეა ადრევე დაბადებია პოეტს. გალაკტიონი ხედავდა ენერგიით, ძალით, ნიჭიერი ახალგაზრდა ფრთების ფართოდ გაშლას ცდილობს, ეძებს საზოგადოებაზე ზემოქმედების ეფექტურ გზებსა და საშუალებებს.

მიხეილის დამოკიდებულება გალაკტიონისადმი უჩვეულოა. მას თავშეწირვისათვის მზადყოფნაც შეიძლება ეუწოდოთ. აკი აღნიშნავს ერთ ბარათში: „ახ, სად გყავს შენი დამაგრული მეგობარი, რომ სიცოცხლე შემოეწიროს შენთვის. მე მზათა ვარ ღიმილით ავიდე სარობელაზე შენის გულისთვის“.

ვინც გალაკტიონისა და მიხეილის მიმოწერას ჩაუღმავლებდა, მათ ურთიერთობას თვალს გაადევნებს, იგი უთუოდ ირწმუნებს ზემომოტიანილი სიტყვების სინაღდეს.

მ. ბოჭორიშვილი ყველასა და ყველაფერზე მადლა გალაკტიონს აყენებს. საგულისხმო დეტალია: მიხეილი ოთხი წელია ეტრფის ვინმე ლოლას. მზად არის ყველაფერი ფიანდაზად დაუგოს. მაგრამ, თუ არჩევანზე მიდგება საქმე, სასწორის ისარს მაინც გალაკტიონისაკენ გადახრის. „გულახდილად გეტყვი, რომ ლოლას შენ მირჩევნისხარ. იმან რომ მითხრას გალაკტიონს ჩამოშორდი და შენი გულისთვის თავს მოვიკლაუო, ცოდე, ხიზლით მივაფურთხებ და ესეც საკმარისი იქნება, რომ ის შემძულდეს. მოგკლავ კიდევ. შენ რომ არ მყავდე, მე ვერ ვიცოცხლებ... მე შენ ვერ ჩამოგშორდები, ობოლი ვარ. ამ ქვეყნად მხოლოდ შენ მყავხარ თანამოზიარედ და შენ მეგულები მყარველად, მცველად“.

„შენ ერთი და მხოლოდ შენი ერთი ხარ ჩემი მეგობარი, ჩემი გულის ტოლი. სხვა არავინ გამაჩნია“.

„ჩემს თავს მირჩევნისხარ და ჩემი წარმატება ისე არ წამახალისებს, როგორც სენი“.

„მხოლოდ ერთადერთი შენა ხარ ჩემს ახლოს, მხოლოდ შენთან შემიძლია აღვიარო ყოველივე ის, რაც ჩემი ტანჯვის მიზეზებს წარმოადგენს... არ ვიცი, რომ შენც ჩამომშორდე, შემდეგ შევძლებ თუ არა ცხოვრებას. მაგრამ იმედი მაქვს, შენ არ მიღალატებ და

მშურად გამომიწვდი ხელს“.

„წერილი, შენი ჭირიმე! ხმა, ხმა გამე, ვიხრნები სოფლის მღაშე ჭაობში“.

ეს ფრაზები სხვადასხვა ბარათიდან არის ამოღებული და როგორც ანდრესანტს, ასევე ადრესატსაც ახასიათებს.

ამგვარი სიყვარული სრულიადაც არ გულისხმობს ბრმა მორჩილებას. მ. ბოჭორიშვილის დამოკიდებულება გალაკტიონისადმი მაინც კრიტიკული და მოაზროვნე კაცის პოზიციად აღიქმება. მიხეილი ვალდებულად თვლის თავს მიუთითოს მეგობარს, დაარიგოს და უკიჟინოს კიდევ. ის გულწრფელად უხიარებს გალაკტიონს თავის შეხედულებებს და ამ გზითაც ზრდის ნდობის ატმოსფეროს. „რა პქენ, გალაკტიონ, დაათავე ის რომანი? შენს პროზაიკულ ნაწერებში მე ბევრ პსიხოლოგიურ ძვირფას ნაშთს ვნახულობ. მხოლოდ, სიძარბულე გითხრა, კშიბიშვესკობას გწამებ. მე კი არ მიყვარს კშიბიშვესკი...“

ეს ამონაწერი საინტერესოა იმ მხრივაც, რომ ახალ ფაქტს გვაცნობს – გალაკტიონს რომანიც დაუწერია.

მიხეილი აღაგზნებს გალაკტიონს, შუუწვეტილი ლიტერატურული შრომისაკენ მოუწოდებს. „მე შენი საქმე მიკვირს. რატომ აღარსად აგზავნი შენს ნაწერებს დასაბეჭდათ. ნუთუ შენი თავმოყვარეობა შეღაზა იმ მოუღენამ, რომ „ცხოვრებასა და ხელფენებაში“ პირველად გაგზავნილი ლექსები არ დაბეჭდეს?“

როგორც ჩანს, ახალგაზრდა გალაკტიონი ბევრს ფიქრობს. ჯერ კიდევ ვერ გარკვეულა ურთულეს საკითხებში. რატომ არსებობს? რა არის ადამიანის მოვალეობა? როგორ მიიღწევა ბედნიერება? ამ და სხვა მსგავს კითხვებზე იგი ამომწურავ პასუხს ვერ პოულობს და ქრისტიანული მოძღვრების საგულდაგულო შესწავლას იწყებს. თავის განცდებსა და ფიქრებს მ. ბოჭორიშვილს უხიარებს: რელიგიამ გამიტაცა, ბევრს ვფიქრობ იმჭკეპნიურ ცხოვრებაზე და ხშირად ვხვდავ სიზმრებში ღმერთს ანგელოზებითურთ.

მიხეილი პასუხობს: „ეს კი მიკვირს, რომ ზეცაშიდაც გინდა იყო ბედნიერი. უცნაური ფიქრებია, ჩემო კარგო. აქ, ქვეყნად არ მოგიპოვებია ბედნიერება და ზეცას უპოტინებ ხელს. ჯერ ადრეა, ჩემო კარგო. აქ ამ ქვეყნად ვუძიებდეთ ნეტარებას და იქ აღაზმა უწყის. სამწუხარო კი ის არის და შემადრწუნებელი, რომ აქ ტანჯული იქაც დავიტანჯოთ, რადგან მტკიცე რწმენა არ გვაქვს. მიკვირს კი, თუ მართლა გეხიზმრება ღმერთი თავის ანგელოზებით“.

ნამდვილი მეგობრობა ურთიერთისადმი ზრუნვაშიც

გამოხატება. მიხეილი ამ მხრივ საშურ გულისხმიერებას იქნის, იგი გალაკტიონის თითოეული ნაბიჯით ინტერესდება, როცა მეგობარს უკირს, სამსახურს ტოვებს და ქუთაისში უანგაროდ უწვდის დახმარების ხელს. თავისი ღარიბი ხელფასიდან ისტუმრებს გალაკტიონის ვალებს.

გალაკტიონიც სათანადო სითბოს ამჟღავნებს. ამხნევეს მეგობარს, საკუთარი ძალებისადმი რწმენას უნერგავს, ურჩევს რა წაიკითხოს და როგორ იმუშაოს... მიხეილი შთაბეჭდილი მინდობილია მასზე.

მოაზროვნე და გულადრენილი კაცი მესაიდუმლეხა და მსმენელს ეძებს, რათა ფიქრებს სადინარი მისცეს და ნაწილობრივ მაინც განიტვირთოს ვარამისაგან. მ. ბოჭორიშვილისთვის ასეთ პიროვნებას ხწორედ გალაკტიონი წარმოადგენს. მას თამამად უზიარებს შთაბეჭდილებებს, ვტყვებს, ოცნებებს. მიხეილმა იცის, რომ გალაკტიონი მას არ დასცილებს. ამიტომაც არ უფრთხის გაბატონებული აზრის საწინააღმდეგო შეხედულების განვითარებას. ერთგან გულწრფელი გაკვირვებით აღნიშნავს: არაფერი მესმის ვაჟა-ფშაველასი, არ მომწონს მისი ღექსები, ერთფეროვანი და მოსაწყენიო!'. საზოგადოებაში, თუნდაც მახლობელ წრეში ასეთი აზრის გამოთქმა მკრეხელობად იქნებოდა აღქმული და, საფიქრებელია, მ. ბოჭორიშვილი მოერიდებოდა მის აშკარა, ხმაბაღლა გამოხატვას. გალაკტიონთან კი იგი არ ინიღბება. ამგვარი გულწრფელობაც მაღალ მეგობრობაზე მიგვანიშნებს.

გალაკტიონი ის პიროვნებაა, რომლის წინაშე გულის გადახსნა დიდ შევებას ვერის მიხეილს. ამიტომაც სწერს: „მსურს ყოველ წუთს შენს ახლოს ვიყუდ და ნემ შავ ფიქრებს გიზიარებდე. რა რიგ მტანჯავს ეს შუხთალი ცხოვრება, ვერ წარმოიდგენ. შენი წინასწარმეტყველება ვკონებ აღსრულდეს. გახსოვს, ქუთაისის სახალხო ბაღში ნადვლიანად რომ მითხარ: შენ ეს

¹ მ. ბოჭორიშვილმა მალე შეიცვალა აზრი. ვაჟას გარდაცვალებასთან დაკავშირებით ბეჭდავს „სამგლოუთაროს“, რომელშიაც ვკითხულობთ: „მსურთ დამარწმუნონ, მთის არწივი ვაჟა აღარ სცოცხლობს; ვინ დიოჯერებს, რომ მისი ძლიერი ფრთათა რისხვა, მისი თავგანწირული ყივილი, რომლითაც მშრომელ ხალხს სამშობლოს განახლებისთვის მოუწოდებია, ოდესმე შესწყდეს?

კაკეასიონის მთის მწვერვალებს და საქართველოს მთაბოებს ქარიშხალი მუდამ უმღერებს ვაჟას სიმღერებს...

დეკ განისვენოს მთის არწივმა თავგანწირულ ყივილის შემდეგ. მშრომელი ხალხი თვის ცრემლებით განბანს მის ცხედარს და ველური ყვავილებითი შექენიერებით შეამკობენ მის საფლავს („ოთხტრი და ცხოვრება“, 1915, №32, გვ. 5).

მასწავლებლობა დაგლუპავსო. მაგრამ სამწუხარო ის არის, რომ მანამდისინაც დაღუპული ვიყავი და უფრო სამწუხარო ის არის, რომ მოლოდინი გამორიცხულია“.

მიხეილი გალაკტიონს აცნობს თავის გეგმებს ნახაფიქრს „მინდა კიდევ ერთი პიესა დაგწერო მოწაფეთა ცხოვრებიდან. იქნებ გაგეცინოს და მკითხო, შე უგნურო, რათ გინდა, რომ სწერ, როდესაც შენი ნაწერები არავეისთვის არ ვარგაო. მაგრამ რა ვუყო, ჩემო მეგობარო. ბავშვი რომ ატირდება, ცრემლებით იქარვებს გულს, მე კი ჩემს გულშიდ მოგუბებულ ნაღველს ნაწერებშიდ ვაქცევ და დარწმუნებული იყავ, რომ ეს არ შემეძლოს, აქამდე ოცჯერ მოვიკლავედი თავს“.

მიხეილი პირველ რიგში თავის შემოქმედებაზე ესაუბრება გალაკტიონს: აცნობს, რომ წერს მოუხრობას „მასწავლებელი ქალის დღიური“; რომ „მწუხრიშვილს“ „ძალზე შორს მიყუავარ. ვვებერთელა რამ იქმნება. დღითიდღე ახრი მიფართოვდება. ასე რომ, ამ წელიწადში არა მგონია, რომ დავამთავრო. ეხლა საპურობილეში მყავს და მის ამბებს ვწერ“.

სხვა ბარათებში კიდევ „გახრწნილის“, „ფანტაზიის“, „მიმოზის“, „ჩონჩხის“, „ოჯახის“ და სხვა ნაწარმოებების შეთხზვის განხრახვასა თუ დახრულებაზე მოუთხრობს.

წერილებიდან ინაკეთება უმძიმეს პირობებში მოქცეული ინტელიგენტი, რომელსაც წიგნებისა და გაზეთების შეძენა უჭირს, რომელსაც ლამაზობით კარზე უბრაახუნებენ – ბევრ ნაფთს წვაე, ლამპა ჩააქვრო, რომელსაც სემინარიადამთავრებული მღვდელი ქრთამს სთხოვს და ყოველმხრივ უშლის ხელს პედაგოგიურ საქმიანობაში. მიხეილი დეტალურად მოუთხრობს გალაკტიონს თავის თავგადასავალს, მოუთხრობს სვედიანად და სერიოზულად, იშვიათად მხიარული და ირონიული ჩანართებით.

ზოგჯერ გულუბრყვილო აზრებსაც უზიარებს. პიპნოტიზმის სახელმძღვანელო გამოუწერია რუსეთიდან. სურს საფუძვლიანად დაუეფლოს ამ საქმეს და ცოდნა პრაქტიკულად გამოიყნოს. ხელმოცარული კაცის ფანტაზია ღიმილს იწვევს. მაგრამ მთავარი ის არის, რომ გალაკტიონს ესმის მისი და სარკასტულად არ ხარხარებს, თუმც იხიც უნდა ითქვას, რომ გალაკტიონის წერილებში არცთუ იშვიათია იუმორი. მაგალითად, „შენს პესიმისტურ აზრებსე, ყმაწვილო, ბევრი ვიცინე. იწერები: „ოჰ, სად არის დღეს შვეობრობა და თანაგრძნობა. ოჰ, დაიმსხვრეს, დაიმსხვრეს. ბარემ ეს ცხოვრება, რომ ახალი აღმოცენდეს!“ იმე, იმე“ როგორ თუ დაიმსხვრეს და ახალი აღმოცენდეს“¹.

¹ გ. ტაბიძე, თხზ., ტ. XII, გვ. 542.



ბალაკტიონი

ნახ. ველთა ჩუდებსისა

მიხეილს არ სწევინს მეგობრის გადაკვრები, რადგან იცის, რომ გალაკტიონი კეთილად არის მისადმი განწყობილი, ნამდვილად შესტიკვა მასზე გული. მეგობრები უმეტესად მაინც ლიტერატურულ საკითხებზე მსჯელობენ, კამათობენ, შთაბუჭდილებებს უსაბუთოდ ურთიერთს. „წავიკითხე ბრანდი, რომელიც შენ გითარგმნია, — სწერს მიხეილი, — მაგრამ უნდა გითხრა სიმართლე, ბევრად არ მომეწონა, სხვა დრამატულ ნაწერებში „ექიმი შტოკმანი“ ყველას ვამჯობინე. მეორეგან აღტაცებას გამოთქვამს კნუტ ჰამსუნის „შიმშილის“ გამო, მოხიბლულია ვიქტორ ჰიუგოს ოსტატობით და ა. შ.

მ. ბოჭორიშვილის იშვიათი დამოკიდებულება გალაკტიონისადმი, უპირველეს ყოვლისა, ღრმა რწმენას ეფუძნება. მიხეილი ჭკვენიანად მეგობრის გენიოსობას, გრძნობს მისი პოეზიის უკვდავებას, დარწმუნებულია, რომ გალაკტიონს ძალუძს დედამიწის შებარბაცება. „შენისთანა არაეინ გეყავს ახალგაზრდებში“. ეს და სხვა მსგავსი ფრაზები არაერთხელ გაიეღვებს ბოჭორიშვილის წერილებში. აი, კიდევ ამონარიდი სხვა ბარათებიდან: „გალაკტიონ, ერთი ნომერი ჩამივარდა ხელში „სახალხო გაზეთისა“, რომელშიდაც ვილაც ჭუმბურიძე ახალგაზრდა მწერლების ნაწერებს არჩევს, მათ შორის შენსას, და უნდა გენახა, რა აღტაცებაში მოვედი. მე ვამაყობ, რომ ჩემ

მეგობარს ეგეთი ქება-დიდებათ გიხსენიებენ და საპატიო ადგილს გაძლევენ“.

მათ ურთიერთობას ისიც აღუდაბებს, რომ გალაკტიონი მფარველობს მიხეილს. მან დაუბუჭდა პირველი ნაწარმოები მეგობარს. ბოჭორიშვილს გალაკტიონი ლიტერატურულ მეტრად და პირუთენელ კრიტიკოსად მიანია. ამიტომაც სწერს: „— ეს კი არის, რომ შენს მეტი ხელმძღვანელი არაეინა მყავს და თუ გიყვარდე, თუ ჩემშიდ ვერ ხედავ მომადლეუბლს, თუ არაფერი უნარი არა მაქვს, გულწრფელად აღიარე და მომწერე. იცი, მე ეხლა იმ იმედით ვცხოვრობ, რომ მეონია მწერალი გაეხდე და თუ მაგის უნარი არ მაქვს, რომ ვიყვე, მაშინ სხვა საქმეს მივყოფ ხელს“.

გალაკტიონი პირუთენელად სწერს, რომ მოსწონს მისი თხზულებები და სამწერლო ასპარეზზე წარმატებასაც

უწინასწარმეტყველებს. აი, როგორ აფასებს იგი მ. ბოჭორიშვილის ერთ მოთხრობას: „შენი „მიმოზას“ გამოგზავნა ვერას გზით ვერ მოვახერხე და როდესაც ქუთაისში კი ჩავალ, უსათუოდ

დაეტოვებ. იცი, ეს მოთხრობა შემიყვარდა რაღაც, ოთხჯერ მაინც გადავიკითხე. მიუხედავად იმისა, რომ ტიპი ჩვენი, ქართული არ არის, თავი და თავი, რომლითაც ის მხიბლავს, ეს ჩუმი, დაფარული მელანქოლიაა, რომელიც იქაც კი იჩენს თავს, სადაც კითხვით სიხალისე მეფობს. მაგალითად, მიმოზას გულთა ძებნის დროს, თვითონ მიმოზას ტიპი გიდგას თვალწინ ისე, თითქოს ეს მისი სიამაყე რაღაც სხვა, უფრო ძლიერი გულის სევდითაა გამოწვეული, დაუკმაყოფილებლობით, ვნებით, ადამიანისადმი სარკასტული დაცინვით და რაღაც სასწაულებრივ მოლოდინში გარინდებული გრძნობით... მიმოზას სიხალისეს თავისი ღრმა ტრაგედია აქვს, რამდენადაც ეს შეიძლება ქალის არსებაში მოთავსდეს¹.

გალაქტიონი არა მხოლოდ კითხულობს მეგობრის ნაწერებს, არამედ ასწორებს კიდევ. ამასთანავე თავად ზრუნავს მათ გამოქვეყნებაზე. მიხვილს მოსწონს გალაქტიონის გემოვნება. კარგად იცის მისი სიტყვის ფასი. ამიტომაც სთხოვს: „არ ვიცი, მატყუებთუ ხათრით ვერაფერს მეუბნები. ნუთუ მართლა მოგაწონა ჩემი „მწუხრიშვილი“? ხომ იცი, შექება ამაოსა ზედა ფუჭია, თუ მართლა მოგწონს და ვარგა, ვგონებ ხელი არ ავიღოთ მაგაზედ. წერილის საშუალებით გააკეთე პატარა კრიტიკა, რა იპოვე შიგ კარგი ან ცუდი. ხომ იცი, ეს მე გამომადგება. „გამორიცხვნი“ შენს ბედს ქვეშ არის. შენ იცი, როგორ შეამუშავებ. ვერ შეგაწახებ, დრო თუ არა გაქვს, თავს ნუ შეიწყენ. თუ შეასწორებ, როგორც დამპირდი, კარგი იქნება, რა თქმა უნდა“.

გალაქტიონი გულდაგულ ასრულებს მეგობრის დავალებას. არა

მხოლოდ კონკრეტულ ხარვეზებზე მიუთითებს, არამედ ძირითადი მიმართულების შემუშავებაშიც შევლის; ლიტერატურული გემოვნების დახვეწისა და ფართო განათლებისკენ მოუწოდებს.

მ. ბოჭორიშვილი ერთხანს მუშაობდა მწერალთა კავშირის მდივნად. ამ საპატიო თანამდებობაზე იგი გალაქტიონის რეკომენდაციითა და თხოვნით მიიწვიეს. საგულისხმო დეტალია: 20-იანი წლების დამდეგს გალაქტიონი მწერალთა კავშირის საგამომცემლო სექციას ხელმძღვანელობს და განზრახული აქვს ჩვენი სიტყვაკაზმული მწერლობის ნიმუშების ათ წიგნად გამოცემა. უპირველეს ყოვლისა, „ვეფხისტყაოსნის“ დასტამბვას აპირებს (სარგის კაკაბაძის დახმარებით). აქვე დასახელებულია შიოა არაგვისპირულის მოთხრობები, ვასილ ბარნოვის „ამქრის შეენება“ და „ხაზართა საძლო“. ამ უკანასკნელის შესახებ წერს: „ძალიან კარგი რომანია, თუ გამოცემთ და თუ არა მე მაქვს სახლში, ავიღებ და დაუბრუნებ პატივცემულ ავტორს.

¹ გ. ტაბიძე, თხზ., ტ. XII, გვ. 545-546.

ხელთ გვაქვს აგრეთვე ახალგაზრდა ნიჭიერი პეტორის
რომანი „სიყმაწვილე“ (მიხეილ ბოჭორიშვილი). ეს არ არის
სრულიად დიდი ტანის, მაგრამ ძალზე საინტერესო კი
როგორც ვხედავთ, გალაკტიონის მართლაც მისთვის
მ. ბოჭორიშვილის პროზა და ბელეტრისტიკისთვის ხელის
გამართვასაც ცდილობს.

გალაკტიონისა და მიხეილის ურთიერთობას პრაქტიკულად
ეს უკანასკნელი წარმართავდა. გალაკტიონს შეეძლო თვეების
განმავლობაში არ გაეგზავნა წერილი, შეეძლო მცირე ხნით
დაევიწყებინა კიდევ იგი, მაგრამ მიხეილი ამგვარ გაუუნებას
შეურაცხყოფად როდი აღიქვამდა. მას კარგად ჰქონდა შეცნობილი
გალაკტიონის ბუნება.

„ძვირფასო მეგობარო გალაკტიონ! მივიღე შენი წერილი.
დიდათ მესიამოვნა. მაგრამ არა მრწამს კი შენი დაპირება,
ვითომდა მოკლე ხანში ურცველ წერილს მომაწვდენ. არა მრწამს
და რა გქნა, მერე რამდენი მინდა ვისაუბრო შენთან, რამდენი რამ
მაქვს სათქმელი და როდის?“

თუ არ უცდები, მ. ლერმონტოვს უთქვამს: ორი მეგობრიდან
ერთი ყოველთვის მონაა მეორის, მაგრამ ამაში ხშირად საკუთარ
თავსაც კი არ უტყდებიანო.

არა, მ. ბოჭორიშვილი სხვების წინაშეც არ მალავდა ამას
და ამაყობდა კიდევ თავისი მდგომარეობით. გალაკტიონი?
გალაკტიონი მეგობრობაშიც თავისებური იყო. იგი არახდროს
ყოფილა მშაკაცობის დაუწვრელი კანონის პედანტური დამცველი.
მიხეილისა და გალაკტიონის ურთიერთობაში თავს იწენს
აშკარად გამოხატული იერარქია: მიხეილი აღიარებს გალაკტიონის
გენიოსობას, მის სიმალლეს და თავის შესაძლებლობასაც ძალზე
ობიექტურად აფასებს, რაც არცთუ ხშირია მწერლობასთან
წილნაყარ კაცისაგან. („მე თუ არარა ვარ სამწერლო ასპარეზზედ,
შენ ხომ ქურუმი ხარ“).

გალაკტიონისა და მიხეილის მეგობრობაზე საუბარს ერთი
შედარებით უცნობი ღვექსის ფრაგმენტით დავაშთავრებ.

*„გოყვარდა როსმე, ძვირფასო მიშელ,
სალამოს ქარში ერთად ცხოვრება,
მხეებში ვქმნიდით მაშინ მე და შენ
და ქარი მარად გვემახსოვრება.
გაგვახსენდება შორეულ ზღაპრად
შენ შენი ღოღლა, მე კი რაისა;
რომლებმაც ერთად და თანაბრად
მოგონებები გაგვიმაისა“¹*

¹ გ. ტაბიძე, თხზ., ტ. II, გვ. 344.

ლექსი 1921 წლის ივლისს შეუთხზავს გალაკტიონს.
ათიანი წლების დასაწყისში გალაკტიონი დაუახლოვდა აგრეთვე თედორე ჩუდევცის (1893-1959) ნიჭიერ მხატვარს. თვალსაჩინო ადგილი ეკავა ქუთაისელ ახალგაზრდა შემოქმედთა შორის. გალაკტიონს ბევრი რამ აკავშირებდა მასთან, უპირველეს ყოვლისა, ესთეტიკური მრწამსი. რაც მთავარია, ახალგაზრდები ხასიათებით შეეწყვნენ ურთიერთს. ხელოვნებაში შთანთქმულნი დიდად არ დაგიდევდნენ პრაქტიკული ცხოვრების წერილმანებს. მათთვის უცხო არ ყოფილა ბოჰემა. გალაკტიონი წერს: 1917 წლის თებერვალში „...მხატვარ თედორე ჩუდევცისთან ეცხოვრობდი. მატერიალურად გამოუსვლელ მდგომარეობაში ვიყავით ორივენი, მაგრამ ერთად ვიტანდით ჭირსა და ღვინს... უფრო მეტად, თუ ფული ნაკვივარდებოდა ხელში, დროს რესტორნებში ვატარებდით, მეორე დღეს კოშმარები, თავისტიკივილი, არაფრისმომტანი დღე, ანგრეული ბინა, საღებავები და ფუნჯები არეული, კედლების დატუჩყიანებული...“¹

გაჭირვებამ კიდევ უფრო დააკავშირა ახალგაზრდები.

გალაკტიონისა და თედორე ჩუდევცის დაახლოება, ვიზოდური როდი აღმოჩნდა. მათ სიკვდილამდე შეინარჩუნეს ურთიერთის პატივისცემა და სიყვარული.

თედორემ კარგად იცოდა გალაკტიონის ფასი და მნიშვნელობა. მან ერთ-ერთმა პირველმა შექმნა ახალგაზრდა მგოსნის პორტრეტი. ოღია ოკუჯავასადმი გაგზავნილ ბარათში, რომელიც 1916 წლით

არის დათარიღებული, გალაკტიონი წერს: „...ჩუდევციმაც დაიწყო ჩემი სურათის ხატვა - ამ დღეებში დათავდება“².

ეს პორტრეტი მიუკვლეველია. ცნობილია სხვა სურათები. ერთზე გამოსახულია მაგიდასთან მჯდომი ელეგანტური პოეტი კეთილი ღიმილითა და ოდნავ სევდიანი გამოხედვით. ძალზე საინტერესოა აგრეთვე მეგობრული შარტი „გალაკტიონის ნიჭი“. მგოსანს ფანქარი მოუშარჯვებია და წერს: მარჯვნივ, მარცხნივ და უკან ღვინის ქვევრებია. შემოდან ფრინველები დასტიკტიკებენ. მარცხენა ხელით ანკესზე გამობმული ხუთი თვეზი უჭირავს. თითოეულს გარკვევით აწერია „რითმები“.

ფართო საზოგადოება იცნობს თ. ჩუდევცის მიერ შესრულებულ გალაკტიონის პორტრეტს, რომელზედაც ორმოცი-

¹ გ. ტაბიძე, თხზ., ტ. XII, გვ. 216.

² იქვე, გვ. 521.



ბალაკტიონი

ნახ. უდია ჩუდესკისა

ორმოცდახუთი წლის მგოსანია გამოსახული. ფანქარი ნაკაპზე მიუდვია, შთაგონებულია, თითქოს ეს-ესაა ბრწყინვალე პოეტური სახე შექმნა და ქალღმრთელად გადასატანად ემზადებოდა. პოზა, რეჟისორის გალაკტიონმა შესთავაზა თედორეს: - შეინვარწვევინა ფრანგული და მხატვრული, მხოლოდ ისე, რომ მთა ოდნავ მაღლა იყოსო. (უყვარდა გალაკტიონს ამგვარი სიმბოლიკა).

აქვე ვაქვეყნებთ თედორეს ორ ნამუშევარს. ისინი არა მხოლოდ გალაკტიონისადმი სიყვარულზე მეტყველებენ, არამედ მხატვრის ნიჭზეც.

თედორე გულწრფელად იყო დაინტერესებული გალაკტიონის ბედნიერებით და, რაც კი შეეძლო, ყველაფერს აკეთებდა მისთვის.

1924 წელს, როცა გალაკტიონი უმძიმეს პირობებში აღმოჩნდა, სწორედ ჩუღუცკების ოჯახმა შეიკვდლა და დაიფარა იგი. გალაკტიონს არაერთხელ გაუხსენებია მაშინდელი ეპიზოდი. გამეხებულ ვეფხვს გავდა ნატაშა (თედორეს მეუღლე), მხად იყო, სისხლიც კი დაეღვარა, შენს თავს არავეს დავანებებო.

სხვათა შორის, ნატაშა კლიმენტის ასული იოსელიანი-ჩუღუცკაია ოლია ოკუჯავას ახლო ამხანაგი იყო. ესეც აძლიერებდა გალაკტიონისა და თედორეს მეგობრობას.

ჩემს მეხსიერებას შემორჩა გალაკტიონისა და თედორეს ურთიერთობის მრავალი ეპიზოდი.

მაგონდება ზამთრის სუსხიანი საღამო. გალაკტიონი შეზარბოშებული ბრუნდება შინ. თედორეც ახლავს, ღვინო მომატანინებს. სახელდახელო სუფრა გაიშალა. ძველ ამბებს იხსენებენ. გალაკტიონი სწირ-სწირად კოცნის უტყვ თედორეს: „შენ ერთი დამრჩი ფუდია! ყველამ მიღალატა, ყველამ მიმატოვა“. შუალამისას თედორე დგება და შინ წასვლას აპირებს. გალაკტიონი თითქმის მოსთქვამს: „საცოდავო,

გაიყინები ასე“. მერე მე მომმართავს: „მოდით, ჩვენ ორმა ვუყიდოთ ფუდიას პალტო“. იშვამად იგი გულწრფელად წუხდა მეგობრის უპაატოობის გამო და სრულიადაც არ ითვალისწინებდა მომართვის კომიკურ შინაარსს.

1959 წლის თებერვალი იდგა. დარკვეს, თედორე ავად არისო. აფორიაქდა გალაკტიონი. ჩუღუცკები ღვინის (ახლანდელი კოსტავას) ქუჩაზე ცხოვრობდნენ, ორ ნომერში. აუკდით მეორე სართულზე. თედორე უკონოდ იწვა. გალაკტიონმა საბანი გადახადა და დიდხანს დასცქეროდა.

- ნუ გეშინია, ფუდია, ჩვენ კიდევ ბევრს შევქმნით - ძლივს ამოდურდა. ეს უფრო საკუთარი თავის გამხსნევება იყო. იმ დღეს გალაკტიონი რესტორან „ვაზბუგში“ დაიხრჩო.

თედორე გალაკტიონზე ერთი თვით ადრე გარდაიცვალა. გალაკტიონი მის დაკრძალვას არ დასწრებია. მაშინ კომპარტული დღეები ჰქონდა.

ეს ორი პიროვნება იმიტომ გაეიხსენეთ, რომ სწორედ მათ აგრძნობინეს გალაკტიონს მეგობრული სიბოლო და სიყვარული, რაც ესოდენ სტირდებოდა ახალგაზრდა პოეტს.

სხვები? სხვები გალაკტიონისაგან შორს იდგნენ. საქმე ის არის, რომ მეგობრობა უმეტესობას ესმის როგორც ორმხრივი თავდადება. გალაკტიონს კი არ შეუძლო სხვებისთვის თავის გაწირვა, არ შეუძლო სხვათა გამო მავანისა და მავანის შეწუხება, არ შეუძლო მატერიალური დახმარების გაწევა და საქმიანი ყურადღების სისტემატურად გამოჩენა.

იქნებ შემდეგ პერიოდში მოხდა ამ მხრივ მნიშვნელოვანი ცვლილება? არა, გალაკტიონი არც მომდევნო ხანებში ყოფილა ბევრი მეგობრით გარშემორტყმული, რაც კვლავ და კვლავ მისი ბუნებით აიხსნება. გალაკტიონი უღრმესი და უჭკვიანესი იყო, პოეზიაში. მას ამ სფეროში არავინ ეგულებოდა უღლის გამწევად. სამაგიეროდ ყოფაში, ყოველდღიურ ცხოვრებაში დაბნეული და მიაშიტი ბავშვი იყო, სოგჯერ ეშმაკიც. ერთ პიროვნებაში მოქცეული ეს ორი განსხვავებული საწყისი გალაკტიონს შეუცნობელს ხდიდა. მასთან მისვლა თითქმის შეუძლებელი იყო.

აღბათ ისიც საყურადღებოა, რომ გალაკტიონი უფრო რე მამაც საშუალო და დაბალი რანგის კალმოსნებთან იყო დაახლოებული. იქნებ იმიტომაც, რომ მათგან კონკურენციასა და შურს არ გრძნობდა, ისინი აღმერთდებდნენ გალაკტიონს; იქნებ იმიტომაც, რომ გალაკტიონს მათთან ურთიერთობაში საგანგებო სიფრთხილე და შორსმჭვრეტელობა არ სჭირდებოდა, არ იძაბებოდა, იქნებ იმიტომაც, რომ...

ერთხელ ჯიქურ შეგკითხე:

- ვინ უნდა ვიგულოთ თქვენს შემდეგ დიდ პოეტად?

პირდაპირ პასუხს თავი აარიდა.

- ცუდი პოეტი არ არის №...

და ისეთი კაცის გვარი დაასახელა, რომელმაც ჩემი ღიმილი გამოიწვია. მიმიხვდა ღიმილის მიზეზს და ნათქვამის გამოსწორება სცადა:

- იგი ნამდვილი კომუნისტია.

გალაკტიონს იშვიათად წარმოსცდენია მისი თანამედროვე დიდი ქართველი პოეტების ქება. არც ეს იყო შემთხვევითი, არც ის, რომ უმეტესად საშუალო ფენის წარმომადგენლებით იყო გარშემორტყმული. ჩინოსნები იშვიათად თუ გამოცნაურებოდნენ.



- გამარჯობათ, ბატონო გალაქტიონ, - აჩერებდა ერთი.

- ხომ კარგად ბრძანდებით? - მოკრძალებით ჰკითხავდა მეორე.

- პოეტთა მეფეს ვახლავარ! - მაღალ ნოტას აიღებდნენ გაბედული. გალაქტიონი თავაზიანად პასუხობდა.

გაგვშორებოდა უცნობი და ვინტერესდებოდი.

- ვინ იყო?

გალაქტიონი მხრებს იჩენავდა.

ეს მათცუბდა კიდევ პირველ ხანებში, რადგან მეყსეული მასლაათი ისეთ შთაბეჭდილებას მიქმნიდა, გალაქტიონი კარგად იცნობს ამ კაცს-მეთქი.

ერთხელ ასეთი შეკითხვისას გადაიხარხარა.

- ჩემო ნოდარ, ჭრელი ძაღლის ამბავი ხომ გაგიგონია?

ვერ გავიხსენე და შევცბი.

- ჭრელ ძაღლს მთელი სოფელი იცნობს, ჭრელი ძაღლი კი არავის. ასეა ჩემი საქმე...

შედარება სკაბრუზული მომეჩვენა, მაგრამ გალაქტიონი ისე გულთანად იცინოდა, მეც აეყვივი.

ეს ფაქტი შემთხვევით არ გამიხსენებია. საქმე ისაა, რომ გალაქტიონის შეხშიანება-პასუხებში არა იმდენად ინდივიდის პატივისცემა ჩანდა, რამდენადაც ადამიანისა ზოგადად. თუ არ ვცდები, ეს მისი შემოქმედების მაგისტრალური ხაზიცაა და საგანგებო კვლავის საგანიც, მით უფრო, რომ ბევრმა შეიძლება მახვილად შემდეგი მაქსიმა მომიღეროს: „მთელი კაცობრიობის სიყვარული უფრო ადვილია, ვიდრე ერთი ადამიანისა“.

ბარემ ისიც ვთქვათ, რომ გალაქტიონი იმ მაღალ ხეს მოჰკავს, რომელიც შორიდანვე ჩანს და ანდამატივით გვიზიდავს. გვიზიდავს არა მხოლოდ უჩვეულობითა და ამ უჩვეულობის შეცნობის სურვილით, არამედ წმინდა პრაქტიკული მისწრაფებებითაც: გაემხნევედეთ, აემადღედეთ, დავტკბეთ.

გალაქტიონის მეგობრებზე და ნაცნობებთან ურთიერთობაზე საუბარი გაგვიგრძელდა. დაეუბრუნდეთ ათიანი წლების დამდეგს.

გალაქტიონი მკაფიოდ ჩამოყალიბებული მიზნით გამოდის სამწერლო ასპარეზზე. საკუთარ წუხილს თუ სიხარულს საზოგადოებრივ მნიშვნელობას ანიჭებს, სუბიექტურ განცდებს ფართო განზოგადებას აძლევს. იგი მხოლოდ პირადი სიამოვნებისთვის როდი მღერის. მგოსნის სურვილია, ხალხი უსმენდეს, ესთეტიკურად ტკბებოდეს და სულიერად მაღლდებოდეს. ამიტომაც დიდ მნიშვნელობას ანიჭებს ღვაქსთა დროულად პუბლიკაციას.

ნაწარმოებთა დაუბუჭდაობას თუ დაგვიანებით გამოქვეყნებას მგონიანი ძალზე მტკივნეულად აღიქვამს. ღელავს, რომ სათანადოდ ვერ დაუპირია მკითხველი. ჯერ კიდევ ვერ მოუპოვებია სფეროში სახელი. არადა, კარგად გრძნობს, რომ მისი ნაწარმოებები ახალგაზრდა პოეტთა ლექსებზე უკეთესი თუ არა, უარესი ნამდვილად არ არის. გასათვალისწინებელია ისიც, რომ რედაქციების დროებითი დუმილი შემოქმედებით ცუცხლს უნელებს ჭაბუკს. ამიტომაც ბობოქრობს.

კაცმა რომ თქვას, გალაკტიონს არ დასჭირვებია მალალი ღობის გადარღვევა, რედაქციის კარის შემტკრევა. ეურნალ-გაზეთებით თავიდანვე კეთილად შეხვდნენ, რაც პოეტის ხალასი ნიჭით იყო პირობადადგებული.

ცალკეული შეფერხებები კი მაინც არსებობს და გალაკტიონიც ღიზიანდება, ცდილობს დროზე გაამჟღავნოს გულისხნადები, არც ერთი ნაწარმოები არ დარჩეს დაუბუჭდავი. ბევრი აქვს სათქმელი და შიშობს, არაფერი დაეკარგოს.

დავესესხებით გალაკტიონის ერთ უცნობ ბარათს, რომელიც მხრავალმხრივ იპყრობს უურადლებას.

„დიდად პატივცემული ბ. რ.

გიგზავნით ოთხ ლექსს, რომელიმე მათგანი მგონია იპოვის ადგილს თქვენს ღრმად პატივცემულ გაზეთში. მე ჩემი მხრით „ია“ საუკეთესოდ მიმანია ამ ოთხში და გთხოვთ ნუ დააგვიანებთ მის დაბუჭებას. ამ დაგვიანებამ და დაუბუჭდაობამ ღამის სულ მიმატოვებინოს წერა. არის წამი, როცა კარგ რამეს ვწერ (მაინც და მაინც მე ასე მგონია), მაგრამ უცერად ვფიქრობ, რომ ის არ დაიბუჭდება და იძულებული ვარ მიუხიო-მოუხიო ეს ჩემი ავლადიდება. არც ისე მაქვს სახელი მოპოვებული, როგორც სხვა ახალგაზრდა მგონებს, და არც ისე ვარ, რა თქმა უნდა, მიღებული, თუმცა ვწერ დიდი ხანია.

თქვენს პატივცემულ გაზეთში მე მსურს სისტემატურად წერა. თუ ეს თქვენი ნებაც იქნება, ცოტა ნიჭის ზრდას თუ მაინც ამწვეთ ჩემში. ჩემი თანამშრომლობა ხშირად არ იყო დღევანდლამდე მკვიდრი, თქვენგან კი ველი სრულს სიმპატიას და მფარველობას.

გიგზავნით მარკას. ველი წერილს მოუთმენლად. გაზეთს, რა თქმა უნდა, უფასოდ გამომიგზავნით.

თქვენი მარადის გ. ტაბიძე“.

ეს ბარათი დაწერილია 1911 წელს, როცა გალაკტიონი ფარცხნალში მუშაობს მასწავლებლად. სოფელში ჩაკეტილი ახალგაზრდა ცდილობს გაარღვიოს ერთფეროვნების ბურუსი,

თავი დაადწიოს მარტოობას, მთელი გატაცებით მიეცეს ქუჩისა, მაგრამ ამას ვერ ახერხებს და ერთ-ერთი მიხეში ისიცაა, რომ მისი ლექსების დასტამბვა ზოგჯერ ყოვნდება.

წერილი საგულისხმოა იმითაც, რომ მასში მოხსენიებული ლექსი „ია“. გალაკტიონის თხზულებათა აკადემიურ გამოცემაში ასეთ ნაწარმოებს ვერ მივაკვლიეთ. იქნებ შემდეგ შეუცვალა სათაური? არც ეს ჩანს. უფრო საფიქრებელია, რომ იგი დაიკარგა. ამ ბარათით გალაკტიონი წარმოგვიდგება მშფოთვარე, თავდადებული შრომისთვის გამზადებულ პიროვნებად, რომელიც კუთვნილ ადვილს მოითხოვს.

ახალგაზრდა პოეტი ძალზე მტკივნეულად განიცდის ყოველ მარცხს, წაბორძიებასაც კი. „საშინელება ის არის, რომ ასე მოუზადებელი ყოველ ნაბიჯზე ემარცხდები და ემარცხდები... ვერაფერი გამოიკეთებია ხეირიანი“. სიღარიბე სულს უშამავს, გვერდით მყოფთა ცინიზმი ანადგურებს.

ბეერი ვერ მიმხდარა, თუ რა სამხილი წვაეს პოეტს. ბეერს არ ესმის ლიტერატურისადმი მისი მსხვერპლ შუწირვა. ეს მოქუფრული ატმოსფერო კარგად გამოხატა გალაკტიონმა შემდეგ სტრიქონებში:

„წადი, იარე... ენახოთ სანამდე
გაგვეება ფიქრი ფურად-ფურადი.
თვითონ აკაის რა ხეირი აქვს,
რომ შენა გერგოს... იარე, წადი!“
ბარათაშვილის პანგი მწუხარე
ვერ დააფასა სამშობლო მხარემ
და განდევნილი უცხოეთისამ
სულ-აღზნებული შთანთქა სამარემ
ვინ იცნო ქნარი გურიელისა,
ყურს ვინ უდებდა მწუხარე ხმასა?
და შენ სიმღერას ვინ დააფასებს,
სხვები თუ არეინ არ დააფასა?“

პოეტს არსებითად მაინც ვერ ამუხჯებს წინააღმდეგობა-დაცინვა. მისთვის თავიდათავია გულისნადების გამოთქმა, პირადი წამების ახშიანება. გალაკტიონს უკვე შეცნობილი აქვს თავისი, როგორც მგოსნის, მისია და არჩეული გზიდან გადახვევა სიკვდილის დარად ესახება.

გარკვეულ შემთხვევაში დიდი საქმე მარტვილობას მოითხოვს. ვისაც უნარი არ შესწევს თავგანწირვისა, მას გამარჯვების იმედიც ნაკლებ უნდა აქონდეს. ეს იცის გალაკტიონმა. მაგრამ

იმასაც ნუ დავივიწყებთ, რომ შგოსანიც მოკვდავია. გალაკტიონს ცხოვრებასთან ჭიდილი უძნელდება. თითქოს ბრძოლის უნარიც შეუსუსტდა. ძმისადმი გაგზავნილ ბარათში კითხვულადაა: „ვერ წარმოიდგენ, რანაირად დავიდალე, საშინლად დავიდალე იმის მეტს არაფერს ვისურვებდი, რომ ეხლა ვინმე ფეხზედ წამომაყენებდეს და სიცოცხლეს დამანახევებდეს. საშინლად დავიდალე— საკუთარი სიცოცხლეც ვერ მომიწესრიგებია ხერიანად, ისე, როგორც მსურს; ერთი დამხმარეც კი არ შეაქვს იმაზე, რაცა მსურს, მე კი დავიდალე, საშინლად დავიდალე“... ამას წერს 20 წლის ახალგაზრდა, რომელსაც დიდი და რთული გზა აქვს გასაელვლი.

მიუხედავად მძიმე პირობებისა, გალაკტიონი თავაუღებელიც მუშაობს. თითქმის ყოველდღე თხზავს. ჯერ კიდევ სემინარიაში ყოფნისას დაიწყო იბსენის „ბრანდის“ თარგმნა. ამის შესახებ ჟურნალმა „თეატრმა და ცხოვრებამ“ აპრილშივე აუწყა მკითხველებს. ფარცხნალში კვლავ მიუბრუნდა ნორვეგიულ დრამატურგს, მაგრამ საქმის ბოლომდე მიყვანა ვერ მოახერხა. ამჯერად ბაირონმა გაიტაცა და „ოსკარ ალველის“ გადმოქართულებას მიჰყო ხელი. 120 სტრიქონი გამართა კიდევ.

თავიდათავი მაინც ღირიკაა და იესებს ფურცლები პოეტური აღსარებებით. სწორედ ფარცხნალში დაიწერა „ჰამლეტის ქნართ“... მას ასეთი ეპიგრაფი აქვს: „ეუძღვინი საშინლად ღამაზ მონაზონ ქალს, თავადის ასულს მარიამს“. აქვე შეითხზა „დარიალის ვიწრო კლდეებში“, „გაზაფხულდა“ და სხვ.

მეორე მხრივ, გალაკტიონი კითხულობს თითქმის ყველაფერს, რაც ხელთ ჩაუვარდება. წიგნზე მუშაობაშიაც გამორჩეულია — დაფიქრებული და განმზოგადებული. ნაწარმოების არა მხოლოდ ძირითად პათოსს და იდეურ-მხატვრულ ღირებულებას აცნობიერებს, არამედ კონკრეტულ სახეებსაც აანალიზებს; იწერს ღირსშესანიშნავ სტრიქონებს, აფიქსირებს ცალკეულ გამოთქმებს და სხვ. რაც მთავარია, ყოველთვის განმზრეკი და კრიტიკულია. ეს ის გზაა, რომელსაც ხშირ შემთხვევაში მოსდევს დაწუნებულის საპირისპირო ვარიანტის შეთხზვა. მაშასადამე, საქმე გვაქვს წრთობის თავისებურ ხერხთან.

გალაკტიონს წაუკითხავს 1910 წლის „თეატრსა და ცხოვრებაში“ დაბეჭდილი ბ. ახოსპირელის ლექსი „მოეტს“ და ხაზებით აუჭრელებია. მოვიტანთ ერთ მაგალითს. ბ. ახოსპირელი წერს:

„მაშ უსულოდ ნუ დაკრავ თითს,
ოქროს ჩანგის ტურფა სიმებს;
დასწვი გული გრძნობის ცეცხლში,
დღე, ნუროდეს გაიღიმებს!“¹



ქართული
წიგნების
კავშირები

გალაკტიონს გადაუხაზავს ეპითეტი „ტურფა“ და სტრიქონის გასწვრივ კითხვის ნიშანი დაუსვამს. მისი შენიშვნა მართებულია. „ტურფა სიმები“, სხვას რომ თავი დავანებოთ, უხერხული გამოთქმაა.

როცა ფარცხნალის ოდისეას ვიხსენებთ, რამდენიმე გარემოებაზე კიდევ გეპიარებებს შეეჩერება. ამ სოფელში გალაკტიონი, როგორც მოქალაქე და ინდივიდი, პირველად აღმოჩნდა ცხოვრების პირისპირ. შეურველობა გაქრა. ახლა თავად უნდა მიეღო კონკრეტული გადაწყვეტილებები; უშუალოდ უნდა ეპასუხა მტრისა თუ მოყვრისათვის. ამდენად, ცხოვრების უფრო მძაფრად და მრავალმხრივ შეცნობა ხდება.

მეორე, როგორც აღინიშნა, გალაკტიონი „თეატრისა და ცხოვრების“ რედაქტორს პირდებოდა ფოლკლორული ნიმუშების შეკრებასა და მიწოდებას. ჟურნალში მსგავს ვერაფერს მივაკვლიეთ. შეიძლება ფიქსირებას და გაგზავნას ვერ ახერხებდა, მაგრამ ეს როდი ნიშნავს ხალხური შემოქმედებისადმი ინტერესის გაქრობას. საფიქრებელია, რომ ახალგაზრდა მგოსანი გულდაგულ ეცნობოდა ზეპირსიტყვიერების ნიმუშებს და ბევრ რამეს იბეჭდავდა გონებაში.

ყოველივე ეს გალაკტიონის პოეტური ზრდის ერთ-ერთი საფუძველი იყო. უფრო მნიშველოვანი მაინც სხვა არის. ფარცხნალის გარემომ რომანტიკული წარმოსახვა გაუძაფრა. ბევრს დადიოდა ხარაგოულის შემოგარენში. აქ წერდა: ბინის კარი გამოვიკეტე, თავისუფალ დროს შთებში ეპტარებო.

ულრანი ტყეები, თვალწარმტაცი ბორცვები, მკაცრი კლდეები, მობუტბუტე წყაროები და მოხსრიალე ნაკადულები მგოსნის აღმაფრენას იწვევდა. ყოველივე ეს აირეკლა კიდევ შემოქმედებაში. ვფიქრობთ, პოემათა ბევრი დეტალი, ბუნების სურათები ფარცხნალით უნდა იყოს შთაგონებული. ამ პერიოდის ნაწერებში არაერთგზის გაივლევს სახელი კახორი. მაგალითად:

„ნანგრევი მოსნანს კახორის მთაზე
სველით სავსე და მიუსაფარი...
იქ არ მომკვდარა ჯერ სიღამაზე
ღალატის მსხვერპლი, ღალატით მკვდარი“.

¹ ჟურნ. „თეატრი და ცხოვრება“, 1910, №37, გვ. 3.

ეს სტროფი უცნობი ნაწარმოებიდან - „ლეკენდიდან“ არის ამოღებული.

კახორი რომანტიკული ბლონდითაა მოცული და შექმნილია ბევრისათვის გაუგებარიც აღმოჩნდეს. არადა, იგი უზარმაზარ მთას, რომელიც ხარაგოულის მიდამოებს გადმოჰყურებს. მთის წვერზე წმინდა გიორგის ეკლესიაა. ვარაუდობენ, რომ აქ ადრე მთვარის საკულტო ნაგებობა იყო. როგორც ირკვევა, კახორმა წარუშლელი შთაბეჭდილება მოახდინა ახალგაზრდა პოეტზე. გალაკტიონისათვის იგი ძლიერისა და ამადღებულის, უჩვეულოსა და მომხიბვლელის სინონიმად იქცა. ამაზე მიგვანიშნებს 1940 წელს შეთხზული პოემის „აკაკი წერეთლის“ ერთი სტროფიც:

*„და ეძახის გორას - გორი,
წკრიალა ხმით - მინასწორი,
ერთუროს გაეხმაურება
სხვა გომბორი და კახორი“.*

ფარცხნალში გალაკტიონი, თუ ძალზე ხმაამაღლა არ არის ნათქვამი, თითქმის შეერწკა ბუნებას. საერთოდ, ბუნებასთან მისი კავშირი სცილდება ჩვეულებრივი მოკვდავის მიმართებას გარემოსთან. მგოსნისათვის ბუნება მხოლოდ ტკობის საგანი როდია. იგი გარკვეულ ასოციაციებს ბადებს, ორიგინალურ პოეტურ სახეებს კარნახობს.

ბუნებასთან მწერლის დამოკიდებულების საკითხი თავისთავად განშტოებულია. რამდენად ზუსტად და ღრმად ასახავს კონკრეტულ გარემოს, რამდენად მკვეთრი და ფაქიზია სურათები; როგორი სიღრმითა და ინტენსიურობით შედაენდება განცდა, როგორ უკავშირდება პეიზაჟი პატრიოტიზმის გამხელას და ა. შ. და ა. შ.

თავიდათავი მაინც ის გახლავთ, ესმის თუ არა პოეტს ბუნების ენა. ხარაგოულის პერიოდი ამ მხრივაც მოითხოვს დაკვირვებას. მართლაც, ძალზე საინტერესოა, თუ როგორ სწავლობდა გალაკტიონი ბუნების ენას, როგორ იფაქიზებდა სმენას, როგორ იმახილებდა კოსმოსის საიდუმლოებაში წვდომის უნარს.

გალაკტიონი მინდისასავით აღიქვამდა სამყაროს. ყურს უკადებდა მცენარეებსა და ჩანჩქერებს, ესაუბრებოდა და ეფოფინებოდა მათ, სულის თანაზიარად ხდიდა. მაგალითები? ინებეთ:

„წუხელი, ღამით ქარი დაქროდა

¹ გ. ტაბიძე, თხზ., ტ. IX, გვ. 21.



და დიდხანს, დიდხანს არ დამეძინა;
 მე მქონდა ბინა, თავშესაფარი,
 მაგრამ ქარიშხალს არ მქონდა ბინა.
 ხან კარებს უკან ატირდებოდა,
 ხან დარაჯობდა სარკმელის წინა.
 გადამიშალა თვალწინ წარსული
 და მწარედ, მწარედ ამაქვითინა¹.

ან

„დამჭრეს! ეს მე ვარ! ეს მე ვარ, ქარი.
 გამიღეთ კარი, გამიღეთ ჩქარა!
 მე მომდევს ცივი საშინელება,
 მე მომდევს ჩემი ცოდვილი გული...“²

იშვიათი პერსონიფიკაციაა, სტიქიისა და პიროვნებუს ურვეულო დაახლოება. მავანთა და მავანთა მოვონებებში საგანგებოდ მახვილდება ყურადღება ბუნებასთან გალაკტიონის კავშირზე.

დროის იხარს თითქმის ნახევარი საუკუნით გადავწვე და ორი მეტყველ ფაქტს დავესესხები. რესპუბლიკის სახალხო არტისტმა გიზო სიხარულიძემ გვიამბო: 1957 თუ 1958 წელია, ზაფხულის მიწურული. მთელი ოჯახით მანგლისიდან ებრუნდები. შუაღამეზე ავიბარგეთ და აისი იქნებოდა წყნეთს რომ მიეგუახლოვდით, პიონერთა ბანაკიდან ორიოდუე კილომეტრის დაშორებით, დიდი თავიკვეს დასაწყისში თეთრი წერტილი შევნიშნეთ. უუახლოვდებით, საყვირი ავაბუბუნეთ. ის კი ნირს არ იცვლის, ჩვეულებრივ აგრძელებს გზას. შოფერი სამუხრუჭე პედალს აწვება... გაბმული სირენა და მეზავრი ოდნავ ინაცვლებს მარჯვნივ. არაერთარი შეშფოთება, არაერთარი ყურადღება... გავესწორდით და ყველას ერთბაშად აღმოგვხდა: – გალაკტიონი!

თეთრ გრძელ საცვალში იყო. პერანგი ჭიპამდე ჩახნოდა. თავაწეული მიაბიჯებდა და ვიგრძენით, სხვა სამყაროში გადავარდნილიყო.

როდის ადგა, რატომ აუყვა ზევით, რას ესწრაფოდა?... კითხვები არ გვასვენებდა.

მართლაც, ძნელია ამ კითხვებზე ზუსტი პასუხის მოძიება.

იქნებ ეს კიდევ ერთი გაქცევა იყო ჩვეულებრივი ყოფიდან და

¹ გ. ტაბიძე, თხზ., ტ. I, გვ. 199.

² იქვე, ტ. II, გვ. 28-29.

ბუნებასთან შერწყმის სურვილი?

ვინ იცის!

ახლა მოუუსმინოთ ლიტერატორ ცისანა გენძეხაძეს, საშუალო სკოლა დაკმათაურე და ზაფხულს წყნეთში ვატარებდი. მეშახტეთა სახლი, სადაც ჩვენ უბინადრობდით, გალაკტიონის აგარაკს ვაპყურებდა. მე ერთ-ერთი იმათგანი ვარ, რომელიც გალაკტიონის ლირიკით ცოცხლობდა და ცოცხლობს. ბუნებრივია, აზრდილივით დაუდევდი პოეტს. უთუნია დგებოდა და ტყეში მიდიოდა. დროდადრო შენერდებოდა და ჯიუტად შესცქეროდა კენწეროებს. მეც ასე ვიქცეოდი, მაგრამ უჩვეულოს ვერაფერს ვხედავდი. ერთხელაც აუეღვენე წინადლის ნაწიში იყო. ვხედავ, გალაკტიონი რინდდება. წელში იხრება და ყური მიწასთან მიაქვს. ამ პოზაში საკმაო ხანს რჩება. იღიმება და ტუნებს აცმაცუნებს. მერე მხრებში სწორდება და შლევის ნაბიჯებით გარბის.

რა მოხდა?

როგორც კი თვალს მიეფარა, იმ ადგილს მივაშურე, სადაც ორიოდე წუთის წინ იდგა. გულმოდგინედ ვუკვირდები ყველაფერს. წამი. კიდევ წამი... და საოცარი ფშვინვა მომესმა. მიწა გაიპო და სოკომ ხმაურით ამოყო თავი. მეორე, მესამე... ახლა კი მივხვდი, თუ ვის ესაუბრებოდა გალაკტიონი.

ამგვარი მოვონებების ფიქსაცია შორს წაგვიყვანდა. ერთი რამ ცხადზე ცხადია – გალაკტიონს ნამდვილად ესმოდა ბუნების ენა. ამიტომაც უფლება აქონდა წვიმის წკრიალი მგოსნის ხმისათვის შეედარებინა.

„აფხაზეთის წვიმა მიყვარს,

იცი რად?

მგოსნის ხმა აქვს, როს ფოთლებზე

ხმაურობს.

ქლერს მაისის მწვანე ხანვი

და წკირად

მასზე ზეირთი დაღის და –

მოგ ხაურობს.

მიიმღვრა, მოიმღვრა

აქ ხვითომ...

აფხაზეთის წვიმა მიყვარს

ამიტომ...“

¹ გ. ტაბიძე, თხზ., ტ. VI, გვ. 146.

ეს სიტყვები 1949 წელს არის დაწერილი, მაგრამ ბუნების ხედვის მისეული „მეთოდი“ ადრევე მუშავდებოდა.

ბუნება მგოსნისათვის უმდიდრესი წიგნი იყო, ამდენად, ახალი გაოცების საწყისი, ამასთანავე მძლავრი შემოქმედებით იმპულსების დაუშრეტელი წყარო.

გალაკტიონი ბუნებას აღიქვამდა, როგორც ცოცხალ ორგანიზმს, რომლის ზეგავლენა მისტიკურიცაა, მაშასადამე, არცთუ ყველასათვის გასაგები. ბუნების საიდუმლოების წედომა პიროვნებისაგან განსაკუთრებულ ხედვასა და სმენას მოითხოვს.

პარალელი: – ერთ ხეირიან სტრიქონსაც ვერ დაწერ, თუ ვერ გრძნობ მზის ამოსვლის სიდიადეს, თუ ვერ აღიქვამ ჩიტების ჭიკჭიკის ჰარმონიას; თუ არ გესმის, როგორ იშლება ყვავილები...

ეს სიტყვები XX საუკუნის უდიდეს პოეტს რ. რილკეს ეკუთვნის, რომელთანაც გალაკტიონს ბევრი რამ აახლოებს.

გალაკტიონის პედაგოგიური მოღვაწეობა დიდხანს არ გაგრძელებულა. ერთი წლის შემდეგ სკოლა დაიხურა და ახალგაზრდა მასწავლებელი ქიმს მიღმა აღმოჩნდა. ეს ფაქტი მტკივნეულად აღიქვა პოეტმა, რაც გაამჟღავნა კიდევ პატარა ფელეტონში. ამ ნაწარმოებში გალაკტიონმა თქვია ეორდანიასაც გაკრა კლანჭი.

*„ძვირფასო თედო,
როგორ გვაურეოლებს,
შენს წასვლისთანავე
გვიკვებენ სკოლებს.
ვაი ამ შავ ბედს...
უი ამ ყოფას...
ვიტანთ და ვიტანთ
შეურაცხყოფას“.*

ფელეტონი „სამრევლო სკოლები იმერეთში“ იმ მხრივაც არის საყურადღებო, რომ გალაკტიონის კიდევ ერთ თვისებას ავლენს. პოეტი პირადი შეჭირვების მიზეზებს უფრო მეტად სხვებში ეძებდა, ვიდრე საკუთარ თავში.

გალაკტიონი კვლავ თხოვნით მიმართავს სამრევლო სკოლების საბჭოს:

„В виду закрытия парихнальской школы за неудобства помещения и из-за крайнее индифферентное отношение сельчан к ней...

прошу дать возможность занять место учителя в другой школе, более благоустроенной”.

გაბრიელეა უშუდევო აღმოჩნდა.

აქ ერთ საკითხზეც გვმართებს ყურადღების გამახვილება. პოეტის ბიოგრაფები აღნიშნავენ, რომ გალაკტიონი 1911 წელს მცირე ხნით ბათუმის მახლობლად მასწავლებლობდა. ზოგნი აზუსტებენ თარიღს – ოქტომბერშიო. ეს მტკიცება სიმართლეს არ შეეფერება. შეცდომა მომდინარეობს ერთი სიტყვის არასწორი წაკითხვისაგან.

1911 წელს რაისა ჩიხლაძისადმი გაგზავნილ ბარათში პოეტი აღნიშნავს: „ჩემი ადრესი ხომ იცო: ст. Белогор, учителю Г.Т. бгеллагორი ბათუმად წაიკითხეს და გაუგებრობაც აქედან მოდის.

სამწუხაროდ, ეს ღაფსუსი არაერთგზის იწენს თავს. მაგალითად, ჟურნალ „ჭოროხში“ დაბეჭდილ ერთ საინტერესო სტატიაში ვკითხულობთ: „იგი აჭარაში მასწავლებლობდა 1911-1912 წლებში. ჩვენი აზრით, სოფელ ყოროლისთავში. აქ იგი შემოქმედებითი შთაგონებითა და ძალებით ივსებოდა, ქმნიდა ლექსებს, ამასთან, ბევრს“.

არავითარი ამის მსგავსი. გალაკტიონს, გარდა ფარცხნალისა, არსად უმუშავნია კედაგოგად. ოქტომბერში იგი ქუთაისშია, „კოლხიდის“ რედაქციაში.

გალაკტიონი ცდილობს დამკვიდრდეს დასავლეთ საქართველოს ამ უდიდეს ქალაქში და მთელი ძალა, ნიჭი ლიტერატურულ საქმიანობას შესწიროს. იგი გაზეთ „კოლხიდის“ რედაქტორ-გამომცემელს ა. ჭუმბაძეს სწერს: „მე მასწავლებელი ვიყავი, მაგრამ ჩემგან დამოუკიდებელი მიზეზების გამო დღეს უადგილოდ ვრჩები. არავინ არ გამაჩნია, რომ ვთხოვო, მაგრამ შრომა, ღვთის წყალობით, შემიძლია. თუ რაიმე ადგილი გაქვთ „კოლხიდის“ რედაქციაში, იმედი მაქვს, არ დამიჭერთ. ამით შესაძლებლობას მომცემთ ვიარსებო. შემიძლია ყველაფერი: თარგმნა, წერა, სწორება. მაქვს უნარი გულმოდგინეთ შრომისა, რასაც დამავალდებთ, ყველაფერს შევასრულებ. მეტყვეით, მთელ დღეს ვიშრომებ შეუსვენებლად. როგორც ლიტერატორი ცნობილი არ ვარ, მაგრამ როგორც მშრომელი, ნაკლს შევაკუსებ“.

გალაკტიონი „კოლხიდის“ რედაქციაში მიიღეს. უმეტესად

¹ იოსებ ბუქირიშვილი, აჭარა, ცხადი იქნების თვალ-მარგალიტთა აჭარა!. ჟურნ. „ჭოროხი“, 1992, №4-5, გვ. 127.

კორექტურას კითხულობდა. ქრონიკის შედგენასაც ავალუბდნენ.

მდგომარეობა ოდნავ გაუმჯობესდა. მასწავლებლობას რედაქციაში მუშაობა ურჩევნია. აქ მისთვის სასურველი ატმოსფერო მაინც არის. 1911 წლის 7 ოქტომბრით დათარიღებულ ბარათში გალაკტიონი ძმას სწერს: „მე მოვეწყვე, 20 მანეთს ვიღებ და ხუთს ოთახში ვაძლევ. მარა საქმე ისაა, რომ ერთნაირად ვერასდროს ვერ ვიღებ ფულს. ხომ იცი რედაქციის საქმე - ხან არის ფული და ხან არა. ემუშაობ დილის 8 საათიდან საღამოს 7 საათამდის, რომ დასვენება არ მაქვს. შენი წერილიდან ვეცობილობ, რომ პოემა „თემში“ მიგიტანია. როგორაა საქმე? ბეჭდავენ თუ არა? მე აქ „კოლხიდაში“ მალე პოემა „სატანას“ მოვათავსებ. შენც ეცადე მანდ. ამ წელიწადში თუ ვერაფერი გავაწვევ, მერე წასულის ჩემი საქმე“.

აქ კარგად ჩანს გალაკტიონის დაოკებლობა, სურვილი ბევრის მოსწრებისა. ამგვარმა განწყობამ მნიშვნელოვნად განაპირობა მისი პროდუქტიულობა.

„კოლხიდის“ რედაქციაში გალაკტიონი დიდხანს არ დარჩენილა. როგორც ირკვევა, იგი ვერ შეეწყო გაზეთის ხელმძღვანელობას. ეს ჩანს მისი პატარ-პატარა იუმორისტულ-სატირული ლექსებიდან და პირადი წერილებიდანაც. „...ამ ორისამი კვირის წინათ „კოლხიდის“ რედაქციასთან უკმაყოფილება მომივიდა და გამოვედი... ეხლა „მნათობის“ რედაქციასთან ვარ და, წარმოიდგინე, უფრო მეტსაც მაძლევენ, ვინემ „კოლხიდაში“. ამას დაუმატეთ ის მორალური მოპყრობა ყველასთან, როგორც საზოგადოდ სოციალ-დემოკრატებს სჩვევიათ, გაიგებ თუ რა პირდაპირი ადგილია ის ჩემთვის. იქ კი სილოვანიდან (სილოვან ხუნდაძე - ნ. ტ.) დაწყებული რომელიმე ბარტყამდე ყველა ბატონობას ჩემობდა. მე, რა თქმა უნდა, ბატონობა ძალზე მეზარება და ეს იყო მიზეზი“.

გალაკტიონი ამხნეებს ძმას: საგანგაშო არაფერია, მე კარგად ვარ, დარდს ნუ მიეცემიო. სინამდვილეში სულ ასე როდია. სამსახურის მიტოვების მიზეზიც არ არის ზუსტი.

არქივმა შემოგვინახა „კოლხიდის“ რედაქციის ხელმძღვანელთა ბარათები. პატარა ფურცელზე სახელდახელოდ დაუწერიათ: „გალაკტიონ და გუცა! (გრიგოლ ფარქოსაძე - ნ. ტ.) არ იქნება ასე უყურადღებობა. თუ ღმერთი გწამთ, რიგინათ“. მერე ბარათი, ისევე გაკრული ხელით გამოყვანილი ასოები: „გალაკტიონ, ამოდი აქ ერთ წამს და ეს ყმაწვილი დარჩება

კორექტურასთან". ხხვა მასალებიც გვარწმუნებს, რომ ცნდკულ შემთხვევებში გალაკტიონი გულს ვერ უღებს კორექტურას, რაც რედაქტორის უკმაყოფილებას იწვევს.

მსოფლიო სვედით შეპყრობილი პოეტი, რომელიც თრთოლუით განიცდის ყველაფერს და არცთუ იშვიათად გარბის რეალობიდან, რათა ოცნებას შეაფაროს თავი, ალბათ ვერ იქნებოდა კარგი კორექტორი. არადა, გაზეთს თავისი წესი და კანონი აქვს. კორექტორისაგან საგულდაგულო სიფხიზლესა და ტექსტისადმი ჩაიკრიტიკებას მოითხოვენ. გალაკტიონს კი ეს ნაკლებ ხელეწიფებოდა, რაც აპირობებდა საყვედურთა სისშირესა და მდგომარეობის დაძაბვას.

ამ ფაქტის მხოლოდ ერთი განზომილებით წარმოჩენა სწორი არ იქნებოდა. მართალია, გალაკტიონს სამსახურის დაკარგვის საფრთხე ემუქრება, რაც თავისთავად ძალზე სამწუხაროა, მაგრამ არანაკლებ სავალალოა ისიც, რომ რედაქციის ხელმძღვანელებთან შეხლა-შემოხლა პოეტის სულიერ აფორიაქებას, გაღიზიანებასა და, საბოლოოდ, მისი ნერვეული სისტემის შეღახვას იწვევს.

ნამდვილად არ უღბინს პოეტს.

1913 წლის ავტოგრაფიულ ჩანაწერში ვკითხულობთ: „სემინარიიდან გამორიცხვის შემდეგ მე მასწავლებლად ვიყავი სოფელ ვარცხნალში... მაგრამ შემდეგ თავი დავანებე ამ საქმეს და თავი შევაფარე ჯერ გაზ. „მნათობისა“ და მერე გაზ. „ცხოვრების“ რედაქციებში.

ხსენებაც არ არის „კოლხიდისა“. ეს მხოლოდ იმით კი არ აიხსნება, რომ დასახელებულ გაზეთში მცირე ხნით მუშაობდა, არამედ რედაქციასთან არასასურველი დამოკიდებულებითაც.

„მნათობშიაც“ მუორეხარისხოვანი ადგილი ეკავა. როგორც ითქვა, ძირითადად კორექტურას უძღვებოდა და დროდადრო მოკლე შენიშვნებს აქვეყნებდა. ისინი ხელმოუწერელია. ამიტომაც ჭირს გალაკტიონის ნაღვაწის გამოვლენა.

იმის დაბეჯითებით თქმა კი შეიძლება, რომ ქვემოთ მოტანილი ინფორმაციები გალაკტიონისაა. „სოფ. ჭყვიშში (ქუთ. მაზ.) ერთკლასიანი სამრევლო სკოლა ორკომპლექტიან სკოლათ გადაუკეთებიათ, ამასთანავე შესდგომიან სკოლის შეკეთებას“¹.

ასევე: „მ. ბოჭორიშვილს დაუწერია ორიგინალური პიესა 4 მოქ. „მიღია“².

¹ გაზ. „მნათობი“, 1911, №69.

² იქვე.

პირველი ფაქტი ამოღებულია დედის წერილიდან, მუორე კი მეგობრის ბარათიდან.

საკარაუდოა, გალაკტიონს ეკუთვნოდეს ინფორმაციები, რომლებიც აგურის ქუჩის მოუწყობლობასა და არქივის გორაზე მცხოვრებთა გაჭირვებას შეეხება (№47, №75).

„მნათობმა“ სამი თვე-ნახევარის იარსება. გალაკტიონი კვლავ ცისა და მიწის შუა გამოკიდებული აღმოჩნდა.

1911 წლის მოვლენებიდან ძალზე საყურადღებოა 5 ოქტომბრის ამბავი. ამ დღეს გაიმართა დიდი ლიტერატურული საღამო, რომელშიც აკაკისთან ერთად გალაკტიონიც მონაწილეობდა. პირველი განყოფილება ყარობს (პ. გელეიშვილს) დაეთმო. მან თანამედროვე ქართულ სიტყვაკაზმულ მწერლობაზე წაიკითხა რეფერატი და, როგორც იტყვიან, მუსრი გაავლო ახალგაზრდა პოეტებს.

ლექტორმა ასეთი თვალსაზრისი განავითარა: ნამდვილი ხელოვანი „არც ერთს კლასს არ ემსახურება და ამავე დროს ყველას, მთელ საზოგადოებას უწევს სამსახურსო. შევნიერების განცდა საჭირო და აუცილებელია როგორც მდიდრის ბუნებისათვის, ისე ღარიბისათვის. ამიტომ ყოველად შეუწყნარებელია პოეტის ნაწარმოების იმისთვის გაკიცხვა, რომ იგი განსაკუთრებული პარტიის, ჯგუფის ინტერესებს არ ემსახურება. ხელოვნური ნაწარმოები მხოლოდ ესთეტიური თვალსაზრისით ფასდებაო...“¹

ასეთი გამოსვლები ფაქტობრივად სიმბოლიზმისათვის ნიადაგის მომზადებასაც გულისხმობდა, მაგრამ ამის შესახებ სხვა დროს.

ახლა გალაკტიონს დაეუგდოთ ყური: ლექციის შემდეგ აკაკიმ თავისი კლასიკური ლექსები წაიკითხა. აკაკის შემდეგ კი ჩემი რიგი იყო.

მე დავიწყე, მაგრამ ხმა მიკანკალებდა. უეცრად აკაკის დაიწყოებული შემოხედვა ვიგრძენი... აკაკი მიცქეროდა და...

ლექსი დამაიწყდა, უნდა გაეწერებულიყავი.

ციემა ოფლმა დამასხა...

ბედათ იმ რითმაზე, რომელზედაც გაეწერდი, მომაგონდა სრულიად ახალი რითმა, ექსპრომტათ, ავადმყოფური თავგანწირულებით ვქმნილი ახალ სიტყვებს, ახალ აზრებს,

¹ გაზ. „კოლხიდა“, 1911, №155.

რომელშიდაც საერთოდ არა იყო რა, მაგრამ მე მსურდა სიტყვების
კორიანტელით ამეხვია თვალი მაყურებლებისათვის. (ვღა
საუკეთესოდ დაგვირგვინდა. არც ერთს დამსწრეს არ შეუტყუა
და არ უგრძენია ჩემი კრიტიკული მდგომარეობა¹).

თქვენი არ ვიცი და მე ეს დეტალი პილიგრიმის მიერ
იერუსალიმის პირველ ხილვას მაგონებს. სალოცავისადმი
თვალის შევლევით გამოწვეული უძლიერესი განცდები
პიროვნების პარალიზებას იწვევს, მით უფრო, როცა ოცნების
ხატი შენსკენაა მომართული.

ახლა, რაც შეეხება გალაკტიონის განცხადებას: ჩემი
კრიტიკული მდგომარეობა არავეს შეუმჩნეველია. ვირწმუნოთ?

გაზეთ „კოლხიდის“ თანამშრომელი წერს: „აქ საზოგადოებას
შემთხვევა პქონდა გაცნობოდა ბევრს ახალგაზრდა მგოსანს: გ.
ტაბიძე, ვ. რუხაძე, ქუჩისშვილი, გელა აბაშელი, ჩხიკვაძე, შარაშიძე...“²

დასახელებულთა შორის ყურადღების ღირსად მხოლოდ
აბაშელსა და ქუჩისშვილს მიიჩნევს.

დანარჩენები? მათ „მორითმებს“ უწოდებს. „ასეთები
განსაკუთრებით ამ საღამოს აშვენებდნენ ჩვენს სცენას“³. ამ
გადაკვრამ ვ. რუხაძის აღშფოთება გამოიწვია⁴.

ამჯერად გალაკტიონი საგანგებოდ არ გამოუყვიათ. სხვა
დროს კი მისთვისაც გადაუკრავთ ღახტი. მაგალითად, 1913
წლის 24 ნოემბერს გამართულ ლიტერატურულ საღამოზე
გალაკტიონის გამოსვლა ასე შეაფასა რეპორტიორმა: „გ. ტაბიძის
ლექსები შინაარსის მხრით საინტერესონი იყო. წაკითხვით კი
სუსტად წაიკითხა“⁵.

სამწუხაროდ, სოგიერთებს გალაკტიონი ცუდ დეკლამატორად
მიიჩნდათ. შეიძლება მავანი და მავანი ახლაც ასე ფიქრობს: ეს
უსამართლობაა. მოვისმენიათ „მთაწმინდის მთვარე“? როგორი
ინტონაციით, შეკოვნებებით, თრთოლევითა და განუმეორებელი
მოდულაციით წარმოთქვამს თითოეულ სიტყვას, ფრაზას...
ნერვიული სუნთქვა ცხადზე ცხადია.

ლექსს ბევრი ამბობს, ზოგს ეს საქმე პროფესიადაც კი

¹ გ. ტაბიძე, თხზ., ტ. XII, გვ. 232-233.

² გაზ. „კოლხიდა“, 1911, №154.

³ იქვე.

⁴ გაზ. „მნათობი“, 1911, №45.

⁵ გაზ. „მერცხალი“, 1913, №97.

გაუხდია, მაგრამ არაერთისთვის გაუგებარი რჩება გალაკტიონის შემოქმედების მრავალწახანაგონება, ნაირგვარობა და ყველა ნაწარმოებს ერთნაირად აქედრებს. არადა, თითოეულ ლირიკულ ნაწარმოებს თავისი ნოტები აქვს, თუმცა ეს გამოხატული არ არის გრაფიკული ნიშნებით. იგი უნდა იგრძნოს და გაიგოს დეკლამატორმა, რაც ურთულესი საქმეა. გალაკტიონი პოეტი კი ხომ თავად ქმნიდა ამ ნაირგვარ ნოტებს, უფაქიზეს ნიუანსებს. ამდენად, ლექსის წაკითხვისას მათი გამჟღავნებაც უშეცდომოდ შეეძლო.

სხვათა შორის, მოგონებაში „როგორ კითხულობდა კანალოვი ჩემს ლექსებს“ გალაკტიონი შენიშნავს: კანალოვის ბავშვიდან „ფიცი“ ისმოდა, როგორც მოქნეული ხმლის წკრიალი...¹

მაშასადამე, ლექსის იდეასაზრს დეკლამირებისას ადეკვატური ფორმა უნდა მოუძებნოს დიქციის, ტემპრის, მუსიკალური მახვილის თვალსაზრისით.

ჩანს, გალაკტიონს თეორიულადაც კარგად ქონდა გააზრებული მხატვრული კითხვის სპეციფიკა და პრაქტიკულადაც ხელეწიფებოდა ეს საქმე.

1912 წლის თებერვალში დაარსდა სოც.-დემოკრატიული მიმართულების გაზეთი „ცხოვრება“. ძველმა ნაცნობობამ გაჭრა და გალაკტიონი სამუშაოდ მიიღეს. მისი ხელმოწერით ვერც ამ გაზეთში ეხვედებით პუბლიცისტურ ნაწერებს, არადა, ნამდვილად აქვეყნებდა. მაგალითად, 26 თებერვლის ნომერში დაიბეჭდა შემდეგი ინფორმაცია: „ახალგაზრდა პოეტმა ტ. ტაბიძემ გადათარგმნა და გამოსაცემათ დაამზადა კრებული „რუსეთის ახალი მწერლობა“. კრებულში მოთავსებული იქნება შემდეგ პოეტთა ნაწერები: კ. ბალმონტის, ვ. ბრიუსოვის, ანდრია ბელის, დ. მერეჟკოვსკის, თ. სოლოგუბის, ზინაიდა კიპიუსის, ივანოვისა და სხვ.“²

ამ პერიოდში გალაკტიონსა და ტიცციანს ახლო მეგობრული ურთიერთობა აქვთ. ისინი გულწრფელად უზიარებენ ერთმანეთს ფიქრებსა და ოცნებებს. „ცხოვრების“ რედაქციაში ტიცციანის ნაცნობებიდან მხოლოდ გალაკტიონი მუშაობს და ბუნებრივია, რომ ბიძაშვილის განზრახვაზე, რომლის შესახებაც არაერთჯერ უსაბრიათ, მას მიეტანოს ცნობა.

ზემოფიქსირებული ინფორმაცია იმითაც არის საყურადღებო, რომ ახალგაზრდა ტიცციანის ლიტერატურულ მისწრაფებებზე, გემოვნებასა და დაუღალავ მოღვაწეობაზე მიგვანიშნებს.

¹ ტ. ტაბიძე, თხზ., ტ. XII, გვ. 224.

² გაზ. „ცხოვრება“, 1912, №21.

„ცხოვრების“ რედაქციაში თანამშრომლობა სხვა მხრივაც აღმოჩნდა მომგებიანი. სწორედ ამ გაზეთის მეშვეობით ამცნო გალაკტიონმა ფართო საზოგადოებას პირველი წიგნის გამოცემის სურვილი.

„ცხოვრება“ მარტში დაიხურა (გამოვიდა 33 ნომერი) და გალაკტიონის წინაშე კვლავ მთელი სიმწვავეით დაიხვა არსობის პურის მოპოვების საკითხი.

მაშ ასე! გალაკტიონი ქუთაისშია და სხვადასხვა რედაქციაში მუშაობს. ერთხანს მხარში უდგას სერგო გერსამიას, რომელიც სატირულ-იუმორისტულ აღმანახებს „მაშხალას“, „ეშმაკის მაშხალას“ და „ანკესს“ გამოსცემს.

ჩვენ მივაკვლიეთ გალაკტიონის ერთ უცნობ ნაწარმოებს და ამის შესახებ პირველმა მივაწოდეთ ცნობა ფართო საზოგადოებას. „ათიანი წლების ერთ ქართულ ჟურნალში დაიბეჭდა იუმორისტული ნოველა „ნამწვავეები“. მას ხელს აწერს „გალაშკა“. ხსენებული ფსევდონიმი გალაკტიონს ეკითხვის. პოეტის არქივში ინახება ამ ნაწარმოების ავტოგრაფი, გადაწერილი და გასწორებული გალაკტიონის ხელით. საფიქრებელია, „გალაშკას“ ხელმოწერით სხვა ნოველებიც იყო გამოქვეყნებული ქართულ პრესაში“¹.

ჩვენს წერილს გამოუხმაურა ხ. გერსამია. მან აღნიშნა, რომ გალაკტიონი უახლოეს მონაწილეობას იღებდა სატირულ-იუმორისტული აღმანახების გამოშვებაში. „იუმორისტული ამბავი „ნამწვავეები“ გამოქვეყნდა „მაშხალაში“, მაგრამ რომელ ნომერში არ მახსოვს“².

დავაზუსტებთ: იგი დაიბეჭდა 1912 წლის „ჯოჯოხეთის მაშხალის“ პირველ ნომერში.

ეს ნაწარმოები საგულისხმოა არა მხოლოდ საზოგადოებრივი ტიპიკულების გამხელით, არამედ ავტობიოგრაფიული ელემენტების შემცველობითაც. იგი შეტანილი არ არის გალაკტიონის არც ერთ კრებულში, თხზულებათა აკადემიურ გამოცემაშიც. მოგვაქვს მთლიანად.

ნამწვავეები

დილით ისეთი დაღვრემილი მივდივარ ხოლმე რედაქციაში, რომ კაცს შეყვარებული ვეგონები. გაიულის ხოლმე ღამაზი გოგონა, მომაცქვრდება, მომაცქვრდება და წყნარად წასწურწულებს ხოლმე ამხანაგს:

- გესმის, ეს ყმაწვილი შეყვარებულია!
- რა ეუყო - უტყვის ამხანაგი - საერთო სენია, ეხლა ხომ

¹ „ახალგაზრდა კომუნისტი“, 1961, №133.

² იქვე, 1962, №2.

გაზაფხული დგება.

კ, სულ სხვაგვარადაა საქმე. მე არც გაზაფხულზე მესმის რამე. არც შეგვარებული ვარ... მუდამ მშვიერი... ხშირად თამბაქუნი ფულიც კი არა მაქვს, მაგრამ როგორა გგონიათ... ვშაკაობასაც ვახერხებ: დიდის სიფაქიზით ვინახავ ხოლმე პაპიროსის „ნამწვავებს“, რომ ეამსა მას შინა უთუთუნობისასა მისაღბუნოს, მიერთგულოს...

იმ დილით ძალიან ადრე ავდექი საწოლიდან, რადგან წინაღამით გადაწვევით, რომ სადმე უნდა ფული მეშოვნა უხათუოთ. ქაღალდები რიგზე დავაწვევუ და ის იყო რედაქციისაკენ უნდა გავდვომოდი ვხახ, რომ ოთახში მოსამსახურე გოგო შემოვიდა...

- ღიზა, შე წყულო, რა ქუქუნა თვალები გაქვს-მეთქი - უნდა მეთქვა, მაგრამ იმან დამასწრო:

- ეს რამოდენა მტკერი დავროვილა ოთახში, ბატონო! კლიტე დამიტოვეთ, რომ დავგავო.

გაწითლებულმა ვაუწუოდე ვახადები მოსამსახურე ქალს.

- ილო, შენ გენაცვალე, მასეხხე ცოტა ფული... უფულენცია მკირს...

შევედრე დეკეშის თარგმნაში ილაჯ-გამწყდარ ილიკოს... როდესაც დაღვრემილი შევედი რედაქციაში...

- არა მაქვს, ძაო, არა მაქვს, აბა რა ვიყო? - ხელების შლით მიპასუხა იმან... - აი, თუ ვინდა ერთი შაური მაქვს.

ვერიკა! მეც ერთი შაური მაქვს, ამით მე თამამად შემიძლია პური ვიყიდო, მაგრამ პაპიროსი? სად ვიშოვო პაპიროსი?..

მართლა, სახლში ხომ „ნამწვავები“ მაქვს შენახული, რაღა მიშავს, დღეს დაკმაყოფილებული ვარ...

გახარებულმა ვავსწიე ბინისაკენ. შვეალე ოთახის კარები, ვეცი თაროს; სადღაა „ნამწვავები“?

- ღიზა, ღიზა!

- ბატონო! - შემოვიდა ოთახში მოსამსახურე გოგო.

- აქ მე ისინი მქონდა... ისინი...

- რა „ისინი“?

- აი იქ, თაროში...

- თაროში არაფერი არ ყოფილა, აქ მხოლოდ პაპიროსის „ნამწვავები“ ყარა...

- მერე, მერე?..

- რა მერე?

- რა უყავი იმ ნამწვავებს...

- რა თქმა უნდა, გადავყარე...

- გადაყარე?.. მართლა?.. - ძალიან კარგი ვიქნია... ეხლა

გადი... განცვიფრებული ღიზა გულ-უბრყვილოთ მომხურებრდა,
კერ გაეგო თუ რაში იყო საქმე... იმისი თვალები ისე საუცხოვრო
იყო ამ წუთს.

- ღიზა, შე წვეულო, რა ქუჩუნა თვალები გაქქს-მეთქი
უნდა მეთქვა, მაგრამ ენამ მხოლოდ ეს წამოიღულღულა:

- ბატონებო! ბატონებო! ყურადღება მიაქციეთ ჩვენი
მწერლების აუტანელ მდგომარეობას-მეთქი...

დასასრულს იმასაც ვიტყვი, რომ გამორიცხული არ
არის, გალაკტიონს ეკუთვნოდეს „მაშხალის“ პირველ ნომერში
გამოქვეყნებული „ახალი ამბები“. ამას გვაფიქრებინებს პოეტის
არქივში დაცული მსგავსი წიგნბურთები, განსაკუთრებით
სილოვანის წინააღმდეგ მიმართული.

საგულისხმოა, რომ გალაკტიონს განუზრახავს პატარა
ჟურნალის - „სატირიკონის“ დაარსება. განცხადებაც შეუდგენია,
რომელშიაც ვკითხულობთ: „ჟურნალს თანამშრომლები ჰყავს
ქ თბილისში, ბათუმში, ფოთში და საქართველოს სხვა დაბა-
სოფლებში“.

ამ პერიოდში გალაკტიონი ქუთაისელ ინტელიგენტთა
კორპორაციის ერთ-ერთი ძირითადი წევრია. მონაწილეობს
ლიტერატურულ შეკრებებში, თავადაც მართავს პოეზიის საღამოს.
მოგზაურობს დასავლეთ საქართველოს მაზრებში, უახლოვდება
ხალხს და აცნობს მას თავის ღირიკას.

მგოსანი თუ არ გრძნობს, რომ მისი შემოქმედებით
ინტერესდებიან, ფრთებმოკვეცილია. ამდენად, გასვლა რაიონებში,
ფართო აუდიტორიასთან ურთიერთობა შემოქმედებითი
ინტენსივობის ერთ-ერთი საწინდარია. ეს იცის გალაკტიონმა.

არახდროს დაავიწყდება ფოთში გამართული საღამო.

პატარა დარბაზი ტაშით ვგებება ახლაგაზრდა პოეტებს.
გ. ქუჩიშვილი გრგვინავს, გელაც ბობოქრობს, გალაკტიონს კი
გულგრილობის ზღვრამდე მისული სიმშვიდე დაუფლებია...
პირველ რიგში წუხანდელი მეინახენი შენიშნა.

გუშინ ისინი სხვანაირნი იყვნენ. მათ საქციელს ძმაბიჭობიდან
მომდინარე უშუალობა ეტყობოდა. დღეს კი მოწინააღმდეგე
ამჟღავნებენ.

რატომ ხდება ასე?

გალაკტიონი ინტროსპექციამ გაიტაცა, ფიქრობს: სიახლოვეს
სიშორე ბადებს და თუ გინდა სხეუბთან იყო, მარტო უნდა იდგე-
პარადოქსია? ღირს ამ პრობლემის კვლევა...

კონფერენსიემ გალაკტიონის გვარი გამოაცხადა და ფიქრიც

შეწყდა. კითხულობს გატაცებით, ვნებიანად, ოვაციას საზღვარი არ აქვს. გიმნაზიელი გოგონა სცენაზე ამორბის და თაიგულს აწვდის.

საღამოს დამთავრების შემდეგ ჩაუჭი შესახვდაობის გაეცნო: — ძუკუ ვარ, ღოღუა, ორი დღეა, რაც სოხუმიდან ჩამოვედი. თქვენი ლექსები სიმღერაა, უფაქიზესი მუსიკაო...

გალაკტიონმა იცის, რომ ძუკუ ხალხური პანგების შემკრებია. ბევრი სმენია მის გუნდზე, ამიტომაც პროფესიონალის შექება აღაფრთოვანებს.

მერე დიდხანს ფიქრობდა ლექსის მუსიკალობაზე. თავისი მოსაზრებები გელას გაუზიარა: ორი მხარეა საგულისხმო. ერთ შემთხვევაში მუსიკალობა აზრის გამოხატვას შეეღის, დაქვემდებარებულია. მეორე შემთხვევაში იგი სიტყვაზე მაღლა დგას. მუსიკით გაცილებით მეტი ითქმის, ვიდრე სიტყვითო. ბლოკს დაესესხა და დაასკვნა: მისი არაერთი ლექსი მუსიკალური ნაწარმოებისთვის ნიშანდობლივი კონსტრუქციის გააზრებით არის აგებულიო.

მაშ ასე, 1912 წელი.

გალაკტიონი თავდავიწყებით არის შევეარებული. ისიც უყვართ...

გალაკტიონს შეუფერხებლივ ბეჭდავენ...

გალაკტიონს ტაშითა და ყვაილებით ვგებებიან სცენაზე...

გალაკტიონი ქალაქის გამორჩეული პიროვნებაა...

და მაინც, იგი მკმუნვარე, დაუკმაყოფილებელია.

საქმე ის არის, რომ გალაკტიონმა ააგო ოცნების კოშკი, რომელშიც მკეიდრად დაბინავდა. ერთმანეთს უპირისპირდება ირეალური და რეალური, თანაც პირველი გაცილებით მძლავრია. ერთგან გალაკტიონი ამბობს: „მშვენიერი ცხოვრება მე ოცნებებში განვიცადე... და რაც ოცნებებში განვიცადია მთელი არსებით, სინამდვილეში მას ვქნება რაიმე ფასი?“¹ ეს უკვე გასაღებია, რომლის მომარჯვება აუცილებელია, რათა გალაკტიონის პოეზიის სიღრმეში შევადწიოთ და ბევრი რამ ავხსნათ.

ბარემ გალაკტიონის ხასიათის რამდენიმე შტრიხიც წარმოვაჩინოთ. იგი ბევრის ღირსია და ცოტა ეძლევა. ყოველ ნაბიჯზე ვრძობს ცხოვრების სიმკაცრეს. მაღლე ზაფხული დადგება, ქუთაისი აივსება საზღვარგარეთიდან თუ რუსეთიდან დაბრუნებული სტუდენტებით. ისინი ყურადღების ცენტრში იქნებიან...

¹ გ. ტაბიძე, თხზ., ტ. XII, გვ. 503.

ესეც აღიზიანებს. „...პირდაპირ შხამით აგვესება ადამიანს გული მათი ცქერით. მეტიხმეტათ შურიანი რომ არ ვიყო, შეიძლება მეპატივებია ყველასთვის მათი სტუდენტობა და მაგარამ...“¹

ტივილი გასაგები იქნება, თუ გავითვალისწინებთ გალაკტიონის დიდ ლტოლვას უმაღლესი სასწავლებლისკენ. ერთი ჩანაწერის მიხედვით, მას განზრახული ჰქონდა გრანდიოზული ლიტერატურული საღამოს ჩატარება. თავად შეუდგენია აფიშის ტექსტი: „გაიმართება დიდი ლიტერატურული საღამო გ. ტაბიძის სასარგებლოდ, რომელიც პარიზში მიემგზავრება“.

ოცნება შორს მიაფრენა... მას თავი სენის ნაპირზე, ნოტრდამში სობოროს უნივერსიტეტში წარმოიდგენია. მერე, ზაფხულზე მშობლიურ ქალაქში ჩამოდის და ქუჩებში ჩნდება აფიშები: „პარიჟის უნივერსიტეტის სტუდენტი გ. ტაბიძე წაუკითხავს ლექციას...“

როგორი უნიადაგოც არ უნდა ყოფილიყო ეს ოცნება, მაინც ძნელი იყო მასთან გამოთხოვება.

საკმარისია თვალი გადავავლოთ გალაკტიონის პირად ბარათებს, რომ თვალწინ წარმოგვიდგეს გაუბედავი, მორცხვი ახალგაზრდა, რომელსაც უძნელდება ადმიანებთან ახლოს მისვლა. ყახიდ ღიმილს ჯერ კიდევ ვერ შეჩვევია, არც მონვენებითი გულწრფელობის ინსცენირება ძალუქს. ასეთ შემთხვევაში მხოლოდ საკუთარი შინაგანი სამყარო თუ გიხსნის. შენს მიერ შექმნილ ციხე-დარბაზს თუ შეაფარებ თავს, თორემ დაიღუპები. გალაკტიონმაც შეძლო საკუთარი ტაძრის აგება: „მე აღვაგე ტაძარი, ტაძარი ჩემის ტანჯვა-წამებისა, რომელშიაც შესვლა არ შეუძლია ჩემს გარდა არავის; მე არ შემიძლია გადმოგცუთ, თუ როგორ ვეწამე, ვერ ვიტყვი. ვერ გამოვთქვამ ამას. აი ამიტომ მე მუნანება ამ ტაძრის დატოვება, მეშინია დაგუახლოვდე ადამიანებს“.

გალაკტიონი გულგრილია ყოფითი მოვლენებისადმი. პრაქტიკული ცხოვრების აღლო აკლია. მას ჯარში გაწვევა ელის. დედა შეშფოთებულია: „მე მუდამ დღე ამას ვდარდობ, ხომ ხედავ, მოაწია დამახების დრომ. ეხლა მაინც კარგად დაფიქრდი, ეხლა გამოჩნდება შენი მოხერხება-მეცადინეობა. ნუ წაიყრებ“. მაკრინე კონკრეტულ რჩევას აძლევს შვილს, თუ ვინ ნახოს, ვის მოვლაპარაკოს. ალაგ-ალაგ გალაკტიონის თავმოყვარეობასაც ეხება. „რომ მეტრატახებოდი, მე ბევრი განათლებული პირები

¹ გ. ტაბიძე, თხზ., ტ. XII, გვ. 505.

მიცნობენო, ამა ეხლა გამოჩნდება შენი ვინმესაგან ცნობა თუ განათლება“.

დედამ იცის, ბარათი შეძრავს შეილს, ჩააფიქრებს მაგრამ შეიძლება მალე დაივიწყოს. ამიტომაც ავალეხს: „ეს წერილი ხშირათ წაიკითხე და კიდევაც აასრულე, რაც ამაში წერია, სხუამინდულად წაყრუება აღარ გარგია...“

ანალოგიური შენიშვნები ხშირად გვხვდება დედის ბარათებში. ისინი ხაზს უსვამენ გალაკტიონის ამ ცხოვრებიდან გამოთიშვას, პრაქტიკულ უუნარობას, გაუბედაობას. ეს თვისება დროებითი როდი იყო. 1930 წელს პროკლე გალაკტიონს სწერდა: „ვაი თუ უკალტოთ ხარ? ქვეყანა შოულობს ტანსაცმელს, საჭმელს და შენთვის, ასეთ ნიჭიერ კაცისთვის, რაღა ისპობა ყველაფერი. მე რომ შენს ადგილას ვიყო, ავდგები, მივადგები, სასახლეში ფ. მახარაძეს და ვეჭტვი: თქვენ, რასაკვირველია, კულტურის, განათლების დამცველი ხართ. განა სირცხვილი არ არის, მე – პოეტს შესაფერისი პირობები ვერ შემიქნათ-თქო. საინტერესო კი იქნება ასეთი რამ!“

ძმისთვის აშკარაა გალაკტიონის გაუბედაობა და აუვლიანებს. გალაკტიონს თანდათან ჩამოუყალიბდა აზრი, რომ იგი გამორჩეულია, მაშასადამე, რაც სხვებისთვის მიუტევებელია, იგი შეიძლება მას ნაკლებ ცოდვად ჩაეთვალოს. ერთ ბარათში იგი ძმას შენიშნავს: „რატომ წერილს არ იწერები? მე ნუ გამამტყუნებ. ჩემი ამბავი სხვია, შენი კი სულ სხვა“. ეს რეალური ვითარების ანარეკლია. ოჯახშიაც ის აზრია გაბატონებული, რომ პროკლე მიწიერი, გალაკტიონი – ზეციერი. პროკლე ვალდებულია იზრუნოს დედაზე, ძმაზე, მტერ-მოყვარეს დახედვს, ნათესაობას ბალავარი გაუმაგროს, მოქალაქის ყოველდღიური მოსაწყენი ჭაპანი გასწიოს. გალაკტიონს ყოველივე ეს ნაკლებ მოეთხოვება, რადგან იგი სხვა ღმერთის მსახურია.

და კიდევ ერთი: თავს იწენს ეჭვიანობის გრძნობა. გალაკტიონი 1911 წელს ფარცხნალიდან რედაქციას უგზავნის „შადრევანს“ და „სინუმის ანგელოზს“. ამ დროს იბეჭდება ი. გრიშაშვილის ლექსი, რომელიც რამდენადმე მიაგავს გალაკტიონის „სინუმის ანგელოზს“. პოეტი შემფოთებულია. მას უნდება ეჭვი, რომ გრიშაშვილმა ნახა მისი ნაწარმოები და გამოიყენა. მართალია, გრიშაშვილთან კარგ ურთიერთობაშია, მაგრამ ეს მაინც არ ბოჭავს, რათა რედაქციას რისხვით აღსავსე წერილი გაუგზავნოს.

¹ პროკლე (აბესალომ) ტაბიძე, მოთხრობები, ბარათები გალაკტიონთან, 1997, გვ. 145.

რედაქცია პასუხობს: „შადრევანი“ მივიღეთ. გადავიკითხავთ და, თუ გამოდგა, დაიბეჭდება. ხელთნაწერი „სისუმის ანგელოზი“ არ მიგვიღია. ასე რომ, ვერც გრიშაშვილი გადაიწერდა. ეხვე, რომ არ იყოს, ხელთნაწერს რედაქცია არავის აკითხებს. მსგავსება უსათუოდ შემთხვევითია. ყოველ შემთხვევაში, დარწმუნებული ბრძანდებოდეთ, რომ თანამშრომლის უფლებას რედაქცია დაიცავს“.

ეკვი, რომ მას ძარცვავენ, აისახა ექსპრომტში „შეკითხვა სამშაბათელას“. ამ სატირულ ლექსში გალაკტიონი კიცხავს იმ ახალგაზრდა მგოსნებს, რომლებიც არ ეკრძაღვიან სხვათა აზრების, სტროფების თუ რითმების მითვისებას:

*„ო, იმას ვამბობ, ვეთაყვა,
მეტად ვაგმობდრდით მგოსნებით,
ზოგი „ზეკაცობს“ და ზოგიც
თაუ-უკულმა პქრის „ოცნებით“.
გამჭურდეს, სულ მთლად წაიღეს,
თუ რამე მქონდა ნაშრომი,
ამდენს კი მე ვერ ავიტან,
თუნდ ვეფხვი ვიყო, თუნდ ღოში.
დაბეჭდილს ვინდა დაგიდევს,
დაუბეჭდავიც წამართვეს:
„აგრე ხჯობს, აგრე უნდაო“,
ჩემს შეკითხვაზე ასე სიტყვეს“.*

ამავე ხანებში შეთხზულ „პატარა ფელეტონში“, რომელიც ი. გრიშაშვილისადმი მიძღვნილი, უკვე ადრესატიც არის დასახელებული. გალაკტიონს, საერთოდ, მეტისმეტად აწუხებდა პლაგიატობა. მისი აღშფოთება არც ზედაპირულია და არც ეფემერული.

გალაკტიონი ბევრს წერს, კითხულობს, ფიქრობს, თვითაღზრდას უსწრაფვის. მას სურს გონივრული კრიტიკრიუმებით იხელმძღვანელოს. იგი აყალიბებს გარკვეულ მოთხოვნებს, რომლებიც ცნობილია „ჩემი კანონების“ სახელწოდებით. აი, ამონაწერები ამ რეგლამენტიდან:

1. ნურსად და ნურავისთან ილაპარაკებ შენს სიღარიბეზე.
2. ნურსად ნუ დაივიწყებ, რომ შენ მწერალი ხარ (მიუხედავად იმისა, რომ...).
3. ნურსად ნუ იქნები მეტისმეტად გულახდილი, რადგან მეტი გულახდილობა სიტიტველეს გავს, სირცხვილია.
4. როდესაც რამეს მოაქმედობ, დაე, ის საქმე ყოველ საქმეზე მიმზიდველი იყოს შენთვის“.

ეს დებულებები საგულისხმოა არა მხოლოდ თავისთავად, როგორც აფორისტული აზროვნების ნიმუშები, არამედ როგორც გალაკტიონის იმდროინდელი ფიქრებისა და განწყობილების რელიეფური გამოხატველიც. ახალგაზრდა კაცს სასუსტეს სიღარიბე, მაგრამ მასზე საუბარი დამამცირებლად მიიჩნია; მით უფრო, რომ იგი პოეტია. პოეტი კი ერის წინამძღოლია, რომელსაც უფლება არ აქვს, პირადული საზოგადოებრივზე მაღლა დააყენოს. აქ ნათლად ჩანს ილიასა და აკაკის ხაზი.

გალაკტიონი ინტერესდება ძველი ქვეყნების ისტორიითა და მითოლოგიით. უბის წიგნაკში საგანგებო ჩანაწერებს აკეთებს, რომელთაც „გამოსადგე აზრებსა და რითმებს“ უწოდებს. მაგალითად, „ღურჯი ყვავილი – სიმბოლო რომანტიკული გაგებისა, სვედისა. „ანთოსი“ – მითოლოგიური გიგანტი, რომელიც, როცა კი შეეხებოდა დედამიწას, მაშინვე იღებდა დაუძლეველ ფიზიკურ ძალას“. ახსნილია „ატლანტის ვაშლები“, „ლინოსი“ და სხვ. რაც მთავარია, აქ გვხვდება ასოციაციით ან წაკითხულის შთაბეჭდილებით შექმნილი სტროფები. მაგალითად:

*„როგორც სიზმრები, შუალამის,
იხე დაფრენდა ციციანთვლა“.*

*„ჩანჩქერი გადმოშეებული
ხედავ, რა მშვენიერია!*

*ტანს იბანს გატიტვლებული
და სვედიანი ფერია“.*

*„ბედნიერება, ჩემო ლამაზო
ქვეყნად არ არისა, თუ არ მივიღებთ
მხედველობაში სხვისთვის ცხოვრებას,
სხვისთვის წამებას და სხვისთვის კენესას.
მხოლოდ ეს არის ბედნიერება“.*

ამ პერიოდის სხვა „უბის წიგნშიაც“ ნაირგვარი ჩანაწერია. ერთი მხრივ, ფიქსირებულია რ. ერისთავის თუ სხვა პოეტების ან ხალხური ლექსების სტრიქონები, რომლებიც გამორჩეულია უშუალო ჰერმეტით, ხატოვნებით, ალიტერაციულობით და ა. შ. მაგალითად, „სიყვარულს გამოვიგზავნი, წამომღებელი ქარია“, „თივა მთიბველების ნათიბი“... მეორე მხრივ, ახსნილია უცხო თუ ნაკლებ ცნობილი ქართული სიტყვები: სპეკალი, ოლოლი, ყისმათი და სხვ. მესამე მხრივ, დალაგებულია რითმები. მაგალითად, „ხვერით-ჭვრეტი – წვერით – მეტი“, „ყინული-ჩაცვინული“, „რეკა-წალეკა-გადაღეკა“, „ნაღმით-გაღმით“, „საღამო-დაუსაბამო“, „ადიჭურვა-ურვა-ცურვა-ხურვა“... გალაკტიონი დიდ ყურადღებას აქცევს ცალკეულ გამოთქმებს, როგორიცაა: „ყველ-ღილიანი ქალი“,

„ტანგაბანილი ქვეყანა (წვიმის მერე)“ და სხვ. საგანგებოდ არის გამოცალკევებული „მემშენიერა“, „ტაშივით სწორი, გატკეცილი გზა“, „მზე ზღვაში იღუპებოდა“, „დაფერცხლილი შემდინარე“, „აღერსიანი შემოდგომის დღეები“.

ფიქსირებული მაგალითებიდან ბევრი გალაკტიონის შეთხზულია. უბის წიგნაკი საინტერესოა პოეტის შემოქმედებითი ლაბორატორიის შესასწავლად. ისინი მიგვანიშნებს იმ დაძაბულ და ყოველდღიურ შრომაზე, რომელსაც გალაკტიონი ეწეოდა. ირკვევა, რომ გალაკტიონი არსებითად ყველაფერს ერთი პრიზმიდან ჭერეტს. ფაქტი, დეტალი, სიტყვა, მას აინტერესებს როგორც ლექსის საშენი მასალა, როგორც განწყობილების შექმნის სათავე. იგი არ ენდობა მეხსიერებას. ამჯობინებს ქაღალდზე გადმოიტანოს დაკვირვება, მიგნება თუ შთაბუკდილება. მუშაობის ეს მეთოდი ძალზე ეფექტურად მიიჩნია და მთელი სიცოცხლის მანძილზე მიმართავს მას. ამ გზით, ე. ი. ფიქსირებით, იგი არა მარტო იმკვიდრებს ცოდნას, არამედ უხვ მასალასაც აგროვებს თხზვის საბოლოო პროცესისათვის. აქ აღნუსხული ცალკეული რითმები, სახეები, ტაქები უცვლელად თუ ვარიანტის სახით შემდეგ თავს იჩენს მის ცნობილ ლექსებში. მაგალითად, „გამოსადევ აზრებსა და რითმებში“ მთავრამეტე ნომრად არის გამოტანილი „გამჭვირვალე - როგორც ბროლი“. ეს შედარება მოგვიანებით გვხვდება „გურიის მთებში“ - „როგორ შვენის ველზე ნამი, გამჭვირვალე, როგორც ბროლი“.

ცხადია, უბის წიგნაკში ჩაწერილი მაგალითებიდან ყველა, და თანაც პირველი სახით, არ ფიქრდება გალაკტიონის ლირიკაში. ეს არც იყო მოსალოდნელი, რადგან პოეტური ქმნადობის თავისებურება ამას არ მოითხოვს, მაგრამ ერთი რამ აშკარაა, ისინი პირდაპირ თუ ირიბად ხელს უწყობენ გალაკტიონის თვალსაწიერის გაფართოებას, სასურველი სიტყვის მიგნებას, პოეტური ხატების გამრავალფეროვნებას და ნაწარმოების სტილურ დახვეწას.

გალაკტიონი საგანგებოდ დაინტერესებულია „კვიპაროსით“. განმარტავს კიდევ: „კვიპაროსი - ალვის ხე“. თანამედროვე მკითხველს შეიძლება სულ ზუსტად არ მოეჩვენოს კვიპაროსისა და ალვის ხეს შორის ტოლობის ნიშნის დასმა, შეცდომადაც კი მიიჩნიოს. სინამდვილეში გალაკტიონი მართალია. იგი ამოდის ძველი წიგნებიდან, საურო და სასულიერო თხზულებებიდან. ჩვენი წინაპრების გაგებით, კვიპაროსი - ალვას - ალვისტანას - სამოთხის ხეს.

ახლა „ვეფხისტყაოსანშიც“. ესეც გალაკტიონის ფართო

განათლებაზე მეტყველებს.

გალაკტიონის მუშაობის მეთოდი თავისებურია. უცერად დაბადებულ აზრს თუ სტროფს მეყვსეულად აფიქსირებს. შემდეგ მას უბრუნდება და მთლიანად, ნაწილობრივ, თუ ტრანსფორმირებულად სახით იყენებს. ამიტომაც გვხვდება მისი უბის წიგნაკეში ესოდენ მრავლად სხვადასხვა ჩანაწერი, რომელთაგან ზოგიერთი ეტიუდის სახესაც კი ატარებს. მაგალითად:

*„სვედით, სიჩუმით გარინდებული
ოხრავდა მაშინ შუალამის ბინდი,
როცა იდუმალ ფიქრით ვხნებული,
პირქვე დავეშხვე და ავეჭვითინდი“.*

ეს ბოლო ტაქვი თავს იხენს გალაკტიონის სხვა ლექსში. ამ პერიოდში ძლიერ შეღავნდება სატირული პოეზიისაკენ ლტოლვა. გალაკტიონი წერს პატარა ფელეტონებს ლექსად, მაგალითად, „აღდგომა დღეს“. მასში გამოყვანილია ეროვნული კლასიკური მწერლობის ტიპები – ლუარსაბი და დარეჯანი. ამით პოეტი პირდაპირ ეხმიანება ი. ჭავჭავაძეს და მაინც: აქ რამდენადმე განსხვავებულად არის დაყენებული საკითხი. გალაკტიონის ლუარსაბი და დარეჯანიც ჭამა-სმით არიან გატაცებულნი, მაგრამ დრო შეიცვალა და აღდგომა დღეს მათ მხოლოდ ღობიო აქვთ. ლუარსაბი მაინც არ იტყბს იხტიბარს.

*„მთელს დუნიაში
ვერავინა მსჯობს.
აკვივდო ბედმა,
ვითომდა რაო...
ჯერ ერთი... ჩექმა
დავავირაო!“*

იგრძნობა ხედვის ის თავისებურება, რაც გალაკტიონმა შემდეგ უფრო სრულად და დახვეწილად გამოამჟღავნა: – ქართული კლასიკური ლიტერატურის პერსონაჟთა სხვა ვითარებაში მოქცევით არა იმდენად მათი კომიკური ბუნების ხაზგასმა, რამდენადაც ახალი ეპოქის დახასიათება.

გავიხსენოთ თუნდაც ნაწევრტი ლექსიდან „ამისთვის იბრძვის ჩვენი ეპოქა“.

*„მატარებელი მოიჭრა თუჯის,
ბოლს ღენაქებად ჯავებზე სტოვეს,
იქ, სადაც მთები ეპყრა ელგუჯას,
სად ველარ ნახავ იშავ ფანტომებს...
ახალთახალ ვზად დაიწყებს ერთობას“*



ავტომობილი ელვათა მყენი;
 ხად მორბელაძეს, „რაინდს“ სოლომანს,
 ერთხელ ბელტებში წაქცა ცხენი...¹

ათიანი წლების დასაწყისშივე ქმნის გალაკტიონი „მომენტალურ ფოტოგრაფიას“. ეს არის ოთხტაქტიანი შიორები, რომლებშიაც ქუთაისის ნაკლოვანებებია წარმოჩენილი. მაგალითად:

*„ერიდეთ წესიერების
 დამცველის თეატრში, ერიდეთ—
 თვითონ დაარღვევს ყოველ წესს,
 თუ სიტყვას გამოუკიდეთ...“*

სატირულ-იუმორისტული კუმულტებიდან ყურადღებას იპყრობს შემდეგი:

*„ერიდეთ თვითონ გალაშკას.
 როცა მოვრალია — მაშინ ის
 განუსაზღვრელი მონაა,
 მონაა წითელი ღვინის“.*

ეს ნაწარმოებები ხელმოწერილია ფსევდონიმით „გალაშკა“. გალაკტიონი საგულდაგულოდ ეცნობა საქართველოს ისტორიასაც. აკონსპექტებს წაკითხულ წიგნებს და გამოაქოფს მისთვის განსაკუთრებით მნიშვნელოვან მომენტებს. ყურადღებას ამახვილებს გმირულ ეპიზოდებზე. ამგვარი აქცენტირება იმითაც არის მოტივირებული, რომ პოეტი ქართველი ხალხის ისტორიას ბრძოლის ისტორიად თვლის. ერის შინაგანი სიძლიერე და ხასიათი უმეტესად სწორედ ალტერნატიურ სიტუაციებში ვლინდება.

საგულისხმოა, რომ ამ პერიოდში გალაკტიონი ძლიერ ინტერესდება მართლწერა-სტილისტიკის საკითხებით, ცდილობს მრავალმხრივ ჩასწვდეს მშობლიური ენის სიღრმე-სიმშვენიერეს, დაიცვას მისი სიწმინდე. ეს გარემოება თავს იჩენს წაკითხულისადმი მიდგომაშიც. პოეტი ასწორებს კოლეგათა შეცდომებს, გეთაყვა ხობს გამართულ ვარიანტებს. ხსენებული პროცესი ადრევე იწყება და არახდროს შეწყვეტილა, რაც სრულიად ბუნებრივია. ამჯერად მხოლოდ იმის აქცენტირება გვსურს, რომ სიჭაბუკის ეამს კრიტიკული აღლო ფრიად გამაფრებული პქონდა. ჯერ კიდევ 1908 წელს გალაკტიონს საგულდაგულოდ წაუკითხავს აღმანახი „მოწაფე“ და ტექსტი აუჭრელვებია. მაგალითად, „ამიერიდან მე ვიწყებ თქვენთან ტკილ საუბარს, რომელიც ეს იქნება თქვენთან ჩემი პირველი ნაბიჯი“.

¹ გ. ტაბიძე, თხზ., ტ. III, გვ. 170.

„ღიახ, მე თქვენს წინაშე უბრალო ბიუსტი ვარ, გააკვებულო
ვსდგეკვარ და მეფიქრება“...

„სულით იყენენ დაჯღენთიღინი“.

ხაზგასმები გალაკტიონისაა. პოეტის უკმაყოფილება
საფუძვლიანია. ახლა ენახოთ, რა შესწორებები შეაქვს
გალაკტიონს „ცხოვრებისა და ხელოვნების“ (1910, №21)
პუბლიკაციებში. დაბეჭდილი იყო „ქართულ ენისა“. გალაკტიონს
გაუმართავს — „ქართული ენისა“. ა, შანშიაშვილის ლექსს
სათაურად ქჷონდა „მე როსდა მნახამ“ გალაკტიონი მართებულ
ფორმას გვთავაზობს „მნახავ“.

ამგვარად, მუშაობისას გრამატიკოსი სრულიადაც არ
უპირისპირდებოდა მგოსანს. არცთუ იშვიათად წაკითხული
პოეტურ აფეთქებას იწვევს. მაგალითად, „ცხოვრება და
ხელოვნების“ გაცნობას თხზვის სურვილი დაუბადნია და
ჟურნალის გარეკანზე ჩნდება სტრიქონები:

„მტანჯაღდა სვედა

დამწვეელ-მდაგველი...

ნადვეელი მღვედა,

მწარე ნადვეელი...“ და ა. შ.

მეორე მაგალითი: „განთიადში“ დაბეჭდილ დ. თურდოსპირელის
„კიკნა პოემებში“ გვხვდება ასეთი გამოთქმა: „ზღაპრულს
ფერიებს ემსგავსებიან“. გალაკტიონს ხაზი გაუვლია სიტყვა
„ფერიების“ ქვეშ და გვერდით მიუწერია:

„ტყის ფერიები

ცისფერ იებით“.

იბადება რითმა.

გალაკტიონი ხარბად ეწაფება რუსულ პოეზიას. კითხულობს
ჩაღრმავებით, რაც გულისხმობს ლექსის შინაარსისა და ავტორის
განწყობილების სწორად გააზრებას, ამასთანავე პოეტური
ტექნიკის შესწავლას, ნაწარმოების შინაგანი სტრუქტურის
საიდუმლოების წვდომას. იგი ყველაზე საინტერესო დეტალსა
და შტრიხს სპეციალურად გამოყოფს.

მაგალითად, გალაკტიონს გადაუკითხავს კ. ლდოვის
ლექსების ციკლი „ყვავილთა ენა“, რომელიც დაბეჭდილი იყო
ჟურნალში „ლიტერატურნოე პრილოჟენიე „ნივი“. გალაკტიონის
ჟურნალდება მიუპყვრია ლექსს „ყავანოს“. პოეტს ხაზი გაუსვამს
შემდეგი სიტყვებისათვის.

„Над стязим садом полдень стязий,

Как будто тля на костре,

Расправил турпур свой блестящий

В своем блестящем янтаре“



აქ სიტყვათა გამეორება ტავტოლოგიად როდი აღიქმება. ეს ხერხია, რომელსაც ავტორი საგანგებოდ მიმართავს ჩანაწერში მკაფიოდ გამოხატვისა და მხატვრული ეფექტის მისაღწევად. ჩანაწერში ამიტომაც დაინტერესებულია გალაკტიონი ხსენებული ლექსით. ვინ იცის, როგორი დასკვნა გააკეთა ახალგაზრდა პოეტმა და როგორი ტრანსფორმაციით გამოიყენა იგი. უოველ შემთხვევაში, ამ ხერხს იგი საგულისხმოდ თვლის.

ხსენებულ ლექსში გალაკტიონს მოსწონებია ბოლო ორი სტრიქონიც:

*„В нем страстный хмель кипит и пышит,
К восторгам жизни он зовет
Но только сон его услышит
И только смерть его поймет“*

სხვა ლექსში კიდევ გახზავს: „Дышу я вечною мечтою в моем венке“.

ამ ჩანაწერებსა და აღნიშვნებზე დაყრდნობით შეგვიძლია დავასკვნათ, რომ გალაკტიონი დიდ ყურადღებას აქცევს ტროპს. ეძებს საგანგებო მხატვრულ გამოთქმებს, აფორისტულ და მეტაფორულ სტრიქონებს. მან კარგად იცის, რომ ემოციის შთამბეჭდაობას ჩანაწერის გამოხატვის ოპტიმალური ფორმა განსაზღვრავს, შთაქარი სათქმელი მაინც წინ არის. როგორია ამ პერიოდის შემოქმედება?

1911-1912 წლებში შეთხზულ ლექსთა თვალსაჩინო ნაწილი ქართული კლასიკური ლიტერატურის ძირითად ხაზს მიყვება. იგივე პრობლემატიკა, ნაცნობი განწყობილება და ა. შ. თუმცა სამართლიანობა მოითხოვს ისიც ითქვას, რომ გალაკტიონის ხელწერა და თავისთავადობა ამ შემთხვევაშიც შედგენილია. გავიხსენოთ თუნდაც „დარიალისა ვიწრო კლდეებში“. ზოგიერთ ლექსში გვხვდება ნ. ბარათაშვილის, ი. ჭავჭავაძის, ა. წერეთლის ნოტები და ფრაზები. კლასიკის ზეწოლა დიდია. ჩვენი აზრით, „მონაზვნის სიზმარი“ ი. ჭავჭავაძის „განდღობის“ გავლენით არის დაწერილი. ასეთი პარალელი სხვაც შეიძლება დაიძებნოს. კერძო იმას დავივიწყებთ, რომ გალაკტიონი ვერდნობა XIX საუკუნის ქართულ პოეზიაში გაბატონებულ რითმულ სისტემას. ხშირია ამდგვარი შეწყვილება: „სრულის-გულის-სიყვარულის“, „წყდება-სწვდება“... „გზის-ქვეყნის“ და ა. შ. მაგრამ ფორმალისტურ ჩხრეკას თუ გავყვებით, თვალსა და ხელს შუა გავვიჭრება არსებითი, რითაც ესოდენ გამორჩეულია გალაკტიონის შემოქმედება. ეს არის ახალი საუკუნის მთრთოლვარედ შემცნობი პიროვნების

სული, სული კაცისა, რომელსაც დიდი სატკივარი აქვს და
სათქმელსაც ორიგინალურ ფორმას უძებნის.

1912 წელს გალაკტიონი ი. გრიშაშვილს სწერდა: „იცოცხლე,
საყვარელო სოხო, ამ ბოლო დროს რაღაც უჩინარო სენი
მეპარება. საშინელი სენი მარტოობისა, ესეც ხომ თავისებური
აუადამყოფობაა! და, ვით სიკვდილით დასასჯელი სახრჩობელდას
წინ, თვალთ ვეძებ მონათესავე სულს, საშინელუბაა!

აშკარად ვგრძნობ ჩემი სულის ობლობას, ჩემს უთვისტომობას,
ჩემს მარტოობას...

მე დღეს შესაძლებელია ორასი ადამიანი ვნახო და
დაველაპარაკო, შეიძლება გული გადაუხსნა კიდევ წუთის
გაველენის ქვეშ... და მაინც მარტო ვარ.

ამიხსენი, მეგობარო, ეს მდგომარეობა!

ოჰ, ჩემი მოხეტიალე სული სიყვარულს თუ წააწყდება სადმე,
თორემ ერთ დადინჯებულ ფიქრ-სიყვარულს ვერ შექქნის...
მაინც მე ვერაფერი გამიგია ამ ჩემთვის უცნობი გრძნობის.

ჩემი სიყვარული შორეულის ტრფიალი არ არის და ვერც
ახლოს სწევდება მას.

და მგონია, არც კი მიყვარს ვინმე—

მარტო ვარ, მარტო...

რა გაეწყობა.

მარტო ვარ... მარტო¹.

ეს არ არის მემატრიანესათვის საგანგებოდ დაწერილი
სტრიქონები. (ასეთებიც გვხვდება მგონის არქივში). გალაკტიონი
არ ყველყველობს. იგი ჭეშმარიტად იტანჯება.

ვერ უპოვნია თვისტომი და თანაგმგრძნობი.

ვერ უპოვნია კეთილი იმედის კონცხი.

სული უძირო და უნაპიროა.

შხამიანი ყვავილი სწრაფად იზრდება.

„ხლეაზე ესცურავ— განსვენება

მელირსება? როდის, როდის?

ტაღდას სძინავს! ტაღდა შფოთავს,

ტაღდა მიდის, ტაღდა მოდის,

ცის წიაღის მწველი ვნება

არ მასვენებს, გულს მიკოდავს.

ტაღდა მოდის, ტაღდა შფოთავს...

კანდელი სხივს არ მომაწედის...

თუ მომაწედის როდის, როდის?

¹ გ. ტაბიძე, თხზ., ტ. XII, გვ. 540-541.

ტაღლას სძინავს, ტაღლა შფოთავს,
 ტაღლა მიდის, ტაღლა მოდის...
 მე წყველიადი სხივს არ მომფენს,
 მხოლოდ მწარედ გულს მიკოდავს.
 ტაღლა მოდის... ტაღლა შფოთავს.
 სიყვარული არ განხდება?
 თუ განხდება, როდის, როდის?
 ტაღლას სძინავს, ტაღლა შფოთავს,
 ტაღლა მიდის, ტაღლა მოდის.
 ტუჩს ტუჩი არ დაადნება
 და ნაზ სისხლით გულს არ მორთავს?
 ტაღლა მიდის, ტაღლა შფოთავს.
 ვიღუპები ობლად ზღვაზე...
 როდის მნახავ, როდის, როდის?
 ტაღლას სძინავს, ტაღლა შფოთავს,
 ტაღლა მიდის, ტაღლა მოდის.
 უკვდავება ყორნის ხმაზე
 სიკვდილს უკლის, მკლავს, ვერ მომკლავს...
 ტაღლა მიდის, ტაღლა შფოთავს.
 შორით მოსწანს მთის გრეხილი-
 ღურჯი და შორს უფრო მწვანე...
 იქ ოცნებაც ვერ მისწვდება,
 არ გაუშვებს ოკვანე
 და მეც აქ ფრთა მოტეხილი
 ვიღუპები... გულს ზღვა კოდავს,
 ტაღლა მიდის, ტაღლა შფოთავს”.

„ზღვაზე“ 1911 წლის 27 აგვისტოს არის დაწერილი და საუკეთესოდ გამოხატავს მგონის განწყობას. იგი საგულისხმოა როგორც პოეტური გააზრებით, ასევე მხატვრული ოსტატობითაც და ვინც გალაკტიონის შემოქმედების სიმბოლისტური ნაკადის შესწავლით დაინტერესდება, მას გვერდს ვერ აუვლის. რა იწვევს სულთ ობლობას, უკიდუგანო სევდას და წუხილს? პასუხი ერთნიშნა როდია.

ლექსში „მუხიკა“ გალაკტიონი პირდაპირ ასახელებს კავშირს მიზეზებს:

„სიყვარულს ვეძებ, ტრფობა მწყურია,
 მეგობარს ველი, ის კი არხად სწანს,
 მაშ, რა გააღხობს ჩემს მწუხარებას,
 რა გაანდლებს ჩემს ღრმა კავშანს?“

¹ გ. ტაბიძე, თხზ., ტ. I, გვ. III.

ეს მაინც ყოფითი მხარეა.

ლევკუნდაში „მონასტერი“ მეტი განზოგადება იგრძნობა, მაგრამ მსოფლგაგება იგივე რჩება. გალაკტიონი არა კონკრეტული პიროვნებების, არამედ, საერთოდ, ადამიანთა გაუტანლობის გამო მოსთქვამს.

სულ სხვა რამ შეინიშნება „შავ ყორანში“. მოდით, ამ ლექსის ტრადიციულ განხილვას გვერდი აუვართო და ბოლო სტროფზე შევეჩერდეთ.

ხომ არ იგრძნობა მასში დროისა და სივრცის გადაულახველობიდან მომდინარე წუხილი?! შეიძლება სხვათა მახვილმა თვალმა უკეთ დაღანდოს ეს.

სულით ობლობა ისეთი სენია, რომლის დაძლევა მხოლოდ მავანთა და მავანთა ხელგაწვდომით არ ხერხდება. აუცილებელია საკუთარ თავზე ამადლება.

ექნება კი გალაკტიონს ამის ძალა?

სულით ობლობა თუ მხოლოდ კონკრეტული სოციალურ-პოლიტიკური და ეროვნული მიზეზებით არის შეპირობებული (ზოგთან სწორედ ასეა), მაშინ მისგან განკურნების საშუალებათა მოძიება ძნელი არ არის. მაგრამ რა ვუყოთ ისეთ პიროვნებას, რომლის კავშანს უფრო გლობალური და უნივერსალური საფუძველი აქვს.

გალაკტიონის თვალწინ სამმა რევოლუციამ გადიგრიალა. ბევრი რამ შეიცვალა საზოგადოებრივ ყოფასა და შეშეცნებაში. ის კი სამარის კარამდე მაინც გამოუსწორებელი მყოცნებე და სულით ობოლი დარჩა.

განა ეს შემთხვევითია?!

გალაკტიონი იმიტომაც არის გენიოსი, რომ არა ერთი თაობისა თუ კლასის, არამედ მთელი კაცობრიობის სატიკვარს გაუსწორა თვალი და მსოფლიო საფიქრალზე ჩაფიქრდა.

1911-1912 წლების ლექსებში სვედის ორივე მიზეზი ჩანს. მაგრამ ჩვენ მაინც მხორეზე ვამახვილებთ ყურადღებას, რადგან უპირატესად სწორედ ის აცნობიერებს გენიოსის პირველ ნაბიჯებს. ამ თვალსაზრისით ფრიად მეტყველად გვეჩვენება „ვეითელი ფოთოლი“ და „სარკმელთან“.

„შემოდგომისა ველურ პანგში

ტკნება ფოთოლი;

ყმაწვილი გულიც უნუგეშო

ფიქრებით დნება,

მაგრამ სხვა ფოთოლს აამწვანებს

კელაე ვაზაფხული -
და სიყმაწვილე კი არასდროს
არ დაბრუნდება!¹

ახლა მეორე ლექსს ჩაეხედოთ:

„გაღიფრენს თვალწინ ძველი ოცნება,
შეიკუმშება მღვლეარე გული,
რომ არასდროს არ განმეორდება
დრო ბედნიური, დრო დაკარგული“².

ეს უკვე ახალი მოტივია, ხმა; ვნებიანი დაფიქრება არა კონკრეტულ ყოფით მოვლენებზე, არამედ სამყაროს კანონზომიერებაზე და, რაც მთავარია, მისი მიღება-არმიღების დილემაზე.

როგორადაც განწირული და ხასოწარკვეთილი არ უნდა იყოს

კაცი, იგი მაინც ვერ თმობს იმედს. ეს ბუნებრივი თვისება მოეხიაშიც იჩენს თავს.

ბოლოს და ბოლოს, ხად არის გზა ხსნისა, ვის მიემართოთ, რა მოვიმოქმედოთ? განა ყველაფერი წარმატებელია? განა ყოველგვარი გაბრძოლება უაზრობაა?

ლექსენდაში „მუუდაბნოე“ განდევილი ასე მიმართავს განწირულ მგზავრს: დაიმახსოვრე, ადამიანი დასაბამიდანვე მგზავრი იყო და მგზავრად დარჩება.

„მაგრამ გახსოვდეს, ბედნიერებით
გული წმინდა სჭერვებს ცახა და ქვესენელს.
სენაკი მოცემს ტკბილ ნეტარ-წამებს...“


ჩანს, გალაკტიონი ერთხანს იმის გარკვევასაც ცდილობდა – რეალობიდან გაქცევა და მონასტერისათვის თავის შეფარება ხომ არ არის ხსნის გზა?

ეს აზრები და განწყობილება უფრო მძლავრად და ემოციურად მაინც „ამღვტის ქნარში“ გამჟღავნდა.

„ამაოა მოლად ცხოვრება, დრტვივის წუთისოფელია,
წადი... წადი მონასტერში, მონასტერში, ოფელია!
ტკბილი ნანა სულს უთხარი, უბედობა ხატს აჩვენე,
დამაშურალი სული, გული მონასტერში მოახვეწე!
მაშ, შორს მტვერი, შორს, შორს მიწა! – ის ცის უარყოფელია...“

¹ გ. ტაბიძე, თხზ., ტ. I, გვ. 131.

² იქვე, გვ. 134.



წადი... წადი მონასტერში! მონასტერში ოფელთა!¹

მგოსნის აზრით, ადამიანთა შესაძლებლობა თუ ამოიწურა, მაშინ ერთადერთი ხსნა ღმერთის გამოცხადებაა:

„ყომრად ნისღში გახვეული
დედამიწა ცისკარს ულის
კავკასიის კლდეზე ნთებულს
ცა უღიმის ფრთა-გრძნეული.
დედამიწა ღმერთს დაეძებს...
ის ვერც სისხლში გამონახა,
ვერც ტრფობაში ვერ იპოვა
და ფიქრების შავი გროვა
დაწოლია და აკუნესებს.
მომაკედავის სვედიან ხმებს
დედამიწა გულზე იკრავს...
გულზე იკრავს ცრემლთა ნაკადს
და შესცქერის ცისა ლაჭვარდს
რადგან იგი ღმერთს დაეძებს“.

პოეტი ბევრს ფიქრობს ღმერთზე და სულის უკვდავებაზე. რეალობიდან გაქცევა სრულიადაც არ გულისხმობს მთლიან, სრულ გაქრობას. გალაკტიონი ვერ ურიგდება ყოველმხრივ სიკვდილს. იგი მიისწრაფვის იმქვეყნიური არსებობისა და უკვდავესიაკენ. ეს შეინიშნება ლექსში „საფლავთან“.

„ბაღის ბილილავ და ცვარო, აღქაფებულო ტბის ზეირთო,
გთხოვ, გკვედრები შიტვირთო, შუების ცა გადამაფარო.
მომბეზრდა მთელი სამყარო, მსურს შორს, შორს
გავიჯირითო,
იდუმალებას შევერთო, ვნების ცრემლები დავევარო...
რიჟრაჟის სხივო, მზის სიმო, გამოკვეთილო ნიავო,
შენცა გთხოვ მილოლიაეო, დამადნო, ამაციმციმო...
ნიაეო, ჩემო ნიაეო!
საფლავო სიყვარულისა, რად სდგეხარ განმარტოებით?
ბზის გადახლართულ რტოებით მოვრთე სიცოცხლე
სულისა,
ყვავილი გაზაფხულისა, ზედ დამკანარიყო დროებით
ჯამთ ბრუნვის ამოუებით, მსხვერპლი დროთ ეტლის სულისა.
ნამცკრევი ცისა უამბობს, ჩემს გულის ხატრფოს იმაზე,
თუ გაზაფხულის წვიმაზე, რაზე ოცნებობს, ან რას გრძობს.

¹ გ. ტაბიძე, თხზ., ტ. I, გვ. 122.

რომ მალე სულს სულ დაადნობს მისი დამტკნარო სინაზე /
დამადნობს, სრულად დამადნობს..."

ამავე პერიოდში იწერება „შემოდგომის დღე“, „მგზავლები“
„იბობოქრე“ და სხვ.

ათიანი წლების დასაწყისი მნიშვნელოვანია იმიტაც, რომ
გალაკტიონმა მოუხშირა ღექსების რუსულად წერას. პირველი
ასეთი ნაწარმოები 1908 წლის 21 ივნისით თარიღდება. მაგრამ ეს
მანც გაეღვება იყო. 1911-1912 წლებში კი ამ მხრივ ინტენსიური
საქმიანობა შეინიშნება. სწორედ ხსენებულ პერიოდში დაიწერა:
„შტოთა ცრემლები“, „მეგობარ ახოსპირელს“, „ბუნება“, „რომანსი“,
„უთხარით მას“ და სხვ. ისინი, როგორც იტყვიან, ერთი ამოსუნთქვით
არის შეთხზული. არ ჩანს ტექსტზე ხანგრძლივი მუშაობის კვალი.
საილუსტრაციოდ მოვიტანთ ერთს:

*„Скажите ей – мои страдания
Во мне живут, живут как жили
В угрюмой дерзости изгнания
Они во мне скорь зародили...“*

ეს არ არის დიდი გალაკტიონი. მოუხედავად ამისა, მსგავსი
ნაწარმოებები მანც საყურადღებოა როგორც პოეტური განწყობ-
ბილებების რელიეფური გამოხატველი. საქმე ისაა, რომ ამ გზით
გალაკტიონი უფრო ღრმად შედის რუსული პოეტური კულტურის
სიღრმეში, უკეთ აცნობიერებს რუსული

სიტყვის მაგიურ ძალას და უაღვილდება გრძნობათა და იდეათა
გამოხატვის ნაირგვარი გზის მოძებნა. ღექსების რუსულად წერა
ქართული შედეგების თხზვის ერთგვარი მოსამზადებელი საფეხური
და წინაპირობაა.

გალაკტიონს თავისებური ხილვა და სუნთქვა მოაქვს. მისი
ლირიკული გმირი გამორჩეულია – ტანჯული, მაგრამ პასიური, რაც
განსაზღვრავს კიდევ ღექსთა ჯერადობას. გალაკტიონი ემოციურ
ასოციაციებსაც მიმართავს. ხშირ შემთხვევაში სტროფთა წყობას არა
ამბის შინაარსობრივი თანმიმდევრობა აპირობებს, არამედ თავისუფალი
ასოციაციები.

ამრთვად, გალაკტიონი სისხლსავე ცხოვრებით ცხოვრობს. ბევრს
კითხულობს, მოგზაურის კვერთხიც უპყრია ხელთ; განსხვავებულ
ტიპებსა და მოვლენებს აკვირდება. ზოგჯერ მთელი დღით ოთახში
ნაკეტილი უფრო მეტს პოულობს და აცნობიერებს, ვიდრე, მავანი
თავგამოდებული ტურისტია.

...და საბოლოოდ ყველაფერი, ასე თუ ისე, პოეზიას უკავშირდება.

უკვლა მდინარე ზღვისკენ მიედინება.

„როგორც მრავალი ვარდების მფენი,
მას ხელი მჭონდა უხვად ციური,
მასში მრავალი იყო შოპენი
და პავანინი ფანტასტიური“.



ტყეში სხვებს
წყაობენ



ბევრმხარ სარს ვიდობი, მწერს
საფრთხე მყავს

გონივრად
ხედავს
საქმის

ესენი ყველა, ხეში სარს

ესენი ყველა

მეტი ვიქნები, მწერს
საფრთხე, ყველა

ესენი ყველა მწერს
ესენი ყველა მწერს

„ვეწუხვარ... ვეძახი სიცოცხლის მიმანს“

„საით მივეყვარ ჩემს მოწყვნილ გზას, სად ვპოვებ შევებას მიუსაფარი? რას მომცემს ისეთს ჩემი სამშობლო, და ან რას მისცემს მას ჩემი ქნარი?“

გალაკტიონი

1913 წელი ცუდად როდი დაიწყო, ისეთი პოპულარული გაზეთი, როგორიც „თემია“, საახალწლო ნომერში ბეჭდავს გალაკტიონის ლექსს. რამდენიმე დღეს შემდეგ ჟურნალ „განათლების“ რედაქტორი ატყობინებს: შენმა „მესაფლავემ“ ყველა მოგვხიბლა და პირველსავე ნომერში ვაქვეყნებთო.

ახალგაზრდა პოეტი ფრთაშესხმულია. მეტი გატაცებით ეკიდება საქმეს. ინტერესების სფერო ფართოა. ყველაფერს უკვირდება და მძაფრად განიცდის. 13 მარტს ლენინუმელებს რიონზე დაცურებული ტივი დაეშალათ და ერთი მეტივე დაიხრჩო. მთელი ქალაქი ამაზე ლაპარაკობს. გალაკტიონიც შეშფოთებულია. თუმცა ეს სიტყვები ზუსტად ვერ გამოხატავს მის რეაქციას. იგი უფრო შორს მიდის. ფაქტის მიღმა სოციალურ უბედურებას ჰკრეტს. ფანტაზიით დაღუპულის ოჯახის გლოვის სურათებს აცოცხლებს და ეგზალტირებულია.

მოვლენებისადმი ამგვარი მიდგომა ნიშანდობლივია

გალაკტიონისათვის, მეორე მხრივ, არ კარგავს იუმორის გრძნობას. როცა გაზეთში ამოიკითხა, სანიტარმა ჩაჩანიძემ რესტორსნის მფლობელ ჯაფარიძეს ჭურჭლის უსუფთაობის გამო აქტი შეუდგინაოთავე ვერ შეიკავე და გულიანად ახარხარდა. რედაქციის თანამშრომლები გაოცებული შესცქეროდნენ. გალაკტიონს კი ამ დროს თვალწინ ედგა გრძელუღვაშა ჯაფარიძე, რომელიც იქედნურად აქნევდა თავს და გონებაში ამბობდა – წერეთ და იკითხეთ, ბიძიო, მაინც ვერაფერს დამაკლებთო.

გალაკტიონს მოვლენათა კლასიფიკაციის თავისებური კრიტერიუმი ჰქონდა. ფაქტებს უმეტესად ზნეობრივი პრინციპიდან გამომდინარე აჯგუფებდა. მისთვის უცხო არ ყოფილა აღამიანური სისუსტენი, მაგრამ ისიც კარგად იცოდა, რომ საკუთარი სისუსტე სხვათა ტანჯვის მიზეზი არ უნდა გამხდარიყო.

პატარა და უბოროტო შეცდომა ხალსა ჰგავს, რომელიც აღამაზებს პირმშენიერ მანდილოხანს, დიდი შეცდომა კი –

კუხს, რომელიც ამახინჯებს.

გალაკტიონი სულიერი სიწმინდის მქადაგებელი იყო ამიტომაც შესძრა შუბლაძის მონათხრობმა.

— მგონი მეორედ მოსვლის ეამი დგება, ემაწვილო, — მღვდელი, — ორპირის ქუნაზე, ჩემი სამრევლო სკოლის გვერდით საროსკიპოს გახსნას აპირებენ. მე პროტესტი განვაცხადე და აი, მთელი კვირაა მუქარის წერილებს ვიდებ.

გალაკტიონი რედაქციებს ესტუმრა: ამ უხამსობას რისხვით გამოვეხმაუროთო. მას არ შეეძლო გულგრილი დარჩენილიყო, როცა საქმე ახალგაზრდობის და, საერთოდ, საზოგადოების ზნეობას ეხებოდა.

ქუთაისი გარკვეულად ცდილობდა პარიზისთვის მიეზადა. ნაშუადღევს ახალგაზრდა მწერლები, არტისტები, მხატვრები, მუსიკოსები თეატრთან ან კაფეში იკრიბებოდნენ. განსასჯელ-სასაუბრო ბუერი ქჭონდათ, საოცნებო კიდვე უფრო მეტი და ხმაურობდა რიონისპირა „როტონდა“.

გალაკტიონი არცთუ ხშირი სტუმარი იყო ხალხმრავალი შეკრებებისა. მას განმარტოება, ბოკემურად განწყობილ ერთ-ორ კაცთან ყოფნა ერჩივნა.

ამ პერიოდში ძლიერ აქტიურობს პაოლო იაშვილი და ქუთაისის ცხოვრებაში თავისებური რიტმიც შემოაქვს. იგი ცნობს გალაკტიონის დიდ ნიჭს და უახლოვდება კიდევ მარტოსულ პოეტს.

ერთხელ გალაკტიონმა გაიხსენა, თუ როგორ „გადაურივნენ ბახუსის ალებს“. პაოლომ მდიდარი ვაჭრის სასახლის სადარბაზოში მოინდომა ღამის გათევა. გამთენიისას პორტალზე აძვრა და უზარმაზარ ქანდაკებას ქაშრებისაგან შეკრული თოკი მოსდო, ჩამოგდება დაუპირა.

მაგრამ ეს ყოფითი დეტალია. მთავარი სულ სხვაა. პაოლომ გადაწყვიტა ორიგინალური ჟურნალი დაეარსებინა და შექმლო კიდევც. ეს იყო „ოქროს ვერძი“. მართალია, ამ ყოველკვირული გამოცემის ოფიციალურ რედაქტორ-გამომცემლად ბ. ჯაიანი იხსენიება, მაგრამ ფაქტიური ხელმძღვანელი პ. იაშვილი გახლდათ. მან 1913 წლის მარტში გამოაქვეყნა „წერილი რედაქციის მიმართ“.

„ამ მოკლე ხანში ვაპირებთ ჟურნალის გამოცემას. რადგან ყველა სასურველ თანამშრომლებისათვის ძნელია სიტყვით ან წერილობით ახსნა ჩვენი მიზნისა, ვთხოვ პატივცემულ „თემის“ რედაქციას ადგილი დაუთმოს ამ წერილს.“

ჟურნალი ემსახურება ჩვენს ლიტერატურას, კრიტიკას და სხვა წმინდა ხელოვნების დარგებს, განურჩევლად მათი პოლიტიკური

მიმართულებისა¹.

პ. იაშვილი მხარდაჭერას სთხოვს ვაჟა-ფშაველას, კრტა აბაშიძეს, გრიგოლ რობაქიძეს, ი. ველოშვილს, ია. ველოშვილს, ვალერიან გუნიას, შალვა დადიანს, კორე მაყაშვილს და სხვებს დასახელებულია გალაკტიონ და ტიციან ტაბიძეებიც.

ვიდრე ამ მიმართვას გამოაქვეყნებდა, მანამდე პოლომ დაწერილებით გააცნო გალაკტიონს ჟურნალის მიზანი. „ოქროს ვერძის“ თავისებურება ის იქნება, რომ მასში თავისუფალი შემოქმედება იმპლაურებს და ხელოვნების პირველადობა წარმონდებო. გალაკტიონი დააინტერესა ახალგაზრდა რედაქტორის ჩანაფიქრმა და დახმარებაც აღუთქვა. მართლაც, პირველ ნომერში გამოაქვეყნდა მისი „ქალი და ხელოვნება“, ხოლო მეორე ნომერში – „მე და დამე“.

„ოქროს ვერძი“ მიჩნეულია ცისფერყანწველთა გამოცემების წინამორბედად.

გალაკტიონი არ აკლდებოდა ლიტერატურულ საღამოებს, ხშირი სტუმარი იყო თეატრისა, გულმოდგინედ ათვალიერებდა გამოფენებს...

იმხანად ვველაზე დიდი შთაბეჭდილება მაინც თეოდორ სოლოგუბის ლექციამ მოახდინა. 7 აპრილს საზოგადოება სულგანაბული უსმენდა სახელგანთქმულ პოეტს, რომელიც ახალი დროის ხელოვნებას ახასიათებდა. საუბრობდა მონოტონურად, მაგრამ ძალზე გაბედულად და ორიგინალურად. იგი ამტკიცებდა, რომ ხელოვნება ცხოვრებაზე მაღლა დგას. პირველი კი არ ბაძავს მეორეს, არამედ პიკურს.

გალაკტიონისათვის აშკარა გახდა, რომ ლექტორი ოსკარ უაილდის თეორიას ავითარებდა. სოლოგუბმა ჭკეშმარიტ ხელოვნებად სიმბოლისტური ხელოვნება მიიჩნია. იგი უქმნის მხატვარს თვითგამორკვევის უდიდეს შესაძლებლობასო.

გალაკტიონი სერიოზულად ჩააფიქრა სიკვდილის პრობლემაზე მსჯელობამ. ლექტორის აზრით, სიკვდილს ძალუძს ხიდი გასდოს არსებულსა და საოცნებოს შორის. იგი გვაახლოებს მშვენიერებასთან, ოცნებასთან. ამიტომაც არ უნდა გვეშინოდეს სიკვდილის – ამ უდიდესი საიდუმლოებისა.

ახალგაზრდა პოეტი მოხიბლა სოლოგუბის მარჯვედ შერჩეულმა და ტვეადმა პარალელებმა. რეალისტი მწერალი სანხო პანსას მოკავს, სიმბოლისტი კი ღონ კიხოტსო. პირველი ამწევეს მხოლოდ ტლანქ სინამდვილეს, მეორე თვალს არიდებს

¹ გაზ. „თემი“, 1913, №114.

მას. სანწოხთვის დულცინე წითელლოყება, უხეში სოფლელა
დუდაკაცია. დონ კიხოტისთვის კი უმშვენიერესი და უნახესი
ქალბატონი. მან თავისი მდიდარი ფანტაზიით რეალობა
სასურველად აქცია.

ლექციის შემდეგ, „უნიჭიერესი და უბრწყინკალესი“, როგორც
სოლოგუბმა უწოდა, ფუტურისტი იგორ ხევერიანინი გამოვიდა.
მისი დეკლამაცია უფრო სიმღერას წააგავდა, რამაც გააოცა
სახოგადოება.

სოლოგუბს ბევრი მოწინააღმდეგე და კიდევ უფრო მეტი
მომხრე გამოუჩნდა.

კარგად ახსოვს გალაკტიონს. ეს მესამე დღეს მოხდა,
პაოლო იაშვილი სოლოგუბთან შეხვედრის ამბავს უყვებოდა
ახალგაზრდა მწერლებს: - აღტაცებულია საქართველოთი. რაც
მე უნახე, ოცნებას აღემატებაო. ქართველები მეტად ემოციურნი,
მუსიკალურნი და პოეტური ბუნებისა ბრძანდებითო. თქვენ
უთუოდ უნდა დააარსოთ თბილისში ქართული ენის კათედრა. იგი
ხელს შეუწყობს ეროვნული შემოქმედების პოპულარიზაციასო.

პაოლო ოდნავ გაოცებით აგრძელებდა - ჩვენი ანბანის
შესწავლა დაუწყია. თურმე სახელსა და გვარს ქართულად წერს.
გამომშვიდობებისას მითხრა: მე სილამაზის ტრფიალი ვარ.
ყველაზე დიდი სილამაზე კი საქართველოა. იგი ყოველთვის
დარწება ჩემს მეხსიერებაში უტკბილეს ზღაპრადო.

პაოლო დასძენს: - ბედნიერებაა, რომ ასეთი დიდი და
პატიოსანი მწერალი დაგვიმეგობრდა.

გაზეთ „დილის“ თანამშრომელმა იქედნურად ჩაიცინა.
სოლოგუბს არ აქვს უფლება მაღალ მატერიებზე და მორალზე
ილაპარაკოსო.

გაოცდნენ მსმენელები.

- მაინც, რატომ?

- იმიტომ, რომ უწმაწურ ლექსებს წერსო:

„Растегни свои застёжки и завязки развяжи,

Тело, жаждущее бани, нестыдливо обнажи.

Опусти к зорам темным туманный твой взор,

Закраснейся, и засмейся, и ложися на ковер“.

გაცხარდნენ მომავალი ცისფერყანწელები, პოეზიის არაფერი
გაგუგუბაო. გალაკტიონი დუმდა. მან ციტირებულ სტრიქონებში
ძლიერი სახეები და მწერლური სითამამე დაინახა. ხმამაღლა არ
უთქვამს, თავისთვის კი დაასკვნა: ამგვარ ფაქტებზე დაყრდნობით
პოეტის ღვაწლის საბოლოო შეფასება მკრეხელობაა.

სოლოგუბის ლექციას გალაკტიონისათვის მხოლოდ

შემეცნებითი მნიშვნელობა როდი ჰქონდა. დიდ ადამიანებითან
შეხვედრა მისთვის შემოქმედებითი იმპულსების წყარო, ენებათა
გამაფრების საშუალება იყო. სურდა სხვაზე მეტი ჰქონდნოდა,
სხვაზე უკეთესად ეწერა, სხვაზე უფრო პატივცემულად მოეხდინებოდა.
რა ვუწოდოთ ამას? შეეძირი, მეტოქეობა, იქნებ „შური“,
როგორც თავად იტყოდა ხოლმე?

ფაქტი ერთია. ასეთ ვითარებაში მისი გონება კი არ
იბინდებოდა, არამედ ნათლდებოდა, საქმეც უფრო ხელეწიფებოდა.

გამორწეულობის სურვილი მაშინაც ამოძრავებდა, როცა დიდი
სამხატვრო-სალიტერატურო და მუსიკალური საღამოს გამართვა
დააპირა. ცხადია, ძირითადი მიზანი სხვა იყო – საზოგადოების
იდუურ-ესთეტიკური ამაღლება და პირადი მატერიალური
მდგომარეობის გაუმჯობესება.

სსენებული იდეა 31 მარტს დაებადა, როცა ქალაქის თეატრში
ი. გრიშაშვილის თაოსნობით გრანდიოზული საღამო-მეჯლისი
გამართა.

გალაკტიონმა თავისი განზრახვა უწინარესად მხატვარ გ.
მესხს გაანდო და დახმარება სთხოვა. ამ უკანასკნელს უნდა
დაედგა ცოცხალი სურათები „ვეფხისტყაოსნიდან“. მერე
კრიტიკოს ხომლელს ესტუმრა. ისიც შეპირდა, რომ წაიკითხავდა
მოხსენებას – „აკაკი როგორც დიდი ეროვნული მგოსანი“. შემწეობა
აღუთქვეს ცახელმა, დ. მესხმა, ი. ბახტაძემ და სხვებმა,
მომღერალი გ. თუთბერიძე და მეჭიანურე ყარაგაზიანიც
დაითანხმა.

გალაკტიონი კარგად იცნობდა ქუთაისელთა ბუნებას და
დეტალებსაც ითვალისწინებდა. არ დავიწყნია, თუ როგორ
გააცამტვერა ერთმა ადგილობრივმა გაზეთმა ი. გრიშაშვილის
საღამოზე მოხსენებით გამოსული დ. კასრამე; მისი ლექცია
აბღაუბდა იყო. მომხსენებელმა არამც თუ ვერ გაართვა თავი
ისეთ რთულ თემას, როგორიც არის „მშვენიერება ხელოვნებაში“,
არამედ სხვათა წიგნებიდან ამოკრეფილი აზრებიც კი ვერ
გადააბა რიგიანად ერთმანეთსო.

გალაკტიონის საღამო 2 მაისს უნდა გამართულიყო,
ამის შესახებ იუწყებოდნენ „კოლხიდა“ და სხვა გაზეთები.
„თანამედროვე ქვეყანამ“ პირველ გვერდზე სარეკლამო
განცხადებაც კი დაბეჭდა.

ერთი სიტყვით, გალაკტიონს ცდა არ დაუკლია, რომ საღამო
კარგად ჩატარებულიყო.

მოახლოვდა მაისი და გალაკტიონიც ადგილს ვერ პოულობს.
ნერეები დაწყვეტაზე აქვს და მოხდა ის, რასაც ნამდვილად არ
ქლოდა.

„საღამოს საქმე ისევ ჩამიშალეს, — სწერს იგი ძმას, — ამბობ მიზეზები, ვინ იცის, რა არ იყო... როდისმე მოგიყვები ყველაფერს დაწერილებით. ეხლა ცოტათი ვერა ვარ კარგ გუნებაზე, მაგრამ არა უშავს რა...“

მუუბნებიან, „ნუ მოგიწყენია, ჩვენ შეგაწვევით, ცოტა დაგვაცა!“ ვნახოთ! სოფელში ვერ მივდივარ... სხვა თუ არა, დათეშიძის გონორარის იმედი ძალიან მაქვს. საღამო მაქვს სამტრედიისში, საღამო მაქვს ჭიათურაში, ცოტა ხანში ჩემს სასარგებლოდ შინაურულ საღამოს მართავს ერთი კენინა...

მუუბნებიან, „ნუ მოგიწყენია“... მასწავლებლობა კი ამცდა. კითხვა ყოფილიყო ჩემზე და ერთ წერილ ცოლ-შვილით დატვირთულ მასწავლებელზე. ორივეზე ბევრი ილაპარაკეს, ჩემზე განსაკუთრებით, იმას მაინც მისცეს, როგორც ოჯახის პატრონს. მეორე ადგილი ავიჩინე და დღესვე თხოვნას ვაძლევ — საბჭოში¹.

ამ ბარათში ფაქტების მიღმა სხვა რამეც იკითხება. უპირველეს ყოვლისა, ეს არის საკუთარი თავის გამხნელება. პოეტის გვერდით არავინაა, ვინც შეუძახებს, მოუფონებს, ჭმუნვას გაუქარვებს... და ისიც გამოსავლის ძიებაში სასურველს რეალობად წარმოსახავს.

ნუ ჩავთვლით ამას მხოლოდ და მხოლოდ თვალის დახუჭვად სინამდვილის წინაშე. მსგავსი გამონაგონი თუ იმედის ნაპერწკლები სოგჯერ პაერივით სჭირდება კაცს, თორემ შეიძლება მთლიანად დაიმსხვრეს.

წერილში ნახსენები „დათეშიძის გონორარი“ თითქოს რეალური ჩანდა. საქმე ისაა, რომ გალაკტიონი მოლაპარაკებას აწარმოებდა რ. დათეშიძესთან. როგორც ჩანს, ამ უკანასკნელს უთქვამს, წიგნს გამოვიცემო. გალაკტიონიც ებღაუჭება ყასიდად ნათქვამ ფრაზას. სურს სიტყვაზე დაიჭიროს გამომცემელი, უკანდასახევი გზა მოუჭრას. ამიტომაც ბეჭდავს გაზეთში შემდეგ ინფორმაციას: „ბ-ნმა რ. დათეშიძემ უფლება შეიძინა და ამ დღეებში კიდევ შეუდგება პოეტის გ. ტაბიძის ლექსების ცალკე წიგნად გამოცემას. წიგნი ხელმისაწვდომ ფასებში გამოიცემა“².

სინამდვილეში არც გამოცემის უფლებაა შექმნილი და წიგნის ბეჭდვასაც არავინ შესდგომია.

აქაც ჩანს გალაკტიონის თავისებურება: ახალი საქმით ისე სწრაფად და ისე ძლიერად ენთუზოდა, რომ წინა პლანისა და ფონის განსხვავებულობა ეკარგებოდა, რასაც ბუნებრივად მოსდევდა არასასურველი შედეგი.

¹ გ. ტაბიძე, თხზ., ტ. XII, გვ. 493-494.

² გაზ. „დილა“, 1913, №39.

დაკუბრუნდეთ პროკლესადმი (აბესალომისადმი) ჯაგ ზავნილ/ ბარათს. აშკარაა, რომ პოეტი ხარკს უხდის ძმას და დედას. მათი საყვედური რომ აიცდინოს, თავს ჯამაგირიანი ადგილმდებარეობის მასწავლებლობისათვის დაუცხრომელ მაძიებლად წარმოიქმნის სინამდვილეში ასე როდია.

გალაკტიონისათვის მთავარია დამოუკიდებლობა, თავისუფლება. მთელი მისი მცდელობაც აქეთკენ არის მიმართული. იგი ვერ ეგუება არათუ სამსახურებრივ დიქტატს, არამედ ოჯახურ შეზღუდვასაც. შემთხვევითი არ არის, რომ ისე გაატარა ნახევარი საუკუნე, მხოლოდ ორჯერ თუ იჯდა (თანაც მცირე ხნით) „მოხელის“ საეარქელში.

თავისუფლება სულის მოთხოვნაა. იგი შესაძლებლობას იძლეოდა, რომ გალაკტიონი, ჯერ ერთი, მთლიანად ჩანთქმულიყო ლიტერატურულ საქმიანობაში. მეორეც, როგორც მოქალაქე, არ დაზარალებულიყო სამსახურებრივი იერარქიული ურთიერთობით და ამაყად გაეხსოვრებინა თვალი ამა ქვეყნის ძლიერათათვის.

1913 წლის აპრილში თავადაზნაურთა მიერ არჩეულმა კომისიამ ახალგაზრდა მწერლებს ა. აბაშელს, ი. გრიშაშვილს, დ. კასრაძეს, კ. თარიშვილს და პ. ინგოროყვას სამას-სამასი მანეთით გაუმართა ხელი, ხოლო გ. ქიქოძეს – 150 მანეთით.

გალაკტიონი, ერთი მხრივ, კმაყოფილია, რადგან საზოგადოება ყურადღებას იჩენს ლიტერატორებისადმი. მეორე მხრივ, გულდაწყვეტილია, თავად რომ ვერ მოხვდა გამორჩეულთა შორის. საკუთარ თავს პირობას აძლევს – უმოკლეს ხანში მთელ საქართველოს ავალაპარაკებ და ჯილდოსაც დაეიმსახურებო.

1913 წელს გალაკტიონი შეეჯახა „თემის“ რედაქციას. ხაერთოდ, იგი უღრმესი პატივისცემით იყო განმსჭვალული ამ გაზეთისადმი. არქივმა შემოგვინახა თაბახი, რომელზედაც „მომენტალური ფოტოგრაფიებისა“ და ლექსის „იალბუზის მწვერვალიდან“ გვერდით არის ასეთი ჩანაწერი: „გაზეთ „თემის“ ხელმძღვანელს თ-დ. გრიგოლ დიასამიძეს ნიშნად ღრმა პატივისცემისა უგზავნის გ. ტაბიძე“.

ეს უნდა ყოფილიყო წარწერა იმ წიგნზე, რომლის გამოცემაც გალაკტიონს ნაგარაუდვეი პქონდა 1912 წელს.

გასაგებია, თუ როგორი ძნელი და მტკივნეული იქნებოდა დაპირისპირება იმ კაცთან, რომელმაც არაერთი ლექსი დაუბეჭდა ახალგაზრდა მგოსანს, რომლის ხელმძღვანელობითაც ვიურიმ 1912 წელს გალაკტიონს „თემის“ მეორე პრემია მიანიჭა და ა. შ.

საქმე ისაა, რომ ყოველკვირულ ჟურნალში „ჩვენი წყარო“,

რომელიც ბაქოში გამოდიოდა, დაიბეჭდა ფ. მანარაძის წერილები: „მეორე მხარესაც მოუესმინოთ!“ და „უკანასკნელი პასუხი ცილისმწამებლებს“. ავტორი იმეორებდა იმ ამაზრზენ ბრალდებას, რომელიც წამოაყენა ჟურნალმა „მოგზაურმა“¹ 1905 წელს – თითქოს ილია ჭავჭავაძე უსასტიკესი შემამულე იყო, გლეხთა დამრბევი და სისხლისმსმელი. „მოგზაურის“ ყოფილი რედაქტორი პირდაპირ წერდა: „ჩვენ გვაინტერესებდა მხოლოდ მოთხრობილ ამბების სინამდვილე, და როცა ამ უკანასკნელში რედაქცია დარწმუნდა, ვ. ნ-ის წერილის დაბეჭდვაც თავის თავით გადაწყდა“².

შემდეგ: „მოგზაურში“ წამოყენებული ფაქტები დაურღვეველი დარჩნენ: „ნუ-თუ“-მ (ილიას საპასუხო სტატია – ნ. ტ.) ისინი ოდნავაც ვერ შეარყია“³.

და კიდევ ერთი: „სახ. გაზეთი“ შემდეგ გვეკითხება ჩვენ: ნუ-თუ ილია ჭავჭავაძე მხეცი იყო, რომ ის ჩაედინა, რასაც მას „მოგზაურის“ კორესპონდენტი აბრალდებსო? რა თქმა უნდა, ძნელია ამ პირებთან სერიოზული დაპარაკი, რომლებსაც გლეხებსა და მემამულეებს შორის არსებული ურთიერთობა იდეალურათ, მამაშვილურათ აქვთ წარმოდგენილი“⁴.

ესე იგი, ილია მართლაც მტარვალი ყოფილა.

საგულისხმოა, რომ „მოგზაურის“ კორესპონდენტი ვ. ნ.⁴, ვინც ილია სასტიკად შეურაცხყო, 1913 წელს ქუთათურ გაზეთში „თანამედროვე ქვეყანა“ სტამბავს ვრცელ სტატიას, რომელშიც წერს: „მე გადაჭრით ვაღიარებ, რომ „მოგზაურში“ დაბეჭდილი

¹ ჟურნ. „ჩვენი წყარო“, 1913, №5(15), გვ. 8.

² იქვე, №6(16), გვ. 5.

³ ჟურნ. „ჩვენი წყარო“, 1913, №7(17), გვ. 2.

⁴ ამ ინიციალების უკან ვასილ დავითის ძე ნაცვლიშვილი იმალება. საქართველოში საბჭოთა ხელისუფლების დამყარების შემდეგ იგი ერთხანს თურმე ცენტრალურ არქივში მუშაობდა. 1931 წელს არქივის მუშაკთა წმენდა მომხდარა. „ამ წმენდის დროს გამოურკვევიათ, რომ ნაცვლიშვილს ავტორის მოედანზე სამიტიტრო პქონია, ბოქაულ ზუბრიცკისთან ჯამუშად მსახურობდა და დროდადრო სათანადო ცნობებს აწვდიდა. დადგინდა იხიც, რომ ნაცვლიშვილი საერთოდ არასოდეს საგურამოში არ ყოფილა (ა. ბაქრაძე, ილია ჭავჭავაძე, 1984, გვ. 142).

არსებობს მოსაზრება, რომ ვ. ნ.-ს ძალზე უკულტუროს და გაუნათლებელ პიროვნებას, არ შეუძლო დაეწერა ის კორესპონდენციები, რომ მისი სახელი სხვამ გამოიყენა.

კორესპონდენციები უნაკლულთ სრული სიმართლე იყო.¹
„თემის“ რედაქტორი, და არა მხოლოდ ის, ალაშქრითა
ამგვარმა გამოხდომამ გ. დიასამიძე ბეჭდავს ფოტოპირს ილიას
წერილისას. ბარათის ავტორი სთხოვს მოურავს, თუ საგურამოში
ჯარს ჩააყენებენ, ყველა ღონე იხმაროს გლეხთა დასაცავად.

ეს იყო მეტად მნიშვნელოვანი დოკუმენტი, რომელზე
დაყრდნობითაც ბევრი რამის გადასინჯვა შეიძლებოდა. ფ.
მახარაძემ კი გააბიაბრუა იგი.²

გ. დიასამიძე იცავს დიდ სამოციანელს და მოითხოვს
სპეციალურად დინჯად იქნეს შესწავლილი ილიას და გლეხების
ურთიერთობა, დადგინდეს სიმართლე და ბოლო მოვლოს
უსაფუძვლო მითქმა-მოთქმას. ამასთანავე, შენიშნავს: „ჩვენ
ძალიან კარგად ვიცით, რომ ილია ჭაჭკაუაძე კერძო საკუთრების
პრინციპის აღმსარებელი და მისი შეურყვევლობის მომხრე იყო.
ამ მხრით ილიას ჩვენში ბევრი არ ემხრობოდა. ჩვენს შორისაც
იყო დიდი განსხვავება, მაგრამ მარტო ამისათვის ვინ კხდის
პატივს ადამიანს და მეტადრე უმოკლებს სიცოცხლეს!“³

ეს ფრაზები გაგებულ იქნა როგორც შესამედსეულთა მიჩნევა
მკვლევებად. მოგვიანებით გ. დიასამიძე შეეცადა გარკვეულობა
შეეტანა ამ საკითხში. იგი აცხადებს, რომ „ილიას მკვლევლობა
მოხდა პირადი შურისძიების ნიადაგზე, მხოლოდ გამორკვეული არ
არის ჯერ-ჯერობით, რა მიზეზით არის გამოწვეული ეს
შურისძიება“⁴.

გ. დიასამიძის მოწინავე სტატიას მოყვა პ. გელეიშვილისა
და ფ. მახარაძის წერილები. ისინი „თემის“ მომდევნო ნომერში
(№125) დაიბეჭდა. აქვეა რედაქტორის „ჩვენი პასუხიც“, რომელშიც
გაკრიტიკებულია ზემოხსენებული ავტორები და მხილებულია
„მოგზაურის“ კორესპონდენტის ლიტერატურული თაღლითობა.

მდგომარეობა უკიდურესად დაიძაბა. „სახალხო გაზეთი“,
„თემი“, „იმერეთი“ და სხვ. იცავენ ილიას. საგულისხმოა, რომ
ფილიპე გოგინაიშვილი ფილიპე მახარაძეს უწოდებს ბუნებით
ბოროტ არსებას, მანიაკს, თავზეხელაღებულ ვაჟბატონს, უძირო
ჭაობს და ა.შ. მეორე მხრივ, სოციალ-დემოკრატიული გამოცემები,
პირველ რიგში კი „სიმართლის ხმა“ და „თანამედროვე ქვეყანა“.

¹ გაზ. „თანამედროვე ქვეყანა“, 1913, №8.

² ის. მისი „მოკლე პასუხი გაზ. „თემის“ რედაქტორს ბ-ნ გრ.
დიასამიძეს (გაზ. „თანამედროვე ქვეყანა“, 1913, №10).

³ გაზ. „თემი“, 1913, №124.

⁴ იქვე, №135.

იქნას უკვე ნაღველიანი
მაჩვიე შენიღობ, ღმერთი მუცლის
ქაჩუძე ყველა ტუჩიხილ სფრავს
და აფიგნებუმალი ვხეყვა, ჭყინილ!
უაღწრ, ვაფიხირი უმე ვხეყავ
ხეყავ შილ მათიგონ და თუგო ყველმელ?
სი იყ თასვ ხასვ ქიიქა.
სი იყ მელე უნდ სსყვიკა-~~ხ~~!!

კუთ. მ-ბ-ბ

გამაფრებით ესხმიან თავს ზემოხსენებულ გაზეთებს: - თქვენ ილიას სახელი გამოიყენეთ მესამედსელთა დასამცირებლადო.

ნომრიდან ნომერში იბეჭდება ასეთი განცხადებები: „ჩვენ, თფილისის რ.კ. გ.ზ. დეპოს მუშები სასტიკათ აღელვებული ვართ უგვანო საქციელით ჩვენებურ „მამულიშვილთა“, რომელნიც შემოკრებულან „სახ. გაზეთის“ და „იმურეთის“ გარშემო. მათ ამ ბოლო დროს „თემიც“ მიემატა. დღიდან ილიას მოკვლისა ეწვეიან საზოზღარ ცილის წამებას და ყოველთვის ღანძღვა-გინებით უმასპინძლდებიან იმათ, ვისაც არავითარი დანაშაული არ მიუძღვის ილიას ვერაგულ მკვლელობაში“¹.

„სიმართლის ხმა“ და „თანამედროვე ქვეყანა“ სპეციალური განყოფილებებიც კი შექმნეს - „საპროტესტო წერილები“ და ნომრიდან ნომერში გაისმოდა „მამულიშვილთა“ ღანძღვა-გინება. კამპანია მარჯვედ იყო ორგანიზებული.

აი, რას ვკითხულობთ „სიმართლის ხმის“ მეცხრე ნომერში:

¹ გაზ. „თანამედროვე ქვეყანა“, 1913, №19.

„ჩვენ, სოფ. სატილაოს მცხოვრებნი: მუშები, გლეხები და ნაწილი ინტელიგენციისა განუსაზღვრელ აღშფოთებას და ზიზღს ვუთვლით „სახ. გაზეთს“, „იმერეთს“ და „თემს“. ვაცხადებთ, რომ ჩვენ ნებას არავის მივსცემთ ფეხქვეშ გათვლონ ისეთი პიროვნება, როგორც ფილიპე მახარაძეა!“

ამგვარი დაპირისპირება სოციალ-დემოკრატებსა და თერგდალეულთა მემკვიდრეებს შორის სხვა საკითხებთან დაკავშირებითაც იჩენს თავს. არსებითად ეს იყო ბრძოლა იდეური პოზიციების დასაპყრობად. ამის დასადასტურებლად კიდევ ერთ ფაქტს მოვიტანთ. ეს არის ტ. ტაბიძის „წერილი მოსკოვიდან“. ავტორი გულისტკივილით აღნიშნავს: „ისტორიაში, მგონია, შავ-ბნელ ღეგენდად დარჩება ის ამბავი, რაც იღია ჭავჭავაძის სახელის გარშემო დატრიალდა. მაგრამ ჯერ კიდევ არ გათავებულიყო ეს შეუკავებელი სატურნალია და ვნებათა გახელება, რომ მეორე შერცხვენილ ფაქტს მიეცა ადგილი. 28 სექტემბერს მოსკოვში დანიშნული იყო იღია ჭავჭავაძის სახელობის კულტურული წრის მორიგი კრება“¹.

სტუდენტებს სურდათ გადაეხადათ თამარ მეფის იუბილე. მაგრამ ამას წინ აღუდგნენ სოციალ-დემოკრატები. ერთ-ერთმა დახელმა საჯაროდ განაცხადა: „თამარ მეფე დამამყარებელი იყო აბსოლიუტიზმისა“ და ამიტომ მოგიწოდებთ გაუწიოთ „წინააღმდეგობა ნაძირალებს“, რომლებიც „აწყობენ ამ შავრაზმულ საქმეს“².

კრების თავმჯდომარის ა. ჯავახიშვილის წინადადებით ჩატარდა კენჭისყრა. დახელები სასტიკად დამარცხდნენ. მაგრამ ამგვარი შეტაკება სტუდენტურ მერხზე გვერდიგვერდ მსხდომი ახალგაზრდებისა თავისთავად ბევრის მთქმელია.

ერთი სიტყვით, პარტიულმა სიმულვილმა ყველაფერი მოიცვა. აკაკი პაპავას სიტყვით რომ ვთქვათ, ეროვნული თავისუფლების გამობამ კატასტროფამდე მიგვიყვანა, სწორედ ამის შედეგია „... უგზური პროტესტების ბეჭდვა გაზეთებში, მახარაძის სექტანტური აზრები, მოსკოვის სტუდენტთა კულტურულ წრეში ატეხილი კამათი თამარის იუბილეს შესახებ და სხვა მრავალი“³.

გალაკტიონი ჩაბმული აღმოჩნდა ამ ბრძოლაში. მას უარი განუცხადებია „თემში“ თანამშრომლობაზე. ამასთან დაკავშირებით „თემის“ რედაქცია სწერს ნოე ჩხიკვაძეს, ვ.

¹ გაზ. „სახალხო გაზეთი“, 1913, №1016.

² იქვე.

³ გაზ. „ერი“, 1913, №149.

მალაქიაშიელს, იასამანს, გალაქტიონ ტაბიძეს, გელა და რ. ლენჩუშელს.

„თქვენ გამოგიცხადებიათ, რომ „თემში“ აღარაფერს ვხედავთ თანამშრომლობა, მაგრამ, სანამ ამას იტყვიან, არცერთი ერთხელ მაინც არ დაფიქრდით, გვითხვით თქვენთვის თუ არა თანამშრომლობა?“

გაიხსენეთ, განა ზოგიერთი თქვენთაგანი პირდაპირ არ გვემუდარებოდით დაგვესტამბა თქვენი ნაწარმოები - სწორედ იმ წერილების დაბეჭდვის შემდეგ, რომლის გამოც ახლა ბუკსა და ნალარას სცემთ?..

ძალიან კარგად გვესმის, თუ რა წმინდა წყლის რისხვაა თქვენი რისხვა...

სჯობს ისევ ზოგიერთმა თქვენთაგანმა უკან მიიღოს ის თქვენი „ნაწარმოები“, რომელსაც კარგა ხანია გულის ფანჯკალით მივლის ძალზე შეწუხებული სარედაქციო გოდორი“.

ჩვენ ვერ მივაკვლიეთ გალაქტიონის განცხადებას. საინტერესო კი იყო, გავცნობოდით მის ფორმასა და ტონს.

ნ. ჩხიკვაძე, გ. მალაქიაშიელი, იასამანი, გელა და რ. ლენჩუშელი, რომელთა გვერდით იხსენიება გალაქტიონი, შესამედსდელთა მიმდევრები არიან. ნ. ჩხიკვაძემ პირდაპირ განაცხადა: „ყველა იმის შემდეგ, რაც გაზ. „თემში“, „სახალხო გაზეთმა“ და „იმერეთმა“ საზიზღარი ცილისწამება გადმოისროლეს იმ მიმართულებისაკენ, სადაც ჩემი სულიერი განცდა და იდეის გამოხატულება ვაოფე (ხაზი ჩვენია - ნ. ტ.), ვაცხადებ მკითხველთა საყურადღებოთ, რომ დღეის შემდეგ „თემის“ და „სახ. გაზ.“ თანამშრომლობას თავს ვანებებ. მოუხსნობ ყველა ჩემს თანამოკალმეთ, რომელნიც ჩვენს მიმართულებას იზიარებენ, ჩამოშორდნენ „თემს“, „სახალხო გაზ.“ და „იმერეთს““.

გ. მალაქიაშიელი, იასამანი, გელა და რ. ლენჩუშელი 1913 წ. თანამშრომლობენ „ჩვენს წყაროში“, „თანამედროვე ქვეყანაში“, „სიმართლის ხმაში“. მათგან განსხვავებით გალაქტიონს ხსენებულ გამოცემებში არც ერთი ლექსი არ გამოუქვეყნებია.

ეს შემთხვევითია? ხომ არ ემიჯნება გალაქტიონი გარკვეული თვალსაზრისით ზემოჩამოთვლილ პოეტებს? საკითხი საგანგებო შესწავლას მოითხოვს.

მაგრამ თქმა იმისა, რომ გალაქტიონი შორს დგას სოციალ-

¹ გაზ. „თემი“, 1913, №139.

² გაზ. „თანამედროვე ქვეყანა“, 1913, №22. თითქმის ამგვარად შეელობს გ. რუხაძეც. იხ. გაზ. „მერცხალი“, 1913, №91.

დემოკრატებისაგან, შეცდომა იქნებოდა. ერთ პატარა მოგონებაში ვკითხულობთ: (ქუთაისის წიგნის მაღაზიაში ვართ) კ. ბალმონტი, ვ. რუხაძე და მე. სურათს ვიღებთ.

„- რისთვის არ არის აქ შოთა რუსთაველის პორტრეტი? მკითხა კ. დ. ბალმონტმა.

- მი - სოციალ-დემოკრატია! - დამხწრო პასუხი პოეტმა ვ. რუხაძემ (ვინა კითხავდა? მერე, არც რუსული იცოდა ხეირიანად).

- მერე რა მანდუღანა? - სთქვა ბალმონტმა - ვ. ვ. პლეხანოვი სოციალ-დემოკრატია, მაგრამ წინებულად ესმის ხელოვნების სიტყვების მაგოურობა.

- მი ეტო ნე ზნაიმ - უპასუხა ვ. რუხაძემ¹.

ეს ამბავი 1915 წელს მომხდარა. იგი კარგად ასახავს არსებულ ვითარებას, კერძოდ, მესამედასკელთა ზედმეტად გამახვილებულ ტენდენციურობას.

მაგრამ რაღა შორს მივიღვართ. 1913 წელს გალაკტიონმა ხომ გულწრფელად დაიტირა სოციალ-დემოკრატიული პარტიის ლიდერი, II ინტერნაციონალის ერთ-ერთი დამაარსებელი ავგუსტ ბებელი.

„მოდით, მგონებო! შავი თაღხით შემოსეთ ქნარი,

ცრემლით იგლოვეთ მოამაგე დაუვიწყარი...

მოდით, მსოფლიოვ, თაყვანი ეც იმ გმირის საფლავს -

შენი დიდება, შენი ღმერთი მოკვდა, აღარ გაკავს!²

გალაკტიონი ნამდვილად ახლოსაა რევოლუციონერებთან და ბევრ რამეში თანაუგრძობს მათ. რაც მთავარია, მას არ სჯერა, რომ ილიას მკვლელობაში სოციალ-დემოკრატები მონაწილეობდნენ, რომ ამ საქმის ორგანიზატორი ფ. მახარაძე იყო. იგი ხსენებულ პარტიასა და თვით ფილიპეზე მაღალი წარმოდგენისა გახლდათ. სხვა საკითხია, ბოლომდე დარჩა თუ არა ამ პოზიციაზე.

გალაკტიონი ყველაფერში არ ეთანხმება სოციალ-დემოკრატებს, მაგრამ მათ მაინც თვლის არსებული სისტემის ერთ-ერთ უმთავრეს დამანგრეველ ძალად. თვითმპყრობელობის დამხობა, ცარიზმის მოსპობა კი პოეტის სანუკვარი ოცნებაა. მისი ღრმა რწმენით, ამ გზით შეიძლება მოპოვებულ იქნას არა მხოლოდ საქართველოს დამოუკიდებლობა, არამედ პიროვნების თავისუფლება და, საერთოდ, ბედნიერება.

იმასაც ნუ დავივიწყებთ, რომ არსებულის უარყოფა ყველა

¹ ვ. ტაბიძე, თხზ., ტ. XII, გვ. 238.

² იქვე, ტ. I, გვ. 157.

სადად მოაზროვნე, დემოკრატიულად განწყობილი მოქალაქის მოთხოვნა იყო. ვერც იმაც უარყოფთ, რომ კომუნიზმის დოქტრინა გარეგნული მომხიბველობითაც გამოირჩეოდა.

და აი, ჩვენ. მივადექით ერთ არსებით საკითხს, რომელსაც სხვა დროს ჩაუუღრმავდებით, აქ კი შევეცდებით ძირითადი ხაზი გამოვკვეთოთ.

გალაკტიონი არასდროს ყოფილა რომელიმე პარტიის წევრი, არც მაშინ, როცა ახალგაზრდული „დაუნდობელი სურვილი ღომის“ სამყაროს აყირავებისაკენ უბიძგებდა; არც მაშინ, როცა აღმოდებულ პეტერბურგში მაუსერიან მეზღვაურებს შესცქეროდა; არც მაშინ, როცა ღვინის ორდენით დააჯილდოვეს...

როგორ ავხსნათ ეს ფაქტი?

მართალი არ ვიქნებით, თუ ვიტყვით, რომ მას არავინ ეწეოდა პარტიისაკენ. მეუღლე ოლია ოკუჯავა თავადადებული ბოლშევიკი იყო. ცოლისძმა მიხეილ ოკუჯავა – საქართველოს კომუნისტთა თავკაცი... 1917 წელს მოსკოვში ძველ იატაკქვეშელს პირდაპირ უთქვამს გალაკტიონისათვის – რეკომენდაციას მოგცემ პარტიაში შესასულელადო. (ამას თვით პოეტი იხსენებს)...

გალაკტიონი მაინც ჯიუტობს. ეს გაყუნება გაცნობიერებული აქტია. ჩვენ ასე ვფიქრობთ: გალაკტიონი ჭეშმარიტ შოხანს ყველა პარტიასა და ჯგუფზე მადლა აყენებდა. ღრმად სწამდა, რომ იგი ღმერთის მოციქულია და ძირითადად ეპიზოდურ ამბებზე კი არ უნდა იხარჯებოდეს, არამედ მარადიულ და უნივერსალურ საქმეებზე. ცხადია, ეს არ გამორიცხავს მიმდინარე შტკიუნეულ პრობლემებზე დაფიქრებას.

გალაკტიონი თავისუფლების არა მხოლოდ მეხოტბე, არამედ უმძაფრესი განმცდელიც იყო. მას არ შეეძლო ვინმეს დიქტატს ნებაყოფლობით დამორჩილებოდა.

სიტყვა გაგვეჩქა.

გალაკტიონს არ შეეძლო უპასუხოდ დავტოვებინა „თემის“ განცხადება: იგი შეურაცხყოფილად თვლიდა თავს. ვ. დიასამიძე კონკრეტულად არ ასახელებდა, თუ ვინ უტალახებდა რედაქციის კარებს, ვინ ეაჯებოდა ღექსების დაბეჭდვას. „ხოგიერთ თქვენგანში“ შეიძლებოდა მკითხველს გალაკტიონიც ვეულისხმა.

რეალიკის ქვეტექსტი ადვილად ამოსაცნობი იყო: რადგანაც რედაქციამ არ დაბეჭდა მავანთა მდარე ნაწარმოებები, ისინიც გაბოროტდნენ და განუდგნენ „თემსო“. ე. ი. გალაკტიონი უნიჭოთა მარაქაში ექცეოდა.

ახალგაზრდა პოეტმა გამოაქვეყნა პრინციპული ხასიათის, საკუთარი ღირსების მკაფიოდ გამოშხატველი „მცირე განმარტება

„თემს“ (იგი შესული არ არის გალაკტიონის თხზულებათა თორმეტტომეულში. მოგვეყავს მთლიანად).

„გაზეთ „თემის“ უკანასკნელ ნომერში დასტამბულმა წერილმა¹ იმ პირების საპასუხოდ, რომელთაც უარი განაცხადეს „თემს“ თანამშრომლობაზე. ეს განცხადება დაკავშირებული იყო ილია ჭავჭავაძის მკვლელობის გარშემო ატეხილ კამათის დროს „თემის“ დასაგმობ პოზიციაზე შედგომასთან. ახლა „თემი“ გვეკითხება: „განა გვითხოვია თქვენთვის როდისმე თანამშრომლობა?“

„თემმა“ უნდა იცოდეს, რომ მკითხველებისათვის ინტერესს მოკლებულია, თუ ვინ ვის სთხოვა თანამშრომლობა: „თემმა“ ჩვენ თუ - ჩვენ „თემს“, მხოლოდ მათ იციან, რომ ჩვენ ვითვლებოდით „თემის“ თანამშრომლებად, რაც არაერთხელ ჰქონდა აღნიშნული ამ გაზეთს. აი, სწორედ ამ მკითხველებისთვის იყო საჭირო ჩვენი განცხადება.

პირადათ მე უნდა აღენიშნო შემდეგი:

1. მე არ მითხოვია „თემისთვის“ გამოვეცხადებინე თავის თანამშრომელთა რიცხვში, მან მაინც გამომიცხადა.

2. მე არავის არ „ვემუდარები“ რამეზე, რადგან სამუდარო და სახვეწნი არავისთან არაფერი მაქვს, მით უმეტეს, „თემთან“.

3. იმ წერილების შემდეგ, რომლებმაც საერთო უკმაყოფილება და ზიზღი გამოიწვია, მე „თემში,“ არ გამოვზავებია რა დასაბუჯდათ.

4. აქედან ცხადია, რომ სრულიად უსაფუძვლოა „თემის“ იტვიანობა იმაში, თუ „რა წმინდა წყლის რისხვავა ჩემი რისხვა“¹.

ამ პასუხში სწორედ არის გარკვეული რედაქციისა და თანამშრომლების ურთიერთობის საკითხი. გალაკტიონი გულწრფელია, როცა აცხადებს: იმ წერილების შემდეგ, რომლებმაც უკმაყოფილება გამოიწვია, „თემის“ რედაქციისათვის არაფერი შემითავაზებიაო. მართალია, მისი „ჩემს ირგვლივ“ („ვეველაფერმა იცვალა ფერი“) 15 ივლისს დაისტამბა, მაგრამ იგი გაცილებით ადრე იყო გაგზავნილი.

ჩვენთვის ეს „განმარტება“ იმითაც არის საყურადღებო, რომ მასში მკაფიოდ ჩანს გალაკტიონის ხასიათი - სიამაყე და შეუპოვრობა, დამოუკიდებლობისა და თავისთავადობისკენ ლტოლვა. ხსენებულ კამათზე იმიტომაც შევჩნუდით, რომ მკითხველისათვის ამკარა ყოფილიყო, თუ თავიდანვე როგორ დაიხლართა ილიას მკვლელობასთან დაკავშირებული საკითხები. დაპირისპირებულ მოსაზრებებში გარკვევა ნამდვილად ჭირდა. პრესა მარცვლის ნაცვლად უფრორე ჩენნოს სთავაზობდა

¹ გაზ. „სიმაღლის ხმა“, 1913, №11.

საზოგადოებას.

ერთიც უნდა ითქვას გარკვევით: ეს კონფლიქტი სრულიადაც არ ნიშნავს, — რომ გალაკტიონი ი. ჭავჭავაძის ღვაწლის შეფასებაში შესამედსეულთა მხარეზეა და „თემს“ უპირისპირდება. პირიქით, გალაკტიონი ილიას თაყვანისმცემელია. ეს ნაწილობრივ ჩანს კიდევ ქვემოთ მოტანილ უცნობ ლექსში — „ილია ჭავჭავაძის საფლავზე“.

„აჰა, მეოსანო, შენს სამშობლოში
ღუმიღღი მეფობს გულმოსაკლავი.
მოწყენილია გმირთა აკლდამა...
იქაც საფლავი... აქაც საფლავი...
ვინ უწყის, რამდენს კიდევ იმსხვერპლებს
დრო უჭამური, დრო გარეწარი...
რამდენჯერ ისევ გადაიშლება
სამშობლოს ცაზე სვედის ზეწარი...
უკეთესები ცივ სამარეში
ესვენებიან გულხელდაკრეფით.
ნელი ნიავეი კუბოს უწნავს და
ცის მუქი სიერცვს რწყავს ცრემლთა შხვევით...
ვრჩებით ჩვენ... ვრჩებით ახალგაზრდები...
სვედამ ჩააქრო ჩვენი იმედი,
ნაღველმა ჩააკლა ბრძოლის წყურვილი.
ჩვენ ვტირით... ვტირით განუსაზღვრელად.
და არ აივსო ცრემლებით სურა,
ჩვენ არც კი ვიბრძვით და ვერ გავიგებ
ასე მწარედ რამ დაგვაუძღურა.
ან რას შეუძლებთ ჩვენ?
თანამგრძობლები არსაით ჩანან...
გული ცეცხლში თრთის.
მაგრამ როდემდის უნდა ვიკვნესოთ,
ასე უმწოდ... მითხარო, როდემდის?“

ეს ლექსი ნამდვილად არ გამოირჩევა დიდი მხატვრულ-ესთეტიკური ღირებულებით, მაგრამ გალაკტიონის პოზიციის გათვალსაზრისით თვალსაზრისით უთუოდ საგულისხმოა.

დადგა სექტემბერი. ქუთაისი „ფერში ნაირ-ნაირშია“. მზე კვლავ მძლავრობს და ქალაქი ზიშხიმებს. გალაკტიონი მოქაშულ ხასიათზეა.

ჯერ იყო და ლიტერატურული სადამო ჩაეშალა. მერე „თემის“ რედაქციასთან მოუხდა შეტაკება. წიგნის გამოცემასაც ვერ მოაბა თავი. გუშინ კიდევ დედის ბარათი გადასცეს:

„მიერთვას გალაკტიონ ტ. თავის საკუთარ ხელში“. მაკონე კვლავ საყვედურობს: „შენ ჩემთვის არ გემეტება წელიწადში ერთი წერილის გამოგზავნა“. უფროსი შვილისაგან თვე ვიღებ.

ბარათის ბოლო ნაწილმა გული მოუკლა გალაკტიონს: „მუდამ შენს ფიქრში ვარ და ხშირად ავადაც ვარ. სიტყვა და სათქმელი ბევრი მაქვს, მარა მეტი წერა აღარ შემიძლია...“

ყოველივე ამას დიასახლისის ბუზღუნიც ემატება: ბინის ქირის გადახდას აგვიანებო.

ერთი პირობა სოფელში გაქცევა დააპირა. მაგრამ იქაც რომ ვერ მოისვენებს?

გალაკტიონი სულიერ დეპრესიას განიცდის. ამ პერიოდის ერთ ბარათში ვკითხულობთ: „რა საშინელი მარტოობაა! რა უსაზღვრო უთვისტომობაა... რაგვარი უფსკრული მიდგას წინ და მიპირებს შთანთქმას... მეშინია...“¹

ისე ნუ გავიგებთ, თითქოს ეს მხოლოდ ყოფითი მომენტებით არის შეპირობებული. არა, პოეტს უწინარესად ყოფნა-არყოფნის პრობლემა აფიქრებს, კაცობრიობის საწუხარი უღრღნის გულს...

და აი, 12 სექტემბრის საღამოს გუცა შემოიჭრა პატარა ოთახში. (ეს ის გუცაა, რომელსაც გალაკტიონმა მიუძღვნა ლექსი „უპკი“).²

მაზგე აკაკის უნდა გავხვეთ მუხიანში. იქ მისი სახელობის ბიბლიოთეკა იხსნებაო.

გასაგებია, თუ რა შთაბეჭდილებას მოახდენდა ეს მიწვევა. აკაკი ხომ გალაკტიონის ღმერთი იყო. როგორც ერთ პატარა მოგონებაში აღნიშნავს, დიდი მგოსნის ნახვა ოცნებად ქონდა გადაქცეული. 1908 წელს, აკაკის იუბილის დღეებში, მთელი კვირა დარბოდა, იქნებ თეატრში შევადწიოო. ბილეთი ვერ იშოვა. ვერც მაშინ მოჰკრა თვალი, როცა მგოსანი სიონის ტაძრიდან ეტლით მაჰყავდათ. მერე მთელი საღამო იდგა სახაზინო თეატრის წინ. ამოდ.

ქუთაისში დამკვიდრების შემდეგ ახალგაზრდა პოეტი არაერთხელ შეხვედრია აკაკის, ხანმოკლე საუბრებიც ჰქონიათ, მაგრამ სულ სხვაა მთელი დღით საქართველოს ბუღბუღის გვერდით ყოფნა.

ჯანდი გადაიყარა.

15 სექტემბერს ადრიანად ესტუმრა ანასტასია და ვკატრინე ნიკოლაძეებს. აკაკი მათ ბინაზე იმყოფებოდა. გალაკტიონი დიდ

¹ გ. ტაბიძე, თხზ., ტ. XII, გვ. 499.

² გახ. „კოლხიდა“, 1911, №168.

პატივს სცემდა ნიკო ნიკოლაძის დებს. ისიც ახსოვდა, რომ 1905 წელს ეკატერინე თავისი მოსწავლეებით გამოვიდა ქუთაისის ქუჩებში ბარიკადების ასაგებად.

ათი წუთის შემდეგ დავით კლდიაშვილი მობრძანდა გალაკტიონს ღიმილით მიესალმა და აკაკის გადაეხვია. მერე გ. რუხაძე, გ. ლალიძე, ბ. ჯაიანი, ლ. ბზვანელი, პ. მუფისაშვილი, გუცა და სხვებიც გამოჩნდნენ. კინოოპერატორი ვ. ამაშუკელიც იქ იყო. თერთმეტის ნახევარზე შვიდი ეტლით მუხიანისკენ დაიძრნენ. მოქალაქეები ჩერდებოდნენ და თვალს აყოლებდნენ უჩვეულო კორტეჟს. როცა ბიბლიურ მოხუცს შეიცნობდნენ, აღფრთოვანებას ტაშით გამოხატავდნენ.

ერთი საათის შემდეგ ქვედა ქვიტირს მიაღწიეს. ვკლესიის გალაკტიონს ახლომახლო სოფლებიდან მოსული ხალხით იყო გატყევილი. მღვდელმა სამშვიდობო პარაკლისი გადაიხადა. შემდეგ ადგილობრივი სამკითხველო დაათვალიერეს. ექიმმა გ. ნასარიძემ სიტყვით მიმართა აკაკის. მგოსანმა საპასუხოდ თქვა: „მე ეს კი არ მახარებს, რომ მე მცემთ პატივს, ჩემში აღფრთოვანებას და აღტაცებას იწვევს ჩემი მოლოდინის გამართლება. ეს პატარა სამკითხველო ნიშანია იმისა, რომ ხალხმა გაიღვიძა, იგი გამოფხიზლდა, გამოურკვა და კულტურის გზით წინ მიდის“.

კვლავ ეტლებში. აკაკის ქულაჯიანი ცხენოსნები მიაცილებენ... და აი, მუხიანიც. სადგურიდან ბიბლიოთეკამდე ადამიანთა უიწყვეტი ჯაჭვია გატყევილი. უმშვენიერესი გირლიანდები დაუწნავთ მუხიანელებს. ერთიმეორეზე გულწრფელი წარწერები: „გაუმარჯოს აკაკის!“ „მობრძანდით, ბატონო!“ და სხვა. ყვავილების თაღთან ეტლი შეაჩერეს და ახალგაზრდებმა ხელში აიტაცეს მგოსანი. ქუხდა მუსიკა. გრიალებდა ტაში. გოგონები ყვავილების ფიანდახებს აგებდნენ.

გალაკტიონი ისე განიცდიდა ყველაფერს, თითქოს მას უწყობდნენ შეხვედრას. რატომღაც „თქმში“ გამოქვეყნებული მიხ. ბოჭორიშვილის „მწუხრის ღიმილი (ჩვენს მგოსანს აკაკის)“ მოაგონდა. მინიატურაში ის იდგა იყო ნაქსოვილი, რომ ხალხი უმადურია, დაუნდობელი და განუკითხავია. ირონიულად გაეღიმა გალაკტიონს. ნეტა ენახა ყოველივე ეს მიხას. მაშინ...

სამკითხველოს აივანზე სუროს ფოთლებით მორთულ საეარძელში ნააბრძანეს აკაკი. გალაკტიონი ოდნავ მოშორებით დგას და ყველაფერს გონებაში იბეჭდავს. სამკითხველო-ბიბლიოთეკის კურთხევა საკმაო ხანს გაგრძელდა.

მერე ფანიატურში გაშლილ უზარმაზარ სუფრას მიუსხდნენ. თამადამ, ადგილობრივმა მოძღვარმა პ. ჯინჭველაშვილმა დალოცა აკაკი.

ბევრმა ადღეგრძელა მგოსანი, მაგრამ გალაკტიონს ყველაზე მეტად დ. კლდიაშვილის სიტყვა მოეწონა. „ბატონებო! შორს ციხეს რუსეთში გადახვეწილს, მოშორებულს სამშობლოს მიწოწყალს, რუსეთის სუსხისაგან გაყინულს გულს მითბობდა და გამაცოცხლებელ ნექტარათ მველინებოდა ჩვენი საამაყო მწერალ-მოღვაწეთა და მგოსანთა პანგი ციური, რომელიც მრავალტანჯულ სამშობლოს კეთილდღეობისაკენ იყო მიმართული. მათ შორის თვალსაჩინო ადგილი ეკავა მგოსან აკაკის, რომლის ნაწარმოებთა თაყვანისცემაც შარად ცოცხალი იყო ჩემში და იცოცხლებს აწიც, და სიყვარული აკაკისა თვით სამარემდი ამოუშლელი იქნება ჩემს გულში“.

გალაკტიონი ორატორთა ნაუბარს გონების თვალთ ჩხრეკდა და პირუთუნელად აფასებდა. ვ. რუხიამე სიტყვა მოითხოვა: - მე უბრალო გლეხის შვილი ვარ. ანბანი აკაკის ლექსებიდან ვისწავლე. მიჭირს ჩემი ფიქრების პროზაულად გამოხატვა და ნება მიბოძეთ, სულმნათისადმი მიძღვნილი ლექსი „თაიგული“ წავიკითხო...

გალაკტიონი გულისყურით უსმენდა. მერე ანეტა იურკევიჩს გადაუწერწულა: სიტყვა გულწრფელი იყო, ლექსისა კი რა მოგახსენოთ...

აკაკის სიტყვამ სხვა მხრივ წარმართა გალაკტიონის ფიქრები.

მგოსანმა ბრძანა: ამგვარი შეხვედრები არა მხოლოდ ჩემს გამხნეებას ისახავს მიზნად, არამედ სხვათა წახალისებასაც...

გალაკტიონი ვრძნობს „სხვებში“ ახალგაზრდა მწერლებიც იგულისხმება და ქვეტექსტს სწორად შიფრავს. აკაკი საპასუხო გარჯას მოითხოვს მათგან.

აკაკის ოპტიმიზმმა აღიტაცა გალაკტიონი. მგოსანმა თქვა: - მე არ მვეგულება სხვა ხალხი, რომელიც ისე დაკნინებული იყოს, როგორც ქართველობა არის. ზოგს ეს გარემოება ჩვენში ერის სიკვდილის წინა პირობად მიაჩნია და ხარობს. ზოგიც გულგატეხილია და კენესის. მე კი, მათგან განსხვავებით, დაცემულში სიცოცხლის ძარღვის ფეთქვას მაინც ვაშწნევო.

ამას იმერეთის მეფის სოლომონ პირველის ნადირობის ამბავი მოაყოლა და საზოგადოება იმედით აანთო.

გალაკტიონი დროდადრო აკაკის ლექსებს იხსენებდა. თანაც პოეტის ცხოვრების ძირითად მომენტებს აცოცხლებდა და ასკენიდა: მგოსნის შემოქმედების ხიდიურვს მისი ზნეობრივი სიწმინდეც აპირობებსო.

თამადამ დ. კლდიაშვილის, ვ. რუხიძის, გ. ტაბიძის და სხვათა სადღეგრძელოები წარმოთქვა. როგორც ერთი რეპორტიორი

აღნიშნავს, „ახალგაზრდებს უსურვეს, რომ ღირსეული მემკვიდრეობა გაეწიოთ აკაკისთვის, ღირსეულათ გაიარონ აკაკის მიერ გაკვლეული გზა“.

როცა ღ. ბზვანელმა ი. გოგებაშვილი გაიხსენა, გალაკტიონი ზე წამოიჭრა. მას სხვებმაც მიბაძეს. სთხოვეს და გალაკტიონს არ დაუხანებია, ღექსი წაიკითხა. ტაშის გრიალში სწრაფად დაჯდა და მზერა აკაკისკენ გააპარა. მოეჩვენა, რომ სულმნათს შარავანდედი ადგა, თანდათან ზემოთ იწვედა და ცაში უჩინარდებოდა.

გალაკტიონი ხარბად იჭერდა აკაკის ყოველ სიტყვას, ითავისებდა მის ექსტს და გამოხედვას. ეს იყო მწყურვალე შეგირდის მიერ ბრძენი ოსტატის ყოველმხრივი შეცნობის სურვილი.

ბევრი იცინა გალაკტიონმა აკაკის ოხუნჯობაზე. მასპინძლებმა აკაკის „ბუტიობა“ წარმოადგინეს. სპექტაკლის მსვლელობისას მგოსანმა უეცრად სანათს ხელი გაკრა და კინალამ დაამსხვრია. შეცბუნებულმა სანათი გაასწორა და სთქვა: თუ თქვენ დაამტვრიეთ ჩემი ნაწარმოები, უფლება მაქვს სამაგიერო გადაგიხადოთ.

საერთოდ, გალაკტიონი აღტაცებული იყო აკაკის იუმორით. იმდენად მოსწონდა მისი ნაკვესები, რომ რამდენიმე თარგმნა კიდევ რუსულად. აი, ორიოდე ნიმუში.

«Великого грузинского поэта кн. Акакия Церетели некий господин спросил:

- А куда это Ваши курчавые волосы стремятся, поэт?

- На розыск ваших волос – смеясь ответил тот».

«Князя Акакия пригласили на обед в одно общество, а у грузин обычай – все выпивать до дна.

- Да пей же! – обратился к поэту толумбаш.

- Не могу, милый.

Толумбаш взял полный вином стакан, по обычаю, и опрокинул его за ворот поэта.

Прошло несколько дней. Поэт пригласил того самого толумбаша к себе домой. Тот не преминул явиться.

- Да напиши мне маленькое стихотворение, совсем маленькое...

- Боже избавь, я ни строчки от роду не писал, да какое я могу стихотворение написать.

Тогда поэт взял полную чернилами чернильницу и опрокинул ее за ворот толумбаша».

დავუბრუნდეთ მუხიანის ამბებს.

ღამის 12 საათზე დატოვეს სოფელი...

იღგა საკინძგახსნილი შემოდგომა ათქვირებული მკერდითა

და მობარბაცე მთვართ...

გალაქტიონი ერთხელ კიდევ გახდა მოწმე იმისა, თუ როგორ
ლოცულობდა ხალხი აკაკიზე.

„იქნება ჩვენთვის, იქნება ჩვენში,
იქნება ჩვენთან მარად და მარად!
ჩვენი სიზმრების სიღიადეში,
ჩვენი ფიქრების ღურჯ ნიაქარად“.

ამას მოგვიანებით დაწერს გალაქტიონი. მაგრამ იგივე
აზრი 15 ენკენისთვისაც არ ასვენებდა. მთელი კვირა მუხიანის
შთაბუქდილებებით სუნთქავდა. აანალიზებდა ცალკეულ
დეტალებს და მოვლენის არსის გახსნას ესწრაფვოდა. რა
აპირობებს აკაკის გაღმერთებას? რა თქმა უნდა, უბადლო
ნიჭი და დამსახურება. მისი პიროვნება ქართველების ბედის
ნატიეხია. ამასთანავე, ამ მოწმეებასა და სიყვარულში ქართული
ფენომენიც ცნაურდება. ჩვენს ხალხს ლიტერატურა მიანინია
სულის უპირველეს გამოხატულებად. ქართველი კაცი თავისი
ბუნებითა და მსოფლგაგებით პოეტიკა.

ეს დასკვნა იტოტება და გალაქტიონი შინაგანად ტკბება,
რადგანაც არ შემცდარა, სწორ გზაზე დგას.

თუმცა, ისიც საკითხავია, შეექლო კი სხვა არჩევანი
გაეკეთებინა?!

გალაქტიონის გამახვილებული ჰქონდა დისტანციის გრძნობა.
პარადოქსად ნუ მოგაქვნივართ და ზოგიერთ პიროვნებასთან
ერთდროულად ახლოც იყო და შორსაც. ხანდახან იმასაც კი
ვფიქრობ, სიახლოვე სიშორის საბურველად ხომ არ სჭირდებოდა?

მუხიანში ერთად მოგზაურობის მიუხედავად,
გალაქტიონისათვის აკაკი კვლავ უმაღლეს და შორეულ
მწვერვალად რჩებოდა, ყოველდღიური ყოფიდან მარადისობაში
გადასულ კოლოსად, რომელთან ჩვეულებრივი მიახლოება
ცოდვას უტოლდებოდა. ამიტომაც დიდი მგოსნის ყოველ სიტყვას,
შემოხედვასაც კი თრთოლვით აღიქვამდა.

თხზულებათა აკადემიური გამოცემის მიხედვით თუ
ვიმსჯელებთ, გალაქტიონს 1913 წელს დაუწერია 15 ლექსი,
გამოუქვეყნებია 9. ეს მონაცემები ზუსტი არ არის. არქივმა
შემოგვინახა სხვა ნაწარმოებებიც, მათ შორის პოემაც. მაგრამ
ამჯერად ეს არ არის გადამწვევტი. არსებითი ის გახლავთ,
რომ წინა წლებთან შედარებით აშკარა სხვაობა იგრძნობა.
მაგალითად, 1912 წელს 25 ლექსი დაუწერია და 11 დაუსტამბავს.
არაფერს ვამბობთ 1914 წელზე.

დასაფიქრებელია ისიც, რომ 1913 წლის მეორე ნახევარში

¹ გ. ტაბიძე, თხზ., ტ. I, გვ. 271.

მხოლოდ ორი ღექსი გამოქვეყნდა - ივლისსა და ნოემბერში. არ არის გამორიცხული, რომ ისინი გაცილებით ადრე იყოს შეთხზული.

რა ხდება? ნუთუ გალაკტიონმა კალამი დადო?

ვფიქრობთ, ეს არის ძიების ხანა, გარდატეხის პერიოდი. გალაკტიონი არ კმაყოფილდება ადრინდელი ნაწარმოებებით, უფრო მეტიც, ეჭვის თვალით უცქერის იმ მხატვრულ მეთოდს, რომლის ერთგული იყო აქამდე.

დულილი თავს იჩენს ლირიკაში. ერთი მხრივ, იწერება „ყველაფერმა იცვალა ფერი“, „გარდაცვალება“, „სჩანს, ახლოა ქარიშხალი“ და სხვა მისთანანი, მეორე მხრივ კი - „მე და ღამე“.

ინერციის ძალა დიდია და კვლავ ძველებურად გაისმის ხულით ობოლი კაცის კენესა:

„მე მიედიოდი მარტოდმარტო სვედიან გზაზე,

მე ისევ ისე ვოცნებობდი იმ ქვეყანაზე.

ღურჯი ბურუსით ინთებოდა ხშირი ტყე-ველი
და მყუდროება იყო ირგვლივ დაურღვეველი“.

პოეტი ხედავს როგორ დგება გაზაფხული და როგორ იცვლება ყველაფერი. ეს ბუნების კანონია და ერთადერთი, ვინც მას არ ემორჩილება, მგოსანია:

„ყველა გათავდა, ყველაფერმა

იცვალა ფერი.

მარტო დარდთა ჩემთ უცვლელობას

არ უჩანს ბოლო“.

ეს ღექსი სხვა მხრივაც იპყრობს ყურადღებას, თუნდაც ტონალობით. გაზაფხულს არაერთმა პოეტმა უმღერა. ქართულ კლასიკურ მწერლობაში გაზაფხული ძირითადად ბუნების გამოღვიძების, სიცოცხლის აფეთქების მაუწყებელია და მხნე განწყობილების განმსაზღვრელი. გალაკტიონთან სხვაგვარად არის. მწვემის სტვირი „მწუხარეა“, ვნება - „მორცხვი“, გაზაფხული ისევ დაეშვა ქვეყნად, ვით მოჩვენება. ვარდები გაიშალა, მაგრამ ამ ყვაილებით „გაასვენებენ შემდეგ ცხედარს“. შერჩეულია ისეთი დეტალები, აქცენტირებულია ისეთი ნიუანსები, რომლებიც სვედიან განწყობილებას აძლიერებენ.

შინაარსს ფორმა ზუსტად აქვს მორგებული, რაც აპირობებს კიდევ ღექსის შთამბეჭდაობას. პოეტს ვერ უპოვია მყარი საყრდენი და არსებობაც ტანჯვას გადაქცევია. შით უფრო ძნელია ამგვარი ყოფა, როცა ადრინდელი ოცნებები კვლავ გამოკრთის, როცა წარმოსახული და არსებული პოლუსებად განლაგდებიან.

საგანგებოდ უნდა აღინიშნოს, რომ ტანჯვის მიზეზად

¹ გ. ტაბიძე, თხზ., ტ. I, გვ. 153.

არა მხოლოდ საზოგადოებრივი ყოფაა გამოცხადებული არამედ ადამიანური შეზღუდულობაც. ეს არსებითი და მჭიდრო მნიშვნელოვანი გარემოებაა.

„რად მინდა მივწვდე მიუწვდომელს, ვრცელს უხაზღვროს?“

ნემს უდაბნოს ვერ გავსცილდები მაინც ვერახსდროს¹.

ბედის საზღვრის გადაულახაობამ, სამყაროს აბსოლუტური შეცნობის შეუძლებლობამ ცხოვრება ჯოჯოხეთად აქცია.

გალაკტიონს აქვს სხვაგვარი ლექსებიც, რომლებშიც ციდან მიწაზე დაშვება იგრძნობა და ვითარების შეცვლის იმედიც არის გამჟღავნებული.

„სიო არ პქრის, მაგრამ მადლა
აშრიალდა ხის მწვერვალი,
სნანს, ახლოა აღელვება,
სნანს, ახლოა ქარიშხალი!
მძლედ დაქროლუ, ქარიშხალი,
ააღელვე მთა და ბარი,
ეს სინუძე მე გულს მიკლავს,
სხვა ძალა მსურს, სხვა სიზმარი!“

კიდევ ერთი საგულისხმო მომენტი. ეს არის ტანჯვით ტკბობა. ხშირ შემთხვევაში მიზნის მიუღწევლობა კვალიფიცირებულია როგორც უდიდესი უბედურება. საფუძველი და შედეგი ერთგანზომილებიანია. „მეზღვაურში“ ახალი პლასტი ჩნდება - წამების ესთეტიკური შეფერვილობა.

„წაყე, მგოსანო... თუ იგი ტრფობა
მართლა დამხსნელი არაა შენთვის,
მშვენიერ ტანჯვას და ვნების წამებს
მაინც იპოვი მუდამ, ყოველთვის“.

მხატვრული ოსტატობის თვალსაზრისით თუ განვიხილავთ ამ პერიოდის ნაწარმოებებს, აქაც მსგავსი სურათი წარმოჩინდება. მძლავრობს ძველი ფორმები და ხერხები. პოეტი ხშირად მიმართავს შეპირისპირებას, როგორც ჩანაფიქრის შთამბეჭდავად, ემოციურად გამოხატვის მძლავრ საშუალებას. მაგალითად, ერთი მხრივ ბუნება - მეორე მხრივ პოეტი, პეპელა-ქალი, მეზღვაური-მგოსანი და ა. შ.

მხატვრულ სტილისტიკაშიც განსაკუთრებული ცვლილებები არ შეიცნობა. მაგრამ იხიცი უნდა ითქვას, რომ ზოგჯერ

¹ გ. ტაბიძე, თხზ., ტ. I, გვ. 158.

² იქვე, გვ. 161.

³ იქვე.

სანტერესო ორიგინალური სახეები გაიქვებებს. მაგალითად, ნისლი მთას უღელს ადებს... ანდა, თვალში საცემია სიტყვათა მიჯრითობა.

*„ღურჯ მთების ზოლი ღურჯ ცის სივრცეში
შორს, უსაზღვროდ შორს მიიკლაკნება,
ღურჯ ოკეანის ღურჯი ტალღები
ღურჯ ტყიან ნაპირს აქცევს, აკედება“¹.*

ჩვენს მიერ ხაზგასმული სიტყვების ერთ სტროფში თავმოყრა პოეტური ხერხია.

რა შეიძლება ითქვას მუორე ნაკადზე. გალაკტიონი უკვე მტკივნეულად განიცდის სინამდვილის გაუბრალოებულად, ერთსახლონად წარმოჩენას. ეს, მისი აზრით, სამყაროს სიდიადისა და სიმშვენიერის, სირთულისა და მრავალწახნაგოვნების შეღახვაა. იგი გრძნობს, რომ ყველაფრის ახსნა არ შეიძლება, ზოგი რამ უნდა ირწმუნო, მგრძნობელობით გაითავისო და, საერთოდ, სულიერ იპოსტატს მეტი სიფრთხილით უნდა მოვეკიდოთ.

როგორც ითქვა, სწორედ 1913 წელს შეითხზა „მე და ღამე“, რომელმაც გარკვეული სიახლეები მოიტანა. ამ ღეჟისის წაკითხვისას უთუოდ გაგახსენდებათ ილია ჭავჭავაძის ცნობილი სტრიქონები, რომლებიც მისი მსოფლმხედველობისა და მოღვაწეობის გასაღებს წარმოადგენს: „არა, წარიღეთ ეს ბნელი და მშვიდობიანი ღამე თავის ძილითა და სიზმრებითა და მომეცით მე ნათელი და მოუსვენარი დღე თავის ტანჯვითა, წვალებითა, ბრძოლითა და ვაი-ვაგლახითა! შოი, ბნელი ღამევე, მეჯავრები შენ მე“²

გალაკტიონმა კი ღამე ერთადერთ მეგობრად და მესაიდუმლედ გამოაცხადა. აქ აღბათ იხიცი უნდა ითქვას, რომ გალაკტიონის „ღამე“ არ არის ილიას „ბნელი ღამე“. იგი მოკამკამეა, მტრედისფერი და საიდუმლო შუქით სავსე. ღამის ამგვარად წარმოჩენით უფრო ესმება ხაზი ბუნების უშუალოებასა და პირველ არსთან სიახლოვეს. შემდეგ კი მეტად ჩნდება ასოციაციებისა და ხიდის გაღების შესაძლებლობა.

გალაკტიონის გაგებით, ღამე შესაძლებლობას იძლევა არა მხოლოდ საკუთარი სულის სიდრმეების წედომისას, არამედ სინამდვილის ჭეშმარიტად შემეცნებისას.

არსებითი ის გახლავთ, რომ „მე და ღამეს“ სიმბოლიზითან მივეყვართ. სხვა საკითხია, მას მივიჩნევთ თუ არა ახალი ლიტერატურული მიმდინარეობის ყოველმხრივ წარმოშენად (სხვათა შორის, „მე და ღამეში“ არ შეინიშნება ბგერასა თუ

¹ ჯ. ტაბიძე, თხზ., ტ. I, გვ. 159.

² ი. ჭავჭავაძე, თხზ., სრული კრებული ათ ტომად, ტ. II, გვ. 22.

სიტყვაზე მახვილის გადატანით ფორმალისტური ფეიურვერკ-
აზრის მკაფიობა აშკარაა).

...ეს იყო მარტოობის, სულით ობლობის თემაზე შექმნილი პირველი ნაწარმოები, რომლითაც გალაკტიონ ტაბიძე როგორც ასაკისმიერ ბუნდოვან განცდას, ისე წინაპართა გავლენას, და მარტოსულობა საკუთარ მსოფლმხედველობრივ ფაქტად აქცია. აქ დასრულდა მეცხრამეტე საუკუნის ხელწერა და შეიქმნა ახალი ეპოქის „სული ობოლი“, რომელმაც შემდგომ და შემდგომ, თავის მხრივ, სულ სხვა სადინარებს გაუკვალა გზა თავად გალაკტიონ ტაბიძის (აგრეთვე სხვა პოეტების) ლირიკაში¹.

ახლა საგანგებოდ შევხერხებით გალაკტიონის ერთ უცნობ ნაწარმოებზე. 1913 წელს მას დაუწერია პოემა „შუანეთა“. იგი მგოსანს ლიტერატორთა წრეში წაუკითხავს, „სადაც აღტაცებით მიეგებნენ პოემის როგორც შინაარსს, ისე ფორმასა და გრძნობათა სიუხვეს“². ეს ინფორმაცია მრავლისმთქმელია და საგანგებო ინტერესის აღმძვრელიც. სამწუხაროდ, ხსენებული ნაწარმოები არ დაბეჭდილა. იგი დაიკარგა. ამის თაობაზე გაზეთი „აზრი“ იუწყებოდა: „ამას წინად ერთ სტამბაში გ. ტაბიძემ ნაცნობებს თხოვნისამებრ აჩვენა ახალი პოემა „შუანეთა“. სწორედ ამ დროს ტაბიძემ ჭიათურიდან დეპეშა მიიღო, სადაც აუცილებლათ ჩახვლას სთხოვდნენ. ტაბიძე მაშინვე გაემგზავრა და მხოლოდ გზაზე მოაგონდა, რომ პოემა მას სტამბაში დარჩა. სადგურ რიონიდან მან დეპეშით აცნობა ჩვენს რედაქციას ამის შესახებ და სთხოვდა პოემა არ დაკარგულიყო, მაგრამ რედაქციამ პოემის ასავალ-დასავალიც ვერ გაიგო. როდესაც ტაბიძე ქუთაისში დაბრუნდა, იგი ენერგიულათ შეუდგა ძებნას, მაგრამ პოემა ვერ იპოვა. ვაცხადებთ რა ამ გარემოებას, მპოვნელს ვთხოვთ პოემა ჩვენს რედაქციაში მოიტანოს, სრისთვისაც მიიღებს გასამრჯელოს“³.

არ არის გამორიცხული, რომ ეს შენიშვნა გალაკტიონს ეკუთვნოდეს. ისიც დამაფიქრებელია, რომ ოლია ოკუჯავა გალაკტიონს წერს: „გაიგე, სად და როგორ დააკავეს შენი „შუანეთა“ და მომწერე ყველაფერი, არ მინდა, რომ შენ ის დაკარგო, ვალიკ“⁴.

ჩანს, ოლიას გალაკტიონისაგან სხვაგვარი ინფორმაცია აქვს

¹ რ. თვარაძე, გალაკტიონი, 1972, გვ. 58.

² გაზ. „მერცხალი“, 1913, №99.

³ გაზ. „აზრი“, 1914, №9.

⁴ ოლია ოკუჯავას დღიურები და მიმოწერა გალაკტიონთან,

- დაკავება-დაყადაღებისა და არა დაკარგვის შესახებ.

დოც. ი. ერემაშვილმა პირველმა გამამხვილა ყურადღება „შუანეთაზე“. მან ჯერ კიდევ 1984 წელს ეანის რაიონული განსჯის ფურცლებზე გამოაქვეყნა სტატია, რომელშიც კვითხილობთ: „სწორედ ამ პერიოდს განეკუთვნება მისი პიესა „შუანეთა“, რომლის სიუჟეტი ჩვენი ვარაუდით აგებული უნდა ყოფილიყო ფრანგი ანა დრანსეს წიგნის „შამილის ტყვე ქალები“ შინაარსის მიხედვით“¹. ავტორი გვაცნობს შამილის ცოლის ბიოგრაფიას და ხასიათს, მის დამოკიდებულებას ქართველ ტყვეებთან.

იგივე თვალსაზრისი განავითარა მკვლევარმა 1990 წელს. „ქართული მწერლობის“ მეორე ნომერში რუბრიკით „იპოთეზა“ დაიბეჭდა „გალაქტიონის უცნობი პოემა“. კვლავ ანალოგიური მსჯელობა და შუანეთას დახასიათება. (ამჯერად ხსენებული თხზულება პოემად არის მოხსენებული და სამართლიანადაც). ი. ერემაშვილს მოაქვს აგრეთვე საგაზეთო შენიშვნები „შუანეთას“ საჯაროდ წაკითხვისა და დაკარგვის შესახებ.

კარგია, რომ გალაქტიონის უცნობ ნაწარმოებზე სიტყვა ჩამოვარდა. ამით მისი მოძიებისა და კვლევის სურვილი ცხოველდება. მაგრამ რამდენად გასაზიარებელია წამოყენებული თვალსაზრისი?

ვარაუდი აუცილებლად საჭიროებს საყრდენს. ასეთ ფუნქციას კი ვერ დაეკისრებთ სახელთა იდენტურობას (გალაქტიონის პოემის სათაურია „შუანეთა“ და შამილის ცოლსაც შუანეთა ჰქვია. სხვათა შორის, ათიან წლებში გალაქტიონი ხშირად იყენებს უცხო სახელებს: ზულეიმა, პროზერპინა, შუანეთა, სელიმი, ლარა და ა. შ.). უფიქრობთ, ეს გზა მოლიპულია და მას რომ გავყვეთ, ლიტერატურათმცოდნეობას ქაოსი მოიცავდა. ერთი სიტყვით, დარღვეულია საკმაო საფუძვლის კანონი.

ზოგადი თეორიული მსჯელობა შორს წაგვიყვანდა. უფრო უპრიანია მივმართოთ ფაქტებს. ფაქტები კი სრულიად საპირისპიროს დადასტოებენ.

არავითარი კავკასიის ბრძოლები და შამილი, არც ლეგენდარული იმამის ცოლი და არც ანა დრანსეს წიგნზე „დაფუძნებული სიუჟეტი“—

გალაქტიონის „შუანეთა“ სულ სხვა შინაარსისა და ხასიათის პოემაა. ვიდრე მის განხილვას შევედგებოდეთ, ერთი წინასწარი შენიშვნა: კარგად გვესმის, ჭეშმარიტი კრიტიკოსი უნდა ერიდოს ნაწარმოების შინაარსის ვრცლად გადმოცემას, რადგან იგულისხმება, რომ მკითხველი იცნობს საანალიზო თხზულებას, ან იოლად მიუწვდება მასზე ხელი. მაგრამ ამჯერად

¹ გაზ. „განთიადი“, 1984, №10.

განსხვავებულ ვითარებასთან გვაქვს საქმე. რამდენადაც „შუანეთას“ სრული ტექსტი არ მოგვეპოვება (უფრო მეტიც; ერთი სტრიქონიც კი არ არის ცნობილი საზოგადოებისათვის), ჩვენი ვალია, ფრაგმენტებზე დაყრდნობით ვცადოთ მისი ნაწილობრივი რესტავრაცია. ციტატათა სიუხვეც იმით აიხსნება, რომ მკითხველს შედარებით ფართო წარმოდგენა შევუქმნათ პოემაზე, გალაკტიონის ხელწერაზე; რაც შეიძლება სრულად შემოვიტანოთ თხზულება სამეცნიერო ბრუნვაში.

ნაწარმოებში ხაში მთავარი მოქმედი პირია: ამილბარი, დონა და შუანეთა. დონა და შუანეთა დები არიან. სიკვდილის წინ დონა მეუღლეს – ამილბარს უმხელს თავის ეჭვებს. თუმცა უმჯობესია მოუხსმინოთ გალაკტიონს:

„დაღალული... ფერმიხდილი ხარეკელზე იწეა ქალი
და ფანჯრიდან მთვარის ნათელს გახცქეროდა ძილ-
გამკრთალი.

ამ დროს კარი გაიღო და შემოვიდა ამილბარი.

„როგორა ხარ, – კითხება, – რად არ გძინავს, ეს მითხარი“.
მგერამ ქალი ყურს არ უგდებს და თავის მხრივ კითხება:
„ჩემო კარგო, მე ვაშწნევ, რომ აქ ჩვენს ირგვლივ რაღაც
ხდება.

მე ვაშწნევ, რომ არ გიყვარვარ, შავი ნისლი მეხვევა გარს,
შენ ჩემი და, შუანეთა, განუსაზღვრელ გრძნობით გიყვარს...
ამაღა ყველაფერი და რას ეუბებ... ხელაუ, ვკედეები.

გამიფანტე მე ეს იჭვი, გამიფანტე გვეუდრები.

ჩემი დაა შუანეთა, ბევრი ვინმე მოუხიბლავს.

რა ვუყოთ, რომ ღამაზია და ცისფერი აქვს თვალები.

მე, მისი და, ავადმყოფი, ნუთუ აღარ გებრალდები?

რად არ იცი, რომ ეს იჭვი არ მისვენებს დაღალულ გულს...

ცივ სამარეს მივეცევი, დავივიწყებ ამ შავ უფსკრულს.

მგერამ შენში თუ გრძნობაა, თანაგრძნობის თუნდაც მცირე,
შემომწირე შუანეთა, საკუთარ ცოლს შემომწირე.

გახსოვს ჩვენი მეგობრობა, სიყმაწვილის გიჟი წამი?

ჩვენს სიყვარულს იმთავითვე ჰქონდა მტკიცე დასაბამი.

იმ ჩვენს პირველ მეგობრობის დაურღვეველ ფიცს გაფიცებ,
შემიბრალე! ჩემს წრფელ გრძნობას ამგვარად ნუ დაამიწებ.

ასე უცებ, უჩვეულოდ ნუ შეგჯავჰვავს გულის ხმები,

დაივიწყე შუანეთა, დაივიწყე გვეუდრები,

გახსოვს მეუდრო ღამეები, ჩვენ ერთად რომ ვატარებდით?

ერთუროს გარდა, გულის ფიჭრებს არავის არ ვაკარებდით?

ტკბილი იყო ის წამები, სიყვარულიც იყო ტკბილი,

ვერაფერს ვერ დაგვაკლებდა თვით სამარე, თვით სიკვდილი,

მოიგონე ის წარსული გაზაფხულის მზიან დღეთა.
მათ სახსოვრად დაივიწყე და ნუ გზიბლავს შუანეთა“.
სთქვა ეს ქალმა, აიწია, ნახად ყელი მოიღერა
და მდუმარ ქმარს იჭვიანად შავ თვალებში უწყო
რას ფიქრობდა, ვინ გაიგებს, ან რა გველი მის გულს
ღრღნიდა,

გადაემხო ხარეცელზე და სიმწარით აქვითინდა.
შეერთა ქმარი... გონს მოვიდა, გადაისო შუბლზე ხელი,
თითქოს სურდა გაეფანტა შავი ნისლი - აღუფხვრელი.
საყვედურის, წყნარ კილოთი დაიძახა: „ - დონა, დონა,
თუ შენ იჭვი გაწვალეხდა არ ვიცოდი, არ მეგონა.
არ მეგონა, თუ იმგვარად დაეუძღურდი მე შენს თვალში,
რომ შემეძლო უსაფუძვლოდ გამეცვალა სულ სხვა ქალში.
შუანეთაც შენი დაა, რისთვის ფიქრობ, რომ მას გული
ძველებური აღარა აქვს - ნათესაეთა მოყვარული?
ქმარა... დასცხრი! ნუ ქვითინებ და დამიგდე ბარემ ყური.
გეუბნები, უმართლოა ჩემთან შენი საყვედური.
ღმერთო ჩემო, ნუთუ მართლა იტანჯები, ასე დნები?
დაივიწყე! ყველაფერი უმართლოა, გეუბნები“.
სთქვა და სწრაფად გაიარა მოწყვნილი ქალის ბინა
აუტოკდა რაღაც გული და თვითონაც მოიწყინა“.

როგორც ვხვდავთ, კვანძი პოემის დასაწყისშივე იკვრება.
აშკარაა, რომ, ორიგინალური სიუჟეტის ნაწარმოებთან გვაქვს
საქმე. ბარემ იმასაც ვიტყვი, რომ „შუანეთაში“ „მესაფლავის“
ნოტები შეიცნობა, უფრო მეტიც, მაგრამ ამის შესახებ ქვემოთ.
მიყვებთ ნაწარმოების ძირითად ხაზს.

დონა გარდაიცვალა და ამიღბარისთვის სამყარო დაცრიელდა.
იგი მოგონებებით ცოცხლობს. ყველგან დონა ელანდება, ყველგან
მისი ხმა ესმის.

„დონა... ივრძნო ამიღბარმა, რომ დაობლდა მისი სული,
რომ ნუგეშად არ-რა შერჩა, ყარობია, გამარცხული.
მარტოდ-მარტო, უხალისო, ფოთოლივით ჩამოშკქარო
დროს ივონებს და თვალთაგან მოჩქრიალობს ცრემლის
ღვარი.

რაა მისთვის ეს სოფელი? რაა მისთვის ეს ქვეყანა?
არავინ პყავს ღონეშიხდილს, რომ სიამის უთხრას ნანა.
სიყვარული და სიცოცხლე ზეცას მისთვის დაუნანა,
წარიღო და განუსვენა სულთა თანა, სულთა თანა!“

ეს ადგილი „მესაფლავის“ ერთი პასაჟის ასოციაციას იწვევს.
გავიხსენოთ ამ ნაწარმოების გულმოკლული ვაჟი. როგორ დადის
ყოველდღე სასაფლაოზე და როგორ რინდება, როგორ უღამდება.

თვალეები და როგორ დნება სანთელივით...

გადის დრო და ჭრილობა ხორცდება. ამიღბარს მოაგონდა მომაკვდავი მეუღლის სიტყვები: თუ ვინმე ჩემს ადვილს დაიკავებს, დეე, ისევე შუანეთამო და მიდის ცოლისდასთან.

„დიდი ხნიდან კარ-ჩაკეტილს არ ახსოვდა მას ეს ქალი და პა, როცა დაინახა უნუგეშო, ფერ-მიმქრალი, გაუკვირდა, შუანეთა თითქო მხოლოდ ეხლა იცნო და არას დროს არ უნახავს, ის კი იყო და უშიზნო რაღაც ძალიან ასე ურცხვად გადახატა დონას სახე და სხეული, ფოთოლივით მოყოლილი, მოცახცახე... და ვე ცქერა, რომელიდანაც განდევნილა მტრობა-შური და ხელეები მოაფული, სუსტი - როგორც ფაიფური. ამიღბარი დონას ამჩნევს, გაცოცხლებულ დონას ხედავს. ხედავს, უცქერს და ახლო კი მიკარებას ვერ უბედავს“.

და კვლავ „მესაფლავის“ ანალოგია:

„მაგრამ ის სდვას და ჩურჩულებს: - შუანეთა, ყური მიგდე მინდა ყველა დავივიწყო, მინდა ჩემს ბედს შეუურიგდე დავივიწყო, ვინც რომ გუშინ უმიჯნოდ მაწყვნიდა და არას დროს არ დავტოვო მოღუშული ჩემი ბინა. შევჩვევი ზამთრის დღეებს... მოდი ჩემთან, ყური მიგდე მინდა ყველა დავივიწყო, მინდა ჩემს ბედს შეუურიგდე - დონა მოაკვდა! ზენაარო, ნეტარება მიეც მის სულს. მე კი წმინდად შევასრულებ იმის ასე დაბარებულს. გახსოვს, როგორ დაიბარა: რომ, რაც უნდა იქნეს, შენი უნდა ვიყვე ქმარი, და შენც კარვად იცი დანარჩენი. თუ შენცა გსურს, მე კი ხომ მსურს, ჩემი იყავ, გახდი ჩემი, ნუ მოშხამავ ჩემს სიცოცხლეს, წუთითაა მონაცემი. თუ შენცა გსურს, მაშინ მეც მსურს... შუანეთა, ყური მიგდე მინდა ჩემთან ბინადრობდე, მინდა ჩემს ბედს შეუურიგდე“

გახსოვთ ალბათ, თუ როგორ მორცხვად ზრის თავს „მესაფლავის“ პერსონაჟი: „მე შენი ვარ სამუდამოდ... წამოიყვანე სადაცა გსურს“... „შუანეთაში“ სხვაგვარად ვითარდება მოვლენები. ამიღბარი სასტიკ წინააღმდეგობას წააწყდება.

„ბევრი რამ სთქვა ამიღბარმა, საქმე კი ვერ მოაგვარა.

შუანეთას მხოლოდ ერთი სიტყვა აქონდა: არა, არა!“

სიტუაცია იძაბება და ჩვენს წინაშეც მრავალი კითხვა წამოიჭრება: მოტივირებულია თუ არა სიძისა და ცოლისდის სამიჯნურო ურთიერთობა? ყველაზე მეტად კი ის გვაინტერესებს - მტკიცეა თუ არა შუანეთას უარი? ან რამდენად ნაფიქვლიანია ამიღბარის „შებენა“? ამ კითხვებზე პასუხს ნაწილობრივ ეპოულობთ კიდევ ტექსტში და პერსონაჟებსაც მეტად ესხმება

ხორცი. თუმცა ისიც უნდა ითქვას, რომ ამიღობარის პორტრეტს შტრიხები აკლია. მისი მოქმედება ნაკლებ არგუმენტირებულია. ვიდრე ტექსტს დაგუბრუნდებოდეთ იქნებ დაეფიქრებულეთ: რატომ მიმართა პოეტმა ქართული ყოფისთვის ესოდენ უცხოურ უცნაურ ამბავს?

დაბეჯითებით შეიძლება ითქვას, რომ ეს ნამდვილად არ არის შემთხვევითი. იგი გალაკტიონის მსოფლგაგების, იმჟამინდელი ესთეტიკური შეხედულებების მკაფიო ანარეკლია.

გალაკტიონი მისწრაფვის ზოგადსაკაცობრიო საკითხების გარკვევისაკენ. ამდენად, ეროვნული თუ ისტორიული მომენტების აქცენტირებას გადაშვევტ მნიშვნელობას არ ანიჭებს. მას აინტერესებს, ვთქვათ, სიყვარული როგორც ასეთი და არა რომელიმე კონკრეტული ეპოქით დაღდასმული. ცხადია, ეს სრულიადაც არ გულისხმობს „დროისა და ადგილის“ საერთოდ უგულებელყოფას. გალაკტიონმა კარგად იცის, რომ ფრანგი, ინგლისელი, რუსი თუ ქართველი სხვადასხვაგვარად ავლენენ ტრფობას. მაგრამ ტრფობა ხომ თავისი არსით მაინც ერთია. მისი სურვილია სწორედ ეს არსი გამოავლინოს მთელი სიბრულითა და რაფინირებულად. სხვა საკითხია, რამდენად აღწევს მიზანს.

ყოველივე ამით აიხსნება ისიც, რომ პოემაში მითითებული არ არის არც დრო, არც ადგილი და პერსონაჟთა სახელებიც უცხო თუ ზოგადია.

პარალელი სააზროვნოდ: ერთხელ მოსკოვს, მწერალთა სოლიდურ შეკრებაზე, ორატორმა კალმოსნებს თანამედროვეობის დაუვიწვარი სახეების – მეფოლადის, მწველავის, რაიკომის მდივნის და ა. შ. შექმნისაკენ მოუწოდა. ერთმა ცნობილმა დრამატურგმა ვერ მოითმინა და უკმაყოფილოდ განაცხადა: – არ მესმის, რას ნიშნავს ყოველივე ეს. ჩემთვის გასაგებია მხოლოდ სიყვარული, სიძულვილი, შიში, ეჭვი...

ეს ფაქტი იმიტომ გავიხსენეთ, რომ ფართოდ გავრცელებული ტენდენციის გამჟღავნებელია. ბევრი შემოქმედისათვის ინდივიდი, უპირველეს ყოვლისა, ხაინტყრესოა არა როგორც კონკრეტული პროფესიის წარმომადგენელი, არამედ როგორც ადამიანური თვისებების, ვნებებისა და იდელების რელიეფურად გამოშატეული. ვ. ი. თავიდათაია ის, რაც ადამიანს ადამიანად წარმოაჩენს და არა ეთნიკური თვისებები.

გალაკტიონიც ამ პოზიციაზე დგას. „მსოფლიო მოქალაქის“ პორტრეტის დახატვას ესწრაფვის.

მივევთ სიუჟეტს.

როგორ ავხსნათ ამგვარი საქციელი? რა ვუწოდოთ მას? უუქსაეატობა? პირველი სიყვარულის ღალატი? ჭკმშიარტ

გრძობაზე ვნების გაბატონება? შურისძიება? ან იქნებ
გადაკტიონი სულ სხვას ამტკიცებს? იქნებ, მისი აზრით, პირველი
სიყვარული რჩება ნაღდ და გაუხუნარ გრძობად. მეუღლის
დაღუპვის შემდეგ სხვა ქალთან დაახლოება მხოლოდ არსებობის
შენარჩუნების მიზნით ხდება. არსებობა კი იმიტომაა საჭირო,
რომ გარდაცვლილი სატრფოს ხსოვნა უკვდავყო, პირველი
სიყვარული გააღმერთო.

შუანეთამ როცა ამიღბარის გადაწყვეტილება შეიტყო, არ
დააყოვნა.

„და მოვიდა შუანეთა ამიღბართან ერთხელ დილით

„- მე მოვედი, - ის ამბობდა, - ხომ ხედავ, რომ მე მოვედი.
თუ შენ ჩემით გენატრება გავიბრწყინდეს ისევ ბედი,
მე მოვედი! და აქ მოხვლა, რა ვუყო, რომ მეც არ მჯერა.

გულმა აღარ მომასვენა, ფიქრმა ვეღარ შემანერა
და არ მჯერა! ამიღბარო, ახა გქონდეს ჩემი გული,
რომ მარადის ვიქნე შენი უბოლოოდ მოყვარული“.

მე მოვედი! - შუანეთა ამ ერთ სიტყვას ხშირად სთვლიდა,
თითქო თვითონ მას უკვირდა, ამიღბართან რომ მოვიდა.

„აჰა“ - ფიქრობს ამიღბარი - რა ვუყოთ, რომ ჩემთან მოდი,
განა თვითონ არ გითხარი? მაგრამ შემდეგ არ გგლოდი.

ჰო, ხომ მოდი! რომ უღელი შეაჯვარო, ჩემთან სწიო
და შემთხვევაც ხომ ეხლა მაქვს, ძველი შური რომ ვიძიო.
სულ ცოტა ხნის, დასაცდელად, უარს გეტყვი, ისე მხოლოდ,
რომ ეს სიტყვა კვლავ შემეძლოს დავიბრუნო საბოლოოდ...

„- შუანეთა, - ამიღბარმა შუანეთას უთხრა ასე

- შუანეთა, უკეთესი ნეტა რაა შენს მოსვლაზე.

მაგრამ ცოტა დაგვიანდი, აღარ ძალმიძს შენი ქმრობა,

მხოლოდ ეს გულს ნუ გავიტყხს - გრწამდეს ჩემი
მეგობრობა.

რატომ წინად არ მახსინე შენი ფიქრი, გულის ძვერა?

ეხლა, ჩემო, გვიანდაა... ამაღამ მაქვს ჯვარისწერა.

„- გვიანდაა?“ „გვიანდაა!“ არ გგლოდი, უნდა გითხრა!“

ღმერთო ჩემო, ოჰ, რას ვამბობ - ამიღბარმა გაიფიქრა
და იმ წუთშივე მოემზადა, და ეძებდა სიტყვას სხვაგვარს,
რომ ფიქრი არ დაეშალა შუანეთას გულცივ ხარხარს.

„- ხა, ხა, ხა, ხა! ამიღბარო... ნუთუ მართლა შენ გვერთა,

შუანეთას გული შენ ერთს შეგეწირა, დაგვემონა?

შენზე მეტი საფიქრალი შუანეთას არ აქვს ვითომ -

სცდები, სცდები, ჩემო კარგო, სულელი ხარ და იმიტომ.

რომ ერთბაშად დამეცინა და მეცინა სიხალისით.

გუშინ მხოლოდ ამას ვგრძობდი და დიდხანს არ დამეძინა.

მე მოვედი, შენი სახე ერთხელ კვლავ რომ დამენახა?
ამდღამ გაქვს ჯვარისწერა? ხა, ხა, ხა, ხა, ხა, ხა, ხა, ხა, ხა,
და ხარხარით შუანეთა ოთახისას გასცდა კარებს,
დაცინება ხომ მრავალია, მაგრამ ასე ვინ ხარხარებს?

ურთულესი გარდასახვანი, უშიაფრესი განცდები, როგორც
ჩანს, შუანეთას მართლაც უყვარს ამიღბარი და მისი პირველი
უარი გულწრფელი არ ყოფილა. ჩანს, იგი საზოგადოებრივ აზრს
უწვევდა ანგარიშს და საკუთარი გრძნობის ჩახშობას ცდილობდა.
მაგრამ ვერ შეძლო. სიყვარული ყოველის დამთრგუნველი
აღმოჩნდა.

ამიღბარის უარმა შუანეთა გამოაფხიზლა. თავმოყვარეობა
უკიდურესად გაუღიზიანა. უეცარი მეტამორფოზიც სიამაყემ
განაპირობა, მაგრამ შეუძლებელია ასე გაგრძელდეს და მომდევნო
თავში ჩვენ ვხედავთ, რომ ჯვარისწერის ქამს შუანეთა ჯიქურ
მიეჭრება პატარძალს.

„შუანეთამ აღვზნებულმა მკაცრად ხასძლოს სტაცა ხელი
და მკაფიო ხმა გაისმა: ჩამოდექი, აქ რას ელი?

ღირსი არ ხარ ღონას ნაცვლად იდგე წმინდა ამ ტახტარში.
ღირსი არ ხარ ამიღბარის რომ გეჭიროს ხელში ხელი“.

ჯვარისწერა მაინც შედგა. ნეფე-დელოფალი მილოცვებს
იღებენ.

„და ამიღბარს ამ დროს ვილაც წყნარ ჩურჩულით ეუბნება:

„არ იცოდი, ამიღბარო, თუ რამდენი დღე და ღამე

მიტაცებდა შენზე ფიქრი... მეოცნებე, მოკამკამე“...

ხმა დანუშდა. გაინაბა. ამიღბარმა სწორედ მაშინ

მოიხედა და გაკვირდა... შუანეთა იდგა მის წინ“.

ტექსტი აქ წყდება. პოემის ფინალი ჩვენთვის უცნობია, მაგრამ
ზოგიერთი დასკვნის გაკეთება მაინც შეიძლება.

გალაკტიონი ამ პერიოდში სიყვარულის მარადიულობისა და
ტრფობა-სიცოცხლის ურთიერთობის ურთულესი პრობლემების
გარკვევას ესწრაფვის.

ისიც საგულისხმოა, რომ ახალგაზრდა მწერალი ყურადღებას
ამახვილებს სიყვარულისა და სიამაყის მიმართებაზე, გრძნობის
გაუმხელობაზე, რაც ყალბად გაგებულ თავმოყვარეობით არის
მოტივირებული და რასაც სავალალო შედეგი მოაქვს. ამგვარი
პოზიცია პოეტისთვის გასაგებია, მაგრამ მიუღებელი.

როგორც ჩანს, საზოგადოების გარკვეულ ნაწილში მოდად
იყო ქცეული სიყვარულის გამხელისადმი ნიმილისტური
დამოკიდებულება. ეს აღელვებს და აღშფოთებს გალაკტიონს.

თავს ნებას მიეცემ მთლიანად მოვიტანო გალაკტიონის ერთი
უცნობი პროზაული ნაწარმოები, რომელიც, შეიძლება ჩვენი
მოსაზრების გასამაგრებლადაც გამოვლეს.

მწუხარება

მე ვუთხარი ზულეიმას რომ მიყვარს, რომ არ შემიძლია უიმისოდ სიცოცხლე და თან დაეუმატე:

- გამომეც ცოლად!

- როგორ? - შეკივლა ზულეიმამ...

- ისე, ჩემო კარგო, არ შემიძლია.

- ხა, ხა, ხა, ხა! გადაიხარხარა მან, მაგრამ სწრაფადვე სერიოზული სახე მიიღო, გაკვირვებით შემომხედა და გაყინული სულგრძელობით მითხრა...

- მე სიყვარულისა არა მწამს-რა! აბა როგორ შეიძლება ცოლად გამოგვეც, ისეც, ასეც. აი თუ გინდა, დაემეგობრდეთ...

- მე მეგონა, ვიყავით კიდევ მეგობრებად...

- არა, ამის შემდეგ! ამის შემდეგ... ხა, ხა, ხა!

ორი წელიწადი გავიდა. ამ ორ წელიწადში, ვინ იცის, ხად არ დაეხეტიალობდი. ცხონებულმა კეინემ წამალიც მასწავლა: როცა სიყვარულში დამარცხდები, წადი, იმღო ზაურე, სანაძლეოს ვდებ, სულ რამდენიმე თვეში დაგავიწყდება ყველაფერიო. მე კი მაინც არა დამავიწყდა რა... ისევ დაებრუნდი იმ ქალაქში, სადაც ზულეიმა მკვლევბოდა... ის ღიმილით შემომხედა და მითხრა:

- ხად დაიკარგე ამდენი ხანი? ღმერთმანი, მიყვარხარ... წამოყვანე სადაცა გსურს, თუნდაც ცოლად.

- როგორ? - შეესძახე მე...

- ისე, ჩემო კარგო, არ შემიძლია.

- ხა, ხა, ხა, ხა! გადავიხარხარე, მაგრამ სწრაფადვე სერიოზული სახე მივიღე, გაკვირვებით შევხედე, და თითქო სულგრძელობით ვუთხარი:

- მე სიყვარულისა არა მრწამს - რა! აბა, როგორ შეიძლება ცოლადაც წავიყვანო, ისეც, ასეც... აი, თუ გინდა, დაემეგობრდეთ... ხა, ხა, ხა.

ღმერთო ჩემო, ორივეს ერთმანეთი გვიყვარდა და ორივენი ერთმანეთის სიყვარულს დაეცდინოდით, ფეხ-ქვეშ ვსთვლავდით".

დავუბრუნდეთ „შუანეთას“. რას ქადაგებს გალაკტიონი? სამწუხაროდ, ვიდრე პოემის სრული ტექსტი აღმოჩნდებოდას, ვარაუდით უნდა დაეკმაყოფილდეთ. არსებული მასალა უფლებას იძლევა, ვიფიქროთ, რომ „შუანეთაში“ „მესაფლავის“ კონცეფცია შეინიშნება. იქნებ ამანაც განაპირობა მისი გამოუქვეყნებლობა?!

საქმე ისაა, რომ „შუანეთას“ დიდი ნაწილი შემორჩენილია. პირველი თავი გადათეთრებულია კიდევ. ამდენად, იბადება კითხვა:

რატომ არ დაუბრუნდა პოეტი მას? გალაკტიონისთვის ძნელი არ იყო ტექსტის აღდგენა-გამართვა. საერთოდ, მას სწევოდა ძველი ნაწარმოებისა და პირველი მონახაზების გადაკეთება-გამორეკონსტრუქცია.

საფიქრებელია, ამის მიზეზი უკმარისობის გრძობა იქონს. ალბათ „შუანეთამ“ შემდეგ და შემდეგ ვერ დააკმაყოფილა მგოსანი. იქნებ ჩათვალა კიდევ, რომ იგივე თვალსაზრისი სხვა ნაწარმოებში უფრო ემოციურად და დამაჯერებლად აქვს გამოთქმული?!

ერთი სიტყვით, გალაკტიონი არასდროს დაბრუნებია „შუანეთას“, მისი არც ერთი სტროფი არ გამოუყენებია. ამგვარი ინდიფერენტობი პირველი როდია. პოეტმა ასევე უარი თქვა „ლეგენდის“ პუბლიკაციაზე.

ყოველივე ზემოთქმული უფლებას გვაძლევს დავასკვნათ, რომ ახალგაზრდა გალაკტიონის გემოვნება და მხატვრული ოსტატობა დღითიდღე იზრდება. იგი დარწმუნებულია საკუთარ სიძლიერეში, რაც აპირობებს ღირებულებათა რადიკალურად გადაფასებას.

ამრიგად, ყალიბდება შემოქმედის ორიგინალური ტიპი – თვითკრიტიკული, დაუკმაყოფილებელი და შემტევი.

„და დედოფალი აღვა,
ელვამ დაღუნა ციემა;
ახე გავიდა გვალვა,
ახე მოვიდა წვიმა...“

განმარტებული
წ. ი.
განმარტებული.
წ. ი.
განმარტებული.
წ. ი.
განმარტებული.
წ. ი.

¹ გ. ტაბიძე, თხზ., ტ. I, გვ. 277.

„ვინ არის ეს ქალი ასეთი ცისფერი?“

«...Только влюбленный имеет право на звание человека» А.Блок

ბაირონის სატრფო ტერეზა გამბა ამტკიცებდა, რომ მისი მიჯნური სულაც არ იყო კოჭლი. ამტკიცებდა მთელი გულწრფელობითა და პოეტური გატაცებით. ინგლისელი ღორდი ფიზიკურად და სულიერად უღამაზესი მამაკაცი გახლდათ, ხორცშესხმული სიკეთე, მიწაზე მოარული ანგელოზიო.

შეიძლება ზოგიერთმა ირონიულად გაიღიმოს: ბაირონის სიკოჭლე ფაქტიაო. პო! მაგრამ ნუ ვიქნებით ესოდენ შეუვალნი და გულდახშულნი, მკაცრად ნუ განვხვით კუპიდონის რჩეულ ღამაზ ქალბატონს. მოდით, სხვა კუთხითაც შევხედოთ ტერეზა გამბას მტკიცებას.

ეს ხომ სიყვარულის აპოთეოზია.

ეს ხომ ერთი თვალის დაბრმავებაა, რათა ათი გულით ხედავდე.

გარდახული ამბავი ოლია ოკუჯავასა და გალაკტიონის უკიდვანო სიყვარულმა გამახსენა. ოლიასათვის არ არსებობს გალაკტიონზე უფრო მაღალი, უფრო მგრძნობიარე, უფრო წმინდა და ღამაზი მამაკაცი. გალაკტიონმაც ოლიას სახით იპოვნა თავისი ოცნების ქალიშვილი, რომელსაც ყველაზე მომხიბლავი ღიმილი აქვს, ყველაზე განათლებული და გონიერია...

სიყვარული არ არსებობს იდეალიზაციის გარეშე, მაგრამ გაღმურთება მაშინ უფრო დიდია, როცა იგი რეალურ მონაცემებს ეყრდნობა. ოლიასა და გალაკტიონს კი საკმაოზე მეტად ჰქონდათ ეს მონაცემები. ნურც იმას დავივიწყებთ, რომ სიყვარული დაფარულის აღმოჩენის ნიჭია, რაც გარეშე თვალისთვის იდალიზირებულიად

ჩანს, სინამდვილეში შეიძლება სულაც არ იყოს ასეთი. სიყვარული სირღმისეული წვდომის უნარს უმახვილებს მიჯნურებს. გალაკტიონი და ოლია ურთიერთში სჭერებტდნენ იმასაც, რაც სხვებისათვის შეუმჩნეველი ან გაუხაზავი იყო.

რომანი 1912 წელს იწყება. იწყება და არ მთავრდება, რადგან გალაკტიონმა თქვა. მე შენ მიყვარხარ. ეს კი ნიშნავს: ოლია მარად იცოცხლებს, მათი გრძნობა არ გახუნდება.

ოლიას დღიურში ჩაუწერია: „ზაფხული იდგა. ქუთაისის ბაღში ახალგაზრდა მასწავლებლები შეკრებილიყვნენ. შენ მუქი ბლუზა გეცვა და გახუნებული ქუდი გეხურა. მხრებში მოხრილი



ოლია ოქუაშვილი

ჩანდი. სახეზე გეწერა, რომ ცხოვრება ტანჯვად გადაგქცევდა/ სხვებს არ ჰგავდი და ამიტომაც მიმიზიდე. ვიკითხე, ვინ არის მეთქი. მიპასუხეს: პოეტი, ეს-ესაა მიატოვა მასწავლებლობა და შემდეგ სულ შენზე ვფიქრობდი. ჩაივლიდი და აგედევნებოდი. შენ ალბათ ვერც მამჩნევდი. ერთხელ ნასუამი იყავი და ხმამაღლა საუბრობდი. წამოგცდა, დღეს მატარებელით მივემგზავრებიო. ვერ მოვითმინე და ვაგზალზე გამოვედი. ვაგონში იდექი. თვალი ვერ მოგწყვიტე. მერე, შარშან ზაფხულში გნახე, შემდეგ - საშობაოდ, სააღდგომოდ. ამრდილივით დაგსდევდი და ვამბობდი. «O! Уто Т-мне». მეტს ვერაფერს ვახერხებდი. გაცნობაც უცნაურად მოხდა, თითქოს იძულებით: „მერე მინდოდა სულ შენთან ვყოფილიყავი, მელაპარაკა. ეხლა გაეჩერდები, რადგან დანარჩენს ვერ გატყვი, ვერა. ეხლა, მინდა გნახო! ვეიფლები, მინდა ჩემთან იყო. მინდა და რა დანაშაულობაა ეს, აბა მითხარი!.. მე არაფერი არ მიშლის, ხედავ? მოდი - ოხ, რა წყევლას და რა ხეწუნას არ გითვლი, ჩემო, მაგრამ შენ არ გესმის! რათ, რათ, მითხარი. ოხ! როგორ გამამაგრებდა ერთი შენი ნახვა“.

დღიური დაწერილია 1913 წელს, როცა რომანი ახლად დაწყებული იყო და განცდაც გამძაფრებული; როცა ოლია გალაკტიონისაგან მოშორებით, ჭიათურაში იმყოფებოდა. თუმცა, კაცმა რომ თქვას, მათ ურთიერთობას არასდროს მიუღია მღორე ხასიათი; საესე იყო აფეთქებითა და ფიქერვერკებით.

ამბობენ: სიყვარულს, როგორც კოცონს, შეკეთება უნდა, თორემ ნაქრებაო. გალაკტიონისა და ოლიას ურთიერთობას კატალიზატორი არ სჭირდებოდა. რაც უპირველეს ყოვლისა, მათი ბუნებით, ხასიათით, ყოველდღიურ ყოფაზე ამადლებით მოვლენების მწვავედ განცდის უნარით აიხსნება. ჭაბუკ გალაკტიონს ჰქონდა გატაცებები. ერთხანს მოხიბლულიც იყო რაისა ჩიხლაძით, მაგრამ, ვფიქრობ, ეს მაინც არ იყო ყოვლისწამლექავი გრძნობა. რაისასადმი ვაგზავნილ ბარათებში თავშეკავება, საქმიანი ტონი ბატონობს. არ იგრძნობა ხელი მიჯნურის გულისფეთქვა. რაისამ ვერ, თუ არ თანაუგრძნო ახალგაზრდა პოეტს და მათ შორის სწრაფად აღიმართა ყინულის კედელი. ალბათ ეს იმანაც განაპირობა, რომ რაისასაკენ ლტოლვაში არსებითად აღვხვების დაკმაყოფილებისაკენ სწრაფვა მძლავრობდა. თუ არ ვცდებით, ეს იყო არა სიყვარულის მოსვლა, არამედ სიყვარულთან მისვლის მცდელობა. ამიტომაც აღმოჩნდა რაისა ჩიხლაძესთან ურთიერთობა ესოდენ ხანმოკლე. გალაკტიონი უფრო და უფრო გრძნობს, რომ უსიყვარულოდ არსებობა შეუძლებელია.

„უსიყვარულოდ
მზე არ სუფევს ცის კამარაზე,
სიო არ დაჰქრის, ტყე არ კრთება
სახიხარულოდ...
უსიყვარულოდ არ არსებობს
არც სიღამაზე,
არც უკვდავება არ არსებობს
უსიყვარულოდ“.

ჩნდება დაუოკებელი მოთხოვნილება გულის გადაშლისა. გულის გადაშლა კი მხოლოდ უძვირფასესი და თანამგრძობი ადამიანის წინაშე შეიძლება. გალაკტიონი ეძებს პიროვნებას, რომელსაც შესნივლებს და რომელიც მოუოხებს; ეძებს მეგობარს, რომელსაც საკუთარი აღტაცებით აანთებს. გალაკტიონისთანა ადამიანები ვერ ისვენებენ, განუზომლად იტაჯებიან, ვიდრე საკუთარ დარდს არ განასხვისებენ, ვიდრე თავიანთ „ავადმყოფობას“ სხვებს არ გადასდებენ. მართალია, პოეტი ლექსებშიც ამჟღავნებს ფიქრსა და ოცნებას, მაგრამ ეს მაინც არ კმარა. ყველაფერს ვერ ჩაატევ სტრიქონებში, ყველაფერზე ვერ დაწერ ლექსს. პოეზია ყოველდღიური წერილმანების ანარეკლი როდია. მას მრავალი ადრესატი ჰყავს და სპეციფიკურ კანონებს ემორჩილება. ადამიანს კი სჭირდება მეგობარი, ჭკვიანი მეგობარი, რომელსაც ცხოვრებისეულ წერილმანებზე ესაუბრება, რომელსაც ყოველდღიურ სიხარულს თუ დარდს გაუზიარებს და, რაც მთავარია, მეცხრე ცაზე აიყვანს.

ასე ფიქრობს გალაკტიონი და უკვე არა მხოლოდ სხეულით, არამედ სულით, გონებით, მთელი არსებით ეძებს ტოლს. მგონის რჩეული მარტოოდენ გარეგნობით კი არა, ფსიქიკითაც უნდა იყოს მომხიბლავი. მან ნახევარტონებში უნდა გაუგოს პოეტს. სწორედ ასეთი აღმოჩნდა ოლია სტეფანეს ასული ოკუჯავა – ქუთაისის ქალთა გიმნაზიის კურსდამთავრებული. იგი საშუალო სიმაღლისაა, გამხდარი. შვენის შუაზე გაყოფილი თმა. ტუჩის კიდესთან შეტეხილი დიმილი ბავშვურ გულუბრყვილობასა და ფარულ სევდასაც ამჟღავნებს. მორცხვობას

სახეზე ხელის აფარებითაც ავლენს. თვალები? თვალები კი პირდაპირ გენიალური აქვს; როგორც მათი პირველი ხილვით გაოგნებულ ტიცინას აღმოხდება. გალაკტიონს მოსწონს ოლიას დაუდევარი ბუნება, სიცოცხლის სიყვარული. «Она была собой»,

¹ გ. ტაბიძე, თხზ., ტ. I, გვ. 173.

порой веселая, порой очень грустная»¹.

ამას შემდეგ იტყვის გალაკტიონი, დიდი ხნის შემდეგ ამჯერად კი თვითნაღლისა და განსჯის თავი არ ატყის იგი მთლიანად გადაეშვა სიყვარულის შორეულში. დღე ოღიაზე ფიქრით არის გაცისკროვნებული, ღამე კი მასზე ოცნებით შესუდრული. გალაკტიონი ოღიათი სუნთქავს. ეს კარგად ჩანს პირად ბარათებში. მაგრამ, მოდით, ვიდრე მათზე შევჩერდებოდეთ, ოღიას ცხოვრების გზას გავაღვეწოთ თვალი.

სტეფანე და ელისაბედ ოკუჯავეების ოჯახის „იშვიათი პატიოსნება მთელს ქუთაისში იყო ცნობილი“. ასევე «Исключительной революционности этой семьи знали все»². ოღიას უფროსი ძმა მიხეილი – გამოსენილი პარტიული და სახელმწიფო მოღვაწე – ერთხანს საქართველოს კაცენტრალური კომიტეტის მდივნად მუშაობდა. ფართო განათლებისა და ცინცხალი ნიჭის მქონეს დიდ პატივს სცემდნენ. ოჯახში მისი კულტი იყო და უმრწემესნიც ძმის კვალს გაჰყვნენ – ძველი ქვეყნის დანგრევა და ახლის აშენება დაისახეს მთავარ მიზნად. ოღიას წერილებსა და დღიურებში ხშირად ფიგურირებს მიხეილის სახელი, მაგალითად, „საყვარელო მიშა! შენ მაინც იყო ახლა აქ იმდენი კითხვა გაიძინდა, მინდა ვინმეს ვეკამათო მის გარშემო, მაგრამ ასეთი არავინ არის აქ. ეს კითხვები ძალიან მაწუხებს, განსაკუთრებით ფრაქციული და ნაციონალური.

შენგან ველი პასუხს ჩემს კითხვებზე. რა აზრის ხარ მათზე? როგორ მინდა მალე მივიღო პასუხი»³.

ისიც უნდა ითქვას, რომ დედმამიშვილები ურთიერთისადმი ფანატიკური სიყვარულით იყვნენ გამსჭვალულნი.

ოღიამ 1910 წელს დაამთავრა ქუთაისის ქალთა გიმნაზია და პედაგოგად გაამწესეს ჭიათურაში. აქ მან მალე მოიპოვა სიყვარული და პატივისცემა. მონაწილეობდა სპექტაკლებში, ხელმძღვანელობდა ლიტერატურულ ჯგუფს, ეწეოდა მარქსიზმის პროპაგანდას. 1912 წლის 23 სექტემბერს დღიურში ჩაუწერია: „მთელი დღე ან სკოლაში ვარ, ან თეატრში“.

1916 წელს მიემგზავრება მოსკოვს და სწავლას აგრძელებს ქალთა უმაღლეს კურსებზე. 1918 წელს დაამთავრა

¹ ოღია ოკუჯავეას დღიურები და მიმოწერა გალაკტიონთან, 1987, გვ. 35.

² «Известия ЦК КПСС», 1990, №11, ст. 127.

³ ოღია ოკუჯავეას დღიურები და მიმოწერა გალაკტიონთან, 1987, გვ. 61.

სცენისმოყვარეთა კურსები. ოღია მოსკოვში გამართული პირველი შაბათობების აქტიური მონაწილეა.

საგულისხმოა, რომ სწორედ აქ მიიღეს იგი 1917 წ. ^{რევოლუციის} წევრად. ოღია მოსკოვში მნიშვნელოვან საზოგადოებრივ საქმიანობას ეწევა. 1917 წლის მარტამდე სახალხო განათლების კომისარიატში მუშაობს საქმისმწარმოებლად. 1919 წლის აპრილიდან თითქმის წელიწადნახევარი მოსკოვისა და მოსკოვის ოლქის სამხედრო კომისარიატის განყოფილების გამგეა. 1921 წელს ბრუნდება საქართველოში და სამსახურს იწყებს განათლების სახალხო კომისარიატში. მალე მუშათა და გლეხთა ინსპექციის ინსპექტორად აწინაურდებიან. ერთხანს აჭარაშიც მოღვაწეობდა საოლქო კომიტეტის ქალთა განყოფილების გამგედ. 1929-32 წლებში გადასახლებული იყო შუა აზიაში. 1932 წლის ოქტომბრიდან კვლავ თბილისშია. 1937 წელს მეორედ აპატიმრდებიან და ჯერ იაროსლაველში იხდის სასჯელს, 1939 წლიდან კი ვლადიმირში. მისი უკანასკნელი დღეების შესახებ არაფერი ვიცოდით. ახლახან კი ყველაფერს მოუფინა ნათელი. ოღიას გადასახლების ბოლო ადგილი ორიოლი ყოფილა.

ტრეზნიანი გადახვევა: კომუნისტური რეჟიმის დამხობის შემდეგ შესაძლებელი გახდა სუკის მასალების გადათვალისწინება. ლიტერატურული მუშეუშის თანამშრომელმა ნინო ხოფერიამ ოღია ოკუჯავას „საქმეები“ მიხევნა. საქალაქში პორტრეტიც იყო ჩაკრული (აღბათ სიკვდილისწინა). ტყაპუჭიანი, საოცრად დამაბუნებელი მოხუცი ქალი. ნაოჭები, ღარები, ტყავადაკრული ყვრიმალნი... თვალები? სად გაქრა ის ფანტასტიკური თვალები ასე რომ აფრქვევდა გზნებასა და ცეცხლს.

შემძრა ამ პორტრეტმა. სამწუხაროა, რომ ეს „საქმე“ აორთქლდა, თორემ ისიც კი იკმარებდა მავანთა და მავანთა ინკვიზატორობის დასადასტურებლად.

1941 წლის 6 სექტემბერს სსრკ შინაგან საქმეთა სახალხო კომისარს ლ. პ. ბერიას მიუმართავს თავდაცვის სახელმწიფო კომიტეტისათვის, ი. ბ. სტალინისათვის: - საბჭოთა კავშირსა და გერმანიას შორის საომარი მოქმედების დაწყებასთან დაკავშირებით ყველაზე მეტად გაბოროტებული ნაწილი დამნაშავეებისა პატიმრებს შორის ეწვეიან მარცხმოსურნეობით აგიტაციას. ისინი ესწრაფვიან ციხიდან გაქცევას და ძირგამომთხრელი მუშაობის განახლებას.

გიდგენთ 170 კაცის სიას. ისინი დაპატიმრებულნი არიან ტერორისტული, ჯაშუშურ-დივერსიული და სხვაგვარი კონტრრევოლუციური მუშაობისათვის. შინაგან საქმეთა სახალხო კომისარიატს აუცილებლად მიაჩნია მათი მოსპობა.

ი. ბ. სტალინს იმავე დღესვე მიუღია შესაბამისი გადაწყვეტი-



ლება. არავითარი გამოძიება, არავითარი სასამართლო.

11 სექტემბერს 157 კაცი ორიოლიდან ათი კილომეტრით დაშორებულ შედედევის ტყეში წაუყვანიათ და დაჭერენიათ მათ შორის იყო ოლიაც: «№87 – Окуджава Ольга Степановна, 1888 года рождения»¹.

ოლია რეაბილიტირებულია სიკვდილის შემდეგ. როგორც გალაკტიონი წერს: «Никогда она не была троцкисткой. Ленин был знаменем всей ее жизни»².

მართლაც რომ ასე იყო. გაეიხსენოთ 1918 წლის 31 აგვისტოს ჩანაწერი, ოლია არა მხოლოდ გამეხებულია, არამედ შეშფოთებულიც. იგი უდიდეს ტკივილს განიცდის. „...არ მინდა დავიჯურო, ნუთუ კონტრრევოლუციამ მოსკოვამდე მიაღწია? ნუთუ ის ისე ძლიერია, რომ ასე აშკარად და თავხედურად გამოდის? ნუთუ ლენინი, ლენინი – პროლეტარიატის ბელადი, მძიმედ არის დაჭრილი? ნუთუ ეს არაადამიანური ძალის მქონე ადამიანი, ღარიბების ქომაგი, რუსეთის რევოლუციის ხელმძღვანელი – ლენინი დაჭრილია თეთრების მიერ? ნუთუ პროლეტარიატის მტრებს დღესასწაული დაუდგათ? ნუთუ მტრის მიერ გასროლილი ორი ტყვია ჯერ კიდევ მის სხეულშია? ის ტყვიები, რომლებსაც თეთრების ხელი შეეხო. ნუთუ ყველაფერი დამთავრდა? ნუთუ იღუპება რევოლუციის მონაპოვარი?! დაიწყეს პროლეტარიატის ხელმძღვანელების ხოცვა? დღეს პეტროგრადში ჩვენები არიან. ურიცკი მოკლა, ინგლის-საფრანგეთის მთავრობის მიერ მოსყიდულმა სტუდენტმა“³.

სხვათა შორის, არა თუ შეიღებები, დედაც – რიგითი დიასახლისი ეთაყვანება ლენინს. 1925 წლის ნოემბრის დამდეგს ელისაბედი მოსკოვსაა. თავის უპირველეს მოვალეობად მავზოლეუმში მისვლა ჩაუთვლია და ქალიშვილს, ოლიას, თრთოლვით სწერს: „ლენინი ვნახე. იმის დანახვაზე ვერც ცრემლი მოვიკავე. ყოველი სხეული მიკანკალებდა. როგორც მძინარე, ისე წვეს“⁴.

დავუბრუნდეთ ოლიას დღიურს.

ქალი გულწრფელია. მას სჯერა, რომ პროლეტარიატის დიქტატურა კაცობრიობას ბედნიერებას მოუტანს. ეს იდეა

¹ გ. ლეონიძის სახელობის საქ. ლიტ. მუზეუმში, გალაკტიონ ტაბიძის ფონდი, საქმე №15-21.

² ოლია ოკუჯავას დღიურები და მიმოწერა გალაკტიონთან, 1987, გვ. 65-66.

³ იქვე, გვ. 126.

⁴ იქვე, გვ. 138.

ბატონობდა ოკუპაციების რევოლუციურ ოჯახში და უმცროსი
დაც ამ სულისკვეთებით იზრდებოდა. ოლია გამონაკლისი არ
იყო. ღვინის აღმერთებდნენ ათასები, მილიონები...

სხვათა შორის, განსხვავებულ დამოკიდებულებას ამტკიცებდა
სტალინისა და მის სატურველმტვირთელებისადმი. გადასახლებაში
საჯაროდ ღანძლავდა თურმე „ბელადს“. ამიტომაც სასჯელის
ვადა გაუდიდეს. იქნებ ესეც იყო მიზეზი, რომ თავის დროზე
ოლიას, როგორც პარტიის წევრის, რეაბილიტაციაზე უარი თქვენს.

ახლა, XXI საუკუნის გადასახედიდან ადვილია განსჯა,
მოვლენების შედარებით ზუსტი კვალიფიკაცია. მაშინ კი...
ამიტომაც ნუ ვიქნებით მოთუთხოუხენი, თავი შევიკავოთ ენაზე
მომდგარი ცხარე ეპითეტებისაგან, მიუხედავად დიალექტიკის კანონის.

გავვიგრძელოთ საუბარი. ჩვენთვის კი ამჯერად იმის გარკვევა
როდია არსებითი, თუ რამდენად მართალი იყო ოლია, არამედ
იმის ხაზგასმა, რომ იგი ხაოცრად გულწრფელი და ემოციურია,
შინაგანად გაუბზარავი და სიმართლისათვის მებრძოლი.

არ შემცდარა გალაკტიონი, როცა მას „დიდი ადამიანი“
უწოდა. გალაკტიონი მოხიბლული იყო ამ ქალის დემოკრატიული
მისწრაფებებით. ცხადია, ამნაც გარკვეული როლი შეასრულა
ცოლ-ქმრის სულიერ დაახლოებაში.

ოლია იმ რჩეულთ ეკუთვნის, რომელთაც ძალუძთ ულამაზეს
გრძნობაში განხავევა, რომელთაც შეუძლიათ თვითშეწირვა.
ტექნიკური სიყვარული კი ამგვარ ზვარაკსაც მოითხოვს ხოლმე.

„ვინც არ უნდა შეაღერებოდეს, ვისაც არ უნდა ეუყვარდებ
ჩემი სული შეიგრძნობს მხოლოდ შავი, ყინულოვანი ვარდის სუნს,
– მხოლოდ შენს სიყვარულში, შენს თაყვანისცემაში შევიცნობ
გაზაფხულის უნაზეს მშვენიერებას და ვტკრეტ მარადისობას
მთლიანად ყვავილების სურნელში ვარ ჩაფლული. ვითრობი
შენი მშვენიერების ნექტრით.“

შენი თვალებით მოწყვნილი და ნაზი იუბი მიმზურენ. გკოცნი,
ვითრობი და კვლავ თავდავიწყებით გკოცნი“.

„ძალიან ძნელია უშენობა, გალ! ტკივილებამდე ძნელია!
ცრემლებს ძლივს ვიკავებ. თურმე, როგორ უგონოდ მყვარებიხარ,
ჩემო გალ! გკოცნი უსასრულოდ... შე შენი მკერდი ცრემლით
დაენამე, გალ. მინდა, ძლიერ, ძლიერ მინდა ჩაგეკონო, ისე ძლიერ,
რომ...“²

¹ ოლია ოკუპაციას დღიურები და მიმოწერა გალაკტიონთან, 1987, გვ. 161.

² იქვე, გვ. 160.

„კარგად დაიხსომე. – ოღია შენი სიყვარულით არახოდეს არ დაიდლება!“¹

„ძვირფასო გალიკ, გული მეწურება, გული მიჭირვარებს უნდა შეიტყოს შენი ჯანმრთელობის, შენი ცხოვრების ამბავი. გოცნით, გოცნით შენ და შენს ქმნილებებს!“²

„ხო, მე არ ვიღებ შენს წერილებს. ო, მე მიყვარს დუმილი, მაგრამ რარივ ძნელია მთელი სიცოცხლე ესაუბრო დუმილს. არ გსაყვედურობ. არ არის საჭირო! მაინც მოგწერ და მოგწერ ბარათებს, ხანამ ცხოვრების ქარიშხალი სამუდამოდ არ დამიხუჭავს თვალებს“.³

შეუძლებელია ეს სიტყვები გულგრილად წაიკითხო. ჩაეცქერო ნაწერს და ასოები თანდათან ფერმკრთალებდა, ბურუსში იკარგება. მერე ბურუსიდან ოღიას სახე გამოკრთის. ნიკაპქვეშ ცრემლთა ორი ნაკადი ინასკვება. ქალი ღურწამივით ქანაობს...

ოღია უჩვეულო ტკივილით განიცდიდა გალაკტიონს. მთრთოლვარე ბუნების ქალი მარადიული შიშით იყო შეპყრობილი, შიშით გალაკტიონზე.

1927 წლის თებერვალი. გალაკტიონი ბათუმს, შემდეგ კი სოხუმს მიემგზავრება. იგი საგაზაფხულოდ არის გამოწყობილი და ითოშება, რასაც სასოწარკვეთამდე მიჰყავს ოღია. მის დღიურში ჩნდება ჩანაწერი: „როგორც გაზეთებში იუწყებიან, სოხუმში შენი გამგზავრების დღეს ქარიშხალი არ ყოფილა ზღვაზე, მაგრამ ციოდა. ალბათ, როგორ კანკალებდი. სული მეყინება, როცა ამაზე ვფიქრობ“.⁴

გალაკტიონი მოსკოვში გამოიძახეს. ოღია აეროპორტამდე აცილებს მას. მერე შინ ბრუნდება და იტანჯება კელავ იმის გამო, რომ შესაძლოა საყვარელი კაცის სიცოცხლეს საფრთხე ელის.

„ძვირფასო გალიკ, გალიკ, შენ მიფრინავ და თან მოგდევს ჩემი სიყვარული, ჩემი დარდი, შიში და ღოცვა – რათა უფალმა დაგიფაროს შენ! შენ უნდა იცოცხლო, დაე, ბედნიერი იყოს ეს გადაფრენა“.⁵

საკმარისია გალაკტიონმა დაიგვიანოს და ოღია ადგილს

¹ ოღია ოკუჯავას დღიურები და მიმოწერა გალაკტიონთან, 1987, გვ. 69.

² იქვე, გვ. 101.

³ იქვე, გვ. 87.

⁴ იქვე, გვ. 157.

⁵ იქვე, გვ. 156.

ვერ პოულობს.

1934 წელი. 23 იანვარი. უკვე ღამის ოთხი საათია. გალაკტიონი კი არ ჩანს, ოლიას მეტის მოთმენა არ შეუძლია. ქუჩაში გაშორების ექვებს. გალაკტიონი მაინც არ ჩანს. იქნებ დაბრუნდა?... არა, ოთხი ჩაბნელებულია... ამჯერად მიყრუებული ქუჩაბანდიც მოიხილა. კვლავ შინისკენ მიისწრაფვის. როგორ დათრგუნოს შიში? გალაკტიონის ლექსთა რუსულ პწკარუდებს ჩაუჯდა. თარგმანი რიგიანი გამოდის. ეს იმიტომაც, რომ აგზნებულია, უსომოდ იტანჯება. თარგმნის და თითქოს გალაკტიონს ესაუბრება.

რა არ წარმოიდგინა: „ძვირფასო გალკ! ვგებ შენ დაჭრილი ხარ, ან იქნებ ბოროტმოქმედებმა გაგიტყუეს გაძარცვის მიზნით და გაწამებენ. გალ! გალ, ვიცოდე მაინც და, როგორც გრიგალი, ისე დავესხმოდი მათ თავს, დაგისხნიდი შენ. გალკ! იქნებ მანქანის ქვეშ ჩავარდი? გალკ, გალკ ვყვირი, გეძახი ჩემთვის და პასუხი კი არ ისმის“!

ან კიდევ: გალაკტიონი სომხეთს გაუმგზავრა. მეორე დღეს ოლიამ შეიტყო, რომ თბილის-ერევნის ხაზზე ავარია მოხდა. იგი შეშლილივით გარსბის სადგურში. ავარია საბარგო მატარებელს მოხვლია. მადლობა დმურთს, გალაკტიონი გადარჩა, გადარჩა ოლიაც.

არა, ეს არ არის ჩვეულებრივი ტრფობა!

განცდა უმაღლეს მწვერვალამდეა მისული. შემდეგ ალბათ ან ანგელოზებს უნდა გაუწვდინო ხელი, ანდა უფსკრულში გადაიხეხო. ამგვარ სულიერ აფორიაქებას სიგიჟემდე მისვლას უწოდებენ. თუმცა, ყველაზე ზუსტად მაინც ოლიამ განსაზღვრა – „უგონო სიყვარული“.

ოლიას ატყვევებს გალაკტიონი როგორც მამაკაცი თავისი ფიზიკური და სულიერი სიმშვენიერით. იგი არანაკლებ აღტაცებულია მეუღლის პოეზიით. უფრო მეტიც, ოლიას გაგებით, გალაკტიონში თავმოყრილია ყველაფერი, რაც მას სინამდვილეცა თუ ოცნებაში იტაცებს. გალაკტიონის სიყვარული მხოლოდ ინდივიდის სიყვარული როდია, არამედ კაცობრიობის, თვით სიცოცხლის. „მე შეჩვენება – თითქოს მწვანე მღელოზე ვდგავარ, რომელიც მოფენილია წითელი, კარდისფერი, იისფერი, ღურჯი, თეთრი, ყვითელი, ცისფერი და ათასფერი მინდურის ყვავილებით. ისინი ნელა ირხვეიან ჩემს ირგვლივ, ცულქი ნიაფი ვთამაშება ბალახებსა და ყვავილებს, ისინი კი ნაზად და ნაღვლიანად დღელავენ.“

² ოლია ოკუჯავას დღიურები და მიმოწერა გალაკტიონთან, 1987 გვ. 159.



საქართველოს
საქართველოს



ოლია და გელაკტიონი

და ყოველივე ეს ხომ შენა ხარ, შენ ჩემო ძვირფასო გალიკო,
ერთ ხატში შთელი სამყარო განივთდა.

როცა გული სავსეა სიყვარულით, ყველაფერი შენს განცდას
ესაფხებურება. სავნები და პიროვნებები საყვარელ ადამიანს
ემსგავსებიან, მძლავრობს პარალელი და შედარება. ოლიასაც
ასე ემართება. იგი უზბეკეთშია. პირველად ნახა აქლემების
ქარავანი და ერთი აქლემი გალაკტიონს მიამსგავსა. მას „გალა-
პოეტი“ შეარქვა.

მხოლოდ დიდ სიყვარულს შეუძლია ასე. მხოლოდ ჭეშმარიტ
მიჯნურს ძალუძს ამადლებულსა და კომიკურს შორის გადებულ
ბუნების ხიდზე თავისუფლად გაიაროს.

პოეტის გონება სხვაგვარად არის მომართული. მგოსანი
აღნიშნავს იმას, რაც ჩვეულებრივი მოკვდავისათვის შეუძნეველია.
რამდენიმე შტრიხში დასრულებულ პორტრეტს ჭერეტს, ნახევარი
ტონებით სრულ მელოდიას აღადგენს და ა. შ. ეს კი მხოლოდ
ბუნებრივი ნიჭის წყალობა როდია, არამედ სისტემატური და
შეუწყვეტელი ვარჯიშისა, მუშაობისა.

როგორც ჩანს, გალაკტიონსა და ოლიას სინამდვილის
ოიპრესიონისტული აღქმაც აკავშირებდა.

ერთ ბარათში ოლია წერს: „გახსოვს სკამი, მესამე წყაროსთან
ფრთაგაშლილ და ნაღვლიან ნაძვის ხის ქვეშ, რომელსაც
„ბაირონს“ ვეძახდით?“

მიაქციეთ ყურადღება, ნაძვის ხე ბაირონის ასოციაციას
იწვევს ან პირუკუ. მთავარი ისაა, რომ ცოლ-ქმარი ერთნაირად
ჭერეტენ და იაზრებენ.

ცხოვრებამ ძლიერ დაუსლართა გზები ოლიას, არაერთხელ
მოწყვტა გალაკტიონს, მაგრამ შეუღლებები მაინც ერთად
არიან ფიქრებით, ოცნებებით, მისწრაფებებით, შემოქმედებით.
გაუჭირდება ოლიას და გალაკტიონს მოუხმობს.

— რუსეთის მკაცრი საღამო, ოლიას სულში ზღვათა
მირიადები აბორგებულან. ისინი ღმუიან, შფოთავენ, ქვითინებენ.
ქალს შეუღლო სავანე ენატრება და ოცნებით გალაკტიონისა, კენ
მიქქრის. ხუჭავს თვალებს და ბედნიერია. „მესმის შენი თბილი
აღერსიანი ხმა. ვგრძნობ შენს სიახლოვეს, ჩემო ძვირფასო გალ,
და სათნოება, სიმშვიდე და იმედი ეუფლება ჩემს არსებას“¹.

გალაკტიონისა და ოლიას ურთიერთობა გაცილებით ღრმა
და მრავალმხრივია, ვიდრე ჩვეულებრივი შეუღლებებისა.

¹ ოლია ოჯუჯავას დღიურები და მიმოწერა გალაკტიონთან,
1987, გვ. 161.

² იქვე, გვ. 102.

ოლია გალაკტიონის ლექსების პირველი მსმენელი და კრიტიკოსია. იგი წერს: „...უდაუოდ, რა თქმა უნდა, თავად პოეტი უნდა იყო, რომ შეიცნო პოეზიის ავი და კარგი. ანუ გენშილენის პოეტისა, მისი პოეზიისა.

კრიტიკოსს ძალა უნდა შესწევდეს, უნიჭიერესი პოეტის ლექსებში აღმოაჩინოს ძვირფასი განძის ის შენაკადები, რომლებიც მიმალულია მის ქმნილებებში - სახელდობრ - გალიკის თხზულებებში¹

ოლიას ნამდვილად შეუძლია ეს.

გალაკტიონს ხიბლავს ოლიას ანალიტიკური გონება, ფართო განათლება, პოეტური თრთოლევა. შემთხვევითი როლია, რომ 1917 წელს სწორედ მას სთხოვეს რუსული წიგნისათვის წინასიტყვაობის დაწერას.

ზემომოტანილი ნაწყვეტები პირადი ბარათებიდან და დღიურებიდან ნათელი დადასტურებაა ოლიას პოეტობასა და მინც, გული არ გვითმენს, კიდევ ორიოდ ადგილს არ დავესხესოთ:

„ჩემო ძვირფასო, ძვირფასო გალაკ!“

ირველივე ყინულის ლოლუები ბრჭყვიალებენ და აღმასებად იცრემლებიან. მაშ, ახლოა გაზაფხული!

გაზეთში წავეითხე, რომ მანდ, შენთან, საქართველოში, თბილა 20-25 გრადუსია სითბო. თესვა დაიწყო, აყვავდა ნუში და ა. შ.

დამიკოცნე მაგ გაზაფხულის ფერადოვანი შემობიჯება!²

ამ ბოლო ფრაზას თვით გალაკტიონიც სიამოვნებით მოაწერდა ხელს.

განა სწორედ მხატვრულობითა და განცდის უშუალოებით არ გვიხიბლავს შემდეგი ჩანაწერიც?

„...აღერსიანი ლაქვარდოვანი ზღვა მშვიდად და ნახად ეჭურნულებოდა ნაპირს. ქათქათა ზღვის ქაფის ღქნაქით დამშვენებული ბრჭყვიალა ნაირფერი კენჭები კი ძილისპირულს უგალობდნენ გალკს.

წყნარად, წყნარად იყავი, ზღვავე, და ნაზი აღერსით დაამშვიდე ჩემი გალკი!³

გალაკტიონი ცნობდა მეუღლის მწერლურ ნიჭს. მოსწონდა მისი თარგმანები; დარწმუნებული იყო, თუ ოლია მოინდომებდა, კარგ მხატვრულ ნაწარმოებებსაც შექმნიდა. ერთ ბარათში იგი აღნიშნავს: „ვერ წარმოიდგენ, რაგვარად მიყვარს შენი წერილების კითხვა. მე რომ შენს ადგილას ვიყო, დავიწყებდი კარგი, ხალისიანი სიცოცხლით, ახალგაზრდა ენერჯით, მზით

¹ გ. ტაბიძე, თხზ., ტ. XII, გვ. 532.

² გ. ლეონიძის სახ. ლიტერატურის მუზეუმი, გ. ტაბიძის არქივი, საქმე №36.

და მსუბუქი მელანხოლით სავსე ნოველების წერას და გავიმარჯვებდი კიდევ”³.

მოულოდნელი როდია, რომ 1927 წელს ცრულ ქმარს შეერთებული ძალით რომანის დაწერა განუზრახავთ. ხელშეკრულებაც კი შეუდგენიათ: „ჩვენ ქვემოთ ამისა ხელისმომწერნი, ოღია ოკუჯავა და გალაკტიონ ტაბიძე, ვსდებთ ხელშეკრულებას შესახებ მას შინა, რომ სექტემბრის პირველ რიცხვებიდან ვიწყებთ ერთად სალიტერატურო შრომას, ამ შემთხვევაში რომანის წერას. თუ რომელიმე ჩვენგანმა ან დაუდევრობა, ან წინასწარ განზრახულობით, ერთი სიტყვით, არა პატივსაცემი მიზეზის გამო დაარღვია ეს ხელშეკრულება, დამრღვევი მხარე გადაიხდის ჯარიმას 300 (ხამასი) მანეთს მეორე მხარის სასარგებლოდ სამი თვის განმავლობაში“⁴.

ხელშეკრულება ბორჯომში არის შედგენილი, სადაც ოღია ისვენებდა და გალაკტიონი რამდენიმე დღით ჩავიდა.

იღვა ზეიმისა და ამაღლების წამები, წუთები, საათები. ოღია უკეთ ამბობს: „გახსოვს, როგორი სიხარულით მოგვხვია სივარულის მშვენიერმა ქალღმერთმა ხელი, ნაზად გაგვახვია შრომანებით მოფენილ დოღბანდში და გვიჩურჩულა: „გაჩუყდით“. ჩვენ ორივენი დავმუნჯდით, გვეშინოდა ჩვენი გრძნობების სიმების შეხებისა“⁵.

და იმ ზღაპრულ დღეებში იყო:
ცაში გაფრენა,
უხარმაზარ მიზნებზე ხაუბარი,
იმუდები,
ბავშვური გულუბრვეილობაც.

და, რაც მთავარია, საოცარი გულწრფელობა და უმწიკველობა.

მერე გალაკტიონი თბილისს დაბრუნდა, „გადაერია ბახუსის აღებს“ და ამ ხელშეკრულებას სხვაგვარი მინაწერებიც გაუჩნდა.

ჩვენთვის უცნობია, როგორ უნდა წარმართულიყო ერთობლივი შრომა. მაგრამ თუ გავითვალისწინებთ მეუღლეუთა მაღალ ინტელექტსა და გემოვნებას, ღირიკულ ბუნებასა და მოვლენების ჭკრეტის ერთნაირ უნარს, შეიძლება ვიფიქროთ, რომ მათ ძმები გონკურების თხზვის მეთოდი უნდა აერჩიათ.

თანაავტორობა არ შედგა. (სექტემბერში ოღია კვლავ ბორჯომშია). მაგრამ ამჯერად ეს როდია თავიდათავი. ხსენებული დოკუმენტი სულიერი და გონებრივი შერწყმის დადასტურებაა.

ოღიამ კარგად იცოდა გალაკტიონის ფასი, იცოდა, რომ

¹ ოღია ოკუჯავას დღიურები და მიმოწერა გალაკტიონთან, 1987.

გალაკტიონი კაცობრიობას ვკუთვნის, რომ იგი სულაქნეთა ბინადარია. „დიდი მოკრძალებით ჩავეიღო „კომუნისტის“ სტამბის წინ. იქ მისი ნაწერები იბეჭდება, ასოთამწეობის მარჯვე ხელში სიყვარულით აწეობს მის სიტყვებს. ცუდად ვარ სიხატულისგანა შიში მიპყრობს, ვაითუ ყველაფერი ისე არ არის, როგორც საჭიროა, საშინელებაა! რა იციან მათ, რომ ბეჭდავენ ყველაზე უდიდეს, ყველაზე ძვირფას სულის გენიას. ნუთუ გაიგებენ, ჩასწვდებიან მას მკითხველები“¹.

რაც მთავარია, დასკვნა გალაკტიონის სიღიადებზე ოლიას სხვათა გავლენით, საზოგადოებრივი აზრის ზეწოლის შედეგად კი არ გამოაქვს, არამედ უშუალოდ ლექსთა შესწავლის საფუძველზე. „მინდა შთაეინთქა გალკის ლექსების ოქროსფერ შემოდგომაში და მესმოდეს მისი ჩანგის ნაზი ჩურჩული“².

„გუხვევით და გკოცნით შენ და შენს ლექსებს, როგორ თავდავიწყებით მყვარებიხართ თქვენ“³.

ოლია აღტაცებულია მეუღლის ფერომენალური მახსოვრობით. თვითონაა მოწმე, გალაკტიონმა მხოლოდ ერთხელ წაიკითხა ბუნინის ლექსი „სალამი“ და იმ წამზე უშეცდომოდ წარმოთქვა.

ოლია ეხმარება გალაკტიონს ლიტერატურულ საქმიანობაში. სისტემაში მოაწყავს ჩანაწერები, აზუსტებს ბიბლიოგრაფიას, აანალიზებს კრიტიკულ ნაწარმოებებს, შველის წიგნის შედგენაში.

1934 წლის 19 აპრილს ოლიას დღიურში ჩაუწერია: „დღეს მე და გალმა დავეჭერთ, ცალკე ლექსებად დავეკავით და ფურცლებზე დავაწებთ „აკციფისში“ – ვამზადებთ მასალებს ახალი აკადემიური გამოცემისათვის (საქართველოს სახელმწიფო გამომცემლობა), ღამის სამ საათამდე ვიმუშავეთ“⁴.

მეორე ჩანაწერი: „...გალამ მითხრა, რომ მას უნდა დაახარისხოს და მოაწესრიგოს საიუბილეო მასალები: გაზეთები, წიგნები, მისაღმებები. ჩვენ ავიღეთ მთელი ეს მასალა, დავაგაგეთ თვეების მიხედვით და გადავიკითხეთ. მე ვკარანახობდი, გალა კი ადგუნდა ხიას“⁵.

ახვევ საგულისხმოა ოლიას შემდეგი ცნობა: „კითხულობთ

¹ ოლია ოკუჯავას დღიურები და შიმოწერა გალაკტიონთან, 1987.

² იქვე-გვ. 96.

³ იქვე-გვ. 133.

⁴ იქვე-გვ. 92.

⁵ იქვე-გვ. 84.



პროფ. ერნსტ მემინის „ესოტოკას“ და ვარჩევთ მას“¹.

ოღია უზიარებს გალაკტიონს თავის შთაბეჭდილებებს მიმდინარე ლიტერატურულ პროცესებსა და უმნიშვნელოვანეს საზოგადოებრივ მოვლენებზე. ურჩევს წასაკითხ წიგნებს. ერთ წერილში ფეცის პოეზიას უკებს და გალაკტიონიც საჭიროდ თვლის, ყურად იღოს თავისი „ლიტერატურული სინდისის“ მოსაზრება. «Признаться, я им никогда в своей жизни не интересовался, но сейчас я приобрел его сочинения, прочту непременно»².

გადასახლებიდან გამოგზავნილ ბარათებში ოღია სთხოვს გალაკტიონს, შეიძინოს ვერესაევის „როგორ მუშაობდა გოგოლი“. პოეტ მუის თხზულებანი და სხვ.

როგორც ვხედავთ, გალაკტიონისა და ოღიას ურთიერთობა ხულის თანაზიარობას და ინტელექტუალურ სიახლოვესაც უკრძნობა. ამიტომაც არის მათი შეგობრობა, სიყვარული ესოდენ ძირმაგარი.

ოღია იმასაც კარგად გრძნობს, რომ გალაკტიონი დიდი ბავშვია.

მას გაფრთხილება, სითბო, აღერსი სჭირდება. თავისი არსებობის ერთ-ერთ გამართლებასაც გალაკტიონზე ზრუნვასა და მისი პოეტური ცეცხლის აგიზგიზებაში ხედავს.

გადასახლებაში, უკიდურეს გაჭირვებაში მყოფი ოღია ისევე და ისევე გალაკტიონის ჯანმრთელობაზე ფიქრობს: „მე გთხოვდი შენ, ჩვენბოდი შინაგან და ნერვულ დაავადებათა ექიმს. არა, უბრალოდ კი არ ჩვენბოდი, სერიოზულად გემკურნალა, წასულიყავი სანატორიუმში. ამის გარდა, საჭიროა კარგად გამოიკელიო გული, თირკმელები, გააკეთებინო ანალიზები, რათა გაირკვეს თირკმელების მდგომარეობა.“

რას ჭამ? როგორ იკვებები? გაქვს კი თავის დროზე საჭმელი? სუფთა ჩასაცმელი, თუთრული და ყველაფერი, რაც აუცილებელია?

ჩემო ძვირფასო, როგორც ვდარდობ, როგორ ვდარდობ შენზე. ასე შგონია, თავის დროზე არაფერი გაქვს – სიმშვიდე, სიმეუღროვე. მინდა, რომ არ გჭირდებოდეს არაფერზე ფიქრი და ზრუნვა. როგორ მსურს, ვიყო შენს გვერდით, რათა გქონდეს ყველაფერი აუცილებელი იმისთვის, რომ სრულყოფილად დაისვენო, იმკურნალო და შემდეგ ხელახლა შეუდგე შემოქმედებით შრომას.

ასე არ შეიძლება ჩემო კარგო, უნდა იფიქრო ჯანმრთელობაზე

¹ ოღია ოკუჯავას დღიურები და მიმოწერა გალაკტიონთან, 1987, გვ. 85.

² იქვე, გვ. 157-158.

და ისე მოიქცე, როგორც მე გწერ. გააკეთე ეს ჩემი ხატით, თუ გინდა, რომ შემდეგ კარგად იმუშაო. შენ პატარა ბავშვივითა ხარ, სრულებით ვერ ერკვევი პრაქტიკულ საკითხებში და შენ გული მტკივა, გული მტკივა, რომ არ შეგიძლია, მიხედო შენს თავს.

4 ივლისს მე ისევ მივიღე სამასი მანეთი. მერიდება, ამდენ თანხას რომ მიგზავნი. შენ კი, ალბათ, უარს ამბობ ყველაზე აუცილებელზეც კი, ეგების, ჩემი გულისთვის, შიმშილობ კიდევ? მაშინ ნაკლები გამომიგზავნე, გემუდარები!¹

ოლია მზად იყო ყველაფერი შეეწირა გალაკტიონისათვის. ამ მხრივ იგი უთუოდ წააგავს XVIII საუკუნის არცთუ უცნობი მწერლის პენრის შტიგლიცის მეუღლეს – შარლოტას. შარლოტას გაგიჟებით უყვარდა ქმარი. სჯეროდა, რომ პენრიხი გენიოსი იყო, რომელსაც ანთება სჭირდება. ამ მიზნით მრავალ საშუალებას მიმართა, მაგრამ სასურველ შედეგს მაინც ვერ მიაღწია. მაშინ სრულიად გააზრებულად ხანჯლით გაიპო გული, რათა ამ ტრაგედიით შეერყია პენრიხის მოღუნებულობა და გამოეღვიძებინა მისი მთელმარე ძალები.

ოლიას არ დასჭირვებია ასეთი ნაბიჯის გადადგმა, რადგან მისი მეუღლე ნაღდი გენიოსი იყო, მაგრამ თუ ვითარება მოითხოვდა, შეეძლო მტლად დადებოდა გალაკტიონს.

ოლიას ჩანაწერებს, როცა ვკითხულობ, ისეთი შთაბეჭდილება მიჩნდება, თითქოს გალაკტიონის აზრთა დინებას მიეყვები. აშკარად იგრძნობა ფაქტებისა და მოვლენებისადმი გალაკტიონისეული მიდგომა: რეალობის პოეტური აღწერა, ამაზრხენი ყოფითი დეტალების შეფარვით გამოხატვა, ზოგჯერ არაზუსტი კვალიფიკაცია საკუთარი ბიოგრაფიული მომენტისა, ფიცხი შეფასება და ა. შ.

ყოველივე ეს ორი პიროვნების დიფერენციის დადასტურებაა.

უნდა ვერწმუნოთ იმათ, რომლებიც ამტკიცებენ, რომ ჭეშმარიტი სიყვარული მკაცრად იურარქიულია. ოლიას ბევრი ვინმე და რამე უყვარდა, მაგრამ ყველაზე მალალ საფეხურზე მაინც გალაკტიონი იდგა. გალაკტიონის სიყვარული ძალას მატებდა, რათა მრავალი გასაჭირისა და დარტყმისათვის გაეძლო. უბინაობა, ხშირი ავადმყოფობა, გადასახლება უზბეკეთში, გადასახლება რუსეთში... და იგი მაინც არ ეცემა, რადგან ჰყავს გალაკტიონი – სიყვარულის უმაღლესი გამოვლინება.

ამბობენ: შეყვარებულები ძალზე გვიანან ერთმანეთსო. მართლაც, მაგრამ პოეტის სიყვარული მაინც სხვა არის,

¹ გ. ტაბიძე, თხზ., ტ. XII, გვ. 501.

გალაკტიონისა კი მით უფრო.

გალაკტიონისათვის ტრფობა სიხსლიდან დაცლაც არის და ძალით აღვსებაც, ტანჯვაც და ნეტარებაც.

ამ გრძნობამ ძირფესვიანად შესძრა იგი. ოლიას გარეშე ცხოვრებას ფერი და სილამაზე ეკარგება. „მას შემდეგ, რაც შენ წადი, რაღაც საშინელმა სიცალიერემ მოიკვა მთელი ჩემი არსება... სიცალიერემ, რომლის განადგურებას არ ვიცი, რანაირი მდგომარეობა შესძლებს და რა არის მისი წამალი? როდესაც შენ აქ იყავი, მე შემქმლო დამენახე შენ... ჩემთვის უბრალო შენს ახლო ყოფნა საკმარისი იყო, რომ შენს გარდა არაფერზე არ მეფიქრა. როდესაც მწარე ფიქრები, სველიანი და სასოწარკვეთილი სულიერი განწყობილება შემეპყრობდა, მე მოჰქროდი შენსკენ...“¹

სატრფოს სიახლოვე ძალას მატებს. ამდღებს და აკეთილშობილებს, სიშორეს კი სასოწარკვეთამდე მიჰყავს. „სადა ხარ ეხლა, ოლოლ! რომ იცოდე, რანაირ მდგომარეობაში ვარ... ისე მინდა ეხლა შენს ახლოს ვიყო. შენს სუთქვას ვგრძნობდე, მაგრამ ყველაფერი ეს ისეა შესაძლებელი, როგორც ცისა და დედამიწის შეერთება“².

გალაკტიონი ბედნიერია, რადგან მას აღმერთებენ. ზოგჯერ კითხულობს: „ოლიან, მითხარი, გიყვარვარ ძველებურად? მე მგონია, არა! ჩემგვარი კაცი განა შეიძლება ვისმეს უყვარდეს?“ ეს ოლიას გრძნობის შეუფასებელობა როდია. აქ გამოსკვივის უძვირფასესი ქალის კიდევ ერთი მოსალოდნელი აღსარებით ტკბობის სურვილი. მეორე მხრივ, ეს საბაბია, რათა საკუთარი გრძნობა უფრო მძაფრად გამოხატოს. „მე ვერ წარმომიდგენია, რომ მე და ღოღლი ერთმანეთს დაეცილდებით როდისმე. რაღაც ძნელი წარმოსადგენია ეს. შენ როგორ ფიქრობ, ოლიან. მომწერე, ოლიან, თუ რანაირად და როგორ გიყვარვარ, რისთვის გიყვარვარ... ყველაფერი, ყველაფერი მომწერე – რას იზამ, ოლიან, მე რომ მოგკედე? მაგალითად, მოგკედი და აღარაა ქვეყანაზე გალონი. მოკვდა საწყალი გალონი და დაასაფლავეს. რას იზამ მაშინ? მოხდა ისე, რომ მე მოგკედი საღდაც შორს, ცივ ქვეყანაში, ან მოგკედი საზიზღარი და სამარცხვინო სიკვდილით... მოკვდა გალონი ძალიერით. რას იზამ, ჩმოკლინ? იტირებ თუ არ იტირებ? ჩემო ძვირფასო, ერთადერთო მეგობარო, ერთადერთო ნუგეშო და დიდო ადამიანო, ჩემო ჩმოკლინ, ჩემო პატარა ჩმოკლინ... დეე, ნუ გვევარები, მაგრამ ნურასდროს ცუდს ნუ გაიფიქრებ და ნუ იტყვი ჩემზე. ვებრალეებოდეს შენი საწყალი გალონი, შენი შუღამ

¹ გ. ტაბიძე, თხზ., ტ. XII, გვ. 499.

² იქვე, გვ. 510-511.

მოყვარული მგოსანი გაღონი. გაღონმა შენ ბევრი გაწყენინა,
მაგრამ გაღონი ცუდი ბიჭი როდია, — გაღონს შენ ძალიან,
ძალიან უყვარხარ¹.

ჩვენ გვესმის ნაღდი სიყვარულისაგან შექმნილი ზავშუისა და
ამავ დროს ჭეშმარიტი მამაკაცის აღსარება.

სხვა წერილებში კიდევ გალაკტიონი ენის მოჩლექით,
პატარასავით ეტიტინება გულისსწორს. ესეც დიდი გრძნობის
სიწმინდისა და უშუალოების გამოხატულებაა.

ძნელი არ არის იმის შემჩნევა, რომ გალაკტიონის
ადრინდელი ბარათებიდან რომანტიკოსის განცდები ეონავს.
საზოგადოებასთან კონფლიქტში მყოფი პოეტი სიყვარულში
ეძებს ბედნიერებას.

ზემოთ ციტირებული სტრიქონები 1913 და 1914 წლებში არის
დაწერილი. ხომ არ განუღდა ეს ცუცხელი დროთა განმავლობაში?

აი, ნაწვეტი 1929 წლის ბარათიდან: „მე არავესში არ გავცდი
ერთ ძვირფასს, ვველაზე უფრო სიყვარულ ადამიანს, ოლიას“².

ოლია ის წიგნი როდია, რომლისადმი ინტერესი ერთი
წაკითხვით ამოიწურება. მასში ბევრია შესაცნობი და მარადიული.
გალაკტიონს თავისუფლად შეუძლო გაემუორებინა პოლ ვალკრის
„აფორიზმი“: მე შენ მიყვარხარ, — ე. ი. მე შენ არ გიცნობ. რაც
მთავარია, ოლია გალაკტიონის თანამდევი უკედავი სულია.

30-იანი წლების ავბედითმა ქარიშხალმა მეუღლენი
საბოლოოდ დააშორიშორა. გავიხსენოთ ამ ფაქტით უკიდურესად
გაწამებული გალაკტიონის პოეტური ამოოხვრა:

*„ცხოვრების ეტლის სადარბეული
საცაა გავა მატარებელი.
მიუშვ ზავრება იმელი ჩემი
ბუღის ვარსკვლავის სადარბეული.*

*ვიცი, ამ წასვლას რაც ეწოდება, —
რა საჭიროა ეხლა გოდება.
მატარებლისგან როს მიმიღია
ან თანაგრძნობა ან შეცოდება?*

*მატარებელი თვლუმს, როგორც ღაუა,
მატარებელი ხუთ წუთში გავა,
ვინც სხვებს აცილებს, დროა ჩასვლბსა,*

¹ ბ. ტაბიძე, თხზ., ტ. XII, გვ. 535.

² იქვე, ტ. IV, გვ. 151-152.



მატარებელი ხუთ წუთში გავა.

აჰა, დაიძრა რკინის ბორბლები,
მივდევ ვაგონებს, მახრჩობს გრძნობები,
გემწვიდობები სამარადისოდ,
სამარადისოდ გემწვიდობები!

ნეტა ასეთი რად მერგო ბედი, —
ყოველჯამს ვკარგო თითო იმედი,
გამოსხლმების ხელოვნებისთვის
ნუთუ არეინ არს პოეტის მეტი?¹

იმ წლებში, როცა მე უშუალოდ გალაკტიონთან ვიზრდებოდი, ბევრი რამ მსმენია ბიძაჩემისაგან ქუთაისისა და სოხუმის, პეტერბურგისა და პარიზის შესახებ. ჰყვებოდა სერიოზულად, არცთუ იშვიათად თვალეში ჩამდგარი უდაბნოს სველით; ჰყვებოდა ხანაც იუმორითა და მისთვის ჩვეული ჩაჭირქილებით, ზოგჯერ ნაკლებ ნაღდი პეროიკული პათოსითაც. იგონებდა ლიტერატურულ ბატალიებს, პიკანტურ ამბებს, ამხანაგებსა და ნათესავეებს. მაგრამ არ მახსოვს, რომ სიტყვა დასცდნოდეს ოლია ოკუჯავასთან ურთიერთობაზე, თავის უკიდვგანო სიყვარულზე. ეს ალბათ უმთავრესად იმით აიხსნება, რომ გალაკტიონს ჰქონდა მეორე სამყარო. მისთვის ძვირფასი პიროვნებებით დ პიროვნებათა მისეული მოდელებით დასახლებული. ამ სამყაროს კარი ყველასათვის დახშული იყო. გალაკტიონმა ოლიას სიყვარულიც ამ მეორე, სანუკვარი სამყაროს ზღუდეებში მოაქცია; მის ცისფერ სასახლეში მხოლოდ ორნი იყვნენ და მესამის თუნდაც შემთხვევითი შეხედვა პირველი თოვლის სისპეტაკესა და უბიწოებას დაუკარგავდა მათ გრძნობას. ამიტომაც დუშმა გალაკტიონი. ამიტომაც უფრთხოდა ამ ამაღლებულ სიყვარულზე საუბარს. გალაკტიონისა და ოლიას ტრფობა რჩება როგორც უმძაფრესი პოემა.

არ ვიცი, ვის როგორ ესმის ერთგულება. ერთი რამ კი დაბეჯითებით შემიძლია ვთქვა: გალაკტიონი სამარის კარამდე ოლიას უერთგულეს და ფიცხელ რაინდად დარჩა.

ნუ შეეცდება ოპონენტი ყოფითი დეტალებით ჩემს შეცბუნებას. კონკრეტული ფაქტი ყოველთვის როდია ჰქმშიარტების მდადადებელი, სიცოცხლის შენარჩუნებისათვის გადაადგმული ესა

¹ მათი ცალკე წიგნად გამოცემით ლ. სანაძემ და ლ. მეგრელიშვილმა დიდად შეუწვეეს ხელი გალაკტიონოლოგიის განვითარებას.



თუ ის ნაბიჯი ძლიერ ფრთხილ და ხილრმისეულ კვალიფიკაციას მოითხოვს.

იქნებ არც იმის აღნიშვნა იყოს ზედმეტი, რომ ოლიას ჩანაწერებმა და დღიურებმა თუ ჩვენამდე მოაღწია, ეს გალაკტიონის დამსახურებაა! დამსახურება! პო, ცოტა უხერხულად ჟღერს ეს სიტყვა მიცემულ კონტექსტში, მაგრამ ამას ნუ გამოვეკიდებით. მხედველობაში თუ მივიღებთ სისხლის წვიმების ეპოქის თავისებურებას, იმასაც თუ გავითვალისწინებთ, როგორ არბევდნენ რეპრეზირებულთა ოჯახებს, გალაკტიონის საქციელი მართლაც გმირობად წარმოჩნდება. ნებისმიერ დროს შეეძლოთ მისი ბინის განხრეკა და თუ რა შედეგი მოაყვებოდა ამგვარ „სტუმრობას“, ცხადზე ცხადია.

გალაკტიონი კი არ კრთება. ინახავს ოლიას ყველა ჩანაწერს, ნოთს, საგანს და თვალის ჩინივით უფრთხილდება.

პოეტის დაღუპვის შემდეგ, როცა მის კაბინეტს ვალაგებდით, კარადის ქვედა თაროზე უზარმაზარი საქალაღდე ვიპოვეთ. მასში ღია ბარათები იყო შექუჩული. ისინი შეუვსებელი აღმოჩნდა. ჩანს, პირველ გვერდზე მოთავსებული ხატუცხოო რეპროდუქციების გამო შეუძენია ოლიას. მსგავსი ბარათები ათიათასობით იბეჭდებოდა. არავითარი „ლიტერატურული ღირებულება“. გალაკტიონს კი მაინც შეუნახავს, რადგან ისინი ოლიას ხელშენახები იდო. აქვე იყო კარზე მისაკრავი პატარა სპილენძის ფირფიტა წარწერით: Оля Окуджава.

ეს ნოთები, რეკულები, წიგნები, მხოლოდ წარსულს კი არ ახსენებდა გალაკტიონს, არამედ ძალას მატებდა და ზოგჯერ პოეტურ ასოციაციებსაც იწვევდა.

გალაკტიონს უყვარს! მაგრამ ამის თქმა ცოტაა. არსებითი მაინც ის არის, თუ რას აძლევს სიყვარული გალაკტიონს, როგორ მოქმედებს მის პიროვნულ თვისებებსა და პოეტურ ნერვზე.

ერთ ბარათში გალაკტიონი ოლიას ატყობინებს: „პატარა ღექსი დავსწერე, რომელიც მსურს შენ მოგიძღვნა... ღექსს მალე დაებეჭდავ“.

ოლია გალაკტიონის მუზა იყო, შთაგონების წყარო. მარტო

¹ გ. ტაბიძე, თხზ., ტ. XII, გვ. 517.

² ღექსი შეთხზული 1917 წელს. ჩანაწერი გაცილებით გვიანდელია. საყურადღებოა ისიც, რომ ამ ჩანაწერში რამდენიმე სიტყვა შეცვლილია. კანონიკურ ტექსტში იკითხება არა „მზეო ღვთისმშობელო“, არამედ „მზეო თიბათისა“, ასევე „ხანმა ხაშინელმა“ შეცვალა ხინტაგით „ხანმა უნდობარმა“.

„უკანასკნელი მატარებელი“ და „მზეო თიბათვისა“ რად ღირს.

1921 წლის 24 მაისს გალაკტიონს დღიურში ჩაუწერია: მე ოღია შემდეგი ლექსით გავაცილე რუსეთს:

*„მზეო თიბათვისა, მზეო – ღვთისმშობელსო,
ლოცვად მუხლმოყრილი გრაალს შევედრები.
იგი, ვინც მიყვარდა დიდი სიყვარულით,
ფრთებით დაიფარე – ამას გვედრები.
ტანჯვა-განსაცდელში თვალნი მიურიდენ,
სული მოაველინე ისევ შენმიერი,
დილა გაუთენე ისევ ციურიდან,
სული უმანკოთა მივე მშვენიერი.
ხანამ საშინელმა, გზა რომ შეეღება,
უხვად მოიტანა სისხლი და ცრემლები,
მძაფრი ქარტეხილი მას ნუ შეეხება,
მზეო თიბათვისა ამას გვედრები!“*

იგი აქ არის, ტფილისშია, მაშახადამე, ისმინა თუ არა ღვთისმშობელმა ჩემი ვედრება? აი, რა არის გამოსარკვევი. ეს ლექსი ხომ მას შეეხება“.

ოლიას დამსახურების წარმოსაჩენად მხოლოდ მიძღვნილი ლექსების ჩამოთვლა არ იკმარებს. უჭირფასეს ადამიანთან შეხვედრამ და ყოფნამ შეიძლება სწორედ მედიტაციური თუ პატრიოტული ღირიკის შედეგთა დაბადებას მისცეს ბიძგი. ჭეშმარიტი სიყვარული ადამიანის პოტენციურ შესაძლებლობებს მკაფიოდ ამჟღავნებს, უდიდეს ზეგავლენას ახდენს პიროვნებაზე, რაც ნაირგვარად აისახება მის ყოფასა და შემოქმედებაში.

პარადოქსად ნუ მოგუჩვენებთ და გალაკტიონი, რომელიც თითქმის ყველას გაურბის და ოლიასაქენ მიისწრაფვის, ფაქტობრივად, ამ გზით ისევე საზოგადოებას უკავშირდება. ოღია ინდივიდებს შორის გაპოზილ ხევზე მკვიდრ ხიდს აგებს და გალაკტიონს ადამიანებისადმი სიყვარულს უძლიერებს.

გალაკტიონმა ოლიას სახით იპოვა მეგობარი, რომლის წინაშე გულის გადშლით შევებას გრძნობს. „მე მგონია შენ ერთადერთი არსებ ხარ მთელ ქვეყანაზე, რომელსაც ჩემი უბედურება გულს გატკენს... ეხლა რომ შენთან ვიყო, დაგოცნიდი, დაგოცნიდი გიყვივით...“

ჰო, იმას ვამბოდი... (მეც არ ვიცი ეხლა რას ვამბობ და რას არა), რომ საშინელ სულიერ ობლობას განვიცდი-მეთქი... არავინ არ მინდა ვანახო... დაველაპარაკო, მინდა მხოლოდ შენ იყო ჩემს

¹ გ. ტაბიძე, თხზ., ტ. XII, გვ. 499-500.

ახლო”.

გალაკტიონი სიყვარულში კოვებს შეებას.

ოლიას სულიერი მეგობრობა ბევრზე ბევრს ნიშნავს. გალაკტიონმა იცის, რომ ოლია ზუსტად გაუგებს ყველაფერს. ამიტომაც არის ესოდენ გულგახსნილი; არ ეკრძაღვის საკუთარ ცოდვათა გამხელასაც კი.

მძიმე წუთებში, რაც არცთუ იშვიათია გალაკტიონის ცხოვრებაში, იგი ოლიას იხსენებს, მას ეხმიანება და ამ გზითაც ინარჩუნებს წონასწორობას.

...1914 წელი, 31 აგვისტო. გუშინ საღამოს შექვიფიანებულს ჩხუბი მოუვიდა აბეზარა გიმნაზიელებთან. ოლიას ნაჩუქარი ჯოხით სცემა შეურაცხყოფილები. გამოფხიზლებული იტანჯება, სინდისი ქნჯნის. ვის გაანდოს დარდო? „ოლკინ, ძვირფასო ოლკინ, უსათუოდ ჩამოდი მალე, თორემ თავს მოვიკლავ... ასე აღარ შემიძლია. როცა შენთან ვარ, ოლკინ, არასდროს ასეთი საქმე არ დამეშართება. მაინც რა სულელურადაა მთელი ჩემი ცხოვრება მოწყობილი. არაფერს იგი არ კვავს. სახსნელი გზა არსადაა, პირდაპირ. ოჰ, ნეტავი ეხლა შენთან ვიყო, მე ყველაფერს გეტყოდი“¹.

საერთოდ, სწორედ ამგვარი განწყობილება აპირობებს ისეთი სტროფების დაბადებას, როგორიცაა:

*„სიმკაცრით შემხედავს საშევი
თვალები შეკრული კამარის:
ჯუარს ეცვი, თუ გინდა! საშევი
არ არის, არ არის, არ არის!
დაქტიან უდაბნოს ქარები,
მტანჯავენ და ვიცო: გახსოვარ!
სამრეკლოს ანგრევენ ზარები...
წმინდაო, წმინდაო, მაცხოვარ!“*

ერთხელ ფეხით გაუყვა გზას სოფელ ქვიტირისაკენ და სასაფლაოზე აღმოჩნდა. საფლავის ქვაზე წამოწოლილს ფიქრი მიეძალა. „მკვდრებთან საუბარი გააბა“. მერე ირონიული განწყობილება დაეუფლა და უჩვეულო ეპიზოდებს ოლიას აცნობს.

სხვა ბარათში სწერს: „ჩემი საღამო საცოდავად ჩატარდა.

¹ გ. ტაბიძე, თხზ., ტ. XII, გვ. 510.

² იქვე, ტ. II, გვ. 12.

³ იქვე, ტ. XII, გვ. 522.

არავინ არ მივიდა. მრცხვენია „პირდაპირ“! ერთგან იმასაც შენიშნავს, რომ საბოლოოდ დაშორდა გაფრინდა შეიღ-ია შეიღს. ისეთი ხიტყვები ვაკადრეთ ურთიერთს, რომ აწი ჩვენი დახლოვება შეუძლებელიაო.

გალაკტიონს თავიდანვე დასწვამდა ნიღბოსნობა. მის გარშემო ბევრი ტრიალებდა. ამიტომ შეიძლება კაცს მოწვევებოდა, რომ იგი ძალზე კომუნიკაბელური იყო. სინამდვილეში უჭირდა გულწრფელი ამხანაგური ძაფების გაბმა. გალაკტიონი უთუოდ განიცდიდა შინაგან ნაკეტილობას და მძაფრად გრძნობდა ხვაშიადის გამხელის აუცილებლობას. ოღია თუ ერთადერთი არა, ერთ-ერთი პირველი მაინც იყო, ვის წინაშეც არ რცხვენოდა ღია ჭრილობის გამოჩენა, ვისაც ნიღბამამოხსნილი ესაურებოდა, რაც ესოდენ აუცილებელია ყველა მოკვდავისათვის.

გალაკტიონი გულს უშლის ოღიას: „ქუთაისში სიწყნარვა... მოწყენილობა... მომბაბუზრებელი ერთფეროვანი ცხოვრება, თითქო შემოდგომის ნისლიანი დღეების გაგრძელებაა და უკუღმა - შემოდგომის დღეები საშინლად ჰგავს ამ ერთფეროვან ცხოვრებას. ოჰ, რომ იცოდე, როგორ მწყურია სიკვდილი! ღმერთს გუფიცები, ვისმეს თავს შევაკლავ, თუ ასე გაგრძელდა... საშინლად მომწყინდა ყველაფერი...“

დიდი ხნიდან დავეძებ მე ამ სიკვდილს, მაგრამ არ მოდის იგი... თავის მოკვლა არ მსურს, მაგრამ სხვა არავინა მკლავს... ბევრჯერ მივეცი სხვებს შემთხვევა, მაგრამ მათ... ხომ იცი, სიკვდილის ყველას ეშინია... რომ იცოდე, რა მოსაწყენია ყველა ეს ინტრიგები, ეს დაუსრულებელი მითქმა-მოთქმა, ჭორები... თავისთავად იბადება სურვილი, რომ გაშორდე ყველა ამას, რადგან ამის მეტი ცხოვრებაში არა არის რა...²

ეს ბარათი ძალზე მნიშვნელოვანია გალაკტიონის პოეზიის გასაგებად. სუდასა და ტრაგიზმს საზოგადოებრივი ცხოვრების ერთფეროვნებაც, სიმწირიც, დაცემულობაც ბადებს. პოეტს არ შეუძლია შევგუოს არსებულს. მისი სული გაცისკროვნებულ მწვერვალებს ელტვის.

„ძვირფასო! სული მუცხება თოვლით:

დღეები რბიან და მე ვბერდები!

ჩემს სამშობლოში მე მოველე მხოლოდ

უდაბნო ღურჯად ნახევრდები.

ოჰ! ასეთია ჩემი ცხოვრება:

¹ ვ. ტაბიძე, თხზ., ტ. XII, გვ. 526.

² იქვე, ტ. I, გვ. 301-302.



იანვარს მოძმედ არ ვეძნელები,
 მაგრამ მე შეუდამ შემახსოვრება
 შენი თოვლივით მკრთალი ხელები,
 ძვირფასო! ვხედავ- ვხედავ შენს ხელებს,
 უღონოდ დახრილს თოვლთა დაფნაში,
 იელვებს, ქრება და კვლავ იელვებს
 შენი მანდილი ამ უდაბნოში...
 ამიტომ მიყვარს იისფერი თოვლის
 ჩვენი მდინარის ხიდიდან ფენა,
 მწუხარე გრძნობა ქროლის, მიმოვლის
 და ზამბახების წყებად დაწვენა.
 თოვს! ასეთი დღის ხარებამ ღურჯი
 და დაღალული სიზმრით დამთოვა.
 როგორმე ზამთარს თუ გადავურჩი,
 როგორმე ქარმა თუ მიმატოვა!
 არის გზა, არის ნელი თამაში...
 და შენ მიდიხარ მარტო, სულ მარტო!
 მე თოვლი მიყვარს, როგორც შენს ხმაში,
 ერთ დროს ფარული დარდი მიყვარდა!
 მიყვარდა მაშინ, მათრობდა მაშინ
 მშვიდი დღეების თეთრი ბროლები,
 მინდურის ფოთლები შენს დაშლილ თმაში
 და თმების ქარით გამოქროლება.
 მომწყურდი ეხლა, ისე მომწყურდი,
 ვით უბინაოს - ყოფნა ბინაში...
 თეთრი ტყეების მიშეება გუნდი
 და კვლავ მარტო ვარ მე ჩემს წინაშე.
 თოვს! ამნაირ დღის ხარებამ ღურჯი
 და დაღალული ვიფქით დამთოვა.
 როგორმე ზამთარს თუ გადავურჩი!
 როგორმე ქარმა თუ მიმატოვა!"¹

გალაკტიონი დარდასა და წუხილს არა მხოლოდ გამოთქვამს, არამედ ასხვისებს. მას თვალწინ უდგას მიჯნურის ბარათზე დახრილი ოლია, რომლის თვალებში ირეკლება შიში, ხასოწარკვეთილება, სიყვარული, ზრუნვა. გალაკტიონი გრძნობს სატრფოს თანადგომას; იცის, რომ ოლია, უპირველეს ყოვლისა, განმცდელია და არა განმსჯელი. იგი მგოსნის წარმატებებისა თუ ჩამუხლების მონაწილეა, ამიტომაც არის გალაკტიონი ესოდენ გულახდილი.

ოლია ძალღას მატებს სატრფოს და შეუდღეს. ის რომ არა, ვინ

იცის, იქნებ განუხსენებელ ტანჯვაში და ვარამში ჩამხრეხალიყო
გალაქტიონი.

ძალზე საგულისხმოა ოლია-გალაქტიონის ურთიერთობის
კიდევ ერთი ასპექტი, ოლიამ არა მარტო ამადღებულ
განწყობილება შეუქმნა გალაქტიონს, არა მხოლოდ გაუცისკროვნა
მრუმე დღეები, არამედ საზრუნავიც გაუჩინა. დიახ, საზრუნავი,
ამ სიტყვის საუკეთესო გაგებით. გალაქტიონი არა მარტო
ოცნებობს ოლიაზე, არამედ იღვწის მისი ბედნიერებისათვის.
ამით გალაქტიონის ყოფას უფრო მეტად მიეცა აზრი.

ერთ ადრინდელ ბარათში გალაქტიონი ოლიას სწერდა: „მე
ვოცნებობ ჩვენ ერთად ყოფნაზე... პატარა ბავშვზე განა კარგი
არ არის? აჰ, ნეტავი კარგად მოვეწყობოდეთ; მე ამისი იმედი
მაქვს“. ეს ოცნება ოცნებად დარჩა. გალაქტიონს შეილი არ
ჰყოლია და მთელი თავისი ზრუნვა-გულისყური რამდენადაც ეს
მისნაირი კაცისაგან იყო მოსალოდნელი, სხვებზე, პირველ რიგში
კი ოლიაზე, გადაიტანა.

ყოველივე დიდი ჭეშმარიტ სიყვარულს შეუქმნია. ადამიანის
არსებობის მიზანი სხვებისთვის ბედნიერების მინიჭებაშია ც
მდგომარეობს. და აი, არა მხოლოდ იდეაში, არამედ რეალურად
გაჩნდა პიროვნება, რომელმაც გალაქტიონში კიდევ უფრო
გაამაჩვილა მოყვანისადმი თავდადების, ზრუნვის სურვილი, რაც
პირდაპირ თუ ირიბად. მისი პოეტური ნერვის გაფაქიზებასაც
უწყობს ხელს.

გალაქტიონი წუხს ოლიას ავადმყოფობის გამო. ურჩევს,
არიგებს. „თავს მოუფრთხილდი, ოლია! თუ ჯანმრთელობა
არ იქნა, რად გინდა რამე? მთელი შენი «настроение»-ბი და
იმისთანაები სულ იმისგანაა, რომ თავს არ უვლი. აი თუნდაც
შენი საჭმელი. არაფერს არ სჭამ და რა გასაკვირველია,
რომ ავად იყო. ოლია, თუ გინდა, რომ ორივენი როდისმე
მანც ბედნიერები ვიყვეთ, უპირველესათ გახდი ჯანმრთელი,
მზიარული, სიცოცხლით სავსე, სავსე იმედებით, რწმენით!
ცხოურებასთან გასამკლავებლათსაჭიროა როგორც მშვენიერი
და სიხალისით სავსე გული, ისე ჯანმრთელობა, ჯანმრთელობა
და ჯანმრთელობა.“¹

„შენ იცი, როგორ მოუვლი თავს... გამხდარი და ავადმყოფი
არ ჩამოხვიდე ქუთაისში, თუარა, ღმერთს გუფიცები, არ ვიცი რას
გიზამ.“²

„ოლი, თავს მოუფრთხილდი, თავს მოუფრთხილდი! ყველაფერს

¹ გ. ტაბიძე, თხზ., ტ. XII, გვ. 504.

² იქვე, გვ. 511.

მოესწრება კაცი, მაგრამ დაკარგული ჯანმრთელობის აღდგენას
კი ვეღარ!¹

სხვათა შორის, დედისა თუ ძმისადმი გაგზავნილ წერილებშია
იკვეთება ეს ტენდენცია: თვას მოუფრთხილდი, ჯანმრთელობა
გაიკავე და ა. შ.

არ იკმარებდა იმის თქმა, რომ გალაკტიონი უდიდეს
მნიშვნელობას ანიჭებდა ტანის სიმრთელეს, რომ ფიზიკური
სიძლიერე შიანდა ბედნიერების ერთ-ერთ საწინდრად. ხომ არ
იგრძნობა აქ დარდი და წუხილი საკუთარი ავადმყოფობის გამო?
ბუშყრანგული პრინციპით ხონ არ მჟღავნდება ის, რაზეც ხშირად
ფიქრობდა და რისიც ყველაზე მეტად ეშინოდა?

- ოლიასადმი გაგზავნილ წერილებში გალაკტიონი ქადაგებს
იმას, რის განხორციელებასაც თავად ვერ ახერხებს. „ჩემო ოლოლო,
რა საჭიროა დარდი და წუხილი? რა საჭიროა, რომ ყოველ წუთში
შავი ფიქრები გიტრიალებდეს თავში? უნდა ეცადო, რომ მწარე
წუთები ტკბილ წუთებათ წარმოიდგინო...“²

ან კიდევ „თვითვე შეკქმენი პირობები, თვითვე გამოსტყდე
ბედი! მე ვცდილობ მოვაწყო ჩემი ცხოვრება ისე, როგორც მე
მსურს და თუ ეს არ მოხერხდება, დავარწმუნებ ჩემს თავს იმაში,
რომ ბედნიერი ვარ. მე ვიცი, რომ არაფერი ისეთი არ გადაამხდება
თავს, რაც სხვას არ გადახდია. მე ვიცი, რომ ვერ აუცილდება იმ
საზღვარს, რომელშიაც კაცობრიობაა მომწყვდეული, მაშ რატომ
უნდა შევიგნო მწუხარებისა და დარდის აუცილებლობა?..“

არ არის ქვეყანაზე ადამიანი, რომელსაც თავისი მწუხარება
არ ჰქონდეს, მაგრამ სწორედ სულელია ის ადამიანი, რომელიც
თავის მწუხარების გარდა ვერაფერს ვერ ხედავს...“³


ეს არ არის პოლარულ განცდათა გამოვლინება. აქ
სწორედ ის ძარღვი ჩანს, რომელიც პოეზიაში ზოგჯერ
ღველფგადაყრილია. ოლიასადმი მიმართვა ავადმყოფის გასამხნე-
ვებლად წარმოთქმული ექიმის სიტყვები როდია. ეს არის გულ-
წრფელი გამჟღავნება იმისა, რასაც გალაკტიონი ფიქრობს. რა
უყოთ, რომ თავად პრაქტიკულად ვერ ან ნაკლებ ახორციელებს
იმას, რასაც ქადაგებს. ეს არსებითად უმძიმესი გარემოს ბრალია.
გალაკტიონისეულ შეგონებებში არა მარტო აღტაცებული
მიჯნური ჩანს, არამედ გულისყურიანი მეგობარ-მზრუნველი.

¹ გ. ტაბიძე, თხზ., ტ. XII, გვ. 521.

² იქვე, გვ. 503.

³ იქვე, გვ. 505.

ოლიაზე ფიქრი და ზრუნვა გალაკტიონს სიამებს ანიჭებს, მის ცხოვრებას უფრო მიწიერს ხდის, ეს კი სინამდვილეში კავშირს უძლიერებს.



...გალაკტიონი პარიზშია. თითქმის არ ძინავს. ამ საოცნებო ქალაქის მრავალმხრივ შეცნობას ეშურება. წიგნებიდან, სურათებიდან ბევრი რამ აქვს გათავისებული და ელისეის მინდვრებს თუ მონმარტრს ისე ათვალეურებს, თითქოს ამოწმებს, რომ არაფერი დაკლებიაო.

წარმოსახვით ოლიაც მასთან არის. შთაბეჭდილებებს უზიარებს, ესაუბრება კიდევ. ერთ დღეს მალაზიაში შეივლის და მეუღლისთვის ციცქნა მაჯის საათს ყიდულობს. წინაწარვე ხედავს, როგორ გაუბრწყინდება ოლიას თვალები, როგორ მოეხვევა და დაუკოცნის სახეს. ოლია ბედნიერი იქნება და გალაკტიონიც ტკება ამ მოლოდინით.

ოლია, მართლაც, ძლიერ აფასებს მეუღლის ყურადღებას, მის დღიურებში ეხვდებით ამგვარ ჩანაწერებს: გალაკტიონმა „ყოლოსფერი ბერეტი და ზამშეს ქაშარი, აგრეთვე აბრეშუმის ჯემპირი“ მიყიდა. ცხადია, გალაკტიონს ძვირფასი საჩუქრებით განებივრებული არ ყოლია და ვერც ყოლუბოდა მეუღლე-ყველაფერს რომ თავი დაეანებოთ საამისო მატერიალური შესაძლებლობა არ ჰქონდა პოეტ-პროფესიონალს. მაგრამ მთავარი მაინც ის არის, რომ გალაკტიონი დაბადებული არ ყოფილა ყოველდღიური „ქველმოქმედებისათვის“. ამას ძალიან კარგად გრძნობდა ოლია და მეუღლის მცირე საჩუქარსაც დიდ პატივად თვლიდა. ამიტომ წერდა: გალაკტიონს „უყიდნია კარაქი და შურასათვის გადაუცია, რომ ჩემთვის მოეტანა. რა გულისხმიერებაა!“¹

ღიას, გულისხმიერებაა, რადგან ამას აკეთებს პოეზიით დაბანგული და პრაქტიკული ცხოვრების უნარს მოკლებული გალაკტიონი. თორემ სხვებს მზგავსი ნაბიჯი ბუნებრივ, ყოველდღიურ საქმიანობად ეთვლებოდათ და ამიტომაც არ იწვევს აღტაცებას.

ფიქრობთ, მკითხველისათვის რამდენადმე მაინც ნათელია გალაკტიონისა და ოლიას ურთიერთობა. მაგრამ, ვიდრე დავსვამდეთ წერტილს, აუცილებლად უნდა შევჩერდეთ ერთ გარემოებაზე.

¹ ოლია ოკუჯავას დღიურები და მიმოწერა გალაკტიონთან, 1987, გვ. 89.

სიყვარულს ეჭვიანობაც ახლავს. ამ შემთხვევაში წრსებიერი მაინც სუბიექტთა ბუნება და ფსიქოლოგიური წყობაა. გალაკტიონი და ოლია უკიდურესად მგრძობიარე, ძალზე თავმოყვარე პიროვნებები არიან. ამიტომ არცთუ იშვიათად, მტკივნეულად განიცდიან იმას, რასაც სხვები ყურადღებასაც კი არ აქცევენ. ზოგჯერ უწყინარ ფრაზას ან მოქმედებაში არარსებულ ქვეტექსტებს ეძებენ. ნიუანსებს ზედმეტად ამახვილებენ. ყოველივე ეს დიდი გრძობითაც არის ნაკარნახევი.

ეჭვიანობს ოლია, ეჭვიანობს და იტანჯება. მის აფორიაქებას კი მყარი საფუძველი არ აქვს. მაინც ვერ დაშვიდებულა, რადგან მთელი მისი ცხოვრება გალაკტიონია. ამიტომაც გალაკტიონის გულგრილობა ყველაფრის დამსხვრევას უდრის.

1927 წელი. გალაკტიონი აფხაზეთში გაემგზავრა. ოლია, როგორც ყოველ მსგავს შემთხვევაში, აფორიაქებულია. შინ მიბრუნებული უჯრებს ალაგებს და... იგი განგმირულია. გალაკტიონს მისი სურათი დარჩენია. ეს სრულიად საკმარისია ათასგვარი უბედურება წარმოისახოს და ირწმუნოს კიდევ. „ჩემი ის პორტრეტი ვიპოვე, რომელიც მე შენ განუქე ცუდად გაეხდი, რადგან ვიფიქრე, რომ შენ იგი აღარ გკვირდება“¹.

არაუითარი ამის მსგავსი. გალაკტიონს კვლავ მძაფრად უყვარს ოლია, მაგრამ ეჭვის ეს პატარა გუნდი მაინც ხდება ზეავის აგორების საბაბი.

ერთადერთი, რასაც ოლია გალაკტიონისაგან მოითხოვს, სიყვარულია. და თუ ეს არ იქნება, შურისძიებით მაინც არ აინთება. ყველაფერს გადაიტანს, ოღონდ გალაკტიონი იყოს ბედნიერი.

სწორედ ეს არის სიყვარულის უმაღლესი გამოვლინება.

ჩანს, ეჭვიანობა თავიდანვე დაიწყო და გალაკტიონს არცთუ იშვიათად უხედებოდა სატრფოს დაშოშმინება. 1914 წელს გალაკტიონი ოლიას სწერს: „გრწამდეს, მიყვარხარ შენ ერთი და მხოლოდ შენ! ჭორებს ყურს ნუ უგდებ, ვისაც რა უნდა ისა სთქვას... მე, ოლოდ, მუდამ შენზე ვფიქრობ, რატომ გგონია, რომ სხვაზე? მე გგონია, არასდროს არ შემიცოდავს“².

გალაკტიონი ოლიაზე უფრო ეჭვიანია. ეჭვი მისი ფანტაზიის პირდაპირ პროპორციულია. ახალგაზრდობისდროინდელ წერი-

¹ ოლია ოკუჯავას დღიურები და მიმოწერა გალაკტიონთან, 1987, გვ. 66.

² გ. ტაბიძე, თხზ., ტ. XII, გვ. 512.



ლებში ჩნდება გადაკვრები: „მე კარგად ვიცი, თუ რასაც ვშმაკობ შენ ქუთაისში ვხედა, მაგრამ რა გაეწყობა“¹.

გალაკტიონი თავიდანვე ჩასწვდა ოლიას ბუნებრივ-საბუნების სატრფო ადვილშიმნდობია, სიკეთით სავსე და შიშობს, ქალის გულუბრყვილობით არ ისარგებლონ ვიღაც-ვიღაცებმა. მეორე ბარათში უკვე პირდაპირ აფრთხილებს: „სხვ როგორ იმგზავრე? გზაში ეშმაკობდი, არა? ოლეკინ, ჰკვიანად იყავი და უბრალოდ ნურავის დაუნდობი, ხომ იცი, რა საზიზღარი ქმნილებაა ადამიანი-ზოგიერთი“².

რაც უფრო ძლიერდება სიყვარული, მით უფრო მატულობს ეჭვი, დავესესხოთ გალაკტიონის 1921 წლის 25 მაისის ჩანაწერს. იგი ადვლეების ქამს არის დაწერილი და ამის გათვალისწინება აუცილებელია. ცხადია, პოეტი ცდილობს ყოველმხრივ გამართლებულად წარმოსახოს თავისი მოქმედებს, მაგრამ ჩანაწერებიდან მაინც ირეკლება ავტორისათვის არცთუ სულ სასურველი პორტრეტი.

„მახსოვს მატარებლით გზა მოსკოვისკენ, ხუთი წლის წინად. მე და ოლია მივექარებოდით დიდი ქალაქისაკენ, ყოველგვარი შესაძლებლობისაკენ, მაშასადამე. და მოხდა ჩვეულებრივი ამბავი: ოლიას მხიარულმა გულწრფელმა, გაურყვნელმა სიცილმა... მისმა ღია თვალებმა და მათით გამოხატულმა გრძობამ იმისადმი, რომ იგი ქვეყანას ენდობა, რომ მისი ნდობა ყველასადმი უსაზღვროა, და ათასმა რამემ, წერილმანებმა, რომლებიც მომხიბვლელია ამ ქალში, რომელიღაც მგზავრი, როგორც მახსოვს, უბრალო ჯარისკაცი, კინაღამ შეშლამდე არ მიიყვანა... და იწყებოდა ჩემთვის ძველი ისტორია. ოლია იწყებდა ამ ისტორიას ჩემი მოთმინებიდან გამოყვანისას: იგი ცდილობდა მატარებლის ბაქანზე ამ ჯარისკაცთან განმარტობას, რაც, რა თქმა უნდა, ჩემთვის სასიამოვნო არ იყო... მაშინ მე გავიხმე აბუხარა ჯარისკაცი და ჩუმაღ, ჩრდილობიანად ვუთხარი, რომ თუ ამ საათშივე არ აბარგდება ამ ვაგონიდან, შეიძლება სანანებლადაც გაუხდეს საქმე. „ოლია ბავშვია, ვუთხარი მე მას, თქვენ არ იცნობთ მას, არ იცით რა შედეგი მოყვება თქვენს მასთან თამაშს. მაშასადამე, გთხოვთ, ეს ჩემი უკანასკნელი სიტყვაა. ჩემს სიამაყეს საზღვარი

¹ გ. ტაბიძე, თხზ., ტ. XII, გვ. 508.

² იქვე, გვ. 511.

არ ქონდა, როცა მალე ჯარისკაცი სადღაც გაქრა. დაცული და შენახულია ჩემი თავმოყვარეობა. მეორე თუ მესამე დღეს ოღონა მეუბნება: - ნეტავი სად დაიკარგა ჯარისკაცი? - არ ვიცი! ვუპასუხე მე".

როგორც ჩანს, ოლიას ბუნებრივი კეკლუცობა აუჭვიანებს გალაკტიონს. არც ისაა გამორიცხული, რომ ქალი ოღონა აღიზიანებს სატრფოს. გალაკტიონი კი ყველაფერს ზედმეტად მძაფრად აღიქვამს და შმაგდება. ასე იყო მეორეჯერაც.

მოსკოვის ქართველთა სათვისტომოში ოლიამ ყმაწვილი კაცი გაიცნო და საუბარი გაუბა. გალაკტიონს ეჩვენა, რომ ისინი თვალებით გაცილებით მეტს ამბობდნენ და რაღაცაში თანხმდებიან. მერე სამივენი ოლიასა და გალაკტიონის ბინაზე მიდიან. საუბარი აქაც გრძელდება. გალაკტიონს მოთმინების ფიალა ევსება. ეჭვიანობა უმალღვს საფეხურზე ადის. „მაშინ მე წამოვევარდი და ხელი მოვიკიდე უცნობს. ეხლავე, ეხლავე აქედან დაიკარგეთ. ეხლავე წადი აქედან, გესმით. უთუოდ საშინელი ვიყავი ამ დროს. უცნობი გაფითრებული წამოდგა. შიშით ნელნელა კარებისკენ წავიდა, არ იცოდა, რა ეთქვა. და იგი სიტყვაუთქმელად გავიდა ოთახიდან. ოლია იდგა, თითქოს არ იცოდა რაში იყო საქმე. მერე ჩავარდა ჩვენს შორის და დამფრთხალი ამბობდა: გალ, გალ! რას სჩადისხარ... დამშვიდდი, გალ! მაგრამ მე უკვე დამშვიდებული ვიყავი - უცნობმა კარი მოიხურა“.

ეს სტრიქონები ახალი ეჭვიანობის ეამს არის დაწერილი. ამიტომ გამორიცხული არ არის, რომ მათში ზოგიერთი რამ შელამაზებული იყოს. არც ისაა ჩვენთვის ცნობილი, იმ კონფლიქტისას გალაკტიონი ფხიზელი იყო თუ არა. მაგრამ ერთი რამ ცხადზე ცხადია, გალაკტიონი ძალზე მტკივნეულად განიცდის სხვებისადმი ოლიას ყურადღებას. შეურაცხყოფილად გრძნობს თავს, უცნაური წარმოსახვები უჩნდება და ბოზოქრობს.

დიახ, გალაკტიონს ნამდვილად შეეძლო ეთქვა:

- მე მთვარესაც არ ვაპატიებ, რომ ოლიას უღიმის!

- მე ქარსაც არ ვაპატიებ, რომ ოლიას თმებში აცურებს თითებს!

- მე მიწასაც არ ვაპატიებ, რომ ოლიას ფეხებს უკოცნის.

თავს ნებას ვაძლევ მოზრდილი ჩანაწერი მოვიტანო გალაკტიონის დღიურიდან. მასში ასახულია ოლიასა და

გალაკტიონის შეხვედრა ხანგრძლივი დაშორების შემდეგ, 1921 წლის 24 მაისს.

მოსკოვიდან ოლიას დაბრუნება ტიციანმა ახარა გალაკტიონს, საღამოს კი ოლიას პატარა ძმამ ვასილმა შემოირბინა და სთხოვა, ოკუჯავებთან მისულიყო.

და, აი, გალაკტიონი მისაღებ ოთახში ზის. გრძნობის დაოკებას ცდილობს. კარები იღება და ოლია შემოდის. „მე მას ვაკოცე. იგი არ მოელოდა და დაიბნა.“

დავიწყეთ საუბარი. ამავე დროს ვათვალიერებდი მას. რა თქმა უნდა, დიდი გამჭრიახობა არ სჭირდება იმის შეტყობას, თუ რანაირად გამოცველილია ოლია. იგი ლაპარაკობდა ძლიერ სუსტად და მე გამახსენდა მისი უკანასკნელი, სხვისი ხელით დაწერილი წერილი მოსკოვიდან, რომ იგი იყო ძლიერ ავად. იწვა საავადმყოფოში დიდხანს.

ო, როგორი წარუშლელი დაღი დაუშინვეია ამ ავადმყოფობას... ფაქტია, ჩემს წინაშე ეხლა სულ სხვა ადამიანი დგას. მე ძლივსძლივობით ვცნობილობ მას...

– მე ეხლაც ავად ვარ... გეზიზღები, არა?

– რას ამბობ, ოლია, ჩემთვის შენ ეხლა უფრო ძვირფასი ხარ...

– არ გეზიზღები? მე გადამდები სენით ვარ ავად... მაგრამ მე მალე მოერჩები... სანატორიაში გამომიწერეს «Прямые линии», გამგზავნეს ყირიმში, მაგრამ ყირიმი შორსაა, მე მინდა პიატიგორსკში ან სხვაგან, უფრო ახლო... გალ! მაშ არ გეზიზღები? არ გეშინია გადამდები სენის?

ოლიას ჩვეულებრივი დაშინებაა. მაშინებდა, მისი აზრით. მე კი დარწმუნებული ვიყავი, რომ ის სტყუოდა და არავითარი გადამდები სენით ავად არ იყო. ამიტომ თამამად ეუქასუხე, რომ სრულიად არ გეშინია მისი გადამდები სენის. და რომ დამეშვიდებია, ვუთხარი, რომ სრულიად არ ჰგავს ავადმყოფს... მართალია, ცოტათი გამოცველილია, მაგრამ უკეთესი მხრით, ოდნავ სისუსტე კიდევ უფრო ანაზებს მას. უკანასკნელი სიტყვები ძლიერ გულწრფელნი იყვნენ ჩემნი.

– ოლია, რამდენი ხანი იყავი სანატორიაში?

– სამი თვე.

– რითი იყავი ავად?

ოლიამ დამაფიქრებლად დახარა თავი.



- საშინლად ავადმყოფიც რომ იყო, ჩემთვის მაინც ხარ, ოლია! და იგი ისევ ატირდა...

- მაშ არ გეზიზღები... მაშ ვიცხოვრებთ ერთად?

- ვიცხოვრებთ!

მეორე დღეს ოლია ჩემთან მოვიდა, რა ბედნიერება იყო. ერთხელ მითხრა, რომ თბილისში იგი თავს უფრო ცუდად გრძნობს და მალე უნდა წავიდე სააგარაკოდ.

- ბოლოს და ბოლოს, ოლია, სთქვი მართალი, რითი ხარ ავად? რა პქვია შენს ავადმყოფობას?

- მან ამოიოხრა და არაფერი არ მიპასუხა.

მე მოვხვიე მას ხელი... აღერხის დროს იგი ბავშვივით გულწრფელია. შეიძლება სხვა დროს ვერ ათქმევინო ის, რასაც თავზე ხელის გადასმით, კოცნით და დაყვავებით ათქმევინებს მას...

- თქვი ოლია, რითი ხარ ავად, უნდა ვიცოდე მე ვგ თუ არა? მან დიდხანს ჩუმად მიცქირა თავისი დიდი, უკვე გამოცვლილი ცისფერი თვალებით და შემდეგ ხელი გამომიწოდა. მარჯვენა ხელი... რა არის? მარჯვენა ხელი? რაღაც არ ეტყობა სიცოცხლე-

- რა დაემართა, ოლია, ხელს?

- ხელი არ მოქმედობს... პროგრესულად ხმება მხარიც... სწრაფად უნდა წავიდე საექიმოდ, თორემ დავიღუპები, გალ.

რა ტანჯულად, რა წამებულ ქალად მომჩვენა მე ეხლა ოლია. მას აღარ აქვს ხელი... მარჯვენა ხელი... იგი იღუპება.

საწყალი, საწყალი ბავშვი.

შემდეგ ყოველდღე ეხვდები მას... დღეებს და ღამეებს თითქმის ერთად ვატარებთ... გამოგონილი აღმოჩნდა აგრეთვე „ცუდი ხენის“ ისტორიაც. მაგრამ ხელი, მარჯვენა ხელი! უთუოდ რამდენ მწუხარებას განიცდის ეს ქალი... ვინ იცის, რად დაემართა ეს? ამბობს, რომ მონაწილეობას იღებდა შაბათობაში. ხერხავდა რაღაცას, ხერხის ხმარება არ იცოდა და მან ხელი გაუკაწრა. ხერხი დაჟანგული იყო და სიხლი მოუწამლა. ხელი მალე ძლიერ გაუსივდა და ექიმებს სურდათ მოეკრათ იგი, მაგრამ ოლია არ დათანხმდა, იგი მოეკვება ხელთან ერთად. მაშინ ექიმებმა უფრო



შეტი ენერგია გამოიჩინეს და ოღია სიკვდილს გადაარჩინეს. ურჩიეს აგრეთვე წასულიყო მალე ტალახით საექიმოდ, რადგან ხელის გახშობა პროგრესულად მიდის მხარისაკენ.

იგი მიაშობს ამ ამბებს და ბევრს სხვას.
 ვინ იცის, რანაირი ცხოვრებით ცხოვრობდა იგი?

ეს ჩემთვის სამუდამოდ გამოუცნობ გამოცანად დარჩება.

მოდის ჩემთან ოღია. ამბობს საყვედურებს, რომ მე იგი დავლუპე, მაგრამ მალე სხვაგვარად ალაპარაკდება, რა იქნებოდა, მისი ცხოვრება, რომ მე მას არ შეუხვედროდი... როდესაც მე აეუხსენი, თუ რა გაგიჟებით მიყვარს იგი, ამბობს, რომ მხოლოდ ეხლა სჯერა დიდი სიყვარულის უკვადება... „შვიდი წელიწადი! მთელი შვიდი წელიწადია ერთმანეთს ვიცნობ და გეიყვარს...“ განა ეს შვიდი წელიწადია? ეს მთელი საუკუნეებია... ოპ, რა სწრაფად მიდის დრო, გალ...“

გალაკტიონს მაინც ღრღინს ეჭვი. რას აკეთებდა ოღია მოსკოვში? ზოგჯერ ეჩვენება, რომ ოღიამ მას უღალატა და მრისხანებს. შერე შორს ერეკება შავ ფიქრებს. კვლავ საშინელი წარმოსახვები ეძალება.

...მღალატობენ მეგობრები, მღალატობენ ნათესავები, მღალატობს, საზოგადოდ, ბედი, მღალატა ოღიამაც და მთელ ჩემს ცხოვრებაში ეს არის ყველაზე უფრო უსასტიკესი ღალატი! ნუთუ ადამიანებს აღარ აქვთ გული? რა საზიზღარი რამ არიან ადამიანები. რად, რად ჩაიღინა ასეთი რამ ოღიამ?

და ისევ ვფიქრობდი: მაგრამ ოღია ავადაა. ავადაა მხოლოდ იმის გამო, რომ ვიდაცამ მისი ცხოვრების ახლო გაიარა, ტლანქად და მოურიდებლად. შეიძლება ეს „ვიდაცა“ ვიყავი თვითონ მე... გრცხვენოდეს, ოღია. შენ მეტად ავადა ხარ იმისთვის, რომ როდესმე გაგაგებინო. მე გავიგე, მე ვიცი ყველაფერი! არასდროს ამ სიტყვებს მე არ გეტყვი და შეიძლება, ეს უფრო უსასტიკესი სასჯელი იქნეს შენთვის? მე ვიზრუნებ შენთვის, რომელიც ასეთი შებრალებით მიყვარხარ. შენ კი, თუ გსურს, კიდევ მღალატე, მღალატე, როგორც მღალატობს ყველა: გალაკტიონ ტაბიძე თავის თავს არ უღალატებს! შენ არ გიღალატია! ვერავინ, ვერავინ ვერ გაიგებს ამ ცნობას. ეს, თითქო, არც მე ვიცი... ხა, ხა, ხა“.

ეს არ არის ჩვეულებრივ მღგომარეობაში მეოფი კაცის განცდები. ეს დეპრესიული პიროვნების ხარხარს მიაგავს. ეჭვს გალაკტიონი თითქმის სიგიჟემდე მიჰყავს.

დოსტოევსკის გმირები ამტკიცებენ: ვიტანჯები, მაშასადამე ვარსებობ! გალაკტიონს დამატებით ისიც შეეძლო ეთქვა: მიყვარს, მაშასადამე, ვარსებობ!

არაერთხელ დაფიქრებულვარ ოლიას სიყვარულზე, თვალი მიმედევნებია მისი ცხოვრების ურთულესი გზისათვის და ყოველთვის მოვხიბლულვარ ამ ქალის სტოიციზმით: ზოგჯერ გავოცებულვარ კიდევ ყოფით მოვლენებზე ამაღლების მისეული უნარით.

მოდინე შევაფერადებთ სინამდვილეს. ჩულებრივ მოკვდავს უთუოდ გაუძნელდებოდა გალაკტიონთან ცხოვრება, რადგან ამ გენიოსის გონება, ნიჭი, სურვილები ერთი კალაპორტით იყო მიმართული, ეს კიბუნებრივად იწვევდა ყოველდღიური პრაქტიკული საკითხებისადმი გუილგრიდ თუ დაფანტულ დამოკიდებულებას.

გალაკტიონს შეეძლო მთელი დღეს და ღამე ჩაკეტილიყო კაბინეტში და ფიქრადაც არ მოსვლოდა, რომ ოჯახს პური უნდა, შეეძლო საათობით მჯდარიყო გაყინულ ოთახში, რითმებთან შეჭიდებული, და არც კი გახსენებოდა, რომ ნავთი დიდი ხანია გამოიღია. შეეძლო მთელი ღამე ელხინა ახლადგაცნობილ მუინახესთან და არ მოგონებოდა ფანჯრის რაფაზე გადმოხრილი მუუღღე.

ისიც ხდებოდა, რომ დროდადრო გამოერკვეოდა დ შოჯახე კაცის იერთ კომფორტზე ზრუნვას დაიწყებდა. მაგრამ ეს აფეთქებები ძალზე ხანმოკლე იყო. მუზა კელაე სხვა სამყაროსკენ მოუხმობდა.

ერთხელ, ორჯერ, სამჯერ გაუძღებ ჩუულებრივი რიტმიდან ამოვარდნას. მაგრამ სისტემატური დაძაბულობა, გაუთავებელი ბოქმეა ყველაფერზე ხელს ჩაგვაქნევინებს და განერიდები იმ სიმაღლესაც კი, რომელიც ასეთი მიმხიბვლელი ჩანს.

ოლია არ გაქცეულა. სხვებისათვის ეს შეიძლება გამრობად ჩაგვეთვალა. მას კი ამგვარი შეფასებით დაგამცირებდით. ოლია კარგად გრძნობდა, რომ გალაკტიონს სხვაგვარად ცხოვრება არ შეეძლო - ამიტომაც დიდი პოეტის ჩუულებრივ კალაპორტში მოქცევა კი არ დაუსახავს მიზნად, არამედ მისთვის ფეხის აწყობა. თავისუფლება შეცნობილი აუცილებლობაა. ოლიამაც შეიცნო

გალაკტიონის ყოფნის აუცილებლობა. ამიტომ წარბეჭედდა ხვედობდა ბევრ ისეთ რამეს, რასაც სხვები შეიძლება ისტერიკამდე მიეყვანა.

ოლიას გაგებით, გალაკტიონი ღმერთია. ამიტომ მისი მოქმედების ჩვეულებრივი მეტრით გაზომვა დაუშვებელია. ოლია არა მხოლოდ ეთანხმება გალაკტიონს, არამედ მასავით აზროვნებს და განიცდის.

ვიყოთ ბოლომდე გულახდილნი. გალაკტიონისა და ოლიას ურთიერთობაში არის მოქუფრული დღეები, ხანმოკლე გაუგებრობებიც. ოლიაც ეკვიანობს. ამის საბაბს კი გალაკტიონი ნამდვილად იძლევა. ზოგჯერ ქალი წარმოსახვას აბატონებს და ტკივილისაგან იკრუნჩხება. მაგრამ ასეთ წუთებშიც სიყვარულითაა სავსე. წინ ორი გალაკტიონი უდგას: - უხეში ცხოვრების შხეფებით მოსვრილი, მეორე კი იდეალური. პირველს კიცხავს, მეორეს ეთაყვანება. ამ თვალსაზრისით ძალზე მეტყველია 1917 წლის 17 თებერვლის ჩანაწერები:

„- შენ დამივიწყე, გენაცვალე, მომატყუე. მაგრამ იცოდე, ყოფილო პოეტო, ყოფილო ადამიანო და ყოფილო, ყოფილო ჩემი უძვირფასესო მეგობარო, ყოველივე წმინდასა და ამალღებულს შენთვის ვინახავდი; შენთვის, რომელიც იდეალად წარმომესახე, მაგრამ ვაი, რომ შეეცდი...“

შემდეგ ისევ ჩივილი, კელავ ყვედრება, შურისძიების სურვილი და მაინც, ყველაფრის დამფარავი ბოლო აკორდი: „მოდით, შენ ღვინო ხარ ამ ჩემს შფოთიან, ამღვრეულ და ცდომილ ცხოვრებაში. მოდი, შენ ის ხარი ხარ, რომელიც მიხმობს“.

ან კიდევ.

ოლია ავადაა. გალაკტიონი ხშირად ვერ ნახულობს. ერთხელ მთერალი მისულა და, ჩანს, სათანადო ჯენტლმენობაც ვერ გამოუჩენია. მავანნი და მავანნი ჭორობენ და ქალს მოთმინების ფიალა ევსება.

„რამდენი ხანია ვწვეარ და ერთხელაც არ მიძინებია. ვფიქრობდი, ყველაფერი უკეთ იქნება, ექიმებისაგან ნებართვას ავიღებ და გალაკტიონიც ყოველ დღე ივლის, გამამხნევებს, ტანჯვას შემიმსუბუქებს-მეთქი. მეც სწრაფად განვიკურნები. სიცოცხლე

მინდა, ძალუმად მინდა. მაგრამ ყველაფერი დაიმსხვრა. ახლა, ახლა რას ეტყვი ჩემს სიყვარულს.

დასრულდა.

ოცნებები შევი სისხლით წაილეკა. არ მსურს განკურნება. წყულო საწოლო, აწი არ დაგნამავ ცრემლებით. მე ხვალ გაუქცევი...

„სამუდამო მხარეში შენი ღურჯა ცხენებით ხვალვე გავექანები“. შენს ჯინზე ეს მოხდება ხვალ, ხვალ, შენი გულიზა. იქ მაინც არ დავღვრი ცრემლებს. არ შეცოდინება, უძილო ღამეები. რა ბედნიერება მომცა მე ამ ქვეყანამ, რას მაძლევს, გარდა უძილო წამების დამეებისა. დღეს თუ ხვალ, დღეს თუ 10 წლის და 20 წლის შემდეგ, სულ ერთი არ არის. რომ ვერაფერს გაუოგებ შემდეგ, ხომ არ ვინანებ არაფერს. ვიქნები იქ, სადაც არ ტირიან და არც იცინიან. ხა, ხა, ხა, ხა, ხა. აწი არ დატკბები ჩემი წვადებით არა, არა. მკვდარი ვიქნები და ვეწამები „სამუდამო მხარეში“. არა, არა, აწი არ იხარებ ჩემი წამებით. ამას წაგართმევ, წაგართმევ ხვალ, წაგართმევ“.

აშკარაა, რომ ამ ბარათს აფექტში მყოფი პიროვნება წერს. მაგრამ ამჯერად ჩვენთვის უფრო მნიშვნელოვანი სხვაა. კერძოდ, ანდრესატის „გაორება“. იგი უმკაცრეს გადაწყვეტილებას იღებს... თვითმკვლელობისაკენ გალაკტიონი „უბიძგებს“ და მაინც: სიცოცხლეს გალაკტიონის ღეჟსით ემშვიდობება.

შემთხვევითია? არა! მთელი მისი არსება გალაკტიონითაა გაჯერებული. სწორედ ამაზე იტყვიან – სიყვარულს სიძულვილით ავლენსო.

ცოდვა იქნებოდა, აქ მხოლოდ ქინიანობა დაგვენახა. თვითგვემა უფრო მეტია, ვიდრე სხვისი განქიქება. ჩანს სული მაღალი, სული შეშლილი და ბედნიერი.

ზოგჯერ გალაკტიონიც არ მალავდა განაწყენებასა და უკმაყოფილებას. სხვა საკითხია, რამდენად სამართლიანი იყო მისი პრეტენზიები, შეეძლო თუ არა ოლას ყველაფრის გათვალისწინება და გაკეთება. ალბათ ცალკეულ შემთხვევებში ოლიამაც ნაიმუხლა. მაგრამ ყოველივე ეს უფლებას არ იძლევა მთავარი და არსებითი დაევიწყოთ ან მივჩქმალთ. მთავარი კი

ის არის, რომ ოლიას ისე ესმის გალაკტიონისა, როგორც არავის
წყველებრივი მოკვდავის გაგებით, გალაკტიონი, არცთუ
იშვიათად ახირებულად მოქმედებს. როგორია ამ დროს ოლიას
პოზიცია? იგი გულწრფელად ფიქრობს, რომ გალაკტიონი
ლოგიკური და მართალია. ამიტომაც არავითარი კრიტიკა,
არავითარი გაორება.

ყოველივე ეს არა მხოლოდ ზღვარდაუდებელი სიყვარულიდან
მომდინარეობს, არამედ ხედვისა და განსჯის იდენტურობიდან.

დასასრულს ოლიას ერთ ჩანაწერს დავეხეხებით. „ბავშვობიდანვე
ჩემი მეგობრები სიჩუმე და მარტოობა იყო. მრავალთა შორის მე
მუდამ კენტად ვიყავი, ყველგან ობლობას ვგრძნობდი. ვიცოდი, რომ
ადამიანებთან ურთიერთობა გამიჭირდებოდა...

ადამიანებს შორის ვიშოფებოდი, მაგრამ მუდამ მხოლოდ ჩემი
შინაგანი სამყაროთი ვცხოვრობდი, რომელშიაც ხორცშესხმულია
მთელი სამყარო. ასე მგონია, რომ მე მხოფლიოს ვესაუბრები, როცა
მარტო ვარ, ხოლო ადამიანებთან ყოფნის დროს სამყაროსაგან
გათიშული, განშორებული ვარ“.

კვითხულობ ამ სიტყვებს და ასე მგონია, გალაკტიონის
პორტრეტი იძვრება. გალაკტიონისთვისაც ხომ ნიშანდობლივი იყო
ეს თვისებები.

ფარსაგი დამთხვევაა, რომელმაც მნიშვნელოვნად განაპირობა
გადაჯატკული თანამგზავრობა. ოლია პოეტია, პოეტი-ლირიკოსი.
ღრმად სწამს, რომ მისი ნაწერები არსებითად სწორედ ამ თვალით
უნდა იქნეს წაკითხული.

როგორც ვნახეთ, დედა, ძმა, მეუღლე თავს ევლებიან დიდ
ბავშვს, სითბოსა და სიყვარულს არ აკლებენ. გალაკტიონიც
გულწრფელად პასუხობს მათ, მაგრამ მისი დამოკიდებულება
ახლობლებისადმი მაინც განსხვავებულია. დედისათვის
გალაკტიონი კერპია, ასევე მეუღლისათვის. გალაკტიონს კი
არ შეეძლო პირველ ადგილზე ისინი დაეყენებინა. მისთვის
სიყვარულის იერარქიულ საფეხურზე ყველაზე მაღლა პოეზია
დგას. ამიტომ არის გალაკტიონი ძლიერზე ძლიერი. მას ძალუძს
თითქმის ყველაფრის დაკარგვა გადაიტანოს, რადგან არსებობს

¹ ოლია ოკუჯავას დღიურები და მიმოწერა გალაკტიონთან, 1987, გვ. 42.

პირველი და უმთავრესი - შემოქმედება!

გასრულდა ესე ამბავი, ამბავი სიყვარულისა - თვითურთქმედისა
უმაღლესი თვითდამკვიდრებისა.

„მარად ისმის: მარადისი
სიყვარული მხელია.
ვის ისარი მოხვდა მისი
მუდამ ცრემლის მღერულია“.

ნათყა და თქვენ.

*ნათყა და თქვენ? - მთელი ნათყა
და თქვენ ქვეყნის ყაფიანობა
შენი ხა ვახუშტი ან ზენო სერაფიმოვი
შემოსილი მისი მისი მისი მისი მისი მისი*

1905 წელი

¹ გ. ტაბიძე, თხზ., ტ. IV, გვ. 177.

„შენ ხომ ბელუინი ხარ“

„საკუთარი გულის, შემოდგომის
სალამოს დაწვების პოეტია
ტაბიძე. მისი სიმღერა ნაზია,
როგორც დედოფლის სიზმარი, და
თავისივე ნამღერი შემოდგომის
მელოდიით აცრემლებული დასცუ-
რავს ამ სალამოს ჯერ კიდევ გამ-
ჭვირვალე მწუხრში“.

გიციან ტაბიძე

ზემოთ ითქვა, რომ ჭაბუკ გალაკტიონს ზოგჯერ ღრღნიდა ეჭვი – შემიძლია კი ხელთუქმნელი ძეგლის აგება? ვინ ვარ? რა მისია მაკისრია? დემონის ხითხითი ხან მძლავი იყო, ხან კიდევ სუსტი და შეფარვითი. მაგრამ არსებითად გალაკტიონმა თავიდანვე იწამა საკუთარი ძალა. იგი ანალიტიკურად მოაზროვნე პიროვნება გახლდათ. მისი ჩანაწერები, კრიტიკული ძიებანი გვარწმუნებს, რომ პოეტი ღრმად ერკვეოდა ქართული პოეზიის ბუნებასა და ევროპული ლიტერატურის სპეციფიკაში. გალაკტიონი სწორედ სჭერებდა ახალგაზრდა კალმოსანთა სისურტე-სიძლიერეს. ასე რომ, შეპირისპირების გზით, მართლაც, შეეძლო გამოეტანა დასკვნა, რომ თავად გამორჩეულია. ერთ ადრინდელ ავტობიოგრაფიულ ნაწარმოებში გალაკტიონი ამბობს: „ჩემს ამხანაგებში ერთიც არ მოიძებნებოდა ცოდნით ჩემზე მაღლა რომ მდგარიყო. განა იცოდა ვინმემ „ფაუსტი“, გაგონილი ჰქონდა ვისმეს „დონ კიხოტი“ ან „ჩაილდ პაროლდი“? – მე კი ვიცოდი, ყველაფერი ვიცოდი – მე მქონდა საკუთარი ტრაგედია და მე ყველაზე მაღლა ვიდექი“.

თვითდაჯერებითაც უნდა აიხსნას, რომ გალაკტიონი ადრევე, 1911 წლიდან შეუდგა წიგნის გამოცემაზე ზრუნვას. ამ პერიოდისათვის ახალგაზრდა მგოსანს მრავალი ლექსი და პოემა ჰქონდა დაწერილი. გალაკტიონმა თავი მოუყარა მათ, ერთხელ კიდევ გარანდა, სრულყო და სუფთად გადაწერა. წიგნს პოეტური სახელი შეურჩია – „გრძნობათა ნიაღვარი“. წინათქმაც მოხაზა: „ამ კრებულში მოთავსებული ლექსთა უნრავლესობა დაბუკდილია სხვა და სხვა გამოცემებში. დაუბუკდავი მასალის არჩევის დროს ჩვენ ვიხელმძღვანელებთ ლიტერატურის ზოგიერთი მცოდნე პირთა რჩევით“. შემდეგ ჩამოთვლილია, თუ რომელ ჟურნალ-გაზეთებში იყო დაბუკდილი პოეტის ლექსები და რომელმა კრიტიკოსებმა განიხილეს ისინი.

ეს რეკლამაც იყო – მკითხველის დარწმუნება, რომ გემოვნებით შედგენილ წიგნს სთავაზობენ მას.

წიგნის გამოცემა ბევრ სიძნელესთან არის დაკავშირებული. გალაკტიონი ეთათბირება ნაცნობ-ამხანაგებს. ახუსტებს დეტალებს. ირკვევა, რომ კრებულის დაბეჭდვა ძვირი ჯდება. 1911 წლის 7 ოქტომბრით დათარიღებულ ბარათში იგი მასს სწერს: „წიგნს ვცემ ხელმოწერით. წარმოიგინე ორას მანეთამდე ჯდება – ხად მაქვს ორასი მანეთი – სასაცილოა!“

ეს, მართლაც, საოცნებო თანხაა. პოეტი მაინც არ იტეხს გულს და იწყება გაბმული, სერიოზული მუშაობა. გალაკტიონი, უპირველეს ყოვლისა, წიგნის გამავრცელებელი აგენტების მოსახიდად იბრძვის, დიდი სიფრთხილით არჩევს მათ. ესენია: ი. კვიციანიძე, ს. კლდიაშვილი, კ. გამსახურდია, ტ. ტაბიძე, პ. იაშვილი, ს. გერსამია, მ. დაჩაგრული და ა. შ. სულ 24 კაცი. სხვა ჩანაწერით დასტურდება, რომ გალაკტიონს იმედი აქვს „კოლხიდის“ რედაქციისა და ივ. კილაძის სტამბისა. არსებითად სწორედ ამათხეა დამოკიდებული კრებულის ბუდი. 200 ხელმოწერი თუ შეგროვდა, თანხის ნაწილი თუ წინასწარვე შეიკრება, სტამბისა და ქალაქის საქმე შედარებით იოლად მოგვარდება.

იბეჭდება სარეკლამო ფურცელი: „აქ მიიღება ხელის მოწერა ახალგაზრდა მგონის გ. ტაბიძის წიგნზე „ლექსები და პოემები“, რვეული პირველი...“

გალაკტიონმა ქვითრებიც დაამზადა და აგენტებს დაურიგა. „ძმარ სერგო, სწერდა იგი ს. გერსამიას, – გიგზავნი კვიტანციებს ჩემი წიგნისათვის და განცხადებას, რომელსაც გააკრავთ იქ, სადაც კი ხელის მოწერა მოხერხდება... არ ვიცი, სამკითხველო დააარსეთ თუ არა, და თუ გაქვთ, ერთს განცხადებას იქ გააკრავთ. ყოველ შემთხვევაში, მე სრული იმედი მაქვს, რომ კვიტანციებს გამისაღებთ დაახლოებით ასე ორმოცამდე – წიგნი იქნება დიდი ფორმატის (240 გვ.). ჩემო კარგო, ოც მანეთს წიგნის გამოცემის საქმეში დიდი მნიშვნელობა აქვს და, აბა, თუ როგორმე მოახერხებთ... წიგნი ორ თვეში უნდა გამოვიდეს. ფული კი გამომიგზავეთ ამ ადრესით: Кутаиси. Классическая гимназия. Титу Табидзе. აბა, თქვენ იცით, როგორც დამეხმარებით... 1911 წ. 15. X“.

1911 წლის 18 აგვისტოს გალაკტიონი დახმარებისთვის მიმართავს იოსებ გრიშაშვილს: „მე უნდა ვისარგებლო ეხლა შენის მეგობრული რჩევით ნაწერების ცალკე გამოცემაზე. ქუთაისში კიდევ ვაუმართე ამხანაგების საშუალებით ხელისმოწერა და გროვდება ფული. მოგროვდება იმდენი, რომ მვეოს ცოტა ხანზე თბილისში ჩამოხედისას. შეიძლება მეტიც მოგროვდეს, რადგან მოსწავლეების იმედი მაქვს, რომლებიც, წარმოიდგინე, აქ საკმარისად მიცნობენ. მე კარგად არ ვიცი და შენგან ველი

დარიგებას საქმეზე. შენ მითხარი: - შეიძლება ქალაქი და სტამბა ნდობით დაეფალოსო. ძალიან კარგი იქნება, ჩემო იოსებ! თუ ეს შეუძლებელია? დამავალე და გამიგე. თუ შეიძლება ცოტას დამჯერდნენ ჯერ. შენ ხომ კარგად იცნობ მიხეილ განჩინილას? მგონია დაახლოვებულიცა ხარ...¹

ა. გრიშაშვილს პასუხი არ დაუყოვნებია. „ჩემო გალაკტიონ! შენი წერილი (მეორე წერილი) დღეს გადმომცეს და აი, როგორც ხედავ, გიპასუხებ. განზრახვა შენი დიდებულია; და ხომ იცი, რომ სულით და გულით მინდა ცალკე გამოვიდეს ლექსები შენი. რაშია ც გსურს, ყველაფერში მზადა ვარ დაგეხმარო. მის. განჩინილადე ეხლა პატარა ცემშია და წამოვა მალე. მგონი ყველაფერი მოხერხდება... ჩამოდი და მოვილაპარაკოთ... არ ვიცი, შენ ჩამოსვლა გინდა, თუ ისე უნდა გამოგზავნო ლექსები დასაბეჭდად. სტამბას მოგიხერხებ და ქალაქის შესახებ კი ვერ დაგაიძებებ... მაშ ასე... პირველ წერილში ძალიან გულჩახვეულობა გეტყობა - რა ამბავია? მშვენიერი წერილია, პოეტური, პატარა „მინიატურები“ მაქვს და ისე მომეწონა შენი კილო მარტოობისა და თვით წერილიც, რომ მოვათავსებ „წერილი მეგობართან“ ამ სათაურით. მშვიდობით. ვისურვებ კოცნის მისიკაზე ცეკვას“.

წიგნის თბილისში გამოცემა ვერ მოხერხდა და გალაკტიონი ბათუმში ცდილობს საქმის მოგვარებას. ამიტომაც მიმართავს „ბათუმის გაზეთის“ რედაქციას. მაგრამ წარმატებას ვერც აქ აღწევს. „ბათუმის გაზეთის“ რედაქტორ-გამომცემელი ა. ჭელიძე სწერს: „მ. ხ., თქვენი ღია ბარათის პასუხად მოგახსენებთ, რომ რედაქციას ამჟამად არ ეხერხება გამოსაცემ წიგნებზე ხელის მოწერის გამართვა. გირჩევთ ბათუმში მიმართოთ ხელის მოწერის გასამართად წიგნის მალაზიას და ჟურნალ-გაზეთების კანტორას „განთიადს“. იგი გაგიწევთ თქვენ ამ საქმესი სამსახურს, მით უმეტეს, თუ მცირედენ % დაუთმობთ“.

გალაკტიონი გულს არ იტეხს. ისევ მშობლიური ქუთაისი თუ იხსნის. და აი, 1912 წელს, თებერვლის დამდეგს გაზეთ „ცხოვრებაში“ ხედიხედ იბეჭდება შემდეგი განცხადება-რეკლამა: „მიიღება ხელის მოწერა გ. ტაბიძის წიგნზე - ლექსები და პოემები, რვეული პირველი. ფასი ხელის მოწერით ათი შაური.“

ქუთაისში: ჟურნალ-გაზეთის კანტორა „იმერეთში“, გოგიბერიძის წიგნის მალაზიაში, წიგნ. მალ. „პროვინციაში“ და სხვ. ხელის მოწერა გამართულია ტყიბულში მ. ბოჭორიშვილთან, ხორაგაულში სვ. რუხაძესთან, სამტრედიაში, ხონში, თფილისში

¹ გ. ტაბიძე, თხზ., ტ. XII, გვ. 540.

და სხვ.

ხელის მოწერა მიიღება აგრეთვე გაზეთ „ცხოვრების“ რედაქციაში¹.

მეგობრებს თავი არ დაუზოგავთ. მაგალითად, მისი ბოტორიშვილმა ტყობულიდან წინასწარ აკრეფილი ათი მანეთი გამოგზავნა

არქივმა შემოგვინახა ერთად აკინძული კვიტანციები. როგორც ჩანს, ისინი აგენტ პ. გუჯაბიძისათვის გადაუცია გალაკტიონს. ამ დოკუმენტით დასტურდება, რომ ქუთაისში წიგნის შექმნის სურვილი გამოუთქვამთ: ვიქტორ ნოზაძეს, სერგო გერსამიას, რაისა ჩიხლაძეს, ქალაქის ბიბლიოთეკას... ხულ 100 კაცს. ეს ხდება 1912 წლის 13 იანვრიდან 10 თებერვლამდე საფიქრებელია, ქალაქში სხვა აგენტებიც მოქმედებდნენ, მაგრამ ხელმოწერა მაინც მცირე იყო. არც დაბა-სოფლები იზნდნენ ღიდ დაინტერესებას. ერთი სიტყვით, გალაკტიონმა ფიასკო განიცადა. ამ პირველმა წამოწეებამ მას არა მხოლოდ მატერიალური ზარალი, არამედ მორალური ტრავმაც მიაყენა. ხელისმომწერლებმა წიგნი ვერ მიიღეს. გალაკტიონს წინასწარ აღებული ფულიც შემოეხარჯა და მევალები ვერ გაისტუმრა. აი, რას სწერს იგი მ. ბოტორიშვილს: „...როცა ჩემდა უნებურად მომაგონდება ის საბედისწერო „კვიტანციები“, პირდაპირ გავშრები ხოლმე, აუწერელ წამებას ვგრძნობ. ამის შემდეგ, იფიქრე რანაირად უნდა მიშვოთებდეს გულს სიტყვები შენი წერილიდან: „რა ვქნა, რომ აღარ ვიცი, რა ვქნა და ათასჯერ რა ვქნა, ჩემი ერთადერთი მიზანი კვიტანციების ფულის გადახდააო“. შენ ეხლა მართლაც იტანჯები, დაძნალებ მე ვარ, მე მოგაყენე ამდენი უსიამოვნება იმ მართლაც ღრმა მეგობრულ თავგანწირულებისათვის, რომელიც ამ შემთხვევაში გამოიჩინე, რომლის მსგავსი მე არავისგან არაფერი მახსოვს. მე მშვენივრად მახსოვს შენი თანაგრძნობა, თითქოს ჩემი საქმე კი არა, საკუთრად შენი საქმე ყოფილიყოს, იმგვარ გატაცებით მოეჰიდუ დაწეებულ საქმეს, თითქოს პირადი ჩემი სრულიად არ გამოგერჩეოდა შენისაგან, და აი მხოლოდ ეს მაწითლებს მე, როცა წარმოვიდგენ თუ რითი გადაგიხადე გულწრფელი დახმარებისა და თანგრძნობის მაგივრად, უხერხულ მდგომარეობაში ჩაგაყენე, საკუთარი საქმე ავირიე, ავიწეწე, მაგრამ რაც უნდა დამემართოს, რა მდგომარეობაშიც უნდა ჩავვარდე, უსათუოდ გადავიხდი ამ ვალს, პირველადვე, როგორც კი ჩამივარდება ხელში ფული. როდესაც ქუთაისში ვიყავი, მე ეს ფიქრი მოსვენებას არ მაძლევდა, რომ დავიწეე საქმე და დასრულება აღარ ეღირსა-მეთქი, დამ-

¹ გაზ. „ცხოვრება“, 1912, №5, 6, 7, 8, 9...

დამობით ძილი არ ეკარებოდა ჩემს თვალებს, დღისით მოსვენება არ ვიცოდი, თითქმის სულ დამაფიწყდა ყველაფერი, მერე როგორ ვცხოვრობდი?"¹

ეს წამოწყება შემთხვევითი არ ყოფილა. როგორც აღვნიშნეთ, გალაკტიონს ბევრი ლექსი და პოემა დაუგროვდა. წიგნში უნდა შეულიყო 174 ლექსი. თუ გავიხსენებთ, რომ გალაკტიონის თხზულებათა პირველ გამოცემაში 1912 წლამდე დაწერილ ლექსთაგან მხოლოდ ათიოდეა შეტანილი, აშკარა გახდება, რომ პოეტს დაახლოებით 150 კიდევ ჰქონდა მზად. სად არის ეს ნაწარმოებები? განადგურდა თუ გამოვლენას ელის?

მთავარი ისაა, რომ გალაკტიონი ამ პერიოდში ძალზე პროდუქტიულია. სხვა საკითხია, თუ როგორ შთაბეჭდილებას მოახდენდა პირველი წიგნი. ცხადია, ის რომ 1911 წლის მიწურულს ან 1912 წლის დამდეგს დაბეჭდილიყო, მასში ვერ შევიდოდა „ქალი და ხელოვნება“, „მე და დამე“, „გურიის მთები“ და სხვ. ამდენად, წიგნს ისეთი რეზონანსი ვერ ექნებოდა, როგორც ჰქონდა 1914 წელს გამოცემულ კრებულს.

გალაკტიონმა 1913 წელსაც სცადა წიგნის დაბეჭდვა, მაგრამ კვლავ მარცხი განიცადა. „გამომცემლობები, როგორც ქუთაისისა, ისე ტფილისისა, კატეგორიულ უარს აცხადებენ ჩემი წიგნის გამოცემაზე. ეს გარემოება სულით ხორცამდე მაშფოთებს. მაგრამ მე თავს ვიტკერ და მოთმინებით ვუცდი: ვიცი გამოიდარებს“².

1914 წელს გალაკტიონი მეტი პასუხისმგებლობით მოექცა წიგნის გამოცემაზე. ეს, უპირველეს ყოვლისა, გამოიქვლინა ნაწარმოებთა შერჩევაში. ბევრი ლექსი, რომლებიც წინა კრებულში უნდა შეეტანა, ამ გამოცემაში არ მოუთავსებია. უარი უთქვამს ზოგიერთი აპრობირებულ ნაწარმოებზეც კი. მაგალითად, 1908 წელს „საქართველოში“ დაბეჭდილ ლექსზე „წყურვილი თავისუფლებისა“. ი. გრიშაშვილს, როგორც ჟურნალის მდივანს, ხსენებული ლექსი მკაცრად „გაუსწორებია“, ათკუპლექტიანი ნაწარმოები ათ სტრიქონზე დაუყვანია; ბოლო ორი ტაეპიც თავად შეუთხზავს³.

გასაგებია, რომ გალაკტიონი ამგვარად ტრანსფორმირებულ ლექსს არ შეიტანდა კრებულში. მაგრამ, პირველ ვარიანტს

¹ გ. ტაბიძე, თხზ., ტ. XII, გვ. 544.

² იქვე, გვ. 278.

³ ი. გრიშაშვილი, თხზულებათა კრებული ხუთ ტომად, ტ. V, 1965, გვ. 316-317.

რატომ არ დაუბრუნდა? გამორიცხული არ არის, რომ რედაქციის ჩარევამ ლექსის სრულყოფილებაში დააჭვა და საერთოდ უარი თქვა მასზე. ასევე არ ცნო წიგნში შეტანის ღირსად 1909 წელს „ფასკუნჯში“ დაბეჭდილი „გაზაფხულის მოლოდინში“ ხსენებული ლექსი 1911 წელს გააკრიტიკა აკაკი პაპავამ. აღბათ, ესეც გახდა მისი მოძულეების მიზეზი. სხვათა შორის, „წყურვილი თავისუფლებისა“ და „გაზაფხულის მოლოდინში“ გალაკტიონს არც ერთ კრებულსა და ტომში არ შეუტანია.

რაც შეეხება ლექსებს „მთვარე კაშკაშებს“, „ვითარცა გედი“, „ნიაი“ და სხვანი, რომლებიც პირველად ჟურნალ-გაზეთებში დაიბეჭდა, არც არავის დაუმახინჯებია და არც არავის დაუწუნებია, მაგრამ ტომში მაინც ვერ მოხედნენ. პოეტი მხოლოდ სხვათა შენიშვნებით კი არ ხელმძღვანელობდა, არამედ, უპირველეს ყოვლისა, საკუთარი შეხედულებით.

ზემოთქმული მაინც ვერ იძლევა სრულ სურათს. საკითხის საგანგებოდ შესწავლამ უჩვეულო ფაქტი წარმოაჩინა. გალაკტიონს უარი უთქვამს 45 დაბეჭდილ ლექსზე. 45! ეს ხომ ერთი კრებულის მასალაა. თანაც ამას აკეთებს არა ხანდაზმული მწერალი, რომელსაც უმდიდრესი მემკვიდრეობა დაუგროვდა, არამედ ახალგაზრდა მგოსანი. გალაკტიონს ტომში არ შეუტანია 1908-1909 წლებში გამოქვეყნებული არც ერთი ლექსი. 1910 წლის პუბლიკაციებიდან ხელშეორედ მხოლოდ 6 გამოამზეურა, 1911 წ. - 2, 1912 წ. - 7, სულ 15.

ყოველივე ეს გალაკტიონის პოეტური კულტურისა და გემოვნების დახვეწაზე, უდიდეს პასუხისმგებლობაზე მიგვანიშნებს. მსგავსი რამ მხოლოდ უნიჭიერეს და საკუთარ ძალაში დარწმუნებულ პოეტს შეეძლო; შემოქმედს, რომელიც წლობით კი არა, დღეობით იზრდება.

უთუოდ ანგარიშგასაწევია ტიციანის ცნობა: „გ. ტაბიძეს აქვს მთელი ციკლი რომანტიკული პიესებისა საქართველოს წარსულიდან. ეს ლექსები ამ წიგნში არ მოხვედრილან, გარდა ერთისა - „სამშობლოში“, რომელიც თითქო შესავალია ამ ციკლისა“. ტიციანი მას გადანახულ საუნჯეს უწოდებს. ჩვენ საფუძველი არ გვაქვს პოეტის გემოვნებას არ ვენდოთ. ეს ინფორმაცია იმ მხრივაც არის საგულისხმო, რომ გალაკტიონის დიდ ჩანაფიქრზე მიგვანიშნებს. ჩანს, პირველი წიგნის გამართვა ერთი მაგისტრალური ხაზით განუზრახავს - არსებითად ზოგადსაკაცობრიო საფიქრალის წარმოჩენას ცდილა. ეს ის


¹ გაზ. „საქართველო“, 1961, №4.

Ժայռակ

(Եղիշև Գևորգյան)

Պարտաւորութեան արդի փոփոխումը
 չի կարողանում, կը թշուարեմ զայն?
 Ժայռակ թշուարեմ Երան Կարսիս?
 Երան Կարսիս Երան Կարսիս!

Երան Կարսիս Երան Կարսիս
 Երան Կարսիս Երան Կարսիս
 Երան Կարսիս Երան Կարսիս
 Երան Կարսիս Երան Կարսիս!



გზაა, რომლითაც შესაძლებელი იყო დეკადენტ-ეპიგონებისაგან გამოეჯენა და ქართული მწერლობის ახალ რელსებზე გადაყვანა. ამ მოსაზრებისაკენ ისიც გვიბიძგებს, რომ პოეტმა კრებულში არ შეიტანა „პირველი ენკენისთვე“. ამ ლექსს ნაშლილად ვერ ჩავთვლით სუსტად, მაგრამ იგი სხვაგვარი განწყობით არის დაწერილი. სხვათა შორის, ხსენებულ ნაწარმოებთან დაკავშირებით 50-იან წლებში გალაკტიონს ახეთი ჩანაწერი გაუკეთებია: „VIII ტომისათვის უნდა მოინახოს ლექსი ჟურნალ „განათლებაში“ – „მასწავლებლო, ჩამოჰკარ ზარი“. ჩანს, პოეტს დაეწევიდა, რომ იგი თხზულებათა მე-5 ტომში აქონდა შეტანილი. კიდევ ერთ საბუთს მოვიტანთ ზემოხსენებული დებულების დასამტკიცებლად. 1914 წლის წიგნში არც ერთი პოემა არ შესულა. და ეს მაშინ, როცა ისინი უნდა დაბეჭდილიყო 1912 და 1913 წლებში გამოსაცემად განზრახულ კრებულებში. უცნობ წინასიტყვაობაში, რომელიც 1912 წლის გამოცემას უნდა წამძღვარებოდა, გალაკტიონი წერს: „შესწორებულად ვბეჭდავ პოემა „მწვემს“, რომელიც შკანახენელი წლის „თემში“ იყო მოთავსებული.

ორი წლის შემდეგ გალაკტიონმა აზრი შეიცვალა. მას უკვე ნაკლებ აკმაყოფილებს ხსენებული ნაწარმოები.

მეორე მხრივ, გალაკტიონი უფრო მონდომებით, გულდაგულ ეკიდება ორგანიზაციულ მხარეს. ხშირი სტუმარია გამომცემლისა და აზუსტებს საკითხებს; მოლაპარაკებას აწარმოებს ლიტერატორებთან კრიტიკული წერილების დაწერის თაობაზე; ზრუნავს მომავალი წიგნის გავრცელებაზე და ა. შ. შემთხვევითი არ არის, რომ პრესაში, მაგალითად, „აზრსა“ და „შრომაში“, ზედიზედ ქვეყნდება განცხადებები: „იბეჭდება და მოკლე ხანში ხელის მოწერით დაურიგდებათ გ. ტაბიძის ნაწერების I წიგნი. წიგნში მოთავსებული იქნება: 1) ავტორის სურათი, 2) ბიოგრაფია, 3) ლექსები (ჯერ დაუბეჭდავი) და 4) ივ. გომართელის, მიხ. წულუკიძის, იპ. ვართაგავას კრიტიკული წერილები. ტომში იქნებას 200–250 გვ. და დაიბეჭდება კარგ ქაღალდზე“¹.

საერთოდ, გალაკტიონი დიდ მნიშვნელობას ანიჭებდა ამგვარ საქმიანობას. 40-იანი წლების მიწურულს შეთხზულ ერთ ნაწარმოებში იგი წიგნს ახლად ფეხადგმულ ბავშვს ადარებს, რომელსაც საგანგებო ყურადღება და გაძღოლა უნდა. ერთია წიგნის დაწერა და მეორეა ხალხში მისი გატანა.

კერძო საუბარშიც არაერთხელ აღუნიშნავს: წიგნის

¹ გაზ. „აზრი“, 1914, №32, 38, 43, 46, 48, 50, 52, 55, 56, 62, 65.

წარმატება ნახევრად რეკლამაზე არის დამოკიდებული. ისიც კარგად მახსოვს, ტომებისა თუ კრებულების გამოსვლასთან დაკავშირებით როგორ ადგენდა სიას ლიტერატორებისა, რომლებსაც შეეძლოთ ახალ წიგნზე რეცენზიის დაწერა. საგულდაგულდ წონიდა თითოეული კანდიდატის შესაძლებლობას და სიას გულმოდგინედ ცხრილავდა. ზოგს იწუნებდა იმიტომ, რომ სხვა პოეტთა მუხრებობას სწამებდა, ზოგს იმიტომ, რომ ლექსის ბაიბურში არა არისო. ზოგს კიდევ „ბერიას კუდად“ (მისი საყვარელი გამოთქმა) თვლიდა.

ეს ნუსხები, რომელთა ნაწილი გალაკტიონის არქივში ინახება, ბევრს გვეუბნება პოეტის კეთილშობილურ მისწრაფებებზე, სულიერ განწყობასა და ზოგიერთი პიროვნებისა თუ საკითხისადმი ტენდენციურ დამოკიდებულებაზეც.

ზემომოტანილი განცხადების მიხედვით წიგნში უნდა შესულიყო სამი კრიტიკოსის წერილები. დაისტამბა მხოლოდ ერთისა. ნუთუ ი.პ. ვართაგავამ და მის. წულუკიძემ ვერ შესძლეს დაპირების შესრულება? ან იქნებ თვით გალაკტიონმა არ ისურვა ამ ლიტერატორთა სტატიების დაბეჭდვა, როცა მათ შინაარსს გაეცნო?

საქმე ისაა, რომ მის. წულუკიძემ 1915 წელს გაზეთ „შადრევანში“ გამოაქვეყნა „გ. ტაბიძის ლექსები“. მასში სოციალ-დემოკრატიული მიმართულების ზოგიერთი ლიტერატორისათვის ნიშანდობლივი ცალმხრივობით არი განხილული პოეტის შემოქმედება. მკაცრად არის გაკრიტიკებული მგოსანი - იგი ხალხს მოსწყდა, უიმედობას ქადაგებსო.

შეუძლებელია ერთ წელიწადში შეეცვალა მის. წულუკიძეს შეხედულება. საფიქრებელია, რომ 1914 წელსაც, როცა მან პოეტის ხელნაწერები გადაიკითხა, იგივე მოსაზრება გამოთქვა, ამიტომ გალაკტიონმა საბოლოოდ უარი თქვა წიგნში მისი წერილის შეტანაზე.

რაც შეეხება ი.პ. ვართაგავას სავარაუდო წერილს, მის შესახებ ვერაფერს ვიტყვით. შეთხზა კი? სხვათა შორის, აფიშაში, რომელიც პრესაში გამოქვეყნებული განცხადების მსგავსია, ი.პ. ვართაგავა არ იხსენიება. აქ დამატებით ისიც არის აღნიშნული, რომ ტომი მაისის პირველ რიცხვებში გამოვა.

გასაგებია, თუ როგორი იქნებოდა გალაკტიონი წიგნის გამოცემის პირველ პერიოდში: მოუსვენარაი, მოფუსფუსე, წერილმანებზე ზედმეტად დაფიქრებული და, რაც მთავარია, ანთებულ-ამაღლებული. დარწმუნებული ვარ, თითქმის ყოველდღე აკითხავდა პუშკინის ქუნაზე სტამბა „მომობას“. მეგობრულად

უთათუნებდა მხარზე ხელს ასოთამწყოებს, კელავ და კელავ
თხოვდა მეტრანაპაქებს ანაბეჭდის ამოღებას... უხეში შეცდომები
კი მაინც გაიპარა - „უკანასკნელი დღე“ განმეორებით დაიბეჭდა,
ტანაც მხარდამხარ - 32 და 33 გვერდებზე, ხოლო განახლდა
გული“ საერთოდ ვერ მოხვდა სარჩევში.

იქნებ არ ღირდა ამ ფაქტზე ყურადღების შექნება?

ნუ ვინჩარებთა ასეთი დასკვნის გამოტანას. საქმე ისაა,
რომ ხსენებულ დეტალში რამდენადმე გალაკტიონის ხასიათი
ცნაურდება. იგი დიდი გატაცებით ეკიდება ახალ საქმეს.
თავდაუზოგავად იხარჯება, მაგრამ შემტვე განწყობას დიდხანს
ვერ იხარჩუნებს. წამოწყება თუ უმნიშვნელო იყო, მალე
განიხიბლბობდა, ხოლო თუ ძალზე სერიოზული, მაშინ გამაფრება
მხოლოდ უღელტეხილადმდე მიყვებოდა. ეფიქრობთ, ასე მოხდა
1914 წელსაც. გამომცემელი დაითანხმა. ლექსები შეარჩია.
ტექსტი აიწყო. პირველი კორექტურა გადაისინჯა, მაშასადამე,
როგორც თავად იტყოდა... საქმე აქურშია მოყვანილი“. აწი წიგნის
გამოსვლას ვერაფერი შეაფერხებდა.

ვნებები დაცხრა. მგოსანი დაშშვიდა. სხვა მხრივ გადაირო.

სტამბაში მაინც დადის, მაგრამ მისი ყურადღება მოჩვენებითია.
ამას ბუერი ვერც გრძნობდს.

ერთიც არის ხაზგასასმელი: გალაკტიონისათვის თავიდათავი
ლექსის გამოქვეყნებაა. რა ფორმით და რა ხაზით, ამას ხშირად
გადამწყვეტ მნიშვნელობას არ ანიჭებს. გავისხენოთ ხაუბარი
„მნათობის“ პასუხისმგებელ მდივანთან მოხე გოგობურიძესთან.

— ასი ლექსი? — წამოიძახა მოსემ — ბრავო! რამ დაგაწერია
შე კაცო, ასი ლექსი... ძვირფასი ამბავია. მაგრამ ასი ლექსი... ამას
ხომ ჟურნალის ასი გვერდი მოუნდება... აჰა... არა, შენ ამბობ, რომ
მხოლოდ თორმეტი გვერდი იქნებაო... ძალიან კარგი... რანაირად
მოახაზირე ახლა შენ მაი... ა?

— მოვახერხე სულ უბრალოდ: ოთხ-ოთხი სტრიქონი ერთ
სტრიქონად გადავაქციე.

— მერე რეიზე ჰქენი მაი საქმე... დარჩენილიყო ოთხ-ოთხ
სტრიქონად... მე შენს ადგილზე ასე მოვიქცეოდი: ნელ-ნელა
ვბეჭდავდი თითო ლექსს თითო ნომერში: ესეც შენი ასი ნომერი
„მნათობის“. ეხლა კი ასი ლექსია — და პონორარს კი მიიღებს
ერთი ლექსისას. რეიზა შობი ახლა მაგ საქმეს, ა?

— იმისთვის ჩემო მოსე, რომ ჩემთვის უმჯობესია ლექსები
დაიბეჭდოს ეხლავე, თორემ სულერთია, დამეკარგება, ან
გადამაიწყდება“.

¹ გ. ტაბიძე, თხზ., ტ. XII, გვ. 377.

ამჯერად სტროფიკას ამახინჯებს. სხვა შემთხვევაში დაწერის თარიღებს უგულვებელყოფს. უფრო მოგვიანებით სხვათა უმართებულო ჩასწორებებს უგულოდ კვიდება. ერთი ნიტყვით კონკრეტული სიტუაციისა და ვითარების გათვალისწინებით ლექსითა დაუყოვნებელ დაბეჭდვას ეწირება სხვა მხარეები.

დაეუბრუნდეთ წარსულს.

ამ დაძაბული შრომის შედეგად მკიხველმა მიიღო მშვენიერი წიგნი. ტუტკუ გვარამიას ცდა და მონდომება არ დაუკლია, რომ კრებული მიშვიდველი გამოსულიყო. გამომცემლისადმი პატივისცემა გალაკტიონმა ლექსით გამოხატა:

*„როცა სიცოცხლის შორ გატაცებას,
უვახლოდებით, რად გწყდება გული?
მუდამ გვახსოვდეს, რომ უკვდავია
ჩვენი ერთობა და სიყვარული!
მეგობრის გული როდის არ იგრძნობს
მეგობრის სულის იდუმალებას?
იგი აქარწყლებს მწარედ დაკარგულს
მწუხარებას და ტანჯვა-წამებას.“¹*

წიგნი ახალგზარდა მხატვარს გემესხს გაუფრომებია. გარკვეანზე გამოხატულია არფაზე დამკვრელი ქალი. ირგვლივ ყვაილდება მიმობნეული. წარწერები „გ. ტაბიძე“ და „ლექსები“ შესრულებულია ნახატი ასოებით, რომლებიც გამოირჩევიან ქართული პოლიგრაფიისათვის ნიშანდობლივი მოხაზულობით. ყველაფერ ამას გვირგვინის ფორმა აქვს. სურათში გარკვეული სიმბოლიკა იგრძნობა.

ხომ არ მიგვანიშნებენ პოეტი და მხატვარი, რომ ჭეშმარიტი ხელოვნება დიდი ფიქრის აღმძვრელია, ხილამაზის დამამკვიდრებელი და ტკობის მონიჭებელი; ხომ არ არის ეს ერთგვარი გამოწვევა, მინიშნება იმაზე, რომ ნაღდი პოეზია არ შეიძლება შემოიფარგლოს ვიწრო სოციალურ-პოლიტიკური საკითხების გარკვევით.

კრებულში დაიბეჭდა გალაკტიონის სურათი, მოკლე ბიოგრაფია და ი. გომართელის წერილი. წიგნზე დიდი მოთხოვნილება იყო. იგი არა მხოლოდ საქართველოში, არამედ მის ფარგლებს გარეთაც გამოუწვრიათ. მაგალითად, სურახანაში (ბაქოს მახლობლად) მცხოვრებ ათ კაცს გამოუთქვამს მისი შექმნის სურვილი².

¹ გ. ტაბიძე, თხზ., ტ. XII, გვ. 758.

² ბაზ. „შადრევანი“, 1915, №14.

გალაკტიონის პირველი წიგნი 3000 ცალად დაიბეჭდა და მალე გაიყიდა. მრავლისმთქმელია 1915 წლის 30 მარტს გამოქვეყნებული ტ. გვარამიას შენიშვნა: „...აგენტების და ხელის მოშვერთა საყურადღებოთ ვაცხადებ: იმ აგენტს, რომელიც დღემდის ანგარიში არ გაუსწორებია, უკანვე დაუბრუნონ ხელის მოშვერთ ფული, ვინაიდან მე უკვე წიგნი არ მომეპოვება“¹.

ალიარება ერთბაშად მოვიდა. არადა, ზოგჯერ მთელი ცხოვრება სიტყვასთან ჭიდილში მიიღევა; იქნება შედეგები, საზოგადოების გულგრილობის დაძლევა კი მაინც არ ხერხდება და ისე მიისვენებს მწერალი, ერთ თბილ რეცენზიასაც ვერ ეღირსება. ტროუშივი სიკვდილის შემდეგ იწყება. მთელი ელვარებით წარმოჩნდება შემოქმედის შარავანდედით მოხილი სახე და აღტაცებას აღტაცება ესაფხებურება. მაგრამ გვიანდაა.

გულისტკივილით წერდა გალაკტიონი 1910 წლის 6 აპრილს: „ერთი კვირის წინად გარდაიცვალა ვრუბელი; ისე, რომ არც კი გაუგონია ნამდვილი დაფასება მისი ნიჭისა. არც კი იცოდა, თუ სახელი მოეძებნებოდა კიდევ დღეამიწაზე. ყველასაგან ფხეჭეშ გათელილ მხატვარს სასო წარვეკეთა. იქნებ ის ფიქრიც გაუჯდა ძვალ-რბილში, რომ მართლა უნიჭო იყო? გვიანდაა მიცვალებულისთვის სიტყვის თქმა: შენ გენიოსი იყავი!“

გალაკტიონის ბუღი სხვაგვარად წარიმართა. მისი ლექსები გამოქვეყნებისთანავე შეიყვარეს.

დაფნის გვირგვინის მოპოვება ძნელზე ძნელია. გაბატონებული გემოვნების შეცვლა და ტრადიციული თვალსაზრისის დაძლევა, უპირველეს ყოვლისა, საკუთარ თავზე ამაღლებას და შეუპოვრობას გულისხმობს, რაც ყველას არ ხელეწიფება. ახალი ძაღის გამოჩენისთანავე იმანენტურად იბადება სკაპტაციზმი და თავშეკავება. ასეთ შემთხვევაში მოხლოდ ხალას ნიჭს, ლექსს ამოყოლილ უწვეულო სურნელებას თუ ძალუქს საზოგადოების ანთება.

გალაკტიონმა სწრაფად მოიპოვა წარმატება და ამას გარეგნულ, შემთხვევით ფაქტორებს ვერ მივაწერთ. იგი შორს იდგა იმ პოეტებისაგან, რომლებიც მომავადობეული პოეზიით, მომხიბლავი თამაღობით თუ შეღამაზებული ბოქმური აფეთქებით იზიდავდნენ საზოგადოებას. გალაკტიონის ალიარება ჭეშმარიტი პოეტური ტალანტის შეცნობაა. მან სულის უნაზუსი სიმები შეარხია და გაიტაცა მკითხველი. მგოსანმა გამოხატა ერის მოწინავე ნაწილისათვის დამახასიათებელი უკმარობის გრძნობა, ღტოლვა უკეთესისაკენ, რომანტიკული აღმაფრენა. და,

¹ გაზ. „შადრევანი“, 1915, №15.

რაც მთავარია, თავის განცდებს გასაოცრად ლამაზი, მიმზიდველ ფორმა მისცა.

ვიდრე გალაკტიონის წიგნისადმი ფართო საზოგადოების დამოკიდებულებას გავარკვევდეთ, მანამდე ერთ გარემოებაზე შევანერებთ ყურადღებას.

1914 წელს ორმოცდაათზე მეტი პოეტური კრებული გამოვიდა. მაგრამ... გინახავთ ექოთი დაჭრილი კაცი? ამ წიგნთა უმეტესობას კი ექოს სიძლიერეც არ ქონდა. მხოლოდ ხუთიოდე თუ გამოირჩეოდა ჭეშმარიტი ლიტერატურული ღირებულებით. დანარჩენები? თუმცა უმჯობესია რამდენიმე მათგანის დასახელება. ავტორთა გვარი და წიგნთა სახელწოდებები ბეკრის მთქმელია.

„აღავერდი! იახშიოდდი! სუფრაში სათქმელი სიმღერა და სხვა საღვინო ლექსები“, ბ. არნაუტოვი - „თამაშე თამარ“, ვ. ბაკურაძე - „ახალ ომში გაყვანილი საღდათის გოდება“, ბეგიჯანოვი - „ლექსი მანუშაკ ფარსადანოვის გარდაცვალებაზე“, ა. განჯის-კარელი - „განათლებლის ნაყოფია ტანვო“, დ. გივიშვილი - „ქალაქის ახალი ბოინი“, ი. გომიაშვილი - „გიტარაზედ და ფანდურზედ დასამღერებელი ლექსები“, ს. დათებოვი - „შამის მკვლელი და სტეპკო დათებოვის ანდერძი“, ვ. ედგაროვი - სრული აღნი პოორმ და შეგუას სიმრერა და ყომარბახის დღე“, გ. თომაშვილი - „სხედასხვა ლექსები. ზღვის კაცის ნახვა და იმის უტყუვარი აღწერილობა“, ბ. იაღუფოგოვი - „თელავის ბარიშნებზე ანუ სირანუშას ხმა სამარიდან“, კრიხელი - „უსამართლოთ მოკლული იოსებ დედიაშვილის მწარე ამბავი“, გ. სკანდარ-ნოვა - „მომღერალი ქალი“, ა. შახპარუნოვი - „ლექსად თქმული ახალგაზრდა ქალის მშობიარობის დროს გარდაცვალებაზედ“, ს. ხიმშელი - „ვარდის კოკობი“, მ. ჯაჭვიაძე - „სარიდონიანი“, პაზარი - „გამგელებული ბატკანი ანუ ომი ბალკანეთისა“ და სხვ.

ერთი სიტყვით, მოდიოდა „პოეზიის“ წვიმა, მაგრამ თესლს ვერ აღვივებდა, წვეთები სწრაფად ინთქმებოდნენ ქეშიან ნიადაში. ზოგჯერ გუბებზეც წნდებოდა, მაგრამ მალე ფერს იცვლიდა და მგზავრიც შეგნებულად უვლიდა გვერდს.

ზემოთქმულის გათვალისწინება აუცილებელია, რათა კიდევ უფრო გასაგები გახდეს გალაკტიონის წიგნის მნიშვნელობა.

გალაკტიონის ღირიკით გამოწვეული აღტაცების გასაცნობად პირველ რიგში პრესაში გაბნეულ შენიშვნებსა თუ რეცენზიებს გადავხედოთ. თითოეული მათგანის სერუპულოზური განხილვა შორს წაგვიყვანდა. ეს არცაა აუცილებელი. შევჩერდეთ ყველაზე



მთავარსა და არსებითზე.

პირველი, ვინც შედარებით ვრცლად შეეხო გალაკტიონის შემოქმედებას, დ. ნახუცრიშვილი გახლდათ. *„მან“*, 1910 წლის „თეატრსა და ცხოვრებაში“ გამოაქვეყნა ნაწევრები სტატიიდან „ბუნება პოეზიაში“. ავტორის აზრით, შემოქმედის ღრთოლვა ბუნებისაკენ ლოგიკურია, რადგან იქ შესაძლებელია სულიერი სიმშვიდის მოპოვება. ამდენად, ბუნების პოეტური წარმონეხა და ძირითად სათქმელთან დაკავშირება მხატვრის თვითდახასიათებასაც გულისხმობს.

„ჩვენ ტიუტჩევი არ გვეოლია, ბუნების უმაღლეს წერტილამდე აღმწერელი პოეტი, — შენიშნავს დ. ნახუცრიშვილი, — მაგრამ ამის იმედს საკმაოდ იძლევა ახალგაზრდა მგოსანი გ. ტაბიძე. ამაში დამარწმუნა ტაბიძის მშვენიურმა ლექსებმა (იხ. „ფასკუნჯი“, „თეატრი და ცხოვ.“). წაიკითხეთ პაწია, მაგრამ კოხტა ლექსი „ნიაღვარი“. ნახეთ, რა წუნდაუდებელი აღწერაა ლექსის ერთ ნაწილში“¹.

საილუსტრაციო მასალა მართლაც შთამბეჭდავია. კრიტიკოსს სხვა ლექსებიდანაც მოაქვს ამონარიდი. საერთოდ, ამ წერილში ანალიზს განცხადება ენაცვლება. ეს შეიძლება ნაწილობრივ იმითაც აიხსნას, რომ დ. ნახუცრიშვილი ციტატებს მრავლისმეტყველად მიიჩნევს და მკითხველთა გემოვნებასაც ზედმეტად ენდობა.

მთავარი მაინც ის არის, რომ ლიტერატურულმა კრიტიკამ გალაკტიონის პოეზიის ერთ ასპექტს საგანგებოდ მიაქცია ყურადღება და მაღალი შეფასებაც მისცა მგოსნის ოსტატობას.

სრულიად განსხვავებულია გახუთ „სინათლეში“ დაბეჭდილი დ. ჩხეიძის სტატია „ცხოვრება და მწერლობა“. კრიტიკოსი ახალგაზრდა მწერლების შემოქმედების იდეურ მხარეს აკვირდება და შემოფოთებულია პოეტთა დიიდ უმეტესობის „ბურჯუაზიული“ გადახრის გამო.

„ჩვენ რომ თვალი გადავალოთ ჩვენი ახალგაზრდა მწერლების ნაწერებს, აშკარათ დავრწმუნდებით, რომ შანშიაშვილი, გრიშაშვილი, მჭედლიშვილი, მეტრეველი, ტ. ტაბიძე, გ. ტაბიძე აბაშისპირელი, ფურიაშვილი და სხვანი ერთ განსაზღვრულ მიმართულებას სცემენ თაყვანს! იმათთვის სინამდვილე არ არსებობს, პიროვნებისთვის ბრძოლა შორს მიუგდიათ და ერთი მათი მიზანი საკუთარი „მეა“².

სიმართლე მოითხოვს ითქვას, რომ გალაკტიონის მხოლოდ

¹ ჟურნ. „თეატრი და ცხოვრება“, 1910, №37, გვ. 7.

² გაზ. „სინათლე“, 1911, №23.

გვარია ფიქსირებული. პოეტის აპოლიტიკურობის და საერთო საქმისაგან განდგომის დამადასტურებელი მაგალითები კი არ ჩანს. მაგარმ ამგვარ კონტექსტში თუნდაც მოხსენიებულ მანკ გულდასაწყვეტია. შეცდომა, ვფიქრობთ, გალაკტიონის პოეზიის ზედაპირული აღქმიდან უნდა მოდიოდეს.

ა. პაპაეა უკიდურეს ინდივიდუალისტად თვლის გალაკტიონს — განკერძოებული ხასიათის ამოცანები და მოტივები აფიქრებს, ამიტომაც ვერ უპოვნია თანამგზავრ-მეგობარი. ეს ინდივიდუალიზმი ბუნებასთან დაპირისპირებაშიც ვლინდებაო.

*„მაღე ველი ამწვანდება,
არემარე იგრძნობს შეებას
და ყვაეილთა გუნდიც უხვად
გადმოაფრქვევს სურნელებას“.*

„მაგრამ ამ ზემის დროსაც, გარიყული იქნება პოეტი თავის უსახლერო ხვედით, მისი გულის თქმა და კენესა კვლავ „მის“ გულში იბინადრებს:

*„მხოლოდ მე კია არ მომალხენს
სიკვლუცე გაზაფხულის,
გულშივე ჩაჭკნა ნორჩივ რქმენა
სიყვარულის, სიხარულის“.*

ა. პაპაეა ფიქრობს, რომ გალაკტიონი მოსწყდა საზოგადოებას და ამიტომაც აკრიტიკებს მას. ჩვენი აზრით, პოეტის წუხილს საზოგადოებრივი საფანელი აქვს. ღირიკული გმირი ამ შემთხვევაში მხოლოდ საკუთარ ტკივილს როდი ამხელს.

ლექსის ხისუსტე სხვა მხრივ უფრო მქლავნდება, კერძოდ, ტრევიადღური ხერხის მომარჯვებაში.

გ. ჭუმბურიძის წერილში „უკანასკნელი წლების სიმბოლიზმი ქართულ სიტყვა-კაზმულ მწერლობაში“, რომელიც გაგრძელების სახით დაიბეჭდა „სახალხო გაზეთის“ ექვს ნომერში, თვალსაჩინო ადგილი დაეთმო გალაკტიონს.

კრიტიკოსი შენიშნავს: „თანამედროვე სიმბოლურ ღირიკული პოეზიის მსახურებად უნდა ჩაითვალოს ჯერჯერობით: აღ. შანშიაშვილი, ი. გრიშაშვილი, ს. აბაშელი, გ. ტაბიძე, ბაბილინა, ნ. ჩხიკვაძე და ხვანი“¹.

ეს თეზისი ორმხრივ არის საყურადღებო. ჯერ ერთი, 19 წლის გალაკტიონი მოხსენებული პოპულარული მწერლების გვერდით, რაც მისი პოეტური ნიჭის აღიარებასაც გულისხმობს.

¹ გაზ. „კოლხიდა“, 1911, №76.

² გაზ. „სახალხო გაზეთი“, 1911, №293.

მეორე, ჩამოთვლილი მგოსნები „სიმბოლური ღირსების“¹ წარმომადგენლებად არიან მიჩნეულნი, რაც გვაფიქრებინებს, რომ კრიტიკოსს სიმბოლიზში თავისებურად, არატრადიციულად, ესმის მაგრამ ამ საკითხის გამოწველილით შესწავლა ჩვენს მიზანს არ შედგენს. უპირატესად გვიანტერესებს, რამდენად ჩასწავლა გ. ჭუმბურიძე გალაკტიონის შემოქმედების სპეციფიკას.

კრიტიკოსი მიუთითებს, რომ გალაკტიონთან მძლავრობს სევდის მოტივი. პოეტი ოცნებაშიც ვერ პოულობს შევებას და, ამდენად, მისი ტრაგიზმი უკიდევანია. „ტაბიძეს ნამდვილად სდევნის და სტანჯავს, სდევნის სასტიკად, ბნელი უკუნიც გარს ახვევია ყველგან, ყოველვის. პოეტს ვერც ოცნებაში უპოვია თავშესაფარი, მას არც იგი სწვალობს, დამშვიდებული სულის ღტოლვა მაღლა ცისკენ მას უკვდავებას ვერ მიაჩნტებს. პოეტს სწამს მხოლოდ წამებულის უკვდავება და ისიც ბრძოლისათვის უხმობს ყველას“².

სავულისხმოა, რომ გ. ჭუმბურიძემ გალაკტიონის შემოქმედებაში ორი ნაკადი დაინახა: განდგომისა და ბრძოლისა. ეს მეტად საინტერესო დაკვირებაა, რომელიც კრიტიკოსის ნიჭსა და აღლოზე მეტყველებს.

გ. ჭუმბურიძის წერილი იმ მხრივაც არის მნიშვნელოვანი, რომ მასში გამჟღავნებულია ლიტერატურათმცოდნეობის ძირითადი ტენდენციები. როგორც კრიტიკოსი წერს, მხატვარი არ უნდა შემოიფარგლოს ადამიანის ცხოვრების ერთი მხრის აღწერით. განულო იმ დრომ, როცა მგოსნები მხოლოდ სადღეისო საჭირბოროტო საკითხების გარკვევას ესწრაფვოდნენ. უკანასკნელ წლებში შეინიშნება მარადიული თემებისაკენ მიბრუნება და სულიერი დრამის გადმოცემისაკენ სწრაფვა. „მწერლობა უნდა გადაიქცეს ადამიანის ცხოვრების ამ ორი მხარის გარმონიულ გამომხატველად. ეს სააქაო, ამ სოფლიური და ის, საიქაო, ზეციური ცხოვრება უნდა შეერთდეს ლიტერატურაშიც ისე, როგორც იგი ადამიანის ხირცსა და სულშია შეერთებული, როგორც მის მთლიან ბუნებაშია შესისხლოხორცებული. ამის ნიშნები ჩვენ უკვე დაინახეთ ზემოდ გარჩეული პოეტების ზოგიერთ ლექსებში, სადაც თვალსაჩინო ადგილი უჭირავს ტაბიძეს და ბაბილიანს, რაოდენიმედ აბაშელსაც“².

როგორც ვხედავთ, ლიტერატურული კრიტიკა უკურადღებოდ არ ტოვებს გალაკტიონის ცალკეულ ნაწარმოებებს. მაგრამ

¹ გაზ. „სახალხო ფურცელი“, 1911, №296.

² იქვე.

ძირითად მაინც ფრაგმენტული გამონათქვამებია და მკითხველს უძნელდება სრული წარმოდგენის შემუშავება მის პოეზიაზე. 1914 წელს გამოცემულმა ლექსთა კრებულმა კი შესაძლებლობა მისცა საზოგადოებას მთლიანობაში გაეაზრებინა ნიჭიერი მგოსნის შემოქმედება და მეტ-ნაკლებად სწორი დასკვნები გაეკეთებინა. ამ საქმეში უთუოდ თვალსაჩინოა ივანე გომართელის დამსახურება. მან საგულისხმო წერილი წაუშლევარა გალაკტიონის ლექსებს.

სტატიის სათაურშივე გამჟღავნებულია ძირითადი ხათქმელი. კრიტიკოსმა გალაკტიონს „სევდის მგოსანი“ უწოდა. წიგნში მითაქსებული ლექსები ნამდვილად იძლეოდა ამგვარი დასკვნის გამოტანის უფლებას. ამრიგად, ფაქტი ფიქსირებულია. ახლა მთავარია ახსნა მოექებნოს ამგვარ განწყობას, გაიშიფროს მისი ხაფუქვლები.

ი. გომართელმა გალაკტიონის შემოქმედება დიდი გადასახედიდან გაიაზრდა და მის ლექსებში კაცობრიობის სატიკოვარი დაინახა. ადამიანი, როგორც იგი შენიშნავს, მარად მიისწრაფვის უსაზღვრო და დაუსრულებელი სამყაროს შეცნობისაკენ.

„რას წარმოადგენს სამყარო, სად არის მისი დასაწყისი და სად დასასრული?

საიდან, როგორ გაჩნდა ყოველივე ეს?

რა არის სიცოცხლე, რას წარმოადგენს სიკვდილი?

ყველა ამ კითხვაზე პასუხს ეძებს მოუსვენარი სული ადამიანისა.

მაგრამ პასუხს არავინ არ იძლევა, პასუხი არსაიდან არ ისმის¹.

და ყოველივე ეს ბადებს სევდას, წუხილს, არცთუ იშვიათად ხასოწარკვეთილებასაც კი.

კრიტიკოსის სამართლიანი შენიშვნით, ამგვარი განცდა ბუნებრივია მოაზროვნე ინდივიდისათვის. მაშასადამე, სევდიანობა სრულიადაც არ არის დაცინვის საგანი, როგორც ბევრი ფიქრობდა და ფიქრობს.

ი. გომართელი ღრმად სწვდება გალაკტიონის ფილოსოფიას. მართლაც, პოეტს არ აკმაყოფილებს ეს ქვეყანა. იგი ეძებს სიცოცხლის მიზანს, მაგრამ ამაოდ. მან იცის, რომ ცხოვრება წარმატალია. მგოსანი მიისწრაფვის ცისკენ, მაგრამ ცაც არაფერს უუბნება. ყოველივე ეს იწვევს სულიერ ტანჯვასა და ჩანგიც სევდიან ხმებს გამოსცემს.

ი. გომართელის მსჯელობა ლოგიკური და შთამბეჭდავია.

¹ გ. ტაბიძე, ლექსები, 1914, გვ. V.

ნუთუ მხოლოდ სვედაა გალაკტიონისათვის დამახასიათებელი? კრიტიკოსი გრძნობს, რომ შეიძლება ასეთი შეკითხვაც დაუსვან და ისიც პასუხობს: გალაკტიონს უნდებოდა ქარიშხალთან შეხების სურვილი, მაგრამ ეს მაინც სუსტი ტენდენციაა. „ბრძოლა თვისებაა ძლიერი, მოქმედი ნებისა.

ბრძოლისათვის ნაპოლეონობა თუ არა, ნაპოლეონის შორეული ნათესაობაა მაინც საჭირო.

ტაბიძე კი განჭურვების ფიქრის ადამიანია, ის უფრო ჰამლეტს ენათესავება. ამიტომ მისი სულიერი ტანჯვა თანდათან სვედის ნახ და წარმტაც თაიგულათ იშლება¹.

ეს დასკვნა საგულისხმოა იმ მხრივაც, რომ გალაკტიონის სინახესა და მომხიბვლელობას გახახავს.

მეტად საინტერესოა ი. გომართელის მსოჯრება, რომ მგოსანი ტანჯვასა და სვედაში თავისებურ ნეტარებას პოულობს. აქ გალაკტიონის ლირიკის ხიბლსა და ესთეტიკურ სიძლიერეზეც არის მინიშნება.

გომართელი შეეცადა გაერკვია გალაკტიონის ადგილი ქართული ლიტერატურის ისტორიაში. მან ერთ-ერთმა პირველმა მიუთითა, რომ გ. ტაბიძე ბარათაშვილის შემკვიდრეა. „ბარათაშვილის შემდეგ ჩვენი პოეზია საკმაოდ განვითარდა, მაგრამ ბარათაშვილის გზას კი ასცდა. პოეზიის უმთავრეს საგნათ ეროვნული მდგომარება და საზოგადოებრივი კითხვები გადაიქცა, ჩვენი პოეზია სვედით სავსეა, მაგრამ ეს სვედა უმთავრესად ეროვნულია, საზოგადოებრივი, — ჩვენი ეროვნული მდგომარეობითა და საზოგადოებრივი ცხოვრების ნაკლულეკანებით გამოწვეული. ბარათაშვილის მსოფლიო სვედის კილო გაისმის ტაბიძის პოეზიაში“².

ი. გომართელს მხოლოდ ერთი კრიტიკული შენიშვნა აქვს: „ბ. ტაბიძეს ჯერ ბევრი შრომა სჭირდება ლექსის გარეგნობის გაუმჯობესებისათვის“³. ეს თეზისი გაშლილი არ არის და ამიტომაც მასზე საგანგებოდ ვერ შევჩერდებით.

მთავარი ის არის, რომ კრიტიკოსი მაღალი შეხედულებისაა გალაკტიონზე. იგი პოეტისაგან, უპირველეს ყოვლისა, მოითხოვს ძლიერ გძნობას და ამ გრძნობის ოსტატურად გამოხატვას. „გ. ტაბიძე ორივე ამ ღირსებით საკმაოდ არის დაჯილდოებული. ის ძლიერათ გრძნობს, ღრმად განიცდის ადამიანის არსებობის

¹ გ. ტაბიძე, ლექსები, 1914, გვ. X.

² იქვე, 1914, გვ. VII.

³ გ. ტაბიძე, „არტისტული ვეაილები“, 1919, გვ. X.

ტრადედიას და ამ სევდიან მწუხარებით ხავსე გრძნობების გამოხატვა საკმაოდ ეხერხება¹.

ამრიგად, ი. გომართელმა წინ წამოხწია გ. ტაბიძის შემოქმედების არსებითი მხარე და გზა გაუკვლია მკითხველებს მგოსნის რთულ სამყაროში შესასვლელად.

ისიც გასათვალისწინებელია, რომ ი. გომართელმა პირველმა შეადარა გალაკტიონი ჯამლუტს. კრიტიკოსი პარალელს არ უღრმავდება. მას ძირითადად აინტერესებს ფიქრისა და ქმედებისადმი ამ პიროვნებათა მიმართების ხერხი. მაგრამ, რაც მთავარია, პირველი კონტურები მოიხაზა და ლიტერატურული კრიტიკაც შემდეგ და შემდეგ უფრო დიდ ნაბიჯებს დგამს გალაკტიონის ჯამლუტური სულისკვეთების გასარკვევად.

შეიძლებოდა დაწვრილებით განგვეხილა ვ. ყიფიანის რეცენზია, რომელიც დაიბეჭდა ქართველ სტუდენტთა კრებულში „ცხოვრება და მეცნიერება“, მაგრამ მასში ფაქტობრივად იგივეა ნათქვამი, რაც ი. გომართელის წერილში.

ვ. ყიფიანი თვლის, რომ „გ. ტაბიძე პესიმისტ პოეტთა ჯგუფს ეკუთვნის. მას, როგორც სხვა პესიმისტებს, გულს უღრღნის ის მარადის გამოუცნობელი საკითხი, რომელიც კაცობრიობას სფინქსივით წინ უდგას. სახელდობრ ის, თუ რა არის ჩვენი ცხოვრება, რათ ვიბადებით და ვკვდებით, რა არის ჩვენი განების მიზეზი და მიზანი“².

ამ რეცენზიიდან ჩვენს ყურადღებას ყველაზე მეტად იპყრობს ორი პარალელი:

1. კრიტიკოსს გალაკტიონის ლტოლვა სიკვდილისაკენ აგონებს ჯაკომო ლეოპარდის უკიდურესობას.

2. გალაკტიონი ბარათაშვილის გავლენას განიცდის... „თუმცა იგი ნ. ბარათაშვილზე შორს მიდის. სამშობლოსა და სატრფოს განშორებით არ კმაყოფილდება და, როგორც ვთქვით, ხორციელათ და სულიერათ დატანჯული პოეტი სიკვდილს ნატრობს, რათა სამუდამოთ გაეცალოს ამ არარაობას, ორპირ ქვეყანას და იქ დაისვენოს, სადაც სამარადისო სინუშე მეფობს“³.

ნებისმიერი პარალელი გარკვეული თვალსაზრისით გატოლებას ნიშნავს. მაშასადამე, მოცემულ შემთხვევაში გალაკტიონის შემოქმედების ფართო სპექტრით წარმოჩენა, მისი პოეზიის მნიშვნელობის ხაზგასმა ხდება.

¹ გ. ტაბიძე, „არტიტული ყვავილები“, 1919, გვ. IX.

² ჟურნ. „ცხოვრება და მეცნიერება“, 1914, №1. განყ. III, გვ. 10.

³ იქვე, გვ. 11.



ბარემ იმასაც ვიტყვი, რომ ამ პერიოდში არა ერთი და ერთი პოეტის კრებული დაისტამბა. და თუ ხსენებულ ჟურნალებში, მხოლოდ ი. გრიშაშვილისა და გ. ტაბიძის წიგნებზე იმეორდება რეცენზიები, ეს შემთხვევითად არ უნდა მივიჩნიოთ. ობიექტის შერჩევა ავტორის პოზიციაზეც მიგვანიშნებს.

პარტიული ლიტერატურული კრიტიკის ტანდენციები ყველაზე მკაფიოდ მ. წულუკიძის წერილში მვლანდება. სტატიის დასაწყისშივე კრიტიკოსი აღნიშნავს, რომ გალაკტიონი 1908 წელს გამოვიდა სამწერლო ასპარეზზე. ამისი ხაზგასმა შეგნებულად ხდება, რათა „ახსნა“ მოუქმებნოს გალაკტიონის პესიმიზმს. პუბლიცისტის მტკიცებით, ეს იყო დაცემის ხანა, რომელმაც დაღი დაასვა მთელ მწერლობას, და, რა თქმა უნდა, გალაკტიონსაც, რომელიც ჯერ ვერ განთავისუფლებულა წარსულის დანაშაულებებისაგან.

მ. წულუკიძის აზრით, გალაკტიონი მოსწყდა ხალხს, ვერ ერკვევა მიმდინარე პროცესებში და მისი სვედაც ამით არის შეპირობებული. მგოსანი რომ კარგად ჩაწვდომოდა მასების სულისკვეთებას, „მაშინ აღარ იქნებოდა არც გოდება, არც უიმედობა და ყოველივე გრძნობას თუ აზრს, მგოსნის მიერ გამოთქმულს, სიხარულისა და ხალისის დაღი ესმებოდა“¹.

დამრიგებლურს ყვედრებითი ტონი უნაცვლება: „...ახეთი მიმართულება ქნარისა არ შეგფურის ახალგაზრდა მგოსანს - გ. ტაბიძეს, რომელსაც თავისი თავი ხალხის შვილად მიიჩნია. აბა ჩაიხედოს მწერალმა ამ ხალხის გულში, თუ დაინახოს იქ უიმედობა, ჭმუნვა, გოდება, ძლიერია განცდა მისი - ამ ხალხისა - იმედების მომგერელი, სიხარულის შემქმნელი“².

მ. წულუკიძემ გალაკტიონის მთელი შემოქმედება პროკრუსტეს სარეცელზე მოათავსა. რამდენიმე ლექსზე ყურადღების გამახვილებით მიიჩქაღლა სხვა ნაწარმოებთა პათოსი და, საერთოდ, მთელი წიგნის ღირებულება.

როგორც ირკვევა, ასე მხოლოდ მ. წულუკიძე არ ფიქრობდა. ანალოგიური მოსაზრება გავრცელებული ყოფილა სოციალ-დემოკრატთა გარკვეულ წრეებში. ამაზე მეტყველებს გ. რუხაძის ლექსიც „გ. ტაბიძეს“:

„გადავიკითხე შენი ლექსები -
 კვ მწუხარების და სევდის კონა.
 მიკვირს: ჯერ ჭაბუკს უიმედობის

¹ გაზ. „შადრევანი“, 1915, №3.
² გაზ. „შადრევანი“, 1915, №3.



ისარი გულში ვინ გაგიწონა?
 ბარათაშვილი თუ დასტიროდა
 სულის ობლობას, საბაბიც აქონდა:
 ტიტანიური იმისი კვება
 მშობელ მიწაზე არვის ესმოდა!
 დღეს კი სულ სხვაა: სამშობლო ცაზე
 უკვე გამოკრთა შეგნების სხივი
 და ბრძოლის ღმერთი ეაზბუგის მწვერვალს
 თავსა მოეველო, როგორც არწივი—
 და შენ კვლავ მოსთქვამ სულის ობლობას?
 რამ დაგიმსხვრია რწმენის ტაძარი:
 ტრფობამ, უდროოდ დამიწებულმა,
 თუ ვერ ახსენი ყოფნის ზღაპარი?

იქნებ ამგვარი თვალსაზრისი გარკვეულ სიტუაციებში მართლაც უწყობდა ხელს მუშათა რევოლუციურ ანობოქრებას, მაგრამ ისიც ფაქტია, რომ ჭეშმარიტი პოეზიის განვითარებას ნამდვილად აფერხებდა. ვ. რუხიძე და მისი თანამოაბჯრენი არა მარტო თვალთახედვით, არამედ განცდებითაც დაპროგრამებულნი ჩანან.

საბუნდევოდ, გალაკტიონს იმის ძალა და უნარიც შესწევდა, რომ არ დამორჩილებოდა მისთვის მიუღებელ, თუნდაც მძლავრ დინებებს და საკუთარი გზით ევლო.

საგანგებო ყურადღებას იმსახურებს ა. აბაშელის „კვითელი ფოთოლი“. იგი გალაკტიონის წიგნზე დაწერილი ერთ-ერთი პირველი რეცენზიაა. მაგრამ ხაზგასახმელი უფრო მეტად მაინც სხვა არის, კერძოდ ის, რომ პოეტზე საუბრობს პოეტი. ამ შემთხვევაში მეტი სისრულით ვლინდება ობიექტის სპეციფიკა და ღირებულება. საქმე ისაა, რომ პოეტ-კრიტიკოსს უადვილდება კოლეგის შემოქმედებით ლაბორატორიაში შესვლა, ქვეტექსტის გაშიფვრა, ორიგინალური ნააზრევის შეცნობა და ზუსტი დასკვნების გამოტანა.

ა. აბაშელი დიალექტიკურად უდგება საკითხს, ვ. ტაბიძის შემოქმედებას მეოცე საუკუნის ქართული ლიტერატურის ერთიანი პროცესის ფონზე განიხილავს. ეს გზა მომგებიანია, რამდენადაც სხვებთან მიმართებაში მკაფიოდ ვლინდება ინდივიდის თავისებურება.

კრიტიკოსმა სამართლიანად მიუთითა, რომ ძლიერ მომრავლდნენ მოღვექსენი. ვისაც კი ძალუძს მარცვალთა დათვლა და ღვეან-მტკვნის გართიმვა, ყველა პოეტობას იწმებს.

¹ ვ.ა. „თანამედროვე აზრი“, 1915, №26.

არადა, „ლექსის გარეგანი ფორმა მხოლოდ საშუალებად გარჩობათა სფეროში დატყვევებულ შუქის გამოსაცემად. თუ ლექსში არა არის დაფარული სუნთქვა ცოცხლის არსებობის მისი სტრიქონები არ არის აკინძული უხილავ ცეცხლის სხივით რაც უნდა ღამაში იყოს მისი ხილული გამოხატულება - იგი მკვდარია“¹.

ამ კრიტიკიუმიდან გამომდინარე ა. აბაშელი სამართლიანად ასკვნის, რომ ნამდვილ პოეტთა რიცხვი მცირეა, ხოლო ამ მცირეთა შორის პირველი ადგილი გ. ტაბიძეს ეკუთვნის.

ასე რიხიანად და გულდაგულ შემკობა ახალგაზრდა მგოსნისა დაუნის გვირგვინით იშუათი მოვლენაა. ამ შემთხვევაში ხალასი ნიჭიდან მომდინარე უშუალო შთაბეჭდილებებმა იჩინეს თავი.

ცხადია, წინასწარ შემოთავაზებულ დებულებას დასაბუთება უნდა, წინააღმდეგ შემთხვევაში, შეიძლება საზოგადოება აიშხედრო. ვანა სამი წლის წინათ სასტიკად არ გააკრიტიკეს აკაკი წერეთელი ი. ელიაშვილის წიგნზე დაწერილი რეცენზიისათვის? და თუ აკაკის არ ინდობენ, აბაშელს ვინ შეიწყნარებს?

კრიტიკოსი წინასწარ გვაფრთხილებს, რომ იგი მხოლოდ იმ შთაბეჭდილებებს გაგვაცნობს, რომლებიც გალაკტიონის ლექსთა კრებულის წაკითხვის შემდეგ დაეუფლა. ეს არ არის თვითდაზღვევა, არც იოლი გზის არჩევა. ამ შემთხვევაში არსებითია, ვისი შთაბეჭდილებების განფენა ხდება. ა. აბაშელი კი ამ დროისათვის სახელმძღვანელო მწერალია.

კრიტიკოსს ღრმად გაუაზრებია გალაკტიონის შემოქმედება და ცდილობს არსებით მხარეებზე გაამახვილოს ყურადღება. მან მიუთითა, რომ გალაკტიონის პოეზიაში მძლავრობს სევდის მოტივი. ეს ისეთი ფაქტია, რომელიც არცერთ განათლებულ მკითხველს შეუშნეველი არ დარჩებოდა. მაშასადამე, მთავარია იმის ახსნა, თუ როგორია ეს სევდა და რით არის პირობადებული.

ა. აბაშელი მართებულად შენიშნავს, რომ გალაკტიონის სევდა არ არის გამოწვეული ვიწრო და შემთხვევითი მიზეზით, ის უნივერსალურია, მსოფლიო სევდაა.

მნიშვნელოვანი განცხადებაა მით უფროთუ გავითვალისწინებთ, რომ შემდეგი პერიოდის ბევრმა კრიტიკოსმა გალაკტიონის კაეშანი არსებითად 1905 წლის რევოლუციას დაუკავშირა და ვულგარული სოციოლოგიის პოეზიციებიდან შეაფასა მისი ბევრი ნაწარმოები.

ა. აბაშელმა შემოფიქსირებული მოსაზრებით გალაკტიონის

¹ გაზ. „შადრევანი“, 1915, №5.

შემოქმედების მასშტაბურობა აღიარა, მისი თვალსაწიერის სიფართოვე და პრობლემათა გლობალურობა გახაზა.

ბუნებრივად იბადება კითხვა: შეიძლება თუ არა, სვეტიცხოველი პოეზია მიმზიდველი იყოს? რით უნდა გვხიბლავდეს იგი? და, საერთოდ, ძალუძს კი სარგებლობის მოტანა?

ბევრი გაურბის ამ თავსატეხს კითხვას, აბაშელი კი პირდაპირ პასუხობს: „გ. ტაბიძის შემოქმედება უხვად არის დაჯილდოებული ღვთიურის ცეცხლით. მისი სულის სვედა, მისი ნაღველი იმდენად წარმტაცია, იმდენად მრავალფეროვანია, რომ გავიწყდება ამ სვედაში ჩაქსოვილი არარაობა სოფლისა და მშვენიერების გრძნობით აღტაცებული მზადა ხარ მუხლმოდრეკით თაყვანი სცე პოეზიის აღმაფრენ ძალას და თავდავიწყებით შესძახო: „რა კარგია, რა მშვენიერია სიცოცხლე!“¹

მაშასადამე, სვედა კი არ აფერმკრთალებს და აუსახურებს განმცდელ-გამომხატველს, არამედ აფაქიხებს და ამადლებს, მშვენიერებასთან აახლოვებს. სვედა ეს არის ადამიანობის გამოვლენის ერთ-ერთი უმაღლესი საშუალება და, ამდენად, სიცოცხლის დამამკვიდრებელიც.

დამეთანხმებით, ორიგინალური მსჯელობაა.

კრიტიკოსი ნათელს ფენს ზოგიერთ ბუნდოვან საკითხს.

რა იწვევს სვედას? აი, თავიდათავე კითხვა. გალაკტიონის პოეზიის სიძლიერე ისიცაა, რომ მასში ყოველდღიურ ყოფით ამბებზე კი არ ხდება აქცენტირება, არამედ ყოფნა-არყოფნის მარადიულ პრობლემებზე, საკაცობრიო ტკივილებზე გალაკტიონს ძალუძს ერთი შეხედვით უმნიშვნელო ფაქტი თუ შემთხვევა დიდ სათქმელ-საფიქრალს დაუკავშიროს. ეს გარემოება სწორედ აქვს შენიშნული რეცეზენტს. ის საგანგებოდ ჩერდება ლექსზე „ყვითელი ფოთლი“ და მისი ანალიზით ცხადყოფს გალაკტიონის პოეტურ ოსტატობას. „იგი ისე მძლავრად გრძნობს „ყვითელი ფოთლის“ ნაღველს, რომ იკარგება განსხვავება ბუნებასა და ადამიანს შორის და მომხიბველი კაეშანი ოქროდ მოსილის შემოდგომისა საკუთარ სვედას ქანგებად ქვითინებს მგოსნის გულში“².

ა. აბაშელმა ყურადღება გაამახვილა გალაკტიონის პოეტური ოსტატობის კიდევ ერთ მხარეზე. ესაა შინაარსისათვის ოპტიმალური ფორმის მოძებნა, დიდი სათქმელის ძალზე ლაკონიურად გამოხატვა. კრიტიკოსს ამ მხრივ სანიმუშოდ

¹ გაზ. „შადრევანი“, 1915, №5.

² იქვე.

მიანია „მოგონება“. „ეს ლექსი კი არ არის, ეს მთელი პოეზია, ექვს ტაეპში მოთავსებული. იშვიათია ასე მოკლედ, ასე შექვეყნად ხდება გრძნობის გადმოშლა“¹.

ა. აბაშელმა „მესაფლავე“, „გურიის მთები“, „მე და ღამე“, „მუსიკა“, „მოთარე მთის ხრიოკს ამოეფარა“, „რა მშვენიერი იყო ნაში“, „სარკმელთან“, „სარკესთან“, „იდუმალი“, „გზაზე“ უახლესი ქართული პოეზიის მარგალიტებად მიიჩნია. ისტორიამ გაიზიარა მისი შეფასება.

ერთი სიტყვით, ნიჭიერ მგოსანს ნიჭიერი შემოფასებელი აღმოუჩნდა. ჭეშმარიტი ლიტერატორის გულმა იგრძნო XX საუკუნის ქართული პოეზიის ალაშქარის გამოჩენა. „მშვენიერია გ. ტაბიძის პოეზია, ვით ფრთამოქარგული პეპელა და ნაზი, როგორც ძილში მონასმენი სტვენა ბულბულისა; იგი ისე მოველინა ჩვენს მწერლობას, როგორც სიმღერა მოულოდნელი“².

და შემდეგ: „უესურვებ მგოსანს არ ნამქრალიყოს მასში ის ღვთიური ცეცხლი, რომლითაც ასე წარშტაცად არის დაფენილი მისი აცრემლებული სტრიქონები“³.

ა. აბაშელის წერილს მოწონებით შეხედა ფართო საზოგადოება. ამაზე მეტყველებს „თემში“ გამოქვეყნებული „მისაბაძი მაგალითი“. გ. რ. წერს: „მგოსანი გვიგზავნის თავის შთაბეჭდილებას, მეორე მგოსნის მიერ გამოწვეულს...“

წახაბაძი მაგალითია. ყველასათვის აშკარაა, რომ მგოსანი უკეთ გაუგებს მგოსანს, ვიდრე არა მგოსანი. მისი სიტყვა უფრო საგულისხმოა, უფრო ნათელი, უფრო ჭეშმარიტი. ამას ხემახსენებელი წერილიც თვალსაჩინოდ მოწმობს. ავტორს ღრმად განუცდია, „მგოსნურად“ უგრძენია თავის თანამოქმე. – ამ შემთხვევაში გალაქტიონ ტაბიძე. – და მშვენიერად გადმოუცია თავისი შთაბეჭდილება“⁴.

პირველ წიგნს გამოეხმაურა კურნალ „თეატრისა და ცხოვრების“ რედაქტორ-გამომცემელი იოსებ იმედაშვილი. მისი აზრით, „გ. ტაბიძე, – ეს ბუნებისა და ადამიანის სულის ბგერათა მესაიდუმლე. – სრულიად განკერძოებითა სდგას და თავისი შემოქმედებით იგი მსოფლიო ხვედის მგოდებელთ (ჩვენში ნ. ბარათაშვილს) უახლოვედა“⁵.

¹ გაზ. „შადრევანი“, 1915, №5.

² იქვე

³ იქვე

⁴ გაზ. „თემი“, 1915, №204.

⁵ კურნ. „თეატრი და ცხოვრება“, 1915, №2, გვ. 5.

კრიტიკოსი სხვა მხრივაც ეთანხმება ი. გომარათელს, კერძოდ, მეცხრამეტე საუკუნის მეორე ნახევრის ქართული ლიტერატურის შეფასებაში. „ჩვენი პოეზიის ქურუმნი მეცხრამეტე საუკუნეშიც და ახლაც უმეტესად მამულიშვილურ-მოქალაქეობრივ¹ მანგათ მღერამ გაიტაცა, უკნასკნელ ხანში ხომ „პროგრამულ“ ლექსებს სწერენ. ეს იქნება სწორედ ასეც იყო საჭირო, მაგრამ ჭეშმარიტ მგოსანს კიდევ სხვა მიზანი აქვს: ადამიანის სულის განცდათა გამოძვლავნება, ჩვეულებრივი ადამიანისათვის მიუწვდომელის შეცნობა“¹.

ი. იმედაშვილს სწორედ ამიტომ მოსწონს გალაკტიონის პოეზია, რომ მასში მაძიებელი სული ბოხოქრობს, შეუცნობელის შეცნობისაკენ ლტოლვა იგრძნობა.

„...ახალგაზრდა მგოსანი დიდის ყურადღების ღირსია, და ვისაც მხურს განიცადოს სულიერი კმაყოფილება, უაღრესი სიტკბოება, მან თვით ნაწერები — მგოსნის შემოქმედება უნდა გაიცნოს“².

ეს დასკვნა გამოტანილია გალაკტიონის ლექსთა არა მხოლოდ პრობლემატიკით, არამედ მხატვრული ოსტატობით მოხიბლული პიროვნებისაგან.

გალაკტიონს ბრწყინვალე წერილი უძღვნა ტიციან ტაბიძემ — „მარტოობის ორდენის კავალერი“. ამჯერადაც პოეტზე პოეტი წერს და ამიტომ გალაკტიონის განცდები საუკეთესოდ აღიქმება, გადმოიცემა. სათაურშივე გამჟღავნებულია ძირითადი სათქმელი, რომ გ. ტაბიძისათვის ნიშანდობლივია მარტოობა და ტანჯვა. ტიციანის დაკვირვებით, ეს გამოწვეულია არა მხოლოდ სუბიექტური, არამედ ობიექტური მიზეზებით. ხსენებულ საკითხს იგი საგანგებოდ არ უღრმავდება, მაგრამ ხატოვნად მიგვანიშნებს მთავარზე: „არ შეიძლება სიცილი იქ, სადაც კუბო დგას, რომელშიც წვეს ეროვნული დამოუკიდებლობა“³.

ამრიგად, ტიციანმა ერთ-ერთმა პირველმა გახაზა, რომ გალაკტიონის სვედის მიზეზი ეროვნული ტრაგედიაა. რა თქმა უნდა, ამის უარყოფა არ შეიძლება, მაგრამ ისიც ცხადია, რომ საკაცობრიო სატიკვარმაც მნიშვნელოვნად განაპირობა გალაკტიონის ტანჯვა.

ტიციანის აზრით, „სიმბოლიზმს ჩვენში ღამეც არ გაუთევია.

¹ ტურნ. „თვატრი და ცხოვრება“, 1915, №2, გვ. 5.

² იქვე.

³ გახ. „საქართველო“, 1916, №3.

მხოლოდ ეხლა იწყება პირველი ხაზების გახსნა¹ და ეს იგრძნობა გალაკტიონის შემოქმედებაშიც. იგი გადმოფრინდა ძველი ბუდიდან, მაგრამ ჯერ კიდევ ღაღად ვერ შლის ფრთებს. ფიქსირებული დებულება ძალზე საგულისხმოა არა მხოლოდ გალაკტიონის შემოქმედების დასახასიათებლად, არამედ ჩვენი საუკუნის ათიანი წლების ქართულ მწერლობაში მიმდინარე პროცესების გასარკვევადაც.

ნაღმა მგოსანმა და აღლოიანმა ლიტერატორმა ისიც თქვა, რომ...ჩვენი პოეტის სიმღერა არ გავს ადრინდელ რომანტიკოსთა მწუხრიან მელანქოლიას, მაგრამ მასში არც გლადიატორის კენესაა ბოდღურისა და ფრანგების „დაწყველილთა“².

ტიციანისათვის ცხადია, რომ გალაკტიონი ძიების პროცესშია და, რაც მთავარია, პირველი ნაწარმოებები დიდებული ორატორიების პრელუდიაა.

სწორედ ეს არის შემოქმედის ნიჭისა და პოტენციალის სწრაფად შეცნობა.

ტიციანს მრავალი მაგალითი მოაქვს გალაკტიონის ლირიკიდან. ისინი შერჩეულია ფაქიზი გემოვნებით, არა მხოლოდ არგუმენტაციის ფუნქციის ზუსტი გაანგარიშებით, არამედ დამოუკიდებელი ესთეტიკური ხიბლის ნათელყოფის გათვალისწინებითაც. კრიტიკოსი აღტაცებულია „უდაბნოთი“. ეს ლექსი ერთი საუკეთესოთაგანია წიგნში. აქ პოეტი მიდის ნამდვილ მოდერნისტულ გრძნობის ჟონგლიორობამდე და თერება მარტოობით. ნ. ბარათაშვილის შემდეგ ბალიშს ცრემლით ეს ლექსი დაგვასველებიებს. არიან პოეტები, რომელთაც შორიდან უყურებ — გრიშაშვილის შაირის წყარო გაბრმავებს, მაგრამ არჩევ, რომ ის სხვაა. გ. ტაბიძე თითქო შენში სტირის, შენი თვალებით, იგი ახლობელია, საყვარელი და მიყვები მას“³.

ეს უმაღლესი შეფასებაა. ჭეშმარიტი მგოსანი ის არის, ვინც შენი ხულის სიმებს ეხება და შენს ბუნდოვან სათქმელს ღამაზად აყალიბებს, განიცდის და განგაცდევინებს.

ზემოფიქსირებული ციტატა ანგარიშგასაწვეია ტიციანის წერის მანერის შესაცნობადაც. პოეტი-კრიტიკოსი სილოგისტურ განხჯას ხშირად ამჯობინებს სახოვან ფრაზას.

ტიციანმა გალაკტიონის პოეზიის კიდევ ერთ მხარეზე გაამახვილა ყურადღება — ლექსის მუსიკალობაზე და ამ მხრივაც

¹ იქვე №4.

² იქვე

³ გაზ. „საქართველო“, 1916, №4.

გამორჩეულად მიიჩნია ახალგაზრდა პოეტი. ისიც მართებულად გახაზა, რომ ეს მუსიკალობა აკრობატული ვარჯიშის შედეგად კი არა არის, არამედ ღექსის შინაგანი ბუნებიდან გამომდინარე ბუნებრივი ამღერებაა. კრიტიკოსმა ამ მხრივ გალაკტიონი ვერღენს შეადარა. ეს მრავლისმთქმელი პარალელია.

ტიციანი ჩასწვდა გალაკტიონის ბუნებას, კარგად იგრძნო, რომ „იმას აქვს ძლიერი ტემპერამენტი და მხატვრული გულწრფელობა. მისი ღექსი განცდილია და ლამაზი“¹.

ტიციანის წერილმა ხელი შეუწყო გალაკტიონის ხალასი ნიჭის განვითარებას და მისი პოეზიის ფართო მასებამდე დაყვანას.

გალაკტიონის პოეზიაზე დაწერილი პირველი წერილებიდან სიღრმითა და ორიგინალობით უთუოდ გამორჩეულია მის. აბრამიშვილის „ღამის მგოსანი“.

კრიტიკოსი გალაკტიონს უპირველეს ღირსებად უთვლის ფსიქოლოგიური მონობიდან თავის დაღწევას და თავისუფალი ხელოვნების ერთგულებას. ამ მხრივ ის და გრიშაშვილი ყველაზე წინ დგანან თანამედროვე მგოსნებს შორის.

მის. აბრამიშვილიც მიუთითებს, რომ გალაკტიონი „მსოფლიო სუფიას დასტრიალებს თავს“, სურს ახსნას გულჩათხრობილი სფინქსის ამოცანა, მაგრამ ვერ ახერხებს ამას და სიკვდილს უხმობს.

საყურადღებოა შემდეგი დებულება: პოეტის სწრაფვა სიკვდილისაკენ გონების ნაკარნახევია, გრძნობით კი იგი სიცოცხლის მეხოტბეა. ასეთი პრინციპული დაპირისპირება შეიძლება გარკვეული თვალსაზრისით საკამათო იყოს, მაგრამ ვერც იმას უარყოფთ, რომ გალაკტიონის შემოქმედებაში ეს ორი ნაკადი ნამდვილად მძლავრობს.

მის. აბრამიშვილი მართებულად შენიშნავს, რომ უკიდურესი ხასოწარკვეთის ქამსაც გალაკტიონი გრძნობს სიცოცხლის გრძნულ სიმშენიერეს. „ამ დროს იგი მძლედ განიცდის სინამდვილის აზრს, „ყოფნის მგმობელი“ კვლავ ურიგდება ხასტიკ ცხოვრებას და მისი სიცოცხლის საიდუმლოებით დატვირთული ჩანგი, სოციალურ სიდუხჭირის ხმებს გამოსცემს“².

გალაკტიონის შემოქმედება უხე მასალას იძლევა ყოფნა-არყოფნის პრობლემაზე დასაფიქრებლად. მის. აბრამიშვილი მართალია, როცა მიუთითებს: გალაკტიონის პოეზიას „...წითელი

¹ გაზ. „საქართველო“, 1916, №4.

² ჟურნ. „თეატრი და ცხოვრება“, 1915, №28, გვ. 7.

ზოლივით გასდევს სურვილი ადამიანის ტრაგედიის გამოცნობისა: ჰქრება ადამიანი სიკვდილის შემდეგ, თუ კიდევ რჩება რაიმე რომელიც მის ამქვეყნიურ ცხოვრებას რაიმე იმედით აქნებდეს? კრიტიკოსის აზრით, ამ შემთხვევაშიც იგრძნობა გაღრუბება. ერთმანეთს ეტოქება გალაკტიონი ნაციონალისტი და მისტიკოსი. საბოლოოდ კი პირველი იმარჯვებს.

მის. აბრამიშვილი ცდილობს ახსნას განწყობილების მიზეზი და გარკვეოს მსოფლმხედველობის საფუძვლები. უთუოდ საგულისხმოა შემდეგი თვალსაზრისი: გალაკტიონის ტრაგედია განპირობებულია არა ჩვენი ცხოვრების წარმავლობით, არამედ მისი არსის შუუცნობლობით. კრიტიკოსის მტკიცებით, „ცხოვრება სავსეა ქალური წინააღმდეგობით და იგი მხოლოდ გარდაქმნაა, მოძრაობაა და მასშია მიხი სიმშვენიერე და სიმახინჯეც“¹.

მის. აბრამიშვილმა კიდევ ერთ მეტად მნიშვნელოვან გარემოებაზე გაამახვილა ყურადღება. იგი მიუთითებს, რომ პოეტს ორი ნუგეშისმცემელი ჰყავს – ღამედ და საკუთარი სიმღერები. შემთხვევით როდი უწოდა მან გალაკტიონს „ღამის მგოსანი“. კრიტიკოსმა დაინახა დიდი ხულიერი ნათესაობა ღამესა და პოეტს შორის. ორივე მშვიდი და წყნარია, გულწრფელი და გულითადი. ღამეში პიროვნება უშუაშავლოდ უერთდება სამყაროს. იგი ყველაზე მეტად გრძნობს დამოუკიდებლობას და ძალუმად ამქლავნებს „მეს“.

უთუოდ ორიგინალია მის. აბრამიშვილის მსჯელობა. პოეტის ლტოლვა ღამისაკენ იმითაც აიხსნება, რომ დღე გულშემზარავ ცხოვრებასა და მარადიული ვარაშით სახეშეცვლილ ადამიანებს ავლენს. „მე“ დაკარგულია, შენიღბული. ღამე კი გულღიობასა და სიმშვიდეს უწვობს ხელს.

ახლა მეორე ნუგეშსეც.

კრიტიკოსის ღრმა რწმენით, „მგოსანი ცხოვრების მიზანს მხოლოდ ხელოვნებაში ხელავს, მას სძავს ეს ემპირიული და ტლანქი სინამდვილე, და ცოცხლობს მხოლოდ თვის მიერ შექმნილ ცხოვრებით, რომელიც უფრო ნაზი და მგრძნობიარეა, ვიდრე ის, რაზედაც მას ფეხი უდგია“².

ხელოვნება ცხოვრების ასლი კი არ არის, არამედ ახალი სინამდვილეა. ეს ახალი სინამდვილე კი ხიბლავს გალაკტიონს.

მის. აბრამიშვილმაც შეადარა გალაკტიონი ბარათაშვილს,

¹ ჟურნ. „თეატრი და ცხოვრება“, 1915, №29, გვ. 7.

² იქვე, №30, გვ. 8.

³ ჟურნ. „თეატრი და ცხოვრება“, 1915, №32, გვ. 14.

თანაც ორიგინალური ასპექტით და მათ შორის დიდი სხვაობაც დაინახა. მისი აზრით, გალაკტიონი „დატყვევებული, უმოძრაო სულია“ ბარათაშვილი კი მოძრავი, ძლიერი ტიტანი. იგი არ შენდებამბედს; იბრძვის, მოძრაობს, უშკლავდება... „ტაბიძე კი მხოლოდ გარინდებული შესცქერის ციურ მნათობთა მყუდროებას, მის ელვარებას შავ ღამეში და საიდუმლოებით მოსილ მშვენიერებას. იგი სდგას ვით უდაბნოს მწირი მწუხრის დროს და ადავლენს მელოდიურ ღოცვას“¹.

მის აბრაძიშვილი პირველია, ვინც სწორად შენიშნა — ქალი მის პოეზიაში დიურ სიცხადის და ტლანქ სინამდვილის ელფერს კი არა ატარებს, არამედ მგოსნის მიერ „გარდაქმნილ“ ოცნებას. მან უარყო ქალის ემპირიული სახე და მხოლოდ მის ღანდს, თვით მგოსანმა მისცა სხეული, სახე მისი შემოსა თავისი ხატებით და მკერდი მისი ააჩქროლა თავისი სვედით დატვრითულ სიმების ხმაზე და ქალიც მის წინაშე წარსდგა, როგორც მგოსნის მიერ შექმნილი ნამდვილი რეალობა“².

კრიტიკოსი იზიარებს ი. გომართელის აზრს, რომ გალაკტიონის საკაცობრიო სვედას უკეთესი ფორმა შეუფერებაო. მაგრამ არ კმაყოფილდება დეკლარაციული განცხადებით და ახსნასაც იძლევა, თუ რით არის გამოწვეული ფორმის ეს სისუსტე. „მგოსანი თუმცა მძაფრად განიცდის, მაგრამ ბუნდოვნად გრძნობს ცხოვრების უღრან ტყეში იგი ცალ-ცალკე ხეებს ვერ ამჩნევს“³. აქედან გამომდინარე, მგოსანი რასაც ქაოტურად გრძნობს, მას ბუნდოვნად გამოხატავს. დარწმუნების შემთხვევაში, როცა გააზრებულს ხატავს, ფორმაც ძლიერია, ხოლო როცა ნავგრძნობს გადმოგვეცემს, მოიკოჭლებს.

მის აბრაძიშვილმა გალაკტიონში დიდი და თვითმყოფადი ნიჭი შეიცნო. ამიტომაც გაბედულად ასკენის: „მგოსანი ჯერ ნორჩი კუკურია, რომელსაც შუადღის მცხუნვარე სხივები არ მოხვედრია და მრწამს, რომ მგოსანი ფართედ გაიშლება, ღრმად ჩახედავს მსოფლიო საიდუმლოებას“⁴.

დასასრულს შევხვდებით გრიგოლ რობაქიძის მოსაზრებაზე, რომელიც გამოირჩევა ლაკონიურობითა და სიღრმით, მასში კვინტენსიერებულია სხვა კრიტიკოსთა პოზიტიური შეხედულებები. სულ ახლად გაიფურჩქნა ნიჭი გალაკტიონ ტაბიძისა. მის პირველ

¹ ჟურნ. „თეატრი და ცხოვრება“, 1915, №34, გვ. 12.

² იქვე, №35, გვ. 13.

³ იქვე.

⁴ იქვე, №30, გვ. 14.

ლექსთა პირველ ტომში სულ ოთხი-ხუთი ლექსია მხოლოდ ნამდვილ-პოეტური. მაგრამ ნიჭის დასაფასებლად ესეც კმარა. თვისება მისი ნიჭისა — უშუალობაა (გერონტი ქიქოძის ტერმინი რომ ვიხმაროთ). მისი პოეტური ტემპერამენტი წერვიულია მეტად და ამასთანავე „გულლია“ ძაღზე, ამით მოქმედებს იგი. მშვენიერია მისი უკანასკნელი ლექსი — „მერი“¹.

ნუ გამოვეკიდებით სიზუსტეს, ნუ ვიკამათებთ იმაზე ოთხი-ხუთი თუ ოცი ლექსია ჭეშმარიტად პოეტური. მთავარი ის არის, რომ გრ. რობაქიძემ ჩამოაყალიბა გალაკტიონის ლირიკის ნიშანდობლივი მხარეები: 1. უშუალობა-გულდობა, 2. წერვიული ტემპერამენტი, 3. სილამაზის ფაქიზი განცდა, 4. თავდაჭერილობა.

დიდი ესთეტიკისა და ლირიკის ღრმად განმცდელის ხელწერა კარგად ჩანს. გრ. რობაქიძემ იდეურ მხარეზე კი არ გადაიტანა ყურადღება არამედ პოეტის როგორც ხელოვანის თავისებურებებზე, რაც ბუნებრივად გულისხმობს ნაწარმოებთა ფორმა-შინაარსის განპირობებულობა-დეკვატურობას.

გაანალიზებული მასალებიდან გამომდინარე, შეიძლება დავასკვნათ, რომ კრიტიკოსები ორ ჯგუფად გაიყვნენ. ერთნი, მათი რიცხვი მცირეა, პოეტისაგან მოითხოვენ ომახიანობას, სოციალური თემატიკის აქცენტირებას და კლასობრივი ბრძოლის მოტივის გაღრმავებას. სვედის განფენას, პირადი ტკივილის გამხელას თითქმის ცოფვად თვლიან.

ეს თვალსაზრისი გასაგებია. იგი რევოლუციური ეპოქიდან მომდინარე ტენდენციაა. მაგრამ ისიც ფაქტია, რომ ამგვარი ცალმხრივი მიდგომა ლიტერატურის დაკნინებას იწვევს.

კრიტიკოსთა მეორე და თანაც დიდმა ნაწილმა სხვა თვალთ შეხედა გალაკტიონის ლირიკას. ისინი ავითარებენ შემდეგ თვალსაზრისს: მწერლობის მიზანია ზოგადსაქოცობრიო პრობლემების დამუშავება და სადღეისო ამოცანების გადაწყვეტა. XIX საუკუნის მიწურულსა და XX საუკუნის დამდეგის ქართულმა პოეზიამ პირველი და ძირითადი მოვალეობა თითქმის დაიკისფა. მეორე მხარეც შეზღუდულად არის წარმოდგენილი. კერძოდ, სოციალ-დემოკრატიული საკითხების გარკვევას დაეთმო მთავარი ადგილი, ეროვნული პრობლემა კი მიიჩქმალა.

დეკადანსი აშკარაა. გაბატონდა ზერელობა, ტლანქი ტენდენციურობა და მომაბეზრებელი ტავტოლოგია. ჩვენი კულტურის შესვეურნი მოწადინებულნი არიან, რაც შეიძლება სწრაფად იქნეს დაძლეული ეს კრიზი. ამიტომაც დრო შად

¹ გაზ. „სახალხო ფურცელი“, 1916, №469.

საქართველოს
საგარეო ურთიერთობების
მინისტროს
საგარეო ურთიერთობების
სამსახურის
სამსახურის
სამსახურის

იყენებენ იმ მწერლებს, რომლებთანაც ძლიერად იგრძნობა არატახების რღვევა. გალაკტიონი კი ამ მხრივ უხვ მასალას იძლევა.

კრიტიკოსები ერთხმად აღიარებენ გალაკტიონის უმეტესობა კი ამ ფაქტის ახსნასაც ესწრაფვის. კაეშანი ძირითადად გამოწვეული კაცობრიობის საერთო ტკივილით, ყოფნა-არყოფნის პრობლემებზე ღრმა დაფიქრებით და საწუთროს გაუტანლობის შეცნობით, არც ის არის მიჩქმალული, რომ ეროვნული ტკივილები საკმაოდ ხშიანობს მის ლირიკაში.

ჩვენ იმასაც დაუმატებთ, რომ, მართალია, გალაკტიონთან მძლავრობს უარყოფა, მაგრამ დამკვიდრებაც უარყოფის გზით მოდის. გალაკტიონი ებრძვის არსებულ ბოროტებას და არარსებული, მაგრამ სასურველი სიკეთისაკენ გვეწვევა. ამიტომაც არის მისი ლექსი ესოდენ მომხიბლავი და მისაღები.

კრიტიკამ ისიც აღნიშნა, რომ გალაკტიონის პოეზიაში არა მხოლოდ გაყუჩების, არამედ ბრძოლის მოტივიც შეინიშნება.

ლიტერატორებმა საგანგებოდ გახაზეს გალაკტიონის გულწრფელობა და განცდის უშუალოება, რომ პოეტი მრავალი ბუნდოვანი და გაუმხელელი გრძნობის ბრწყინვალე გამოხატველია.

საგულისხმოა, რომ გალაკტიონი ქართულ და ევროპულ მწერლებთან მიმართებაში ხიათდება. ამით უკეთ ინაკეთება მისი ადგილი.

რაც მთავარია, ლიტერატურულმა კრიტიკამ იგრძნო, რომ გალაკტიონით ახალი მიმართულება მოდის, ახალი მსოფლგაგება, ფერი და მუსიკა ცნაურდება, რომ სიმბოლიზში აღებს მრავალსაუკუნოვანი ქართული მწერლობის კარებს.

ამრიგად, პრესაში გაბნეული შენიშვნებით და რეცენზიებით ჩვენ გავეცანით გალაკტიონის პოეზიით გამოწვეულ აღტაცებას. მაგრამ არანაკლებ მნიშვნელოვანია კერძო ბარათები და კულუარების ატმოსფერო. ჩვენს ხელთაა უცნობი მასალები. ისინი იმითაცაა ძვირფასი, რომ პირველი შთაბეჭდილებებია გამჟღავნებელი. თანაც უშუალოებით ხასიათდებიან. მათ ავტორებს ვერავენ დასწამებს მასის წინაშე ყველყელობას, რასაც არცთუ იშვითად სინამდვილისაგან გადახრა და მიკერძოება მოსდევს.

გალაკტიონი ასპარეზზე გამოსვლისთანავე იძენს თავკანი-სმცემლებს. სკოლის ამხანაგი ალექსანდრე განქილაძე 1909 წელს სწერდა, რომ მან ინახულა ყოფილი მასწავლებელი მელიტონ ჩოგოვაძე. „საუბრის გათავების შემდეგ უცბათ მელიტონმა ამოიღო უბიდან ორი გაზეთი, სადაც ეწერა შენი

ლექსები... უსაყვარლესო ამხანაგო გალაკტიონ, მომილოცავს
შენი პირველი ნაბიჯი ასპარეზზე გამოსვლისა და ნუ დასდებ
ნექტარ კალამს, ემსახურე სიკვდილამდე“.

პროკლე ურჩევს გალაკტიონს მონაწილეობა მიიღოს
„თემის“ მიერ გამოცხადებულ კონკურსში, რადგან ღრმად სჯერა
ძმის გამარჯვებისა. ამასვე სთხოვს შოკოსანს ახალგაზრდა
ლიტერატორი და მეგობარი მიხეილ ბოჭორიშვილი: „გალაკტიონ,
შენც გაიგებდი და გაგებული თუ არა გაქვს, გაიგებ, რომ „თემი“
კონკურსს ამზადებს იენისისათვის. იმედი მაქვს მასახელებ.
დრო დიდი გაქვს. ლექსსაც დიდს არ თხოულვობენ, ორმოცდაათ
პწკარზედ მეტი არ უნდა იყვეს. რა გაეაგრძელო, დარწმუნებული
იყავ, ფარისევლობით არ გუებნები და ფონს გახვალ უთუოდ...
აბა, ვინ უნდა გაიმარჯვოს? ვინ გვეყავს სხვა?..“

ეს ბარათი 1911 წლის აპრილშია დაწერილი და გამოხატავს
არა მხოლოდ მიხ. ბოჭორიშვილის, არამედ იმდროინდელი
მოწინავე საზოგადოების, პოეზიასთან დაახლოებული წრეების
თვალსაზრისს. საგულისხმოა, რომ გალაკტიონმა „თემის“
კონკურსზე მეორე ადგილი დაიკავა. იგივე მიხ. ბოჭორიშვილი
სხვა ბარათში აღნიშნავდა: „ეს, ძმაო, ბედნიერი ხარ შენ ბევრად
თუ არა, ცოტად მაინც, რადგან შენი უკუდავი სახელი მრავალ
ჟურნალ-გაზეთებს აკვრია ფურცლებზედ“. ამასთანვე დასძენს:
„მე თუ არა რა ვარ სამწერლო ასპარეზზედ, შენ ხომ ბედუინი
ხარ“... გალაკტიონს კი ამ დროს სულ რაღაც სამი წლის
„ბეჭდვის სტაჟი“ აქვს.

იქნებ მხოლოდ მახლობლები ფიქრობენ ასეთქნებ მიკერძოებას
ინენენ? არქივმა შემოგვიჩინა სხვა დოკუმენტებიც, რომლებიც
გალაკტიონის პოეზიის ფართო რეზონანსზე მეტყველებენ. ი.
გრიშაშვილი გალაკტიონს სწერს: „მართალია, შენი ლექსი ხომ
შშვენიერ რამ იყო „ერთხელ ჩემს გულშიც ჩამოიხედე“. დათიკო
მესხისაგან წერილი მივიღე ხალხი გასულია ქუთაისიდან, ცხელა
და ამიტომ უმჯობესს იზამ, გადასდო საღამო. ვე დათიკოზუა
დამოკიდებული, როდის შედგება. რასაკვირველია, გალაკტიონი
მიიღებს მონაწილეობას. უნდა გამოეცხადებინე კიდევ, მაგრამ
შემეშინდა: დაუკითხავად ვერ გამოგაცხადე... არც ადრეხი
ვიცოდი. იქნებ ცოტა ფული დამრჩეს. ზოგი აქა მაქვს. შეიძლება
სტუდენტობა გავიკრა. სად წავალ ჯერ კი არ ვიცი... როდესაც
ჩამოხვალ თბილისში, სხვაგან არ გაჩერდე, თუ ჩამოხვალ, ჩემთან
მოდი“.

ეს ბარათი ორმხრივ საინტერესოა, როგორც გალაკტიონის,
ისე გრიშაშვილის მკვლევარებისათვის. ჩანს, ი. გრიშაშვილი

უმაღლეს სასაწაველებში შესვლას აპირებს და ფულს აგროვებს. მთავარი კი მაინც ის არის, რომ იმ ხანად სახელმთხოველი პოეტი კარგად გრძნობს ახალგაზრდა გალაკტიონის სიძლიერეს და მასთან მეგობრობას ესწრაფვის. იგი ერთ-ერთი პირველთაგანია იყო, რომელმაც სცნო გენიოსის მოუღინება. ი. გრიშაშვილი ჩასწვდა გალაკტიონის პოეზიის სიდიადეს, მან განჭვრიტა მომავალი და იწინასწარმეტყველა გ. ტაბიძის აღზევება.

მეორე დიდი ქართველი მწერალი, მაშინ ჭაბუკი კონსტანტინე გამსახურდია, მოხიბლულია გალაკტიონის პოეზიით. იგი ასე მიმართავს გალაკტიონს:

*„თვითვე იყავ შემოქმედი,
ნურას ეძებ ზღვის სიღრმეში.
თვით გასჭედე შენი ბედი,
გრდემლი არის შენივე მეში“.*

სხვათა შორის, გალაკტიონიც უძღვნის ლექსს კ. განსახურდიას. ეს არის „წერილი მეგობარს“. ხსენებული ფაქტი უთუოდ საყურადღებოა XX საუკუნის ქართული მწერლობის უდიდეს წარმომადგენელთა უერთიერთობის დასახასიათებლად.

აქვე უნდა გავიხსენო 1911 წლის 20 იანვრით დათარიღებული ვასო გორგაძის ბარათი. ხუმინარიელი მეგობარი გალაკტიონს სწერს: საღამოს ემართათ. „მე გულში მაქ შენი „შემოდგომა“ წავიკითხო. ვერ წარმოიდგენ, როგორი სიხარულით მივეგებე შენ „მწეებსს“. მაგრამ გირჩეული კი შენთან რომ ვყოფილიყავი, პატარახან დამწიფებუდიყო ის მშვენიერი პოემა – ვინაიდგან ცოტა სიჩქარე ეტყობა! საერთოდ, კარგი შთაბეჭდილება აქვს. გალაკტიონ! რაც შეიძლება იკითხე ამ პოემაში შენ ქალთა საკითხისათვის მოგიკიდნია ხელი და მკაფიობა ცოტა ვერ ეტყობა. ბუნების სურათები ალაგ-ალაგ გენიოსურია, ყოჩაღ! ნიჭიერი ხარ, ბიჭო, ნიჭიერი. ი. გრიშაშვილმა გიკითხა აგერ წინად. სახალხო სკოლაში ვნახე. სულ მუდამ შენ გკითხულობს, როცა კი ვნახავ. ადრესი მკითხა – მაგრამ არც მე ვიცოდი. კითხა ტიტეს და ს. კლდიაშვილს“.

ფიქსირებული ნაწყვეტი იმის დამამტკიცებელია, რომ ი. გრიშაშვილი ჭეშმარიტად იყო გატაცებული გალაკტიონის ლირიკით. დიდმა ძალამ იგრძნო ახალი სამუშის წარმოქმნა. ი. გრიშაშვილი საგანგებო ყურადღებას ამქლავებდა გალაკტიონისადმი და ეს კარგად ჩანს ვ. გორგაძის იმ ბარათიდან, რომელიც 1911 წლის 7 აგვისტოს არის დაწერილი. „ოსებმა სხვათა შორის სთქვა, გალაკტიონი ნიჭურია და სამწუხაროდ ჩვენი ინტელიგენცია ნაკლებად აქცევს ყურადღებასო. მკითხა:



ლექსები ბევრი აქვს ნაწერიო? ბევრი-მეთქი - მიუხედავად, მისი ლექსები უნდა გამოაცემიოთ - დასძინა მან. აგრეთვე თუ ჩამოვიდეს გალაკტიონი ქალაქში, ჩემთან მოვიდესო. ჩემს სახლში გავათუენებ ღამესო. ძალაინ მესიამოვნა, მართალი ვითხრა - გრიშაშვილისაგან - ჩვენი ძვირფასი და მასთან ნიჭიერი ამხანაგი - პოეტის ქება".

ვ. გორგაძე მოხიბლულია გალაკტიონით. იგი კი ამ დროს იმედისმომცემ პოეტთა ფაღანგში შედიოდა. მაშასადამე, მის აზრს გარკვეული წონა აქონდა.

მეგობარ-მახლობლები დაინტერესებულნი არიან გალაკტიონის წინსვლით და გულწრფელად უზიარებენ თავიანთ შენიშვნებს. სხვა საკითხია, რამდენად მართალნი არიან ისინი. ერთი კი აშკარაა, რომ კრიტიკულ მოსაზრებათა ფონზე კიდევ უფრო მეტი დამარწმუნებლობა ეძლევა მათ პოზიტიურ გამონათქვამებს. მ. ბოჭორიშვილი 1911 წელს გალაკტიონს სწერდა: „შენი ერთი ლექსი დაიბეჭდა „კოლხიდაში“. სიმართლე ვითხრა არ მომეწონა! ვგონებ დაუმახინჯებიათ“. როგორც ვნახეთ, ვ. გორგაძემაც დაიწუნა „მწვემსის“ ზოგიერთი ადგილი.

გალაკტიონი გაბედულად მიიწევს პარნასისაკენ. მასთან მეგობრობა და თანამშრომლობა საამაყოა. ლიტერატურულ ხალამოებს ძალას და ეშხს მატებს. ამიტომაც ეპატიუება ახალგაზრდა მგოსანას რომანოზ ფარცხავა: - „ძალია გალაკტიონ! გწერ საჩქაროდ, რადგან არც მე მცაღია. შაბათს საღამოს, 16 მაისს არის ჩემი საღამო ქართულ თეატრში და, შენ გენაცვალე, შენი იმედი მაქვს, რომ გვესტუმრები და შენი მშვენიერი ლექსებით აღტაცებაში მოიყვან ჩვენს საზოგადოებას...“ სხვები კიდევ კრებულში დასაბეჭდად სთხოვენ ნაწარმოებებს, ღრმად დარწმუნებულნი, რომ გალაკტიონის ლექსი გაამშვენიერებს წიგნს. ამაზე მეტყველებს მიხ. წულუკიძის თხოვნაც.

აქვე დავესვსებით ერთ პატარა ბარათს. მისი ავტორია ლადო მაჭავარიანი. „...დიდად პატივცემულო ბატონო გალაკტიონ! თუ შესაძლებელი იქნება, თქვენს მიერ გამართულ საღამოზე მონაწილეობას მივიღებ, თუ ძლიერ საწყენათ არ დაგრჩება. იმედია, უარს არ შემომითვლი“.

გალაკტიონი ლიტერატურულ შეკრებათა მშენებაა. მის გვერდით ყოფნა, მასთან ერთად გამოსვლა საამაყო და სასიხარულოა. ამიტომაც სწერს გ. ქუნიშვილი: „ფურტურისტო გალაკტიონ! ძმური და ცუცხლოვანი საღამო შენდა! მე იმ პირობით ვრჩები სალიტერატურო საღამოში მონაწილეობის მისაღებად, თუ შენც იქნები.“

უსიკვდილოდ უნდა ჩამოხვიდეს, აბა, შენ იცი და შენმა ბიჭობამ¹.

ი. იმედაშვილი უფასოდ უგზავნის თავის ჟურნალს „სოციალური და ცხოვრებას“.

გალაქტიონის ავტორიტეტი დიდია. ამიტომაც მიმართავენ მას ბოლშევიკები. როგორც ძველი რევოლუციონერი თ. ქაღები გადმოგვცემს, ბოლშევიკებმა ფინანსური მდგომარეობის მიზნით და კონსპირაციული მოსაზრებით გალაქტიონ ტაბიძის საღამო გამართეს და მთელი შემოსავალი სოციალ-დემოკრატიული პარტიის საღაროში შეიტანეს¹.

საინტერესოა არა მარტო ნაფიც კრიტიკოსთა ლიტერატურული ელიტის, არამედ უბრალო მკითხველის აზრიც. ამ მხრივ უთუოდ საგულისხმოა, რუსეთის მიერუბული ქალქიდან გამოგზავნილი წერილი... მისი ავტორია ქართველი მუშა, გალაქტიონის ახლო ნაცნობი. იგი აღტაცებას გამოთქვამს არა მხოლოდ იმიტომ, რომ შორეულ რუსეთში ქართული სიტყვა ესაღმბუნება, რომ ცივ ზამთარში გურიის ამწვანებული მთები და მოკისკისე ნაკადულები გაახსენა გალაქტიონმა, რომ „მე და ღამემ“ ქუთაისური საღამოები მოაგონა, არამედ სხვა მოსაზრების გამოც. ეს მუშა ფხიზელი მეთვალყურე და საღად მოაზროვნეა. მას არ მოსწონს გალაქტიონის პესიმიზმი. აი ეს ბარათიც: „შენი წიგნი გამომიგზავნა ტურქუმ და რადგანაც ერთობ მოცდილი ვარ, ამ მშვიერ კუჭზე კითხვის მეტს არაფერს ვაკეთებ და შენი ნაწერებიც მფორფევერ კიდევ გადავიკითხე და მერე რა ვიგრძენი? ის, რაც წინათ არ მიგრძენია; ისეთ მნიშვნელობას არ ვანიჭებდი, როგორც დღეს შენ ნაწერებს. არამცთუ მე, არამედ ყველა ის პირები, რომლებიც აქ იმყოფებიან: კოჭლი შალიკო, მფორე შალიკო, გოლა და სხვები, ერთხმად აღიარებენ თავიანთ გრძნობებს შენს ლექსებისაგან მინიჭებულს. ვისაც უნდა ნამდვილად იგრძნოს პოეტური ნიჭი, ზეადამფრენა პოეტის, ის აქ, შორს, რუსეთის კუთხეში უნდა მოვიდეს და მაშინ დააფასებს, თუ რა ნიჭი და გრძნობა აქვს გალაქტიონ ტაბიძეს. ვინც წაიკითხავს „მე და ღამეს“, „მესაფლავეს“, „გურიის მთებს“ და სხვას, ის იგრძნობს იმას, რაც მას სიცოცხლეში არ უგრძენია. მაშ თამამდ გალაქტიონ! წინ! კარგი იქნება ცოტა პესიმიზტურ ნააზრევს ჩამოაშორებდე შენს ლექსებს. შეიძლება შენ მითხრა: შენ კი არა, კრიტიკოსებმაც კი აღიარეს ჩემი ჩანგი ნიჭიერ ჩანგადო. თუ კრიტიკოსები აღიარებენ, ეს საკმარისი არ არის. საქმე იმაშია,

¹ ჟურნ. „რევოლუციის მატთანე“, 1928, №2(19), გვ. 133-134.

უბრალო მუშა თავის შეხედულებით თუ როგორ იგრძნობს და
რა შეხედულების იქნება...“

როგორც ვხედავთ, კრიტიკოსებმა თუ ფართო საზოგადოების
წარმომადგენლებმა აღიარეს გალაკტიონის ნიჭი, ხაზი გაუსვეს
მის შემოქმედების თავისებურებას, სვედისა და მარტოების
ორიგინალურ განცდას, სიწრფელესა და პოეტურ ოსტატობას...

კარგად თქვა ტიციანმა: „არ არის საჭირო ლოცვა იმაზე,
რომ პოეტის ნიჭი აყვავდეს, როგორც არ არის საჭირო მზის
ამოსვლაზე ლოცვა...“

მზე უნდა ამოვიდეს ყოველ დღე და პოეტის სიმღერაც
მადლდებოდეს, იზრდებოდეს სიახლით და სიძლიერით“¹.

ასეც მოხდა. ლიტერატურულმა კრიტიკამ ხელში შეუწყო
გალაკტიონის ლირიკული შედევრების შეცნობას და, საერთოდ,
მისი შემოქმედების პოპულარიზაციას. რაც მთავრია, ფართო
საზოგადოებამ, უპირველეს ყოვლისა, თვით მგონებმა იგრძნეს
გალაკტიონის სიდიადე, მისი პოეზიის თავანკარობა და ხიბლი.
მარტო ის რად ღირს, რომ აკაკი წერეთელი „აღელვებული
პირველი მიესალმა ამ წიგნის (იგულისხმება 1914 წლის კრებული
- ნ. ტ.) გამოსვლას“².

სხვათა შორის, აკაკი თავიდანვე საგანგებო ყურადღებასა და
ინეტრესს იჩენდა გალაკტიონისადმი.

ღარია ახელუდიანი იგონებს: „ერთხელ ჩვეულებრივად
ესაუბრობით პოეზიაზე. მაშინ მთელი წყება ახალგაზრდები
ახლად გამოსული იყვნენ სამწერლო ასპარეზზე, მე მაინტერესებდა
აკაკის აზრი, თუ როგორი შეხედულებისა იყო მათზე და ვკითხე:

- ბატონო აკაკი, თქვენს შემდგომ ვინ მიგანიათ პოეტად
ჩვენში-მეთქი?

პირმცინარედ შემომხედა და მითხრა:

- ვაჟა-ფშაველა და ცახელიო.

- ესენი ხომ ვიცო, ბატონო აკაკი, ახალგაზრდების შესახებ
მინდა გავიგო თქვენი აზრი.

- ახალგაზრდებში? - ჩაფიქრდა და დინჯად წარმოსთქვა: -
ახალგაზრდებში გალაკტიონ ტაბიძეს უსათუოდ დიდი მომავალი
აქვს, მას ბევრი სიახლე შემოაქვს ჩვენს პოეზიაშიო“.

ამ ბოლო ფრაზას მოგვიანებით თვით გალაკტიონი შიფრავს
ნაწილობრივ. მსჯელობა და მინიშნებანი იმდენად საგულისხმოა,
რომ მოგვყავს მთლიანად.

„მაინც რა სიახლე იყო იმ პირველ წიგნში? რა თქმა

¹ გაზ. „საქართველო“, 1916, №4.

² გაზ. „ტრიბუნა“, 1923, №492.

უნდა, თემატიური. საჭიროა დეტალური გარჩევა წიგნის ამ მხრით. შესაძლებელია იყოს სიახლევც ტექნიკურიც, საჭიროა გულდასმით შესწავლა წიგნისა ამ მხრივაც.

რა ლექსებია წიგნში ისეთი, რომელშიაც პირველად შემხსენიებია თუ ის მოტივი, პირველად ცოცხლდება ტემა (მაგალ. „მუხიკა უეცარი“, „გეტერა“, „ასე ხანდახან ქალაქის ხმაში“). რაც წინად არ ყოფილა.

იღვა გეტერასი: ღვთაებრივ სალოცავ სახეს იძლევა თვით ცხოვრება, ხელოვნების ძირითად აზრს იძლევა თვით ცხოვრება. აფროდიტას სახედ ტაძარში იღვება სახე უბრალო ქალისა – ამ შემთხვევაში გეტერასი, აი, რა არის ხაზგასმული. აფროდიტა თუ სიმბოლოა, ამ შემთხვევაში მაღალი იდეის, რომლისკენაც მიისწრაფვის ადამიანი, რა არის გეტერა, თუ არა სახე, ამ შემთხვევაში – არა სიმპატიური, მაგრამ მაინც ცხოვრებიდან აღებული? მაშასადამე, ძირითადად როგორია როლი მხატვრის, მგონის, მოქანდაკის?.. (უკეთ, როგორი უნდა იყოს). ყოველი დიადი სახე უნდა აღებულ იქნას ცხოვრებიდან. ხელოვნების დასაყრდენი – ცხოვრებაა. კიდევ რამდენი ლექსია ასეთი. და ასე უნდა იქნეს გარჩეული. თვითთული ლექსი აღმოჩენილი უნდა იქნას. იხ. „მე და ღამე“, მაგალითად, ისმის თუ არა ამ ლექსში სულიერი სიმტკიცე ახალგაზრდობის, ისმის თუ არა შიგ საიდუმლოების დაცვის ფიცი? სწანს თუ არა აქ ბუნება, მაგრამ არა ადამიანის გარეშე, არამედ ადამიანის მიერ განცდილი, არა განყენებული (ეს მთავარია. კიდევ რამდენი ლექსია ასეთი!).

რატომ არის მთავრე და არა მზე? უეცს არ ესმის, რომ მთავრე საწყისია ვაჟურობის, მზე ქალურობის. მართალია, მითოლოგიაა. წიგნში არის სონეტი.

ლექსი „ტყეში“ – ახალია თუ არა ფორმით?¹

თითქოს ლოგიკური იქნებოდა აქ დაგვესვა წერტილი, მაგრამ ნუ აეჩქარდებით. კვლავ მოუესმინოთ გალაკტიონს. 1918 წელს იგი ამბობს:

*„სული სიცოცხლის ნდომის,
ნუმი ლექსების ტომის“².*

კვითხულობთ ამ ავტორუცენზიას და ვგრძნობთ, როგორ იმსხვერვა ზოგიერთი კრიტიკოსის მიერ აკებული ხუხულა. ფიქსირებული ფრაზა გამორჩეულია არა მხოლოდ ლაკონიკობით, არამედ ხილრმითა და გააზრებითაც. პოეტმა გახსნა ფრჩხილები,

¹ გ. ტაბიძე, თხზ. ტ. XII, გვ. 151-152.

² იქვე, გვ. 44.

გასაღები მოგვაწოდა. მისი პირველი წიგნი სვედით, წუხილით ბრძოლით, ოცნებით... ყველაფრით „სიცოცხლის ნდომის“ და დამკვიდრების გამოშხატველი ყოფილა. და, მართლაც, გალაკტიონის მთელი შემოქმედება სწორედ ხსენებული ტენდენციით ხასიათდება. გალაკტიონი მზისა და სიცოცხლის მგოსანია. მაღალი ადამიანური მისწრაფებების გამძაფრებითა და იშვიათი ოსტატობით გამოშხატველი. ამითაც განისაზღვრება მისი პოეზიის ზოგადსაკაცობრიო ღირებულება, ფესვმაგრობა და გამძლეობა.

პირველ წიგნში უფრო მეტია ტრადიციულ-კლასიკური, ვიდრე ნოვატორული. მაგრამ შეცდომა იქნებოდა, რაოდენობრივ მხარეზე გადაგვეტანა მახვილი და უგულუბელგვეყო არსებითი. არსებითი კი ის გახლავთ, რომ სწორედ ამ წიგნში დაისახა ქართული პოეზიის განახლება-განვითარების გზები. ცალკეული სიახლეები (პრობლემატიკის, პოეტიკის თუ სხვა სფეროში) ქმნიან საფუძველს, რათა გალაკტიონი სათავეში ჩაუდგეს ქართული ლექსის რეფორმას და 1915-1916 წლებში დევის ნაბიჯებით იაროს.

როგორია გალაკტიონის დამოკიდებულება კრიტიკისადმი?

ერთნი აშკარად ებმებიან პოლემიკაში და რეცენზენტის მოსაზრებათა უკუგდებას ცდილობენ. მეორენი სუსტად ან საერთოდ არ რეაგირებენ კრიტიკაზე, გულგრილნი არიან ქების თუ ძაგებისადმი. მესამენი კიდევ მტიკიუნეულად განიცდიან კრიტიკას, მაგრამ საჯაროდ არ ხშიანობენ, მხოლოდ დღიურს ან ერთ-ორ მახლობელს თუ ანდობენ თავიანთ ფიქრს.

გალაკტიონი ამ უკანასკნელთა რიცხვს განეკუთვნება. იგი პრესაში თითქმის არასოდეს გამოკამათებია მოწინააღმდეგეს. მწერალთა კავშირის ტრიბუნაც ნაკლებ ან საერთოდ არ გამოუყენებია. დღიურებში კი, იცოცხლეთ, ჩნდება მძაფრი ჩანაწერები, ზოგჯერ არასახარბიელო კონტექსტებით. ეს პოეტის ბუნებით და ღირიკული მიდრეკილებით აიხსნება, მაგრამ მხოლოდ სიმორცხვის უჩვეულო გადაჭდომით.

ჭაბუკობისდროინდელი ამ სახის ჩანაწერები შედარებით მცირეა. მაგრამ რაც არის, ისიც საკმარისია პოეტის შეხედულებებისა და ვნებათაღელვის გასაცნობად.

1915 წლის 8 იანვარს გალაკტიონი ბარათს უგზავნის ოლია თკუჯავას. პოეტი მოუთხრობს სატრფოს ქუთაისიდან ქვიტირისაკენ გასვირნების ამბავს. მგოსანი სოფლის სასაფლაოზე მოხვედრილა და მიცვალებულებთან „უსაუბრია“. „მეორე მკვდარმა თავისი ლექსები ამოიღო და პათოსით კითხვა დაიწყო... ძალიან კარგი დეკლამატორი ყოფილა. მითხრა: აბა შეადარე შენს ლექსებს,

რომელი სჯობიაო? თურმე ის კაცი მკედრების საზოგადოებაში გენიოს პოეტად ითვლება... საზოგადოდ, ჩემო ოღოლო, ცოტა ცუდი შთაბეჭდილება მოახდინა ჩემზე დღეს სასაფლაოში. იმ პოეტმა ტრაბახით ამიკლო, სულ ძვლებს აჩხარუნებდა და ისე გაიძახოდა: ჩემისთანა არ იქნებაო! მეც ვვლარ მოვითმინე და თავის ქება დავიწყე, მაგრამ მკედარმა პოეტმა დაცინვით გაიღიმა და ჯიბიდან გაზეთი „შადრევანი“ ამოიღო, სადაც მის. წულუკიძის წერილია მოთავსებული. მე სირცხვილით გაეწითლდი და ხმა გავიკიმიინდე¹.

ირონია აშკარაა. მგოსანს არ მოსწონს მ. წულუკიძის სტატია, რომელშიც უარყოფითად იყო შეფასებული მისი შემოქმედება. და, აი, იუმორისტული ფორმით ამქდავენებს თავის დამოკიდებულებას.

მეორე გზა უფრო შეუფარავია. მხედველობაში მაქვს „მოშენტალური ფოტოგრაფიები“, რომლებშიაც გაკენწლილ-გაკიცხულია მოწინააღმდეგეები. ჯანრის სპეციფიკიდან გამომდინარე, გალაკტიონი პიროვნებათა მხოლოდ ზოგად სატირულ დახასიათებას იძლევა. განწყობის მიზეზებზე ნაკლებ ან საერთოდ არ შიგვანიშნებს. მაგრამ ქვეტექსტისა და განსაკუთრებით სიტუაციის გათვალისწინების საფუძველზე მაინც აშკარა ხდება ყველაფერი.

ეს ხერხი თანდათან იხვეწება, მოგვიანებით კი თვალსაჩინოდ ტრანსფორმირდება. ვგულისხმობთ ობიექტის პირდაპირ გაკიცხვას და ამგვარი ქმედების მიზეზთა ხაზგასმასაც.

რაც შეეხება ქებას, მისდამი ნაკლებ ფხიზელ-კრიტიკულია. რა თქმა უნდა, აღიზიანებს წრეგადასული პირმოთნეობა, მაგრამ პანეგირიკისადმი გულგრილი მაინც ვერ რჩება. გასაგებიცაა. ხოტბა გალაკტიონისათვის ოპიუმში კი არ არის, ძველი კახური ღვინოა, რომელიც ძალასა და ენერგიას მატებს, რათა ახალ-ახალი შედეგები შექმნას.

კალე ბობოხიძის ოჯახში ახლაც იხსენებენ შემდეგ ეპიზოდს: ქალბატონ ვერასა და ბატონ კალეს მწერლები მიუპატიჟნიათ, მათ შორის გალაკტიონიც (ისინი მეზობლები იყვნენ). მასპინძელს პირველი სადღევრძველო გალაკტიონისადმი მიუძღვნია:

— გაუმარჯოს თანამედროვეობის ყველაზე დიდ პოეტსო.

სტუმართაგან ზოგს ჩაუქირქილებია, ზოგიც შემშუშნულა, უმეტესობას კი გულწრფელად აუტაცნიათ ეს სადღევრძველო.

ხერობის დამთავრებისას გალაკტიონს მოუთხოვნია სიტყვა:

— ახლა დავლიოთ კალეს — საქართველოში ყველაზე დიდი

¹ გ. ტაბიძე, თხზ., ტ. XII, გვ. 515.



პოეტის სადღევრძელო!

ფერი წასვლია მასპინძელს.

- რა დავიშავე, ბატონო გალაკტიონ, რატომ დამცინით?

- არა, ძამიკო! ის, ვინც ხვდება რომ მე მსოფლიოში უდიდესი მგოსანი ვარ, იგი საქართველოში პირველ პოეტად უნდა ვაღიაროთ.

გასაგებია გალაკტიონის საქციელი. თბილ სიტყვას დანატრული ღმერთკაცი, მაჟანთა და შაჟანთაგან შევიწროვებული გენიოსი, კუთვნილს მოითხოვდა, მაგრამ ოქროს კვეთს ყოველთვის როდი პოულობდა. ნურც იმას დაევიწყებთ, რომ ამ სადღევრძელოთი ბევრს გადაკრა ლახტი.

დიახ, ზოგჯერ ამტკებდა, მარამ ეს ნუ განგვხიბლავს.

რაც არ ეპატიება ხარს, ის ეპატიება იუპიტერს.

„თუთრი დღეების ისევ ისე მიჰყვება დასი,
არ მომწეინდება სადღევრძელოდ აეწიო თახი
თქვენი, რომელთაც გატაცება... მხოლოდ... უინია.
მე არც წარხულის, არც მომავლის არ მეშინია“.

საბუხა

საგულაზე კანზე სკოლა
განს ყველა უბრალო უმწიფარო
სამ რეკლამა რაღაც უმეცობა:
შენი ღმერთი უბრალოდ უბრალოდ
მე სი უმეცობადი უბრალოდ უბრალოდ
ლოთი კანძობებს, სავსე სავსე
მეშია სკოლა, მსაჯინა მ. უბრალოდ
ქვეყნის მსაჯინა სავსე
ქვეყნის სავსე

¹ ბ. ტაბიძე, თხზ., ტ. II, გვ. 90.

„სულში გენით აგებული რეკავს ლერწამი“



„დაათრობს მთვარე თოვლიან ალევებს
ივლისისფერი ყინვის თასებით!“

გალაკტიონ ტაბიძე

მოვლენებს გაუუსწრებთ, ბევრი მნიშვნელოვანი შემთხვევა თუ ეპიზოდი კი აღუნუსხაე-შუუფასებელი დაგვრჩა, თქმა არ უნდა, 1914 წელი გალაკტიონისათვის, უწინარეს ყოვლისა, ღირსახსოვარია პირველი წიგნის გამოცემით. ამ კრებულზე ზემოთ ვისაუბრეთ. აქ მხოლოდ ერთ გარემოებაზე შევჩერდებით. ხსენებულ წელს გალაკტიონმა პრესაში ხუთიოდე ლექსი გამოაქვეყნა. თუ ამ ციფრით შემოვიფარგლებით, შეიძლება ვინმემ დაასკენას, რომ შემოქმედებითი პულსი მოდუნებულია. მაგარმ პირველ წიგნში ხომ ას ოცზე მეტია ლექსია შეტანილი. მათი დიდი ნაწილი სწორედ 1914 წლით თარიღდება. ასე რომ, ეს ხანა პოეტური აფეთქებების ჯამადაც შეგვიძლია მივიჩნიოთ.

როგორც ითქვა, წიგნის გამოცემამ დიდი დრო და ენერგია შეიწირა. მიუხედავად ამისა, გალაკტიონი მაინც ახერხებს მიმდინარე პროცესებში ჩაბმას და ბევრ საქმეს ბეჭედსაც ასეამს.

გალაკტიონი პერიფერიების ხშირი სტუმარია. ამ შემთხვევაში ძირითადად ორი მიზანი ამოძრავებს: საზოგადოებრივი ყოფის, მასების სულისკეთების უკეთ შეცნობა და საკუთარი შემოქმედების პოპულარიზაცია.

გაზეთ „აზრში“ კვითხულობთ: „შედეგა ქართველ მწერალთა ჯგუფი, რომელიც სალიტერატურო სადამოების განამართავად მიემზაურება საქართველოს დაბა-სოფლებში და ქალაქებში. ჯგუფში ითვლება: გ. ქუჩიშვილი, გ. ტაბიძე, ელ. ბაქრაზე, მ. წულუკიძე, ირეთელი, ზომლეთელი, ჩხიკვაძე, მეთარე საღირაშვილი, ხურციძე და სხვ. პირველი სადამო ოზურგეთში გაიმართება“¹. შემდეგ მწერლები ჩოხატაურში, ხიდისთავსა და ღანჩხუთში უნდა გამოსულიყვნენ.

იგივე გაზეთი რამდენიმე დღის შედეგ იუწყება, რომ ამ მოკლე ხანში „... ფოთში ჩვენი ახალგაზრდა მგოსნები: გ. ქუჩიშვილი, ნ. ჩხიკვაძე და ვალ. ტაბიძე გამართავენ ლიტერატურულ სადამოს“².

¹ გაზ. „აზრში“, 1914, №86.

² იქვე, №91.

რაც შეეხება ქუთაისს, აქ ხომ თითქმის ყოველ კვირას ხშიანობს გალაქტიონი. ხან ახალგაზრდა მგოსანთა საღამოებში მონაწილეობს, ხან საქველმოქმედო მიზნით გამართულ შეკრებებში და ა. შ.

თავადაც ყოველწლიურად მართავს საღამოებს. ამგვარ ღონისძიებებს ხელმოკლე პოეტის ფინანსური მდგომარეობის გაუმჯობესების უუნქიაც კეისრება. მაგრამ მიზანი ყოველთვის როდი მიიღწევა.

გალაქტიონი უკვე პროფესიონალი ლიტერატორია. ფაქტობრივად, იგი თითქმის არსად არ მსახურობს და შემოსავლის ერთადერთი წყარო პონორარია.

1914 წლის შემოდგომაზე გალაქტიონმა გადაწყვიტა კვლავ შეხვედროდა ფართო საზოგადოებას. „ახალ ივერიაში“ იბეჭდება ცნობა: „19 ნოემბერს ქალაქის თეატრში ახალგაზრდა მწერალი გალაქტიონ ტაბიძე მართავს დიდ სალიტერატურო-სამუსიკო-დრამატულ საღამოს, შემდეგი შინაარსით: 1) ლიტერატურა: მონაწილეობას მიიღებენ ცნობილი მწერლები და დეკლამატორები; 2) წარმოდგენილი იქნება ერთმოქმედებიანი ვოდევილი „მონქენება“; 3) მუსიკა: მონაწილეობას მიიღებენ სკრიპკაზე და ვიოლლონჩელოზე დამკვრელები; 4) ცოცხალი სურათები, დადგმული იქნება მხატვარ გრიგოლ მესხის მიერ“.

გალაქტიონმა კარგად იცის, რომ ძნელია საზოგადოების მიზიდვა. ამიტომაც ზემოფიქსირებული ინფორმაციით არ კმაყოფილდება. 18, 19 ნოემბრის ნომრებში ქვეყნდება იმავე შინაარსის, რამდენადმე ტრანსფორმირებული განცხადებები, ერთ შემთხვევაში ხაზგასმულია, რომ „გ. ტაბიძე ნიჭიერი პოეტია და ჩვენს ახალგაზრდა მწერლებში საუკეთესო ადგილიც აქვს დაკავებული“. მეორე შემთხვევაში საღამოს მნიშვნელობაა აქცენტირებული, რომ იგი „ფრიად საინტერესო“ იქნება.

საღამო ვერ თუ არ შედგა დანიშნულ დროს. ესეც ოპერატიულად აცნობა რედაქციამ მკითხველს.

22 ნოემბერს კვლავ იბეჭდება ცნობა, რომ „ხეალ ქალაქის თეატრში გაიმართება ახალგაზრდა მწერლის გ. ტაბიძის საღამო“. ამჯერად დაზუსტებულია მონაწილეთა გვარები და პროგრამის შინაარსი. მაგალითად, „დასახრულს მხატვრად გრ. მესხი დადგამს „ცოცხალ სურათებს“ თანამედროვე ომიდან“.

ბოლოს და ბოლოს საღამო გაიმართა, მაგრამ არა ისე,

¹ გაზ. „ახალი ივერია“, 1914, №39.

როგორითაც გალაკტიონს სურდა.

ადვილად ითქმის: სადამო უდიდამოდ ჩატარდა. ნახევრად ცარიელი თეატრი. ეს ნიშნავს რამდენიმე კვირით შიმშილობას ამას ემატებოდა სულიერი ტანჯვა გამოწვეული ხელგაშვების ამგვარი ფორმით და სხვ. არადა, ეკონომიკური გაუმჯობესების სხვა გზა არ ჩანდა.

გალაკტიონი მომავალ წელსაც მართავს სადამოებს. ერთ-ერთი მათგანი დაგუგმილი იყო 20 ოქტომბერს. პოეტმა საუკეთესო სახელი შეურჩია მას – „საქართველოს ყვავილები“. თუ წინა წელს ის და მისი მახლობლები მოკლე ინფორმაციებით ცდილობდნენ საზოგადოების მიმხრობას, ახლა უფრო ვრცელ და დასაბუთებულ წერილებს აქვეყნებდნენ. ამ მასალათა ავტორები არიან ცნობილი პიროვნებები – მწერლები ია ეკალაძე და შ. ამირეჯიბი.

ია ეკალაძემ სათაურშივე გახაზა ძირითადი სათქმელი – „დავეხმარნეთ მგოსანს!“ წერილში აღნიშნულია გალაკტიონის ნიჭიერება და მისი პოეზიის ბრწყინვალეობა. „მეც სიტყვით ვერ გადმოვცემ ძალას და ძლიერებას გ. ტაბიძისას. იგი უხილავი ტრფობაა დამწვარის გულისა, იგი ბნელ ღამეში დაღვრილი ცრემლებია ჩვენის დღიურ სიცხადით დამწვარ თვალებისა!“¹

ყოველივე ეს იმიტომ სჭირდება ავტორს, რომ მეტად შეანჯღრიოს მთელემარე საზოგადოება და პოეტისადმი სასიკეთოდ განაწყოს. ია ეკალაძე კარგად გრძნობს იმ უხერხულობას, რომელშიაც იმყოფება გალაკტიონი. მგოსანთა მომავალი მეფე კაპიკების შესაგროვებლად იშვერს ხელს. პოეტური მარგალიტების შემქმნელი იძულებულია მტკრიან ბილიკზე დაეშვას.

„აი ეს უმაწვილი მგოსანი ოც ამ თვეს ქალაქის თეატრში მმართავს სალიტერატურო სადამოს თავის სასარგებლოდ. ძნელი და აუტანელი უნდა იყოს ძალზე ხელ-მოკლე მგოსნისათვის ასე ხელის გაშვერა, მაგრამ ჩვენ ვაგრძნობინოთ, რომ ალაღია მისთვის თითოეული ჩვენთაგანის წვლილი, როგორც დედის რძე და ჩვენის პროზით, ჩვენის გროშების გაღებით შეუქმნათ მას ისეთი მდგომარეობა, რომ ერთხანს მაინც დააიწყდეს „ქუნა ღუკმა პურისა“ და ჩვენის თანაგრძნობით გამხნევებული, ოცნებით გაფრინდეს ცაში ვარსკვლავებთან საღაპარაკოთ, მიწერ ბოღმანადველის გასაქარებლად.“

მაშ, ოც ამ თვეს გაეწიოთ ყველამ ქართული თეატრისაკენ!..

ეს არის ჩვენი მოვალეობა!..²

¹ გაზ. „სამშობლო“, 1915, №176.

² იქვე.

ვრცელ წერილში „მშვენიერ პიპეტებს“ შ. ამირეჯიბი იმავე აზრს ავითარებს, რომლითაც გამსჭვალულია ია. კაკალაძის სტატია. ძალზე სამწუხაროა, რომ მგოსანი, გუშინ შემთხვეული საუკეთესო ლექსებისა, დღეს მოწყალებას ითხოვს. „მათხოვარი მგოსნის ასეთივე შეურაცხყოფელი გაუგებრობაა, როგორც მათხოვარი ღმერთი, მპყრობელი ხილულისა და არა ხილულისა, მაგრამ ამ სიღარიბის ტრადედიაში არის სიღამაზეც სიღარიბისა და ისინი, ვისაც ბედმა მიძიმე ქისა მისცა, ამპარტანობით არ უნდა დასცქეროდნენ ღარიბ ოჯახს ქართველ მწერლებისას“¹.

შ. ამირეჯიბიც მოუწოდებს ქუთათურებს დაესწონთ გალაკტიონის საღამოს. გაღებული გროშები პოეზიის თაიგულებად დაუბრუნდებათ.

ამ წერილების გარდა, სხვაგვარი მასალებიც იბეჭდება. მაგალითად, 19 სექტემბერს „სამშობლოში“ „ახალი ამბების“ პირველ ინფორმაციად დაისტამბა მოკლე ცნობა: „სხვალ, კვირას, ქალაქის თეატრში გაიმართება გალაკტიონ ტაბიძის საღამო“. ისიც აღასანიშნავია, რომ ტექსტი აწყობილია განსახვედრებული შრიფტით, მუქი მთავრულით. ამდენად, ხსენებული ინფორმაცია ყველაზე მეტად იპყრობს ყურადღებას.

ამგვარი მცდელობით მიზანი მიღწეული იქნა. თეატრი საესე იყო ხალხით. საზოგადოება გულისყურით უსმენდა შ. დადიანს, ვ. რუხაძეს, პ. იაშვილს, ა. ფაღავას, მომღერალ ვ. ლორთქიფანიძეს (სხვათა შორის, წინა დღით მისი საღამო გაიმართა, რომელში გალაკტიონიც მონაწილეობდა) და სხვ. კმაყოფილნი დარჩნენ სპექტაკლით „სიკვდილი ნაპოლეონისა“ (წარმოდგენილი იყო პირველი მოქმედება, ნაპოლეონის როლს დ. ჩარკვიანი ასრულებდა). გალაკტიონს ყვავილები მიართვეს.

ასეთი წარმატება მაინც იშვიათი იყო. მომდევნო წელს პოეტმა სრული მარცხი განიცადა. თავად სწერდა ამის შესახებ ოლიას. „ჩემი საღამო საცოდავად ჩატარდა. არავინ არ მოვიდა. მრცხენია პირდაპირ“².

ეს ცნობები იმიტომ არ მოგვიტანია, რომ სტატისტიკური სურათი შემოგვეთავაზებინა. მკითხველს არ გაუჭირდება მათ მიღმა გაცილებით მეტი დაინახოს, კერძოდ, გალაკტიონის ბუნებისათვის უცხო ფაცი-ფუცი, ვიღაცის წინაშე ზედმეტი თავდახრა, ვიღაცის დამუნათება, სამაგიეროს მიგებით ვიღაცის გულის მონადირება და ა. შ.

ცხოვრება აიძულებს იბრძოლოს, იბრძოლოს

¹ გაზ. „სამშობლო“, 1915, №180.

² გ. ტაბიძე, თხზ., ტ. XII, გვ. 522.

მკლავებდაკაიწებულმა და ხშირად არაარსებითზე მეტად
გამახვილოს ყურადღება, ვიდრე არსებითზე.

ვერც იმას დავიფიქვბთ, რომ ლიტერატურული გამოსვლები
მგონისათვის საკუთარი ნიჭით ტკობის საშუალებაა.

პოეტური საღამოები არცთუ იშვიათად ბანკეტით მთავრდება.
გალაკტიონს მოსწონს ასეთი ფინალი, რადგან ქება-დიდებათ
თრობის საშუალება ეძლევა.

ნუ შევერით წარბებს.

ცხოვრებით დატანჯულ ახალგაზრდა კაცს ლოგიკურად
უნდება მცირე ხნით ყველგელობის სურვილი. ბუნებრივი
სიმორცხვის დაძლევას ცდილობს და ღვინოს ეტანება.
გათამამებული მახელსიტყვაობს, ექსპრომტებსაც წარმოთქვამს,
მაგრამ მაინც ვერ ხდება საზოგადოების ღომი. ამ მხრივ
სხვებია გამორჩეული. არ ვიცით, მეორე დღეს შეიცნობდა თუ
არა ამას. თუმცა ეს განა არსებითია? გალაკტიონი პოეზიაშია
განუშეორებული და ერთადერთი. ამ სფეროში გალაკტიონი
შეიძლება მხოლოდ გალაკტიონს შეეადაროთ. აი თავიდათავი.

გალაკტიონი ზღვა ენერჯის პიროვნებაა. იგი არ ცხრება.
მიზნის მიუღწევლობიდან მომდინარე აპატია, რაც ბევრისათვის
არის დამახასიათებელი, მისთვის უცხოა. ეკონომიკურად უჭირს.
სოფლიდან გამოზღავნილი სანოვაგე სულზე მიუსწრებს ხოლმე.
ყველაზე დიდი იმედი ძმისა აქვს. აბესალომიც უშურველობს;
თავისი მწირი ჯამაგირიდან უმეტეს ნაწილს გალაკტიონს
უზღავნის. მაინც არ კმარა. დროდადრო შამშილობს კიდევ.
ერთხელ გამოუტყდა ოლიას - არა ვარ პრაქტიკული და
ყირათიანი. ღმერთი თუ რამეს გადმომიგდებს, მონაკოს
პრინცივით ხელვაშლილობ, მეორე დღეს კი ჯიბეგამოფხეკილი
დავდივარო.

აქ ისიც უნდა ითქვას, რომ გალაკტიონისათვის უცხოა
პანტაგრუელობა. სერობისას არისტოკრატიულ გემოვნებასა და
დახვეწილობას ავლენს.

ბოქმური ყოფისაკენ თვით ცხოვრება ეზიდება. უძვირფასესი
ქალბატონი შორსაა. როცა მწარე ფიქრები შეიპვრობდა,
ოლიასაკენ მიქროდა და მისი სიახლოვით ტკებუოდა, დარდს
იქარებდა. ახლა კი ბარათებით ეხმიანება, შესტრფის და
ამხნეებს.

ღრმად ვარ დარწმუნებული, რომ გალაკტიონის ბარათები
ერთმისამართიანი არ არის. აქ მეორე ადრესატიც იგულისხმება
- თვით გალაკტიონი.

ღიას, პოეტი საკუთარ თავსაც სწერს ამ ბარათებს და



ბალაკტიონი, კოსტანტინე ბალზონტი,
ვარლამ რუსაძე

სატრფოს მისამართით გამოთქმულ შენიშვნებს, რჩევას რე/ დარიგებას მეორე გალაკტიონზეც ავრცელებს.

შემთხვევით არ გვიხსენებია „მეორე გალაკტიონის“ პიროვნებაში გარკვეული გაორება იქნეს თავს. სიმბოლოები

ზოგჯერ წერილებში გალაკტიონი ერთს ამტკიცებს, ცხოვრებაში კი მეორეს აკეთებს. საქმე გვაქვს დახადლევის დაუძლელობიდან მომდინარე შედეგთან. მან კარგად იცის, რომ „უნდა ნაძკლა მწუხარება გულში. ჩვენი სიცოცხლე ისე ხანმოკლე და უდღეურია, რომ არავითარი ფასი არ ექნება მას, თუ ის ისე არ გავატარეთ, როგორც ჩვენ გვსურს. ცხოვრება უნდა მოვაწყოთ ისე, როგორც ჩვენ გვინდა. აი თავი და თავი მიზანი ბედნიერების“¹.

სხვას ურჩევს, თავად კი ვერ ახერხებს. „ყოველ წუთში ენაზე გვაკერია: „ტანჯვა“, „გამოუთქმელი მწუხარება“, „სულის სიცალიერე“ და სხვ. და სხვ. მაშინ, როდესაც ჩვენ, ახალგაზრდები უნდა გავიძახოდეთ „სიცოცხლე“, „სიხალისე“, „ბედნიერება“-თქო. თუ არც სიხალისეა, არც ბედნიერება, არც სხვა რამე, ჩვენ უნდა შევქმნათ, გესმის, ჩვენ უნდა შევქმნათ ბედნიერება, გახსოვდეს, რომ სიყმაწვილე ბედნიერებისათვისაა შექმნილი...“²

აქ გონი მძლავრობს და გრძნობები დაეუქმებულება. როცა პირუკუ ხდება, მაშინ სულ სხვა შედეგს ვიღებთ.

გალაკტიონი არასოდეს ყოფილა პრაგმატიკი და ეს თეორიული წანამძღვრები, თუ შეიძლება ასე ითქვას, თითქმის განუხორციელებელი რჩებოდა. მაგრამ ნურც იმას დავივიწყებთ, რომ ცალკეულ შემთხვევაში ამგვარი მოსაზრებები ზარებივით წკრიალებდნენ და ქარაფამდე მისულ პოეტს აფხიზლებდნენ.

გალაკტიონი გადაიღალა და გეზიც სოფლისაკენ აიღო. ივლისში ჭყვიში მათრობელაა და გალაკტიონიც ჩაიბირა ბუნებაში.

შემოდგომაზე კვლავ ქუთაისს მიაშურა.

სპეციალისტები მიუთითებენ, რომ 1914 წელს გალაკტიონი ხელმძღვანელობდა გაზეთ „ახალ აზრს“. ისინი ვერდნობიან ჟანდარმთა სამმართველოს მონაცემებს: „არსებული ცნობების მიხედვით გაზეთ „ახალი აზრის“ მთავარი ხელმძღვანელია გალაკტიონ ტაბიძე“.

რას ნიშნავს ხელმძღვანელი? თუ გალაკტიონი ფაქტიური რედაქტორისა და წამყვანი პუბლიცისტის, თანამშრომლის

¹ გ. ტაბიძე, თხზ., ტ. XII, გვ. 503.

² იქვე, გვ. 504.

ფუნქციას ასრულებდა, მაშინ ამ გაზეთში უნთუოდ უნდა იყოს მისი ნაწერები (თუნდაც ხელმოწერული), ჩვენ გალაკტიონის სტილის, წერის მანერის, მსოფლგაგების გათვალისწინებით საგანგებოდ შევისწავლეთ 1914 წლის „ახალი აზრი“ და მსგავსი ჟურნალები მივაკვლიეთ.

შეიძლება ვივარაუდოთ, რომ ამ შემთხვევაში საქმე გვაქვს თავისებურ მისტიფიკაციასთან. როგორც ცნობილია, არცთუ იშვიათად ხელისუფლების თვალის ასახვევად თუ სხვა მიზნით გაზეთსა და ჟურნალს ხელს აწერდნენ უცხო პირები, რედაქტორის ტვირთს კი ინკოგნიტოდ დარჩენილი მოღვაწე ეზიდებოდა.

ამ ხერხს იყენებდნენ მენშევიკებიც. „ახალი აზრი“ კი მენშევიკთა ცენტრალური ორგანო იყო. ცნობილი ბიბლიოგრაფის ბ. პაქრაძის მონაცემებით, ხსენებული გაზეთი სხვადასხვა სახელწოდებით გამოდიოდა თბილისსა და ქუთაისში: „აზრი“, „ახალი აზრი“, „ჩვენი აზრი“, „თანამედროვე აზრი“, „ერთობა“. რედაქტორებიც ხშირად იცვლებოდნენ. თ. კეკელიძე, აღ. ცერცვაძისა, კ. კეკელიძე, ლ. ცაგარელი, ნ. ქუჩინსა, ვ. ბობოხაძე, მ. ბობოხიძე (ეს გვარები ბევრს არაფერს უუბნებიათ ჟურნალისტიკის ისტორიკოსს).

არ არის გამორიცხული, რომ 1914 წელს სოციალ-დემოკრატებმა გალაკტიონს თხოვეს დახმარება და ისიც დათანხმდა, რაც დაუფიქსირებელი არ დარჩენია ჟანდარმერიას. მაგრამ ეს დაპირება გალაკტიონს ვერ თუ არ შეუსრულებია. ადრე დარჩეული ხმა კი აზვირთდა და განტოტდა. ისიც განათვალისწინებელია, რომ ქუთაისში „ახალი აზრის“ მხოლოდ ექვსი ნომერი გამოვიდა (12-18 ივლისს)¹.

24 ივლისს პოეტი უკვე სოფელშია და, ცხადია, სხვა სახელწოდებით („ჩვენი აზრი“) გამომაველი „ახალი აზრის“ რედაქციაში ვერ იმუშავებდა.

ყოველივე ეს სრულიადაც არ ნიშნავს, რომ გალაკტიონი ჩამოშორდა პრესას. იგი ადგილობრივი გაზეთების ხშირი სტუმარია; თბილისშიაც აწვდის ხმას.

1915 წელმა დიდი ტკივილი მოუტანა გალაკტიონს. გარდაიცვლანენ ვაჟა-ფშაველა, ნიკო ლომაური, იროდიონ ევდოშვილი, ჭოლა ლომთათიძე... ყველაზე ძლიერ მაინც აკაკის დაღუპვა განიცადა. გასაგებობდა. აკაკი მისთვის არა მხოლოდ უდიდესი მგოსანი გახლდათ, არამედ განკაცებული საქართველოც. უფრო მეტიც, მშობელივით მახლობელი და სათაყვანებელი

¹ სხვათა შორის, აკაკის დასაფლავებაზე სიტყვა წარმოუთქვამს „ახალი აზრის“ წარმომადგენელს ვეპანი ვაჟკორს.



პიროვნება.

ავადმყოფი პოეტის შესახებ ყოველდღე იბეჭდებოდა ინფორმაციები. ზოგიერთები შეეკუთვნებოდნენ კიდევ გარდაუვალ შედეგს. გალაკტიონი კი მაინც ბობოქრობდა. ირწმუნებოდა: სიკვდილს რა ხელი აქვს ღმერთთან; აკაკის წინაშე ყველა და ყველაფერი იწოკებსო. ეს უფრო რე ხელი თაყვანისმცემლის სურვილი და წარმოსახვა იყო.

26 ივნისს აკაკი გარდაიცვალა¹.

„დაიშხვრა საყვირი იერიქონისა, ფერფლად იქცა იერეკია საქართველოსა!

ბუნებამ, — გულგრილმა და უღმობელმა ბუნებამ, — თავისი წესი შეასრულა, მოგვტაცა პირველი პირველთა შორის და დაგვტოვა ცისა და დედამიწის ანაბარათ.

ადარ გვიკვს ქურუმი ქართულის პოეზიისა, დადუმდა ქნარი მეცხრამეტე საუკუნის ქართული სიტყვა-კაზმულობისა, დაშრა ზღვა მშობლიურის სწორმეტყველებისა!² — მოსთქვამდა ქვეყანა ია ეკალაძის პირით.

ქუთაისს დიმილი დააკლდა. თეატრში ფარდები დაეშვა. დუქნებიდანაც არ ისმოდა არღნის ღულუნი. კასკასა იმერლები თითქმის უბრად დააბიჯებდნენ. ჟურნალ-გაზეთები ვერ აუდიოდნენ სამგლოვიარო დეპეშათა გამოქვეყნებას. პანაშვიდი პანაშვიდზე იმართებოდა. აქ ერთ პატარა ინფორმაციას დავესესხებით: „4 თებერვალს სოფელ ჭყვიშში (სამტრედიის რაიონი) ბლალონინ იუსტინე ტაბიძემ გადაიხადა პანაშვიდი აკაკის სულის მოსახსენიებლთ დიდძალი ხალხის თანდასწრებით. მასწავლებელმა პროკლე (აბესალომ) ტაბიძემ პანაშვიდის წინ ხალხს გააცნო აკაკის ცხოვრება და მოღვაწეობა“³.

როგორც ვხვდებით, ტაბიძეების ოჯახიც დათაღსულია.

გალაკტიონის ერთი კვირა ღამე შინ არ გაუთევეია, ხან სად და ხან სად იკრიბებოდნენ ახალგაზრდები. პურზე ღვინოს აწვეუებდნენ, სანთლებს ანთებდნენ. ცხარედაც შეებმოდნენ ზოგჯერ ერთმანეთ. აღელვებდათ აკაკის ხელნაწერთა ბედი.

ყველაფერს თავის რიგი აქვს და საზოგადოებაც დაირაზმა, რათა ღირსეული პარტივი მიეგო უგვირგვინო მეფისათვის. „თბილისის კომიტეტმა გადაწყვიტა ხანხერეში აკაკის ცხედრის

¹ კუროსი ამჯერადაც მოხდა. გაზეთმა „ტერეკმა“ აკაკის გარდაცვალება მაშინ აუწყა მკითხველებს, როცა პოეტი ჯერ კიდევ ცოცხალი იყო.

² გაზ. „იმერეთი“, 1915, №18.

³ გაზ. „შრომა“, 1915, №32.



პატივსაცემლად და ცოცხალი ყვაილებით შესამკობათ/ ახალგაზრდა მგოსნები: ს. აბაშელია, შანშიაშვილი, გ. ქაჩიშვილი, და ი. გრიშაშვილი, აგრეთვე მიმართა ქუთაისის კომიტეტს, მათთვის გამოგზავნონ ამ მიზნით ვ. რუხაძე და გ. ტაბიძე¹.

გალაქტიონი კმაყოფილია. ამგვარი გამორჩეული მისი საზოგადოებრივი დამსახურება და, რაც მთავარია, მგოსნური პერსპექტიულობა გაიხაზა. დაუყოვნებლივ გაემგზავრა ხანხერს. მოელმა პროცესიამ მის თვალწინ წაიარა.

რა დაავიწყებს გამოსვენების დღეს. ჰახჯახებდა თებერვლის დილა. 10 საათზე კუბო წერეთლებმა გამოიტანეს და შუა ეზოში დაასვენეს ცხედარი. ჯრუჭის მონასტრის წინამძღვარი მამა გაბრიელი წესის აგებას შეუდგა.

შემდეგ კუბო ნ. ნიკოლაძემ, გ. ლასხიშვილმა, ნ. ჟორდანიამ, კ. აბაშიძემ და ახალგაზრდა პოეტებმა ა. აბაშელმა, ი. გრიშაშვილმა, ვ. რუხაძემ და გალაკტიონმა ასწიეს. მიაბიჯებდა გალაკტიონი კიტა აბაშიძის უკან და სოფლის გაუტანლობაზე ფიქრობდა; იმაზეც, თუ როგორ აშოშინებს სიკვდილი მოშულარს და როგორ ქქმნის პარმონიას, რომ სიკვდილი ნამდვილად ვარდისფერი გზაა. მაგრამ აკაკი მხოლოდ ფიზიკურად დაშორდა მოყვასს.

*„საქართველოვ, რა გაწუხებს, გული რისთვის გტკივა?
რისთვის კნესი ასე მწარედ, ცრემლი რისთვის გცვივა?
ცეცხლი ერთხელ ანთებული ცეცხლად ისევ ღვივა,
ვერ ჩაქრობს მხურვალე აღს ნისლი ფრთატივტივა,
საუკუნეთ ღვიძლი შვილი ისე როდი კვდება,
და ვაღმობდილ წვეწვს წინაპრებს როდი უერთდება,
ძალი, ღონე თვის სიყვარულს თუ არ მოახმარა,
საქართველოვ, მაშ აკაკი არ მომკვდარა, არა!“*

ცხოვრება ერთფეროვანი და მოსაწყენია - წუწუნებენ პოზიორი ფილისტერები. გალაკტიონი მხოლოდ ნაწილობრივ ეთანხმება მათ. მგოსანმა იცის ბუნების კანონი - ქარი თუ ამოვარდება, უნდა ჩადგეს კიდეც. ესმის, რომ ტაღდას ვერ შეაჩერებ. მთავარია, მისი სიძლიერე შეიცნოს და ეცადოს ქქოზე მოექცე. აი მაშინ ყოფა ღამაზი იქნება. მაგრამ ყველას როდი ძაღუქს ეს.

ცხოვრება არც ისაა, მონოტონურად ზიდო ყოველდღიური საოჯახო ტვირთი. არსებობს მეორე სამყარო - ოცნების სამყარო. იგი შენ უნდა შექმნა. აი, მაშინ სუნთქვა გაგვიადვილდება.

¹ გაზ. „შადრევანი“, 1915, №7.

² გ. ტაბიძე, თხზ., ტ. I, გვ. 260.



კოსტანტინე ბალზონტი, ია ეკალაძე
ბალაკტიონი.

გალაკტიონი ქმნის ასეთ სამყაროს და შვებასაც გრძობს/ ერთ კერძო წერილში პირდაპირ ამჟღავნებს ხეაშიადს: - მინდა წავეყვე ვინმეს ისეთ ადგილას, სადაც მუდმივი სიხარულია ბუნდნიერებაა.

როცა ეს რეალურად არ ხერხდება, ოცნების იაღქმებს შლის. ეს ისე არ უნდა გავიგოთ, თითქოს ნიადაგს მოსწყდა. სინამდვილე და ოცნება ის ორი ფრთაა, რომელთა გარეშე გალაკტიონი ვერ იფრენს.

ხშირად გვიანობამდე 'ხის საქალაქო ბიბლიოთეკაში და თავაუღებელივ მუშაობს. განსაკუთრებით ახალ ფრანგულ და რუსულ პოეზიას უღრმავდება. გატაცებულია პოეტის საკითხებით. გამაოგნებელია თვითგანვითარების ტემპები. რასაც მავანი კვირეებს ანდომებს, იმას გალაკტიონი ერთ დღეში ითვისებს. ძლიერ შველის დემონური მახსოვრობა და ინტუიცია. ნახევარ ტონებში უკავს სხვას. ზოგჯერ კონკრეტულ ფრაზაში უფრო მეტს სჭერებტს, ვიდრე ავტორი გულისხმობდა.

გალაკტიონი კვლავ სილატაკის კუნსულზე ცხოვრობს. დრო და დრო ნავს გამართავს და მატერიკისაკენ მიისწრაფის, მაგრამ ხშირად შუა გზიდან უწყვეს დაბრუნება.

ჭიდილის დღეები გრძელდება.

განზრახული ჰქონდა მაისში დიდი სადამო ჩაეტარებინა სამტრედიასში, მაგრამ არ მოხერხდა. პეტრე გელეიშვილმა ურჩია - იენისში გადაიტანეო და უხვი შემოსავალიც - 150 მანეთი პონორარი უწინასწარმეტყველა. ამის იმედით ფულს სესხულობს და ბაკურიან-წაღვერს მიეშურება.

ეს პირველი სერიოზული გამგზავრებაა დასახვერებლად (შხედველობაში არ მიიღება ორდღიანი ტურნეები პროვინციაში). გზა ორ პოლუს შორის: ქუთაისი - ჭყვიში, ჭყვიში - ქუთაისი განაცრისფერდა და თუ ასე გაგრძელდა აღმოჩენებით გამოწვეული სიხარული გაიშვიათდება.

თავს არ უტყდება, მაგრამ ფაქტია, გადაღალა გაბმულმა შრომამ. წერილმა ინტრიგებმა, ხელმოკლეობამ, ნაცნობმა გარემომაც კი...

ბაკურიანი და წაღვერი საოცნებო ოაზისებად ჩანან. თბილისისა და ქუთაისის რჩეული საზოგადოება ყოველ ზაფხულს იქითკენ მიეშურება. ისიც იცის გალაკტიონმა, თუ როგორ ეტრფიან ბორჯომის ხეობას ახალგაზრდა პოეტები, განსაკუთრებით კი ი. გრიშაშვილი.

უცხო გარემო, მომხიბვლელი საზოგადოება, მოულოდნელი ხილვები: იქნებ ზედმეტად მეოცნებეა გალაკტიონი? ყოველ

შემთხვევაში, ადგილზე ჩასული გრძნობს, რომ ზმანება ~~ადრინდება~~ რას იზამ? სადაც არ უნდა წახვიდვ, საკუთარ თავს ვერ გააქცევი. კვლავ დარია ხელი მელანქოლიამ. ხსნა ბუნებაში, ~~და უბედურად~~ ბევრს დადის ფეხით თუ ცხენით. ცხრა წყაროდან მისხ ~~მეფი~~ ნახა და აღტაცებული წერს: „დიდი ხნით მემახსოვრება იგიო“.

ბაკურიანიდან წაღვერს გადაინაცვლა. აქ უფრო მეტად მელანქონდება ქალაქური ყოფა. ქალები კორსეტებით, მაშაკაცები კი პალსტუხებით დადიოდნენ, მაგრამ ინტელექტუალური მაჯისცემა უფრო ძლიერი იყო.

როგორ ატარებდა დროს?

...თუმცა არსებითი მაინც ისაა, რომ სწორედ წაღვერში დაწერა: „თეთრი ღანდებით“, „ალეები თოვლში“, „ვერხეები“ და სხვ.

1915 წელი იმ მხრივაც არის საგულისხმო, რომ გალაკტიონი აქვეყნებს წერილს „ჯ. ჯორჯიკია. თხზულებანი“. ამ პატარა ნაწარმოებზე იმიტომაც ვამახვილებთ ყურადღებას, რომ იგი გალაკტიონის ერთ-ერთი პირველი რეცენზიაა და საგულისხმოა არა იმდენად ობიექტის დახასიათებით, რამდენადაც კრიტიკოსის ესთეტიკური შეხედულებების წარმოჩენით.

გალაკტიონს ჯ. ჯორჯიკია მიანიხიან განათლებულ, მწერლობის და მამულის მოყვარულ, ზრდილობიან პიროვნებად. ყოველივე ეს შემოქმედისათვის სასურველი თვისებებია, მაგრამ არა გადაამწვევტი. არსებითი სულ სხვაა.

ახალგაზრდა მგოსანი არ იზიარებს კიტა აბაშიძის მოსაზრებას, რომ ჯორჯიკია „უაილდის ტიპის მწერლობის განმახორციელებელია ჩვენშიო“. ამ სიტყვებს გალაკტიონმა მისთვის დამახასიათებელი შორისდებული მოადევნა „მ“. ეს ამოძახილი ცნობილი კრიტიკოსის დებულების არათუ წვეულებრივი უკუგდება, არამედ ამგვარი კვალიფიკაციის უხერხულობიდან მომდინარე გაოცებაც.

გალაკტიონი კარგად იცნობს ოსკარ უაილდის მემკვიდრეობას. მას წაქითხული აქვს არა მხოლოდ „ღორიან გრეის პორტრეტი“, არამედ მწერლის შესახებ არსებული კრიტიკული მასალებიც. ქართულ პოეტისათვის მიუღებელია ინგლისელი კოლეჯის თვალსაზრისი – „ყოველი სახის ხელოვნება უსარგებლოა“. და იმასაც გრძნობს, რომ ეს ფაქტობრივად პარადოქსია, წინააღმდეგ შემთხვევაში არ დაიწერებოდა თვით უაილდის თხზულებები. გალაკტიონისათვის ცხადზე ცხადია ო. უაილდის სიმაღლე. იგი ქმნის მშვენიერ სამყაროს და ინთქმება მასში. უაილდის მტკიცებით, ცხოვრებაში არსებობს როგორც ზნეობის, ასევე ხელოვნების კანონები. ისინი არ ემთხვევიან ერთმანეთს და, როცა

საქმე არჩევაზე მიდგება, უპირატესობა მეორეს უნდა მიენიჭოს.

ეს საკამათოდ მიიჩნია გალაკტიონს, მაგრამ იმასაც კარგად გრძნობს, რომ უაილდი, როგორც ფერმწერი, შეუდარებელია, მით უფრო სტილით. მისი ფრაზა უცხო ორნამენტებით ბრწყინვალეებს და, რაც მთავარია, ხასიათდება პოეტური ინტიმურობით. ისიც ფაქტია, რომ უაილდის ბევრი გამონათქვამი აფორიზმის თუ მახვილსიტყვაობის პეწით გამოირჩევა, ხოლო პარადოქსები ისეა აგებული, თითქმის სპობს კამათის შესაძლებლობას.

ჯ. ჯორჯიკია შორსაა ყოველივე ამისაგან. იგი არა თუ ხატავს, არამედ ჩამოთვლის. ამიტომაც აიტაცა გალაკტიონმა ერთი კვიპატი ჟურნალისტის გამონათქვანი - „რეცენზიული შემოქმედი“.

ამდენად, ჯ. ჯორჯიკიას აღიარება უაილდის სკოლის წარმომადგენლად გალაკტიონს გაუგებრობად მიიჩნია... „შე ვამტკიცებ, რომ ჯ. ჯორჯიკია, სრულიად უბრალო, ჯერჯერობით უსახო და შართლაც ყოველგვარ პრეტენზიას მოკლებული მწერალია. ყოველი სიტყვა ზერელე ნათქვამია ამ მინიატურებში, ღრმა კვალს ვერ ამჩნევს ვერავითარი აღწერა ქალის ტანისა და თვით სქესობრივი L'idilio...“¹ გალაკტიონის აზრით, „თავი და თავია სიღრმე“, რასაც მოკლებულია ქართული ბელეტრისტის თხზულებანი.

რეცენზიიდან ისიც ჩანს, რომ გალაკტიონი ჭეშმარიტ მწერალს ფილოსოფიის გვერდით აყენებს. ეს ნიშნავს: მხატვარიც მოაზროვნეა, მხსრეკელი და განმსჯელი. იგი მოვლენათა უბრალო აღწერით კი არ უნდა იფარგლებოდეს, არამედ არსში წვდომას, ურთიერთობათა კანონზომიერების აღმოჩენას უნდა ცდილობდეს. ყოველივე ეს საფუძვლად უნდა ედებოდეს სახეთა შექმნას თუ ლირიკულ განწყობილებათა გამკლავებას. ემოციის განფენა სწორედ მაშინაა ეფექტური, როცა იგი ღრმა იმპულსებითაა ნასაზრდოები და ხშირ შემთხვევაში დილემური სიტუაციებიდან მომდინარეობს.

გალაკტიონის ძირითადი მოსაზრებები მისაღებია. აღსანიშნავია ისიც, ქართველი პოეტი ეროვნული ლიტერატურის საფუძვლიან ცოდნას ავლენს. ხსენებულ წერილში არსად არ არის ნახსენები იმპრესიონიზმი და სიმბოლიზმი, მაგრამ ნაწარმოების ანალიზი გვიჩვენებს, რომ ავტორი კარგად იცნობს მათ. გალაკტიონის ღრმა რწმენით, ქართული ლიტერატურა უნდა დაეხესხოს მოწინავე ევროპულ მწერლობას. მაგრამ

¹ გ. ტაბიძე, თხზ., ტ. XII, გვ. 12.

ეს არ უნდა იყოს ბრმა მიმბაძველობა. იგი სასტიკად გამოის
ფხველო-ვერობის და სამამულო მწერლობაში სუროგატების
მიმბლაერებას.

წინამდებარე მსჯელობა იმანაც განაპირობა, ვინაობა
ვეყვენებინა: რომ მგოსანი კარგად იცნობს „დაწვევლილ
პოეტებს“ და მათ მიმდევრებს. ისიც ხაზგასმით უნდა აღინიშნოს,
რომ 1912 წელს გალაკტიონმა სპეციალური გამოცველვა უძღვნა
სიმბოლისმს¹.

1915 წელს მზიანი დღეებიც საკმაოდ იყო. თუმცაც კ.
ბალმონტთან შეხვედრები რად ღირს.

რუსეთის ერთ-ერთი უპირველესი პოეტი გემით
მოგზაურობისას დაახლოვებია ოლივერ უირდროსს, რომელსაც
გაუცენია მისთვის ინგლისურად თარგმნილი „ვეფხისტყაოსანი“.
უნიჭიერებს მხატვარს მსწრაფს შეუგრძენია რუსთაველის
სიდიადე და აგზნებულა. დროთა განმავლობაში პოემისადმი
ინტერესი გაღრმავებია და გადაუწყვეტია კიდევ რუსულად
ეთარგმნა „სიყვარულის ცისარტყელა, ზეცისა და მიწის
შემაერთებელი ცეცხლოვანი ხიდი“.

ქართველი საზოგადოება აღტაცებით შეხვდა ამ განზრახვას.

1914 წელს კ. ბალმონტი პირველად ეწვია საქართველოს.
მეორედ 1915 წლის ოქტომბერში ნამობრძანდა და ქუთაისიც
მოინახულა. დიდი სამზადისი ჯერ კიდევ ზაფხულის მიწურულს
დაიწყო.

პოეტები ბალმონტის ღექსებს თარგმნიან. პუბლიცისტები მის
ცხოვრებასა და მოღვაწეობას აშუქებენ. კ. იაშვილი საიდუმლოს
უმხელს გალაკტიონს: ბალმონტის წიგნის გამოცემას ვაპირებ
ქართულად და წინასიტყვაობის დაწერა ავტორს ვთხოვეო.

ველაფერი ბალმონტით გაიკვინთა. ღრუბლებიც კი თითქოს
მის სახელს წერენ ტატნობზე.

ქუთაისში სპეციალური კომიტეტი შეიქმნა, რომელსაც უნდა
შეემუშავებინა სტუმრის მიღების პროგრამა. გალაკტიონი ამ
კომიტეტის წევრად აირჩიეს. თანამემამულეთა დელეგა მასაც
გადაედო.

არც ერთ სხდომას არ აკლდება. მორიდებით გამოთქვამს
შენიშვნებს. დროდადრო ბალმონტის ღექსთა ნაწვევებს
წარმოსთქვამს. აქებს „თეატრი და ცხოვრების“ რედაქტორს,
ბრწყინვალედ ბრძანაო: რუსთაველი მზიდან მოდის, ბალმონტი

¹ იხ. ჩვენი გალაკტიონის შემოქმედებითი ლაბორატორია, 1993.

კი მზისკენ მიდისო. სხვათა შორის, ბალმონტის შემოქმედებას ხაზგასმით უკავშირებდნენ მხეს. გრ. რობაქიძემ მისდამი მიძღვნილ ლექსს „დაჭრილი მზე“¹ უწოდა. ამგვარი დამოკიდებულება უსაფუძვლო როდია. გავისხენოთ ბალმონტის ლექსთა კრებულში „ვიყოთ მზისდარნი“, ან თუნდაც ფრთიანი გამოთქმა: Ум бледнеет без солнца.

გალაკტიონი, როგორც მთელი საქართველო თავს იხრის ბალმონტის წინაშე. „ვეფხისტყაოსნის“ თარგმნა პოლიტიკურ ხარისხში აკავეს. ამით ჩვენი სახელოვანი წარსული, ერის კულტუროსნობა და განათლებულობაც ცნაურდებაო.

არანაკლებ აფასებს დიდი პოეტის მეცნიერულ-საგანმანათლებლო საქმიანობას. ბალმონტმა რუსეთი მოვლო საჯარო ლექციებით: „სიყვარული და სიკვდილი მსოფლიო პოეზიაში“, „სიყვარულის ჯვაროსანი რუსთაველი“, „დიდი იტალიელები და რუსთაველი“, „პოეზია როგორც მისნობა“ და სხვ. მისი საუბრები გამსჭვალული იყო საქართველოსადმი გულწრფელი სიყვარულით. ბალმონტმა მსოფლიო გიგანტებს დანტეს, პეტრარკას, მიქელანჯელოს ნაწარმოებებთან მიმართებაში განიხილა „ვეფხისტყაოსანი“ და ნათლად წარმოაჩინა მისი საკაცობრიო ღირებულება.

„В звездной грозди четырех этих имен, сияющих, как полупрозрачные вязи, певучее имя Руставели мне кажется наиболее справедливо вознесенным“².

გალაკტიონს სხვა მხრივაც აინტერესებდა ბალმონტი. როგორც პოეტს კარგად იცნობდა. 1914 წელს ოლია ოკუჯავას სწერდა: ქალაქის ბიბლიოთეკამ ბევრი ახალი წიგნი მიიღო: მერვეჯიკოვსკის, ბალმონტის, ბრიუსოვის, ვიანესლავ ივანოვის და სხვებისო. თითოეულს საგულდაგულოდ უღრმავებოდა.

და მიანც, როგორია იგი, სიმბოლისტთა ფალავანი? როგორ კითხულობს ლექსს, ყველაზე შთამბეჭდავად როდის გამოიყურება, პირად ურთიერთობაში რაზე ამახვილებს ყურადღებას? ეს და სხვა მსგავსი კითხვები არ ასვენებს.

გაახსენდა წაკითხული თუ გაგონილი: ბალმონტის ღირიკაში ქალური საწყისები მძლავრობს, ბრიუსოვთან კი მამაკაცური. ნეტავ ჩემს ლექსებში რას აღმოაჩენენ კრიტიკოსები?

5 ოქტომბერს კ. ბალმონტი ქუთაისში ჩამოვიდა. ძვირფას სტუმარს რაიონის სადგურში დახვდნენ. გალაკტიონმა სიტყვით

¹ გახ. „სახალხო ფურცელი“, 1915, №396.

² ლ. ანდლულაძე, ბალმონტი საქართველოში, 1972, გვ. 45.

მიმართა, რომელშიაც იგივე აზრი იყო გამოხატული, რაც შემდეგ ლექსში ჩააქსოვა.

„შენ ლაქვარდისკენ მონახე გზები,

შენ ჩაისუნთქე ხალისით ზეცა;

გრივალებს, ქარებს ემიზეზები,

ქალსმა თმები გადაგიკეცა“¹.

გალაქტიონი სამი დღე არ მოშორებია ბალმონტს. აღტაცებული იყო მისი უშუალოდობითა და გულწრფელობით, მოელენების პოეტური აღქმით. მონუსხულივით შეკვურებდა ბაგრატის ტაძრის ნანგრევებთან ჩამომჯდარს, როცა წერდა: „Восхищенной страной Золотого руна“.

ბალმონტს არ უძნელდებოდა კონტაქტების დამყარება, ეს იმიტომაც, რომ უნიღბოდ დადიოდა. პირდაპირ აცხადებდა: ქუთაისი მაჯადოებს აღმოსავლური ბრწყინვალეობა-სიმსუყითა და ევროპული დახვეწილობით. ეს უძველესი ქალაქი თითქოს მშველს კიდევ სამყაროს უცნაურობათა და კანონზომიერებათა შეცნობაში.

ხშირად ესმოდათ მის თანამგზავრებს: ზუსტად ისეა, როგორც იაიაში, ძალზე გავს კაპრის ბუნებას, აქ უფრო მეტი სინახეა, ვიდრე ვალენსიაში... ქუთაისიდან 7 ოქტომბერს გაგზავნილ ბარათში ბალმონტი, ე. ანდრეევას სწერს:

„...Сейчас за мной придут, и я отправлюсь на чествование. Будет музыка, речи, цветы и стизхи. Будет ликование, какого там в России не знают. Вчерашнее мое выступление было сплошным триумфом. Театр был переполнен...“²

აქ გალაქტიონის მონათხრობსაც გავიხსენებ. ვგზალტირებული პოეტის ყვებოდა: — ზოგიერთებს არ მოეწონათ ბალმონტისა და ქართველების დაახლოება. ერთმა ბობოლა რუსმა ჩინოვნიკმა პოეტს პროვოკატორიც უწოდა და, იცი, როგორ ვლენვით?!

არ დაუზუსტებია, თუ ვინ „ლენვა“. ვერც იმას ვიტყვი, რამდენად ზუსტია ეს ინფორმაცია. ერთი კი აშკარაა: მსგავსი ტენდენცია ნამდვილად შეინიშნებოდა. თვით ბალმონტს დაევიმოწმებთ: — ბორჯომის საკრებულოში გამოვდიოდიო — სწერს იგი ანა ივანოვას — სავეს დარბაზი სულგანაბული მისმენდა. და აი, როცა ვამთავრებდი საუბარს, შავანი პოლკოვნიკი, ცნობილი იდიოტი, რომელიც პირველ რიგში იჯდა, დგება და ზედმეტი ხმაურით გადის.

¹ გ. ტაბიძე, თხზ., ტ. VII, გვ. 170.

² ლ. ანდრეულაძე, ბალმონტი საქართველოში, 1972, გვ. 152.

ამას რა მოჰყვა? რა თქმა უნდა, ბალმონტის აღშფოთება და მრისხანე სიტყვა: „Я кончил и сказал несколько слов такого взнесенного гнева, что вся зала устроила мне продолжительную овацию“¹.

ბალმონტთან გატარებული დღეები მრავალმხრივ მნიშვნელოვანი აღმოჩნდა. ეს იყო ჯამი პოეტური ააღებისა, ხალხში ამაღლებისა, თვითდამკვიდრებისა.

საგანგებოდ უნდა აღინიშნოს, რომ ბალმონტი სურათს იღებს ვ. რუხაძესა და გ. ტაბიძესთან. შემთხვევითია? არამც და არამც. ახალგაზრდა პოეტების შერჩევა საზოგადოებრივი აზრის გათვალისწინებით ხდება.

გავიხსენოთ ისიც, რომ ახალგაზრდა ქუთაისელი მწერლებიდან სწორედ ვ. რუხაძე და გ. ტაბიძე მიაღწინეს საჩხერეს აკაკის გამოსვენებაზე. მაშასადამე, საქმე გვაქვს გაბატონებულ შეხედულებასთან: გალაკტიონი ნიჭიერი და გამორჩეული ახალგაზრდა მგოსანია.

მართალია, ზოგჯერ მას ვ. რუხაძის შემდეგ იხსენიებენ, მაგრამ ეს ნაწილობრივ ამ უკანასკნელი ასაკობრივი სოლიდურობითა და პოეტური სტაჟით, ნაწილობრივ კი დემოკრატიულ ფუნქციონირებასთან დაკავშირებითა და მისი შემოქმედების სოციალისტური მიმართულებებით აიხსნება. ხოლო ვისაც ჭკუშარიტი პოეზიის ხიბლი გავუგება, იგი ამგვარ შეპირისპირებას არც ახდენს; მისთვის გალაკტიონი მხეთამაზაა. შემთხვევითი არ არის, რომ გრ. რობაქიძემ 1915 წლის ქართული ლიტერატურის ფრაგმენტული მიმოხილვისას ვ. რუხაძე არც კი გაიხსენა. ხოლო კ. გამსახურდია 1923 წელს ერთ კრიტიკოსს, რომელმაც ვ. რუხაძე სკოლის ხელმძღვანელად გამოაცხადა, მკაცრად შენიშნა: „ჩვენ არ ვიცით, რა სკოლა აქვს ვარლამ რუხაძეს ქართულ ლიტერატურაში. ან რა იდეოლოგიით გაუმარჯვნია მას საქართველოს მწერლობაში. მისი დამსახურება ეს არის, რომ მან ნაწილობრივად აკაკის და ნაწილობრივად ევლოშივილის პანგები და იდეები გადაიმღერა“².

დღეს ვ. რუხაძე მივიწყებულია. ეს კი მთორე უკიდურესობაა. მისი შემოქმედება უთუოდ იმსახურებს საფუძვლიან შესწავლას. ყველაფერს რომ თავი დავანებოთ, ეპოქის სპეციფიკის უკეთ შეცნობის აუცილებლობა განაპირობებს ამას.

გალაკტიონი იმდენად ზეობს, რომ მავანნი და მავანნი მის გვერდით ყოფნას ბედნიერებად თვლიან. ლიტერატურის

¹ ლ. ანდელუაძე, ბალმონტი საქართველოში, 1972, გვ. 170.

² კ. გამსახურდია, რეული თხზულებანი რვა ტომად, ტ. VIII, გვ.

მოყვარულნი, მათი სახელი კი ღვეთონია, აღტაცებით ეგებებიან მკონსის ახალ ღექსებს.

თითქმის დაკანონდა: გალაკტიონი ყველა დიდი პირველი ზემის მონაწილეა. ზოგი სწორედ მის გამო ეწერება ლიტერატურულ საღამოს, რასაც კარგად გრძნობენ „მეცენატები“ და აფიშაზე გალაკტიონის სახელს პირველ რიგში იხსენიებენ. ზოგჯერ ეს მასთან შეუთანხმებლად ხდება, რაც პოეტის აბოლოტირებას იწვევს. ანალოგიურ შემთხვევებს პოეტი აღიქვამს არა მხოლოდ პირად შეურაცხყოფად, არამედ ლიტერატურული საქმის უპატივცემულობად.

დავეხებით ერთ არცთუ გახმაურებულ ფაქტს. 1915 წელს გალაკტიონი აქვეყნებს „წერილს რედაქციის მიმართ“: „ამას წინად შემთხვევით ერთ პატარა დაბაში მოხვედი და ქუჩებში გაერულ აფიშებზე ჩემის თვალით წაეკითხე: გაიმართება დიდი სალიტერატურო საღამო. საღამოში მონაწილეობას მიიღებენ ესა და ეს მწერლები — ჩამოთვლილი იყო რამდენიმე მწერალი და მათ შორის მეც. ჩემ გაკვირვებას საზღვარი არ ჰქონდა, მე არავისთვის პირობა არ მქონდა მიცემული საღამოში მონაწილეობის მიღებაზე. ეს იყო მხოლოდ შანტაჟი. საღამოს ინკოგნიტოდ დავეხვარი და გავიგონე, თუ როგორ გამოაცხადა ერთმა ჩემთვის უცნობმა პირმა: გალაკტიონ ტაბიძე ავადმყოფობის გამო საღამოში მონაწილეობას ვერ იღებსო. ეს ხდება პროვინციაში.

მოგეხსენებათ, ქუთაისშიაც ხშირად იმართება საღამოები და ძლიერ ძვირად ნახავთ აფიშებს, რომელზედაც ჩემი სახელი და გვარი არ იყოს გამოცხადებული. ყოველ ამგვარ აფიშის წაკითხვის შემდეგ მე სახტად ვრნები: არაუის არაფერი უთქვამს ჩემთვის და ისე კი მაცხადებენ“.

პოეტის აღშფოთება კანონიერია. მაგრამ განა შეიძლება ყველას ერთნაირად მიუხდოს? ბოლო აბზაცში მან ლახტი გადაკრა ი. გრიშაშვილსაც. „ამჟამადაც ხელში მიჭირავს ქუთათური გაზ. „სამშობლოს“ ერთი ნომერი, რომელშიდაც სწერია: გაიმართება გრიშაშვილის საღამო, მონაწილეობას მიიღებენ ესა და ეს პირნიო და იმათ შორის მეც“².

ნუ დაუვიწყებთ, რომ ი. გრიშაშვილი გალაკტიონის პატივისმცემელია, მისი ნიჭის დამფასებელი. ნურც ის გამოგერჩება მხედველობიდან, რომ მათი ურთიერთობა ამხანაგურ

¹ გ. ტაბიძე, თხზ., ტ. XII, გვ. 298.

² იქვე.

დამოკიდებულებაზე შეტია. ამიტომ, როცა პ. იაშვილმა ურჩია, განცხადებაში გალაკტიონის გვარიც შეეტანა, არ შეუყოვნებულად მით უფრო, რომ პაოლო არწმუნებდა: გალაკტიონი „ქვედალენის“ გალაკტიონის „განმარტებამ“ ააღელვა და შეაწუხა ი. გრიშაშვილი. იგი საყვედურობს პ. იაშვილს: „ეს სულ შენ შემძღვენი, რა გინდოდა ჩემგან“.

პაოლო პასუხობს: „შენ კარგათ იცი, რა მიზეზებითაც დაგაწვრინე გ. ტაბიძე: ის იყო ჩვენი მეგობარი, აქამდის მაინც. მაგრამ სჩანს ახლა სხვა მეგობრები განჩენია და რა გზაზედაც დაუყენებიათ მათ, იგი ამ შემთხვევიდანაც ჩანს. „თანამედროვე აზრში“ მოთავსებულ წერილს ჯერ არ ვიცნობ. დღევანე წავიკითხავ და შენი თხოვნისგვარად წერილსაც მოვიწერები შენს სახელზე. შენ დაბეჭდე სადაც გსურს“.

გალაკტიონის რეაქცია ზოგიერთმა შეიძლება მოულოდნელად და არცთუ სულ მართლებურად ჩათვალოს, მაგრამ, ვინც პოეტის შინაგან სამყაროს იცნობს, ასეთი შთაბეჭდილება არ უნდა შეექმნას.

ამ შემთხვევაში ორი მიზეზი გადაეწნა ურთიერთს – პიროვნული და საზოგადოებრივი. ხსენებული ინციდენტით კარგად ვლინდება გალაკტიონის ხასიათი, საკუთარი ღირსების გრძნობა. იგი მხოლოდ დექსში როდი აცხადებს – არაუინაა ჩემი ტოლი და ჩემი მსგავსიო, არამედ უოფაშიც ძალუმად ავლენს ამ ტენდენციას. პოეტი მოითხოვს საფუძვლიან პატივისცემას, მოკრძალებას, თაყვანისცემასაც კი. ასე რომ, სიცოცხლის მიმწუხრს შაფრად გამჟღავნებული ეს თვისებები ადრევე ცნაურდება, მაგრამ შედარებით შენიღბულად და უფრო ნაკლები კატეგორიულობით.

ალბათ, მსჯელობა უკმარი იქნება, თუ ერთ გარემოებასაც არ გავითვალისწინებთ. ცისფერყანწველებს ბევრი რამ ჰქონდათ საერთო და განუყოფელი. ზოგ რამეს არც კი უთანხმებდნენ ერთმანეთს. თამამად მოქმედებდნენ ძმობის კანონიდან გამომდინარე. პ. იაშვილი ხაზს უსვამს კიდევ ამ გარემოებას: „ცისფერი ყანწები“ ერთი პოეტია. ამაშია მისი ძალა¹.

გალაკტიონს არ შეუძლია სხვებთან განხავება.

უსამართლოა?

ულმობელია?

არა გვერნია. ერთი კი ცხაზე ცხადია – ამაყი და დაუმორჩილებელია.

ამ პატარა შენიშვნაში იგრძნობა არწივის გამოხედვა და

¹ კურნ. „მნათობი“, 1968, №10, გვ. 146.

² გაზ. „ბარიკადი“, 1924, №1.



კლანჭებიც.

იქნებ ზედმეტი არ იყოს შემდეგი დეტალის გახსენებაც. 1914 წლის „თეატრსა და ცხოვრებაში“ დაიბეჭდა ერთი წერილი ერთ-ერთ ახალგაზრდა თბილისელ პოეტზე. კრიტიკოსი დემოკრატიული მწერლობის თვალსაჩინო წარმომადგენლად მიიჩნევა მას, ი. ვედოშვილის, ია ეკალაძის, ვ. რუხაძის, ბ. ახოსპირელის, კ. მაყაშვილის გვერდით აყენებდა (გალაქტიონის ხსენებაც არ იყო) და დიდ მომავალსაც უწინასწარმეტყველებდა.

ჩანს, ასეთ პოზიციას გაუღიზიანებია გალაქტიონი. ხსენებულ ფაქტში საკუთარი დამსახურების უგულვებელყოფა თუ დაკნინება დაუნახავს და პროტესტიც მკაფიოდ გამოუხატავს. წერილში ნართული იყო ახალგაზრდა მგოსნის პორტრეტი, რომელიც შეუფერადებია გალაქტიონს და, რაც მთავარია, პიროვნება რქებით „დაუმშვენებია“.

საქმე ისაა, რომ ეს პოეტი გალაქტიონის მახლობლად ითვლებოდა. სხვათა შორის, მათ ბოლომდე შეინარჩუნეს კარგი ურთიერთობა. არა მხოლოდ ტრაპეზს უსხდნენ გვერდიგვერდ, არამედ ცალკეულ შემთხვევებში მხარსაც უმაგრებდნენ ურთიერთს ლიტერატურულ ბრძოლებშიაც.

და მაინც: გალაქტიონი უღმობელია. აქაც ნათლად გამომჟღავნდა მგოსნის ხასიათი. როცა საკითხი პოეტურ ინტეგრალებს ეხება, გალაქტიონი უკომპრომისოა და ზოგჯერ ზედმეტად მკაცრიც კი.

რა თქმა უნდა, ამ შემთხვევაში გაღიზიანებული თავმოყვარეობაც წარმართველობს, ადამიანური სისუსტენი იჩენს თავს, მაგრამ მთავარი მაინც სხვა არის.

შეიძლება ითქვას, რომ 1915 წლის მიწურული და 1915 წლის დასაწყისი წყაღვამყოფია. მხედველობაში გვაქვს ცისფერყანწვლებთან ურთიერთობა. იქნება გალაქტიონი მათთან, თუ მარტო ივლის?

„განმარტება“ ქვერქვეშით გვაწვდის პასუხს ამ კითხვაზე. ეს პატარა შენიშვნა გაფრთხილებაც არის და ხელთათმანის გადაგდებაც: მე არავისში ავითქვიფები, არც არავის მივცემ უფლებას „შმართოს“.

ღრმად სწამდა, რომ იგი მოვლენილი იყო ამქვეყნად, რათა თავად ეკარნახა სხვებისათვის და არა... პირუკუ.

როგორც ვნახეთ, გალაქტიონი ქუთაისის ინტელექტუალურ ცხოვრებას ძალას და რიტმს მატებს. ამდენად, მოულოდნელი როლია, რომ უნდვება სურვილი მწერალთა კავშირის დაფუძნებისა. ამისათვის ობიექტური პირობებიც არსებობდა.

მეოცე საუკუნის ქუთაისი აგრძელებს და ანეითარებს დიდ კულტურულ ტრადიციებს. საკმარისია გავიხსენოთ, რომ 1915 წელს ამ ქალაქში ათზე მეტი პერიოდული გამოცემა და შეიქმნა ათეულზე მეტი წიგნი იბეჭდებოდა. ადგილობრივი მწერლები უზღავდ აწვდიან მასალებს სხვა ქალაქების ეურნალ-გაზეთებსაც.

მსგავსი ინტერესებისა და ხასიათის შემოქმედნი ბუნებრივად ილტვიან ურთიერთისაკენ, რასაც მოსდევს ჯგუფთა ფორმირების სურვილი. ხსენებული ტენდენცია მისასაღმებელია, რადგანაც კორპორაციებს მეტად ძალუძთ ლიტერატურული პროცესების ანაკადება და შემოქმედებითი პირობების გაუმჯობესება. მაგრამ არც ის უნდა დავივიწყოთ, რომ ამ გზაზე განსაკუთრებული ტაქტი და სიფრთხილეა საჭირო. წინააღმდეგ შემთხვევაში მოსალოდნელია ჯგუფთა დაპირისპირება და ისედაც დაჩიხული საზოგადოებრივი ყოფის კიდევ უფრო გამწვავება.

ყველაზე გაბედულად, გამომწვევადაც კი, სიმბოლისტები მოქმედებენ, ისინი ქმნიან საკუთარ ორდენს და მკაფიოდ ემიჯნებიან სხვა ლიტერატორებს. მეორე მხრივ, ვ. რუხაძე, ნ. ჩხიკვაძე და მათი მსგავსნი რევოლუციურ-პოლიტიკური სექციის ფორმირებას ცდილობენ. თვალსაჩინოა სხვათა პრეტენზიებიც.

გალაკტიონი გარკვეულ სიახლოვეს ავლენს როგორც სიმბოლისტებთან, ასევე პროლეტარულ მწერლებთან. მის უღრმესსა და მრავალწახნაგოვან პოეზიაში სხვადასხვა ჯგუფისათვის ხელჩასაჭიდი მასალა მრავლად იძებნება. მაგრამ გალაკტიონი მაინც დამოუკიდებელია. იმ მქუხარე და წყალუხვ მდინარეს უმსაგვსება, რომელიც მრავალ ნაკადულს იერთებს და მაინც თავისთავადი რჩება. მერე ფართო დელტად იშლება და უერთდება ზღვას.

გალაკტიონი, უპირველეს ყოვლისა, ეროვნული ინტერესებით ხელმძღვანელობს. სამართლიანად ფიქრობს, რომ დაქსახსული წრეების თუ განცალკევებულ შემოქმედთა გაერთიანებით ლიტერატურული ცხოვრება მძლავრ კალაპოტში მოექცევა და ერთიანი ძალისხმევით საბოლოო მიზანიც უკეთ მიიღწევა.

მეორე მხრივ, სუბიექტური მოსაზრებაც იწვევს წინა პლანზე. პოლ ვალერის თქმისა არ იყოს, ჩვენი მტრების გამრავლება ჩვენი ზრდის პირდაპირ პროპორციულია. ისიც ფაქტია, რომ საზოგადოების თვალსაჩინო ნაწილი ჯერ კიდევ ვერ ახერხებს გალაკტიონის ღირსეულად დაფასებას. გავიხსენოთ თუნდაც 1916 წლის დეკემბრის მარცხი, თითქმის ჩაშლილი ლიტერატურული ხალაპო.

სახარბიელო სურათი არც წინა წლებში იხატებოდა. ამიტო-



მაც წამოცდა ერთგან: „ღირს განა ქართველებისათვის თავის განწირვა?“

ეს ვგზალტირებული პიროვნების წამოძახილია, თურქულ სხვა შემთხვევაში არც კი დასმულა მსგავსი კითხვა. გალაკტიონს კარგად აქვს გაცნობიერებული თავისი მისია და საშური ერთგულებითაც უხიდება წაშების ჯვარს. მთელი მისი ცხოვრება ერისათვის შეგნებული თავშეწირვის მაგალითია.

ღიას, გალაკტიონი მარტოდმარტოა. მის მიმართ სიმპათიების გამოშვლენება მაინც არაპერმანენტულია. საჭიროა თანამოაბჯრენი. მით უფრო, როდესაც გარკვეული წრეების ღტოლვა პირველი ეშუალონის დაკავებისაკენ დიდზე დიდია; როცა მავანი და მავანი თავისი მეგობრის გადმურთებით ხელს უწყობს ტენდენციური საზოგადოებრივი აზრის შექმნას.

გალაკტიონმა კარგად იცის საკუთარი თავის ფასი. აკი პირდაპირ ამბობს: „მეფე ვარ და მგოსანი“ და ეჩვენება (არა, კი არ ეჩვენება, ნამდვილად გრძნობს), რომ ზოგიერთები მის გარიყვას, მეორეხარისხოვნებაში გათქვევას თუ ნიველირებას ესწრაფვიან.

ჩნდება თვითდაცვის ინსტინქტი და მგოსანიც მისთვის დამახასიათებელი ნერვიული გატაცებით ცდილობს ვითარების შეცვლას. ამ გზაზე მას უპირველეს ამოცანად ესახება მწერალთა ასოციაციის მეთაურობა. მაშინ ძალები მის სასარგებლოდ გადანაწილდება. საზოგადოებაც მეტი პატივისცემითა და მოკრძალებით მოეპყრობა. ეს კი ესაღბუნება მგოსნის თავმოყვარეობას.

გალაკტიონი არ გამორიცხავს, რომ მის წამოწვევას შეიძლება დიდი წინააღმდეგობა შეხედვს. მაგრამ მაინც ოპტიმისტურად არის განწყობილი. არსებითად უფროსი თაობის ლიტერატორებზე – დ. კლდიაშვილზე, ცახელზე, ი. ფანცხავასა და სხვებზე ამყარებს იმედს.

სხვათა შორის, გალაკტიონი ჭაბუკობიდანვე უდიდეს პატივისცემასა და მოკრძალებას ამჟღავნებდა დ. კლდიაშვილისადმი. დავესესხებით ადრეული წლების უცნობ ნანაწერს: „ნამდვილი ნიჭი მწერლისა იმაში იხატება, როცა ცოტას ამბობს და ცოტათი ბევრ რამეს გვეუბნება, ბევრ რამეს გვიხატავს. დ. კლდიაშვილი ამ მწერლების რიცხვს ეკუთვნის. პატარაა მისი მოთხრობა „მრეულში“, მაგრამ ვინ იცის, რამდენ ფიქრთა და წარმოდგენათა აღმქურელია იგი“.

ეს სიმპატია არ ყოფილა ცალმხრივი. დ. კლდიაშვილიც სიყვარულით პასუხობდა გალაკტიონს, რისი დასტურიცაა

მრავლისმთქმელი წერილი „შეენება და სიამაყე ლირიკული პოეზიისა“.

ღიას, გალაკტიონს იმედი აქვს „ძველი გვერდის“¹ წარმომადგენლებისა. ამასთანავე დაჯერებულია „ბევრი“² ახალგაზრდა გააყვება.

პირველ რიგში დაზვერვით სამუშაოს აწარმოებს, რაც ძირითადად ცალკეულ პირებთან ნიადაგის მოსინჯვაში გამოიხატება. როცა მათ დაინტერესებას ამჩნევს, უფრო ვრცლად აყალიბებს თავის თვალსაზრისს და ამგვარი აგიტაცი-პროპაგანდიდან მომდინარე შედეგებს აჯამებს.

მეორე მხრივ, ცნობა მსგავსი გაერთიანებების წესდებებს; თითოეულ მუხლს ჩაქირკიტებს და საკუთარი პროგრამის პირველ მონახაზს ქმნის.

მუშაობა დაძაბულად და საინტერესოდ მიმდინარეობს. გალაკტიონი კარგად იცნობს ქუთაისის საზოგადოებას. გამორიცხული არ არის, რომ „ხმამაღლმა“ განცხადებამ ბევრი აადელო და გააღიზიანოს, რასაც, საფიქრებელია, საქმის ჩაგარდნა თუ არა, შეფერხება მაინც მოყვეს. ამიტომაც ფრთხილობს. ამაზე მიგვანიშნებს ჟურნალ „თეატრსა და ცხოვრებაში“ გამოქვეყნებული ცნობაც: „ლიტერატურული წრის დაარსება განუზრახავთ ქუთაისში. თაოსნობს გ. ტაბიძე წესდებას ამ მოკლე ხანში წარადგენენ დასამტკიცებლად“³.

ამასვე იუწყება „სახალხო ფურცელი“: „ქუთათურ ახალგაზრდა მწერალთა ერთ ჯგუფს გ. ტაბიძის მეთაურობით განზრახვა აქვს დააარსონ მხატვრულ ნაწარმოებთა მოყვარული წრე“⁴.

ინფორმაციებში წრე იხსნება. მაგრამ ეს სრულიადაც არ გულისხმობს ორდინალურ ლიტერატურულ საღონს. გაერთიანება საკუთარი წესდებითა და პროგრამით იმოქმედებს. იგი მძლავრ ორგანიზაციულ ერთეულად ჩამოყალიბდება.

გალაკტიონი უფრო შორს იხედება. მართალია, კორპორაციის პირველი ნაბიჯები მოკრძალებული იქნება, მაგრამ მომავალში ამ გაერთიანებამ შთელი დასავლეთ საქართველო უნდა მოიცვას და, ვინ იცის, იქნებ...

ჩვენთვის უცნობია, თუ როგორი სახე მიიღო წესდებამ, როგორ ჩამოყალიბდა ზოგადი დებულებები, წვერთა უფლებამოვალეობანი, ასოციაციის სტრუქტურა და მართვის პრინციპები...

¹ ჟურნ. „თეატრი და ცხოვრება“, 1915, №36, გვ. 16.

² გაზ. „სახალხო ფურცელი“, 1915, №385.

მაგრამ გალაკტიონის ბუნებიდან და ინტერესებიდან გამომდინარე, შეიძლება ვიფიქროთ, რომ იგი აგებული იქნებოდა დემოკრატიულ საწყისებზე, მაღალი კუმიანიზმის მოთხოვნილებათა შესაბამისად.

სამწუხაროდ, გალაკტიონის ჩანაფიქრი განუხორციელებელი დარჩა. რა იყო ამის მიზეზი? მანთა და მავანთა გულგრილობა. ზოგიერთი ლიტერატორის ხრიკები, თვით გალაკტიონის არათანმიმდევრულობა თუ სხვა? ეს საგანგებო კვლევას მოითხოვს. ერთი რამ კი ამთავითვე შეიძლება ითქვას.

გალაკტიონი ბუნებით არ იყო მომართული დიდი ორგანიზაციული საქმეების წასაძღვლად. არც სათანადო ნიჭი ჰქონდა და არც შესაბამისი დიპლომატია. რაც მთავარია, მოკლებული იყო ამ მხრივ აუცილებელ გაბმულ მუშაობის უნარს. საერთოდ, გალაკტიონი უწყველად გატაცებით ეკიდებოდა ყოველ სასურველ წამოწყებას, მაგრამ ბოლომდე ვერ ინარჩუნებდა, და არც შეუძლო შეენარჩუნებია, თავდაპირველი აგზნება-პათოსი.

მცირე ხანიც... და ზემოდან კვლავ მძლავრად მოისმოდა სხვა ხარების გუგუნი; პოეტური ძარღვი გასკდომამდე იბურცებოდა და ისიც ძირითადად უბრუნდებოდა – პოეზია უპირველეს ყოვლისა. სხვა საქმისათვის როგორ სწრაფადაც ააღდებოდა, ისევე სწრაფად მინავლდებოდა. ეს იყო გენიოსისათვის ნიშანდობლივი ქმედება. რამდენადაც მთელი მისი არსება-გონება და ნიჭი ერთი კუთხით იყო მიმართული, მას ლოგიკურად არ შეუძლო პოეზიის მიღმა არსებულ საკითხებზე ხანგრძლივად და ჯიუტად შეჩერება. საკითხის მეორე მხარეც ფრიად საგულისხმოა. მოხმობილი ფაქტი კიდევ ერთი მერველი დადასტურებდა ქუთაისთან გალაკტიონის უგულითადესი კავშირისა, ამ „ზღაპრული ქალაქის“

¹ როგორც ირკვევა, ქუთაისში მომწიფებული იყო მწერალთა კავშირის ჩამოყალიბების იდეა და ერთ-ერთ პირველს გალაკტიონს გადაუდგამს შესაბამისი ნაბიჯი.

საგულისხმოა, რომ 1916 წელს კიდევ უფრო გამაფრებულა ეს საკითხი. იგი ეკალაძეს საგანგებო წერილი დაუბეჭდავს. საქმეც დასრულდა... 15 დეკემბერს ქართულ სათავად-ახნაურო ბანკის დარბაზში შესდგა ლიტერატორთა პირველი კრება. კრება გაიხსნა საღამოს 7 საათზე თავმჯდომარედ არჩეულ იქნა ჭკოსანი ცახელი, ხოლო მდივანი ი. ეკალაძე. კრების მომწვევმა ვასო ჭითავამ გააცნო დამსწრეთ საზოგადოების მიზანი...



აქვე ამორჩეული იქნა კომისია 5 კაცისაგან შემდგარი, რომელმაც უნდა შეიმუშაოს საზოგადოების წესდება. კომისიის წევრებთ არიან: ი. ნიკოლაიშვილი, გ. ფარქოსაძე, მ. ბოჭორიშვილი, ვ. ჭითავა და ი. ეკალაძე (ვახ. „სამშობლო“, 1916, №510).

გალაკტიონი ამ დროს მოსკოვშია.

(როგორც თავად იტყობა) განუსაზღვრელი სიყვარულისა და რაც მთავარია, ადგილობრივი ძალების უდიდესი შემოქმედებითი პოტენციალის აღიარებისა, სრულიად საქართველოს სამსახურში მათი ჩაყენებისა.

კარგად გვესმის, დიდი მოვლენები არ უნდა დაიწრიდლოს ყოფით-ბიოგრაფიული ფაქტებით. ეპოქალური ძვრებით შექმნილი ატმოსფერო ხაზგასმით უნდა წარმოჩინდეს. ამიტომაც საგანგებოდ ვჩერდებით პირველ მსოფლიო ომსა და ცისფერყანწელთა მოღვაწეობაზე.

1914 წელი...

გადატეხილი მერიდიანები და თვალებდათხრილი ქალაქები. დელგმა და წყვილიაღი.

ომმა კაცობრიობა შეაზანზარა. პრესა ბობოქრობს. სხვადასხვა პრიზმაში ტყდება მოვლენები, ზოგი ხმის ჩახლქვამდე გაჰყვირის „პატრიოტულ“ ლოზუნგებს, ზოგიც წყველა-კრულვით იხსენიებს ომის გამძაღებლებს. ვინ უშუალოდ საომარ ბატალიებზე წერს, ვინ კიდევ ხაზოგადობის შეძრწუნებიდან მომდინარე სულიერ ტკივილებზე. ისიც უნდა ითქვას, რომ არც თუ იშვიათად, ომის თემა საბაბია, რათა სულ სხვა ხასიათის ჩანაფიქრი გამჟღავნდეს.

1914 წელს იწერება ვაჟას მშვენიერი ლექსი „ფშაველი ჯარისკაცის წერილი“. ამავე ხანებში ქვეყნდება არაერთი საშუალო თუ სუსტი მხატვრული ნაწარმოები. მაგალითად გამოგვადგება თუნდაც კ. ნიკოლაძის „მეომრებს“.

*„წინ გავსწიოთ, წინ, წინ, ძმებო!
დავამარცხოთ ჩვენი მტერი,
თუ რომ გვინდა ცოცხალ იყოს
კირნახული ჩვენი ერი!“*

*წინ გავსწიოთ, წინ, წინ, ძმებო!
ხედავთ ცაში გაჩნდა ჯვარი!
ნიშანია: დვთის წყალობით
გაიმარჯვებს ჩვენი ჯარი!“* და ა. შ.

ამ ლექსისგან დიდად არ განსხვავდება რ. საჯავახოელის „დანახველა“ და სხვ.

არაფერს ვლაპარაკობთ პუბლიცისტურ წერილებსა და საჯარო გამოსვლებზე. სხვათა შორის, 1914 წლის მიწურულს გრ. რობაქიძემ წაიკითხა ლექცია „ევროპის ომი და რუსეთის იდეა“.

ღიახ, ბევრი ხაზგასმით გამოეხმაურა ომს. მაგრამ იყვნენ

¹ გაზ. „იმერეთი“, 1915, №10.

ისეთებიც, რომელთა პოეტურ შემოქმედებაში ეს უზარმაზარი მოვლენა არ ან სუსტად აირკვლა.

1915 წლის 7 ივლისს პაოლო იაშვილი იოსებ გრიშაშვილის წერს: „ომის შესახებ არაფერს არ ვკითხულობ და აღარ მაინტერესებს“.

ახლა ტიცინ ტაბიძეს დაუუგდოთ ყური. იგი შენიშნავდა: ქართულ მწერლობაში ომი სათანადო სიძლიერით ვერ აისახა. მართალია, „დიდი უმეტესობა იმათგანი ეხლა აღბად მარტო ავტორებს თუ ახსოვთ“. მხოლოდ ვაჟას „ფშაველი ჯარისკაცის წერილი“ და კ. მაყაშვილის „რაინდ სამშობლოს“ იმსახურებს მაღალ შეფასებას. ტიცინი დასძენს, მოველოდით, რომ ს. შანშიაშვილი, გ. ტაბიძე, შ. ამირეჯიბი, ს. აბაშელი მონახავდნენ ახალ სიტყვებს, მაგრამ მსგავსი არაფერი მომხდარა. „იქნებ ჯერ კიდევ ადრეა, იქნებ ჯერ კიდევ არ ამოქსოვილა მათ სულში ძაფები“.

„ომი ქართული მწერლობაში“, საიდანაც ეს ამონარიდებია მოტანილი, 1915 წლის ოქტომბერში დაიწერა. იქნებ შემდეგ შეიცვალა სურათი?

რა თქმა უნდა, აუცილებელი არ არის მაინცდამაინც დიდი ტილო შექმნა. შეძლება სიტუაციიდან მომდინარე შთაბეჭდილებები სხვაგვარადაც გამჟღავნდეს.

არსებითა ავტორის პოზიცია ხელჩასაჭიდი დეტალებითა და შტრიხებით ჩანდეს.

რა მდგომარეობაა გალაკტიონთან?

ოთხი შეშლილი წელი და თითქოს სრული დუმილი. შეიძლება ვინმემ „სასახლე ძველი“ გაიხსენოს:

*„მოაქვს გაზეთი მოსამსახურეს,
შორეულ ომის მოაქვს ცნობები.
სადამოს წიგნი მთებმა დახურეს,
მე მშვიდ არეებს ვემშვიდობები“¹.*

და კიდევ: 1918 წელს შეთხზულ ერთ ლექსში ასეთი ფრაზა გაიფლავებს: „შემდეგ აჩრდილი ომის“. ეს არის და ეს. მაგრამ აქ ხომ ხსენებაა ომის და სხვა არაფერი.

რჩება „დღითი დღე ყოფნა შეიქნა ძნელი“, რომელსაც მიწერილი აქვს: „1916 წ.“.

ამ ლექსში მართლაც აისახა ომის საშინელება, ის ტრაგედია, რომელიც სარევეოში გასროლას მოჰყვა. მაგრამ მისი დაწერის თარიღი საეჭვოდ ჩანს.

საქმე ისაა, რომ „დღითი დღე ყოფნა შეიქნა ძნელი“ არ

¹ გაზ. „საქართველო“, 1915, №126.

² გ. ტაბიძე, თხზ., ტ. I, გვ. 295.

შესულა 1950 წლამდე გამოცემულ გალაკტიონის არც ერთ კრებულში. რაც მთავარია, წერის მანერით, სტილით, მხატვრულად ის საგრძნობლად განსხვავდება გვერდით მოთაქმებული ნაწარმოებებისაგან. უფრო მეტიც, ისეთი შთაბეჭდილება გვორჩება, თითქოს ამოურადნილია საერთო ნაკადიდან. ვფიქრობთ, „დღითი დღე ყოფნა შეიქნა ძნელი“ დაწერილი უნდა იყოს 40-იან წლებში.

არალირიკული გადახვევა: გალაკტიონისათვის უცხო როდია თარიღებისადმი გულგრილი დამოკიდებულება. თუმცა ხმამაღლა აცხადებს: ნუ მიატოვებ ლექსს უთვისტომოდ, დროის, ეპოქის და სივრცის გარეთ, მაგრამ პრაქტიკაში ამ თეზისის განუხრელი დამცველი არ ყოფილა.

კარგად მახსოვს, ტომეულების მაკეტს ვადგენდით. ხუთწლეულების მიხედვით აჯგუფებდა ლექსებს. როცა ერთ ციკლში თხზულებათა მცირე რაოდენობა აღმოჩნდებოდა, მქქანიკურად გადმოქონდა სხვა ხუთწლეულებიდან და თარიღსაც შესაბამისად ცვლიდა.

ახლა თავს ვიკავებთ იმის გარკვევისაგან, თუ რატომ იქცეოდა ასე. შეიძლება მისთვის, მართლაც, მთავარი იყო ლექსი, როგორც ხელოვნების ნიმუში და გარკვეული თვალსაზრისით დროზე მაღლა მდგომი. შეიძლება სხვა მოტივიც ამოძრავებდა... ფაქტი ისაა, რომ ამგვარი აღრევები ბევრზე ბევრია, რაც შეუნიშნავი არ დარჩენიათ ლიტერატურის ისტოიკოსებს.

გალაკტიონი თითქოს დუმს¹. ცხადია, ამას ვერ მივიჩნევთ ომისადმი პროტესტის გამჟღავნების ფორმად.

ომმა გალაკტიონს, როგორც პიროვნებას, დიდი ტკივილები მოუტანა; გაუმუქა დღეები და გაურთულა ყოფა. ყველაფერს რომ თავი დავანებოთ, არმიაში გაწვევის საკითხი რეალობად იქცა და პოეტი უკიდურესად შფოთავს. შეწუხებულია იმითაც, რომ მის პირველ წიგნს არასასურველი ამინდი შეხვდა. ომმა სხვა კალაპოტით წარმართა საზოგადოების ფიქრები და ინტერესები.

ჩემი პირველი წიგნით ქვეყნის აფეთქებას ვაპირებდი. მაგრამ ჩემს მაგივრად იგი გერმანიამ ააფეთქა – ამას მოგვიანებით იტყვის მწერალი.

მაგრამ გალაკტიონი ხომ მარტო პირადი ინტერესებით არ ცხოვრობს. მას აფიქრებს ნათესავ-მახლობელთა, მთელი კაცობრიობის ბედი. ის რომ ომისადმი ინდიფერენტული არ არის,

¹ „ჩვენ დეპეშებით

მივიღეთ ომი

და ოქტომბერი

მზა-მზარული“ (გ. ტაბიძე, თხზ., ტ. II, გვ. 215).



ამაზე მეტყველებს ბევრი ფაქტი, უპირველეს ყოვლისა კი, 1914 წლის 28 დეკემბრის ჩანაწერი.

„ქუთაისში პანიკაა. შეძლებულნი მცხოვრებნი უკვე განდიან ქალაქიდან, რჩება მხოლოდ ღარიბი და ხელმოკლე მოქალაქეობა. იტაცებენ დეკეშებს, რომლებიც, მათი აზრით, ძლიერ ცოტა ცნობებს იძლევა ჯარების მდგომარეობის შესახებ, მაგრამ მაინც იძლევა. ქუჩაში ხან აქ, ხან იქ დაინახავთ ჯგუფ-ჯგუფად დამდგარ ხალხს, დეკეშების კითხვაში გართულს. ომისადმი ინტერესს აძლიერებს ქუთაისის დღევანდელი მდგომარეობა, გუბერნატორის მიერ ქუჩებში გაკრული განცხადებები, სადაც იგი ითხოვს, რომ დასცადონ ქალაქი, სასწავლებლებისა და საზოგადო დაწესებულებების საქმიანი ქაღალდები გეორგიევსკში (წრიდლოეთ კავკასიაში) გადაიტანონ. ბევრმა მასწავლებელმა უკვე აიღო საგზაო ფული, რომელსაც ხაზინა ურიგებს მათ, ბევრი კი მალე აიღებს. დაბალი ხალხი ხანდახან ღრმად არის დარწმუნებული, რომ თათრები უკვე გაბაშვილის გორაზე დგანან. გუშინ ხმა გავრცელდა, შთას იქით დიდი სროლის ხმა ისმოდაო. ხალხი გავრცელებული ხმის სიყალბეში ვერაფერს ვერ დაარწმუნა. ხანდახან დეკეშები ამბავს მოიტანდნენ, რომ რუსების ჯარმა სასტიკად დაამარცხა ოსმალები – „ოსმალების საარაკო დამარცხება“ – გაიძახოდნენ გუშინ დეკეშების გამყიდველები, ხალხი მაინც გარბის“¹.

შემდეგ საუბარია სახალხო რაზმებზე. მწერალი შეშფოთებულია მათი მოქმედებით. „დრუკინა“ შედგენილია მეტწილად უსაქმური თავადაზნაურობით, დანის მოტრფიალე კინტოებით და გამურული ღაქიებითო. „ამათგან მოსვენება არა აქვს ქალაქს“.

პოეტსაც შეხვედრია უსიამოვნება. ცოცხლად დაწერილ ესკიზში კარგად ჩანს „დამცველი ძალის“ ხასიათი და ინტელიგენტთა შევიწყება.

სხვათა შორის, ინტერესმოკლებული არ იქნება ერთი უცნობი ფაქტის წარმოჩენა. გალაკტიონს დაუწყია ა. ბარბიუსის „ცეცხლის“ თარგმნა და რამდენიმე თავი გაუმართავს კიდევც. ამ ნაწარმოებში ფრონტის წინა ხაზის ამბები, ჯარისკაცთა ფსიქოლოგია უჩვეულო ოსტატობით არის ნაჩვენები. ომს არა მხოლოდ ხედავ, არამედ თითქოს ფიზიკურად განიცდი.

გალაკტიონის არჩევანი იმაზე მეტყველებს, რომ პოეტი თანაუგრძნობს ფრანგ ბელტრისტს, იზიარებს მისეულ კვალიფიკაციას.

¹ გ. ტაბიძე, თხზ., ტ. XII, გვ. 294.

მართალია, რომანის თარგმნა მოგვიანებით ხდება, მაგრამ იგი მაინც ანგარიშგასაწვევ ფაქტად გვესახება.

ერთი სიტყვით, იმპერიალისტურ ომს გალაკტიონი უარესად მაყურებლის თვალთ არ უცქერის.

და მაინც, მის ლირიკაში ამ უზარმაზარმა მოვლენამ პირდაპირ-ხაზგასმითი ასახვა ვერ პოვა.

შეიძლება ვინმემ იფიქროს, რომ ეს გარკვეული ფილოსოფიურ-ესთეტიკური კრედოს გამჟღავნებაა და ასეთი კითხვებიც დაებადოს: ხომ არ იზიარებს გალაკტიონი სიმბოლისტთა თვალსაზრისს „მსოფლიო სულის“ გამოხატვის თაობაზე, ხომ არ შეიცნობა პარალელური დაპირისპირება წარმავალისა და მარადიულისა? ან იქნებ დროის მიღმა სამყაროს სილამაზის ჩვენების ტენდენცია გამოკრთის? თითქოს აქ უნდა დაგვესვა წერტილი, მაგრამ ეს შეცდომა იქნებოდა. ჩვენ მხოლოდ ერთი ასპექტით წარვმართეთ კვლევა. არადა მეორე მხარის აქცენტირებაც აუცილებელია.

მართალია, პირველი მსოფლიო ომი ემპირიულად არ აისახა გალაკტიონის შემოქმედებაში, მაგამ მისი გავლენა უთუოდ უნდა ირეკლებოდეს.

ხეშოთ ვაჟას ლექსი ვახსენეთ. იქ რეალისტის პოზიცია ცნაურდება, გალაკტიონი კი არარეალისტია. გალაკტიონი იყენებს მხატვრული აზროვნებისათვის ნიშანდობლივ, მაგრამ მეოცე საუკუნემდე ქართულ პოეზიაში არცთუ გავრცელებულ ხერხს, როცა მოვლენის მოვლენასთან, საგნის საგანთან დაკავშირება ხდება არა ობიექტური, ფიზიკური ნიშნებით, არამედ ასოციაციით, იმ განცდით, რასაც ისინი ბადებენ. ამ მხრივ უბრწყინვალესია გალაკტიონის მეტაფორები, შედარებები. ლოგიკურად თუ მიყვებით ამ მსჯელობას, მაშინ შეიძლება ვთქვათ, რომ ომის შთაბეჭდილებანი გალაკტიონის იმეამინდელ პოეზიაში ირიბად აისახა. ესაა შიშისა და რღვევის, გაურკვეველი მომავლის, არცთუ იშვიათად უიმედობის განწყობილების მოძალბა. რა თქმა უნდა, მათ სხვა გარემოებებიც კვებავდა, მაგრამ ომი ერთ-ერთი უპირველესი მიზეზთაგანი იყო. ამ თვალსაზრისით თუ გადავხედავთ 1914-1918 წლების ლირიკას, ბევრი რამ გასაკვირვებელი გახდება. სურათი რომ უფრო სრული იყოს, ერთიც უნდა გავიხსენოთ. 20-30-იან წლებში გალაკტიონი წერს მშვენიერ პოემას „იგი - არმია“, რომელშიაც ძალზე მეტყველი და ემოციური დეტალებით წარმოჩენილია ომის საშინელება. ესეც იმის დადასტურებაა, რომ პოეტის სულში ღრმად ჩაიბეჭდა 1914-1918 წლების ამბები და მერე და მერე მათი მხატვრულად

გარდასახვის აუცილებლობაც შეიქმნა.

ამ პერიოდის მეორე უდიდესი მოვლენა გახლდათ ცისფერყანწველთა ორდენის ჩამოყალიბება. მასზე არცთუ ცოტა ითქვა, მაგრამ სიმბოლისტთა დახასიათება არსებითად ცნობილი სტერეოტიპის მიხედვით ხდება, როცა ხარვეზთა გამახვილებით მთლიანად იჩქმადებოდა დამსახურება.

XIX საუკუნის საქართველო იცნობს ლიტერატორთა დარაზმულ გამოსვლას. მეოცე საუკუნის დასაწყისში კი ყველაზე რეზონირებული და შთამბეჭდავი ცისფერყანწველთა მოვლინება იყო.

მწერალთა ამ ძლიერი კორპორაციის ჩამოყალიბება მოულოდნელი როდია. ტიცვიან ტაბიძე საფუძვლიანად ეცნობა ბოდბურს, რემბოს, მაღარმეს, უაილდის, ბალმონტის, ბლოკის შემოქმედებას. პაოლო იაშვილი პარიზს მიემგზავრება და იქაურ წვეწში იხარშება. ვალერიან გაფრინდაშვილი ჯამსა სტუდენტობისა მოსკოველ სიმბოლისტთა მრავალი გახმაურებული შეკრების დამსწრეა და ა. შ. მაგრამ ეს სრულიადაც არ ნიშნავს, რომ ქართულ სიმბოლისტურ სკოლას მიმბაძველობა უდოს საფუძვლად. ცისფერყანწველები ადგილობრივი ყოფიდან ამოდიან. მათი სულიერი კატაკლიზმები, უპირველეს ყოვლისა, ჩვენი ცხოვრების სირთულითაა შეპირობებული.

ტ. ტაბიძე აღნიშნავდა: **„ქართველ ხალხს უყვარს ნიღბი, სიმბოლისმის სწორედ ფილოსოფიაა ამ ნიღბის და ამიტომ სიმბოლისმი ჩვენში აუცილებელიაო“**.

მთავარი მიანიც ისაა, რომ თერგდალეულთა სკოლამ ამოწურა თავისი თავი. ყოველი ახალი შინაარსი ახალ ფორმას მოითხოვს და ეპოქამაც მტკივნეულად დააყენა არსებულის გადახინჯვის, ძიებისა და აღმოჩენების, ორიგინალური ხერხების მომარჯვების საკითხი.

1916 წლის თბურვალში გამოვიდა „ცისფერი ყანწების“ პირველი ნომერი. ეს იყო ორგანიზაციულად უკვე შეკრული ჯგუფის პრინციპული და მძაფრი ლიტერატურული განაცხადი. ჟურნალის რედაქტორმა, პაოლო იაშვილმა, „პირველთქმაში“ მკაფიოდ ჩამოაყალიბა ქართველ სიმბოლისტთა ძირითადი სათქმელი. მანიფესტის ძირეული ანალიზი ჩვენს მიზანს არ შეაგენს. მხოლოდ რამდენიმე არსებით მხარეს შევხებით.

„საქართველოს ლანდურ არსებას მოვევლინეთ ჩვენ ახალი სხივმოსილობით და ოცნება დაკრგულ ხალხს ვასწავლით

¹ ჟურნ. „ცისფერი ყანწები“, 1916, №1.

განწმენდილ გზას მომავლის ცისფერ ტაძრისაკენ. ხეყვარულში ნიმფებმა ასწიეს ფარდა ჩვენი სცენისა, და ვგალობთ ოქროთი შემოსილი განახლების აქტიორები უსხივო ხალხის წინაშე¹.

ამ განცხადებიდან ყურადღებას ვამახვილებთ არა აღრგნატის² არცთუ სულ მართებულ დახასიათებასა და ანდრესატის ზედმეტ გაბედულებაზე, არამედ ორდენის ამადლებულ მისიაზე – ხალხის სამსახურისა და განახლების სურვილზე. ეს თვალსაზრისი არაერთგზის გაიხაზება წერილში.

„ჩვენ ვადიდებთ სიტყვას ახალს, შკაცრს და ისეთ გაბედულს, როგორც მეფურ ხელის გაფრენა გაგიჟებულ დირიჟორისა. უდიდესი თვისება არსებობისა არის სიამაყე – ამადლდეს ერი ჩვენი და თვითშეყვარებით აოცებდეს ქვეყნიერებას. ხალხი, რომელიც უარყოფს დიდების სურვილს, ჰგავს ავთოყოფს, რომელმაც იგრძნო კოცნა სიკვდილისა და კიდევ ელის სიცოცხლეში დაბრუნებას. ჩვენ ვკლავთ შიშს თავის ბნელ მანტიაში და ვუმღვრთ რაინდობას, სიჭაბუკეს და ალურ სიხარულს“³.

აქაც ხომ პატრიოტურლი ტენდენციის განფენაა. წინ არის წამოწეული მამულისა და ხალხის სიყვარული.

არსებულის უარყოფა არსებულის განახლებასაც გულისხმობს და ეს პათოსი მძლავრობს ქურნალში.

ასეთი დებულების გვერდით გვხვდება განსხვავებული მოსაზრებებიც. მაგალითად, „გვწამს ყოველივე ორგია. ვადიდებთ დამსხვრევის მშვენიერებას, უარყოფთ წარსულს, როგორც მზით განათებულს, ისე დამეში შეწუხებულს. წარსულის ოქროს გვირგვინებს გამოვტაცეთ ძვირფასი მარგალიტები და გადავისროლეთ დავიწყების ზღვაში“⁴. ან: „ჩვენ გვსურს შევქმნათ გაუგებარი და საოცარი სიტყვები...“⁵ და ა. შ.

ახლა მოვუსმინოთ ცისფერყანწელთა თეორეტიკოსს ტიცთან ტაბიქეს: „ცისფერი ყანწები“ როგორც შკოლა თავის თავს ამტკიცებს ეროვნულად“⁶. და შემდეგ: „რამდენადაც გაიზრდება ეროვნული შეგნება, იმდენად ჩვენ ვუახლოვდებით წარსულს და ინაკეთება ქართული იდეა. საქართველოს ხელოვნების მომავალიც ამ იდეის გაშლით გაიზომება“⁷.

¹ ქურნ. „ცისფერი ყანწები“, 1916, №1.

² იქვე

³ იქვე

⁴ იქვე

⁵ იქვე, №2.

⁶ ქურნ. „ცისფერი ყანწები“, 1916, №2.

ტიციანს სჯერა, რომ დაიწყო ქართული ხელოვნების რენესანსი. იგი ოცნებობს, დიდ მხატვარში ურთიერთს შეხედონ რუსთაველი და მაღარძე. ეს მოსაზრება შეიძლება გავიგოთ: აუცილებელია კარნაქტილოობის წინააღმდეგ და მსოფლიო კულტურის მიღწევების ათვისება, ეროვნულისა და ზოგადსაკაცობრიოს შერწყმა.

ტ. ტაბიძე აფიქსირებს ვიანესლავ ივანოვის გამონათქვამს - რუსული ხელოვნება ყვეილის ნაცვლად ხორბლად იქცა და დასძენს: ქართველი სამოციანელების მიერ შემოტანილი ეს ხორბალი ქერად აბიბინდაო.

ცხადია, აჭარბებს. ეს დებულება მოულოდნელად არ მოგანვენება, თუ ტიციანის ერთ-ერთ ძირად თეხისს გაკიაზრებთ; რომ რუსთაველის შემდეგ ყველაზე დიდი პოეტი ბესიკია. ბესიკისათვის პირველობის პალმის მიკუთვნება იმან განაპირობა, რომ მის შემოქმედებაში ტიციანმა სიმბოლიზმის ნიშნები დალანდა.

შეუძლებელია იმ მოსაზრების გაზიარება, რომ ქართულმა პოეზიამ XIX საუკუნეში დეკადანსი განიცადა, რომ თერგდალეულებმა ლექსი დაასაჭურისეს. სამოქალაქო მოტივის წინ წამოწევა და თუნდაც პუბლიცისტური ლირიკის გაძლიერება სრულიადაც არ ნიშნავს მხატვრული აზროვნების შეღახვას, პირიქით ლიტერატურის მრავალფეროვნების წარმოჩენას, ეპოქის მოთხოვნილებაზე პასუხის გაცემას გულისხმობს.

სიმბოლიზმის უარყოფით ნიშან-თვისებებზე როცა საუბრობენ, უწინარეხად, მხედველობაში აქვთ სოციალურ-პოლიტიკური პრობლემებისადმი გვერდის ავლა, სინამდვილის შეცნიერული შემცნების საჭიროების უარყოფა, ფორმალიზმის პრინციპების დაცვა, ბოჰემური არტისტიზმი და ა. შ. იმასაც მიუთითებენ, რომ ცისფერყანწელები არ

ყოფილან ორთოდოქსი სიმბოლისტები. მათ ნააზრევსა და მხატვრულ პრაქტიკაში საკმაოდ იწენს თავს ფუტურიზმის ნიშნები, რეალისტური თვალთახედვის ელემენტები და, რაც მთავარია, ეროვნული მოტივი.

ცისფერყანწელთა გამოსვლა იყო პროტესტი არსებულის მიმართ. სხვა საკითხია, რამდენად ეფექტური გახლდათ იგი.

ცისფერყანწელთა უკიდურესობა ჯოხის მეორე მხარეს გადახრას მოჰგავს. ამას კი დიდ მინუსთან ერთად გარკვეული პლუსიც ახლავს. მაგრამ ცისფერყანწელთა გამოსვლაში ხაზგასმული მაინც სხვაა, კერძოდ, გზნება ლიტერატურული ცხოვრების გადახადისებისა და მხატვრული ოსტატობის ახალ

საფეხურზე აყვანისა. ამ შემთხვევაში მხედველობაშია მისაღები არა მხოლოდ ახალი ფორმების დამკვიდრება, როგორცაა თუნდაც ტრიოლენტი, არამედ თვალსაჩინო ცვლილებები რიტმიკაში — ბეკრწერაში და ა. შ. არსებითია ის ევოლუცია, „რომელიც განიცადა ქართულმა პოეტურმა აზროვნებამ, სახეთა სისტემაში, მეტაფორისტიკაში... მოხდა მხატვრული, გამომსახველობით საშუალებათა მნიშვნელოვანი გამდიდრება“¹.

და ერთიც, რაც ჩვენი აზრით, ძალზე საგულისხმოა და საგანგებო შესწავლა-გააზრების საგანი უნდა გახდეს ეს არის ცისფერყანწელთა მიერ სიტყვაკაზმული მწერლობის, როგორც ასუთის, ჭეშმარიტი საგნისა და სპეციფიკის განსაზღვრის, მხატვრული ლიტერატურის, როგორც დამოუკიდებელი ფენომენის, სიწმინდის დაცვის მოთხოვნა.

როგორ შეხვდა საზოგადოება ახალგაზრდა შემოქმედთა გამოსვლას?

მკითხველთა ერთმა ნაწილმა დიდი უკმაყოფილება გამოხატა. აი რამდენიმე ამონაწერი პრესიდან.

„ქუთაისში გამოვიდა აგურ ახლა ქართველი სიმბოლისტების პატარა კრებული, რომლის მიმართულებაც გარშემოწერება მდებრივ სქესობრივი მგრძობიერობის გამოშხუპებით. ეს — გარყვნილების აშკარა, თამამი ქდაგებაა“². წერდა ისარი (აღ. წერეთლი).

მეორე ავტორი, ვინმე სტუდენტი, აღნიშნავდა: „რა ვუწოდო „ცისფერყანწელებს“ თუ არა ჩვენი თანამედროვე ლიტერატურული გაკორტების ნიმუში. თუ ეს ასე არ არის, გადაავლეთ მას თვალი, დიდი ნაკვირვება არ დაგჭირდებათ: ყოველივე სისაძაგლე ფერად-ფერადი ასოებით არის ნაბეჭდილი“³.

ია ეკალაძის აზრით, „...ეს არც „ფუტურიზმია“, არც „სიმბოლიზმი“, მითუმეტეს, არც ახალი მიმართულება ჩვენს მწერლობაში, არამედ ეს არის ლიტერატურული გაბეჯულობა და სქესობრივ ნიადაგზე დაავადებულთა „პოეზია“ და სხვა არაფერი!“⁴

აღშფოთებულია ფილიპე მახარაძეც: „ცისფერი ყანწები“ არა თუ დუხტირი მოვლენაა ჩვენ ცხოვრებაში, ეს უდიდესი ლიტერატურული დანაშაულიცაა“. და შემდეგ: „თქვენ შევიძლიათ,

¹ ვ. ახათიანი, პოეზია და პოეტები, 1963, გვ. 56.

² გაზ. „საშობლო“, 1916, №304.

³ იქვე, №305.

⁴ იქვე, №341.

რანაირი „იზმი“ გინდათ ის დაარქვით ამ ხიდუხტორეს და გარყვნილებას, მხოლოდ ერთი გარემოება კი აქ აშკარა ხდება ყველასათვის. სახელდობრ აი რა: ეს ვაებატონემა განსაკუთრებით სქესობრივი ანომალიის მქონე დეფექტის ნიადაგზე¹.

ცაცა დარახველიძე ცისფერყანწველებს ტაკიმასხარებს უწოდებს. ისინი უტიფრად ქადაგებენ გარყვნილებას².

თაგუნა (შ. შარაშენიძე) „ეშმაკის მათრახში“ აქვეყნებს სატირულ ჩანახატს, რომელშიაც ცისფერყანწველებს „ხურუშიანებად“ იხსენებს³. ტექსტს ერთვის კარიკატურა – ტახტზე ნებიურად გაწოლილ შიშველ ქალს (ელისკა დარიანს – როგორც მიწრილია ქვემოთ) მუცელს ულოკავს შავი კატა, რომელსაც კაცის თავი აქვს (ზოგიერთებმა მასში რეალური პიროვნება შეიცნეს).

ამავე ნომერში დაიბეჭდა პაროდები პაოლო იაშვილისა და გრიგოლ რობაქიძის ლექსებზე.

რაც მთავარია, მოვლენის კვალიფიკაციას მოსდევს უმკაცრესი განაჩენი, თითქმის მოწოდება ცისფერყანწველთა დათრგუნვისა. ამ მხრივ მეტად საგულისხმოა გაზეთ „სამშობლოს“ რედაქციის პოზიცია: „ცისფერი ყანწები“ მხოლოდ ავადმყოფური მოვლენაა ჩვენში და რაც ადრე მოისპობა ეს ავადმყოფობა, მით უფრო უკეთესი იქნება ჩვენის მომავლისათვის⁴.

ისიც ფაქტია, რომ ჟურნალის ხელმძღვანელს ფიზიკური შეურაცხყოფა დაუპირეს და იგი კიტა აბაშიძემ იხსნა.

ვნებათა დეღვა, უპირველეს ყოვლისა, გამოიწვია „პირველთქიმამ“ და ელენე დარიანის (პაოლო იაშვილის) ლექსებმა. რეცენზიებში ხაზგასმულია, რომ მანიფესტი საცხაა აბღაუბლით, სიტყვების რახარუხით, ყოფილობით, ლანძღვით (მაგალითად მოაქვთ შემდეგი ფრაზაც: ბინძურის შხით გამთბარი ქვეყანა) და ა. შ., რომ იგი შეურაცხყოფელია მრავალსაუკუნოვანი ქართული ლიტერატურისა, მთელი ერისა.

საქმე ისაა, რომ მახვილი გადატანილია „პირველთქიმის“ ცალკეულ ადგილებზე. მანიფესტი დანახულია ჭკურუტანიდან.

რაც შეეხება ელენე დარიანის ლექსებს, ისინი სრულიადაც არ იმსახურებს პორნოგრაფიის იარღილს. დაუკვირდეთ „ამ

¹ გაზ. „თანამედროვე აზრი“, 1916, №56.

² იქვე.

³ ჟურნ. „ეშმაკის მათრახი“, 1916, №12.

⁴ გაზ. „სამშობლო“, 1916, №304.



მხრივ“ ყველაზე მეტყველ სტრიქონებს:

„დამეძინება... დათავდება ზანტი ზ-მოყრება...
და დამშვიდდება ჩემი მკერდი ჯგერ-ხელეჩქა
უხლები;
ძილში ჩემს მუცელს ვიღაც ვაჭი ეამბორება
და ვნებისაგან იღუნება ჩემი მ-უხლები“.

თანემედროვე მკითხველს ყოველივე ეს ჩადრიანი ქალის გრძელი კაბის მოულოდნელ აფრიალებად და კოჭის უეცარ გამოკრთომად მოეჩვენება.

სხვათა შორის, ვლენე დარიანის ლექსები პაოლოს პირველად გალაკტიონის საღამოზე წაუკითხავს და მაშინაც აღშფოთებული საზოგადოების ერთი ნაწილი, როგორც რეპორტიორი შენიშნავს, „ამ ლექსების კითხვის დროს რამდენიმე ქალი თეატრიდან გავიდა“.

ცხადია, დღევანდელი და ათიანი წლების საზოგადოების გემოვნება ინტელექტი მოვლენების აღქმის მანერა განსხვავებულია, მაგრამ ისიც არ უნდა დავივიწყოთ, რომ დიდი ლიტერატურის ჭკრეტა მხოლოდ ერთი კონკრეტული ეპოქის ლორწებიდან შეცდომაა.

ცისფერყანწვლებს დამცველებიც აღმოუჩნდნენ. ამ მხრივ პირველი იყო „ხაკავეკასკაია რეჩი“. თბილად მოიხსენია ისინი კიტა აბაშიძემაც, მაგრამ ყველაზე ერთგული მეზღვრე მაინც გრიგოლ რობაქიძე გახლდათ. მან ქუთაისში წაიკითხა საჯარო ლექცია, რომელიც ასე დაიწყო: „მე ჟურნალში ვხედავ ახალ ხანას ქართულ ლიტერატურაში. ჩვენი სიტყვა ყოველთვის გაბედული იქნება და მე გამოვიდვიარ, არა მარტო დამცველის როლში, მე გამოვიდვიარ, როგორც მეგობარი ამ ჯგუფისა და შევეხები არა მძულვარებით, არამედ სიყვარულით მათ ნაკლს“.

მეორე რეპორტიორის თქმით, გრ. რობაქიძემ გააღმურთა ქართველი სიმბოლისტები, ჩვენი პოეზიის მხსნელებად დასახა ისინი. ლექტორს ტ. ტაბიძე პირწავარდნილ ნიცშეანვლად მოუნათლავს.

არსებითად მაინც კრიტიკა მძლავრობდა. თუმცა ყოველივე ეს დიახაც ფინიხი იყო, რომლითაც ლიტერატურული ინკვიზიციის კოცონი ვერ აბრიალდებოდა.

ამ შემოტევების გამო „ცისფერი ყანწების“ ხელმძღვანელობას ოდნავად არ შეუცვლია პოზიცია, არც გაყუჩებულა. პირუკუ ბრძოლის ფინითაა სავსე და ცდილობს საპასუხო დარტყმები

¹ ჟურნ. „ცისფერი ყანწები“, 1916, №1.

² გაზ. „სამშობლო“, 1916, №340.

შიაყენოს მოწინააღმდეგეებს. „ჩვენ გვინდა უფრო ვრცელად ვთქვათ ყოველივე ის, რისთვისაც ასე გიჟურად სწყევლიდა ჩვენს აღმანახს აღელვებული ხალხი“. ამიტომაც ვაარსებთ საკუთარ ყოველკვირულ გაზეთს, რომლის პირველი ნომერი გამოვა აპრილის დამდეგს. ამ გაზეთში „...ვეტყვიან ბატონ პროტესტანტებს დაურიდებელ პასუხს იმ საოცარ წყევლისათვის, რომლის საგანი გახდა აღმანახი“¹.

ასეთი გაზეთი 1916 წელს არ გამოხდებოდა, მაგრამ ცისფერყანწველები სხვადასხვა ფორმით მაინც ახერხებდნენ თავის დაცვას თუ შეტევას.

როგორია გალაკტიონისა და ცისფერყანწველების ურთიერთობა? ეს კითხვა არც ერთგანზომილებიანია და არც სიმწვავესაა მოკლებული (გავისხენოთ ვ. ჯავახიძის, ტ. ჭანტურიას და სხვათა მოსაზრებები).

გალაკტიონი თავდაპირველად კარგ დამოკიდებულებაში იყო მომავალ ცისფერყანწველებთან. 1913 წელს თავის ერთ-ერთ საუკეთესო ლექსს სწორედ პაოლო იაშვილს აწვდის „ოქროს ვერძში“ გამოსაქვეყნებლად. ისიც ცნობილია, რომ პერსონალურ სადამოხე – „საქართველოს ყვავილები“ საგანგებოდ იწვევს პ. იაშვილს და პირველ სიტყვასაც უთმობს. პაოლომ ვერძში მოგზაურობის შთაბეჭდილებებზე ისაუბრა.

გალაკტიონი ვ. გაფრინდაშვილის მხარდამხარ გამოდის ლიტერატურულ შეკრებაზე. ეს უკანსკნელი „მე და ღამეს“ თარგმნის რუსულად. გალაკტიონი არცთუ იშვიათად სერობს სიმბოლისტებთან. გავისხენოთ 1914 წლის 24 ივლისს ოლიასადმი გაგზავნილი წერილი, რომელშიაც ტიცციანთან ერთად გატარებულ დღეებზეა საუბარი.

ვერც იმას დავიწევებთ, რომ ცისფერყანწველთა კიდობანში მოთავსებული განძეულთა მსგავსი ნიმუშები გალაკტიონთანაც გვხვდება. უფრო მეტიც, მისი ბევრი ლექსი წინ უსწრებს ახალი ძმობის წვერთა სიმბოლისტურ თხზულებებს.

როგორც ტიცციანი მიუთითებდა, გალაკტიონს „პირველი წიგნის ნერვების ტოკვაზე ეტყობა, რომ გაზრდის შხამიან ყვავილს სიმბოლისმისას“². გრ. რობაქიძეც ანალოგიურ მოსაზრებას ავითარებდა ერთ სჯარო ლექციაში: „გ. ტაბიძე უთუოდ წავა სიმბოლისტების გზაზე. მისი „ღურჯა ცხენები“ მისტიურია,

¹ გაზ. „ჩვენი მეგობარი“, 1916, №13.

² ვურც. „ცისფერი ყანწვი“, 1916, №1, გვ. 24.

მას მხოლოდ ფორმისა და შინაარსის პარამონია აკლია¹. ასე რომ, ლიტერატურული და წმინდა ადამიანური თვალსაზრისითაც ცისფერყანწველთა ლიდერები და გალაკტიონის საკმაოდ პოულობენ საერთოს. ამიტომ პ. იაშვილი თავს უფლებას აძლევს გალაკტიონი შეგობრად მოიხსენიოს. მრავლის მეტყველია ის ფაქტი, რომ ქართველ სიმბოლისტთა „უფროსი, დამხმარე და წამახალისებელი“, როგორც თავის თავს გრ. რობაქიძე უწოდებს, „ცისფერი ყანწების“ მეორე ნომერში დასტამბულ ლექსს „სონეტი ლოცვის“, ამგვარ ქვესათაურს აძლევს: „ახალ მხედართ: ვ. გაფრინდაშვილს, პ. იაშვილს, ტ. ტაბიძეს, გ. ტაბიძეს“. გრ. რობაქიძე შემთხვევით არ დაასახელებდა გალაკტიონს ცისფერყანწველთა სამი უდიდესი წარმომადგენლის გვერდით. ვინ ვინა და მან ძალზე კარგად უწყოდა თითოეულის სპეციფიკა, ადგილი და დამსახურება ქართულ მწერლობაში.

ბევრის მოქმელია ისიც, რომ „ცისფერი ყანწების“ პირველ ნომერში დაიბეჭდა XX საუკუნის ქართული პოეზიის ორი შედევრი „მთაწმინდის მთვარე“ და „ღურჯა ცხენები“. მოგვიანებით გალაკტიონმა ასეთი ვერსია შეთხზა: ხსენებული ლექსები შემთხვევით მოხვდა ჟურნალში, ჩემდა დაუკითხავად დასტამბესო. ეს განცხადება ზოგიერთმა მკვლევარმა ნაღდ ვერცხლად მიიღო, მაგრამ ფაქტებით სულ სხვა დასტურდება. როგორც მ. აბულაძე მიუთითებს, „...მაშინდელმა პერიოდულმა პრესამ, კერძოდ, გაზეთმა „მეგობარმა“, გამოაქვეყნა ცნობა ჟურნალ „ცისფერი ყანწების“ მოსალოდნელი გამოსვლის შესახებ და თან დაურთო იმ ავტორთა სია, ვინც მიიღებდა მონაწილეობას ამ გამოცემაში. ამ მწერალთა შორის ვხვდებით ორივე პოეტს – გალაკტიონ ტაბიძეს და იოსებ გრიშაშვილს. ამ სიაში მოხსენებულმა ყველა მწერალმა, გარდა ალექსანდრე აბაშელისა, ჟურნალ „ცისფერ ყანწებში“ მართლაც დაბეჭდა თავისი მხატვრული თუ კრიტიკულ-ესეისტური ხასიათის ნაწარმოებები. ასეთი სარეკლამო ხასიათის ცნობა გაზეთ „მეგობარში“ თითქმის ერთი თვის განმავლობაში იბეჭდებოდა და აღნიშნულ ავტორებს საკმაოდ ბევრი დრო ჰქონდათ, უარი ეთქვათ თავიანთი ნაწარმოების ბეჭდვაზე ამ ჟურნალში, თუ კი მათ ასეთი სურვილი დაებადებოდათ, როგორც, შესაძლებელია, მოიქცა ალექსანდრე აბაშელი“².

გალაკტიონის მიერ შემოთავაზებული ვერსია კიდევ ერთი მეტყველი დასტურია შემოქმედზე ხელისუფალთა უმაკცრესი

¹ გაზ. „სამშობლო“, 1916, №340.

² ნარკვევები შოკვა საუკუნის ქართული ჟურნალისტიკის ისტორიიდან, 1974, გვ. 84-85.

და უმართებულო ზემოქმედებისა. ვაი, რომ, ცისფერყანწელობა ათეული წლების მანძილზე საღანძღავ სიტყვად ითვლებოდა. ამ ორდენის წევრები და მათთან დაახლოებული პირები შეუნელებელი თავდასხმებისა და გაბიაბრუების ობიექტები იყვნენ. გალაკტიონიც ვერ უძლებს ამგვარ ქილიკს, რომელიც ზოგჯერ აღვირახსნილ ღანძღვაში გადადის და, სხვა რომ ვერაფერი მოუხერხებია, მისტიფიკაციით ცდილობს დარტყმების აცილებას.

რა ხდება „ცისფერი ყანწების“ პირველი ნომრის გამოსვლის შემდეგ? გალაკტიონი არა თუ შორდება, არამედ მწვაველად უპირსპირდება ცისფერყანწელებს.

1916 წლის 15 დეკემბერს გალაკტიონი ოლია ოკუჯავას წერს: „სამუდამოდ დაეშორდით ერთმანეთს მე, გაფრინდაშვილი და იაშვილი. ძალიან დიდი ჩხუბი მოგვივიდა და ვუთხარით ერთმანეთს ისეთი სიტყვები, რომლებიც ამის შემდეგ დაახლოებების ნებას არ მოგვცემს. მე არ ვნანობ. ამ დღეებში გამოვა მეორე „ცისფერი ყანწები“¹.

პირველი სიტყვა მიგავნიშნებს, რომ ბზარი საკმაო ხანია არსებობს. ისიც გასაგებია, რომ გალაკტიონი „ცისფერი ყანწების“ მეორე ნომერში არაფერს ბეჭდავს. სხვათა შორის, ამავე წერილში გალაკტიონი შენიშნავს: „ტიტე თურმე აქ ჩემზე ცოტათი ირონიულ წერილებს იწერება“².

როგორ აღვიქვათ ეს განცხადება? რეალობად თუ ვჭკად? იქნებ ენატანიობის შედეგმა იჩინა თავი (ნუ დავივიწყებთ, რომ სწორედ 1916 წელს გამოაქვეყნა ტიცვიანმა „მარტოობის ორდენის კავალერი“. გალაკტიონისადმი სიყვარულითა და პატივისცემით გამსჭვალული უბწყინვალესი წერილი). და კიდევ ერთი: გალაკტიონი განაგრძობს: „მე მთლად ნერვებად ვარ გადაქცეული. ძალიან მწარვა ჩემი ცხოვრება, ძალიან“ იქნებ ეს აღსარება ზოგიერთი ნიუანსის გარკვევაში დაგვეხმაროს.

გალაკტიონის წერილიდან გამომდინარე თითქოს ყველაფერი დამთავრდა. მაგრამ, როგორც ჩანს, ხომალდები ჯერ კიდევ არ დაუწვავთ. საქმე ისაა, რომ პაოლო მონაწილეობს 1916 წლის 23 დეკემბერს გამართულ გალაკტიონის საღამოში და არა როგორც ერთ-ერთი რიგითი წევრი, არამედ წამყვანი.

როგორ შევათანხმოთ ეს ფაქტები? მართალი არ ვიქნებით, თუ მხოლოდ დიდი პოეტის გადაბირების მცდელობას დავინახავთ. ამ შემთხვევაში პაოლოს ადამიანური, კეთილშობილური ზრახვებიც

¹ გ. ტაბიძე, თხზ., ტ. XII, გვ. 521.

² იქვე.



ცნაურდება. სავარაუდოა, სიტუაციიდან გამომდინარე, გალაკტიონი დათანხმდა საღამოს იმგვარად წარმართვას, როგორც ბოლო ვარაუდობდა. სამწუხაროდ, ამ საღამომ დაძაბული სიტუაციის ვერ განმუხტა, პირუკუ, უფრო ნათელი გახადა გალაკტიონისა და ცისფერყანწელების დაშორიშორება. საფიქრებელია, ამას ხელი შეუწყო იმანაც, რომ შეკრება უღიმვამოდ ჩატარდა და კაცმა არ იცის, გალაკტიონმა რა და ვინ მიიჩნია მიზეზად.

კონფლიქტი განპირობებული იყო როგორც ობიექტური, ასევე სუბიექტური ფაქტორებით.

გალაკტიონი თავისი მხოფლგაგებითა და ლიტერატურული მრწამსით პრინციპულად ემიჯნებოდა ცისფერყანწელებს. მისი ხწული სულ სხვა იყო, რასაც კარგად გრძნობდა ფართო საზოგადოებაც.

„ცისფერი ყანწების“ განქიქებისას კრიტიკოსები სინანულს გამოთქვამდნენ ჟურნალში გალაკტიონის ლექსების დაბეჭდვის გამო. „ეწუხვართ და ჩვენს გულის წყრომას ვუცხადებთ მგოსან გალაკტიონ ტაბიძეს, რომ ასეთ უნიადავო და გამრყენელ ჟურნალში მონაწილეობა მიიღო“¹ – წერდა ერთი.

„ეწუხვარ, რომ ჟურნალში მომყვენ გ. ტაბიძე და ნ. ლორთქიფანიძე“² – აღნიშნავდა მეორე.

მიემართავთ გ. ტაბიძეს, ნ. ლორთქიფანიძეს, ი. ყიფიანს და ა. ფაღავას, „რომელთა ადამიანობა ჯერ კიდევ გეჯერა, ჩამოხსნან ნიღაბი ელენე დარიანის და დაგვანახონ მისი ნამდვილი სახე“³ – აცხადებდა მესამე.

ყველაზე რელიეფურად მაინც ფილიპე მახარაძემ გამოხატა საზოგადოების ერთი ნაწილის აზრი: „ვისაც გაგების უნარი ხავსებით არ დაუკარგავს, მისთვის დღესავით აშკარა უნდა იყოს, რომ ვაღ. ტაბიძის საგრძნობლათ პესიმისტური მოტივებით გავედნთილ პოეზიას არაფერი საერთო არა აქვს ღოთი მშობიჭების ვაკხანალიასთან, ელენე დარიანის და გრ. რობაქიძის ტლანქ პორნოგრაფიასთან. მაგრამ აქ ერთი სამწუხარო გარემოებაა: ვაღ. ტაბიძის ორი ლექსი რაღაც მანქანებით სწორეთ გრ. რობაქიძის და ელენე დარიანის ლექსებს შუაშია მოთავსებული. როგორ მოხდა ეს, – ჩვენ არ ვიცით, ერთი რამ კი აშკარაა: ტაბიძის „მოაწმინდის მთვარე“ და „ღურჯა ცხენები“ პიდაპირი დისონანსი ანუ აშკარა წინააღმდეგობაა

¹ გაზ. „სამშობლო“, 1916, №305.

² იქვე, №341.

³ გაზ. „ახალი კვალი“, 1916, №14.

იმისა, რაც მოთავესებულია „ცისფერ ყანწებში“. საკვირველთა, როგორ გამოეპარათ ეს, როგორც ვერ მიხედნენ ეს აშკარა წინააღმდეგობა ან ერთი ან მეორე მხარე? ყოველ შემთხვევაში ჩვენ არ გვგონია, რომ კარგად გრძნობდეს თავის თავზე გაღატაბითე უღუნე დარიანების და გრ. რობაქიძეების კომპანიაში შაპიუტისაბ. ჩვენ დარწმუნებული ვართ, რომ იგი შეძლებს მის მიერ არჩეული გზით ბოლომდე სიარულს¹.

ყოველივე ეს მეტყველებს, რომ გალაკტიონის რეიტინგი მაღალია. მის შემოქმედებაში ძალუმ სიფაქიხესა და ამადლებულობას ჭერეტენ.

გალაკტიონს არ შეუძლო გაეზიარებინა ცისფერყანწელთა ბევრი დებულება; თუნდაც „მოვარის სინაზით გაშუქებული მშვენიერების დავიწყება“, ღმობიერების უარყოფა, წარსულისადმი ხაზის გადასმა და ა. შ.

იყო სხვა მიხეზებიც, ყვლაფრის ზუსტად აღნუსხვა აქ შეუძლებელია. ერთს კი ვიტყვი. ცისფერყანწელებმა მშობლიური ლიტერატურის მხსნელებად და რეფორმატორებად გამოაცხადეს თავი. გალაკტიონმა ეს საკუთარი ღვაწლის მიჩქმალვად მიიჩნია და უკიდურესად გაღიზიანდა.

თავიდანვე აშკარა გახდა, რომ ცისფერყანწელებს „თავიანთი გზა აქონდათ, გალაკტიონს – თავისი! ეს გზები პარალელურად მიდის მომავალში! მთავარი გზა, რა თქმა უნდა, გალაკტიონის გზაა! დღეს ეს არაა საკამათო, მაგრამ განა მაშინ ყველამ იცოდა ეს! მითუმეტეს ვერ ირწმუნებდნენ ამას იოლად ცისფერყანწელთა ლიდერები – თავად ბრწყინვალე პოეტები!“² და გრძელდებოდა ჭიდილი, ხან აშკარა და მკაცრი ფორმით, ხან კიდევ წყალქვეშა დინებების სახით.

თითქოს დაუჯერებელია, მაგრამ ფაქტია, ისე წავიდნენ ცისფერყანწელები და გალაკტიონი, რომ ყინული ვერ გალღვა. ამის მაგალითად იკმარებს ინტერვიუ კოლაუ ნადირაძესთან – ცისფერყანწელთა ერთგულების მეტრთან. საუბარი 1988 წლის „განთიადის“ პირველ ნომერში დაიბეჭდა და ხაზოგადობის ერთი ნაწილის უკმაყოფილება გამოიწვია³.

ჩვენს მიზანს სრულიადაც არ შეადგენს პოლემიკა, მით უფრო გარდაცვლილ ნიჭიერ პოეტთან. ეს გარკვეული თვალსაზრისით

¹ გა.ს. „თანამედროვე აზრი“, 1916, №56.

² ტ. ჭანტურია, უცნობი, ჟურნ. „მნათობი“, 1991, №2, გვ. 145.

³ რ. თვარაძის ღია წერილი აღმანახ „განთიადის“ რედაქტორს, „ლიტერატურული საქართველო“, 1988, №11.

ამბიციურ გზად გვესახება. და თუ მაინც დავესახებით ნადირაძის რამდენიმე მოსაზრებას, მხოლოდ იმ მიხნით, რომ გალაკტიონისა და ცისფერყანწელების ურთიერთობა მოუფინოთ ნათელი.

ვითვალისწინებთ იმას, რომ რესპონდენტი ძლიერ მოხუცია. ვერ იხსნებს ცალკეულ ფაქტებს. მაგალითად „რა პქვია იმ პოეტს, ლექსმა რომ გაიტაცეს?“ თვითონაც არაერთხელ აღნიშნა, „მალღატობს მეხსიერებაო“. დიახ, ბევრი რამ ავიწყდება, მაგრამ არ ავიწყდება ცისფერყანწელებისა და გალაკტიონის ადრინდელი შეხლა თუ ქიშობა. მოვეუსმინოთ ბატონ კოლაუს: „...აკაკის ვჯიბრებოდა გალაკტიონი! სად მოვა! კოწია გამსახურდიამაც გურამიშვილი გამოტოვა, ბატონო, და რუსთაველის შერე გალაკტიონი დაასახელა. მართალია, ეგ? კლოუნიადა! გალაკტიონი თავის თავში იყო დაჯერებული, რომ ის იყო ერთადერთი. მოწყალების თვალებით უყურებდა აკაკის, ნიკოლოზ ბარათაშვილს... Глубочайший провинциализм!

...არა, ზოგი ლექსი მართლა კარგი აქვს: „ნიკორწმინდა“, „მთაწმინდის მთვარე“... „ღურჯა ცხენები“ ბოდვია. ქრიან ბოდვები და აბდაუბდები, პატივცემულო გალაკტიონ! პარვა უყვარდა! ლერმონტოვს პარაუდა, ბალმონტსაც!

„დედაო დუთისაჲ! მზეო მარიამ!“ ეს აკაკია, მისგანაა წამოდებული.

„იყო შარლ ბოდლერი, მწარე და ძვირფასი!“ რა შუაშია აქ ბოდლერი?

„ღირი ყველასგან მიტოვებული“... ეს სიყალბეა. ღირი ყველასგან მიტოვებული არ ყოფილა.

„ქარის ტოტები ჯერ არავის უხილავს“¹

უბირი და საქმეში ჩაუხედავი კაცი შეიძლება შეშფოთდეს. ხედავთ, ვინ ყოფილა გალაკტიონიო!

ნუ აქაქარდებით. ისტორიამ ხომ ყველას მიუჩინა თავის კუთვნილი ადგილი.

ერთმა ფრიად ნიჭიერმა პოეტმა და ესეისტმა ხსენებულ ინტერვიუს „ღიმილისმომგვრელი“ უწოდა. მართლაც, ძნელი არ არის კ. ნადირაძის დებულების გაქარწყლება. ჩვენს მიზანს სრულიად არ შეადგენს ღია კარების მტვრევა. ერთს კი მაინც შევნიშნავთ: ნუთუ მართლა გაუგებარია ჭეშმარიტი სიმბოლისტიკისათვის „ტოტი ქარისა“. აქ ხომ „სიბრტყეთა შენაცვლების“ ხერხია გამოყენებული.

მკითხველს ვთხოვთ, მოტანილი ციტატის არა მხოლოდ

¹ კურნ. „განთიადი“, 1988, №1, გვ. 188.

დებულებას, არამედ სტილსაც მიაქციოს ყურადღება. იგი ბევრ რამეზე მიგვანიშნებს. არაჯანსაღი დამოკიდებულება აშკარად კ. ნადირაძემ ჯერ კიდევ 1920 წელსაც გაკენწლა გალაკტიონის საბაბი იყო ი. იოსელიანის წერილი „გენიალური გალაკტიონი“. კოლაუ წერდა: „რაც შეეხება კრიტიკულ ნაწილს, „გენიალური გალაკტიონის“ მიღება ჩვენთვის ძნელია. გენიალობა ცოტა უხერხული პრივილეგია არის და სახიფათოც, რომ ასე ადვილად დაბოლოვდეს ს. ს-ანის მიერ პატენტის მიცემა და გენიალობის არსებობაზე ხელის დადება“¹.

როგორც ვხედავთ, ტონი მშვიდია. ვერც იმას ვიტყვი, პოეტს არ აქვს უფლება განსხვავებული აზრი პქონდეს მეორე პოეტზე. მაგრამ როცა დიდ და საინტერესო წერილში ორი წინადადებით მოიხსენიებ და თანაც ამგვარი აქცენტირებით, მკითხველთა დამოძღვრა ცალმხრივი ხდება.

სხვათა შორის, გალაკტიონს ძლიერ მოსწონდა ხსენებული წერილი და მის ციტირებასაც ახდენს ავტობიოგრაფიულ ჩანაწერებში.

ობიექტურობა მოითხოვს ითქვას, რომ კ. ნადირაძემ ამავე ჟურნალში გალაკტიონის „თბილისი“ კარგ ლექსად მოიხსენია, თუმცა დაიწუნა პირველი და მეშვიდე ტაეკები. ნაწარმოების დაწვება ბუნების აღწერით მოქველებულ მანერად მიიჩნია.

აქ შეიძლება ნიკა აგიაშვილის მონათხრობიც მოგვეშველებინა (იგი, ალბათ, თავის დროზე გამოქვეყნდება), მაგრამ სურათი, ისედაც ნათელია და არ ღირს მკითხველის გაღიზიანება იმ სკაბრუზული სიტყვებით, რომლითაც კ. ნადირაძეს გალაკტიონი დაუხასიათებია.

სავალალო ის არის, რომ ზოგიერთმა ყანწელმა მთლიანად გადაუსვა ხაზი გალაკტიონის შემოქმედებას. ჟურნა „მშვილდოსნის“ პირველ ნომერში გამოქვეყნდა პრინციპული ხასიათის წერილი, რომელშიც პირდაპირ არის ნათქვამი: ახალი პოეტებიდან ნამდვილი ხელოვანნი მხოლოდ პაოლო იაშვილი და ვალერიან გაფრინდაშვილიაო.

გალაკტიონი?

არამც და არამც.

ხსენებული თვალსაზრისი ტოტდება და ყანწელების ერთ-ერთ ძირითად თუხისად ყალიბდება.

იქნებ შემდეგი გარემოების გახსენებაც არ იყოს ხედმატი. ზოგიერთი ცისფერყანწელი შემთხვევას არ უშვებდა, კლანჭი არ გაეკრა გალაკტიონისათვის და პიედესტალიდან ჩამოვდება არ

¹ ჟურნ. „მშვილდოსანი“, 1920, №2-3, გვ. 22.

ეცადა.

ერთი სახელგანთქმული მწერალი 1920 წელს, როცა პოეტის საკითხებზე მსჯელობს, საგანგებოდ ჩერდება გადაკტირების სიტყვებზე. „ისე საკვებ უხვ გრძობებით“ და იწუნებს თანხმობის ერთი მეორის დართვით სტრიქონი სრულიად ნადგურდება“¹.

ცხადია, გადაკტირებთან იძებნება სუსტი სტრიქონები. მაგრამ განა ეს არის არსებითი? ხოლო როცა შეგნებულად ეძებ კინის და ქართული ლირიკის რეფორმატორს არცთუ სასურველი პირების გვერდით იხსენიებ, ეს უკვე შეგნებული ანტიპათიის, არაობიექტურობის გამოვლენაა. სწორედ ეს ქმნის გადაულახავ წინააღმდეგობას და მტრობის საფუძველს. მცდელობა გადაკტირების განაპირებისა და, საერთოდ, უგუდებელყოფისა პერმანენტული და ძლიერი იყო.

ამიტომ ნუ გაგვაოცებს საპირისპირო რეაქცია, ნურც ასეთი გაველვებანი.

*„სიკვდილს გადავრჩი არა ცხრაჯერა,
ცხრაჯერ მასაც კი შევებრძოლები.
დღემდე ვერაუინ ვერ დამაჯერა,
რომ მე მჯობიან ჩემი ტოლები“².*

ისტორიის ამ მღვრიე ფურცლების გადმოშლას გადაკტირის ერთი ჩანაწერით დავსარულებ.

პოეტი იგონებს, თუ როგორი აღტაცებითა და აღფრთოვანებით შეხვდა ფართო საზოგადოება „მნათობში“ „ასი ლექსის“ გამოქვეყნებას. „მარტოღმარტო – პაოლოს თითქო სწყინდა რაღაც... იგი დადიოდა ხალხში და ებრძოდა საერთო განწყობილებას... მე მითხრეს, რომ ის გააფთრებულაო... როდესაც რუსთაველის პროსპექტზე შეხვედი, მან მითხრა:

- აი, როგორ შეგყავს ხალხი შეცდომაში...
- როგორ თუ შეცდომაში?..

პაოლომ გადაიხარხარა:

– შენ დაბეჭდილი გაქვს არა ასი, არამედ ოთხმოცდათვრამეტი ლექსი... ორი ლექსი აკლია“³.

ამჯერად არსებითი მნიშვნელობა არა აქვს იმის გარკვევას, რამდენად ზუსტია ჩანაწერი. თუ იგი სიმართლეს შეიცავს, მაშინ პაოლოს აღგება ჩრდილი, ხოლო თუ გადაკტირება მიუშვა

¹ გაზ. „საქართველო“, 1920, №82.

² გ. ტაბიძე, თხზ., ტ. I, გვ. 469.

³ იქვე, გვ. 379.

წარმოსახვის სადავეები, მაშინ ეს უკანასკნელი კინდება. მაგრამ ორივე შემთხვევაში მკაფიოდ ვლინდება ცისფერყანწვლო და გალაკტიონის არასასიამოვნო ურთიერთობა.

ეს ურთიერთობა არა მხოლოდ ლიტერატურული, არამედ პიროვნულ-მოქალაქეობრივი თვალსაზრისითაც საგულისხმოა. საქმე ისაა, რომ გალაკტიონი არ გამოირჩეოდა შემრიგებლური ბუნებით. შეცდომაში ნუ შეგვიყვანს მისი გაუჭება, ყასიდად წარმოთქმული „ძამიკო“, თუ შემწყნარებლური ღიმილი. იგი არასოდეს ივიწყებდა წყენას, მით უფრო ტკივილს. ძველის ყოველი გახსენება ღვეღვიდან ნაკვერჩხლის გამონათებას ჰგავდა. განსაკუთრებით შეუვალი იყო, როცა საქმე პრინციპულ საქმეებს ეხებოდა.

ქართული ლიტერატურის ისტორიკოსები, ალბათ, ღრმად და საფუძვლიანად შეისწავლიან ცისფერყანწვლების ლიტერატურულ მემკვიდრეობას თუ საზოგადოებრივ საქმიანობას. ტრიუმფირატის წევრები ჭეშმარიტად დიდი პოეტები იყვნენ და ეს უნდა გაიხაზოს. მარტო ტიცციანის რად ღირს. მისი ლირიკა მეოცე საუკუნის ნებისმიერი ქვეყნის ლიტერატურას დაამშვენებდა.

ღირიკული გადახვევა: ტიცციანის პოეზია დიდხანს მესამე ნაპირად დარჩა ჩემთვის. ამის მიზეზი მხოლოდ ის არ იყო, რაც შეიძლება ზოგიერთმა მკითხველმა იგულისხმოს. უფრო მეტ სუბიექტური განწყობილებები მძლავრობდა... ზაფხულობით სოფელში ჩასული ბავშვი არაერთგზის შევსწრებივარ სცენას. ტიცციანის დედა, ელისაბედ ბებია, რიკულებიან აივანზე გადმოფენდა შვილის ტანსაცმელს და განწირული, მეორედ მოსვლის მაუწყებელი ხმით გაჰქიოდა: - შეიღო, ტიტო, სადა ხარ ახლა?..

ეს მოთქმა შემზარავი იყო. ცა ბნელდებოდა, ჭათა გვიმები იმსხვრეოდა, ტანზე ბუსუსები მაყრიდა, ყურებში თითებს ვიცობდი და რიონისპირა ფაშანებისაკენ გავრბოდი. ასე და ამგვარად ტიცციანი ჩემში შემოვიდა როგორც განწირულების და სასოწარკვეთილების სიმბოლო. შედგებიც საცნაური აღმოჩნდა. შეზღუდულობა იმ ასაკში დაეძლიე, როცა პოეზიის ხიბლს ცოტათი ჩავწყვიდი.

მახსოვს, ტიცციანის ძმამ, სიმონ ბიძიამ, დიდ დარბაზში ჩამკეტა და პოეტის წიგნები გადმომიწყო. მთელი დღე კითხულობდი, ვიზვირებდი. ჩემს წინ უწვეულო, მომხიბვლელი სამყარო გადაიშალა. ახლაც ბევრს ვფიქრობ ტიცციანის ლირიკაზე. ასე მგონია მისი სიტყვები ბაგეებიდან კია არა, გაპოზილი გულიდან ამოდის, მოთქრიალე სისხლს მოჰყვება. მკერდზე მიბნეული



საქართველოს
საქართველოს



მედიკოსი ი. ბერიძე

ის ჩვეულებრივი მიხაკიც შედეგებული სისხლის ასოციაციას იწვევს.

ტიციანის პალიტრა უჩვეულოა. ცალკეულ რაფინირება ხორკლიანი ფრაზებითაცაა მიღწეული, სასაუბრო მეტყველება პოეტიზირებულია. განცდა გამძაფრებულია ღირიკული გმირის მიერ გადადგმული უკიდურესი ნაბიჯით. ტიციანის ზოგიერთი ლექსის წაკითხვა იქითკენ მიბიძგებს, რომ ქართული პოეზიის ბრწყინვალე სამკუთხედი შევეკრა: გრ. ორბელიანი, ტ. ტაბიძე, ლ. ასათიანი.

თითქოს არცთუ ცოტა ითქვა და დაიწერა ტიციანზე, მაგრამ ძირითადადში აღტაცების დონეს მაინც ვერ გავცდით. ემოციების გამჟღავნებიდან მეცნიერულ ანალიზზე გადაუსვლელად კი შეუძლებელია ტიციანის სიდიადის სრულად წარმოჩინება.

მკითხველმა კიდევ ერთი გადახვევა უნდა გვაპაროს. ცისფერყანწულთა ტრაგიკულ ბედზე მინდა შევეჩერდე. ნურვინ იფიქრებს, რომ მხედველობაში მქონდეს მწერალთა სასახლის კბეუბთან პაოლოს თოფის ქუხილი ან ტიციანის ჯოჯოხეთური წამება, როცა ხეპრე გამოძიებლის შეკითხვაზე:

— კიდევ ვინ შედიოდა თქვენს ანტისაბჭოურ ჯგუფში?

ჯვარზე გაკრული პოეტი სარკასტრულად პასუხობს:

— გიორგი სააკაძე...

(უეცმა გამოძიებელმა გიორგი სააკაძის მოძებნისა და დაპატიმრების ბრძანება გასცა).

არა, ჩვენ ხელ სხვა ფაქტები გვაქვს მხედველობაში. სულიერი განადგურება გაცილებით ადრე დაიწყო.

ერთხელ კიდევ უნდა ითქვას, რომ ცისფერყანწულები საშური ძმობითა და ურთიერთგამტანიაობით გამოირჩეოდნენ. ორდენის დაშლისა და ლიდერების დაღუპვის შემდეგაც არ შეუწყვეტიათ ოჯახური ურთიერთობა, ხელის გაწვდენა. კარგად მახსოვს, ქალბატონ ნინო მაყაშვილს (ტიციანის მეუღლეს) რომ ასაფლავებდნენ, გიორგი ლეონიძე გულწრფელად ღვრიდა ცრემლებს. უბრად მიუყვებოდთ დაღმართს. თავად დაარღვია ღუმელი: — ნინო ჩვენი უპირველესი დაი იყო. დაიხურა დიდი წიგნის კიდევ ერთი კარი...

ახე მკონია, ცისფერყანწულები იმ ქვეყნადაც აგრძლებენ მეგობრობას და უღდა მეცა, როცა „მნათობში“ წვიკითხე მიმართვა სრულიად საქართველოს საბჭოთა მწერლების კავშირის პრეზიდიუმს: „...ქართველი მწერლების რიგებს მოღალატურად ხტოვებს და როზენბერგის ბანდებს კეედლება ერთი ქართველი მწერალი, რომლის სახელი ამიერიდან ხდება სამარცხვინოდ



ყოველ საბჭოთა მწერლისა და მოქალაქისათვის.

ეს მწერალი არის გრიგოლ რობაქიძე.

ეს თვალთმაქცი ადამიანი, დღიდან საბჭოთა საქართველოში წესწყობილების დამყარებისა, ატყვილებდა რა ხელისუფლებას, მწერლობას და საბჭოთა საზოგადოებას, გულში ატარებდა მშრომელთა ქვეყნის და საბჭოთა საქართველოს დაღატის მუხანათურ აზრებს...

მისი დაღატის გამომჟღავნების შემდეგ ჩვენთვის აშკარაა, რომ ქართული საბჭოთა მწერლებისათვის ამ უჩვეულო საქციელს სარჩული წარსულშიც ქონდა. და ვინც გაიხსენებს რობაქიძის მუშაობას რუსულ შაერაზმულ პრესაში, მის ბულვარულ რომანს „ფალესტრას“ და იდელისტურ-რელიისტურ წიგნს „გველის პერანგს“ და მთელ მის მხატვრულ პროდუქციას, გამსჭვალულს გადაგვარებულ კლასთა იდეურ სიღატაკით და დაკნინებულს მხატვრული ფორმით, – მისთვის რობაქიძის ეს უმსგავსო და ბოროტი საქციელი გასაგები გახდება, როგორც ლოდიკური დაკუნა ამ განდიდების სენით შეკურობილ, გადაგვარებულ პიროვნების მუშაობისა¹.

პირველი შთაბეჭდილება გამოიგნებელია, რადგან მიმართვას ხელს აწერენ: პ. იაშვილი, ტ. ტიციანი, გ. გაფრინდაშვილი და ნ. მიწიშვილი. ისინი ხომ გ. რობაქიძის უერთგულესი შეგირდები და მეგობრები იყვნენ, მისი თავგამოდებული პატრიოტები.

მახსენდება გრიგოლ რობაქიძისადმი მიძღვნილი პაოლოს ლექსი:

*„მომართვა ჩემი, კარდინალო ჩვენი ორდენის,
იქნება მძიმე.
შენი შუბლი უფრო მძიმეა
ყველა ლექსებზე, რაც მე და შენ დაგვიწერია.
ქება შენ...“²*

და შემდეგ:

*„უწმინდესს გრიგოლს,
უნატრესს გრიგოლს,
უსაყვარელსს გრიგოლს,
უსმენთ სინდისით, სიმკაცრით მდიდარს“³.*

უფრო ადრე, 1916 წელს კი ტიციანი ასე მიმართავდა სათაყვანებელ პიროვნებას:

¹ ქურნ. „მნათობი“, 1935, №4, გვ. 188.

² გაზ. „ბარიკადი“, 1922, №4.

³ იქვე.

„ხარ მონათლული მეორეჯერ დანტეს ემბაზში იყავი მეფე - ზეცას გიწერს ბედის მწერალი და ცემის ორმო და აღდგომის თეთრი მწვერვალი ღიძების ცეცხლი მარად გინთებს სამეფო კარავს.

გამარჯვების მზეს უბედობა ველარ დაფარავს, პოეტს, მეგობარს მამაყვებ მელექსეთ ბაში“.

6. მიწიშვილი კი გრ. რობაქიძეს „ქართული პოეზიის ტკინს“ უწოდებდა. სხვა ანალოგიური ფაქტებიც ტიპტივდება და ლოგიკურად ჩნდება კითხვა: განა შეუძლოთ ზემოთ ფიქსირებული მიმართვის შეთხზვა?

- ფრთხილად მეგობარო, ვეუბნები საკუთარ თავს, თემიდა მკაცრი თვალთ გვიყურებს.

და მართლაც, აქ ხომ ბოლშევიკების ხელწერა ცნაურდება. გილიოტინასთან მოყვანილი გმირები იძულებულნი არიან სიცოცხლის გადარჩენის საფასურად ფაქსიმილიები დაუსვან სხვათა შეთხზულ წერილს.

ამას კარგად გრძნობდა საზღვარგარეთ გადახვეწილი გრ. რობაქიძე და ამითაც აიხსნება ხსენებულ ფაქტთან დაკავშირებული დუმილი. იგი ბოლომდე დარჩა საღად მოაზროვნე პიროვნებად, არასდროს შეპარვია ეჭვი პაოლოსა და ტიცინანის მშობაში. ამაზე მეტყველებს ბერლინის გამომავალ გაზეთ „საქართველოში“ 1942 წელს დაბეჭდილი წერილიც.

გრ. რობაქიძე იგონებს ათიანი წლების მიწურულის ამბებს. როცა ბოლშევიკები აზერბაიჯანში შეიჭრნენ, მე ბაქოში ვიყავი. ორი თვის შემდეგ საქართველოს საელჩოს დახმარებით მოვახერხე თბილისში დაბრუნება. ცოლი კი ყაზახში ჩარჩა. „ერთ დღეს კი ბარათი მივიღე მისგან. მწერდა: „აქ გაჭირვებაა და შიმშილით ღონემიხდილი ბავშვი მომიკვდა; მომაკვდავმა ძუძუსე მიკბინა გამწარებით, როცა რძე ველარ იღემა; ან ხად მექნებოდა რძე ძუძუ დაშრეტილს!“ კვითხულობდი ამ შემზარავ სიტყვებს და ვგრძნობდი უსაზღვრო ტკივილს. ავირჩიე რამდენიმე წიგნი და გავეშურე მთავრობის სასახლისაკენ. მინდოდა წიგნები მთავრობასთან არსებულ წიგნსაცავისთვის მიმეყიდა, სანოვავე მეყიდა და მყისვე დამშუული ცოლისათვის გადამეზხავნა. გზაში პაოლო იაშვილი შემხვდა. გაიგო ჩემი ამბავი. „არაფერია“, - მითხრა მან, „წიგნების გაყიდვა საჭირო არა, მე მოვაწვობ ველაფერს. ამ წუთს პაოლო მართლა „მზის შვილი“ იყო

¹ ქურნ. „კავკასიონი“, პარიზი, 1964, №9, გვ. 6.

ნამდვილი. დატრიალდა, იშოვა სადღაც ფული, იყიდა სანოვაგე და საღამოს, იმავე თუ მეორე დღეს აზერბაიჯანისაკენ გაეშურა. თან გაჰყვა ტიცთან ტაბიძე, მისი განუყრელი მძაღნაფიცო. ფრჭობდნენ, როგორც მახსოვს, საზღვარზე ფოილის ხიდთან. ვინმეს გაატანდნენ ჩემი ცოლისათვის გადასაცემად. რეტდასხმული ვიყავი შვებისაგან. მეორე დღეს დაბრუნდნენ უკან და გავიგე შემდეგი: - ფოილის ხიდთან მაშუალი კაცი ვერ ენახათ ვერაფერს; „მოეთაფლათ“ ჩვენი დარაჯები; ეს კიდევ არაფერი; „მოეჯადოებინათ“ საზღვრის მეორე მხარეზე თვით ბოლშევიკი დარაჯებიც კი. რა დაუდგებოდა წინ პაოლოს მშის თვალისაგან ნაშობ ხიბლს, განსაკუთრებით, თუ ამ ხიბლს ტიცციანის ბავშვური მორცხვობით მჭონავი შინაგანი ძალა დაერთოდა! და აი ასე, უნებართვოდ გადაელახათ საზღვარი, ჩასულიყვნენ აქსტაფაში, იქ მოენახათ კაცი, რომლისთვისაც მიენდოთ პაკეტის გადაცემა ჩემი ცოლისათვის ყახახში“.

არა, ამ ამონაწერისათვის კომენტარის დართვა უხერხულია. ყველაფერი ცხადზე ცხადია.

ანდა გავიხსენოთ გრ. რობაქიძის ბარათი ბერძენი მწერლის ნიკო კამანძაკისადმი, რომელიც 1952 წლით თარიღდება. „თქვენ უკვე წარმოდგენილი გაქვთ, მე რა დღეში ვარ. რამდენიმეს კიდევ დავამატებ. ჩემი მშობლიური მიწა-წყლიდან სრულიად მოწყვეტილი ვარ. 1937 წლის შემდეგ ჩემი ახლობლების შესახებ აღარაფერი გამიგია. მხოლოდ 1939 წელს დედის გარდაცვალება შევიტყვე. ტერორმა დაქსაქსა ჩემი ახლო მეგობრები. პაოლო იაშვილმა, მშის პოეტმა და მშის ადამიანმა, ამავე დროს ჩემმა ძმამ და მეგობარმა საბჭოთა სატანური ზეწოლის შედეგად თავი მოიკლა 1937 წელს. თქვენ იცნობდით მას. თქვენ იცნობით ჩემს მეორე ძმას და მეგობარს პოეტ ტიცციან ტაბიძეს. ის იმავე წელს თურქმენეთში გადაასახლეს. არ ვიცი ცოცხალია თუ არა. რომანისტი მიხეილ ჯავახიშვილი, რომელთანაც ვმეგობრობდი - ისიც ნაცნობია თქვენთვის - დახვრიტეს. დახვრიტეს აგრეთვე ჩემი სხვა მეგობრებიც. პოეტი ნიკო მიწიშვილი...“

როგორც ვხედავთ, კონიუქტურის გათვალისწინებუ აუცილებელია.

კომუნისტურმა დიქტატმა უკიდურესობამდე მიყვანა ადამიანები. იძულებულნი იყვნენ „ელიარებიანათ“ ის, რაც რასოდეს ჩაუდენიათ. ვისაც საქართველოს მწერალთა კავშირის პრეზიდიუმის გაფართოებული სხდომის ოქმი წაუკითხავს (1937 წლის მაისისა), იგი კიდევ უფრო შეძრწუნდება.

¹ ბიულეტენი „გეორგია ელდა“, 1999, №5.

შემართულია ფეხზე ჩახმახი და პოლო იაშვილი იძულებულია საჯაროდ განაცხადოს:

„მე უთუოდ ვიყავი დაკავშირებული ხალხის მტრებთან არ ვიცოდი მათი ფარული ზრახვები, მაგრამ რომ გაპრშენინა მოქალაქეობრივი გამბედაობა, სიფხიზღე, არ მშინებოდა მათი შურისძიების, გულახდილად შეთქვა თავის დროზე კავშირის ხელმძღვანელობისათვის ის, რაც ჩემს გამოსვლებში არ ვთქვი, ამით აცდებოდი იმ მდგომარეობას, რომელშიაც დღეს ვართ“¹.

მე ვგმობ კავშირს ხალხის მტრებთან, ვადასტურებ, რომ ამ ურთიერთობამ მე ჩამომაცილა მწერლობას, წამოიყვანა მრუდე გზით დ უფსკრულის პირას მიმიყვანა.

აშკარად ცრუობს, მაგრამ სხვა გამოსავალი არა აქვს.

მოდით უფრო ღრმად გავიაზროთ დაწვევლილი 30-იანი წლების მოვლენები. სხვა ეპოქაში, ალბათ, სხვაგვარად მოიქცეოდა პ. იაშვილი. მას ვერაინ დასწამებს გულნამცეცობას. განთქმული ვაქცაცია, ნაღდი რაინდი და ორიგინალური პოეტი დახშულ წრეში მოექცა. ამიტომაც ხსნის გზა თვითმკვლელობაში კოვია.

გალაკტიონთან ურთიერთობისას ცისფერყანწელებმა, ვფიქრობ, გადააჭარბეს. შეჭირვებული პოეტი მთელი ცხოვრება გრძნობდა თანამოკალმეთა ჩხვლეტას.

ახლა სხვა მხრივ შევხედოთ გალაკტიონისა და ცისფერყანწელების ურთიერთობას. გალაკტიონს ღირსეული მეტოქეები ჰყავდა და მათთან პაექრობა პოეტური ნერვის გამძაფრებას, მხატვრული ოსტატობის ამადლებას, თვალსაწიერის გაფართოებას უწყობდა ხელს.

ეს არსებითია და მომავალში ამ კუთხითაც უნდა წარიმართოს კვლევა. ვიდრე საბოლოოდ არ გაირკვევა, ვინ ვის რა მხირვ დაუხესხა, დაეწვილა თუ აღემატა, მანამდე შეიძლება ზოგიერთი დასკვნა აპრიორული აღმოჩნდეს.

დიახ, გალაკტიონი გულდადგულ ადევნებდა თვალს ქართული მწერლობის განვითარებას. აანალიზებდა და ანზოგადებდა ცალკეულ პოეტთა მიღწევებს თუ ჩაუარდნებს. ეს მისი მუშაობის სტილი გახლდათ.

1936 წელს ქართულად დაისტამბა ა. პუშკინის ლექსები და პოემები. გალაკტიონს ამ წიგნზე ფრიად მეტყველი წარწერა გაუკეთებია: მთარგმნელი (პ. იაშვილი - ნ. ტ.) ცოდნასა და ენერგიას არ იშურებს. მას ჩემი ლექსებიდან აქვს აღებული

¹ იხ. ფ. დანელია, „მე მამას მოვკლავ, დავახრწობ დედას...“ ანუ ზოგი რამ ჩვენი არქივიდან, გაზ. „დრონი“, 1991, №30.



როგორც სალექსო ზომა, ასევე რიტმიც. ამით, რა თქმა უნდა, იგუბს მთარგმნელი და ავტორიც.

ისიც მახსოვს: პ. იაშვილი ჯერ კიდევ რეაბილიტირებული. გალაკტიონი კი დროდადრო ინსუნებდა პაოლოს მიერ დაწერილ მათხოვარ ღელონტი კანაგარას ამბავს. მერვე, როცა ტანჯული მწერლის რჩეული გამოქვეყნდა და „ფერადი ბუშტები“ წაიკითხე, ჩემთვის აშკარა გახდა: გალაკტიონს თურმე სიყვასიტყვეთ დაუმახსოვრებია ცალკეული ეპიზოდები.

ბარემ ერთ დეტალსაც გავიხსენებ: სკოლიდან დაბრუნებულმა ინფორმაცია მივაწოდე - ა. აბაშელის წიგნის „ოქროს საფეხურები“ დაბეჭდილა-მეთქი.

იმხანად ბინიდან გამოსვლას ვერძალვოდა და დამავალა, დაუყოვნებლივ შევიდა ორი ეგზემპლარი. მიუერთანე. ერთი მე მჩაუქა, მეორე კი კაბინეტში შეიტანა და მცირე ხნით ჩაიკეტა.

გასაკებია, რა მიზნით და როგორი გულისყურით ჩაუღრმავებოდა წიგნს.

ბევრი რამ ითქვა. ახლა კი გალაკტიონის ლაბორატორიაში შევიხედოთ. როგორ მუშაობს? გვინტერესებს არა მხოლოდ თხზვის პროცესი, არამედ მოსამზადებელი პერიოდიც. ყურადღებას ვამახვილებთ შემდეგ მომენტებზე: ა) ზოგადი განათლება, ბ) ლიტერატურის კრიტიკული ჩხრეკა, გ) ქმნადობა.

ამ პერიოდში გალაკტიონი ეწაფება ფილოსოფიას. იგი გატაცებულია ა. შოპენჰაუერთა¹ და ფ. ნიცშეთი. რუსულად გამოცემული „ასე ამბობს ზარატრუსტა“ საგანგებოდ აუტრელებია. ჩანს, ყოველ ფრაზას ყოველ დებულებას უღრმავდება. ამავე დროს ეცნობა ელადიმერ სოლოვიოვის ნაშრომებს... ეს დოკუმენტალურად დასტურდება.

დროის დიდ ნაწილს ქალაქის ბიბლიოთეკაში ატარებს. რამდენადაც გატაცებულია ფილოსოფიით, ბუნებრივია, სხვა მოაზროვნეთა წიგნებიც წაუკითხა.

მეორე მხრივ, კოეზიის თეორიას სწავლობს. ამაზე მეტყველებს ამონაწერები რუსულ-ფრანგული წიგნებიდან. გულდაგულ დაუშუშაკებია 1910 წელს მოსკოვში გამოცემული ანდრეი ბელის „სიმბოლიზმი“...

თქვენ წარმოიდგინეთ, საცნობარო ლიტერატურასაც არ

¹ ცოტა შოპენჰანებით იტყვის კიდევ:

„შე. ვისაც მტანჯველ აზრად გაუარს - დაკმაყოფილდეს ისევ თბილისით, ვინც ღამით დასწავს შოპენგაუერს, რომ უფრო მძაფრად იცხოვროს დღისით“ (ტ. I, გვ. 345).

ტოვებს უყურადღებოდ. ჩვენს ხელთაა ვ. რანცოვის „ხრონოლოგია-
ესეობაში ი რუსისკოი ისტორიი“. ყდაზე წარწერაა: „გ. ტაბიძე,
ბაკურიანი. 1916. თბილისი“. წიგნში აღნუსხულია მსოფლიოს
სხვადასხვა ქვეყნის ძველი, შუა, ახალი და უახლესი ისტორიის
ყველაზე მნიშვნელოვანი მოვლენები. თხრობა ლაპიდარულია.
მაგალითად,

ქრისტეს დაბადებამდე 1388–1322 – რაშხეს II დიდი. ეგვიპტის
ხელოვნების ხელმძღვრედ აყვავების ეპოქა.

1320 – ებრაელთა გადასახლება ეგვიპტიდან.

1209–1244 – რაშხეს III წარმატებითი ომი პალესტინასთან.

ვ. რანცოვის წიგნის შექმნა, უპირველეს ყოვლისა, იმაზე
მიგვიანიშნებს, რომ გალაკტიონი ესწარფვის ცოდნის გაღრმავება-
გაფართოებას და წარმატებითაც აღწევს მიზანს. მას ხომ
დამახსოვრების დემონური ნიჭიც ჰქონდა. მაგრამ არანაკლებ
საკულისხმოა სხვა მხარეც. ფიქსირებული ფაქტებისა და
მოვლენების მიღმა გალაკტიონი ცხოვრების უმძაფრეს და
უფაჩიხეს ეპიზოდებს ჰკრებდა. მისი ფანტაზია ფრთას შლიდა
და პოეტური მაჯისცემა ძლიერდებოდა. ყველაფერი ეს კი, ადრე
თუ გვიან, ორიგინალურად გაცხადდებოდა („სარკოფაგიდან
დგება მუშია, რა სინუმეა, პაერი ლურჯი აბრეშუშია. ორხიდები
ეცემა ნილოსს, როს მწუხარება ქვიშაზე კენესის...“).

რაც შეეხება მხატვრულ ლიტერატურას, იგი გახლავთ არა
გატაცების საგანი, არამედ ყოველდღიური „პური არსობისა“.
გადაუფურცლავს არ ტოვებს გახმაურებულ წიგნებს. თვალყურს
ადევნებს პრესას და მრავალმხრივ ანალიზებს ნაირგვარ
ლიტერატურას. ამ პერიოდში ბევრს კითხულობს ფრანგულად,
განსაკუთრებით სიმბოლისტთა თხზულებებს. იწერს ციტატებს
და აკეთებს შენიშვნებს. მაგალითად, ლექსს „ვინ არის ეს
ქალი?“ წამძღვარებული აქვს ოთხი ეპიგრაფი ფრანგულ ენაზე.
შ. ბოდლერისა და პ. რენიეს სიტყვები ამოღებულია რეში და
გურმონის წიგნიდან, „ყვავილები“, ხოლო პ. ვერლენისა ამ
უკანასკნელისვე ლექსთა კრებულიდან¹.

გალაკტიონი, პირველ რიგში, ანალიტიკოს-მხიბრეკელია. იგი
ლექსს კითხულობს არა მხოლოდ იმიტომ, რომ ავტორის ჩანაფიქრი
შეიცნოს და ესთეტიკურად დატკბეს, არამედ იმ მიზნითაც, რომ
პოეტის ოსტატობა გააცნობიეროს, მის მაგალითზე ისწავლოს
და ამოღდეს.

მგოსანს „თეატრსა და ცხოვრებაში“ წაუკითხავს – გ.

¹ გ. ტაბიძე, თხზ., ტ. I, გვ. 471.



ქუნიშვილის ლექსი „ჩვენი ბუნება ვაგას ნატვრა“ და ქვემოთ მიუწერია „4“. ხელრთვაც იქვეა.

სხვა შემთხვევაში მეტი დაკონკრეტება იგრძნობა. მაგალითად მიხ. ბოჭორიშვილის მინიატურაში „უმიანკობა“ (ესვე „თეატრსა და ცხოვრებაში“ დაიბეჭდა) გადახაზულია ფრაზის „წვიმის წვეთებით დასერილი ქაერის სივრცე“ – მეოთხე სიტყვა („აქაერი“), მართლაც სრულიად ზედმეტია.

უფრო საგულისხმოა პოეტური ასოციაცია – „შეპაექრებანი“. გალაკტიონი ყურადღებას ამახვილებს ლექსის ტექნიკაზე ამ პერიოდის ნაწარმოებები და შენიშვნები ადასტურებს, რომ მგოსანი გატაცებულია რითმათა ძიებით. იგი არა მხოლოდ უეცრად ამოტივტივებულ წყვილს აფიქსირებს არამედ სხვათა ნაწარმოებების ცალკეულ სიტყვათა შთაბეჭდილებებიდან გამომდინარეც ქმნის რკალს, უღელს. მაგალითად „თეატრსა და ცხოვრებაში“ (1916, №13) დაისტამბა გიორგი ლეონიძის „აპრილის შაირიდან“. გალაკტიონს ზოგი რამ არ მოსწონებია და გადაუხაზავს, მაგრამ ამჯერად ჩვენთვის უფრო საგულისხმო ისაა, რომ სტრიქონის თავზე — და კარებს იქით ააკენესა ვიღაცამ თარი“ — დაუწერია „ზამთარი“. ე. ი. „თარს“ „ზამთარი“ გაურითმა. მსგავს შემთხვევასთან გვაქვს გაბრიელ გოგუაძის „გლოვის ველთან“ დაკავშირებით. სიტყვა „პირნათელს“ გალაკტიონი ურითმავს „პირვანდელს“.

ამგვარი პარალელები მოულოდნელი არ არის ლექსთა გადაკითხვისას, მაგრამ ძნელად წარმოსადგენია, რომ იგივე მეორედბოდეს პროზაული ნაწარმოების გაცნობისას. გალაკტიონთან კი ამის მაგალითებსაც ვხვდებით. მას წაუკითხავს მიხ. ბოჭორიშვილის მინიატურა „სვედის სტრიქონები“ და ბევრი სიტყვისათვის მოუძებნია მეწყვილე. მოვიტანთ რამდენიმე ნიმუშს. პირველ სვეტში მინიატურის სიტყვებია, მეორეში გალაკტიონისა.

*თოვლის რიდე
მთა-ბარს
ამ დილით
ფერ-მიხდილი
ხვალ-კიდევ
ამ რიგად
მიდიოდა ის
არარაობას
შეუსაბამო
არ მყვარებია*

*მოისვრიდე
ზღაპარს
ნამდვილით
სიკვდილი
აღს კიდებს
დარეკა, დაარიგა
მაისს, უზუნაისის
სანახაობას, ქანობი
საღამო
მიმკარებია*

ასეთია რამ მხოლოდ ლექსით „დაავადებულ“, პოეზიაში განხაეუბულ პიროვნებას ემართება.

მოტანილ ნუსხაში მძლავრობს შერწყმის პრინციპი. არის დაქტილური და ზედაქტილური რითმები; კლაუსულის საინტერესო ნიმუშები, დახურული და ღია წვეილები, შედგენილი რითმა, მაგრამ მთავარი მაინც ის გახლავთ, რომ მძლავრობს, გალაქტიონი მიისწრაფვის მდიდარი და ღრმა რითმებით შორს გადასწიოს ლექსის აკუსტიკური საზღვარი და შექმნას უმძალვრესი შთაბეჭდილების საფუძველები. რითმა ლექსის სამკაული როდია, იგი თხზულების ორგანული ნაწილია, რომელსაც არა მხოლოდ აზრობრივი, არამედ კომპოზიციური და მუსიკალური დატვირთვაც ეძლევა. რითმის ქდურა ზოგჯერ გაცილებით დიდხანს რჩება, ვიდრე ამ სიტყვათა ინფორმაციასემანტიკით გამოწვეული ემოცია. ამიტომაც ელოლიავენა მას გალაქტიონი.

ფიქსირებული მაგალითები გამოჩინდის არ არის. მაშასადამე, 1915-1916 წლებში გალაქტიონი არა მარტო ლექსწყობის თეორიას სწავლობს, არამედ პრაქტიკულად ინტერესდება რითმათა ქმნადობით და გვთავაზობს კიდევ გამოგნებულ ერთეულებს.

ყველაფერი ეს მოსამზადებელი სამუშაოა, მაგრამ ისეთი, რომლის შედეგის განვითარების კონკრეტული დრო და ადგილი უცნობია. ხშირად თვით პოეტმა არ იცის, როდის დაიწყო ქმნადობის პროცესი, ეს იმიტომ, რომ დაგროვება ანუ რაოდენობრივი ცვლილება (იგულისხმება არა ოდენ ფაქტებისა და სიტუაციების გაშინაგანება, არამედ აზრის მოწიფებს, სულიერი შემზადება და ა.შ.) უწყვეტლივ, მთელი ცხოვრების მანძილზე წარმოებს. და აი, დგება მომენტი, როცა თვისებრივი ცვლილება უნდა მოხდეს. ამ შემთხვევაში ზოგიერთისთვის რაა იმპულსი და ზოგიერთისთვის რა.

კარგად თქვა ვ. კავერინმა: ახსნა იმისა, თუ როგორ იწერება წიგნი, თითქმის იმდენსავე ძალასა და უნარს მოითხოვს, რამდენსაც თვით დაწერა.

ჩვენც ნუ შევუვდიდებით ამჯერად ამ საქმეს. სათანადოდ არც დროა, არც ადგილი და... მაგრამ მკითხველს გარკვეული წარმოდგენა ხომ მაინც უნდა შეუქმნათ მოვლენაზე.

ანალიზისათვის ვირჩევით „მერის“. ეს ლექსი 1915 წელს გამოქვეყნდა „თეატრსა და ცხოვრებაში“ (№36). საკმაოდ გავრცელებულია მოსაზრება, რომ ხსენებული ნაწარმოები გალაქტიონმა შერი შერვაშიძეს მიუძღვნა. მასში ნამდვილი ფაქტის, პოეტის ცხოვრებისეული ტრაგედიის მხატვრული გარდასახვაა.

ერთი ცნობილი პიროვნება იმახაც წერს, თითქოს „გალაქ-

ტიონმა გულახდილად აღიარა, რომ მისი შეყვარებული და მისი პოეზიის მუზა მერი შერვაშიძე იყო, რომ „ჩემი ლექსი „მერი“ მის ქორწილამდე სამი დღით ადრე დავწერე და გავუგზავნი“.

ამ ვერსიას სხვები ახალი დეტალებით, ნიუანსებით აგვიხატეს და ყველაფერს რეალობად სახავენ.

არსებობს სრულიად საპირისპირო თვალსაზრისიც.

მოდით, ჯერ თვით მერი შერვაშიძეს გავუცნოთ.

იგი აფხაზეთის მთავართა შთამომავალი იყო, რუსეთის დედოფლის ფრეილინა, ევროპულად განსწავლული ულამაზესი და უმშენიერესი ქალბატონი. მისი ხიბლით გაოგნებულ იმპერატორ ნიკოლოზ მეორეს ხმამაღლა უთქვამს: „მკრეხელობაა, იყო ასეთი ღამაზი“. მერი ერთხანს ქუთაისში ცხოვრობდა; ცხოვრობდა – არისტოკრატიული განკურძობითა და შებურველობით; მიმდინარე ყოფაზე ამადლებული და მოფუსფუსე ქუთაისისადმი ნიმილისტურად განწყობილი. ამიტომაც თქვა კოლაუ ნადირაძემ: „ვინ მიუშვებდა მასთან ან გალაკტიონს ან მე“.

როგორც გადმოგვცემენ, მერი შერვაშიძეს ქუთაისის მთავარანგელოზის ეკლესიასში ჯვარი დაუწვრია გიგუშა ერისთავზე და საზღვარგარეთ გამგზავრებულია. ცხოვრობდა პარიზს და იქვე მიიცვალა თითქმის 100 წელს მიტანებული.

ირკვევა, რომ მერი შერვაშიძე საერთოდ არ იცნობდა გალაკტიონს!

1980 წლის 18 აგვისტოს წყნეთში ქალბატონ მედეა ჯაფარიძეს, ჩვენს სასიქადულო მსახიობს შევხვდი. ის პარიზული შთაბეჭდილებებით იყო გათანგული და ყვებოდა გატაცებით, არტიტული ცეცხლით. აი, რა გვიამბო მან.

– პარიზში ყოფნისას გადავწყვიტე მენახა მერი შერვაშიძე. თავდაპირველად ეს არ მოხერხდა. მითხრეს გაციებულა და ვერ მიგიღებთო. ჰეშმარიტი არისტოკრატი ეკრძაღვოდა სხვებთან გამოჩენას, თუ სათანადო ფორმას ვერ ინარჩუნებდა.

საფრანგეთში მეორედ ყოფნისას სურვილი ამისრულდა. ქართულ რესტორანში „ოქროს საწმისში“ ვართ. მახლობელ მაგიდას მოხუცი ქალი უზის – ფრიაღ ნატიფი და შთამბეჭდავი.

– ვინ არის?

– მერი შერვაშიძე.

წარმადგინეს. იგი 90 წელს გადაცილებულია, მაგრამ არ ეტყობა. მთელს მის არსებას შინაგანი ცეცხლი და საკუთარი ღირსების შეცნობა ანათებს.

– ეს თქვენ ბრძანდებით, ქართულად რომ კითხულობთ ლექსებს?

1
1919
1919

ჩვენი საუბარი საკმაოდ თავშეკავებული და ზეარისტოკრატიული გამოვიდა. ცხადია, რუსულად ვმეტყველებდით.

მან ბრძანა:

- ამობუნ, თითქოს გალაკტიონ ტაბიძემ „მერი“ მე მომიძღვნა. არ არის მართალი. მე საერთოდ არ ვიცნობდი ტაბიძეს. არავითარი კავშირი არ მქონია მასთან.

- ქალბატონო მერი, აუცილებელი არ იყო ნაცნობობა. თქვენი სიღამაზე იმდენად დამაბრმავებელი იყო, რომ შეიძლება შორიდანაც გამხდარიყავით შთაგონების წყარო.

მიუხედი, ჩემი ვერსია ხელს აძლევდა, სხვა შემთხვევაში ტრადიციულ-არისტოკრატიულ ოჯახში გაზრდილი ქალის მიუკარებლობას ჩრდილი ადგებოდა...

ამას წინადა ბარათი მივიღე. მატყობინებს, მოხუცებულთა თავშესაფარში ვაპირებ გადასვლასო. მივწერე - დასასვენებელ სახლში ყოფნა გაგანთავისუფლებთ წერილმანი საზრუნავისგან-მეთქი.

საოცრად უშწეონი არიან ეს ქართველი არისტოკრატები. ზოგი იმასაც ვერ ახერხებს, რომ... თავი დაიცივას.

პარიზში მელიტა ჩოლოყაშვილიც გავიცანი. იგი ტიცინანის მუზა იყო. მელიტაც ძალზედ ღამაზია, მაგრამ მერის მაინც ვერ შეედრება. ეს უკანასკნელი ხორცშესხმული ანგელოზია, სინატიფისა და ქართული ჯიშის გამოხატულება.

დამეთანხმებით, საგულისხმო მონათხრობია.

გალაკტიონს არ დაუტოვებია დოკუმენტი, რომლითაც მისი და მერი შერვაშიძის რომანი ცნაურდებოდა. როგორც მტკიცდება, მსგავსი რამ საერთოდ არ ყოფილა.

მაშ როგორ დაიწერა მერი?

ერთმა გამოჩენილმა პოეტმა გულახდილი საუბრისას მითხრა:

- ნუ გაგიკვირდებათ, გალაკტიონს კონკრეტულად არავინ უყვარდა. დიდი ხელოვანი შეტრფოდა არა ამა თუ იმ ქალს, არამედ ქალს საერთოდ: თავყანს სცემდა არა ვინმე გიორგის თუ იოველს, არამედ ადამიანს საერთოდ.

ამ შემთხვევაში იგულისხმება ხელოვნებაში გამოხატული საგნის უპირატესობა რეალურ საგანთან შედარებით, მხატვრული განზოგადების სპეციფიკა და საერთო მაღალი იდეალებისადმი ერთგულება.

ახლა თვით გალაკტიონს დაუვადოთ ყური. იგი ბარათაშვილის ღირიკულ შედევრებზე შენიშნავს: „ამ ლექსებში („რად პყვედრი კაცსა“ და „მადლი შენს გამჩენს“ - ნ. ტ.), ამ შავ ლაბირინტში, შორს დაუსრულებელ სიღაჟვარდესში მოსჩანს სათაყვანებელი

ლანდი ბეატრიჩესი, მუდმივად სასურველი და მუდამ მიუღწეველი იდეალი, ციური, ღვთაებრივი სილამაზე, პაუროვანი, უსხეულო ლანდი შორეულ ქალისა, შექმნილი სინათლისა, ღლის წდუქს სურნელებისაგან, ღრუბელი, ოცნება, ანგელოსთა ქვეყნის ანარეკლი. ამ ქალს ბარათაშვილის ღექსში არ აქვს სახელი, მაგრამ შეიძლება განა ამ ბეატრიჩეში, ამ ღაურაში დავინახოთ რომელიმე ქალწული, ან ახლგაზრდა ქალი, რომელიც მხურვალე გრძნობით უყვარდა მგოსანს სინამდვილეში?"¹

ყველაფერი ცხადზე ცხადია. გალაკტიონი პრინციპულად მიჯნავს ერთმანეთისაგან ღექსის გმირს და რეალურ პიროვნებას. პირველი გაცილებით მაღალი, სრული და მრავალმხრივია. კაცმა რომ თქვას, იგი კრებსითი ერთეულია, ოცნება – იდეალის შესატყვისი.

ეს თვალსაზრისი გალაკტიონმა მკაფიოდ გამოხატა ცნობილ ღექსში „რაც უფრო შორს ხარ“:

*„რაც უფრო შორს ხარ, მით უფრო ვტკბები!
მე შენში მიყვარს ოცნება ჩემი,
ხელუხლებელი – როგორც მზის სხივი,
მიუწვდომელი – როგორც ვდები.“*

*და თუ არა ხარ ის, ვისაც ვეჭირობ,
მე დღეს არ ვნადგულობ, დაე, ვცდებოდე!
აჲდამყოფ გულის სურს, რომ მას ოცნების
თეთრ ანგელოზად კვლინებოდე.“*

*დაიწვას გული უცნაურ ტრფობით,
ცრემლით აიუხოს ზღვა-საწყაული,
ოღონდ მჯეროდეს მე ჩემი ბოდვა
და სიყვარულის დღესასწაული“².*

1915 წელს გალაკტიონი 24 წლისაა, ბევრის მხილველი და განმცდელი. არაერთგზის მოხიბლულა ღამაზი ქალით, საფუძვლიანი გატაცებაც ჰქონია. ბოლოს ნაღდი სიყვარულიც ეწვია. მაგრამ ყველაფერი ეს ცხოვრებისეული ფაქტებია და მათი გაიგივება ლიტერატურულ ფაქტებთან მართებული არ იქნება.

ამ პერიოდის გალაკტიონში მძლავრობს მარტოსუფობა, რაც ნაირგვარად მჟღავნდება ღირიკაში. ფაქტობრივად, „მერიც“ ამ

¹ გ. ტაბიძე, თხზ., ტ. XII, გვ. 63.

² გ. ტაბიძე, თხზ., ტ. I, გვ. 57.



მოტივს უკავშირდება.

რადგანაც პოეტს აწვალუბს სიყვარულის ტრაგიკული განცდა იგი უთუოდ უნდა გამოვლინდეს. ამისათვის აუცილებელია როდია კონკრეტული რეალური სიტუაცია. ეს განცდა არც წამიერია. მაშასადამე, მხატვრის კონკრეტული პიროვნების ასლი.

მოცემულ შემთხვევაში საქმე გვაქვს თხზვის ტრადიციულ მანერასთან, მხატვრულ გამოწვინთან, ფანტაზიით შექმნილის გარეაღურებასთან და მისგან მომდინარე განცდებთან.

მერი მგოსნის სულის ნაყოფია და არა ბუნებისა (მერე პოეტიზირებული).

კიდევ ორიოდე სიტყვა მერი შერვაშიძეზე. იგი ძალზე პოპულარული იყო მთელს საქართველოში და არა მხოლოდ საქართველოში.

1915 წელს პაოლო იაშვილი იოსებ გრიშაშვილს წერდა: „ოგონიოკში“ მერი შერვაშიძის სურათი იყო. კარგი იქნება, თუ ქართულ პრესაშიც გადმოიბეჭდებო.

ვტკვარეშეა, გალაკტიონსაც ბეური რამ ექნებოდა გაგონილი მერი შერვაშიძეზე. შეიძლება თვალის მოუკრავს, მაგრამ ყოველივე ეს მაინც არ იძლევა უფლებას, იგი ლექსის პერსონაჟის პროტოტიპად გამოვაცხადოთ.

არ არის მოულოდნელი, უფრო მეტიც, საფიქრებელია, რომ მერი შერვაშიძემ ირიბი გზით მართლაც შეუწყო ხელი ლექსის შექმნას. მხედველობაში გვაქვს ფანტაზიის გაცხოველება, ადფრთოვანება, სილამაზის არსზე დაფიქრება და ა. შ. რაც სხვა ლამაზ ქალსაც შეეძლო.

სხვათა შორის, ლექსის პერსონაჟს შეიძლებოდა რქმეოდა თამარი, ქეთევანი, ნათელა და სხვ. მაგრამ ამით მოვლენის არსი არ შეიცვლებოდა, ნიუანსობრივი სხვაობა კი უთუოდ გამომჟღავნდებოდა. საქმე ისაა, რომ მერი ლიტერატურული სახელია. იგი გვხვდება ბაირონთან, შელისთან, ლერმონტოვთან, ბლოკთან და ა. შ. ამდენად, პერსონაჟი ასოციაციების გამოწვევის გზით „ვეროპეზმის“ იერს და ამჟღავნებულობას იძენს. შემთხვევითი არ არის რომ ლექსის სათაური ლათინური ტრანსკრიპციით დაიბეჭდა - დ. ამრიგად, ლექსის მერი არ არის კონკრეტული პიროვნება, არამედ პოეტის ფანტაზიით შექმნილი სახეა, მისი იდეალი და ხატება.

„მერიზე“ საუბარი გაგვიგრძელდა და ბარემ ერთსაც ვიტყვით. ეს ლექსი გამოქვეყნებისთანავე აიტაცა ფართო საზოგადოებამ.



იხეპირებდნენ, ლიტერატურულ შეკრებაზე კითხულობდნენ და ა. შ. უფრო მეტიც, მის მიხედვით ცოცხალ სურათებს დგამდნენ მთავარმოთ გაზეთ „ჩვენი მეგობრის“ რეპორტიორს: *გაზ. „ჩვენი მეგობარი“*

23 დეკემბერს (1916 წ.) გაიმართა გ. ტაბიძის ტრადიციული ხალამო. მხატვრულ განყოფილებაში „...ცოცხალ სურათად დადგმული იყო ლექსი „მერი“. თაღებს ქვეშ ჯერის საწერად გამოწყობილი დგას ასული და თეთრ სვეტს მიყრდნობილი, ნაბადში გახვეული მოსწანს თვით მგოსანი. ჭიანჭური უკრავს და ღოჭიდან ლექსს „მერი“-ს კითხულობს პაოლო იაშვილი...“¹

ჩვენ ერთ მაგალითზე გავამახვილეთ ყურადღება. ცხადია, სხვა მეთოდითა და მანერითაც იწერება ლექსი.

ახლა ვნახოთ, როგორ ხრულყოფდა გალაკტიონი პირველ მონახაზებს. კვლავ „მერის“ დავესესხოთ, მისი ვარიანტების მიხედვით ვიმსჯელოთ.

გალაკტიონი არა მხოლოდ ხედვის, სმენის და მოვლენების სიღრმეში წვდომის უჩვეულო უნარით გამოირჩევა, არამედ ვარიანტთა დამუშავების ნიჭითაც. მას შეეძლო საათობით მჯდარიყო საწერ მაგიდასთან, ვიდრე ლექსს კონდიციამდე არ მიიყვანდა.

ცვლიდა სიტყვებს, ტაქებს, სტროფებს. ამოწმებდა რითმათა ჟღერადობას თუ სტრიქონთა ეფფონიას, აზუსტებდა აზრის მკაფიობასა თუ სახელთა ორიგინალობას და ა. შ.

აი „მერის“ პირველი სტროფის რამდენიმე ვარიანტი.

თავდაპირველად ლექსი ასე იკითხებოდა:

*„შენ იმ დამეს ჯვარს იწერდი, ჩემო მშვენიერო მერი!
 ეინ ასწეროს შენი სახის მაშინდელი ფერი,
 ეინ ასახოს მისი იმ ჟამს უცხო კრთომა და იერი,
 მაინც ტურფა, მაინც სათნო და უზომოდ მშვენიერი“.*

სტრიქონები არათანაბარი სიგრძისაა – პირველი, მესამე და მეოთხე თექვსმეტმარცვლიანია, მეორე კი თოთხმეტმარცვლიანი. დისონანსი აშკარაა. აზრობრივი თვალსაზრისითაც შეინიშნება გაუმართაობა. „ჩემო“ ნაკლებ გამოხატავს ფაქტობრივ ვითარებას. გარდა ამის, იგი ფამილიარულად ჟღერს და გარკვეულად აფერმკრთალებს ამაღლებულ განწყობილებას.

¹ გაზ. „ჩვენი დროება“, 1916, №242.

გალაკტიონი კარგად გრძნობს ყოველივეს და შესაბამისი შესწორებები შექავეს ტექსტში.

*„შენ იმ ღამეს ჯვარს იწერდი, მშვენიერო-მერი!
ვინ ასწეროს შენი სახის მაშინდელი ფერი,
ვინ ასახოს იმ ჯამადი კრთობა და იერი,
მიანც ტურფა, მიანც სათნო, მიანც მშვენიერი“.*

მეორე პწკარში „უზომოდ მშვენიერი“ შეცვლილია „მიანც მშვენიერთ“. ამით ხაზგასმულია სიტუაციის თავისებურება. პერსონაჟი უდიდეს ტკივილს, სულიერ ტანჯვას განიცდის, რაც გამოწვეულია იძულებითი ჯვრისწერით. ამგვარ ვითარებაში იგი მიანც მშვენიერია. მაშასადამე, მოცემულ კონტექსტში „მიანც“ ინფორმაციულად გაცილებით ტყვადია, ვიდრე „უზომოდ“.

ისიც აშკარაა, რომ ცვლილებამ სტრიქონი უფრო დინამიკური გახადა, სიტყვის შესაშვლ გამოხორებით გრადაცია გაიზარდა.

არც ეს ვარიანტი აკმაყოფილებს მგოსანს და სტროფს საფუძვლიანად ასხეაფერებს.

*„შენ ჯვარს იწერდი იმ ღამეს, მერი!
მერი, იმ ღამეს მაგ თვალთა კრთობა,
მაგ უცხო სახის ელევა და ფერი
მწუხარე იყო ვით შემოდგომა“.*

პირველი სტრიქონიდან ამოშლილია სიტყვა „მშვენიერი“, ვითუტი ზედმეტ ხაზგასმად აღიქმება. გემოვნებიანი მკითხველი ნაწარმოების მთელი შინაარსიდან გამომდინარე ისედაც კარგად გრძნობს მერის სიმშვენიერეს.

ყურადღება მივაქციოთ სიტყვათა განლაგებას. მეორე ვარიანტის წყობა დარღვეულია და სრულიად სამართლიანადაც. მთავარი ის კი არ არის, როდის იწერდა მერი ჯვარს, არამედ ის, რომ ჯვარს იწერდა. ამიტომ დასაწყისში აქცენტირებულია არსებითი. ვარდა ამისა, პირველი სტრიქონი მთავრდება იმ სიტყვით, რომლითაც იწყება მეორე. ეს დინამიკასა და სიმძაფრეს ქმნის. ლირიკული გემრის განცდის სიმძაფრეზე მიგვანიშნებს.

მეორე ვარიანტიდან მგოსანი მხოლოდ ერთ პწკარს ტოვებს და ისიც საკმაოდ ტრანსფორმირებულია.

რატომ უკუაგლო სამი სტრიქონი? ისინი მერის სიმშვენიერის წარმოჩენას ისახავენ მიზნად; მეორე და შესამე ირიბი გზით, მეოთხე კი პირდაპირი მითითებით. მაშასადამე, ჩანაფიქრის გაჭიანურებული გამოხატვა იგრძნობა.

შესამე ვარიანტში ახალი ინფორმაციული ნიუანსია

შემოტანილი: „თვლთა კრთომა“. მრავლის მოქმედია არკოტი „უცხო სახე“, მისი „ელვა და ფერი“, ე. ი. არეკლილი ტანჯვა. ამ შემთხვევაში არა მხოლოდ ობიექტი ხასიათდება, არამედ სუბიექტიც: ღირიკული გმირი სწორედ ამგვარად წელავს და არა სხვაგვარად. ახალ ვარიანტში ფიქსირებულია სიტყვა „მწუხარე“, რომელიც გაცნობს პერსონაჟის შინაგან სამყაროს, თანაც მწუხარება შედარებულია შემოდგომასთან, რაც გზას უხსნის ასოციაციებს, აპურცუფციას და მხატვრული სახეც უფრო შთამბეჭდავი ხდება.

ერთი სიტყვით, მესამე ვარიანტი უფრო შეკრული და გამართულია.

ისიც უნდა ითქვას, რომ პირველი ვარიანტი თექვსმეტმარცვლიანია, მეორე თოთხმეტმარცვლიანი, მესამე კი ათმარცვლიანი. საღეკსო სტრიქონების ამგვარი შეკვეცა შემთხვევითი როდია. პოეტი ეძებს განცდის სიმძაფრის გამოხატვის ოპტიმალურ ფორმას.

შიარი სიმღორეს ქმნის. ათმარცვლიანი აქკარები კი უფრო მოჩუხჩუხეა. სტრიქონიდან სტრიქონზე სწრაფი გადასვლა ხელს უწყობს რიტმის აჩქარებას და, მაშასადამე, ვნებათაღელვის მეტი სიმძაფრით გამჟღავნებასაც.

„მერის“ კანონიზირებულ ტექსტში „მაგ უცხო სახის“ ნაცვლად იკითხება „სანდომიანი ცის“. ნატურალური აღწერა შეცვლილია ბრწყინვალე მეტაფორით. ყოველივე ზემოთქმული იმის ნათელი დადასტურებაა, რომ გალაკტიონი დაუღალავად იღვწის და ფილიგრანულ ოსტატობასაც აღწევს. ისიც გაეიხსენოთ, რომ ჯადოსნური ხელი აქვს, ერთი შეხება და ყველაფერი ოქროდ იქცევა.

დაძაბული მუშაობა ფრიად შედეგიანი გამოდგა. 1915 წელს სამოცამდე ლექსი იწერება, 1916 წელს კი ოცხმოცზე მეტი. ზოგი მათგანი შედეგრია. მგოსანს ებადება სურვილი, ახალი პოეტური აღსარებანი ცალკე წიგნად გამოსცეს. ჩანაფიქრი ასეთია: ხელმოწერა დიდ დროს მოითხოვს. თუ იგი 1916 წლის დამდეგს დაიწყება, შეიძლება ნახევარი წელი გაგრძელდეს. ბუჭღვაც საკმაოდ გაჭიანურდება. მაშასადამე, შესაძლებელია ამ პერიოდში შეთხზული ნაწარმოებებიც შოტანოს კრებულში. ასე რომ, ახალი წიგნი მოცულობით არაფრით ჩამორჩება პირველს.

პოეტი ანთებულია ამ იდეით. მოსვენებას კარგავს. სურს, რაც შეიძლება სწრაფად შეასხას ფრთები ოცნებას. მართალია,



ჯერ გამოცემულს არ მოლაპარაკებია, არც ზოგიერთი საკითხი გაურკვევია, მაგრამ ეს ხელს არ უშლის „თავტრისა და ცხოვრების რეაქციაში ასეთი ინფორმაცია აფრინოს: „გალაქტიონ ტაბიძის ლექსების მეორე ტომზე ნაახალწლევს მთელ საქართველოში და რუსეთის ყველა საუნივერსიტეტო ქალაქში დაიწყება ხელის მოწერა“¹.

ხელმოწერა არ დაწყებულა. არც წიგნი გამოხუდა, როგორც ჩანს, ამ ურთულეს საქმეს ვერ მოაბა პოეტმა თავი. 1916 წელი ძალზე დაძაბული აღმოჩნდა. ერთხანს რუსეთში იმყოფება და ამანაც გარკვეულად შეაფერხა ჩანაფიქრის განხორციელება. არსებითი მაინც ის არის, რომ ამ შემთხვევაში თავი იჩინა „პრაქტიკოსი“ გალაქტიონის არცთუ უცხო თეისებამ – სურვილის რეალობასთან შეუწონასწორობამ. როცა ოცნება ყველაფერს ფარავს, პოეტი ეთიშება სინამდვილეს.

*„მე თვით არ ვიცი, რა მეპართება.
ვერ ვისწავლე ერთი წამით მაინც დაცხრომა!
მინდა, გადმიშვას ნისლმოხევეულმა
მთებმა, რომ დაეინახო ქვეყნის
ყველა პოლუსები...“²*

თავტრისა და ცხოვრება

¹ ჟურნ. „თავტრი და ცხოვრება“, 1915, №52, გვ. 16.

² გ. ტაბიძე, თხზ., ტ. II, გვ. 116-117.

„მე, ნოემბერი და პეტროგრადი“

„ათოვს გამველელებს და გუღცივ ბავშვებს ხად უნდა ნახო აქ თავის თავი? ვილაცა დაქრის და კეცხლს აჩაღებს, მეც ყაჩაღივით ვარ გამბედავი“.

გალაკტიონი

გალაკტიონის ცხოვრების მატეანიდან საგანგებოდ უნდა გამოვეყოთ მოსკოვ-პეტროგრადის ამბები. ეს ოდისეა საყურადღებოა არა მხოლოდ ბიოგრაფიული ასპექტით, არამედ მგოსნის მსოფელგაგებისა და რევოლუციასთან მიმართების თვალსაზრისითაც.

ჯერ ცოტა უკან დავიხიოთ და კოტე მაყაშვილთან გაგზავნილი ბარათი გადავიკითხოთ. იგი 1915 წლის 25 აპრილს დაუწერია გალაკტიონს. „საქმე ის არის, რომ მომავალი ენკენისთვიდან მოსკოვში მსურს წასვლა შინაევსკის კურსებზე. მაგრამ მე უღარბესი მშობლების შვილი ვარ, ამიტომ მინდა თხოვნა მიეცე თბილისის სათ.-აზნ. ბანკს სტიპენდიის დანიშვნის ან ერთდროული დახმარების შესახებ“.

პოეტი სთხოვს ადრესატს, დაუზუსტოს არის თუ არა ვაკნტური ადგილი და რა გზით შეიძლება სანუკვარი მიზნის მიღწევა.

როგორც ვიცით, გალაკტიონს სემინარია არ დაუმთავრებია. ვერც გიმნაზიაში გააგრძელა სწავლა. არადა, ცოდნის გაღრმავების დაუოკებელი წყურვილი კლავს; უნდა, რაც შეიძლება მეტი აითვისოს, უფრო ღრმად ჩასწვდეს ცხოვრებას... მეორეც, უძვირფასესი პიროვნება — ოლია ოკუჯაევა მოსკოვს აპირებს გამგზავრებას და გალაკტიონს სურს მასთან ერთად იყოს.

მარტის მიწურულს გალაკტიონი გაუჩინარდა, უფრო ზუსტად, ქუთაისიდან გაქრა. ძმამ რამდენჯერმე მიაკითხა, მაგრამ მის ასაველ-დასაველს ვერ მიაკვლია. პროკლე შეშფოთებულია და ნაცნობ-მახლობლებს სთხოვს დახმარებას. და აი, 7 მაისს მარია ხაჩატუროვას წერილს იღებს. „გალაკტიონი ქუთაისში არ ჩამოსულა და მეც ძალიან მიკვირდა მისი ამბავი. მაგრამ ეხლა გავიგე, რომ ჭიათურაში ყოფილა. იქ ჩემი დაა და იმან შემომითვალა, რომ აგერ ერთი თვეა აქ არისო. იმისთვის ნუ ჯავრობთ, კარგად არისო“.

გალაკტიონი ოლიასთანაა.

ერთი თვე! უღვიწოდ თრობა და ღვინით სიფხიზლე—

ერთი თვე! მთვარის სონეტა და ღიღილოების ღიმილი.

¹ გ. ტაბიძე, თხზ., ტ. XII, გვ. 553.



ერთი თვე! სავსე თავდავიწყებითა და ოცნებებით...

ზემოთ მოსკოვს გამგზავრების ორი მიზეზი დავასახელებთ. მოდით, ნურც იმას დავივიწყებთ, რომ ახალგაზრდა მკვლევარს გარკვეულად აღიზიანებს და აბოზოქრებს მავან და მავან თანატოლთა საქციელი. ისინი რუსეთის თუ უცხოეთის უნივერსიტეტებში იხმენენ ლექციებს. ამყობენ კიდევ ამით და არცთუ იშვიათად აღმაცერი შემოხედვით უმასპინძლებიან „პროვინციელებს“.

თავიდათვი პირველია და გალაქტიონი იბრძვის მიზნის მისაღწევად. სწორედ ამ პერიოდში არის დაწერილი ტიცციან ტაბიძის ბარათი: „ძირფასო გალაქტიონ! რატომ არი, რომ ერთ წერილს არ მომწერ. შენზე მითხრეს, რომ მოსკოვში მიდიხარ... როგორ არის საქმე? თუ როგორმე შეგიძლია მაქედან გამოსვლა, წამოდი, მერე ჩვენზე იყოს. შენ სადამოხე ვაჟიკითხე ბევრი. ძალიან მინდა გაევიგო, რა წიკითხა პავლემ. კარგი იქნება, თუ ჩამოხვალ. წერილი მაინც მომწერე. აღის და პავლეს მასაც მოაწერიე.“

გალაქტიონ, დროს დაყოვნება არ უნდა. თუ გინდა აქ ჩამოსვლა, იქარე. შენი ტიტე“.

ტიციანი მოსკოვის უნივერსიტეტის ფილოლოგიის ფაკულტეტის სტუდენტია. ბევრი ნაცნობი და ამხანაგი შეიძინა. ხშირი სტუმარია ლიტერატურული შეკრებებისა და დაახლოებულიც არის სიმბოლისტებთან. ასე რომ, მას არა მხოლოდ მეგზურობის გაწევა შეუძლია, არამედ სხვა მხრეც დახმარება.

გალაქტიონმა სხვა სპონსორიც შეარჩია - ქართველთა შორის წერა-კითხვის გამავრცელებელი საზოგადოება და ამ საზოგადოების ქუთაისის განყოფილებას თხოვს შუამდგომლობას. შუამდგომლობა აღიძრა, მაგრამ საქმე ვერ მოვგვარდა.

პოეტე მაინც არ კარგავს იმედს. მომდევნო წელსაც იწვებს იერიშს; ამჯერად უფრო ფართო ფრონტით. სურს საქმეში ნაცნობ-მახლობლები ჩართოს. ამიტომაც აწუხებს ვარლამ ბურჯანაძეს - ქართველთა შორის წერა-კითხვის გამავრცელებელი საზოგადოების კანცელარიის გამგეს, ამიტომაც ესმინება იოსებ გრიშაშვილს, ამიტომაც ეაჯება იოსებ იმედაშვილს¹.

„ძირფასო იოსებ! პატარა სათხოვარი მაქვს - იმედი

¹ იოსებ იმედაშვილისა და გალაქტიონის ურთიერთობა საგანგებო კვლევის საგანია. ნიჭიერმა კურნალისტმა და საზოგადო მოღვაწემ ერთ-ერთმა პირველმა იწამა გალაქტიონის გენიოსობა და უშურველადაც გაუწვდინა ხელი. უყასოდ უგზავნიდა „თეატრსა და ცხოვრებას“, შეუფერხებლად უბეჭდვდა ლექსებს, ამხნევებდა და მფარველობდა. ი. იმედაშვილს ეკუთვნის გალაქტიონის მისამართით ნათქვამი, ესოდენ გაერცვლებული ფრთიანი სინტაგმა: „თუთრი მევე“.

შემისრულებ. მე მივემგზავრები ქალ. მოსკოვს. წერაკითხვის საზოგადოებას გამოვუგზავნე განცხადება: თუ სტიპენდია არ მომცეს, არ ვიცი, როგორ იქნება იქ ჩემი ცხოვრება. მერყავაძე იოსებ! შეახსენე მანდ საზოგადოების წევრებს, აუხსენი, რა მდგომარეობაში ვარ სტიპენდიისა და იქნებ მეშველოს როგორმე. რამდენი ხანია არაფერი არ გამიკეთებია, რადგან მოუწყობელი ვარ, მაგრამ მოსკოვში კარგად ვიმეტადინებ, თუ ძალიან არ გამიჭირდა ცხოვრება. მაშ ველი დახმარებას გამგეობის წევრებთან... რომელიმე შეგობართან. ნაცნობი გვეოლებათ მათ შორის“¹.

ვინ როგორ გაისარჯა, ეს ჩვენთვის უცნობია. ფაქტი ისაა, რომ ქართველთა შორის წერაკითხვის გამავრცელებელი საზოგადოების აღმინისტრაციულმა სექციამ სხვებთან ერთად გალაკტიონის კანდიდატურაც წარადგინა ფარული კენჭისყრისათვის. მაგრამ ამ საბოლოო ინსტანციაში პოეტმა ვერ გაიმარჯვა.

გალაკტიონის ეს სურვილი ძლიერ გახშიანდა, თანაც არა მხოლოდ ქუთაისში.

და აი, თებერვლის დამდეგს პოეტს სოციალ-დემოკრატიული პარტიის ერთ-ერთი თავკაცი ესტუმრა. საუბარი კონფიდენციალურად ჩატარდა. სტუმარმა ნოე ჟორდანიას თხოვნა-დავალება გადასცა – სასწრაფოდ მიეტანა პეტერბურგში წერილი.

ამის შესახებ საგულისხმო ცნობას გვაწვის გალაკტიონის ძმა. პროკლეს 14 თებერვალს დღიურში ჩაუწერია: „ვიყავი ქუთაისში. გალაკტიონი ვანახვ. ორი მანეთი მივეცი. ნ. ჟორდანიასაგან წასადები წერილი მიხვენა. პეტროგრადში აკაკი ჩხენკელსა და კარლოს მიუტანეო...“

ეს ცნობა საინტერესოა არა მხოლოდ სამი დიდი რევოლუციონერის ურთიერთობის შესასწავლად, არამედ ახალგზარდა მგოსნის პოლიტიკური პლათფორმის გასარკვევადაც.

ფაქტის რელობაში ეჭვი არ გვეპარება. საძიებელი სულ სხვაა. რამ განაპირობა ასეთი საპასუხისმგებლო საქმის შინდობა ჭაბუკი პოეტისათვის? ჯერ ერთი, მხედველობაში მოსადებია ის გარემოება, რომ გალაკტიონი სოციალ-დემოკრატიულ პრესაში თანამშრომლობდა. ჩანს აქედან გაიდო ხიდი პარტიის ლიდერებთან თუ თვალსაჩინო წარმომადგენლებთან. გალაკტიონს თავისიანად თუ ვაძლავდებოდა, რასაც ხელს უწყობდა ოკუჯავეების რევოლუციურ

¹ გ. იმედაშვილი, მწერლის არქივში, „ლიტერატურული საქართველო“, 1983, №19.



ოჯახთან მისი სიახლოვე.

მეორე: იქნებ გალაკტიონის პოეტობაც იყო ნაწარმოებები. საქმე ისაა, რომ ხელისუფლების ბევრი წარმომადგენელი აზრით მგოსნები, მით უფრო ახალგაზრდები, შორს დგანან ცხოვრების დუდილისაგან, ვარსკვალებს უღაცეცუბიანო. ამიტომ მათ არაფერს გაუმხელს სერიოზულ საიდუმლოებებს.

საფიქრებელია, იმასაც ითვალისწინებდა ანდრესატი, - გალაკტიონი ნაკლებ იქნება ჩხრკის ობიექტი.

გალაკტიონმა მიზეზთა გამო სხვათა და სხვათა სექტემბრამდე ვერ მოახერხა რუსეთს გამგზავრება. ამიტომაც ბარათი, აღბათ, სხვათა შემწეობით გადაიგზავნა სატახტო ქალაქში.

მაგრამ ეს სხვა თემაა.

ჩვენთვის არსებითი ის არის, რომ ნ. ჯორდანიას ხანდო კაცად თელის გალაკტიონს. საფიქრებელია, ამანაც განაპირობა მოგვიანებით (1920 წ.) პოეტის მუშაობა „სახალხო გვარდიელის“ პასუხისმგებელ მდივნად.

დაეუბრუნდეთ გალაკტიონის განზრახვას. ფულის შოვნა ჭირს. ძირითადი საყრდენი ძმაა. პროკლე უკვე მასწავლებელია. თეიურად 50 მანეთს იღებს. ეს თანხა საჭამელ-სასმელისთვისაც ძლივს ყოფნის. მაგრამ იცის გალაკტიონმა, პროკლე ლუკმას მოიკლებს, ნემსის ყუნწში გაჭურება და ხელს გაუმართავს. ასეც ხდება, თეიურად 20 მანეთს პირდება.

ფინანსური საკითხები თანდათან გვარდება. ახლა სხვა საქმეებსაც უნდა დაადგას თავი. 8 აგვისტოს ტიცციანმა სოფლიდან მოწმობები ჩამოუტანა. იგი მოსკოვს ბრუნდება და გამოშვებებისას ერთხელ კიდევ აფოქრიაქებს გალაკტიონს. ტიცციანის მონათხრობით ფერი და ეშხი ემატება საოცნებო ქალაქს... ბიძაშვილები გვემებს აწყობენ, დეტალებს აზუსტებენ. როგორც ტიცციანი ირწმუნება, გალაკტიონი შეიძლება „ესთეტიური საზოგადოების“ წევრადაც კი აირჩიონ.

საქმეს კარგი პირი უჩანს. გალაკტიონი მცხრე ცაზეა.

20 აგვისტო არასოდეს დაავიწყდება. ამ დღეს გაზეთ „სამშობლოს“ რედაქციაში ახალგაზრდები მოვიდნენ. ია კეალაძეს ეუცხოვა მათი სიმრავლე.

- რამ შეგაწუხათ, ემაწვილებო?
- გალაკტიონ ტაბიძის ნახვა თუ შეიძლება?
- ახლავუ მოვეხმობ.

მცირე ხნის შემდეგ რედაქტორის კაბინეტში გალაკტიონი შემოდის. ახალგაზრდები ესალმებიან. პოეტი შეცბუნებულია; ერთ-ორისათვის თუ მოუკრავს თვალი. საფუძვლიანად არც

ერთს არ იცნობს.

მალალი ვაჟი შეფუთულ ნივთს აწვდის.

– გავიგეთ, რომ მოსკოვს მიემგზავრებით. გკინდა რუმს წარმატება ვისურვოთ და სანუქრად ეს ვერცხდისფროიანი კალაში მოგართვათ.

გალაკტიონს აჟრუღებებს. უმაწვილებს გულში იკრავს.

26 აგვისტოს ერთი დღით სოფელში ჩადის – დედას და ძამას ემშვიდობება. პროკლე 30 მანეთს აძლევს.

ოლიას ბილეთები უკვე შეუძენია.

გამგზავრების წინ ბაგრატის ტაძარი მოინახულა და მშობლიურ მხარეს გამოეთხოვა:

„გემშვიდობებით, მშობლიურო ჩემო გორებო,

თქვენც, ნანგრევებო ციხის და ტაძრის,

გემშვიდობებით! შეძნელება ეს განშორება,

როგორც ლოდინი ბრძოლების მკაცრის...

გემშვიდობები, მჭუხარუო ზვირთო რიონის!

ჟურს ვუგდებ ხმათა შენთა ეღერებას,

რა ამბავს ვატანს ჩემთან მთები კავკასიონის,

უბედობას თუ ბედნიერებას?

არ ვიცი იგი, მომავალი რას შექადება...

რაზე საუბრობს ქარი ზეკარის?

სამშობლო მხარე მე ბურუსში წინ მეხატება:

აღამიანი ზეცას შეხარის“.

ეს ლექსი ეხმიანება ი. ჭავჭავაძის „ყვარლის მთებს“. ფაქტობრივად გამგზავრებასთან დაკავშირებული ეპიზოდი მჟორღება, მაგრამ ერთიცაა. ილიას ლირიკული გმირი უფრო მკიცე და აქტიურია.

2 სექტემბერი. დამის 2 საათი. ძმები რიონის სადგურში ხვდებიან ერთმანეთს. აბესალომი ვზას ულოცავს და წერილმანი ხარჯისათვის 5 მანეთს აძლევს.

თბილისი. მერე განჯა და ბორბლების რახარუხს შეწყვილებული ბაიათები. ბაქოს შავი კოშკურები. კასპიის ზოლი და კავკასიის მთების ხორუმი. რუსეთის უკიდვანო ველები და აკივლებული არყის ხის კორომები.

კუქეში ორნი არიან. ოლია დალობს. ზოგჯერ გალაკტიონის ლექსებს წარმოათქვამს და პიკანტურ ამბებს იხსენებს. ესათუთება საყვარელ კაცს. დროდადრო აფორიაქებს კიდეც. ხან ერთ მგზავრს გაესაუბრება, ხან ვაგონის კართან მდგომ

¹ გ. ტაბიძე, თხზ. ტ. I, გვ. 323.

ჯარისკაცს უღიძის. ქალი კეკლუცობს, ხმაშადლა იცინის და გალაქტიონიც ღიზიანდება.

14 სექტემბერს მოსკოვში წავიდნენ. გალაქტიონი იმავე დღეს ერთ ბარათს დედას უგზავნის, მეორეს ძმას.

„ძამაო აბესალომ! მე მოსკოვში ვარ. გზაში ძალიან დავიღალე და ეხლა ვისვენებ. მოვეწვევ როგორც იქნა. დაწვრილებით მოგწერთ, მხოლოდ ჯერ თქვენ მომწერეთ თქვენი აბგები ამ მისამართით: Москва. Большая Грузинская ул. Георгиевская площадь, дом 2-21, кв. 23. მე რომ დაგიტოვე ერთი მისამართი რატომ წერილი არ გამოგიგზავნე? ველი წერილს.“

მარადი შენი გალაქტიონი“.

ასევე ლაკონიურია დედისადმი გაგზავნილი ბარათი. ერთი კია. ძმასთან უფრო გულახდილია: „მოვეწვევ როგორც იქნაო“. დედას კი, არ შეშფოთდეს და სხვაგვარ ინფორმაციას აწვდის: „... აქ მშვენივრად მოვეწვევ“.

ორ თვეზე მეტი დაყო გალაქტიონმა მოსკოვს. რას აკეთებდა? უმჯობესია თვით პოეტს მოკუსმინოთ. აი როგორ ეხშიანება იგი ძმას: „შენი ორივე წერილი მივიღე. საღდათობამ ძალიან შემიშალა ხელი ყველაფერზე. ჯერ არსად არ ვარ, რადგან იანვარში უნდა დაებრუნდე ისევ ქუთაისში. მანამდე აქ ვრჩები და ვმეცადინებო ხან შინაავსკის უნივერსიტეტში და ხან სხვაგან. ოპ, როგორ არ მინდა დაბრუნება... რამდენი დრო დამიკარგავს ტყუილად. აქ, მხოლოდ აქ, შეიძლება მეცადინეობა. ახლა არ ვიცი როგორ იქნება ჩემი საქმე. პირობები ძალიან ცუდია. იწყება ზამთარი. ფული თითქმის სულ გამომეღია და ჩემი სულიერი განწყობილება თანდათან უარესდება; წინანდელი აღფრთოვანება ეცემა. მგონია ხანდახან, რომ ეს უზარმაზარი ქალაქი უსათუოდ მიმსხვერპლებს, აქაურ ქართველებზე უსაზიზღრეს ადამიანებს ქვეყანაზე ვერ შეხვდები. მაგრამ ადვილად შეიძლება, რომ ასე პირველად მჩვენება. ვწერ ძალიან ბევრს. ფული რაც შეიძლება სასწრაფოდ მომაშველე, რამდენიც იქნება სულ ერთია, აქ ცოტაც საჭიროა და ბევრიც. ძალიან, ძალიან მჭირდება. ოთახში ოცს ვიხდი. Большая Грузинская ул. Георгиевская площадь, дом 2021, кв. 23. ფულიც ასე გამოგზავნე. აქ ისეთი მდგომარეობაა, რომ არ იცი, რა გელის ხვალ. ღმერთმანი, სჯობდა არ წამოვსულიყავი, მაგრამ რადგან წამოვედი ეხლა ჩემსას გავიტან, თუ მოვახერხე, ძალიან დავსუსტდი.“

შენ რას აკეთებ? სწერ? კითხულობ? დედაჩემს მიწერე, რომ კარგად ვარ და ველი მისგან წერილს. შენ იყავი მაგრად და

ყონადად, გული არაფერზე გაიტეხო. ვიყო — ვიბრძოლოთ”.

9 ოქტომბრით დათარიღებული ეს ბარათი არა მხოლოდ ვაქტთა აღნუსხვით არის საყურადღებო, არამედ სტრუქტურით შორის მიმალულ დღეებასა და მოსალოდნელ აფეთქებებზე მინიშნებით.

ქუთაისში ყოველ ნაბიჯზე გრძნობდა საზოგადოების ყურადღებას და საკუთარ ღირსებას. აქ კი—

გივანტური მოსკოვი თითქოს ჩაყლაპავს უპირებს მგოსანს. უსახსრობა ორმაგად მოძივა მოზიშნიმე ქალაქში. საწყაული თანდათან ივსება. „შენ არ იცი რა არის აქ გაჭირვება, — სწერს გალაკტიონი ძმას ერთი თვის შემდეგ, სადმე ან გაიყინები, ან შიმშილით ამოგხდება სული. მე შენ გატყვი, ვინმე შეგობრალეებს: ყველას თავისი საქმე აქვს, დადიან, დარბიან, ფუსფუსებენ ბუხებივით. ივლი მთელი დღეების განმავლობაში და ერთ ნაცნობსაც ვერ შეხვდები, პირდაპირ გაიყინები... გაცივდები. ხედავ უხარმახარ სახლებს, ამჩნევ თუ რამდენი სიმდიდრეა მათში... ყოველ წამს რეკავს ტრამვაი, ქროლავენ ავტომობილები, ძვირფასი ეტლები. ყოველ წამში გრძნობ, თუ რა საშინელი წყველაა კაცისათვის ღარიბად დაბადება. მე არ მიყვარს ჩემს თავზე ლაპარაკი, მაგრამ ეხლა ვიტყვი: ვერავინ ვერ ამჩნევდა ამას, მაგრამ ჩემში ბევრი ცუცხლი იყო, ბევრი სიცოცხლე, ბევრი სულიერი ელვა. ეხლა ვგრძნობ, რომ თანდათან ვიცლები, ებერდები...“¹

ზემოთ მოყვანილ წერილში ჩანს სიღარიბით გულმოკლული პიროვნება, რომელსაც გაჭირვება ღრღნის. ამიტომ თხოვს ძმას, სასწარაფოდ მიაშველოს ფული. უფრო მეტიც, კი არ თხოვს, მოითხოვს. ინდივიდი დათრგუნულია და ეს მრავალმხრივ ვლინდება.

სულ სხვა სულისკვეთება შეინიშნება 17 ნოემბრის ბარათში. „ძმავ აბესალომ! შენგან გამოგზავნილი წერილები და ფული მივიღე. ძალიან დროზე მომიხწრო. საზოგადოთ, ეხლა აქ ძალიან კარგად ეწყობა ჩემი საქმე. სრულიად მოულოდნელად, მე არც კი მითხოვია, აქაურმა ქართულმა საზოგადოებამ დამინიშნა სტიპენდია 30 მან. თვიურად ჯერჯერობით. შემდეგ შეიძლება 5 თუმანიც მომცენ. ფულს ვიღებ ყოველ ოცში. გარდა ამისა, მაქვს პატარა გაკვეთილი სამი საათის, ვიღებ თვიურად ხუთ მანეთს. გუშინ კიდევ გახეთი წავეკითხე და გავიგე, რომ თბილისის თავაზნ. ბანკს ჩემთვის გადაუწვევტია 300 მანეთის გამოგზავნა.

¹ გ. ტაბიძე, თხზ., ტ. XII, გვ. 495.

გასაკვირველია! მე ბანკისთვის არც კი მიმიმართავს. ალბათ კ. მაყაშვილმა მოაწყო. ამ დღეებში უსათუოდ მივიღებ აქ სუბუქ სამუშაო აღიღს, თვიურად თერთმეტი თუმანი იქნება. მაშინ გაკვეთილს მივატოვებ. მაგრამ სამუშაო დრო 9 სათიდან 4 საათამდე... მთელი ექვსი საათი... სრულიად ვერაფერს ვიმეცადინებ, მაგრამ რა გაეწყობა. ასე რომ, როდესაც იმ ადგილზე დავდგები მთლად მექნება თვეში 14 თუმანი და 300 მანეთი კიდევ ზედმეტი. არ ვიცი რატომ, მაგრამ, ყოველ წაშში მგონია, რომ საიდანმე უფრო დიდი ფული მოვა... ერთიც ვნახო და გაემდიდრდი! ა? გამდიდრებამდე შორი გზაა, მაგრამ უსათუოდ მოხდება რამე. ასეთია ჩემი საქმეები.

საზოგადოთ თავს კარგად ვგრძნობ. საზოგადოება კარგად მეპყრობა. ყველაზე მეტად დაეუახლოვდი აქ ერთ ქართველ ექიმს, ძალიან განათლებულს (პრივატდოცენტია მგონი) და სიმპატიურ კაცს „იმედში“ რომ „მე და ონისიშვა“, იმის ავტორის შვილს... ერთხელ ქართული საზოგადოების კრებაზე მოვიდა ჩემთან და გამეცნო. სხვათა შორის მითხრა: Вы можете рассчитывать на мою поддержку, когда будете издавать вторую книжку... ოხრად მდიდარია! ეხლა კიდევ აქ სანატორიას ხსნის.

სხვათა შორის, ის ოცდაათი მანეთი სტიპენდია იმან მოაწყო თურმე საზოგადოების გამგეობაში... ფული ისე მეძლევა, რომ არავინ არ იცის. გამგეობის თავმჯდომარემ, ექიმმა ზანდუკელმა ჩუმად მითხრა, რომ ეს ფული სავსებით შეუტანია ჩემთვის გამგეობაში იმ ასათიანს... ეს სტიპენდია სულ გაგრძელდება, რამდენ ხანსაც მინდა - ხუთ, ექვს წელიწადს.

გაკვეთილიც იმან მიშოვა. შემეძლო 75 მან. ამელო, თუ ხუთ საათს ვამეცადინებდი... მაგრამ ეს შეუძლებელი იყო. სხვათა შორის, ეს გაკვეთილი იმით არის კარგი, რომ მთელ ზაფხულს კრიმში გავატარებდი ამ ბავშვთან ერთად. მაგრამ ზაფხულზე ხომ საქართველოში უნდა ჩამოვიდვ. თუ რამე მიშლის ხელს, რომ ვიმოქმედო, ეს ისევ საღდათობაა. აქ იმნაირად მოვახერხე, რომ სულ არ მომიტხოვენ. ჩემი პასპორტი ჩაწერეს, მაგრამ თეთრი ბილეთი არ წარმიდგენია (პასპორტში ხომ არაფერი არ არის). მწერალი არუით იყო მთერალი და ეს არ შეუმჩნევია. მან ჩანიშნა, რომ მე ჯერ სრულიად არ ვარ მოთხოვნილი (пока не призывается). დანამდელებით ვიცი, რომ აქ არ მომიტხოვენ. მაისამდე არასჯით არ შემიძლია ჩამოსვლა, მაისში კი რას მიზამენ არ ვიცი... ბედზე ვარ შინდობილი. მაგრამ ამასთანავე ღრმად მჯერა, რომ ყველაფერი კარგად წავა. მე ხშირად ვყოფილვარ ასეთ მდგომარეობაში და ყოველთვის საიდანმე

ყოფილა შეველა. ენახოთ, რა იქნება ესლა.

თავისუფალი დრო ცოტა მაქვს. მაგარმ ჩემს მუშაობასაც ვახერხებ. ვკითხულობ ძალიან ბევრს. აქ არის ერთი მუშაობა რუმინანცვეის, რომელშიდაც ყველანი ვიზნია, რაც კი გამოსულა დედაშიწახე... რუსული ვიზნები ყოველნაირია.

თავისუფალი დროს დავლივარ ამ მუშაუში... დავათვალიერებ ტრეტიაკოვსკის გაღერვა - რუსეთის გამოჩენილი მხატვრის სურათები. დიდებული რამეა. ვიყავი ალექსანდრე III მუშაუში, სადაც საუკეთესო ქანდაკებები ინახება. ვიყავი რუმინანცვეის ეტნოგრაფიულ მუშაუშიც. ვიყავი სამხტავრო თეატრში (ჩეხოვის თეატრი). ენახე იქაური საუკეთესო მსახიობი ქალი კნიპერი (ჩეხოვის ცოლი). უკეთეს თეატრს ვერ ნახავს კაცის თვალი. არსად ისე მხატვრულად და მომხიბლავად არ სდგამენ პიესებს - როგორც აქ. შესანიშნავ მომღერლებს, ლექტორებს, მსახიობებს, ბევრს მოუესმინე. წარმოიდგინე, აქ ტყვილად ქუჩებში რომ იარო, ესეც დიდი სარგებლობაა. შესანიშნავი სტილის სახლები, საუცხოო ბაღები, ძეგლები. გასაოცარია პუშკინის ძეგლი. სულ უბრალო, პუშკინის არაჩვეულებრივი პოზა, აქ სხვანაირ სახეს იღებს და გრძნობ თუ ვინ იყო პუშკინი. ენახე კრემლი და სხვ. ერთბაშად ვერ ჩამოვთვლი ყველაფერს.

ვერ წარმოიდგენ რანაირად ველი ომის გათავებას... როგორც კი ეს მოხდება, ჩემი პირველი მიზანია მოგზაურობა... მთელ დედაშიწას შემოვივლი... ქუთაისში ეს მე შეუძლებლად მიმაჩნდა, აქ ვგრძნობ, რომ ეს სულ ადვილი შესაძლებელია. მოსკოვი - ცოტა კიდევ იქით და პარიკი, ლონდონი, ნიუ-იორკი... იტალია და ნორვეგია... სულ ცოტა ხანში რაფაელის სურათების წინ გაჩერდები ან ოსკარ უილდის სამშობლოში გაქროდები. არაფერი არ არის შეუძლებელი. ყველაფერი შესაძლებელია.

მე უკვე შხად მაქვს მეორე ვიზნი, რომლითაც ყალყზე დავაყენებ მთელ საქართველოს. აი ნახავ! მალე კიდევ აქ გავმართავ ქართულ სადამოს, რომლითაც მთელ მოსკოვს ჩემებურად ავალაპარაკებ.

ვინ იცის, შეიძლება მალე ძალიან დიდი, ცნობილი კაცი გავხდე? შეიძლება მსოფლიოდ ცნობილი? რას იტყვი შენ ამ დებულებაზე? ა? ვითომ რამ უნდა შემოშალოს ხელი? მართლა, ეხუმრობ, მე სრულიადაც არ ვოცნებობ ამაზე.

ვერ წარმოიდგენ, თუ რა იაფია აქ ვიზნები. მაგალითად, თვიური ეურნალი სიმბოლისტების, შესანიშნავ ქაღალდზე დაბეჭდილი და არისტოკრატულად გამოცემული „Персона“-ი ვიყიდვ მანეთად. წარმოიდგინე თორმეტი დიდი ვიზნი მანეთად. შიგ

ყველა თანამედროვე ცნობილი სიმბოლისტებია... რა წიგნიც
გინდა, იმას იყიდი იაფად. ძვირფას რამეს ხანდახან, იაფად
იყიდი. ამას წინად ორი მშვენიერი ვაზა, ოც მანეთად ღირებული
ვიღაც რუსმა ქუჩაში ათ შაურად მომიყდა. ვაზები სხვას ვაჩუქე.
რადგან ძალიან მოეწონა... წიგნებს კი ძალიან ბევრს ჩამოვიტან
ზაფხულზე.

დედაჩემს წერილს გავუგზავნი... ყოველთვის მაწუხებს ის, რომ
სანამდე იგი მიიღებს წერილს, ათასის ხელში უნდა გაიაროს...
მისწერე შენ, რომ ხშირად ილოცოს ჩემთვის და ნუ იდარდებს
ჩემზე, რომ მე მშვენივრად ვცხოვრობ.

როგორაა შენი ხალდათობა? შენი სულიერი განწყობილება?
სულ მოწყვნილი ხარ, შე საცოდავო! ყველაფერში მეტი სიხალისეა
საჭირო, თავდავიწყება, გატაცება, რისკი!

ფული არ მჭირდება. როდესაც დამჭირდება მე თვითონ
მოგწერ. ჩემს მისამართს რა თქმა უნდა არ გააცხადებ. აქ ყოველ
დღე თოვლია და ტიტეს ვხედები ხანდახან. ძალიან მოწყვნილია
და ხანდახან ეძღვევა. ამბობს, რომ ჭირივით შესძულდა მოსკოვი.
აქაური ქართველი სტუდენტები ყველა დაგლახაკავენებულა,
დადიან და წუწუნებენ რაღაცაზე.

მშვიდობით! იყავი ყოჩაღად! მომწერე წერილები და ნუ
გეწყინება თუ პასუხი დამაგვიანდეს... სწერ რამეს? ხომ არაფერი
დაგიბეჭდავს? მომწერე ყველაფერი“.

ინფორმაციისათვის: ბარათში მოხსენებული სიმპათიური
ქართველი ექიმი მიხეილ მიხეილის ძე ასათიანია. შემდეგში
სახელმწიფოებრივი მეცნიერი, ფსიქიატრი და ფსიქოთერაპევტი. ის
მართლაც მუშაობდა ნევროფსიქიატრიულ სანატორიუმში.

მიხეილ ზანდუკელიც (ოთარის ძე) ცნობილი პიროვნებაა,
მოსკოვის ქართველთა სათვისტომოს თავკაცი. შემდეგში
პროფესორი და საზოგადო მოღვაწე, საქართველოში საკურორტო
საქმის ერთ-ერთი ფუძემდებელი.

ბარათის მიხედვით, გალაკტიონი კარგ საზოგადოებაში
მოხვდა. მგოსნანს კეთილი თვალთ უყურებენ. აღიარებენ მის
გამორჩეულობას.

პოეტი ბევრს მუშაობს. იღრმავებს ცოდნას და იხვეწს
გემოვნებას. საგანგებოდ უღრმავდება სიმბოლისტთა
შემოქმედებას. აანალიზებს XIX-XX საუკუნის კლასიკოსთა
თხზულებებს. ხშირი სტუმარია მუზეუმებისა და თეატრისა.
ყოველივე ეს ხელს უწყობს მისი პოეტური ნერვის გამძაფრებას.

წერილი იმითაც არის საგულისხმო, რომ გალაკტიონის
ოცნებასა და სურვილებს ამზეურებს. მასში სვებედნიერი კაცი

ენამზიანობს. ახლა გავიხსენოთ წინა ბარათი - სრულად განსხვავებული განწყობა, ტენდენციები.

განა ათ დღეში შეიძლება ასეთი რადიკალური გარდატეხა მომხდარიყო? საეჭვოა. 17 ნოემბერს ცოტათი უგზავნიერებელი გალაკტიონი ხომ არ უზის საწერ მაგიდას?

ღმერთო, მაპატიე და ასე მგონია, სასურველი რეალობად არის წარმოჩენილი. ეკონომიური სიძლიერე მირაჟია.

შეიძლება ოპონენტი შემომედავოს. აკი წერს ძმას „ფული არ მჭიდვობა“. ეს იმით უნდა აიხსნას, რომ დღე-დღეზე მოსკოვიდან გამოშვავრებას აპირებს. შეჭირვებულად რომ ცხოვრობს, ამაზე არა მხოლოდ 6 ნოემბრის ბარათი მეტყველებს, არამედ 27 ნოემბრის ანონიმური წერილიც. უცნობი, საფიქრებელია, ოღონო ოკუჯავას შთაგონებით, აი რას სწერს გალაკტიონის დედას:

„დიდათ პატივცემულო ბატონო!

გიძღვნით საღამას მოსკოვიდან, როგორც გალაკტიონის დედას, ბედნიერ დედას, რომელიც უნდა ამაყობდეს ასეთი შვილით, როგორიც არის ჩვენი მგოსანი გალაკტიონი. მე ბოდიშს ვიხდი თქვენს წინაშე, რადგან სრულიად თქვენთვის უცნობი ვინმე თავსე გაბეზრებდეთ იქნებ თავის წერილით.

მე ვარ ერთი გალაკტიონის ნაცნობთაგანი, რომელმაც ჩემი ხელი არ იცის. მე მას დიდ პატივს ვცემ, როგორც კარგ ადამიანს, ძლიერ და დიდ მგოსანს (და ვინ არ სცემს მას პატივს?). ეხლა მთელ საქართველოში მწერლებში მას პირველი ადგილი უჭირავს. მაგისთანა ახალგაზრდას რომ ასე მალე გამოუჩინოს თავისი დიდი ნიჭი, ჯერ საქართველოს არ ახსოვს და აწი კიდო თან და თან სულ წინ მიიწევს. კიდევ მსურს გულითადი საღამი უძღვნა გალაკტიონ ტაბიძის დედას!

გალაკტიონი აქ მეცადინეობს ბევრს. ცოტა დადლილი არის, დასუსტებული, მაგრამ ეს ეხლა მისთვის კარგი არის. ოცდახუთ ნოემბერს ის წამოვიდა საქართველოში საღდათობის თაობაზე. მას ეხლა უნდა დაეხმაროთ, ბატონო, ყველა, თვარა საღდათობის ატანა მას სად შეუძლია, ისეთი სუსტია. აქ ძლიერი სიცივეები არის და წამოსვლის დროს უთხარით, რო მაქ იყიდოს თფილი პალტო აუცილებლათ, თორემ აქ ძლიერ ძვირია. ერთი სიტყვით ძაან თფილათ უნდა ჩამოვიდეს. ამას იმიტომ გწერთ, რომ თქვენ დააძალებთ; პატივსაც ვცემთ და აასრულებს თქვენს სიტყვას. აქ მას ახლობელი არავინ ჰყავს, ყოველ წამში რომ მოაგონოს და თვითონ კი, როგორც ბავშვს არ შეუძლია თავის მოვლა, ისე მაგას. გთხოვთ, ბატონო, გალაკტიონს ამ წერილის არაფერი უთხრათ, რადგან დარწმუნებული ვარ, ეწყინება, თუმიცა ვერ გაიგებს ვისი

მოწერილია. უკაცრავთ, შეგაწუხეთ. პარტიის ცემით“.

ღიახ! ნამდვილად არ უღხინს პოეტს. რუსული ზამთარი სულს უთოშავს. ფინანსებიც დაიშრიტა. საღდათობის საქმეც მოსაგვარებელია და ა. შ. განხილული წერილები¹ არცთუ მცირე ინფორმაციას შეიცავენ, მაგრამ მგოსნის შემოქმედებით საქმიანობაზე მანიც ზოგად წარმოდგენას გვიქმნის. ჩვენთვის კი, უწინარესად, სწორედ ის არის საინტერესო, კონკრეტულად თუ რა სახის სამუშაოს ეწეოდა პოეტი.

საარქივო მანაცემებსა და სხვა სახის მასალაზე დაყრდნობით ნაწილობრივ ხერხდება ამ კითხვაზე პასუხის გაცემა.

გალაკტიონს არ აკმაყოფილებს გამოქვეყნებულ ლექსთა ერთი ნაწილი. ისინი სერიოზულ გადამუშაებას საჭიროებენ და პოეტიც საგანგებოდ უდრმავედება მათ. ჩვენს ხელთაა გახეთ „თანამედროვე აზრში“ დასატამბული „ყოველ თეთრ ღამეს“, რომელიც პოეტს საფუძვლიანად გადაუშუშავებია (ხელნაწერს ბოლოში ფანქრით ასეთი მინაწერი აქვს: „სათვისტომოდან არავენ ჩანს. ოლია იგვიანებს“).

გალაკტიონი აზუსტებს დეტალებს, რანდავს ფრაზებს, ქმნის ორიგინალურ ტროპებს და თვალსაჩინოდ ტრანსფორმირებულ, თითქმის ახალ ნაწარმოებს გვთავაზობს.

ნათელი რომ იყოს რედაქტირება-თხზვის მასშტაბი და ხარისხი, ტექსტებს გვერდიგვერდ მოვიტანთ და ცვლილებებსაც გავხაზავთ.

ყოველ თეთრ ღამეს

ყოველ თეთრ ღამეს, მთვარიან ღამეს
ვიღაც საღამურს გრძნობით ატირებს,
ამ დროს შეაღამის თეთრი ღანდები
დასთამაშებენ ტბის ვრცელ ნაპირებს,
ამ დროს ცა უფრო გამჭვირვალეა
და მთვარე რონინს უფრო ახშირებს
და გულიც ამ დროს უფრო ხშირად სცემს
და ცრემლიც თვალგან რბენას აპირებს.
მთებს სძინავს, სძინავ მდინარის ზვირთებს,
შორი სივრციდან ვერცხლივით ბზინავს
და ნაზი პანგი ჩვეულ ოცნების
დაუბრკოლებლათ მიაქრის, მიფრინავს...
მე მჯერა, ვიღაც სპეტაკი გული,
უსმენს საღამურს, უსმენს და გმინავს,
ჩემებრ დაეძებს ნათესავ ღანდებს
და სძინავ არეს, უწყინრათ სძინავს!

¹ გ. ტაბიძე, თხზ., ტ. I, გვ. 444-445.

პრიმიტივი

ყოველ თეთრ ღამეს, მთვარიან ღამეს
ვიღაც საღამურს გრძნობით ატირებს
ვარსკვლავნი რთავენ ამ დროს მიდამოს:
უცხო ღელეებს, ცისფერ ნაპირებს.

გამჭვირვალე ცა თვალებს იტაცებს
და მთვარე რონინს უფრო ახშირებს
და გულიც ამ დროს უფრო ხშირად სცემს
და ცრემლი თვალთგან რბენას აპირებს.

მთებს სძინავს. სძინავს, სძინავს მდინარეს,
შორის სიურციდან ვერცხლივით მზხინავს
აფრთოვანება აგიფებს თარებს
და ისარის ფრთით ფიქრი მიფრინავს.

და მჯერა: ვინმე განთიამდე
ისმენს ამ ოხვრას და მწარე გმინვას,
კივის... დაეძებს ნათესავს ლანდებს
დ ყველას სძინავს, სძინავს... ოჰ! სძინავს!

რატომ შეცვალა „სძინავს მდინარის ზვირთებს“ სინტაგმით „სძინავს მდინარეს“? პოეტს არაბუნებრივად ეჩვენება ზვირთის დაძინება და სამართლიანადაც. სადაც ზვირთია, იქ ძილი გამორიცხებულია. აზვირთება ანტიპოღია ძლისა. მდინარის ძილი კი გასაგებია. ამ შემთხვევაში ტალღა არ ჩანს, ზვირთი გამჭრალია, ზედაპირს სიბლანტე გადაკვრია.

პოეტს ასევე არ მოსწონს მითითებული სტროფის მესამე და მეოთხე ტაქტები, რადგან ისინი მინორულ განწყობას უქმნის ფონს და რამდენადმე პროზაულადაც ვლერენ. გასწორებული ლექსი სიმძაფრითა და ხატოვანებითაც გამოირჩევა.

ბოლო სტროფის ტრანსფორმაციამ პრინციპული სიახლე მოგვცა – სუბიექტური „მეს“ უკუგდება და „ვინმეს“ შემოყვანა განზოგადების მასშტაბს ზრიდს.

სხვა ცვლილებებიც ლოგიკურია და გამართლებული.

ამ ერთ მაგალითზე დაყრდნობით შეიძლება განზოგადებული დასკვნის გამოტანა, რომ გალაკტიონი მართლაც, უშურველად იხარჯება, თავდაუზოგავად შრომობს.

ამჯერად არაფერს ვლაპარაკობ სხვა ასპექტებზე – მასალის დაგროვებასა და ახალი ლექსის შემქნაზე.

¹ გ. ტაბიძე, თხზ., ტ. III, გვ. 266-267.

...მაშ ასე, 25 ნოემბერს გალაკტიონი სამშობლოსაკენ მოეშურება.

„რა ბედნიერი ვარ, რა ბედნიერი ვარ! – სწერს იგი ოლიას – როგორც კი გამოესცდი როსტოვს, დაეინახე ჩვენი ლურჯი ცა და ვიგრძენი მხურვალე მზე. აქ ეხლა გა'ხაფხულია, სითბოა. როგორც კი ჩამოვედი ქუთაისში, მაშინვე ღვინოს მივაშურე, ესვამ და ვწერ ამ წერილს... რა ბედნიერი ვარ, რომ იცოდე...“

დასწვეველოს ღმერთმა მოსკოვი! მე მალე ჩამოვალ ალბად, მაგრამ რა ეშველება სიცივეს, რომელიც მაქ არის? აქ ეხლა გა'ხაფხულია. ნეტავი ჩამოხვიდოდე! როგორ გამოცოხლდებოდი, ვერ წარმოიდგენ. შენ ეხლა მანდ გძინავს, მზე გჭირია! აქ ვგრძნობ მხოლოდ, რომ ღმერთი ვარ!¹

გალაკტიონი ბუნებით იყო დაუდგროშელი. ერთფეროვან, თუნდაც საამო ცხოვრებას აგრევივად ვერ ეგუებოდა. ახლა კვ ხალტირებულა, ჩქეფს, ბობოქრობს...

მეგობრები, მახლობლები... დიმილი და პატივისცემა.

ერთი სიტყვით, თავით გადაეშვა ლიტერატურულ ცხოვრებაში. დღეები რბიან ვით კამათელი.

შუქი და ჩრდილი, ჩრდილი და შუქი.

ცხოვრება მაინც აწეწილია. ერთი სამხრეთშია, მეორე ჩრდილოთში... ძლიერ, ძლიერ ენატრება ოლია, ბარათებით უხმინება, ამხნევებს: უცილობლად გაწევევი, კარგ ოთახს ვიჭირაკებთ და ვიცხოვრებთ მეუღროდ, ვეელასაგან დაშორებულიო.

ღვება 1917 წელი.

ქუთაისში ქარიშხლის მომასწავებელი ღრუბლები ივრავნება. იმპერიალისტური ომი მძინეარებს და გალაკტიონი კვლავ იღებს არმიაში გაწევევის უწყებას. ერთხანს ახალგაზრდა მხატვარ ჩუდვეციისთან ცხოვრობს. სრული ბოქემა.

თებერვლის დამდეგს დიდი უსიამოვნება შეემთხვა ბეგლარ ახოსპირულთან ერთად. სიმშვიდისა და წესრიგის დარღვევისათვის ორი კვირით პატიმრობა გადაუწევიტეს. ძლივს დაუძვრა პოლიცმეისტერ ლავრენტი მახარაძეს. იმალება.

შემოქმედებითი პულსი კი მაინც ძალუმად ცემს. ერთბაშად ორი წიგნის გამოცემა განიზრახა – ქართულად და რუსულად. სწორედ ამ ხანებში დაუახლოვდა იგორ სევერიანინს. მოხიბლა მისმა უშუალობამ და განსწავლულობამ. იგორს მოსწონს გალაკტიონის ღექსები და შეპირდა კიდევ, ვთარგმნიო.

ახლა მთავარია ეს დაპირება შესრულდეს, სხვებიც ჩართოს საქმეში. რაც შეეხება წინასიტყვაობას, ოლიას დააწვინებს.

¹ გ. ტაბიძე, თხზ., ტ. XII, გვ. 518-519.

ქართული წიგნის გამოცემა უფრო იოლად მოხერხდება.
დექსები საკმაოდ დაუგროვდა. ხელნაწერთა ნაწილი თან აქვს

ხოგიც ოლიასთან მოსკოვში. უთუოდ გამოაგზავნინებს.
გეგმები... სურვილები... მაგრამ მათ მიწვივ განხორციელება
არ უწერიათ.

უჩვეულო გრიგალმა ყველაფერი ყირაზე დააყენა, როგორც
თვითონ წერს: თებერვლის რევოლუცია ისე მოულოდნელად
დააცხრა ქუთაისს, როგორც ქორი. მგოსანი აღვზნებულია.
გადახალისდა, თითქოს სხვა კაცად იქცა, ახალი საზრუნავი
გაუნდა. „აქ იმდენი საქმეები მაქვს და ისე დიდი საქმეები,
რომ ნებას არ მაძლევს ასე ადვილად შივარტოვო ქუთაისი“¹ –
სწერს დედას. რაც მთავარია, აღფრთოვანებით ეგებება ახალი
ეპოქის დაწყებას. ამის უპირველესი დასტურია გაზეთ „სოციალ-
დემოკრატში“ გამოქვეყნებული „დროშები ჩქარა!“

„გათენდა, ცეცხლის მზე აენთო, აცურდა...“

დროშები ჩქარა!

თავისუფლება სულს ისე მოსწყურდა,

ვით დაჭრილ ირმების გუნდს – წყარო ანკარა...

დროშები ჩქარა!

დიდება ხალხისთვის წამებულ რაინდებს,

ვინც თავი გასწირა, ვინც სისხლი დაღვარა.

მათ ხსოვნას ქვეყანა სანთლებად აინთებს...

*დროშები ჩქარა!**

დასაწყისი განთიადისა. წინ დიდი გზაა. ამიტომაც იყრის
მუხლს იმათ წინაშე, „ვინც კიდევ გვაბრძოლებს იმედით“.

პოეტის გაგებით, თებერვლის რევოლუციის ისტორიული
მნიშვნელობა ცარიზმის დამხობაში გამოიხატება. დექსში
„ათრობდა ხალხთა მწუხარება“, რომელიც 1917 წლის 25
მარტს არის დაწერილი, არა მარტო წარსულის სურათებია
გაცოცხლებული, არამედ მოხაზულია მომავლის კონტურებიც:

„ამხანაგებო! განახლების ზარმა დარეკა,

ტახტი დაეცა და იმედად ქაოსზე დგება:

*თანასწორობა, რესპუბლიკა, თავისუფლება!**

გალაქტიონი გულწრფელია, ნაღდი და უშუალო. ეს
ცნაურდება დედისადმი გაგზავნილ ბარათშიც: „უხლა გამაგრდი,
დედა! მთელი ქვეყანა გახარებულია თავისუფლებით. შენც უნდა

¹ გ. ტაბიძე, თხზ., ტ. XII, გვ. 492.

² იქვე, ტ. II, გვ. 7.

³ იქვე, გვ. 8.

იყო მხიარულად¹.

სხვაგვარად არც შეუძლო. მსოფლმხედველობით, ცხოვრების წესით, მთელი არსებით იგი მუამბოხე იყო. პირადი და საზოგადოებრივი მძლავრად გადაკეცვანდა ერთმანეთს და მშვილდის მოხიდევაც აუცილებელი გახდა.

დავიწყოთ იმით, რომ თავმოშვონე ყმაწვილი ყოველ ნაბიჯზე გრძნობდა სიღარიბის და სოციალური უსამართლობის ხუსხს. თავიდანვე სანატრელი ქონდა რიგიანი ბინა. გაცრეცილი ხალათით დადიოდა და ზოგჯერ უგროშოდ დარჩენილს პაპიროსის ნაშვკაეების შეგროვებაც უხდებოდა. ვალები და დამამცირებელი თხოვნა... ისევ ვალები და კვლავ თხოვნა.

უჭირდა დედას, უჭირდა ძმას, ხსნა არსაიდან ჩანდა.

მის ირგვლივ კი არცთუ ცოტანი ტკებოდნენ ამა სოფლის სიაშით. ისინი პირადი ღირსებით მუხლამდეც ვერ მიწვდებოდნენ გალაკტიონს და მაინც შაღლიდან დასცქეროდნენ.

რატომ ხდება ასე? - ეს კითხვა აწამებდა პოეტს.

საჭირო არ არის მაგალითების მოხმობა იმის საჩვენებლად, თუ რა შიძვე პირობებში ცხოვრობდა გალაკტიონი. მაგრამ შეცდომა იქნებოდა, პოეტის უკმაყოფილებისა და აბოლოქრების მიზეზად ოდენ პირადი ხვედრი მიგვეჩნია.

გალაკტიონი ხალხის ჭეშმარიტი მესიტყვეა, მისი სიხარულით ხარობს, მისი ტანჯვით იტანჯება. მას არ შეუძლია გულგრილად უცქიროს სოციალურ ავბუღითობას, არ შეუძლია ინდიფერენტული იყოს ეროვნული ჩაგვრისადმი.

შემთხვევითი არ ყოფილა, რომ 1905 წლის ამბები გალაკტიონმა გულთან ახლოს მიიტანა... მოთმინების ფილა თანდათან იესება. ადრინდელ ინსტიტურ გაბრძოლებას გაცნობიერებულ-დასაბუთებული პროტესტი ენაცვლება. ამაში არცთუ მცირეა ოლია ოკუჯაეას ოჯახის წვლილი.

ყოველივე ზემოთქმულიდან გამომდინარე, ლოგიკურია ხსენებული ღეჰსების დაწერა. გალაკტიონი მზად იყო ბარიკადებზეც დამდგრაიყო. არ ვიცით, რამდენად ზუსტი მსროლელი იქნებოდა, მაგრამ როგორც ტრიბუნს, ალბათ, ბევრი ვერ გაუსწორებდა მხარს.

არადირიკული გადახვევა: ტაბიძეების ოჯახში იარაღისადმი ხაოცარი სიძულვილი და შიში სუფევდა. არც სტეფანეს, არც ვახილს, არც აბესალომს და გალაკტიონს სანადირო თოფი რა არის, ისიც კი არ ქქონიათ.

¹ გ. ტაბიძე, თხზ., ტ. XII, გვ. 492.



ეს შემთხვევითი როდია.

მახსოვს, 50-იანი წლების დამდეგს ჩემი უფროსი ძმა ვასილი და მე სოფელში კომუნების ხეივანს ებარავდით. ერთგან ბელტის ბალოების ნამსხვრევები ამოჰყვა. ორმო გავადრმავეთ და ნაგანი ამოვარდა. დოღის ხუთი ნახერეტი მიწით იყო გაჭედილი, ორმოში კი ტყვიები ჩაქანებულყო. ჩანდა, საგანგებოდ დაეფლოთ სხვადასხვა ნივთი, მაგრამ, ნაგანის გარდა, თითქმის ყველაფერი მიწას შეეჭამა.

საიდან გაჩნდა? ეს კითხვა მთელი ზაფხული არ მასვენებდა. არდადეგების შემდეგ თბილისს დაბრუნებულმა ფრთხილად ჩამოვეუდე სიტყვა:

– იარაღს თუ ატარებდით?

გალაკტიონმა შესფოთებით შემომხედა.

– იარაღს ვრიდე, იარაღს ვრიდე! – იმგვარად მითხრა, რომ საუბრის გაგრძელებას აზრი არ ჰქონდა.

დავიჭირე ზუსტად ის ნოტი, რომელსაც ყოველთვის ვგრძნობდი შოკლე და შეფარვითი დამოძღვრისას:

– ღვინო საშინელებაა, ღვინოს უნდა ვრიდო!

და მართლაც, არაერთგზის და არაორგზის ვსლებივარ ბაზარსა თუ ლუდხანაში, სასადილოსა თუ რესტორანში; ზოგჯერ ფხიზელს, ზოგჯერ შეჭიკტიკებულს, ზოგჯერ გაღუწილსაც, მაგრამ არ მახსოვს, თუნდაც ჭიქა ღვინო შემოეთავაზებინოს.

– ჩვენს ნოდარს ღვინოთი მოართვით!

რა იყო ეს?

ზრუნვა ჩემდამი?..

მებაჯრის ფხიზელად ყოფნის სურვილი?..

ალკოჰოლისადმი შინაგანი ზიზღი?..

სიმთვრალის საშინელების ფილოსოფიური გააზრება?..

იქნებ ყველა ერთდროულად?..

როგორც მემამათიანე იტყოდა „პირველსავე სიტყვას მოვიდეთ“.

ვერავინ უარყოფს, რომ 26 წლის გალაკტიონი რევოლუციას უმღერის. სხვა საკითხია, დარჩა თუ არა ბოლომდე ამ პოზიციაზე თებერვლის შემდეგ მოვლენები უსწრაფესად განვითარდა.

რუსეთი აფუსფუსებულ სკას დაემსგავსა. დარღვეულმა სამოქალაქო ცხოვრებამ, ვკონომიკის დაცემა, გაურკვევლობამ და მოულოდნელობებმა ზოგი ევროპაში გატყორცნა, ზოგი შინ შეკეტა, ზოგას პროვინციაში მყოფი შორეული ნათესავი გაახსენა.

თბილისი და ქუთაისი გაივსო მოსკოვიდან და პეტერბურგიდან გამოიხიზნული ქართველებით. ჭკნმარტად დიდი იყო მყუდრო სავანისაკენ ღტოლვა და ამ დროს გალაკტიონი საპირისპიროდ



იქცევა - რუსეთისაკენ მიისწრაფვის. იგი ხომ წინა წელსაც იყო მოსკოვს. ჯვარს ეცვა მაშინ და შეუძლებელია ახლოვლად დავიწყებოდა იმდროინდელი ტანჯვა და მარცხი. გულს ჩრდილოეთისაკენ მიუწევს. ამიტომაც იჩენავენ ზოგიერთები მხრებს და ირიბი ღიმილით ამტკიცებენ: - გალაკტიონი ახირებულია...

ვერ მიმხვდარა ამის მოქმელი, საკუთარ ნაჭუჭში ჩაკეტილი ობივატელი, რომ უზარმაზარ ხომალდს თვალუწვდენელი ოკეანე სჭირდება, რომ გალაკტიონს რუსეთში ეგზოტიკა არ იზიდავს, არამედ ცხოვრების არსში წვდომის, ყოფნა-არყოფნის პრობლემების გარკვევის, სინამდვილის მთელი არსებით შეცნობის სურვილი. ეს, რა თქმა უნდა, არ ნიშნავს სინთეტიკური ხედვის უარყოფას.

რევოლუცია სინამდვილის ზღვრული, აღტურნატიული გამოვლენის ერთ-ერთი ფორმაა, სიცოცხლის მარადისობისა და ქმნადობის დადასტურებაა, ამიტომაც ლოგიკურია მისდამი ინტერესი. გალაკტიონის მუზაც ხომ ამ მარადიულ საკითხებს დასტრიალებს.

გალაკტიონი ფიქრობს, რომ რევოლუციამ შეიძლება განახლება მოიტანოს, მის საშობლოს შუქი მოჰფინოს, ცხოვრება და ხელოვნება ააყვავოს. და აი, 1917 წლის აპრილში პოეტი კვლავ მიემგზავრება მოსკოვს. როგორ მოაგვარა ეს საქმე? შეიძლება რაღაც გროშები ლიტერატურული ხალაშებიდან შემოუვიდა. ორიოდუ მანეთი მახლობლებმა შეუგროვეს, თავადაც ისესხა... გამორიცხული არ არის, ოლიას ოჯახსაც გამოეჩინოს გარკვეული ყურადღება.

ჩვენს ხელთაა გალაკტიონის უცნობი წერილი, დათარიღებული 1917 წლის 30 აპრილით. იგი ელიზავეტოპოლიდან არის გამოგზავნილი. „ძვირფასო დედა! მე დიდი ხანია ქუთაისიდან გამოვემგზავრე, მაგრამ გზაში ცოტა ავად გაეხდი და შეუძლებელი იყო მატარებელით მგზავრობა. დღეს მესამე დღეა ელიზავეტოპოლში ვარ. ამაღამ წავალ უსათუოდ. თურმე დიდი ამბებია მოსკოვში. ძალიან მიხარია, რომ იქ მივდივარ. მალე შიტყობთ, თუ როგორ მეხივით გავივრიალებ მთელ დედამიწაზე... სულ დედას ვუტირებ მტრებს. სახუმარო კაცი არ ვარ მე.

დედა ჩემო, ჩემზე ბევრს ნუ იღარდებ.

აბესალომ! როგორც კი ჩავალ შეგატყობინებ იმას, რაც მითხარი:

იყავით კარგათ. მშვიდობით.
მარადის თქვენი გალაკტიონი“.



სადგურზე ოლია დახვდა და გალაკტიონი უზომოდ
 ბედნიერია. საუბრობენ თვალებით, ექსტიმაც, შიშითაც.
 პატარა მკუდრო ბინა და ოჯახური სითბო.

მეორე დღეს გალაკტიონმა ქუნას მისცა თავი. მის თვალწინ
 თამაშდება დიდი მისტერიის ბოლო მოქმედებანი. პოეტი ბევრი
 რამის მხილველი და განმცდელია. ათვალიერებს ნაცნობ
 ადგილებს და ვერ ცნობს:

*„სართულები ყუფუნ
 როგორც ძაღლები.
 სახლები ინგრეოდენ.
 მათ ნაცვლად დადგა
 იდუმალ შიშად:
 ღრე,
 ფლატე,
 ქეშა.
 კგავს ტვერის ქუნის
 უსახეობა
 ნგრეულ ხეობას -
 სადაც არაა
 ბილიკი არსად...“*

მოსკოვი უწყველო ცხოვრებით ცხოვრობს. მაღალი
 სამრეკლოდან ტყვიამფრქვევი კაკანებს. ქუნა სავსეა უპატრონო
 მკედრებით. მახორკა ოქროდ ფასობს. დიდ თეატრში ოპერა
 მიდის. ცირკში ქურდები მიტინგს მართავენ...

ხილულ-განცდილი ღრმად იბეჭდება პოეტის გონებაში
 და მერე გასაოცარ მხატვრულ სახეებში ირეკლება. სწორედ
 მაშინდელმა შთაბეჭდილებებმა მისცა ბიჭვი ბრწყინვალე
 ტროპების აღმოცენებას: „სიბნელეში კი, თეთრად ელაყენ
 ფანტასტიკური კრემლის კბილები“, „რუსეთი იმ რამეს ვდო
 როგორც ხის კუნძი, ჯირკი, ტყეში - რომელსაც სცემენ ნაჯახს“,
 „მოსკოვი გუგუნებდა როგორც მუხა - და პირიდან აფრქვევდა
 ტყვიებს როგორც რკობს“.

პოეტი მთლიანად იძირება მოსკოვურ ყოფაში. ზოგჯერ
 შაშხანით ხელში დგას სადარაჯოზე. ხან რიგს იცავს
 მაღაზიასთან, სადაც 50 გრამ პურს არიგებენ. გვიანობამდ
 რჩება თამბაქოს ბოლით გატენილ პატარა ოთახში და უსმენს
 რვეოლუციონერებს.

ერთხელ უწყველო ამბის მოწვე გახდა. პუშკინის ძველთან

¹ გ. ტაბიძე, თხზ., ტ. VIII, გვ. 99.

ფრონტიდან გამოქცეულ ჯარისკაცებს მიტინგი გაემართათ, ორატორები უბრალო ხალხური ენით ლაპარაკობდნენ. და ამ ძეგლის საფეხურზე ადის ინტელიგენტი, ოქროს სათვალვეებიანი წარმოსადგვი მამაკაცი. პეტროგრადიდან იყო ჩამოსული, მკერმეტყველი ჩანდა. დაგლუჯილ ფთარაჯებში გამოწყობილ, წვერგაუპარსავ ჯარისკაცებს რატომღაც არ მოეწონათ იგი. ძეგლის საფეხურიდან ჩამოაგდეს და გაგლუჯას უპირებდნენ. მაგრამ სად იყო და სად არა ჩოხიანი იმერელი გაჩნდა და თითქმის სიცოცხლის ფასად იხსნა უდანაშაულო კაცი.

ეს ამბავი შეფარული თემორით აქვს აღწერილი გალაკტიონს ესკიზ-ჩანახატში „პუშკინის ძეგლთან“.

და რამდენი მსგავსი თუ უფრო მძაფრი შემთხვევის მოწმე იყო.

გადავიკითხოთ გალაკტიონის კიდევ ერთი უცნობი წერილი. მისი პირველი ნაწილი II ივლისს არის დაწერილი, მეორე კი 28 ივლისს.

„ჭვირფასო დედა და აბესალომ!“

თქვენი გამოგზავნილი წერილი მივიღე. დეიდის სიკვდილი ისე შეწყინა, რომ ვერ წარმოიდგენთ. აქ მე ახლა სრულიად მარტო ვარ და ყველაფერი ცუდი ამბავი ჩემზე განსაკუთრებულ მწარე შთაბეჭდილებას ახდენს. ეხლავე მეორე წერილს დავწერ და როგორც კი მიიღებთ, იმ დღესვე ჩადევით კონვერტში და გაუგზავნეთ.

მე ძლიერ კარგად ვარ და მეტად გახარებული იმით, რომ თქვენც არაგეშავთ-რა ცხოვრებაში თავი და თავია, რომ ეჭვი არ უნდა შეიტანო შენს ბედნიერებაში და იმედში. ქვეყანაზე დაუსრულებელი არაფერია და ჩვენს ყოველგვარ გაჭირვებას ბოლო მოეღება. დადგება დრო და ყველა ვიგრძნობთ თავისუფალი, ბედნიერი და მშვენიერი სიცოცხლის სიღამაზეს. ვიგრძნობთ, რომ თუ ვისმეს ეკუთვნოდა ბედნიერება, მათ შორის ჩვენც. პირადათ მე ერთი წამითაც არ შეპარება ეჭვი უკეთეს მომავალში, მხოლოდ საჭიროა მუდმივი ბრძოლა მდგომარეობასთან. უამისოდ არაფერო არ იქნება.

ჯერჯერობით განუშებული ვარ და საზოგადოებრივ ცხოვრებაში ნოემბრამდე ვერავითარ მონაწილეობას ვერ მივიღებ. ეხლა მთელი ჩემი დღეები და ღამეები მიდის მეორე წიგნისთვის მზადებაში. ნაწერებს ვასწორებ და წიგნს შინაარსის მხრით, მიუხედავად იმისა, რომ შიგ ცოტა ღექსები იქნება, ვერავინ წუნს ვერ დაუდებს. იანვრამდე, სიცოცხლეთ რომ დამიჯდეს, წიგნი დაბეჭდილი იქნება უსათუოდ, მაგრამ ჯერ-ჯერობით ეს

საიდუმლოდ იყოს. უკეთესია, როდესაც წიგნი მოულოდნელად გამოვა. ზოგიერთ შემთხვევაში მტერს მაშინ თავხარი დაეცემა. მაგრამ ეს არაფერია. მტრები ვერაფერს დამაკლებენ.

ერთი სიტყვით, არ ვიცი რა მოხდება, მაგრამ ეს კვლავი რაღაცაა ჩემი მეორე წიგნით ყველაფერი გადაწყდება. მე ასეთ წიგნებს ბევრს ვეღარ დავწერ და ვაი თუ ვერ დააფასონ. თუ ვერ დააფასეს, არც მაგაზე დამწყდება ძალიან გული. მე ჩემს ვალს მოვიხდი ხელოვნების წინაშე... ეს კი თავი და თავია.

28 ივნისი. წერილის მოწერა დამიგვიანდა, მაგრამ ჩემი ბრალი არ არის. ასეთი იყო მდგომარეობა. მოსკოვი ეხლა დამშვიდებულია, მაგრამ ასე არ იყო რამდენიმე ხნის წინად. მოსკოვი აღელვების ცეცხლში იყო გახვეული. როდესაც ქუჩაზე მივდიოდი, მეგონა, რომ აღელვებულ ზღვაში მივდიოდი. მრავალ-ათასი მუშებისაგან შემდგარი დემონსტრაციები, მიტინგები, კრებები, და ყოველ წამს რაიმე ახლის მოლოდინი. პუშკინის ძველთან ყოველდღე მიტინგები იყო, ისე როგორც სკობელევის ძველთან, გოგოლის ძველთან, კრემლში; მანიფესტანტების ურიცხვი გროვა ყოველდღე მიეშურებოდა ტვერის ქუჩაზე, თვებრალურ მოედანზე, მინინისა და პოკარასკის ძველთან მრავალი საუკეთესო ორატორები გამოდიოდნენ. მე თვითონ გავხდი მომწმე იმ დიდებული ოვაციებისა, რომელსაც უმართავდნენ კერენსკის, კაკი წერეთელს, მაქსიმ გორკის, ნ. შოროხოვს (შლისვლბ.) და სხვ. მე თვითონ მრავალჯერ ვილაპარაკე მრავალი ხალხის წინ პუშკინის ძველთან და სიამაყით უნდა ვთქვა, ჩემი სიტყვები ძლიერ შთაბეჭდილებას ახდენდნენ. რუსები საზოგადოდ ცოვად ლაპარაკობენ, ისე თითქოს სემინჩას ღუჯავენ. მე კი შევიტანე ტემპერამენტი. მე ყოველთვის ბედნიერ მოგონებად დამჩნება სიტყვა პუშკინის ძველთან. როდესაც გაიგეს, რომ საქართველოს მგოსანი ვიყავი, სიტყვის გათავების შემდეგ ბევრი მომეხვია და სიმპატიური თვალთ მიყურებდნენ. ეს ჩემთვის უდიდესი ბედნიერება იყო.

ეხლა მოსკოვი დამშვიდებულია, რადაც საშინელი ბედისწერის მოლოდინში. ვნახოთ, რითი გათავდება ყველაფერი ეს.

ჩემი წიგნი უსათუოდ გამოვა - მე ამაში ეჭვი არ შემდის.

გარდა ამისა, ძალიან ბევრი მასალები მაქვს შეკრებილი დიდი ისტორიული რომანისათვის (ეს მასალები ბევრი სპეციალისტებისათვისაც უცნობია და ხაინტერესო).

გარდა ამისა, მაქვს მასალები მრავალი ხაინტერესო წერილებისათვის და ისტ. გამოკვლევებისათვის. მოსკოვის მუზეუმში მე ვიპოვე ბევრი მასალები საქართველოს წარსულის

გასაშუქებლად.

გარდა ამის, მზად მაქვს ბევრი წერილები ხელმოწერაზე (ქანდაკებაზე, პოეზიაზე, წარსულის გრძნობაზე და სხვ.) მე ჩაფლული ვარ ბევრ საინტერესო წიგნებში, ისეთ წიგნებში, რომლებიც ჯერ არავის დასინჯებია რამედ გამოყენებია.

ყველაფერი ეს ჯერ არავის გადასცეთ. მე არ მინდა, იცოდეს ვინმე ჩემი მიზნები.

ამნაირად, ყველა ამის მოსაწესრიგებლად დრო არის საჭირო და მე საშუალება არ შექნება ჩამოსვლისა გაისის ივანობის-თვემდე... მაშინ კი უსათუოდ ჩამოვალ, ენკენისთვიდან შევედგები ფრანგულის, გერმანულის და ინგლისურის შესწავლას უნივერსიტეტში. ამასთანავე კიდევ სხვებისაც. მაგრამ ყველაფერი ეს დამოკიდებულია ლექსების მეორე წიგნზე, რანაირად მიიღებენ მას, როგორი გასავალი ექნება და სხვ... მომწერეთ, თუ რა აზრის ხართ ამის შესახებ თქვენ.

ჩემს სახელზე სამკითხველოს გახსნის შესახებ გავიგე თქვენი წერილებიდან და გაზუთებიდანაც (მე მომდის ოთხი ქართული გაზეთი: სოციალ-დემოკრატი, ერთობა, აღიონი და ჩვენი ქვეყანა). რა თქმა უნდა, ძალიან польщены такой честью და სხვა... იცოდეთ, არ შემარცხვინოთ, სამკითხველო არ დახუროთ უსახსრობის გამო (მეორეჯერ და მესამეჯერ კი აღარ დაარქმევენ ჩემს სახელს). საინტერესოა, რა თქვა დედაჩემმა, როდესაც ეს ამბავი გაიგო, ან გაუხარდა თუ არა?

სხვა ჩემზე რა უნდა მოგწეროთ? ეს არის ყველაფერი!

მომწერეთ სად არის ტიტე ან რას აკეთებს. თუ სადმე ნახოთ, გადაეცით, რომ მოუთმენლად ველი.

მომწერეთ სხვა ახალი ამბები.

მაგრამ ყველაზე უწინ თქვენი ამბები მომწერეთ. წერილს როცა დასწერთ თქვენი ამბავიც უნდა მოიწეროთ – დაწერილებით. ამას განა ლაპარაკი უნდა?

სამკითხველოს ჩემს ჩამოსვლამდე უფროსილდით. ძალიან კარგია, რომ სოფელში სხვა დაწესებულებებიც გახსნილა.

მაშ ახე, ყოჩაღად! მშვიდობით!

მარადის თქვენი გალაკტიონი“.

ეს ბარათი უკიდურესად დატვირთულია ინფორმაციით და მრავალი დასკვნისაკენ გვიბიძგებს, უპირველეს ყოვლისა, ადრესატის პოლიტიკურ მიხწრაფებებზე.

გალაკტიონი პარტიისცემით იხსენებს თებერვლის რევოლუციის ღიდერებს.

ისიც ცხადია, რომ მიტინგზე გამოსული პოეტი მიმდინარე

საკითხებზე ისაუბრებდა და რევოლუციას დაუჭერდა მხარს. ყურადღებას იპყრობს შემდეგი წინადადება: „უხედავად მოსკოვი დამშვიდებულია, რაღაც საშინელი ბედისწერის მოლოდინში“. ოქტომბრის რევოლუციის სიმპტომები იგრძნობა და არასასურველი მომავალი მგოსნის შემფოთებას იწვევს.

ორკვევა, რომ გალაკტიონი უზომოდ ბევრს შრომობს. მისი ინტერესების სფერო მრავალმხრივია. ცდილობს საფუძვლიანად შეისწავლოს ენები, მაგრამ ამისათვის დრო არ რჩება. დღე და დამ მუხეუმებსა და ბიბლიოთეკებშია. უხვი მასალა შეაგროვა ორიგინალური წერილებისა და გამოკვლევებისათვის.

რომანი, რომლის დაწერასაც აპირებდა, სხვაგანაც იხსენიება. სამწუხაროდ, მსგავსს ვერაფერს წავაწვდით ვერც არქივსა და ვერც პუბლიკაციებში. ჩანს, იგი არ გასრულებულა.

თავიდათავი ის არის, რომ მეორე წიგნი თითქმის გამართა. გალაკტიონი მასზე დიდ იმედს ამყარებს და სამართლიანადაც. დავეუკვირდეთ შემდეგ წინადადებას: ამ წიგნით „მე ჩემს ვალს მოვიხდი ხელოვნების წინაშე“. არა ქვეყნის, არა ხალხის, არა ეპოქის, არამედ ხელოვნების წინაშე. შემთხვევითია ასეთი აქცენტირება? არა გვეჩინა. „არტიტული ყვაილებით“ ქართულ სიმბოლიზმს გვირგვინი უნდა დაედგას. ეს ყველაზე უკეთ უწვის გალაკტიონმა.

მივევკეთ ცხოვრების ტალღებს.

გალაკტიონი ერთხანს სპეციალურ კომისიაში მუშაობს, რომლის მიზანია ქალაქის მოსახლეობის აღწერა. შემდეგ იუსტიციის კომისარიატში იწვევს სამსახურს.

რაც მთავარია, სარეჟისორო კურსებზე ჩაირიცხა. გულმოდგინედაც მეცადინეობს. მართალია, აქ იკითხება დისციპლინები რეჟისურიდან დაწყებული გრიმის თეორიით და პრაქტიკით დამთავრებული, მაგრამ პროგრამები საკმაოდ შეკვეცილია. ერთსემესტრიანი კურსები არსებითად თეატრალური ხელოვნების მხოლოდ საფუძვლების ცოდნას აწვდის მსმენელებს.

გალაკტიონი კმაყოფილია. ბოლოს და ბოლოს რამდენადმე მაინც ისრულებს წადილს.

ხანდახმული მგოსანი ტკბილად იგონებდა ამ სასწავლებლის ამბებს და თვალისჩინივით უფრთხილდებოდა კურსების დამთავრების მოწმობას.

რა თქმა უნდა, თავიდათავი პოეზიაა. რევოლუციამ სხვა ფერი მისცა მწერალთა ყოფას და სხვაგვარად აანაკადა ლიტერატურული ცხოვრება. ბობოქრობენ ფუტურისტები. ბევრს პირზე აკერია ა. კრუჩინინის სახელი. „ვიღაცამ მასში იპოვა

რუსული ახალი პოეზიის ღუნინი“. გალაკტიონი არა მხოლოდ
გაოცებულია, არამედ შეშფოთებულიც ამგვარი პარადოქსით.
იგი არ უარყოფს ა. კრუჩინინის პოეტურ ნოვაციებს. ჩანს
მის ბგერით და გრაფიკულ ზაუმებს ანგარიშს უწევს, მაგრამ
დიდ პოეტად მაინც არ თვლის. „კრუჩინინი ერთი იმათგანია,
რომელნიც ბუხებივით ირვეიან სხვადასხვა „ფანტასტიკურ
კაბანოკებში“.

ეს მეტყველებს პოეზიის ნამდვილი ღირებულების შეცნობის
ნიჭზე. ლიტერატურის არსისა და მნიშვნელობის სწორ გაგებაზე.
მ. მაიაკოვსკიც საკმაოდ სახელმანი ამ დროს. გალაკტიონი
მისი პოეზიის საერთო შეფასებას იძლევა, თუმცა მხედველობაში
უპირატესად მაინც ადრინდელი მაიაკოვსკი ჰყავს. „მე ჯერ
კიდევ პირადად არ ვიცნობ მას. ვუცდელი ვიყო ობიექტური.
იგი ფუტურისტია“. და შემდეგ ასეთ მოსაზრებას აეთარებს:
იგი რუსულად არაა ახალი რაღაც. არც თანამედროვე ამ
სიტყვის თანამედროვე გაგებით. როდესაც იგი იურიშით მიდის
პუშკინისათვის თუ პირველობის დაფნის წასართმევედ არა,
პუშკინთან გათანაბრების მიზნით მაინც - ეს მეტისმეტად
სასაცილოა. თვითონ მაიაკოვსკის გამოდის პუშკინიდან ისე,
როგორც ყველა პოეტები რუსეთისა“.

ეს კიდევ ერთი დადასტურებაა კლასიკოსებისადმი
გალაკტიონის ერთგულებისა და, საერთოდ, ლიტერატურული
პროცესების მართებულიად გაგებისა.

გალაკტიონი ყველაფრით ინტერესდება. იშვიათ შემთხვევებსა
თუ ყოფით დეტალებშიაც ეძებს პასუხებს საჭირობოროტო
კითხვებზე. ყოველმხრივ ცდილობს ღრმად ჩასწვდეს მოვლენებს
და მასშტაბური დასკვნები გააკეთოს. ამ პერიოდის მისი ცხოვრება
ხასიათდება ძიებებით და ისევ ძიებებით. საგანგებოდ უნდა
შეენერდეთ ერთ ამბავზე გალაკტიონის არაერთხელ გაუხსენებია,
რომ მოსკოვში იგი შეხვდა ი. სტალინს. ეს ფაქტი ძალზე
ლაკონურად ფიქსირებულიც აქვს ერთ მოგვიანო ჩანაწერში.
პოეტის არქივში ვერ მივაკვლიეთ სტალინთან საუბრის თუნდაც
მოკლე შინაარსს. ამიტომაც დავესხსხები 1954 წელს ჩვენს
შორის გამართული ერთი დიალოგის ზუსტ ჩანაწერს:

— ძალზე კარგად მიმიღო სტალინმა. საქართველოს ამბებით
ინტერესდებოდა, საერთო ნაცნობებიც მოიკითხა. მთელი საათი
ვისაუბრეთ.

— მქონდა ამდენი დრო? — ვუკვობ მე.

— საუბარი ხელს არ უშლიდა სხვა საქმეც ეკეთებინა.
შემოდიოდნენ და გადიოდნენ ფარაჯიანი ჯარისკაცები...



- რით დამთავრდა თქვენი შეხვედრა?

- შემომთავაზა სასწრაფოდ შუა აზიაში გავემგზავრებულყავი და სათავეში ჩავდგომოდი ბასმაჩების წინააღმდეგ შებენიანი დიდ რაზმს.

- მერე?

- მეორე დღეს ავად გავხდი. ცუდად ვიყავი ჩაცმული... ისე, კაცმა არ იცის, იქ რომ წავსულიყავი, ევოლებოდა თუ არა საქართველოს სახალხო პოეტი".

კარგად მახსოვს, როცა ამას ამბობდა თავს ოდნავ მაღლა წამოსწევდა. შუბლი ეღარებოდა. ძნელი არ იყო შეგეშინიათ, რომ სერიოზულად უძებნიდა გამართლებას, თუ რატომ არ წავიდა შუა აზიაში.

ეს ფაქტი დოკუმენტურად რომ არ დადასტურდეს, მაინც მნიშვნელოვნად მიგვაჩნია. მაშინ იგი პიროვნებაზე ტოტალური სახელმწიფოსა და ერთმმართველი პარტიის სეწოლის არასახარბიელო კონიუნქტურის არგუმენტად გამოდგება.

მიყვებოდა პოეტის ოდისეას.

ნევისპირა ქალაქიდან უჩვეულო ამბები მოდის. გალაკტიონიც ეშვიდობება მეუღლესა და პეტრგორადისკენ მიჰქრის. რატომ? არავითარი გადაუდებელი პირადი საქმე, არავითარი მატერიალური დაინტერესება. პეტერბურგში სამუში მძვინვარებს და ისე ადვილად შეიძლება აორთქლდეს კაცი, როგორც უდაბნოში წვეთი. გალაკტიონი კი მაინც არ დრკება. ამჯერადაც თავს იჩენს ყველაფრის ხილვის და გათავისების დაუოკებელი სურვილი.

მინებჩაღეწილი ვავონი... მგზავრები იატაკზე, კიბეებზე, სახურავზე. ხრიადი, ხველება, ზოგჯერ სიმღერა, უფრო ხშირად წყველა. გალაკტიონს თვალში ეჩხირება ნაყვავილარი ცალთვალა ჯარისკაცი. მას მკერდთან ფარაჯა უწითლდება - სისხლი, სისხლი! - ყვირის პოეტი. დაჭრილი ჰგონია. გადაუხსნა ფარაჯა და გადმოვარდა მაჯაში გადაჭრილი ქალის ხელი თითებზე ოქროს ბეჭდებით, ბრილიანტებით. ღმუილში გადასული რისხვა, - მიასიკედიდეს და გადაისროლეს გაქანებული მატარებლიდან.

ფათურაკებით იყო სავსე მოგზაურობა. შებინდებისას გამოჩნდა პეტროვგრადი „ასეთი კარგი და უდაბური“. პოეტი ხედავს ქარვათა მორეეში როგორ დაეშვა ფარდები და როგორ კანკალებს საღამო შიშით და რიდებით.

ორმოცი წლის შემდეგ გალაკტიონი იგონებდა: „კმაწვილობისას ბევრს ვოცნებობდი ამ ზღაპრულ ქალაქში მოხვედრაზე. უნახავადაც ისე შევიყვარე იგი, რომ თვალდახუჭულს

შემდეგლო ნევის პროსპექტზე გაელა (სხვათა შორის, გალაკტიონი ალტაცებული იყო ა. ბელის „პეტერბურგით“. დიდ ნაწევებებს სხაპასხუით წარმოსთქვაძდა და ავტორის ხატვის მანერაზე ამახვილებდა ყურადრებას). მაგრამ პეტროგრადში ჩასულს არც კი გამიხედავს ისაკის ტაძრისა თუ ფონტანისაკენ, სმოლნს მივა შურე.

პეტრეს ქალაქი სავსეა შეიარაღებული მეზღვაურებითა და მუშებით. ბევრი მათგან პულკოვოსთან ბრძოლის მონაწილეა. ყვებიან, ზოგჯერ უწმაწურადაც კი, კერნესკისა და კოლჩაკის განადგურების ამბებს. გალაკტიონი მუშათა და სტუდენტთა წრეში ტრიალებს. სურს უფრო მეტად ჩასწვდეს ახალი ყოფის სპეციფიკას.

პეტროგრადში იყოს და ცარსკოე სელო არ მოინახულოს? ყველაფერს რომ თავის დავანებოთ, ის ხომ პუშკინის სიყმაწვილითაა განათებული. იქ ცხოვრობდნენ ჟუკოვსკი, კარამზინი, ვიაზემსკი, დელევიგი, კიუხელებეკერი და სხვ. ამჯერად ლიტერატურული ინტერესი ყველაფერს ფარავს და გალაკტიონი ზღაპრული ქალაქისაკენ მიჰქრის... ყოფილი ლიცეუმის შენობასწინ დიდხანს დგას. მერე პატარა არხზე გადებული ხიდის მოაჯირზე ჩამოჯდება და წარმოსახვას აფიქსირებს, სწორედ ასე დაიწერა „ოფორტი“.

*„ელვარე თოვლში მიჰქრის მარხილი,
რომ მოიხეიოს თეთრი ავდარი,
ამ სიურცეებში შეკავს დამარხული
ზამთარი ცივი და ნაზავთარი.
მისი ელამ შხის თვალის ხილება
ეშორეება ჰაერს არეულს,
მხოლოდ ტყემლების აყვავილება
ბეებს რიდებს ფენს სიზმარეულს.
ფერუმარულის სახით ცხედარი –
მარმარილო დგას, როგორც მუშია,
გაყინულია, თითქო, მხედარი
და იდუმალ სწუხს: რა სიხუშეა!
რა სიხუშეა! როგორ ანნია
გზებს ნაკვალევი არ საამსოფლო,
რომ სხვა სამშობლო არ გამაჩნია...
რომ ეს თოვლია ჩემი სამშობლო“.*

მოდით, გავითვალისწინოთ ერთი ცნობილი მეცნიერის

¹ გ. ტაბიძე, თხზ., ტ. II, გვ. 35.



შეგონება და მგოსნის პორტრეტის ძერწვისას მხოლოდ ბიოგრაფიული დეტალებით ნუ დაგვკმაყოფილებდებით. „მინიმუმ ლექსებითაც გამოხედოთ ფაქტებსა და მოვლენებს“.

მაშინ პირველი დასკვნა ასეთი იქნება: გარესამყაროს მოხილვის სურვილი გადაუფარავს შიდასამყაროს კვლევის პროცესს. „ოფორტს“ არაფერი აქვს საერთო რევოლუციურ თემატიკასთან და, საერთოდ, იმდროინდელ ამბებთან. ეს ლექსი კიდევ ერთი დადასტურება გალაკტიონის გლობალური ხედვისა, პოეტურ კოდთა ოსტატურად მოწოდებისა და უმძლავრესი შთაბეჭდილებების შექმნისა. „ოფორტი“ იმ ნაწარმოებებს არ მიაგავს, რომლებშიაც იღვის პირდაპირი, ხაზგასმით წარმონეხა შეინიშნება. ალბათ, ნებისმიერ აღდგომიან მკითხველს შეუძლია წარმოსახვით შეავსოს და გააღმავოს სურათი, თავისებურად გაშიფროს ზოგიერთი სახე. „ოფორტში“ მე ვხედავ ჩრდილოეთის პეიზაჟს და იმპერატორის სასახლის ბრწყინვალეობას. ვგრძნობ ყველაფრის წარმავლობით გამოწვეულ ტკივილს და მამულის უსახლერო სიყვარულს.

ერთი კვირის შემდეგ მოსკოვს ბრუნდება. ცდილობს, არ დააკლდეს მნიშვნელოვან შეკრებებს. მოწმე გახდა გრაფი მირბახის მკვლევლობისა. ესერების დაპატიმრებასაც შეესწრო.

ცხოვრება ჯერ კიდევ ვერ ჩაღვა კალაპოტში. გადაიღალა, უჭირს. აქ დავესესხებით ერთ უცნობ წერილს. იგი დათარიღებულია 1918 წლის 14(1) იანვრით. „ძვირფასო დედა! პირველად ვისურვებ შენს ბედნიერ და დღეგრძელ სიცოცხლეს. გარდა ამისა, იმედია, ჩემს ამბავს იკითხავთ. ვარ ძლიერ კარგად, ერთად ერთი, რაც მაწუხებს, ეს თქვენი ამბავის უცოდინარობაა. პირდაპირ საოცარ და საშინელ დროში ვართ, მაგრამ ვერასდროს ვერ წარმოვიდგენდი, რომ ყველაფერი ასე აირვეოდა; უბრალო წერილის გამოგზავნაც კი მოუხერხებელი გახდა, თორემ სხვას ვინ დაეძებს. ძვირფასო დედა, მხოლოდ თქვენი ამბავი მაწუხებს: სად ხართ, როგორ ხართ, ვინ იცის, რა გაჭირვებაში ხართ? ყოველდღე ვათვალიერებ გაზეთებს. საქართველოდან აქ არავითარი ცნობები არ მოდის, და რაც მოდის, რაღაც არ არის დასაჯერებელი.“

წერენ ოსმალეთის გამარჯვებაზე... და ეწუხვარ... ვაი, თუ ჩემს მშობლიურ ბუდესაც მიუახლოვდნენ-მეთქი.

არაფერი არ გამიკვირდება, ისეთი საშინელი დროა. რამდენი ხანია გადაწვევტილი მაქვს აქედან წამოსვლა, მაგრამ დღემდე ეს მოუხერხებელი იყო. დღესაც გზაში ათახი გაჭირვება უნდა ნახო და, ისიც ვინ იცის, მიაღწევ თუ არა სამშობლომდე...

მაგრამ რაც უნდა მოხდეს, მე გადაწყვეტილი მაქვს შემოდგომამდე მოვახერხო წამოსვლა.

აქ სამსახურში ვარ (Комиссариат Юстиции). ვიღებ იმდენს, რომ საცხოვრებლად მყოფნის. სიძვირეა დღეს აქ... რამდენი უბედურება მე აქ გადავიტანე, ვინ დათვლის, მაგრამ თქვენც არანაკლებ მდგომარეობაში ხართ, ალბათ. როდესაც ჩამოვალ - (თუ სახლი ისე დამხვდა, როგორც დაქტოვე) ყველაფერს დაწერილებით გიამბობთ... საწყალო დედა! წარმოდგენილი მაქვს, რანაირად იქნები ეხლა შენ...

რას შერება აბესალომი?

ხომ კარგად არის?

კვითხულობ მხოლოდ, თორემ ვინ მომცემს ეხლა პასუხს.

მალე ყველაფერი უკეთესად იქნება, დედა. შენ არ შეშინდე, ყოჩაღად უნდა იყო.

მოსკოვში ჩემს გარდა ათასამდე ქართველია. სულ ყველა ისე გამდიდრდა, როგორც კრეზი. აბა? (კრეზი აბესალომს კითხე, რა არის).

დადიან მოსკოვში ეს ქართველები და ყველა ქართველებს თავი მოგვკრეს, ისე იქცევიან.

ხომ იცი შიდარი ხალხის ხასიათი, ყველა ფეხებზე კიდათ. ვაჭრობენ ამ (სპირტით) და სხვა საქმე არაფერი აქვთ.

რას დაუეჭებ მათ...

მე ჩემი საქმე მაწუხებს. როგორმე რომ შემქმლოს წამოსვლა... რა დიდი ხიამოვნებით დაგტოვებდი აქ ყველაფერს დღესვე. დღესვე ჩაუჯდებოდი მატარებელში.

მადლიანი კაცი გამოჩნდა და ეს წერილი მოაქვს... პირობას არ მაძლევს, რომ უსათუოდ ჩავიტანო...

მე მგონია, მოახერხებს...

დედა, როგორც კი ეს წერილი მიიღო, ძალიან ვთხოვ, იმ დღესვე ტელეგრამით მაცნობო შენი, აბესალომის და ჩვენების ამბავი. შენი და აბესალომის ამბავი მაცნობე როგორმე უსათუოდ. ტელეგრამას უსათუოდ მიიღებენ, მოაღწევს, თუმცა დაგვიანებით. დააგვიანდება გზაში, მაგრამ არა უშავს რა.

ახე, ძვირფასო დედა...

ველი ცნობებს...

როგორმე ამ საშინელ და უბედურ დროს თუ უხიფათოდ გადავურჩით, შემდეგ არაგვიშავს რა... ღმერთი მოწყალეა. მე დიდი იმედი მაქვს მომავლის. დუთისა და თქვენის დახმარებით მე არ დავიღუპები.

ტკივიანად, გონიერად მოიქეცით ყველგან, დედა.

გადაივლის ეს ქარიშხალი, ცხოვრება დაწყნარდება და მაშინ
ნახე, რა ბედნიერები ვიქნებით...

ნახვამდის, დედა ჩემო! უსათუოდ ასე მოიქეცი: ტელეგრაფში
გამომიგზავნე. ტელეგრაფს მე უსათუოდ მივიღებ... შემოშითვალე
შენი და აბესალომის ამბავი.

აბესალომს საღდათობა ხომ არ შეხვდა? შემატყობინეთ
ესეც.

მარადის და მარადის იქითაც შენი ერთგული შეილი
გალაკტიონ ტაბიძე.

P. S. მე უხლა ეცხოვრობ მოსკოვის ქართულ საზოგადოებაში
(მშვენიერ ბინაზე). ტელეგრაფში ასე გამომიგზავნეთ Москва.
Повареная 29/18, Галактиону Табидзе“.

ბარათი ინტიმური ხასიათისაა და მასში არც უნდა
ვეძებოთ მიმდინარე სოციალურ-პოლიტიკურ მოვლენებზე ღრმა
მსჯელობა. ამდენად, იგი ნაკლებ გამოდგება რევოლუციისადმი
გალაკტიონის დამოკიდებულების გასარკვევად. ერთი რამ კი
მანც აშკარაა. აღტაცებითი პათოსი გამჭრალია. ახალ ეპოქას
გალაკტიონი იხსენებს „საშინელ და უბედურ დროდ“. სწამს, რომ
გადაივლის ქარიშხალი და ცხოვრებაც დაწყნარდება.

ბარათი არსებითად საგულისხმოა ისტორიული რეალობისა
და ბიოგრაფიული მომენტების წარმოსადგენად, აგრეთვე
დედისადმი უფაქიხესი გრძნობების გამხელის თვალსაზრისით.

მაშ, საკითხის გასარკვევად ძირითადად დექსებს უნდა
დავეყრდნოთ. გვიანი ჩანაწერები უფრო ფხიზელ და კრიტიკულ
დამოკიდებულებას მოითხოვს, მაგრამ ამის შესახებ ქვემოთ.

მკითხველის ყურადღებას ერთ გარემოებაზე გაეამახვილებთ.
ხსენებულ ბარათში ორგზის ფიგურირებს ღმერთის სახელი:
„ღმერთი მოწყალეა“, „ღვთის და თქვენის დახმარებით მე არ
დავიღუპები“. ასეთი რამ იშვიათად ან თითქმის არ გვხვდება
გალაკტიონის ეპისტოლარულ მემკვიდრეობაში. ჩანს, გალაკტიონი
უკიდურესად შეჭირვებულია. „ვარ ძალიან კარგად“ – დედის
გასამხნეველად დაწერილი ფრაზაა. სინამდვილეში არა
მხოლოდ მატერიალურად, სულიერადაც დაუკმაყოფილებელია,
დაბნეული.

ხომ არ შეიძლება ვიფიქროთ: ქაოსმა გალაკტიონის წინაშე
ისეთი პრობლემები წარმოშვა, რომლებშიც ვერ გარკვეულა, ბევრ
კითხვაზე პასუხი ვერ მოუძებნია. ასეთ დროს, როგორც ჩვევია
რიგით მოკვდავს, მთელს იმედებს ზენარზე ამყარებს.

მოსკოვური ამბები თითქოს შესაძლებლობას იძლეოდა,
გაქცეოდა გულისგამაწვრილებელ ყოველდღიურობას. დიდი

ქალაქის ცხოვრების უწვეულო წესი, უცხო მოვლენები, საინტერესო შეხვედრები, ახალი შთაბეჭდილებები... მაგრამ გადის დრო და გალაკტიონი რწმუნდება, რომ გარე სამყაროს მრავალფეროვნება საკმარისი არ არის შიდა სამყაროს ფერადოვნებისათვის, სიმშვიდისათვის. ისევ აწამებს ძველი კითხვები, ზოგჯერ ეკვიანობს და საყვედურობს ოლიას, ხანდახან მრისხანებს კიდევ; ნაცნობებთან კვლავ გულდახშულია. ერთადერთი, რაც სიამებს ჰკერის, პოეზიაა. ჩაიკეტება ოთახში და თავაუღებელივ მუშაობს. მერე საათობით იკარგება.

ოლია გრძნობს, რომ ასე დიდხანს ვერ გასტანს.

გალაკტიონს უფრო და უფრო ძლიერ ესმის ივერიის ზარების გუგუნე. ღურჯი ცა და მცხუნვარე მზე სამხრეთისაკენ იზიდავს. აქვე უნდა გაეხსენოთ პოეტის გულწრფელი გამონათქვამი: „ვეგრძნობ მხოლოდ, რომ ღმერთი ვარ“. ეს გალაკტიონის ეროვნული თვითშეგრძნების უმძაფრესი გამოვლენაა, მისი პოეზიისა და პიროვნების სინკრეტიზმის ხაზგასმა.

ბოლოს და ბოლოს, მეუღლისა და მისი გაელენიანი მეგობრების წყალობით მოხერხდა გერმანელთა ტყვეობიდან განთავისუფლებული ქართველი ჯარისკაცებით საესე ვაგონში ადგილის შოვნა.

ესმელონი გრაფიკის გარეშე, ხან დიდი შეყოვნებით, ხან კიდევ წამიერი შენერებით მოძრაობს.

— გადამწვარი სოფლები, დანგრეული ქალაქები, „ყელგამოჭრილი მინდვრები“... უკრაინაში კვლავ შეუპოვარი ბრძოლებია. სადგურ ნუჟინში პოეტის თვალწინ გათამაშდა სისხლიანი დრამა. პაიდამაკებმა და გერმანელებმა ვაგზლის შენობაში გამაგრებული პარტიზანები დაცხრილეს.

გალაკტიონმა გაჭირვებით მოაღწია ოდესამდე. ბილეთი შედარებით იოლად იშოვა და გემი „დალანდი“ საქართველოს მოაშურა.

*„გემით „დალანდი“ მოვდიოდი სამშობლოსაკენ
და მთვარისაგან ვაღვიძება გულს დარდად მქონდა;
მაგრამ სამშობლოს ძველი გზებით ველარ მოვაგენ
და არ მახსოვდა: მქონდა იგი, თუ მომაგონდა?
გახსენებების მომძახოდა მტანჯველი ღანდი:
შენ და მოსკოვი, პეტროგრადი, ლენინი, ერემლი!
შავი ზღვის ზვირთებს მოაპობდა გემი „დალანდი“
და თვალზე მადგა განშორების მსუბუქი ცრემლი“.*

¹ გ. ტაბიძე, თხზ., ტ. II, გვ. 36.

აქვე დავესხებით გალაკტიონის კიდევ ერთ უცხო ნაწარმს: „გემით „დალანდით“ მე ვბრუნდებოდი სამშობლოში და მომქონდა ცრემლით სავსე ღამეებში სისხლით დაწერილი კაპიტალური რომანები, დაწერილი იმ დროს, რადგან მე არ მასვენებდა მიქელანჯელოს იდეა, გიგანტური „მთების ლანდშაფტის“ შექმნისა“. მასხოვს, დაღლილი ქარისაგან და დაფლუთილი ვიდუქი გემის ბაქანზე. გაისმა ხმამაღალი ძახილი „გალაკტიონ!“ მზლავრი ტაშისცემა და დაუვიწყარი ოვაციები“ –

ეს ამონარიდი იმ მხრივ არის საყურადღებო, რომ გალაკტიონის დიდ ნაწარმებს ამხელს, ნაწარმებს, რომელიც რევოლუციით იყო ნაკარნახვევი. მიქელანჯელოს იდეით გატაცება მან საკუთარ კურნალშიაც დაადასტურა. რაც შეეხება კაპიტალურ რომანებს, ისინი საერთოდ არ შეთხზულა. საზეიმო შეხვედრის სურათიც ფანტაზიის ნაყოფია. მოგონებებში „შემთხვევები 1918 წელს“ პოეტი მოგვითხრობს, რომ გემი ფოთის ნავსადგურში განურდა. ხელისუფლება მას არ აძლევდა ნაპირზე გადმოსვლის ნებას. გაურკვევლობამ რამდენიმე საათს გასტანა.

ეს უფრო ახლოა სინამდვილესთან. მაგრამ ზემოშორანილ ციტატას მაინც ნუ წაეკითხავთ ზერულად. იგი რელიეფურად ამხელს გალაკტიონის დიდ სწრაფვას თვითდაშვიდრებისა და პარმონიულობის მიღწევისაკენ.

პოეტის სიტყვებით რომ ვთქვათ, აბოზოქრებულ რუსეთში გატარებული შვიდი თვე შვიდ საუკუნეს ედრებოდა. ეს იყო არა მარტო გრანდიოზული მოვლენების ხილვისა და განცდის ხანა, არამედ ღირებულებათა გადაფასების დაწყების პერიოდიც. შვიდიღება ამაზეც მიგვანიშნებდეს ფრაზა: „მაგრამ სამშობლოს ძველი გზებით ვეღარ მოვაგენ“.

რუსეთს გამგზავრება გალაკტიონისათვის არა არის მხოლოდ ფრთების გაშლა რომანტიკოსისა.

ნაპირისაკენ სწრაფვა მუხღვაურისა.

კვერთხის აღება პილიგრიმისა.

ეს იყო მძალური გამჟღავნება გენიალური პოეტის ბუნებისა, იმ თავისთავადობისა, რითაც ესოდენ განმაცვიფრებელია გალაკტიონი.

ტეშმარიტი მგოსანი იქ უნდა იყოს, სადაც წყდება ხალხის ბედი, ქვეყნის განახლების საკითხი. გალაკტიონიც ასე იქცევა და ერთხელ კიდევ ადასტურებს, რომ ნერვი ძაფიც არ არის მასში არაპოეტის.

მაგრამ საუბარს აქ ვერ დავამთვარებთ.



გალაკტიონის მთელი შემოქმედება ფაქტიურად ადამიანური შეზღუდულობის გადალახვისაკენ სწრაფვას, შეუცნობისაკენ შეცნობისაკენ ღტოლვას, მიღწეულით დაუკმაყოფილებლობას იგი ვერ დამშვიდდება, უხილავი თუ არ იხილა, მიუწვდომელს თუ არ მისწვდა, იღუმალი თუ არ შეიცნო. იგი ბობოქრობს, ეძებს, მიისწრაფვის და ამიტომაც ესახება საგულისხმოდ მოსკოვ-პეტროგრადი.

იქნებ სწორედ ეს გრგვინვა, სამყაროს შებარბაცება, ეს „არნახული ამოკალიფის“ ქმნის შესაძლებლობას სამანები გაადარდვიოს; იქნებ სწორედ სატახტო ქალაქებში იღება, თუნდაც წამიერად, ის სარკმელი, საიდანაც „საიდუმლო მხარეში“ შეხედვის შესაძლებლობაც ჩნდება.

ვიდრე საბოლოო დასკვნის გამოტანას შევეცდებოდეთ, ერთ შენიშვნასაც გამოუთქვამ. გალაკტიონის თხზულებათა აკადემიური გამოცემა მიხედვით, 1917-1918 წლებში პოეტს დაუწვრიდა ორმოცდაათამდე ლექსი. საუარაუდოა, რომ ამავე პერიოდში იყოს შეთხზული ის ნაწარმოებები, რომელთაც პირობითი თარიღი უხით - 1919 წლის იენისამდე ასეთია დაახლოებით ოცდაათი. მაგრამ ამ ოთხმოცამდე ლექსიდან პრესაში 1917 წელს გამოქვეყნდა ოთხი, 1919 წელს - სამი, ხოლო 1918 წელს არც ერთი არ დაბეჭდილა.

ამ გარემოებაზე იმიტომ ვამახვილებთ ყურადღებას, რომ არ არის გამორიცხული, შემდეგ პერიოდში დასტამბული ზოგიერთი ნაწარმოების შეთხზვის თარიღი არახუსტი იყოს. ჩვენ კი ამჯერად სწორედ 1917-1918 წლების მოაზროვნე გვაინტერესებს.

შემდეგ: 1917-1918 წლების პრესაში გამოქვეყნებული შვიდი ლექსიდან მხოლოდ ორია მიძღვნილი რევოლუციისადმი, თანაც თებერვლის რევოლუციისადმი. დანარჩენი ხუთი სულ სხვა ხასიათისაა.

ამრიგად, დაბეჯითებით შეიძლება ითქვას, რომ გალაკტიონი დადებითად შეხვდა თებერვლის რევოლუციას, ან იქნებ უფრო ზუსტი იყოს: ძველის ნგრევას. ამაზე მეტყველებს „დროშები ჩქარა“ „ათრობდა ხალხთა მწუხარება“ და დედისადმი გაგზავნილი ბარათი. ოქტომბრის რევოლუციის შთაბეჭდილებები კი ასე ოპერატიულად არ არეკლიდა, მეცხეულად არ დაფიქსირებულა.

ცოდვა იქნებოდა იმის თქმა, რომ პოეტი, რომელიც შვიდი თვე ცხოვრობდა აღმოდებულ რუსეთში, ვერაფერს ხედავდა და ვერაფერს განიცდიდა. მაშ რა მოხდა?

ხომ არ შეიძლება ვიფიქროთ, რომ გალაკტიონი უკვე კიდევ

ვერ გარკვეულა ოქტომბრის აჯანყების არსში, მას დრო სჭირდება მოვლენების გასაანალიზებლად?

ეს ვარაუდი დიახაც არსებობს, მაგრამ საპირისპიროდ ხომ შეიძლება ითქვას, რომ გალაკტიონი 1917 წლის მაისიდან 1918 წლის ივლისამდე მოსკოვშია. სად უნდა გამოექვეყნებინა ლექსები? საქართველოში უბრალო ბარათის გამოგზავნაც კი ჭირდა.

სამშობლოში ჩასულს სხვა ვითარება დახვდა. 1918 წლის 26 მაისს საქართველოს რესპუბლიკა შეიქმნა, რომლის ხელმძღვანელები პრინციპულად გაემიჯნენ ოქტომბრის რევოლუციის თავკაცებს.

გარდა ამისა, გალაკტიონი წიგნს ამზადებს გამოსაცემად. ასეთ დროს კი იგი მთლიანად ჩანთქმულია ძირითად საქმეში, ნაკლებ ყურადღებას აქცევს სხვა საკითხებს.

ამიტომ უპირიანი იქნება, პირველ რიგში, „არტიტულ ყვავილებში“ (1919 წ.) დაბეჭდილი ლექსები გადავიკითხოთ. ამ კრებულისა და ჩვენთვის საინტერესო ასპექტით ყურადღებას იპყრობს: „როგორ ებრძოდნენ ზარები ზარებს“, „გემი „დალანდი“ და „დაბრუნება“ (სხვათა შორის, წიგნში 86 ლექსია შესული. იქნებ ღირდეს დაფიქრება შეფარდებაზე – ოთხმოცდასამი სამთან).

„როგორ ებრძოდნენ ზარები ზარებს“ სვედით გვაგვსებს. ჩანს ტკივილი, დარდი, შეშფოთება... მართალია, დაეცა კრემლი – ტანჯვათა მიზეზი, მაგრამ ვითარება მაინც გაურკვეველია.

*„ღლითა და ღამით, ღლითა და ღამით
გრგვინებით ებრძოდნენ ზარებს ზარები.
მოსკდა კიდეებს, გასცდა ნაპირებს
და გრივადივით მოედო ქუჩებს,
სისხლის, ტალახის, ცეცხლის და წყლის
ზვირთი, ყველაფერს ნაზიარები,
იდუმალ ფიქრთა ჯაჭვაწვეტილი,
აღვლევებული შორევის ქაფი,
არეულ ჯურღმულთ აღმოჩინებით,
საესე საზარლად მცურაუი მკვდრებით –
მოედო ქალაქს, მოედო სოფლებს,
ისევ მონახა ბნელი სარდაფი.
შებოჭა ერთი მძლეველი ძალით
და გადალკა აღფრთოვანებით“.*

¹ გ. ტაბიძე, ოხზ., ტ. II, გვ. 29.

ვინც ამ ღექსს მთლიანობაში გაიაზრებს, ეს კი ამგვარად უნდა მოხდეს, მას ნამდვილად გაუჭირდება დაასკვნას, აქ რევოლუციის ქებათა ქება იყოს.

„დაბრუნებაში“ მე სულ სხვა განწყობა შევნიშნე: სამშობლოსაკენ მომავალი პოეტი იღუმალ მოლოდინს შეუპყვრია. ის უკან - ჩრდილოეთისაკენ კი არ იხედება, არამედ წინ - სამხრეთისაკენ და მამულიც ამაღლებულად ეხატება.

*„სალამოს ღანდები, ვით ბინდი ნიავის,
მიღამოს სდებია.*

ვინახათ თქვენ ფერი დაბინდულ ქლიავის?

- ეს ჩემი სამშობლო მთებია!

მე რაღაც იღუმალ მოლოდინს ვუნდები...

ირგველივ ზეერთებია

და გემი „დაღანდი“, რომლითაც ვბრუნდები!“

რაც შეეხება ღექსს „გემი „დაღანდი“, მასში ნახსენებია მოსკოვი, პეტროგრადი, ლენინი, კრემლი, მაგრამ პირველ ადგილზე მაინც „შენ“ - უჭირფასესი ოღია ოკუჯავა დგას. ნურც იმას დავივიწყებთ, რომ პოეტს თვალზე განსორების „მსუბუქი“ ცრემლი ადგას. ახლაც რამდენჯერმე გადავიკითხე ეს ღექსი და გამოგიტყდებით, მაინც ვერ დავინახე, რომ მასში - ოქტომბრის სინათლე და სამშობლოში მისი შემოჭრის სურვილი ელავდეს.

ხსენებულ ნაწარმოებში პირდაპირ პუბლიცისტური გზით არის გამჟღავნებული ავტორის დამოკიდებულება რევოლუციისადმი, როგორც ეს შეინიშნება თებერვლის ამებთან დაკავშირებულ ღექსებში. მაგრამ არც ქვეტექსებისა და რთული სახვეების გაშიფრვა იძლევა იმის უფლებას, რომ მათში ოქტომბრის დიდი და მკზნებარე მომღერალი დავინახოთ. ცხადია, ეს იმას არ ნიშნავს, რომ დიამეტრულად საწინააღმდეგო თვალსაზრისი დავინახოთ.

სულ სხვაა შემდეგ პერიოდში გამოქვეყნებული ნაწარმოებები, რომელთა ანალიზს აქ არ შეუდგებით, მათი პათოსი კარგად არის ცნობილი.

არსებითი ის გახლავთ, რომ გალაკტიონმა უშუალოდ იხილა დიდი ამბები და მძაფრად აღიქვა ყველაფერი. იმ პერიოდში ნამდვილად კაცობრიობის პულსზე ვდო ხელი (სხვა საკითხია, თუ როგორ შეაფასა). მას სრული უფლება აქონდა განეცხადებინა:

„—განვიცადე

რევოლუცია...

¹ გ. ტაბიძე, თხზ. ტ. II, გვ. 37.



მთელი სიმწარე მოვლენების
და მთელი სიტკბო,
რომ ეს სტიქია
უნემოდ არ ჩატარებულა...
ო, რა თამამად
ცეცხლისკენ ვეღვიძი¹.

რუსეთს გამგზავრება რომ არა, ალბათ, არ დაიწერებოდა „რამდენიმე დღე პეტროგრადში“, „როგორ ებრძოდნენ ზარები ზარებს“, „ქალაქი წყალზე“, „ცეცხლი, მახვილი“, „მოგონება ყრუ შესახვევისა“, „ცხრას თვრამეტი“ და სხვ.

შეიძლება არც ვ. ბრიუსოვის ლექსი თარგმნილიყო, რომელშიაც ვკითხულობთ:

„თოვლით დაფენილ რუსეთის ველებს
ჯერ არნახულმა ცისკარმა გააქრა“².

რაც შეეხება „ჯონ რიდს“, მას ცინცხალ შთაბეჭდილებებზე აგებული ჩანაწერები უღვეს საფუძვლად. პოემაში ფერმწერის ფუნჯით არის დახატული აღმოდებული რუსეთი. მძაფრად განიცდება ეპოქის მაჯისცემა. ცალკეული პასაჟები თითქოს კერანოდან გადმოდის.

რევოლუცია გალაკტიონის პოეზიაში წარმოჩინებულია, როგორც უდიდესი ისტორიული მოვლენა, ურთულესი და გლობალური ფენომენი. ლექსში „წერილი მეგობრებისადმი“ ვკითხულობთ:

„ო, როგორ მინდა, მეგობრებო, თუნდაც ერთი დღით
ჩვენთვისაც იყოს უმადლესი თავისუფლება.
ო, როგორ მინდა უფრო მძლავრად გავშალო ფრთები.
განა არ არის საშინელი საცოდობა,
ისეთ ქვეყანას – როგორ ჩვენი საქართველოა –
რევოლუცია არ აძლევდეს სიმშვენიერეს?
ვულკანიური ორკესტრივით უნდა ისმოდეს
გრძობათა ჩვენთა და ოცნებით ძლიერი ქნარი“³.

გალაკტიონი 1917 წლის აბოპოქრებას არ ზომავს მხოლოდ მოსკოვის მასშტაბით. მას საქართველოს ბედსაც უკავშირებს. პეტერბურგში ამოვარდნილმა სამუშაო სამშობლოსაც უნდა გადაუაროს. ეს ტენდენცია საგულისხმოა იმ მხრივაც, რომ რუსეთ-საქართველოს ურთიერთობის ილიასეულ კონცეფციას

¹ იქვე, ტ. VIII, გვ. 121.
² გ. ტაბიძე, თხზ., ტ. II, გვ. 43.
³ იქვე, გვ. 31.



ეხმიანება.

რღვევა, მოვლენების სწრაფი ცვლა, სოციალური ცხოვრების მჩქეფარე რიტმი ხელოვანის წინაშე მთელი სერიოზული მოთხოვნები აყენებდა გამოსახვის ახალი საშუალებების მიგნების საკითხს.

1922 წელს გალაკტიონი წერდა: „მეხუთე საუკუნის სტილი შეენის თვით მეხუთე საუკუნეს, მაგრამ ჩვენი საუკუნისათვის მარტოოდენ ძონძებია. ჩვენი პოეტისათვის ძვირფასია ძველი ღმერთები, მაგრამ ჩვენ გვყავს ახლებიც, ისეთები, როგორიც შევეყვრებიან ჩვენს დროს, ჩვენ ეპოქას, ჩვენს კულტურულ დონეს, ჩვენს ტექნიკურ საშუალებებს.

ჩვენ განვიცადეთ ახალი საქართველო, მსოფლიო ომი, დიდი რევოლუცია.

არავინ უარყოფს, რომ მოვიდა ახალი ცხოვრება, ახალ ცხოვრებას სჭირდება ახალი ფორმები, ახალ ფორმებს კი ახალი სიტყვები“¹.

გალაკტიონი არა მარტო გრძნობს ამის აუცილებლობას, არამედ სათანადო სიღრმითაც წარმართავს ძიებებს პოეტის სფეროში. მან რევოლუციი მაჯისცემას შესაბამისი რიტმი მოუძებნა. ეს რელიეფურად გამოვლენდა პოემაში „ჯონ რიდი“. მოკლე ფრაზები, დატეხილი სტრიქონები, დეკამური სტილი მომგებიანი აღმოჩნდა ბოლოქარი დღეების ექსპესის გადმოსაცემად.

„შეკვლელობა

პურის 1/8 გირვანქისათვის.

რევისორი გარდინი.

ფურცლების გაზეთები.

ღვლა

კინობში...

ვიკვლი...

კერენსკის მოწოდება და კრონშტადტი

გადატრიალებულ პეტროგრადში.

მზადება მოსკოვში. -

აჰა, საცაა -

და ერთხელ, დილით -

ჯერ არ არის გათენებული,

ქუჩაზე მოძრაობა.

იუნკრები, თეთრი გვარდია,

წითელი დროშა,

¹ გ. ტაბიძე, თხზ., ტ. XII, გვ. 17.



დატრიონი მისკავთ

უნივერსიტეტის კლინიკაში¹.

ქართული

ამ შემთხვევაში საკმე გვაქვს ფორმის და შენარსული უწყველ თანხვედრასთან. გალაკტიონმა შეძლო მოვლენის არა მხოლოდ შინაარსის გაცნობიერებით წარმოეჩინა რევოლუციის სტიქია, არამედ სტრიქონთა წყობითაც, ინტონაციების ცვლით, ნაწყვეტ-ნაწყვეტი პოეტური ასოციაციებით გაეადვილებინა მკითხველისათვის რევოლუციის ტემპისა და დინამიკის შეცნობა, მისი თავისთავადობის აღქმა.

ეს იყო აუცილებლობით გამოწვეული გადახვევა კლასიკური გზიდან, მისაღები სიახლე და არავითარ შემთხვევაში „პოეტური სუროგატი“, როგორც ზოგიერთ მკითხველს მოეჩვენა. ამ თემაზე საუბარი შემდეგი მოსაზრებით უნდა დავამთავროთ: პირველ ხანებში გალაკტიონი ნაკლებ ან საერთოდ არ მიჯნავს ერთმანეთისაგან რევოლუციას, როგორც ასეთს, კონკრეტული რევოლუციისაგან.

მისი გაგებით, რევოლუცია საერთოდ გულისხმობს ძველის დამხობას და ახალი პროგრესული წყობილების დამყარებას. ამიტომაც ესაღმება თებერვლის გადატრიალებას, თუმცა მრავალმხრივ არ აქვს გაცნობიერებული ამ აქტის ასპექტები, მისთვის ამჯერად ისიც საკმარისია, რომ ძველი დაემხო.

რაც შეეხება ოქტომბრის აჯანყებას, თავდაპირველად მისი სპეციფიკაც ნაკლებ პქონდა შეცნობილი და მასაც ზოგადი თვალსაზრისიდან გამოჟღინარე უდგებოდა. თუმცა ისიც შეინიშნება, რომ ამდენმა სისხლისღვრამ და ქაოსმა დააფიქრა, ნაწილობრივ დააბნია კიდევ. მაგრამ გადამწყვეტი რადიკალური დასკვნა არ გამოუტანია.

საერთოდ კი ამ პერიოდში გალაკტიონი უმეტესად და უმთავრესად მაინც სხვა თემებს დასტრიალებს, სხვა განწყობილებებით ცოცხლობს. საიდუსტრაციოდ „პირიმზეც“ გამოდგება.

„დავიწყებული ჭიშკრის კარბაზე
ხავსი, ყავრები და წვიმის წვეთი!
გაქტრა ათასი თეთრი დარბაზი,
გადარჩა მხოლოდ ცამეტი სვეტი.“

კუბო კი დამით ხავსეა იით

¹ იქვე. ტ. VIII, გვ. 91-92.

და წაქცეული სვეტები დგება:
 ამოდის მთვარე და საპაიით
 ფერმკრთალ ქაღვების მიმოღის წყება.

ცეკვავს სამეფოდ ნაქარგი ქოში
 და ხელსახოცთა ქრიან ზღაპრები
 და მეძახიან მშვიდ სამეფოში
 მთები, სიზმრები და წინაპრები.
 დილით დამტკნარი არის ბაღახი...
 ზედიზედ ისევ ეცემა სვეტი.
 გაიყვეს ძმებმა მოხუცი ბაღი
 და მწუხარება დამრჩა ასეთი¹.

ყუკვიტობა:

ყუკვიტობის ვაჩხაღი კიბეობნებ
 სუფიკომ საღონებე რაფხა მსაქარ
 ყუყუ ნიუბ: ჩამოიქლოთ...
 ჩიოთომ ქვამთე, ჩიოთომ ყუყუა?

¹ გ. ტაბიძე, თხზ., ტ. II, გვ. 47-48.

„...ვით სამრეკლო ცის უღაბნოში“

„ვარულ ტკივილების ბალი დაფარული
ასეთ ვრადაციით მიდის ფრთა — სწივად.
ღამე მარტოობის მტკვნით დახურული,
ვარდა — იდუმალი, სარკე იშვიათი“.

გალაქტიონი

1918 წლის ივლისში გალაქტიონი საქართველოში ბრუნდება. უკან რჩება მოსკოვი და პეტროგრადი მუხუშუმ-წიგნთსაცავთა ინტიმური ჩურჩულით და ქუჩების სისხლიანი ამოხვევებით. მაგრამ ეს დაბრუნება სულაც არა პგავს კარის გამოხურვა-დაგმანვას, წარსულისადმი ფარდის ჩამოფარებას. აღმოდებული რუსეთის სიმხურვალეს პოეტი ისევ განიცდის.

საერთოდ, გალაქტიონი დაჯილდოებული იყო აღქმა-გააზრების უჩვეულო ნიჭით. ფაქტსა თუ სიტუაციას ყოველთვის მკვიდრად იბეჭდავდა სულსა და გონებაში. მათ არც ფერი აკლდებოდათ და არც ხშიანობა. ამიტომ იყო, რომ სასურველ ვითარებაში ძველ პირველგანცდილი უშუალობითა და სისახესით აღადგენდა.

ბრუნდება სისხლნაკლული დღეებით განაწამები, მაგრამ მაინც შემართული, შტრევისა და წინსვლის დაუოკებელი სურვილით აღსავსე, სიცოცხლეს დახარბებული.

ესეც მისი თვისება იყო.

„...მახსოვს დაღონებულიცა და მხნეც, მწუხარეცა და აღფრთოვანებულიც. მაგრამ როგორადაც გულგატეხილი არ უნდა ყოფილიყო რაიმე გარემოებით, არასოდეს უკან არ იხედებოდა, თვალწინ ყოველთვის ნათელი მომავალი ეხატებოდა, დაბინდულ მთებს იქით მოწმენდილი ცის მოშიბლავ სილაქვარდეს ჰკრეტდა...“¹

ამას მოგვიანებით, 1959 წელს იტყვის მგოსნის მახლობელი, უახლოესი ქართული პოეზიის ერთ-ერთი მესამირკვლე იოსებ გრიშაშვილი. მაგრამ ეს შეფასება მთლიანად ვრცელდება ახალგაზრდა გალაქტიონზეც.

მოსკოვში კოლოსალური მუშაობა გასწია; გაასრულა წიგნი „არტიტული ყვავილები“, რომელმაც მთელი ქვეყანა უნდა შეაბარბაცოს. ჩაფიქრებული აქვს რომანი და ლექსების ციკლი...
ლოში ნახტომისათვის ემზადება...

უწინარესად, ყოფითი საკითხებია მოსაგვარებელი. ფულზე კვლავ მწერაღადაა. როგორ, რა გზით უნდა მოიპოვოს პური

¹ კრებული „სადღევრძელო იყო მისი“, თბ., 1973, გვ. 55.



ქართული
ანბნობა



ბალატიონი



არსებობისა?!

ცხოვრებისეული წერილმანები სულს უწეწავს და მანძილს ქედუხრვლია. იცის, ყველაფერი პოეზიას უნდა ესაყვაროს. იცის, საკუთარ ღანდს ვერ გაეჭყვევა.

ფოთიდან პირდაპირ ჭყვიშს მიაშურა. თითქმის ფერუცვლელი დახვდა იქაურობა. ეს იყო მხოლოდ, ყავარი შეღანძლულა და სახლის გვერდით მობუბუნე ვაშლის ხე ქარს წაუჭყვევა.

დღეა მხნედაა. კვლავ წელში გამართული დადის. და მაინც: გალაკტიონის თვალს არ გამოპარვია – მაკრინე დროდადრო ხელის მოხდენილი აკვრით თავსაფარში როგორ მალავს ჩამოცურებულ ფერშეცვლილ კულულებს.

რამდენიმე წუთში მთელი ესო შემოირბინა. მერე იწყება მეზობლების მოჯარება. აივანზე ტყვა არ არის. ზოგი ცაცხვის გრძელ სკამლოვინზე ჩამომჯდარა, ზოგიც რიკულებიან მოაჯირს მიყრდნობია.

– რაფერაა იქ საქმე, ბაღშევიკებმა სულ მთლად გადახნეს მოსკოვი? – კითხულობს დიაკონი ისიდორე და ირიბად იღიმება.

– ეტლში ცხენების მაგივრად კაცებს აბამენ? – თვალებს აფაფხურებს არსენი.

– „ბუხანკა“ პურისათვის მართლა მთელი ღამით მოგყვება ღამაში ქალი? – ცმუკავს უღვაშაბიბინებული დიმიტრი.

უეცრად სინუმე ჩამოვარდა. აივანზე იუსტინე ამოდის. ეკრძაღვიან სულიერ მამას.

– საკმაოდ შეცვლილხარ! – ამბობს იუსტინე და თვალეებში მზეჩამდგარი შესცქერის ამისწულს. მერე ლიტერატურაზე გადააქვს საუბარი. ისიც ძლიერ აინტერესებს ბრძენ კაცს, როგორ წარიმართება რუსეთ-საქართველოს ურთიერთობა.

იუსტინე მალე მიდის და კვალავ ირევა ერთმანეთში ჭორი და მართალი. ამასობაში მაკრინეს არაყი და ხილი გამოაქვს. წამიერი შემშუშვნა:

– რეიზე წუხდები, შე ქალო. – კვალვ ყაყანი.

გალაკტიონი გულისყურით უსმენს მეზობლებს. მისთვის ახლა თავიდათავი ხალხის განწყობის, ფსიქოლოგიის შეცნობაა. ამიტომაც ვზადავზა თვითონ ამძაფრებს საუბარს.

მეორე დღეს ძმები სკოლაში გადავიდნენ. აქ შვიდარშინიან ოთახში სამკითხველო გაუხსნიათ, რომელიც გალაკტიონის სახელს ატარებს. ეს აბესალომის დამსახურებაა.

ასამდე წიგნი. პატარა მაგიდაზე გაზეთები.

– „საქართველო“ ექვთიმე კოპალეიშვილმა გამოგვიწერა მთელი წლით, „ერთობა“ – მაქსიმე ქაჯაიაშ.



გალაკტიონმა თითქმის ყველა წიგნს შეავლო ხელი. მერე ღრმაზროვნად გადახედა ძმას. მიუხედავად აბესალონისა გალაკტიონი კმაყოფილია, რადგან ხაოჯახო წიგნთსაცავიდან ერთი ბროშურაც კი არ არის გადმოტანილი. ძმებს უცნაური, მოწიწებით-ტკივილიანი დამოკიდებულება ჰქონდათ საგვარეულო ბიბლიოთისადმი. წიგნს ცოცხალ არსებასავით აღიქვამდნენ, ეფაქიზებოდნენ, ვერძალვოდნენ, ხშირი ხელშეხებით ფერი არ დაკარგოს, არ გახუნდესო. განათხოვრებაზე ხომ ლაპარაკიც ზედმეტი იყო. სოფლის სამკითხველოხათვის აბესალონს ახლად შექმნილი საკუთარი წიგნები შეუწირავს. უმეტესად სასკოლო ლიტერატურა.

- მკითხველი ბევრი გვაეთ?

- არა! ახლა ყველა სათოხარშია. ვნახოთ, რა იქნება ზამთარში.

- როგორმე უნდა შევინარსუნოთ, გავამდიდროთ - ამბობს გალაკტიონი. მაგიდასთან სკამს მიანოხებს და კალამს იმარჯვენებს.

„ამხ. რედაქტორო! გთხოვთ აღგიღი დაუთმოთ თქვენს გაზ. შემდეგ მოწოდებას. „მოქალაქნო! სოფ. ჭყვიშში გაიხსნა უფ. წიგ-საც. სამკითხველო გალ. ტაბიძის სახელობაზე. გამგეობა სთხოვს ყველას, ვინც დაინტერესებულია ხალხში განათლების შეტანით, გაგვიწიოთ ყოველ მხრივ დახმარება“.

მერე ხმამაღლა კითხულობს „წერიდს რედაქციის მიმართ“ და დასძენს: ამ განცხადებას გაზეთში გამოვაქვეყნებ.

იგი მართლაც უცვლელად დაუბეჭდეს „ალიონში“ (1918 წლის 29 ივნისს), თანაც თანამშრომლობა სთხოვეს.

ჭყვიშში სამი დღე დაჰყო. შემდეგ ქუთაისი. ძველი ნაცნობები მოიკითხა. უკმაყოფილო დარჩა. უღიმღამო ეჩვენა ქუთაისი. ეს დასკვნა მხოლოდ მოსკოვთან შეპირისპირების საფუძველზე როდია გამოტანილი. რაღაც მნიშვნელოვანი დაუკარგავს ქალაქს. პროვინციელის ქუდი თვალებამდე ჩამოუფხატავს. საგუბერნიო ცენტრი გაფერმკრთალებულა, კულტურული ცხოვრება მოდუნებულა. კონსტანტინე გამსახურდია, ვარლამ რუხაძე, სხვანი და სხვანი თბილისში დამკვიდრებულან. ცისფერყანწველებიც სატახტო ქალაქში ბობოქრობენ.

სევდამ დარია ხელი. აქ ნამდვილად ვერ გაძლებს. თბილისი უხმობს.

და აი, პოეტების შფოთიანი სამეფოც.

მოდით, ვიდრე გალაკტიონის ცხოვრების ბილიკებს გაეყვებოდეთ. ეპოქსაც გადავაველოთ თვალი.

1917-1918 წლები.

ოკეანის დაუნდობელი მიმოქცევა.

აპოკალიფსი.

მსოფლიოს რუკა გადაფერადდა. გაქრა ავსტრო-უნგრეთის იმპერია, დაეცა რომანოვების ტახტი, დამოუკიდებლობა მოიპოვეს ჩეხეთმა, პოლონეთმა, ფინეთმა, ლიტვამ და ა. შ.

რუსეთში ბოლშევიკები აღზევდნენ. მაგრამ არაინ უწყის, რამდენ ხანს გასტანს მათი მძლავრობა. როგორც ტიციან ტაბიძე იტყვის: „ანთებული ცეცხლი ჯერ კიდევ არ დამქრალა და მომავალი უფრო მიიმდება ტანტასმაგორიით და კოშმარებით. გადამწვარ რუსეთის ველებიდან თოვლიან კვამლში იხედება საბედისწერო სახე ლენინის, რომელმაც მოგრიხა გაფრენილი ხელით რუსეთის ბედი და მოაწყო ჭინკების კარნავალი“¹.

ხსენებული წლები ფსიქოლოგიური რევოლუციის ხანაც არის. ამიტომაც შინაგანი წინააღმდეგობანი მძაფრდება. ეს კი თავის მხრივ ქმედების აუცილებლობას ბადებს.

რა ხდება საქართველოში?

სამხრეთის ფრონტი მოირღვა. ამიერკავკასიის სეიმი სუსტი და უღელური აღმოჩნდა. თურქეთი ზედიზედ იტაცებს კავკასიის პროვინციებს.

ბათუმი და ახალციხე ანექსირებულია. სოჭში დენიკინი პარპაშებს. ვითარება უშიშმესია და აი, 1918 წლის 26 მაისს საქართველოს დამოუკიდებლობა ცხადდება.

„ქართველი ერის დღევანდელი მდგომარეობა აუცილებლად მოითხოვს, რომ საქართველომ საკუთარი სახელმწიფოებრივი ორგანიზაცია შექმნას, მისი საშუალებით გარეშე ძალის მიერ დაპყრობისაგან თავი გადაირჩინოს და დამოუკიდებელ განვითარების მტკიცე საფუძველი ააგოს.

ამისდა თანახმად საქართველოს ეროვნული საბჭო, 1917 წლის ნოემბერს არჩეული, საქართველოს ეროვნული ყრილობის მიერ, აცხადებს:

1) ამიერიდან საქართველოს ხალხი სუვერენულ უფლებათა მატარებელია და საქართველო სრულუფლებოვანი დამოუკიდებელი სახელმწიფოა.

2) დამოუკიდებელ საქართველოს პოლიტიკური ფორმა — დემოკრატიული რესპუბლიკაა.

3) საერთაშორისო ომიანობაში საქართველო მუდმივი ნეიტრალური სახელმწიფოა.

4) საქართველოს დემოკრატიულ რესპუბლიკას სურს საერთაშორისო ურთიერთობის ყველა წევრთან კეთილმეზობლური

¹ გახ. „საქართველო“, 1918, №195.

განწყობილება დაამყაროს, განსაკუთრებით კი მოსახლურ სახელმწიფოებთან და ერებთან.

5) საქართველოს დემოკრატიული რესპუბლიკის საზღვრებში თანასწორად უზრუნველყოფს ყველა მოქალაქის სამოქალაქო და პოლიტიკურ უფლებებს განურჩევლად ეროვნებისა, სარწმუნოებისა, სოციალური მდგომარეობისა და სქესისა.

6) საქართველოს დემოკრატიული რესპუბლიკა განვითარების თავისუფალ ასპარეზს გაუხსნის მის ტერიტორიაზე მოსახლე ყველა ერს.

7) დამფუძნებელი კრების მოწვევამდე მთელის საქართველოს მართვა-გამგეობის საქმეს უძღვება ეროვნული საბჭო, რომელიც შევსებული იქნება ეროვნულ უმცირესობათა წარმომადგენლებით, და დროებითი მთავრობა პასუხისმგებელია საბჭოს წინაშე¹.

იმავუ დღეს ჩამოყალიბდა სამინისტრო ნოე რამიშვილის თავმჯდომარეობით

იწყება ახალი ერა.

განწყობაც ამაღლებულია, რაც კარგად გამოხატა გ. ლეონიძემ ლექსში „26 მაისი“.

*„შეინდის დროშებით გავაგიჟებ ყოშრალ მოედანს...
- დღევანდელი დღე საქართველოს ისევ მოიტანს.
ნელდება ცეცხლის კოშმარებში ოდრიკალები -
თეთრი ფიქრები მახვევია მადრიგალებად“².*

1919 წლის თებერვალში აირჩიეს საქართველოს დამფუძნებელი კრება, რომელმაც დაამტკიცა ახალი მთავრობა ნოე ჟორდანიას მეთაურობით.

პატრიოტული ინტერესები რამდენადმე ავიწროვებს ეროვნულ ცნობიერებას, მაგრამ ეს უკანასკნელი მაინც მძლავრობს.

მთავრობისადმი თანადგომა დიდია. ხელისფლებას საკმაოდ პყავს მოწინააღმდეგენი. ცხარედაც კამათობენ ცალკეულ საკითხებთან დაკავშირებით, მაგრამ ისიც ფაქტია, რომ დიდ უმრავლესობას ღრმად აქვს შეცნობილი ეროვნული ხელისუფლების არსი და მნიშვნელობა.

ღირიკული გადახვევა.

1919 წელი. ქობულეთი. ხალხით გატყედილი მოედანი და გამეხებული ასკერები. ცენტრში ლაშმორღვეული ზარბაზანი, რომლის აყირავებული ლულა თითქოს მზეს ემუქრება.

- მოპყავთ!..

¹ ოფიციალური დამატება გაზეთ „საქართველოს რესპუბლიკისა“, 1918, №1, 25 ივლისი.

² გაზ. „საქართველო“, 1918, №10.

წამიერი ჩოქოლი და კვლავ სამარისებური სიჩუმე.
ხელგაკრული ახოვანი მამაკაცი ამაყად მოაბიჯებს, მისი
გამოხედვა, შინაგანი ცეცხლი, თავდაჯერებულობა მოკრძალებას
ბადებს.

თურქი ოფიცერი ბრძანებს და ზარბაზნის ღულაზე თოქს
გამონასკვავენ. მარყუჭი ავბედითად ქანაობს.

ხელგაკრული მამაკაცი სკამზე დგება.

თურქი ოფიცრის ხმა შორს ისმის:

- კიდევ გეკითხები: ვის უჭერ მხარს - ოსმალეთს თუ
საქართველოს?

ავისმომასწავლებელი ქრწოლა... ერთი სიტყვა და გადარჩება...
ერთი სიტყვა და გადარჩება... მაგრამ...

ხელგაკრულ მამაკაცს თავი მარყუჭისაკენ მიაქვს...

- გაუმარჯოს დამოუკიდებელ საქართველოს!

ასე დაიღუპა ქობულეთის სახალხო მთქმელი ხასან
თხილაიშვილი.

- XX საუკუნის კიდევ ერთი ცოტნე დადიანი.

...ჩავდგეთ მდორე დინებაში.

ღიახ, ეროვნული თვითშეგნება დიდია, მთავრობის
მეთაურისადმი პარტივისცემა უსაზღვრო. შემთხვევითი არ არის,
რომ იაკობ ნიკოლაძე ნოე ჟორდანიას ბიუსტს ძერწავს, სანდრო
შანშიაშვილი ლექსით აღიძებს, გაზეთ „ერთობის“ პუბლიცისტი
ბელადს უწოდებს, ხოლო მეორე ჟურნალისტი საქართველოს
წმინდა სიმბოლოდ სახავეს. მკვიდრდება სიახლე: ოფიციალური
და არა მხოლოდ ოფიციალური შეკრებების, ღხინის ჟამს
პირველი სადღეგრძელო მთავრობის მეთაურს მიუძღვნან¹.

აქ ერთ უცნობ მასალას დავესესხები. ზემოთ მოტანილი
დოკუმენტი ფურცელზე გარკვევით იკითხება: „ძღვნათ ნოე
ჟორდანიას“. აშკარაა გალაკტიონის განზრახვა - ლექსით
შეეხმიანოს დიდ ნოეს.

გალაკტიონი გულწრფელად ინტერესდება ჟორდანიას
ხასიათითა და მოღვაწეობით. ანალიზებს მის მოქმედებას,
ცალკეულ ნაბიჯებს.

სამართლიანობა მოითხოვს ითქვას, რომ ბევრს კარგად
ახსოვს ჟორდანიას-მხარაძის გამოსვლა-ქმედება ილია ჭავჭავაძის
წინააღმდეგ². და თუ ამჯერად არ ხდება ძარღვის გაშიშვლება, ისევე

¹ გაზ. „ერთობა“, 1920, №14.

² ცნობისათვის: 1920 წელს გამოცხადდა ხელმოწერა ნ. ჟორ-
დანიას თხზულებათა თხუთმეტტომეულზე, პირველი სამი ტომი დაისტ-
ამბა კიდევ.



საქართველოს ინტერესებიდან გამომდინარე ვერც იმას დავიფიქვებთ, რომ ხელისუფლების სათავეში მოსვლის შემდეგ გარკვეული ცვლილებები იგრძნობა ნ. ჟორდანიას აზროვნება-ქმედებაში. მოვიტანთ ერთ გაუხმაურებელ ინფორმაციას, რომელიც სერიოზული ჩაფიქრება-განჯისავენ გვიბიძგებს. „კვირას, 18 იანვარს, დილის 11 საათზე, წერა-კითხვის გამავრცელებელი საზოგადოების გამგეობის ინიციატივით მამადავითის კვლესიაში გადახდილ იქნა პანაშვიდი ი. ჭავჭავაძის, ა. წერეთისა და დ. ყიფიანის ხსოვნის აღსანიშნავად. წირვა გადაიხადა სრულიად საქართველოს პატრიარქმა დეონიმემ. პანაშვიდს დიდძალი საზოგადოება დაესწრო. დაესწრნენ რესპუბლიკის მთავრობის თავმჯდომარე, მინისტრები, დამფუძნებელი კრების წევრები და სხვა საზოგადო დაწესებულებათა წარმომადგენელი“¹.

~~საქართველოს სახალხო რესპუბლიკის~~
~~მთავრობის~~
 [Handwritten signature]
 [Handwritten signature]
 [Handwritten text]

შეიხარა სიყმა

1919 წლის 5 აპრილს გადაკტიონმა „იმედში“ შეიარა. ეს სასადილო სემინარიის ყოფილ შენობაში იყო მოთავსებული და ხელოვანთა თავშესაფარს წარმოადგენდა. განაპირა მაგიდას დაეთ კასრაძე უჯდა. იგი ჩვეული აღტაცებით არ შეგებებია მგოსანს და ეს უკანასკნელი ოდნავ შეცბა.

- პანაშვიდზე იყავი? - იკითხა დავითმა და პასუხს არც დალოდებია, ისე განაგრძო - დამაფიქრებელია, ფრიად დამაფიქრებელი.

- რა? - ჩაეძია გადაკტიონი.
 - ნოეს საქციელი.

ნ. ჟორდანიას 12 წლის ვაჟი - ანდრია - გარდაიცვალა. მკვსეულად მოიხარა უბედური მამა. დაბნეული და სანტიმენტალური გახდა. დაიძაბა საზოგადოება. აგორდა ჭორი. როგორ დაკრძალავს? ეს კითხვა მოულოდნელი არ ყოფილა. გურიაში სოციალ-დემოკრატთა წაქეზებით კვლესიები

¹ ამ ბრძოლის ეჭო კიდევ საგრძნობია. მაგალითად, 1920 წლის „საქართველოში“ დაიბეჭდა ვარლამ ხუროძის რეცენზია სილოვან ხუნდაძის წიგნზე. კრიტიკოსი გაცხარებულია: - ს. ხუნდაძე ვერ ამჩნევს ილიას ნაკლს და ზედმეტად აქებსო (№77).

გაავერანეს. გურიას სხვა კუთხეებიც აქვდა. ქრისტიანული წესით დაკრძალვას ბევრი აღმაცვრად უყურებდა, ჩამორჩენილობად თვლიდა. და აი, ნოე ქორდანია სასულიერო პირებს იწვევს. წესის აგება... ღოცვა... გალობა...

– რა არის ეს? იდეების დაღატი თუ ტრადიციის ერთგულება?
– კითხულობს დავითი და ასკვნის – ერის სულის ძახილი!

ისიც გაიხსენეს, რომ მუორე დიდმა რევოლუციონერმა კარლო ჩხეიძემაც ქრისტიანული წესის უზუსტესი დაცვით დაკრძალა შვილი.

გვიან დაშორდნენ ერთმანეთს. პოეტს ფიქრები მოეძალა. სულ სხვა თვალთ შეხედა წარსულს, სხვაგვარად გაიაზრა ის დისციპლინები, რომლებსაც სემინარიაში აწავლიდნენ. მაშინ საღმრთო სჯულისა და კატეხიზმოს დახეპირება იყო თავიდათავი. ახლა სხვა რამ იწვევს წინ. სული და ხორცი. ხორცი და სიკვდილი. წუთისოფელი. რომელი ცხოვრება უფრო ნაღვია – ამქვეყნიური თუ მიღმური?

სული თუ მარადიულია, მაშინ ცხოვრება ხომ არ არის გარდასხეულება? თუ სიცოცხლე სულის სამოსია, მაშინ სამოსი ვერ იქნება მარადიული. იგი უნდა შეიცვალოს. მაგრამ როგორ?

ბუნებაში თუ კი არაფერი იკარგება, გარდაცვალება რატომ უნდა აღვიქვათ ტრაგედიად?

იქნებ სიკვდილი სულიერი განახლების წინა ეტაპია?

იქნებ სიკვდილი მარადისობაში გადასვლაა. მაშინ შიში უნდა დაითრგუნოს. ზეცაში ხიანკარე და სიწმინდეა. ამიტომ გარდაცვალება სულაც არ უნდა იყოს საშიში. „სიკვდილის გზა არაა არის, ვარდისფერ გზის გარდა“.

უარყოფა და მტკიცება. მტკიცება და უარყოფა.

ნაირგვარი გაველეხები... ძველი ფიქრების წამოტივტივება.

საერთოდ, ეს საკითხები მთელი სიცოცხლე აწამებდა გალაკტიონს...

დაეუბრუნდეთ ძირითადს.

საუკუნით მინავლებულ-დაბინდული სული აფეთქდა. დაგუბებულმა გრძობამ სადინარი იპოვა. ამის დასტურად შემდეგი ფაქტიც გამოდგება. 1918 წლის დეკემბერში ხომხებმა საზღვარი გადმოლახეს და ივერიელებიც იძულებულნი არიან მახვილი გააშიშვლონ. იწყება ნაციონალური აზვირთება.

„გუშინ თფილისში ხვესურთა რაზმი ჩამოვიდა. რაზმი აღფრთოვანებულია და მზადაა სამშობლოს დასაცავად“¹.

„თულავში ჩოლოყაშვილის თაოსნობით შესდგა ცხენოსანთა

¹ გაზ. „საქართველო“, 1918, №245.



პარტიზანული რაზმი, რომელიც ამ დღეებში გავა ბრძოლის ველზე. რაზმში ადგილობრივი გიმნაზიელებიც არიან¹. „ხუთშაბათს, 26 ქრისტეშობისთვეს, ღამის 10 საათზე უზბეკების გორელ მოხალისეთა რაზმი ჩამოვიდა. რაზმი დაახლოებით 500 კაცისაგან შესდგება“².

„გუშინ ქიზიყიდან მოხალისეთა ორი რაზმი ჩამოვიდა“³.

„თბილისში მცხოვრებ რაჭველებმა და ლეჩხუმელებმა შეადგინეს რაზმი 3000 კაცამდე, რომელიც დაიცავს წესიერებას და საჭიროების დროს ბრძოლის ველზეც წაელენ.“

რაზმი ხუთშაბათს, 26 ქრისტეშობისთვეს, ე. დვალის მეთაურობით, შოთა რუსთაველის დროშით (წარწერა: „სჯობს სიცოცხლესა ნაძრახსა, სიკვდილი სახელოვანი“) და ეროვნულ სიმღერებით მივიდა სასახლესთან, სადაც მათ სიტყვით მიამართა პარლამენტის წევრმა ა. პაპავამ⁴.

უნივერსიტეტის სტუდენტებმა ერთხმად დაადგინეს ფრონტზე წასვლა⁵.

ივანე ჯავახიშვილი საჯარო ლექციას კითხულობს საქართველოსომხეთის საზღვრების შესახებ და პატრიოტული ხელისკვეთებით ანთებს მსმენელებს⁶.

პრესა თუშების საარაკო გმირობაზე მოგვითხრობს⁷.

დაზავება მალე მოხდა.

ე. ჯუღელი პარლამენტის სხდომაზე იტყვის: „გარდა ამისა, რომ ჩვენ გავიმარჯვეთ ბრძოლის ველზე ეკატერინოფილდთან, ბოლოს ხანწინთან და შულავერთან, ჩვენ გავიმარჯვეთ მითაც, რომ ომი დროზე შევანერეთ და ორ მოძმე ხალხის დემოკრატიას შორის სისხლისღვრას ბოლო მოვუდეთ. ჩვენ დარწმუნებული ვართ, ხომხისა და ქართველ დემოკრატიას შორის ომით ჩატეხილი ხიდი კვლავ გამართელდება“⁸.

დაკარგული მხარეების შემოერთებისა და დიდი საქართველოს

¹ გაზ. „საქართველო“, 1918, №248.

² იქვე, №251.

³ იქვე.

⁴ გაზ. „საქართველო“, 1918, №251.

⁵ იქვე, №242.

⁶ იქვე, №246.

⁷ გაზ. „საქართველო“, 1919, №5.

⁸ იქვე, №6.



ჩამოყალიბების იდეა-პერსპექტივა თანდათან მძაფრდება.

გაზეთები წერენ, რომ სოჭის ოლქი ძველი ჯიქეთია და იქ მცხოვრებთა ნახევარს ქართველები შეადგენენ, რომ საჭიროა ამ მხარის შემოპოტოცება. საგულისხმოა, რომ პარლამენტის სხდომაზე ხმადაღლა კითხულობენ ინგლისის დიპლომატიური მისიის მეთაურის ოუერის წერილს ნოე ჟორდანიასადმი. „თქვენო აღმატებულებაჲ, მაქვს პატივი გაუწყოთ, რომ მე დღეს მივიღე დეკრეტი მოკავშირეთა უმაღლეს სარდლობისაგან კონსტანტინოპოლში, რომლითაც იტყობინება, რომ ინგლისის მთაურობამ უბრძანა გენერალ დენიკინს დაუყოვნებლივ გაიყვანოს თავისი ჯარები სოჭის ოლქიდან.

თქვენო აღმატებულებაჲ, კეთილი ინებეთ, ბრძანება მისცეთ საქართველოს ჯარს, არ გავიდეს ამ პოზიციებდიან, რომელზედაც ის ეხლა დგას“¹.

სამხრეთშიც თითქოს ღრუბლების გადაურა არის მოსალოდნელი. პრესა იუწყება, რომ დასავლეთ ევროპის სახელმწიფოებს, ბერძნების შთაგონებით, ტრაპიზონის იმპერიის აღდგენა განუზრახავთ. ბერძნებს იმედი აქვთ, რომ საქართველო წინააღმდეგი არ იქნება ამ იდეის განხორციელებისა, თუ ლაზისტანის საკითხში შეთანხმდებიან.

ოფიციალური წრეების აზრი ასეთია: „ქართველი ხალხი თავისათ სთვლის მთელს ლაზისტანს, თვით ლაზებზეა დამოკიდებული რა ფორმით მოისურვებენ ისინი საქართველოს რესპუბლიკასთან კავშირის აღდგენას. მაჰმადიან ქართველებში ტრიალებს ერთი იდეა, რომელიც ამ თავად შეიძლება ყველაზე უფრო მისაღები იყოს გაერთიანების პროცესის უმტიკინველოდ დასამთავრებლად: ეს არის იდეა მაჰმადიანო საქართველოს კულტურული ავტონომიისა“².

ზემოთ ხსენებული იდეის პრაქტიკული განხორციელება შეუძლებელია. დენიკინი არა თუ ტოვებს სოჭს, არამედ აფხაზეთში შემოიჭრა. თურქების წაქეზებით სამხრეთ-დასავლეთ კავკასიის მთაურობაც კი ჩამოყალიბდა, რომელმაც ბათუმის, ყარსის, არტაანის და სხვა ოლქების მცხოვრებელთა ნების გამომხატველად გამოაცხადა თავი.

ბევრ რამეს უნდა გაეწიოს ანგარიში. სიტუაცია მერტ თავდახრას მოითხოვს.

შემთხვევითი როდია, რომ 1920 წლის სექტემბერში დააყადაღეს ტიციან ტაბიძის მიერ ბათუმში გამოცემული გაზეთი „მთლიანი საქართველო“. როგორც საგანგებო კომისარი ბ. ჩხიკვიშვილი

¹ გაზ. „საქართველო“, 1919, №40.
² იქვე, 1919, №6.



ბრძანებს, იგი „...მიმართულია ჩვენთან კეთილგანწყობილი მეზობლის ოსმალეთის წინააღმდეგ და თავის შინაარსში მარტო დაუშვებელი“¹.

მიუხედავად იმისა, რომ დიდი საქართველოს შექმნის იდეას განხორციელება არ ეწერა, იგი მაინც მნიშვნელოვნად მიგვაჩნია, თუნდაც ისტორიული მახსოვრობის გადრმავება-გაძლიერებისა და ერის სულიერი შეკავშირების თვალსაზრისით.

იმასაც დავსძენ, რომ საბჭოთა რუსეთმა ოფიციალურად მიმართა ნ. ჟორდანიას მთავრობას, რათა საერთო ძალით შეეერთათ დენიკინისათვის. პასუხი ასეთი იყო: საქართველო ნეიტრალური სახელმწიფოა. იგი სხვათა შინაურ საქმეში ვერ ჩაერევაო. ამან რუსეთს საგარეო საქმეთა კომისრის გ. ჩინერიანის გამეხება გამოიწვია. ბოლშევიკები ყოველმხრივ ცდილობდნენ სახელი გაეტეხათ საქართველოს პარლამენტისთვის. ამ მხრივ ტიპიურია 1920 წლის მარტის ნოტა. მასში ნათქვამია, რომ საქართველოს მთავრობა ბრმა იარაღი იყო გერმანელთა ხელში და ამჟამადაც იმპერიალისტთა დაკვეთით მოქმედებს. ამიტომაც არ მიიღო ჩვენი წინადადება დენიკინის წინააღმდეგ ერთიანი ფრონტით ბრძოლის შესახებ. ნოტაში ნათქვამია, რომ ჟორდანიან-გუგუშკორი სისხლში ახშობენ სასხალხო მოძრაობას, დამსჯულ ექსპედიციებს აგზავნიან სოხუმში, შაჟი ზღვის გუბერნიაში და ა.შ.² ქვეტექსტი გამკვირვალეა: რადგანაც საქართველოს ხელისუფლება ანტიდემოკრატიულია, ჩვენ გემართებს ამ ქვეყნის მშრომელთა ინტერესების დაცვა. ნოტა თავისებური მუქარით მთავრდება: საბჭოთა მთავრობის ურთიერთობა საქართველოსთან დამოკიდებულია ნ. ჟორდანიას მომავალ ნაბიჯებზეო³.

გ. ჩინერიანის მიმართვა მართებულად არის გააზრებული და შეფასებული გახეთ „ერთობის“ მეთაურ წერილში „...საბჭოთა რუსეთის „ნარკომის“ „ნოტების“ გონებრივი ავლა-დიდება ისე მცირეა, რომ სწორედ „კურდღელს აეკიდება“. ჭორები, ცილისწამება, ფაქტების გადამახინჯება, უძლეური გესლი და

¹ გაზ. „საქართველო“, 1919, №93.

² საგულისხმოა, რომ საქართველოს მთავრობას სხვა დროსაც დასწამეს ცილი. ს. კიროვმა ნოტაც კი გაუგზავნა ჩვენს ხელისუფლებას: - თქვენ დაეხმარეთ და ბათუმიდან ყირიმში გაგზავნეთ დენიკინის ოფიცერ-ჯარისკაცები ჟრანგელის დასახმარებლადო. საგანგებო კომისიამ, რომელშიც რუსეთის დელეგატებიც შედიოდნენ, დაამტკიცა, რომ მხგავსი არაფერი მომხდარა.

³ გაზ. „ერთობა“, 1920, №61.



თავდაუკერვლი დემაგოგია – აი მათელი მათი შინაარსი...

მართლა და რომელი შეგნებული მუშა ან რომელი საშუალო გლეხი დაიჯერებს, ვითომც ნოე ჟორდანიას მიღობა გაგზავნოს ჯაფაროვისთვის ოსმალთა ჯარების მიერ ბაქოს აღების გამო? ან ვის არ გააცინებს ის დემაგოგიური სიცრუე, ვითომც ჩვენი მთავრობა „დრაკონისებურ ზომებს ღებულობდა“ ტყიბულის მუშების წინააღმდეგ, ან ვის არ აღაშფოთებს ის ცილისწამება, ვითომ საქართველოს მთავრობის თანხმობით გაეცეს ვისმეს ჩვენს რესპუბლიკაში შემოხიზნული „წითელარმიელები“? სიცრუის და ჭორიკანობის დაუსრუტელი ზღვაა ბ. ჩინჩინის უკანასკნელი „ნოტა“ და მათი ამოშრეტა შეუძლებელია¹.

ერთ მტკივნეულ საკოხსაც ნუ აუუღლით გვერდს. ეს არის ევროპის სახელმწიფოებთან საქართველოს ურთიერთობა, რომელიც ჩვენს ისტორიოგრაფიაში მრუდად იყო წარმოსახული.

საქართველოს საკუთარი ძალებით ნამდვილად არ შეეძლო იშკამად დამოუკიდებლობის შენარჩუნება. ამიტომაც მიმართეს უცხოელებს (1918 წლის მასიში გერმანელებს, ხოლო დეკემბერში ინგლისელებს). სხვა გამოსავალი არ არსებობდა.

ცნობილია, რომ ოსმალეთმა დაქინებით მოითხოვა ჩვენს რკინიგზაზე საკუთარი ჯარების გატარება, სამხრეთ რაიონებში რეფერენდუმის ჩატარება და ა.შ. დასავლეთის დადებითი როლის უარყოფა შეუძლებელია².

1918 წლის ბოლოს საქართველოს დემოკრატიული რესპუბლიკა ცნეს ჩეხეთმა, უნგრეთმა, შვეციამ, დანიამ, ნორვეგიამ. მალე მათ ევროპის დიდი სახელმწიფოებიც³ შეუერთდნენ. ამ აღიარებას აღტაცებით შეხვდა ქართველი ერი. თავს ნებას მიეცემ, მოზრდილი ამონარიდი მოვიტანო ნოე ჟორდანიას სიტყვიდან, რომელიც მან 1920 წელს წარმოთქვა დამფუძნებელი კრების საზეიმო სხდომაზე.

„მოქალაქენო! ნება მიბოძეთ მოგილოცოთ თქვენ, მოულოცო

¹ გაზ. „ერთობა“, 1920, №62.

² გაეხსენოთ, როგორი პასუხი ვასცა გენერალმა კუკოლისმა მასთან მისულ ბათუმელ მუსულმანებს: კონფერენციის დადგენილებით ბათუმი და მისი ოლქი საქართველოს გადაეცა. „ჟეჟლა ის, ვინც საქართველოს ჯარს წინააღმდეგობას გაუწევს, ჩაითვლება ინგლისის მტრად და როგორც საქართველო, ისე ჩვენ სასტიკ ზომებს მივიღებთ დამნაშავეთა წინააღმდეგ“ (გაზ. „ერთობა“, 1920, №49). ეს მაშინ ითქვა, როცა ორი წლით ჩამოშორებული ბათუმი და მისი ოლქი კვლავ დაუბრუნდება დელასამშობლოს.

³ საფრანგეთმა, ინგლისმა, იტალიამ საქართველოს რესპუბლიკა იურიდიულადაც ცნეს 1921 წლის 27 იანვარს.

საქართველოს ხალხს საერთაშორისო ოჯახში გაშლილი დროშით შესვლა და იქ ევროპის ხალხთა გვერდით სტაბილური ადგილის დაჭერა. ამიერიდან ქართველი მიღებულნი უნდა იქნებოდნენ ერების მიერ, როგორც თანასწორი თანასწორთა შორის.

ჩვენი დღევანდელი ცხოვრება და მომავალი გზაკვალი მჭიდროდ, უშუამოვლოდ გადაუჯაჭვა დასავლეთს და ამ კავშირის გაქარწყლება არ ძალუძს არავითარ ძალღონეს...

დასავლეთი თუ აღმოსავლეთი – აი ესაა კითხვა ჩვენს წინაშე დასმული და აქ ყოყმანი შეუძლებელია, ჩვენ მუდამ ვირჩევდით და ვირჩევთ დასავლეთს. და თუ ბალშევიკები აღმოსავლეთს ებღაუჭებიან, ეს იმიტომ, რომ დასავლეთმა მათ უარი უთხრა კავშირზე და ცნობაზე.

როგორც ხედავთ, საქართველოს და რუსეთის გზები აქაც გაიყარნენ, ჩვენი გზა მიდის ევროპისაკენ, რუსეთის კი აზიისაკენ. ვიცი, მტრები აყვირდებიან – იმპერიალისტებს ემხრობითო. ამიტომ აქ გადაჭრით უნდა ვსთქვათ: მიჩვენია დასავლეთის იმპერიალისტები აღმოსავლეთის ფანატიკოსებს (ხანგრძლივი ტაში)¹.

რაკი საგარეო ურთიერთობაზე ჩამოვარდა სიტყვა, უპრიანი იქნება აქვე შეგვეფასებინა 1920 წლის სექტემბრის მოვლენები. მხედველობაში გვაქვს ევროპის სოციალისტური დელეგაციის საქართველოში ჩამოსვლა და მოსახლეობასთან შეხვედრა. მეორე ინტერნაციონალის ბელადმა კ. კაუციკიმ, ისეთმა თვალსაჩინო მოღვაწეებმა, როგორებიც იყვნენ ე. ვანდერველდე, ბ. ნაკონალი, ტ. სოუ და სხვები, თითქმის მთელი საქართველო შემოიარეს. მათ აინტერესებდათ, რამდენად ისხამდა ფრთებს მათი ოცნება. ჯერ კიდევ ადრე ე. პლენხანოვმა აღნიშნა, რომ მთელს რუსეთში მარქსიზმის ორთოდოქსალური დამცველი მხოლოდ ქართული სოციალ-დემოკრატია არისო. მეორე ინტერნაციონალის თავკაცებიც ფრიად აფასებდნენ ნ. ჟორდანიას მოღვაწეობას.

ევროპელთა სტუმრობას დიდი მნიშვნელობა ჰქონდა. ჯერ ერთი, საქართველოს ხელისუფლება და, რაც მთავარია, ფართო საზოგადოება კიდევ ერთხელ დარწმუნდნენ, რომ ქვეყნის შენების სწორი გზა ჰქონდათ არჩეული და ამას ჩვეულებრივი მოკვდაენი კი არა, მთელს მსოფლიოში სახელგანთქმული რევოლუციონერები უდასტურებდნენ.

„თქვენ იდეალების ქვეყანა ხართ...“² ამბობს ე. ვანდერველდე. „თქვენი ცდა, ცდა დემოკრატიზმით სოციალიზმისაკენ არის

¹ გაზ. „ერთობა“, 1920, №11.

² იქვე, №216.



**კომეტის
გალაქტიონ ტაბიძის
ს ა ლ ბ ე რ**

სახელმწიფო თეატრში
მთხოველათ, 3 შარის

ივანე გომეარტელი

წარმოებდა იმდენი გალქტიონ ტაბიძის როლები, შეიქმნა

კომეტები, მწერლები:

ახალი სახე
წარმოადგინა
განსხვავებული
დადგინა შიშო
ანტიკონიუნი
მეფეობა კონ

სახელი ივანე
ჩუბინი კონ
ახალი ტიპი
ტაბიძის როლები
წარმოადგინა
მეფეობა კონ

წარმოადგინა თეატრში, მთხოველათ, 3 შარის

ს ა ლ ბ ე რ

საქართველოს საბჭოთაო კავშირი
საბჭოთაო კავშირი
საბჭოთაო კავშირი

საბჭოთაო კავშირი

საბჭოთაო კავშირი
საბჭოთაო კავშირი

საბჭოთაო კავშირი

საბჭოთაო კავშირი



სამაგალითო ჩვენთვის და გისურვებთ, რომ არ ასცდენოდეთ ამ გზას¹. ეს სწოდების სიტყვებია. გაეხსენოთ კ. კაუციუს გამონათქვამიც: „ბათუმში მოსვლის შემდეგ ვიგრძენი, რომ თითქოს მე ვცხოვრობ არა უცხოეთში, არამედ, როგორც პაპა, თავის დვიძლ შვილებსა და შვილიშვილებს შორის“².

ყოველივე ეს სიმხნევესა და ბრძოლის სტიმულს მატებდა ჩვენს მოღვაწეებს. მეორეც: სტუმრებმა მოელს ევროპას გააცნეს საქართველოს მოღვაწეები და ქვეყნის საერთაშორისო აღიარებას შეუწყვეს ხელი. აი რას ამბობს პიუსმნასი: „თქვენ გყავთ მთავრობა, რომელიც დინჯათ, თანდათანობით იბრძვის მოპოებულის განსამტკიცებლათ და ჩვენ ვიღებთ ვალდებულებებს ჩვენს თავზე ევროპაში მისვლისას ძალა დავატანოთ ჩვენს მთავრობებს, რათა საქართველოს მისცენ საშუალება განვითარებისა, როგორც ღირსიც არის ეს თავისუფალი ქვეყანა“³.

ვიქტორ ნოზაძე იტყობინება ღონღონიდან: „ინგლისელი სოციალისტები ფართო აგიტაციას აწარმოებენ საქართველოს შესახებ, როგორც სოციალისტურ კრებებზე, საერთო ჩვეულებრივ მიტინგებზე, ისე ლიბერალურ წრეებშიაც. მათ დღემდე უკვე დაბეჭდეს შვიდი წერილი სხვადასხვა ინგლისურ გაზეთებში და ჟურნალში. აპირებენ კვლავ განაგრძონ ასეთი მუშაობა და გააცნონ საქართველო“

ინგლისის დემოკრატიას⁴. არც სხვა ქვეყნის წარმომადგენლები გაყუნებულან. მაგალითად, ბულგურ გაზეთში „ა ალფე“ დაიბეჭდა ვრცელი წერილი „პირველი სოციალისტური მთავრობა“.

ხაზგასმულია, რომ კ. კაუციუსი სპეციალური წიგნიც კი დაწერა „სოციალიზმის პრობლემები და პერსპექტივები საქართველოში“. როგორც ქართული პრესა იუწყებოდა, იგი სწრაფად უთარგმნიათ ხელნაწერიდან და უმოკლეს დროში გამოუციათ კიდევ⁵.

ერთი სიტყვით, მეორე ინტერნაციონალის წარმომადგენლებმა ბევრი რამ გააკეთეს საქართველოს რესპუბლიკის პოპულარიზაციისათვის.

პოლიტიკური დაძაბულობა მატულობს. ყველაზე დიდი საფრთხე ჩრდილოეთიდან მოდის. გაჭირვებული და

¹ გაზ. „ერთობა“, 1920, №216

² იქვე, №242.

³ იქვე, №223.

⁴ იქვე, №273.

⁵ იქვე, №280.

გაბოროტებული მეზობელი ძალზე საშიშია.

მოვეუსმინოთ მაქსიმ გორკის: „თმა ყალუზე მიდგება ყველა იმ შემზარავ სურათების ნახვით, რაც რომ რუსეთმა განიცადა მაგრამ ის, რაც მოელის, იმასაც განეჭვრეტ და ამიტომაც ჩემ ვაებას არ აქვს საზღვარი, სადღაა მოსკოვი?“

იგი ხისხლისა და ტალახის ოკეანედ გარდაიქცა. აშშორებული წუმკვები, მოშხამული პაერი და უმწეო მშვირ-მწყურვალი ხალხი ერთადერთ მიღონ მიაზმებით მსუნთქავი, აი დღევანდელი მოსკოვი. გაზაფხულზედ გამდნარმა თოვლმა რუსეთი დაუსრულებელ ჭაობად აქცია, ახლა დადგება ზამთარი და ჩვენ კი აღარ შეგვრჩენია რა, აღარც საჭმელი, აღარც სასმელი, შეგიძლიანთ წარმოიდგინოთ, რა არის წითელი რუსეთი და რა არის მისი მომავალი... არა, ჩემს მწუხარებას სიტყვებით ვუღარ გამოვხატავ¹.

და მაინც, რუსეთი თანდათან დგება ფეხზე. მართებულად შენიშნავს ტიცოან ტაბიძე: „იწყებს გამრთვლებას რუსეთის იმპერია, მისი ნაწამები სულის დაგუბებული შურისძიება სასტიკი იქნება.

საქართველო ისევ გარემოცულია“².

საკმარისია რუსეთი ოდნავ მოლონიერდეს და იმპერიალისტური ზრახვებიც მძაფრდება.

1920 წლის მაისში სამშვიდობო ხელშეკრულება დაიდო რუსეთსა და საქართველოს შორის. აი, ძირითადი პუნქტები:

„1) რუსეთი ყოველ დავის გარეშე სცნობს საქართველოს სახელმწიფოს დამოუკიდებლობას და თვითარსებობას და თავის ნებით უარს ამბობს ყოველგვარ სუვერენულ უფლებებზე, რომელიც რუსეთს ეკუთვნოდა საქართველოს ხალხისა და მიწა-წყლის მიმართ.

2) რუსეთი უარს აცხადებს საქართველოს შინაურ საქმეებში ყოველგვარ ჩარევაზე.

3) საკითხი საზღვრების შესახებ გადაწყვეტილია საქართველოს ხელსაპრელ პირობებში“³.

შეთანხმებას ჰქონდა აქილევსის ქუსლი. ეროვნული მთავრობა იძულებული იყო დათანხმებოდა საქართველოში ბოლშევიკური პარტიის ლეგალიზაციას. ეს მუხუთე კოლონის გაძლიერებას ნიშნავდა.

მოსკოვი ხსენებული დოკუმენტით ცდილობდა თვალი

¹ გაზ. „საქართველო“, 1920, №110.

² იქვე, 1918, №187.

³ გაზ. „ერთობა“, 1920, №104.



აეხვია ფართო საზოგადოებისათვის, დრო მოეგო და პირველსავე ხელსაყრელ შემთხვევაში მოეხდინა საქართველოს განქვეყნება უცნაურია, მაგრამ ფაქტია, რუსეთის ელჩი ს. კიროვი თბილისში (1) ამაღლით ჩამოდის თბილისში.

ბოლშევიკების გაზუთი „კომუნისტი“ სისტემატურად ბეჭდავს წერილებს, რომელთა ავტორები ფაქტების დამახინჯებით, ტენდენციურ-მცდარი კვალიფიკაციით ესწრაფვიან ადგილობრივი ხელისუფლების ზღუდეების მორღვევას. მეორე მხრივ, სანიმუშოდ არის მიჩნეული ჩრდილოეთელთა ქმედება.

საქართველოს მთავრობა გულხელდაკრევილი როდი ხედება ასეთ გამოლაშქრებებს. არა მხოლოდ საპირისპირო მასალები იბეჭდება, არამედ ქმედითი პრაქტიკული ღონისძიებების ტარდება შუთქმულებათა გაუვნებელსაყოფად. მაგალითად, 1920 წლის 8 აპრილს თბილისში დააპატიმრეს კომუნისტური პარტიის ადგილობრივი ორგანიზაციის 12 წევრი, რომელთაც განზრახული ქონდათ აჯანყების მოწყობა².

არსებული მდგომარეობა კარგად არის დახასიათებული ივანე გომართელის წერილში - „არსებული საქმე“.

ავტორი კონკრეტულ მაგალითზე დაყრდნობით, მოვლენათა საფუძვლიანი განჩხრეკით არწმუნებს მკითხველს, რომ ბოლშევიკები ქართველი ხალხის მტრები არიან.

როცა ქვეყანას ძლიერ უჭირდა და მთავრობა ყოველ ღონეს ხმარობდა, რომ ოსმალების შემოტევა შეეჩერებინა, ბოლშევიკები აჯანყებებსა და გამოსვლებს აწყობდნენ, რითაც მომხდურებს უმართავდნენ ხელს. „სადაც კი ბოლშევიკები შედიან, ყველგან ერთი ათად ძვირდება პურიც და ფართალიც“. საქართველოში რვასაათიანი საშუალო დღეა, რუსეთში კი თერთმეტოანი და ა. შ.

წერილი მთავრდება მოწოდებით: „ამოუდევით ისევ ჩვენს მთავრობას გვერდში, შეასრულეთ ყოველი მისი მოწოდება, ბრძანება და როგორც აქამდინ გადაგარჩინათ ყოველგვარ ხიფათს და უბედურობას, აწიც ის გადაგარჩენთ.

გაუმარჯოს ჩვენს მთავრობას, ჯორდანიას მთავრობას! ძირს ყველა მისი მტერი და მოღალატე“.

1920 წლის 12 ვიორგობისთვის „საქართველოში“ კითხულობთ: „აზურბაიჯანი ღუნინს უჭირავს, სომხეთი - ქვემალ ფაშას. დიდი ხანია, რაც ორივემ ერთმანეთს ხელი ჩამოართვეს

¹ წერილში „ზავი რუსეთთან“, რომელიც გაზუთ „ერთობას“ 1920 წლის 22 აგვისტოს ნომერში დაიბეჭდა, ხაზგასმით არის აღნიშნული, რომ რუსეთი არ ახრულებსნა, კიხრ ვაღდებულებას.

² გაზ. „ერთობა“, 1920, №81.

და ხელი მიჰყევს განთავისუფლებული ერების კვლავ დამონებას ამიერკავკასიაში დაკრძობით მარტო ჩვენ, დამოუკიდებელი და თავისუფალი. საქართველოს აოხრებას ღამობს დღეს მოსკოვიც და ანგორაც... მაშ ვეძახდით „ქუდზე კაცისათვის“¹.

ახლოვდება კოჯრის ტრაგედია. 1921 წლის 11 თებერვალს ლორეს რაიონში დაიწყო ამბოხების ინსცენირება. მისმა ხელმძღვანელებმა – ბოლშევიკებმა საქართველოს შშრომელთა სახელით დახმარება სთხოვეს საბჭოთა რუსეთს და დაიძრა მერვე, მეცხრე, მეთერთმეტე, მეცამეტე არმიები.

ქართველთა შეუპოვარი ბრძოლა საბოლოოდ მარცხით დამთავრდა. 25 თებერვალს ბოლშევიკები თბილისში შემოვიდნენ. დაიგმანა კარ-ფანჯრები და დედაქალაქი სარკოვავის დუმილ-სიცივემ მოიცვა.

მავანი და მავანი ამოიოხრებს: – მეტი სიფრთხილე და დიპლომატიური შორსმჭკრეტელობა რომ გამოეჩინათ საქართველოს ხელისუფალთ, უფრო ნაკლები მიმდობნი რომ ყოფილიყვნენ... იქნებ აგვეცდინა კატასტროფა... გულუბრყვილობაა! მტერი ყოველი მხრიდან გვიტედა – სომხეთიდან, აზერბაიჯანიდან, დარიალიდან, მაშისონიდან, სოჭიდან... ამასთანავე ძალთა თანაფარდობა უკიდურესად უსწორო გახლდათ. იხიც არსებითია, რომ ოსმალეთის ჯარი აჭარაში შემოიჭრა...

ხელისუფლებამ ყველაფერი გააკეთა ქვეყნის გადასარჩენად. ვერც ქართველ მეომრებს დაკემღურებით, გავიხსენოთ თუნდაც 19 თებერვალის ბრძოლა იაღლუჯთან, როცა რუსეთის დაშპარი ხასტიკად დაამარცხეს და 1600 წითელარმიული დაატყვევეს. გავიხსენოთ სამხედრო სკოლის მოსწავლეთა – იუნკერთა გმირობა ტაბახმელასთან.

მთავრობას საყვედური ნამდვილად არ ეთქმის, პირიქით, მისი ბოლო ნაბიჯი აღტაცებად კი იწვევს – აჭარა რომ არ დაკარგულიყო, საქართველოს სახლვაო ჭიშკარი რომ არ ჩარახულიყო, უშუალო და დაუნდობელ მტერს – საბჭოთა ჯარებს გზა გაუხსნა ბათუმისაკენ.

ერთი სიტყვით, დამოუკიდებელი საქართველოს დაცემა ობიექტურმა მიზეზებმა განაპირობა.

სურათი სრული არ იქნება, თუ არ გავიხსენებთ იმ აჯანყება-გამოსვლებს, რომელთაც ადგილი ჰქონდათ დუშეთის, გორის და სხვა მაზრებში. ამბოხების გამომწვევი და სულისწამდგმელნი ბოლშევიკები იყვნენ. ასე რომ, საქართველოს მთავრობას ბრძოლა უხდებოდა როგორც გარეშე, ისე შინაური მტრების წინააღმდეგ.

¹ გაზ. „საქართველო“, 1920, №146.



ქვეყანა ეკონომიკური თვალსაზრისით განიავებული იყო. მრეწველობა მოშლილი, სოფლის მეურნეობა სულს ღიფავდა. მატარებელი ფოთიდან თბილისში ჩამოსვლას ორისამდე დღე უნდებოდა, ყოველივე ამას დაემატა მიწისძვრა, ეპიდემიები და ა. შ. მაგალითად, 1919 წელს სახადმა სოფელ პატარძელის მოსახლეობა გაანახევრა. გაზეთებში ყოველდღე ქვეყნდებოდა ცნობები, რომ ქალაქის საავდმყოფოში მოიყვანეს 10 (12, 19) ხოლერით დაავადებული... ანდა: სოფელ ქვემო ნიხბისში ათ კაცს შეუყვარა ხოლერა და ა.შ.

გახშირდა ქურდობა, ავაზაკობა. გაზეთ „საქართველოს“ რედაქცია იუწყება, რომ საღამოს ცხრა საათზე ექსპრტოსის მოედანზე გაძარცვეს შინ მიმავალი კომპოზიტორი დიმიტრი არაყიშვილი. სხვა გაზეთში ვკითხულობთ, რომ ქურდები შეიპარნენ მხატვარ მოსე თოიძის ბინაში და პირწმინდად „გაასუფთავეს“ იქაურობა.

უკირს საზოგადოებას. ნიკო ნიკოლაძე იძულებულია, უმდიდრესი ბიბლიოთეკა (დაახლოებით 7000 ტომი), რომელიც ფოთში აქვს, დამფუძნებელ კრებას მიჰყიდოს.

მთავრობა ცდილობს ოდნავ მაინც გაუმართოს ხელი მაშვრალთ. 1919 წელს დამფუძნებელი კრების წევრს სიმონ ფირცხალავას დაევალა შეედგინა სია იმ მწვერლებისა და ხელოვნებისა მუშაკებისა, რომლებიც უშიძემს პირობებში იმყოფებოდნენ¹.

ისტორიის გადასახედიდან უფრო შეუცდომელი ხდება დამოუკიდებელი საქართველოს ხელისუფლთა საქმიანობის შეფასება. დღეს თამამად შეიძლება ითქვას, რომ 1918-1921 წლები ერთ-ერთი საუკეთესო ხანაა მრავალსაუკუნოვანი ქვეყნის ისტორიაში. მისი მნიშვნელობა არა მხოლოდ წარსულის, არამედ აწმყოსა და მომავლის შედეგებითაც უნდა გაიზომოს.

მიუხედავად ეკონომიკური სიდუხჭირისა და სოციალურ-პოლიტიკური ქარტეხილებისა, საანალიზო პერიოდი ხასიათდება ნაციონალური თვითშეგნების უნვეულო ზრდითა და ეროვნული ენერჯის ამოფრქვევით.

უდიდესი ნახტომი შეინიშნება განათლების, მეცნიერების, კულტურის თუ სხვა სფეროებში. ასრულდა სანუკვარი ოცნება — რუსიფიკაციას საყრდენი გამოეცალა და სკოლა გაქართულდა. ი. ჯავახიშვილის მესვეურობით დაარსდა ეროვნული უნივერსიტეტი. გაიხსნა კონსერვატორია, დაიდგა პირველი ქართული ოპერები და ა. შ. ძირეული ცვლილებები ხდება მწვერლობაში.

¹ გაზ. „საქართველოს რესპუბლიკა“, 1919, №227.



გალაქტიონი ამ მძაფრი ბატალიების მომსწრე და განმცდელია. ბუნებრივია, ყველაფრის მონაწილე ვერ იქნებოდა. მაგრამ ისიც ცხადია, რომ, როგორც ერის შეილი და ნაღდი პოეტო, ინდიფერენტული ვერ დარჩებოდა არსებითი საკითხებისადმი. ზოგი რამ ძალზე ახლოს მიჰქონდა გულთან და აქტიურადაც ებმებოდა მათი მოგვარების საქმეში, ზოგს კი შედარებით ხედაპირულად აღიქვამდა.

მთავარი არ დაგვავიწყდეს.

წიგნში „გალაქტიონი – რედაქტორი და გამომცემელი“ ვწერდით: „ჩვენს ოჯახში ჩურჩულით ამბობდნენ – გალაქტიონი ერთხანს დაახლოებული იყო ნოე ჟორდანიასთან, მდივნის მოვალეობასაც კი ასრულებდაო“¹.

და აი, მოგვიანებით გაზეთ „საქართველოში“ წავაწყდით ინფორმაციას, რომელიც ამ მითქმა-მითქმის რეალურობას ადასტურებს.

„მთავრობის მდივნის დანიშვნა. საქართველოს რესპუბლიკის მთავრობის მდივნათ მოწვეულ იქნა გალაქტიონ ტაბიძე, რომელიც უკვე შეუდგა მოვალეობათა აღსრულებათა აღსრულებას“².

ფაქტი საგულისხმოზე საგულისხმოა.

დრო ღრმა ანაბეჭდებს აკეთებს პიროვნების სულსა და გონებაში. ჩვენც ამ სარკმლის გამოღებას ვესწრავით. არც იმას ვივიწყებთ, რომ ანაბეჭდის სიხშირე-სიძლიერე აღმქმელის ბუნებითაც არის შეპირობებული. ერთიც: სიტუაცია-მოვლენების გონებაში დაფიქსირება და პოეზიაში მათი გადატანა ყოველთვის თანხვედრით პროცესები როდია. ცალკეული ეპიზოდების განათება და პოეტური კვალიფიკაცია შეიძლება მათი აღქმიდან საკმაოდ დროის შემდეგ მოხდეს.

გალაქტიონს კარგად ქონდა შეცნობილი თავისი უპირველესი ამოცანა – საზოგადოების ამაღლება, სულიერი გაკეთილშობილება. ქმედებაც არსებითად ამ განასურით წარმართა.

მოსკოვში გაჭირვებაგამოვლილი კაცი თბილისში თავს გაცილებით უკეთ გრძნობს. მეგობარ-ამაზანაგების გარემოცვაშია. პარტიისმცემელიც საკმაოდ კეაყეს, მაგრამ ისიც კარგად იცის, რომ საგულდაგულო, სისტემატური წვრთვნაა საჭირო. ამიტომ ხშირად აღამებს წიგნთსაცავ-ბიბლიოთეკებში. ჯერჯერობით პროკლეს მიერ გამოტანბებული ფულით გააქვს თავი. მძა მომავალშიც გაუმართავს ხელს, მაგრამ ხომ არ შეიძლება უსასრულოდ

¹ ნ. ტაბიძე, გალაქტიონი – რედაქტორი და გამომცემელი, თბ., 1997, გვ. 8.

² გაზ. „საქართველო“, 1918, №243.



საბალსო გზაგადასასრული.





გაგრძელდეს ასე.

1918 წლის სექტემბრის დასაწყისში მტკიცე გადაწყვეტილებები იღებს - პოეზიის საღამო გამართოს. ეს მრავალმხრივი სასარგებლოა. ჯერ ერთი, ეკონომიკურ მდგომარეობას გაიუმჯობესებს. საქმე ისაა, რომ არსად მუშაობს, ღექსებიც თითქმის არ იბეჭდება და პონორარი არ არის. მეორეც, აუცილებელია პოეტური მიღწევების დემონსტრირება. მესამეც, ქვეყანა სოციალურ-პოლიტიკური სატკივართ არის გათანგული. ასე თუ გაგრძელდება, შეიძლება სიტყვაკაზმული მწერლობა თითქმის დაიწყებას მიეცეს. ამიტომაც წინ იწევს დიდი საზოგადოებრივი ფუნქცია - ლიტერატურული პულისის აჩქარება.

პოეტური საღამოების გამართვა წესად იქცა. არცაა გასაკვირი. იგი შემოქმედთა სულის მოთქმის ერთ-ერთი საშუალებაა. მაგრამ ეს გზა დამრეცი და ეკლიანია.

წარმატებისათვის აუცილებელია ორგანიზაციული ნიჭი, თავდადებული შრომა, ჯიქური შეტევაც კი. წინააღმდეგ შემთხვევაში შეიძლება ყველაფერი წყალში ჩაიყაროს.

1920 წლის შემოდგომაზე უნდა გამართულიყო ნოე ჩხიკვაძის საღამომაცამ „ხალხის დაუსწრებლობის გამო“ ჩაიშალა. მეორედ დაინიშნა და აი, გიორგი ქუჩიშვილი თითქმის მოთქვამს: „პოეტებზე უბედური ხალხი საქართველოში ჯერ არ დაბადებულა. არც სიცოცხლეში და არც სიკვდილის შემდეგ ბუდი არ უღიშით.

6. ჩხიკვაძე ჩვენს თვალწინ, ჩვენი საზოგადოების უყურადღებობით დაიდუმა, მშვიერ-მწყურვალნი, მოუკლელი, უპატრონი¹.

გ. ქუჩიშვილი ეაჯება მკითხველებს: მობრძანდით ამ საღამოზე, რათა ჩხიკვიძის ობოლ შეიღებს ცოტათი მაინც გაეუმართოთ ხელიო.

ხსენებული საშიშროება გალაკტიონსაც ელოდა. როგორ გაისარჯა მგოსანი? ეს ჩვენთვის უცნობია. პრესამ მხოლოდ განცხადება შემოგვინახა: კონსერვატორიის დარბაზში შაბათს, 5 ოქტომბერს გაიმართება გალაკტიონ ტაბიძის პოეზიისა საღამო, ბილეთები იყიდება წ.კ.ს. წიგნის მაღაზიაში².

ყურადღება მიაქციეთ ბოლო ფრაზას. ხომ არ ჩანს აქ უკანსკელი გაბრძოლება? (საღამო ეს-ესაა დაიწყება, ბილეთების ნაწილი კი ხელუხლებელია).

სულ სხვა იყო 1920 წლის მარტში გამართული საღამო. საზოგადოებას ადრევე ეცნობა ამის შესახებ. რეკლამა

¹ გაზ. „ერთობა“, 1920, №236.

² იქვე, №213.

გონიერულად იყო მოფიქრებული. გაზეთ „ერთობის“¹ 27 თებერვლის ნომერში პირველ გვერდზე შუა ორი სვეტის ხაზში მუთხედი დათმობილი ჰქონდა განცხადებას.

მიჯრითი აგიტაციის სიძლიერე კარაგად არის ცნობილი. განცხადებაც ზედიზედ იბეჭდება 27, 28, 29 თებერვლის და 3 მარტის ნომერებში. ხსენებული ინორმაცია, სურათის გარეშე დაისტამბა მეორე პოპულარულ გაზეთში („საქართველო“).

იოლი როდია საუკეთესო ძალების მოზიდვა. ნუ დაევიწყებთ, რომ თითოეული ინდივიდუალურ მიდგომას მოითხოვს. ჩანს, გალაკტიონი გატაცებითა და მონდომებით მუშაობს, რამაც განაპირობა გამარჯვება. ისიც გასათვალისწინებელია, რომ უკვე გამოცემულია „არტისტული ყვავილები“, რომელმაც აეტორს უპირველესი ღირიკოსის სახელი მიუპოვა.

რეპორტიორის სიტყვით, „სალამოს ხალხი ძალიან ბევრი დაესწრო, უფრო მრავალი კი უბილეთობის გამო გაბრუნდა“. ეს მიპერბოლა როდია.

შგოსნის შემოქმედებისადმი ინტერესი მართლაც დიდი და ამან განსაზღვრა საღამოს გამეორება. „გალაკტიონ ტაბიძის მეორე დიდი საღამო – სახელმწიფო თეატრში გაიმართება ოთხშაბათს, 7 აპრილს. ბ-ნი აკაკი პაპავა წარმოსთქვამს სიტყვას ქართულ პოეზიაზე („ქარიშხლის ჩადგომისას“). საღამოში მონაწილეობას მიიღებენ მწერლები და არტისტები: ვასო აბაშიძე, ვალერიან გუნია, ნიკო ერისთავი, რიურიკ იენვეი, კარა დარვიში, კოტე მაყაშვილი, ვარლამ რუხაძე, ტრიფონ რამიშვილი, გალაკტიონ ტაბიძე, აკაკი ფალავა, გიორგი ქუჩიშვილი, შალვა შარაშიძე, გრიშა ჯაფარიძე და სხვ. სახელმწ. თეატრის ანტრეპრენიორის ველახოვის მიერ დადგმული იქნება ოპერადან „თავადი იგორი“ მესამე აქტი: „პოლონელების ბანაკი“ – ბალეტით. ოპერაში მონაწილეობას მიიღებენ სახ. თეატრის მომღერლები: პოლიავეი, როგანეესკი, იანსი, ვიშერემისკაია და სხვ. ბალეტში მონაწილეობენ: სახელმ. თეატრის პრიმა ბალერინა ბაუერ ზაგსი და ბალეტმეისტერი ვაკარეცი. ღირიგორობს კორშონი. ბილეთები იყიდება სახ. თეატრის კასაში². პროგრამა რამდენადმე გადახალისებულაია. ეს საღამოც ჩატარდა, მაგრამ რა სიძლიერით, ჩვენთვის უცნობია.

აქ ერთი რამის გახსენებაც გვმართებს. გაზეთში „ახალი ნაკადი“ გამოქვეყნდა ტერენტი გრანელის პატარა წერილი, რომელიც ასე იწყება: „აპრილის შვიდს სახელმწიფო თეატრში

¹ გაზ. „ერთობა“, 1920, №52.

² იქვე, №77.

კიდევ იმართება საღამო წვენი მსგოსნის გალაქტიონ ტაბიძის¹ მთავრდება მოწოდებით: „...ვისთვისაც საინტერესოა პოეტის პარტიისცემა, მან, უკვეელია, საღამოზე დასწრების სახით უნდა მოიხადოს თავისი მოვალეობა“².

ამ წერილის კონკრეტული დანიშნულებაა საღამოს პროპაგანდა, მაგრამ იგი უფრო მნიშვნელოვანია ორიგინალური ხილვებით.

ტ. გრანელის შეხედულებით, „...გალაქტიონი მიმართულებით სიმბოლისტია, იგი ყოველთვის თავის განცდებს სიმბოლიურად გამოხატავს და მის ლექსებში უმთავრესად სიფაქიზისა და ხინაზის მისტიციზმი გამოსჭვივის. გალაქტიონი ინდივიდუალიზმის ცეცხლით არის გამსჭვალული, მას სწამს მხოლოდ „მე“, როგორც მსოფლიოს განუსაზღვრელი და განუყრელი ნაწილი“³.

ამ პრინციპული მოსაზრების ილუსტრირება არ ხდება. საერთოდ, წერილისათვის დამახასიათებელია უმნიშველოვანესი თეზის-დებულებების ნამოყალიბება-განფნა. ჩხრეკა-ანალიზის პროცესი, როგორც განზოგადების წინა საფეხური, იგულისხმება.

ტ. გრანელის დაკვირვებით, გალაქტიონის პოეზიაში წინ იწვევს ირეალური სამყარო, რომელიც ხილულის ანარქელია (და არა პირუკუ).

თავად ნიჭიერი ღირიკოსი შთამბეჭდავად განიცდის გალაქტიონის პოეზიის მთრთოლვარე რიტმს და მართებულადაც მიუთითებს, რომ გალაქტიონისათვის თავიდათავი შესიკაა და განცდათა შეხამება, რაც აპირობებს ნაწარმოებთა ემოციურ-ესთეტიკურ ხიბლს.

კრიტიკოსი შედევრად მიიჩნევს „ღურჯა ცხენებს“, „რომლის ვრცელი დინამიკა უმაღლეს წერტილს აღწევს“. ისიც არის აღნიშნული, რომ გალაქტიონი ახონანსის დიდოსტატია.

ტ. გრანელის წერილში პროფესიულად არის დახასიათებული გალაქტიონის ღირიკა.

ანალოგიური გამოჩნულობისაა იოსებ იმედაშვილის „თეთრი მუფვი“. მისი პუბლიკაცია პრაქტიკული მოსაზრებით არის შეპირობებული - ერთხელ კიდევ შეახსენოს საზოგადოებას გალაქტიონის სიდიადე და მის საღამოზე დასასწრებად განაწიოს იგი. ...სიღამაზის უმაღლეს განცდის და მშვენიერების თაყვანისმცემელნი უკურადღებოდ არ დასტოვებენ თეორ მუფვს

¹ ტურენტი გრანელი, რჩული, 1979, გვ. 400.

² იქვე, გვ. 401.

³ იქვე, გვ. 400.



ქართული
ენების ენციკლოპედია



ბალაკტიონი

- გალაქტიონ ტაბიძეს¹.

აქაც მოწოდებას შემაპირობებელი დებულება უძღვის, მაგრამ, გრანელისაგან განსხვავებით, იმედაშვილს აქცენტი გრძნობაზე გადააქვს და მხატვრული სურათის განფენას ანიჭებს უპირატესობას.

„ხანგრძლივ ნაზამთრი ახალგაზაფხულს შესწრებისართ თუ არა შთის მწვერვალზე მზის პირველ სხივებს, - აი გალაქტიონ ტაბიძის პოეზიის ელვარება და პირველი საღამო; გინახავთ თუ არა კამკამა, უმწიკველო ქაფი, ან ბუნქის ძირას ახლად ამოტყორცნილი ია, ახალ გაფურჩქნული ვარდი, ყნოსვას რომ უმანკო სურნელებით ვიტკბობს, აი გალაქტიონის შემოქმედების შინაგანი ძალა; წყნარ მზიან ამინდში, დილით, გაგივლიათ შავ ზღვაზე და ჩაგიხედნიათ თუ არა მის კამკამა გულში, ან კიდებში, ხავსით მოხილ ტინთა შორის ჩაისრებული მზის სხივი თვალის მომკრულ მრავალ ფერადოვნებას რომ წარმოგიდგენთ, მთელი სიმდიდრე უძირო ზღვისა რომ ჯადოსნურად გეჩვენებათ, უმაღლესი განცდით რომ გატკბობთ და ვერ კი აგიხსნიათ, რა გრძნობაა, აი სწორედ ასეთია გალაქტიონის სამგონსო ძალა“².

როგორც ვხედავთ, ნაირგვარი ხერხი და საშუალება იყო გამოყენებული, რათა 3 მარტის საღამო წარმატებით ჩატარებულიყო.

გალაქტიონი სხვათა ზეიმებსაც ამშვენებდა. მას მონაწილეობა მიუღია ი. გრიშაშვილის, გ. ქუჩიშვილის საღამოებში. 1920 წლის მაისში სახელმწიფო უნივერსიტეტის სტუდენტთა სალიტერატურო წრის ხასარგებლოდ გაიმართა სალიტერატურო დღია, ხოლო ამავე წლის ივლისში აზერბაიჯანთან ომის დროს დაღუპულ გვარდიელთა ოჯახების შესაწევად საღამო-ხეირნობა. გალაქტიონი ორივე შეკრებაზე ბრძანდებოდა, გამორიცხული არ არის სხვა ღონისძიებებშიც მიეღოს მონაწილეობა.

ცხადია, მახლობელთა პატივისცემისა და მოქალაქეობრივი ვაღია მოხდის მოტივი ამოძრავებდა მას. მაგრამ ამასთანავე მხედველობაში მისაღებია საკუთარი შემოქმედების ფართოდ გაცნობიერების, საკუთარი პერსონის წინ წამოწევის სურვილი.

შედეგები, რომელთაც ხალხი არ იცნობს, მიწაში დაფლულ განძს მოჰგავს. გალაქტიონმა კარგად იცის, რომ თავიდათაჲთა მათი პოპულარიზაცია. წერს კიდევ: „რეკლამის ხერხები ღირსია უადრესი შესწავლის, კლასიფიკაციის; კარგად გამოყენებულ

¹ ჟურნ. „თეატრი და ცხოვრება“, 1920, №8, გვ. 3.

² იქვე.

რეკლამას სრულ გამარჯვებამდე მიჰყავს პოეტი. რეკლამის პრაქტიკული მნიშვნელობა უფრო ძვირფასია, თუ იგი იყენებს სულ ახალსა და ახალ მიღწევებს, ჯერ კიდევ უცნობს ვაჭრობის მასისათვის...¹

საერთოდ, შეხვედრა-საღამოებისადმი გალაკტიონის დამოკიდებულება გამძაფრებულ-გადახრილი იყო. დიდი გულმოდგინებით ადგენდა გეგმებს, აზუსტებდა გამომსვლელთა რაოდენობას, საგანგებოდ განიხილავდა თითოეული კანდიდატის პლუს-მინუსს, უკვეთავდა სტენდებს, არჩევდა პლაკატებს, სურათებს. დღეში რამდენჯერმე მიაკითხავდა მასპინძლებს და ასეთი ინტენსივობით აოცებდა კიდევ.

ერთიც: ყოველთვის მოწადინებული იყო მიძღვნილი კედლის გახეთი გამოეშვათ, რომელიც ზემის შემდეგ აუცილებლად შინ მიჰქონდა.

ასეთ დღეებში აფორიაქებული გახლდათ. მისთვის სხვა საქმე არ არსებობდა. მეტყვეობდა: ეს გენიოსის თავისებურებაა. გეთანხმებით. მაგრამ ამჯერად სულ სხვა რამ მაინტერესებს, გარკვევა იმისა, თუ რა ამოძრავებდა პოეტს.

გალაკტიონი ნამდვილად ელოდა ფირვერკებსა და ქუხილს. არადა შეხვედრები საშუალოდ, ზოგჯერ უდიდამოდაც ტარდებოდა. მგოსანი მაინც არ იტყებდა იხტიბარს. - ნახეთ, როგორ დიდებულად ჩატარდა. ასეთი შეხვედრა თვით აკაკისთვისაც კი არ მოუწევიათ. უყვარვარ ხალხს...

ღრმად თუ ჩაუკვირდებით ამგვარ გამოთქმებს, შეიძლება ვიფიქროთ, რომ უფრო რე საკუთარი თავის გამხნვეუბასთან გვაქვს საქმე. მოცემულ სიტუაციაში კი ეს მისთვის არსებითი იყო. ზედმეტად სწორხაზოვნად მოაზროვნე კაცმა შეიძლება იკითხოს: - დავიჯერო, გალაკტიონს ლოგიკური განსჯა დალატობდა, კვლავ რომ ებმებოდა საღამოების გაწაშაწა-ბატალიებში...

წააღქმეშა დინებებსაც მივადევნოთ თვალთ.

გალაკტიონი სულაც არ ემსგავსებოდა სიზიფსს. ამგვარ შეხვედრებს უთუოდ მქონდა რეზონანსი. საზოგადოების თუნდაც მცირე ნაწილი ეცნობოდა მის შემოქმედებას. ეს კი მარადიული წყურვილის ეპიზოდურ დაკმაყოფილებად უნდა ჩაითვალოს. ნუ დავივიწყებთ, რომ გალაკტიონს ყოველთვის ამოძრავებდა დიდი განზრახვა - ავაღაპარაო ყველა ჩემს მიღწევებზე.

ამასთანავე არსებითია ის, რომ ამ შემთხვევაში იგი სულისთვის აუცილებელ საზრდოს, თუნდაც მცირედს, მაინც იღებს. ეს არის

¹ გ. ტაბიძე, თხზ. ტ. XII, გვ. 321.

აღერსი, გამხნელება, სიყვარული, რაც ესოდენ სჭირდება ყველა მოკვდავს და მით უფრო მარტოსულს.

და კიდევ: ხომ არ შეიძლება ვიფიქროთ, რომ ეს იყო „თვითრეალიზაციის“ თავისებური გზა, დაგროვილი ენერჯის ხარჯვის ერთ-ერთი ფორმა. პიროვნებისთვის ხომ აუცილებელია განტვირთვა, დროდადრო სხვა საქმეზე გადართვა. ამ შემთხვევაში გადაწყვეტი შეიძლება სულაც არ იყო მეორე ასპექტის შედეგები. ახლა სხვა კუთხითაც შევხედოთ ამ საზეიმო (და არა მხოლოდ საზეიმო) შეკრებებს. როგორია გალაკტიონის გარემოცვა? ეს პრინციპული საკითხია.

საერთოდ, ამ პერიოდის ლიტერატურული ცხოვრება ხასიათდება ჯგუფების, კორპორაციების, დასების სიმრავლით. მიზნის მისაღწევად აუცილებლად თვლიან ერთიანი ფრონტით შეტევას. მაგრამ ეს გაერთიანებები მყარ პოლიტიკურ, სოციალურ თუ ესთეტიკურ საფუძვლებს უნდა ეყრდნობოდნენ. კ. ნადირაძემ იმიტომაც გააკრიტიკა „შვიდი მნათობი“, რომ ჟურნალის რედაქტორმა ერთიანობის ეს პრინციპი უგულვებელყო. „ბარბაროსობაა მოთავესება ერთის მხრით ვრ. რობაქიძისა, ნ. ლორთქიფანიძისა, და მეორეს – ს. შანშიაველისა და პ. კაკაბაძისა, ვინაიღგან მოუხერხებელია ერთის ზომით აღება იმნაირ პოეტებისა, როგორიც არიან ვრ. რობაქიძე და ს. შანშიაშვილი“¹. დიახ, ვის გვერდით არის გალაკტიონი?

ი. გრიშაშვილის საღამოს მასთან ერთად ამშვენებენ ო. თუმანიანი, კ. მაყაშვილი, აღ. აბაშელი, გ. ქუჩიშვილის საღამოზე ლექსებს კითხულობენ ვ. რუხაძე, ობელი მუშა, ვ. ცეცხლაძე, ვ. შინატყეხელი...

დაღუპულ გვარდიელთა პარტივსაცემად გამართულ საღამო-სეირნობაში მონაწილეობან: ვ. ქუჩიშვილი, ვ. რუხაძე, ს. ფაშალიშვილი, ივ. ყიფიანი, აღ. ლეჟავა.

გადავხედოთ იმ ჟურნალებსაც, რომლებშიც გალაკტიონი იბეჭდებოდა.

„თოლაბულისის ხარტყელი“ კაბადონს უთმობს ვ. ტაბიძეს, გ. ლეონიძეს, რ. გვეტაძეს, ს. კარმელს, ღ. მაჭავარიანს, რ. გოგოხიას, ვრ. ცეცხლაძეს, კ. ებრაღიძეს, ვ. მეგრელიშვილს, შ. ღონდელს, ლიენა ღანდს.

„აისის“ (№2) თანამშრომლებია: ვ. ტაბიძე, ღ. მაჭავარიანი, ვ. ცეცხლაძე, შ. კარმელი, ვ. გორგაძე, კ. ჭიჭინაძე, ს. ღორდელი, ვ.

¹ ჟურნ. „მშვიდდოსანი“, 1920, №2-3, გვ. 21.

ზედელი.

„თბილისში“ გალაკტიონი გ. საგანველსა და ა. გაბუნიასთან ერთად იხსენიება.

1920 წელს „საქართველოს“ პირველ ნომერში ვითხრობთ: „იანვარში გამოვიდა ყოველკვირეული ჟურნალი „მშვიდდოსანი“. მონაწილეობენ: შადვა ამირეჯიბი, ა. არსენიშვილი, შ. აფხაიძე, ვალერიან გაფრინდაშვილი, ლადო გუდიაშვილი, რ. გვერტაძე, ნიკოლაი ვერეინოვი, პაოლო იაშვილი, პავლე ინგოროყვა, შ. კარმელი, ს. კლდიაშვილი, გ. ლეონიძე, ნ. ღორთქიფანიძე, ნინა მაყაშვილი, არჩილ მიქელაძე, მ. მიწიშვილი, კოლაუ ნადირაძე, გრიგოლ რობაქიძე, სურგუი სუდვიკინი, გალაკტიონ ტაბიძე, ტიცციან ტაბიძე, ი. ყიფიანი, სანდრო ცირეკიძე და ლელი ჯაფარიძე“¹.

როგორც ვხედავთ, ზოგჯერ ვარსკვლავების გარემოცვაშია გალაკტიონი. მაგრამ უფრო მეტად მაინც მუორე-მესამეხარისხოვანი კალმოსნების წრეში ტრიალებს. რა თქმა უნდა, გამორიცხულია თანამდგომთა შერჩევისას კინისის გათვალისწინება (სხვათა სისუსტის ფონზე ამბობება) – გალაკტიონს არ სჭირდებოდა ეს. მაშ რა ხდება?

საქმე გვაქვს ურთულეს მოვლენასთან.

გალაკტიონი ჩაკეტილი კაცია, როგორც იტყვიან – მარტოობით მთურაღი. როცა სხვათა თვალსაწიერში არ არის, თავს ღაღად და გაბეჭდულად გრძნობს.

საზოგადოებაში შეზღუდული და დამორცხვებულია. მართალია, ხშირად თამაშობს კომუნიკაბელური კაცის როლს, მაგრამ ძალზე იშვიათად აღწევს სასურველ შედეგს. საკუთარ ბუნებას ვერსად გაექცევი. მან კარგად იცის, რომ სხვაზე მდლა დგას. აკი ამბობს: „მეფე ვარ და მგოსანი“. მისი ხილვები, სიზმრებიც კი სხვაგვარია. ყოველივე ეს ამნელებს ურთიერთობებს, მით უფრო, როცა ირგვლივ მყოფთ სურთ იგი თანატოლად ან ჩვეულებრივ მოკვდავად აღიქვან. გალაკტიონი შინაგანად ვერ ეგუება ძმობიჭურ მიდგომას, პატარა კაცთაგან მომდინარე გატოლების სურვილს. ზოგჯერ ეჩვენება, რომ მავანი აღმაცურად უყურებს, მტრობს (ხანდახან მართლაც ასეა). ღიზიანდება და სხვათა ორდინალური ფრაზების „ორიგინალური

¹ ბევრი ბრწინვალე პოეტია, მაგრამ როგორ მოხვდა გალაკტიონი მათ გვერდით? ცისფერვანწვლებსა და გალაკტიონს შორის ხიდი ხომ ჩატეხილია. ვფიქრობ, გაუგებრობასთან ან შეიძლება Lapsus calamitatis-თან გვეკონდვს საქმე. ფაქტია, რომ ამ ჟურნალში გალაკტიონს არაფერი დაუბეჭდავს.



გაშიფრვით“ ზეავს ააგორებს.

მეორე-მესამეხარისხოვან პოეტებთან ურთიერთობა შედარებით ეადვილება. ისინი შესციცინებენ, ესეყვარულნიან. მათში გალაკტიონი არა მეტოქეებს, არამედ თაყვანისმცემლებს ხელავს. ეს კი ათამამებს და აძლიერებს.

ამ პერიოდში გალაკტიონი ძალზე ახლოსაა გ. ქუნიშვილთან. ერთად გამოდიან საღამო-შეკრებებზე, ერთად სვრობენ და ხშირად ერთ ჭერქვეშ ათენებენ.

გიორგი უშუალო და ალალია, აღიარებს გალაკტიონის გენიოსობას.

რაც მთავარია, გიორგის მხურად უყვარს გალაკტიონი. შეუძლია ინხუბოს კიდევ მის დასაცავად.

გალაკტიონს ახლო ურთიერთობა აქვს ქურნალისტ და ვით პავლიაშვილთან და ვანო სარაჯიშვილთან.

არაერთხელ უამბნიათ ჩვენთვის: ზოგჯერ, ოპერის დამთავრების შემდეგ, ვანო, დათიკო და მე ვორონცოვის მოედანთან არსებულ სარდაფს მივაკითხავდით. ნაცნობი მიკიტანი მუხის კასრზე გვიშლიდა სუფრას. მივუსხდებოთ და გაგიხარნია... დაიწყებდა ვანო, ავეუბოდით მე და დათიკო. კედლები იზარებოდა. გამვლელ-გამომვლელნი ჩერდებოდნენ. მიკიტანი ყურებამდე გახეული პირით დიდ დანაზე დაყრდნობილი მონუსხულივით იდგა დახლში. სარდაფში მეოფნი ჩურჩულსაც კი გერძალვიდნენ.

გალაკტიონს ბევრი აფასებდა. მას არა მხოლოდ პოეზიის მეტრად აღიარებდნენ, არამედ კაცობის საზომადაც. იგი ობიექტურია. როცა აღტერანტიურის სიტუაცია იქმნება, ხმამაღლა და მიუკერძოებლად გამოხატავს თავის პოზიციას.

ამიტომ სთხოვა მას ნ. კურდღელაშვილმა იმ კომისიის წევრობა, რომელსაც უნდა გაერკვია, რამდენად ემთხვეოდა ვ. სანათაშვილის დაკარგული მოთხრობა გიორგაძის ავტორობით გამოქვეყნებულ „შაგულას“ (კალამგირობას ხომ არ ქქონდა ადგილი).

სხვა დროსაც აურნევიათ გალაკტიონი არბიტრად.

იყო ბოქმური დღეები. დიონისესათვის ხელის გადახვევა და შორეული ქალის ემხით თრობა. მაგრამ ყოველივე ეს გალაკტიონისათვის არასოდეს ყოფილა თავიდათაჲი. სწორედ 1920 წელს დაწერა:

*„სული გვქონდეს უსპეტაკეს თოელისა!
პირადათ მე სიკვდილამდე მექნება -*



მხოლოდ ერთი სიხარულის შეგნება:

პოეზია - უპირველეს ყოვლისა!

პოეზია - უპირველეს ყოვლისა!¹

1920 წელი. 10 აგვისტო. გალაკტიონს რუსთაველის პროსპექტზე გერონტი ქიქოძე შეხვდა.

- სად დაიკარგე? კორტე მაყაშვილი გკითხულობს.

- რა მოხდა?

- არ ვიცი. გუშინ მითხრა: თუ გალაკტიონს სადმე გადაეყარო, სთხოვე დამიკავშირდესო.

აფორიაქდა გალაკტიონი. კ. მაყაშვილი ქართული ჯიშის განსახიერებად, არისტოკრატის სახე-ხატად მიაჩნდა და უდიდესი პატივისცემით, კრძალვით ეპყრობოდა. პოეზიაც ძლიერ მოსწონდა მისი. დავესხეებით ერთ დეტალს. 1914 წლის 2 მარტის „სახალხო გაზეთის“ სურათებიან დამატებაში¹ კ. მაყაშვილის ლექსი დაიბეჭდა. როგორც ირკვევა, გალაკტიონს საფუძვლიანად გაუცვნია იგი და ფურცლის არშიაზე მიუწერია: „საუცხოვო მუსიკაა, დიდებული აზრით“. ხაზგასმულია ლექსის შემდეგი სინტაგმა - „კთეს სიმღერებს“.

თავის მხრივ კორტეც კეთილად იყო განწყობილი ახალგაზრდა პოეტისადმი, არაერთხელ შეუქია და დახმარებია კიდევც.

იმავ დღესვე მიაკითხა. უფროსი მეგობარი თავშეკავებული ღიმილით შეეგება. გალაკტიონს არ გამოპარვია, როგორ ოსტატურად აარიდა კორტემ თვალი უმცროსი კოლეგის დაბრეცილ ფეხსაცმელს.

- ვალიკო ჯუღელმა მთხოვა, რეკომენდაცია გაუწიო ახალგაზრდა ნიჭიერ მწერალს, რომელიც ჟურნალის გამოცემაში დაეხმარება. შენზე შევაჩერე არწევანი. ვფიქრობ, არ უნდა იყოს ურიგო საქმე ჯამაგირიც გეჩვენება და...

კიდევ უფრო მეტად ღელავდა გალაკტიონი, როცა გვარდიის შტაბში ვალიკო ჯუღელთან აუდიენციას ელოდა. ამ კაცის სიმაჰაცესა და თავგანწირულობაზე ლექანდებს ჰყვებოდნენ. ლექსებსა და მინიატურებს უძღვნიდნენ. ბევრი აღმერთებდა კიდევც. ამიტომ შემთხვევითი არ ყოფილა, როცა საზოგადოებამ ერთ-ერთი ქალაქისთვის მისი გვარის დარქმევა მოინდომა.

შეხვედრა მოკლე და საქმიანი იყო. ახლოდან ჯუღელი სულაც არ ჩანდა ისეთი მკაცრი, როგორიც გალაკტიონს წარმოედგინა. ლაპარაკობდა მოკვეთილი წინადადებებით. გამოხედვა მომწუსხველი და სულში ჩამწვდომი ჰქონდა, თითქოს

¹ გაზ. „ერთობა“, 1920, №284.

გბურღავსო. ყოველგაგრი შესავლისა და მიკიბუ-მოკიბვის გარეშე განაცხადა: - ჟურნალი ჩემს ხაზს გაატარებს. იმედია, ნაწერებს არ დამიწუნებ. გალაკტიონი თავდახრილი უსმენდა და შემდეგ, როცა ამ ფრაზას იხსენებდა, ვერაფრით გაერკვია, მეგობრული ტონით იყო ნათქვამი თუ ირონიით.

- პასუხისმგებელი მდივნის მოვალეობას შეასრულებ - განაგრძო ჯუღელმა - რედაქცია ჩემი კაბინეტის გვერდით მოთავსდება. რაც შეეხება ჯამაგირს, თვიურად 7300 მანეთი გექნებათ. დამატებით ოფიცრის „პაიოქსაც“ მიიღებთ.

- როდიდან შევეუდგე საქმეს?

- ჟურნალის გამოცემის თაობაზე დადგენილება ჯერ არ მიგვიღია. ეს საკითხი გვარდიის კონფერენციაზე გადაწყდება. მაგრამ სათუო არაფერია. ხვალიდანვე შეგიძლიათ დაიწყო მუშაობა. როგორ ფიქრობთ, „სახალხო გვარდიელი“ ცუდი სახელწოდება ხომ არ არის?

- რას ბრძანებთ, დიდებულება.

- მო! ეს პოეტური კრებული როდია. ყველაფერი სადად და პირდაპირ უნდა ითქვას.

მერე ადიუტანტს მოუხმო.

- დღესვე მიეცით ერთი თვის ჯამაგირი.

გალაკტიონს მოჰყვანა, ხმაში სიღბო და დაღლილობა გამოჰკრთა.

მგოსანი სიმპათიურად იყო განწყობილი გვარდიელებისადმი. საუკეთესო სტრიქონებიც უძღვნა.

„და გვარდია მიყვარს. მასთან ნახევარ ვზად დაღლილი არვის არ ვუნახივარ. ერთი გვანთებს შუქი სვეტიცხოვლისა: საქართველო უპირველს ყოვლისა“.

ამიტომაც ადაპტაციის საკითხი არც დასმულა. იგი გატაცებით, ჩვეული ენერგიულობით ჩაება საქმეში.

1920 წლის აგვისტოში ჩატარდა სახალხო გვარდიის კონფერენცია. დადგენილების მესამე მუხლი ასეთი იყო: „მიღებულ იქნეს ზომები საკუთარი ყოველკვირეული ჟურნალის გამოსაცემად. ამისათვის საჭირო თანხა უნდა გამონახოს მთავარმა შტაბმა“.

დამფუძნებელ ხარედაქციო თათბირზე გაირკვა, რომ თავდაპირველი ჩანაფიქრის განხორციელება ფინანსურ-ტექნიკური და სხვა მიზეზების გამო ვერ ხერხდებოდა. ამიტომ

¹ გაზ. „ერთობა“, 1920, №284.



გადაწყდა ჟურნალი ორ კვირაში ერთხელ გამოეცათ.

ჟ. ჯუღელი ძლიერ დაკავებული გახლდათ ოპერატიული საქმეებით, გვარდიის იდეურ-პრაქტიკული ხელმძღვანელობით, თავისუფალი დრო თითქმის არ ჰქონდა. ხან როდის მოიპარავდა წუთებს და ხან როდის. ამიტომაც გადაკტიონი ზოჯერ დამის თორმეტ საათამდე ელოდა რედაქტორს.

ჟურნალი 12 დეკემბრისათვის უნდა გამოხულიყო - სახალხო გვარდიის შექმნის შესამე წლისთავზე. ქანცვაწყვეტამდე მუშაობდნენ. 8 დეკემბერს საზოგადოებას ეუწყა, რომ პირველი ნომერი უახლოვს დღეებში დარიგდებოდა. „შიგ მოთავსებული იქნება წერილები კ. კაცუკის, ჟ. ჯუღელის, აკ. ჩხენკელის, ს. დევედარიანის, ი. გომართელის, ბ. თეკლათელის, ი. ცინცაძის. ლექსები: ტაბიძის, ქუნიშვილის და ჟ. რუხაძის, სურათები გვარდიის ცხოვრებიდან. ჟურნალი იქნება დაბეჭდილი ფურადი საღებავით. გაიყიდება კანტორა „განათლებაში“ მის აგენტებთან და გვარდიის შტაბში. ელირება 50 მან“.

ათი დეკემბრისათვის ჟურნალი უკვე დაბეჭდილია. იგი თექვსმეტგვარდიანია, ფურადი ილსტრაციებით.

რედაქციას ღრმად აქვს გააზრებული გამოცემის სპეციფიკა და დანიშნულება. რადგანაც ჟურნალი მთავარი შტაბის ორგანოა, წინ იწვევს გვარდიის ბრძოლისუნარიანობის ამაღლებისა და შრომითი ტრადიციების ჩამოყალიბება-განმტკიცების ტენდენციები. ამ ორი მხარის აქცენტირება თვით გვარდიის თავისებურებით არის მოტივირებული.

...სახალხო გვარდია არ არის ჯარი. ჯარისკაცი მოწყვეტილია თავის საქმეს, თავის ხელობას და მისი ერთად-ერთი საქმე თოფია.

გვარდიელი კი ერთი და იმავე დროს ჯარისკაციც არის და თავის საქმის, თავის ხელობის კაციც. განდება საფრთხე, თოფს მოკიდებს ხელს და დადგება რესპუბლიკის დასაცავათ. გაივლის საფრთხე, თოფს მიაყუდებს და დაუბრუნდება თოხნამგალს ან ჩაქუნს.

გვარდიელი არის შეიარაღებული მუშა, შეიარაღებული ხელოსანი. შეიარაღებული იმიტომ არის, რომ გარშემო მტრები ახვევია და თავდაცვა ესაჭიროება.

იარაღი მხოლოდ თავდაცვისათვის - აი თვისება გვარდიელისა. საომარი და სამუშაო იარაღის შეთვისება, შეთანხმება - აი თვისება გვარდიელისა.

სხვანაირათ ჩვენისთანა პატარა რესპუბლიკას არსებობა არ

¹ გაზ. „ერთობა“, 1920, №280.



შეუძლია¹.

როგორც ვხედავთ, სახალხო პარტია პრინციპულად განსხვავდება შეიარაღებული ძლების იმ დანაყოფისაგან, რომელიც გვარდიად იწოდება და რომელიც რჩეულ ჯარისკაცთა გაერთიანებას გულისხმობს.

საქართველოს თავისებურებებიდან გამომდინარე დაძებნილია ბრძოლისა და შრომის შერწყმის ორიგინალური გზა. ამიტომაც იყო, რომ კ. კაცუკიმ მაღალი შეფასება მისცა სახალხო გვარდიის საქმიანობას. იგი აღნიშნავდა: ახალი ტიპის სახელმწიფოსათვის ამგვარი ფორმირების არსებობა აუცილებელია და საქართველოს რესპუბლიკის თაოსნობა ფართო მასშტაბით განზოგადებას იმსახურებს.

რედაქციამ რამდენიმე ასპექტით წარმართა საქმიანობა.

I. წარმოჩენა იმ ძირითადის, რითაც გამორჩეულია გვარდია. ეს არის „სამშობლოს გრძნობა გასაკვირველი“, მამულისადმი თავდადება. ამ განახევრით ნაირგვარი მასალა იბეჭდება. ერთ შემთხვევაში წინ იწვევს სილოგისტური განსჯა. პირდაპირ არის აღნიშნული, რომ „სახალხო გვარდია ეს ჩვენი დემოკრატიულობის თავგანწირულობის, მისი მტკიცე ნებისყოფის ხორცშესხმულობაა“².

მეორე შემთხვევაში მოხაზულია გვარდიელთა პორტრეტები და მათი საქმიანობა მისაბაძად არის დასახული. ამ თვალსაზრისით განსაკუთრებით მნიშვნელოვანი ვ. ჯუღელის წერილი, რომელიც ვალდის შარაშიძესა და სანდრო მაისურაძეს ეძღვნება. მოწოდებასავით ეღერს აკ. ჩხენკელის თეზისი: „ხალხის შვილს უნდა ასულდგმულვებდეს იდეალი, მხოლოდ მაშინ შესძლებს ის, თუ გარემოებამ მოიტანა, თავი შესწიროს საქვეყნო საქმეს“³.

შესაძე შემთხვევაში თვალსაჩინო ადგილი ეთმობა საბრძოლო ეპიზოდების გაცოცხლებას და ა. შ.

II. სამხედრო ოსტატობის სრულყოფისა და შრომითი საქმიანობის ჩვენება. ყურადღება მახვილდება როგორც საბრძოლო ტექნიკის დაუფლებაზე, ასევე დისციპლინის განმტკიცებაზე. მოთხრობილია ისიც, თუ როგორ შრომობს გვარდია. მაგალითად, ყარაიაში „ფართო მასშტაბით შეუდგა მოსარწყავი თხრილების გაყვანას, ტბების ამოშრობას და

¹ ეურნ. „სახალხო გვარდიელი“, 1920, №1, გვ. 60.

² იქვე, გვ. 5.

³ იქვე.



აგრეთვე მაღარიასთან ბრძოლას¹.

III. გვარდიელთა კულტურულ-ინტელექტუალური და მორალური დონის ამადლებისათვის ბრძოლა. სამართლიანად არის მითითებული, რომ კულტურა აძლევს გვარდიელს იმ შეგნებას, თუ ვის წინააღმდეგ და რატომ უნდა აღმართოს მახვილი.

როგორც ივ. გომართელი წერს, „გვარდიის ხელმძღვანელთა მთელი ყურადღება იქითკენ უნდა იქნეს მიქცეული, რომ გვარდიის ზნეობრივი სისპეტაკის გვირგვინს არსაიდან არავეთარი ღაქა არ მოეცოს.

უღირსი თუ ვინმე შემოიპარება, სასტიკი გაწმენდა.

გვარდია მარტო იარაღით არ იმარჯვებდა.

არა, გვარდიის იარაღი უძლეველი იყო იმიტომ, რომ იარაღთან ერთად მტერს ებრძოდა გვარდიის სულიერი სიმტკიცე და ზნეობრივი სისპეტაკე².

სხვა მნიშვნელოვანი თემებიც არის აქცენტირებული.

მკითხველთა მოსაზიდად ნაირგვარი ხერხია დაძებნილი. რედაქტორმა და პასუხისმგებელმა მდივანმა კარგად იციან, რომ სინამდვილის ობიექტური ასახვა ფორტოგრაფირებას როდი გულისხმობს. აუცილებელია იმის შემწნევა და წინ წამოწევა, რაც ჩანასახის სახით არსებობს და პერსპექტიულია.

ჟურნალში მძლავრობს პეროიკული პათოსი, რასაც შესამწნევად აძლიერებს მხატვრული ლიტერატურის ნიმუშები. მაგალითად გამოდგება ნაწვევტი გიორგი ქუჩიშვილისი ლექსიდან.

„თამამად ძმებო,

ხალხის გმირებო.

თამამდ გასწით სისხლის საღურელად!

დარწმუნდეს მტერი, რომ მთელი ერი

მზად არის თავის ქვეყნის სახსნელად“³.

საბოლოო დასკვნის გამოტანამდე ერთი ფაქტის დაფიქსირებაც ვკმარებთ.

გალაკტიონის თანამშრომლობა „სახალხო გვარდიელში“ უცნობია პოეტის ცხოვრებისა და შემოქმედების მკვლევართათვის. ისიც საყურადღებოა, რომ მგონის არცერთ ავტობიოგრაფიაში (ისინი კი შრავლადია), არცერთ დღიურში, არცერთ მოგონებაში ხსენებაც არ არის ამ ჟურნალისა. საოჯახო არქივი რომ არა, ეს უმნიშვნელოვანესი მოვლენა ბურუსით იქნებოდა მოფენილი.

¹ ჟურნ. „სახალხო გვარდიელი“, 1920, №1, გვ. 12.

² იქვე, გვ. 11.

³ იქვე, გვ. 8.



მთლიანად მოგვყავს გალაკტიონის უცნობი წერილი.

„ძმოს აბესალომ! მოვილოცავ დღესასწაულებს. შენს წერილებს ვიღებდი, უკანასკნელ ხანში კი რაღაც შეწვევით რა შიშა საქმე? როგორაა დედა? მე წიგნის გამოცემა ვერ მოვახერხებულა ვხელმძღვანელობ (კრიზისის გამო) ჟურნალ „სახალხო გვარდიელს“. ვარ იქ მდინად, და, მაშასადამე, ყველაფრად, კარგ განწყობაში ვარ საზოგადოებასთან. მაგრამ უფულობა მაინც კვადაკვალ მდევს. ჯამაგირად მაქვს 7300 მან და „პაიოკი“ გვარდიელისა. არა უშავს, გამოკეთდება.

მომწერე, რას შევბოთ, როგორია თქვენი სულიერი განწყობილება... ელით უკეთეს მომავალს, თუ იმედი დაკარგეთ სრულიად? მომწერე დედაჩემის შესახებ ყველაფერი.

გარდა ამისა, აი რა უნდა გთხოვო: ჟურნალ „ნოვოე ხლოვო“-ში არის ერთი წერილი „История Каспара Гаузера“. ეს წერილი ძალიან მჭირდება. ამოხიე ჟურნალიდან და გამომიგზავნე. რაც ადრე გამომიგზავნი უკეთესია, რადგან მე ერთ წერილს ვწერ, სადაც ეს წერილი აუცილებლად საჭიროა.

შენი თარგმანის შესახებ იმედაშვილმა მითხრა, რომ მალე დაიბეჭდებაო, მაგრამ მალე ჟურნალი სულ მიახურა. მე ვუთხარი, რომ ხელნაწერი ჩემთვის მოეცა, მაგრამ რაღაც ვერ ელევა. ყოველ შემთხვევაში რამდენს არ ვეჭვო, სულ „გადმოგცემო“ მეუბნება.

შენ ხშირად გკითხულობენ შენი ძველი ამხანაგები. ბევრი აქ მოეწყო სამსახურში, მარა რაღა ასეთ მოწყობას: შიმშილით ხდება სული მთელ ტფილისს. აუტანელი სიძვირეა. ამ ზამთარს ყველა უშეშოდ ატარებს, არის ყინვა და თოვლი – ჯამაგირი კი არავის არ ყოფნის, ათასწილად უკეთესია ეხლა ყველასათვის სოფელი.

ასე, აბესალომ, მომწერე წერილი: ტფილისში სახალხო გვარდიის მთავარ შტაბთან, რედაქცია ჟურნალ „სახალხო გვარდიელისა“, ჩემთან.

ნახვამდის, აბესალომ, გული არ გაგიტყდეს. ენერგიით, ენერგიით და კიდევ ენერგიით. ხომ იცი:

*„თავგანწირულად, ლომივით
შევებრძოლები ქვეყანას,
რას მომცემს ან რას დამაკლებს,
გული რომ დამწყდეს მისთანას“.*
მარად შენი გალაკტიონი.
დედაჩემს უთხარი ცალკე წერილი მომწეროს“.

გალაკტიონის ასეთი გაყუჩება, საგულდაგულოდ მიჩქმალვა ფაქტისა გასაგებია. მგოსანი ხომ დამოუკიდებელი საქართველოს,



ე. წ. მენშევიკური მთავრობის, დამცველად და მეხობედ გვევლინება. ამ ამბის გახმაურების შემთხვევაში მოსკოვში იყო ახალ ხელისუფალთ, კომუნისტებს უმკაცრესი ზომების მიმართა.

ამრიგად, გალაკტიონი „სახალხო გვარდიელის“ ერთ-ერთი სულისჩამდგმელია. მას ღრმად სწამს, რომ გვარდია უდიდეს საქმეს აკეთებს და ამიტომაც გულდაგულ იღვწის მისი ჟურნალის სრულყოფისათვის. უკვეთავს ლიტერატურულ მასალებს, ენობრივ-სტილისტურად თუ კომპოზიციურად სრულყოფს შემოსულ სტატიებს. რაც მთავარია, ადგენს ნომრის მაკეტს და ქმნის ჟურნალის გარეგან სახეს.

საერთოდ, პასუხისმგებელი მდივანი გამოცემის თანამშრომელთა თავისებური თანავეტორია.

ბუნებრივია, რომ გალაკტიონი დაკვირვებით კითხულობს ვ. ჯუღელის, ს. ჯიბლაძის, ა. ჩხენკელის თუ სხვათა ნაწარმოებებს და გამორიცხული არ არის, მათ იღვებსაც ითავისებდეს.

ნურც იმას დავივიწყებთ, რომ პოეტი მაშინ დგება ქვეყნის სადარაჯოზე, როცა სამშობლოს ძლიერ უჭირს, როცა მავანნი და მავანნი აქტიური საზოგადოებრივი ცხოვრებიდან გარბიან. „სახალხო გვარდიელის“ ბოლო, მეხუთე ნომერი 15 თებერვალს გამოვიდა. ამ დროს თბილისს უკვე ახანზარებს ქვეყნთა გუგუნე, გვარდია სამკედრო-სახიცოცხლო ბრძოლაშია ჩაბმული.

არავითარი შერყეობა, არავითარი დაუჭკება. სწორედ ეს იდეური სიმტკიცე იყო მიზეზი იმისა, რომ ემიგრაციაში წასაყვან მწერალთა სიაში გალაკტიონის გვარიც მოხვდა.

გალაკტიონის თანამშრომლობა „სახალხო გვარდიელში“ იმის დასტურია, რომ შგოსანი დამოუკიდებელი საქართველოს ერთგული ჯარისკაცია. სხვაგვარად ძნელი წარმოსადგენიც არის. მის შემოქმედებას ხომ წითელ ზოლად გასდევს ეროვნული მოტივი.

1917-1920 წლების ლიტერატურულ ცხოვრებაში უმნიშვნელოვანესი ძვრები ხდება. ახალმა ვითარებამ ახალი ამოცანები დასვა და მათი გადაჭრის საკითხიც პრინციპულად დააყენა. უმთავრესი ის გახლავთ, რომ შეიქმნა საქართველოს მწერალთა კავშირი. მართალია, ამ დროს არსებობდა სიტყვაკაზმული მწერლობის საზოგადოება, მაგრამ მისი მოქმედების რადიუსი ვიწრო იყო, ხოლო საზოგადოებრივი რეზონანსი სუსტი. ამიტომაც შემთხვევითი არ ყოფილა, როცა ამ გაერთიანების ლიკვიდაცია და მისი ქონების მწერალთა კავშირისათვის გადაცემა მოითხოვეს.

1917 წლის შემოდგომაზე შეიქმნა საორგანიზაციო ბიუ-

რო, რომელმაც სერიოზული მუშაობა გასწია ყრილობის მოსამზადებლად.

ყრილობა ოქტომბრის დასაწყისში ჩატარდა.

ამ დროს გალაკტიონი უცხოეთში იმყოფებოდა, მაგრამ იმგვარი ოსტატობით, დეტალურად და ხატოვნად აუწერა კონსტანტინე გამსახურდიამ მაშინდელი ბატალიები, რომ პოეტს ისეთი განცდა დაუუფლა, თითქოს თავად ესწრებოდა სხდომებს.

— რობაქიძემ მოითხოვა ყრილობის საპატიო თავმჯდომარედ კ. ბალმონტი მოგვეწვია. მე დიდ პატივს ვცემ ბალმონტს, მაგრამ მაინც უხერხულად მივიჩნიე ეს. მხარი დამიჭირა გრიშაშვილმა. თავს დამქსნენ პაოლო და ტიციანი მათთვის ჩვეული ყიზილბაშობით...

და შეხსნა კონსტანტინემ ქართული ენის ბნელი სარდაფის კარი. როცა გალაკტიონის გაკვირვებული მხერა დაიჭირა, თითქოს გამოურკვეა: — ეხლა მეცინება. ეს ყოველივე ჩემთვის ხავსიანი ღოდებია.

ისე, უცნაური ხალხი ვართ ქართველობა, ჩემო გალაკტიონ, — განაგრძო კონსტანტინემ, — ზედმეტი თავმოხრა გეჩვევია, ადვილად ვენთებით და... 5 ოქტომბერს (1917 წ. ნ. ტ.) კაცი წერეთელი ჩამოვიდა საქართველოში და ატყდა აურ-ხაური. დმურთო ჩემო, რას არ უწოდებდნენ: „დემოკრატიის არწივს“, „სახალხო ტრიბუნს“, „ქურუმს“, „ერგელე მესამეს“ და ა. შ. მწერლებიც ჩაებნენ ამ ფერხულში. მოითხოვეს ჩვენი ყრილობა მისაღმებოდა. აღშფოთება ვერ დავმალე და ბევრიც გაეანაწყენე. კი, ბატონო, ნიჭიერი კაცია, სახელგანთმული რევოლუციონერიც, მაგრამ, აბა შითხარი, საქართველოსათვის რა გააკეთა? არაფერი! ყოველთვის რუსეთის წისქვილზე ასხამდა წყალს.

ამას დიდი ექსტაზით, თვალებანთებული ყვებოდა კონსტანტინე ისიც ხაზგასმით აღნიშნა: ყრილობაზე მე მოვითხოვე, რომ გოლოვინის პროსპექტს რუსთაველის სახელი დარქმევოდა.

გვიან ღამე დატოვეს ციციქა ოთახი. გაგაცივებო — დაივინა კონსტანტინემ. ნელა მიუყვებოდნენ ხეივანს და უსმნდნენ ღამეს, რომელიც არცთუ ნაკლებ საინტერესო ამბებს ყვებოდა.

გალაკტიონისათვის კიდევ უფრო ცხადი გახდა, რომ მწერალთა ვიწრო ჯგუფური ინტერესები თანდათან ძლიერდებოდა. მაგრამ არსებითი მაინც ის იყო, რომ პირველი მტკიცე ნაბიჯი გადაიდგა დიდ გზაზე.

ყრილობის დახურვის დღეს უკნასკნელმა თერგდალეულმა ნიკო ნიკოლაძემ ხმაოდლა განაცხადა: მწერლობა ის იარაღია, რომელიც ერს ადუღაბებს, ხალხის სიყვარულით ყოველგავრი მსხვერპლი უნდა გავიღოთ. აუცილებელია დაქდლივით ჯგუფური პატივმოყვარეობა,

შევერთდეთ და თავგამოდებით ვიშრომით მამულის ბედნიერებისათვის.

ეს საპროგრამო გამოხელა იყო.

გალაკტიონს იხივ ძლიერ ახარებდა, რომ მწერალთა კავშირის ერთ-ერთი თავკაცი კოტე მაცაშვილი იყო.

ზუსტად ვერ გეტყვი, როდის შეიტანა გალაკტიონმა განცხადება, როდის გახდა ფორმალურად მწერალთა კავშირის წევრი. საფიქრებელია, 1919 წლის მიწურულს მოხდა ეს. ერთი კი ცხადზე ცხადია, თავიდანვე ამ ორგანიზაციის სათავესთან დგება. ამაზე მეტყველებს თუნდაც 1921 წლის ნოემბრის ამბები, მაგრამ ამის შესახებ სხვა დროს.

ახლა უმთავრესზე.

თხზულებათა აკადემიური გამოცემის მიხედვით, 1918 წლის ივლისიდან 1921 წლის თებერვლამდე გალაკტიონს პრესაში 13 ლექსი გამოუქვეყნებია, ხუთი - 1919 წ. რვა - 1920 წ. ამათ უნდა მივმატოს ორიოდუქ.

როგორც ვხედავთ, სიუხვე არ შეინიშნება. ამის უპირველს მიზეზად ის უნდა მივიჩნიოთ, რომ 1918 წლის მეორე ნახევარსა და 1919 წლის პირველ კვარტალში გალაკტიონი „არტისტული ყვავილების“ გამოცემით არის დაკავებული. უფრო ზუსტი იქნება, თუ ვიტყვი, ამ დიდ საქმეშია შთანთქმული. ვერც იმას დავეიფივებთ, რომ ეკონომიკურად ძლიერ უჭირს და ლუკმა პურის ძიება რამდენადმე მაინც უკვეცავს ფრთებს. არის სხვა მიზეზებიც.

აღსანიშნავია, რომ 1919 წლის მარტში გალაკტიონი აქვეყნებს ორიგინალურ წერილს „თვატრები“. იგი მგოსნის არც ერთ კრებულში, არც თხზულებათა თორმეტრთმეულში არ შესულა¹. ამდენად,

¹ გაზეთ „საქართველოში“ კითხულობთ: „მოკლე ხანში გამოვა თბილისში ქურნალ „აიხის“ მეორე ნომერი. ქურნალში მოთავსებული იქნება იმავე პოეტთა ნაწარმოებები, რომელნიც პირველში იყვნენ: გალაკტიონ ტაბიძე, ლადო შაჰვარანი, გრ. ცუცხელაძე, შ. კარშელი, ვ. გორგაძე, გ. გვერთაძე, ნ. ნადირაძე, ხანდრო შიუკაშვილი და სხვ.“ (1820, №179).

მაშასადამე, გალაკტიონს „აიხის“ პირველ და მეორე ნომრებში დაუსტამბავს ლექსები, მაგრამ სახელდობრ რომელი?

აკადემიური გამოცემის ხელმძღვანელთათვის იხივ უცნობია, რომ ლექსი „საღაც ტყეების ისმოდა დარდი“ პირველად 1920 წელს გამოქვეყნდა „სახალხო გვარდიელში“ სახელწოდებით „საქართველოს“. ამ ქურნალსა და აკადემიური გამოცემის მეორე ტომში დასტამბულ ტექსტებს შორის თვალსაჩინო სხვაობაა.

² ამ ნაწარმოებებზე ერთ-ერთმა პირველმა ი. ირემაშვილმა გაამახვილა ყურადღება.

უცნობია ფართო საზოგადოებისათვის. არადა, ძალზე საყურადღებოა გალაკტიონის თეატრალური შეხედულებების შესამეცნებლად სხვა მხრივაც. მოგვეყავს მთლიანად.

თეატრები

რეჟისორი. პიესა ჩატარდა ისე, როგორც შეფერის გამოცდილ რეჟისორს.

პამლეტი. არა! პიესა ჩატარდა ისე, როგორც შეფერის დახელოვნებულ მსახიობს.

რეჟისორი. თქვენო უმაღლესობაე!

პამლეტი. ასეა: მსახიობობა იბადება ზეშთაგონებიდან და არ საჭიროებს არავითარ ტექნიკურ შენობას. უმაღლესი მიზანი თეატრისათვის არის სცენიური იმპროვიზაცია.

რეჟისორი. თქვენო უმაღლესობაე— ავტორი?

პამლეტი. გაერთიანება შემოქმედების დროს ავტორისა და აქტიორის იდეების: აი კიდევ უდიდესი მიზანი.

ოფელია. სცენაზე ვარ და არ მახსოვს შემთხვევა, რომ პიესა ჩატარებულიყო თეატრალური მოწყობილობის გარეშე. ვერც ერთი მსახიობი მაშინ როლს ვერ შექმნიდა. თქვენო აღმატებულებაე! არ იქნებოდა პამლეტი, რომ არ ყოფილიყვნენ დეკორატორები, ბუტაფორიები, კოსტიუმერები, სცენარისტები ან სუფლიორები? რეჟისორი მოწოდებულია...

პამლეტი. მოწოდებულია სცენარისტებისა და დეკორატორებისთვის!

რეჟისორი. აგრეთვე პამლეტისათვის.

ოფელია. ყველასათვის თქვენო უმაღლესობაე! აი ოსკარ უაილდის სიტყვები წიგნიდან „ნიდაბთა ჭკუშარიტება“: „თვითეულ თეატრალურ ორგანიზაციაში გაყვანილი უნდა იყოს განაწილება შრომის და არა გონების. ფონი უნდა დარჩეს ფონად, ფერები კი ვეჟაქტს უნდა დაუმორჩილდეს. ამას მხოლოდ მაშინ შევალწევთ, როდესაც წარმოდგენას ხელმძღვანელობს მხოლოდ ერთი პიროვნება. ხელოვნების, განათება მრავალგვარია, მაგრამ მთავარი ძალა მხატვრული ვეჟაქტისთვის მხოლოდ გაერთიანებაშია. ნამდვილი მხატვრული დადგმა ერთი შემოქმედის სულით უნდა იყოს გაქვეყნებული.“

პამლეტი. „ოფელია! წადი მონასტერში!“

ოფელია. შე მინდა ვსთქვა, რომ უმთავრესი პიროვნება თეატრში არც რეჟისორია და არც აქტიორი. ყველაზე უმთავრესი ისევე ჩვენი ძვირფასი თეატრია: უნდა ამაღლდეს იგი მაღალ ხელოვნებად!

აი რას ვუსურვებთ მას ყოველი ახალი სეზონის დასაწყისში“.

¹ ჟურნ. „თეატრი და ცხოვრება“, 1919, №1.

„თეატრებში“ გამჟღავნებულია ის დაპირისპირება, რაც ათიან წლებში შეინიშნებოდა. ვინ არის წარმმართველი - დრამატურგი, რეჟისორი თუ მსახიობი?

გალაკტიონი კარგად იცნობს ამ პერიოდის თეატრალურ კონცეფციებს. არ არის გამორიცხული. მაქს პერმანის თეორიასაც ხალრმავებოდეს. ამ დიდ მეცნიერს რუსეთში საკმაოდ ჰყავდა მიმდევარი და, ალბათ, მოსკოვის სარეჟისორო კურსებზეც ხშირად გაისმოდა მისი სახელი.

რეჟისორული თეატრის კონცეფციით, სპექტაკლის წარმმართველი ფიგურაა რეჟისორი. უფრო მეტიც, იგი ავტორია. რა თქმა უნდა, ეს არ ნიშნავს მსახიობის უდიდესი როლის უგულვებელყოფას, მაგრამ გარკვეული აზრით, არტისტი მაინც დაქვემდებარებულ შემოქმედად წარმოიხნდება.

თუ ამოვალთ იქიდან, რომ უპირველესია სასცენო პარტიტურის დადგენა, რათა ზუსტად მოხდეს გამომსახველი ფორმების შერჩევა, მაშინ ადვილგაასაგები გახდება რეჟისორული თეატრის აზრი.

გალაკტიონი რეჟისორისკენ იხრება. ამიტომაც ესეხება ოსკარ უაილდს, რეჟისორი ერთი სურვილით უნდა მსჭკალავდეს მთელ სპექტაკლს, რათა კოლექტიური შემოქმედების ნაყოფი მონოლითურ ნაწარმოებად აღიქმებოდეს.

ოფელისას ბოლო სიტყვები ღრმა დაკვირვებას მოითხოვს. აქ ლიტერატურული ხერხია გამოყენებული, როცა უარყოფა მტკიცების ფარდია.

„თეატრებში“ ირეკლება მოსკოვის სარეჟისორო კურსებზე განცდილი და ათვისებული. მთავარი მაინც ის არის, რომ იგი გაცხადება იმ კონცეფციის, გრძნობების, რომლებიც გალაკტიონს თეატრალურ სამყაროსთან აკავშირებდა.

საანალიზო პერიოდი უმნიშვნელოვანესია არა მხოლოდ გალაკტიონისათვის, არამედ მთელი ქართული პოეზიისათვის. 1919 წელს გამოვიდა „არტისტული ყვავილები“ - წიგნი, რომელმაც ათვლის წერტილის ფუნქცია შეიძინა.

ეს კრებული უდიდესი ნიჭისა და ერუდიციის, დაძაბული შრომისა და ფილიგრანული ოსტატობის ნაყოფია. ცხადია, ყველაფერი ხელის ერთი დაკვრით არ გაკეთებულა. ვულკანის ამოფრქვევას ხანგრძლივი შინაგანი დულული უბღლოდა. გალაკტიონმა მრავალმხრივ გაითვალისწინა სამამულო მწერლობის მიღწევები. ამასთანავე საფუძვლიანად შეისწავლა როგორც რუსული, ასევე ევროპული, უპირატესად, ფრანგული პოეზია.



პირველ წიგნში უთუოდ დაიღანდა პირამიდის კონტურები, მაგრამ მაინც დიდი გზა იყო გასავლელი, ვიდრე გვიანტურში შენობა აიგებოდა. 1915-1918 წლები ძიებისა და გადაფასების ხანაც იყო. გალაკტიონმა ახალი სიურცეები მოიხილა, ანკარა ნაკადულებს დაეწაფა და უცხო ბილიკებს მიაკვლია. რაც მთავარია, მან უმაკცრეს ცხრილში გაატარა ძველი ნაწერები.

ცხადია, ეს არ ნიშნავს წარსულისადმი ხაზის გადახმას. შეინიშნება თუმათა გამეორება, ასევე ხატთა მსგავსება. არც ცალკეული ფრაზოლოგიური შეხვედრები გამოირიცხება. მაგალითად, პირველ წიგნში ფიქსირებული „ჩემთვის მარტოდენ უდაბნოა მთელი ქვეყანა“ მეორე ტომში ამგვარი ვარიაციით გვხვდება: „ჩემს სამშობლოში მე მოველე მხოლოდ უდაბნო ღურჯად ნახავერდები“, ან კიდევ: „წაყვ, მგოსანო... მშუენიერ ტანჯვას მაინც იპოვი“. „არტისტულ ყვაილებში“ - „მე ძლიერ მიყვარს მწუხარე გრძნობა ცივი სისოვლის“. სამეცნიერო ლიტერატურაში შენიშნულია ეს ანალოგიები. მთავარი ისაა, რომ ამ შემთხვევაში მკაფიოდ იგრძნობა ამადლება, ე. ი. სინამდვილის ემპირიული ასახვიდან სიმბოლისტურ გააზრებაზე გადასვლა, რეალობიდან ზერეალობისაკენ ღტოლვა.

ამგვარი მიდგომა არა მხოლოდ ახალი ლექსებით ცნაურდება, არამედ ძველი ნაწარმოებების რედაქტირებითაც.

შეჭერდებით ერთ გახმაურებულ მაგალითზე. ლექსში „აღვები თოვლში“, რომელიც 1916 წელს გამოქვეყნდა „სხვიში“, კვითხულობთ: „როდესაც მთვარე თოვლიან აღვებს ათრობს ცისფერი ყინვის თასებით“. „არტისტულ ყვაილებში“ ეს ფრაზა ამგვარადაა მოწოდებული: „დაათრობს მთვარე თოვლიან აღვებს ივლისისფერი ყინვის თასებით“.

ყინვა ცისფერი და ყინვა ივლისისფერი. პირველი გასაგებია თუნდაც ფერთა ასპექტის გათვალისწინებიდან გამომდინარე. მეორე კი ალოგიურად მოჩანს. სიტყვათა სემანტიკური დკაჟშირება გამოირიცხულია.

ამ მეტაფორაზე არაერთ მკვლევარს გაუმახვილებია ყურადღება.

შეიძლება ვიფიქროთ, რომ „ივლისისფერი“ მცხუნვარის, მძაფრის ასოციაციას ეყრდნობა, მაგრამ ამ თვალსაზრისსაც მოეპოვება მინუსი.

რეალობასთან უფრო ახლოსაა შემდეგი კონცეფცია, რომ საქმე გვაქვს სიმბოლისტურ ხერხთან, ალოგიზმით განწყობილების ამადლებასთან, რასაც საბოლოოდ ირეალურთან მიყვავართ. გართულებული მეტაფორის მომარჯვება ამითაა შეპირობებული.



სხვა საკითხია, თუ რამ შეუწყო ხელი აღნიშნული ტროპის შექმნას. სამართლიანად არის შენიშნული, რომ „საქმე მუორე წიგნზე მუშაობის დროს გალაკტიონი ეუფლება მოვლენათა გასაიდუმლოების ხელოვნებას და ამას თავის შემოქმედებით პრინციპად ხდის. ადრე დაწერილ ლექსებს იგი ამ თვალსაზრისით ასწორებს კიდევ („მერი“).

ზოგიერთი ლექსის რეადაქციულ სხვაობაზე დაკვირვება ნათელყოფს, აგრეთვე, ერთ საინტერესო გარემოებას. ლექსის პირველ ვარიანტს, როგორც რეალურ შთაბეჭდილებათა შედარებით უშუალო ანარეკლს – უფრო მეტად ეტყობა კონკრეტულ სინამდვილესთან სიახლოვე : სახეები უფრო საგნობრივი და ხელშესახებია, როცა პოეტი მეორედ და მესამედ უბრუნდება ლექსს, მაშინ, სადაც კი შესაძლებელია, მთლიანად სპობს კვალს რეალური შეგრძნებისას, რომელთაც მას პირველი შემოქმედებითი ბიჭვი მისცეს¹.

შემთხვევითი როდია, რომ „არტიტული ყვავილები“ მოცულობით ძლიერ ჩამორჩება პირველ წიგნს. ამ კრებულში ვერ მოხვდა პრესაში გამოქვეყნებული ბევრი ლექსი. მაგალითად, „რა სველიან ნანას ამბობს ქარი“, „მიყვარდა მანგი გრძნობით გამთბარი“, „ბედისწერა“, „აკაკის გარდაცვალების გამო“, „ფანტაზია“, „თეთრი ღანდები“, „ყოშკი“, „შენი ღიმილი“, „დროშები ჩქარა!“, „ათრობდა ხალხის მწუხარება“ და სხვა. ზოგი დაწუნებულია არასათანადო მხატვრულობის, ზოგიც წიგნის ძირითადი ხაზისა და პათოსისაგან დაშორიშორების გამო და ა. შ.

აქვე უნდა გავიხსენოთ ერთი უმნიშვნელოვანესი ჩანაწერი. „პოეტმა უნდა გადაწყვიტოს ორი მთვარი პრინციპული ხასიათის საკითხი.

1. რომელი არის მის შემოქმედებაში საუკეთესო ლექსი,
2. როგორ უნდა დააღაგოს მან ამის შემდეგ ლექსები?

როგორც პირველი, ისე მეორე საკითხის გადაწყვეტა პოეტისაგან მოითხოვს დიდ სიფრთხილეს: პირველი საკითხის გამორკვევის დროს სრულიად ადვილია მრავალი შეცდომის დაშვება, მითუმეტეს, რომ ყველა, რაც კი დაწერილია, საყვარელია, როგორც შემოქმედება. მეორე საკითხისთვისაც არსებობს ჩვეულებათა მრავალი რიგი. 1. შეიძლება გადარჩეული ლექსები დაბეჭდო სრულიად დაუღაგებლად, როგორც მიღებულია დღემდე. 2. შეიძლება დააღაგო ისე, რომ უმთავრესი ყურადღება

¹ ა. ხინთიბიძე, 20-იანი წლების ქართული პოეზიის სიახლენი, კრებული „მეოცე საუკუნის ქართული ლირიკის ისტორიის ნარკვევები“, I, 1971, გვ. 79.

მკითხველისა მიქცეული იქნას ავტორის შემოქმედების ევოლუციაზე. 3. შეიძლება უბრალო ქრონოლოგიური წესით და მარავეალი სხვა¹.

ეს 1927 წელს არის ნათქვამი, მაგარმ თამამად შეიძლება განვაცხადოთ, რომ 1919 წელსაც გალაკტიონი ამ საკითხებს დიდი სერიოზულობით ეკიდება.

„არტიტული ყვაილები“ აგებულებითაც განსხვავებულია პირველი წიგნისაგან. ჯერ ერთი, როგორც ზემოთ ვნახეთ, მეორე წიგნში გალაკტიონმა არ შეიტანა ბევრი გახმაურებული ლექსი, რაც კრებულის მონოლოთურობა-ერთხაზოვნების პრინციპით არის ნაკარნახევი. მეორეც, „არტიტული ყვაილები“ აგებულია არა იმდენად ქრონოლოგიური პრინციპიდან გამომდინარე, რამდენადაც შემოქმედებითი ევოლუციის გათვალისწინებით.

კრებულში დაბეჭდილი პირველი ლექსი „შემოდგომა „უშანკო ჩასახების“ მამათა სავანეში“ ერთგვარი გასაღები და საწყისი ნოტაა, რათა წიგნის არსს მეტად ჩავწვდეთ და თემების განვითარებას ღოგიკურად მივეყვით, ხოლო ბოლო ლექსი „დომინო“ შემაჯამებელი აკორდია, მთელი კრებულის ღირსების წარმომჩენი. ჩვენ ხაზი გვიანდ გავეუსვათ იმ გარეშობას, რომ გალაკტიონი ყოველთვის ასეთი პრინციპული არ ყოფილა კრებულების შედგენისას.

ერთი სიტყვით, „არტიტული ყვაილები“ გამორჩეულია აგებულებით, თემათა განვითარებით, შინაგანი სისტემით, მუსიკალობით და განწყობილების კონტრაპუნქტუალობითაც. ქართულ მწერლობაში არცთუ ბევრია კომპოზიციურად შეკრული ასეთი წიგნი.

მგოსანი დიდხანს მუშაობდა „არტიტულ ყვაილებზე“. არსებითად იგი მოსკოვში გამართა და კმაყოფილიც იყო. აკი ამბობს: „ასეთ წიგნებს ბევრს ვეღარ დავწერო“. საქართველოში დაბრუნებისთანავე უპირველეს ამოცანად „არტიტული ყვაილების“ გამოცემა დაისახა. ეს კი უმძიმეს საქმეს წარმოადგენდა. მხედველობიდან არ უნდა გამოგვრჩეს ამღვრული პოლიტიკური სიტუაცია და ქვეყნის ეკონომიკური სიდუხჭირე.

პოლიგრაფიული წარმოება მინაველებული იყო. ძლიერ ჭირდა ქაღალდის შოვნა. საღებავები ქილა-ქილა უნდა შევეროვებინა. კვალიფიციური ასოთამწყობები სოფლებში გაიხიზნენ და სტამბებში უმეტესად შემთხვევითი პირები ფართი-ფურთობდნენ.

¹ ვ. ტაბიძე, თხზ., ტ. XII, გვ. 72.



გალაქტიონმა შეუძლებელი შეძლო. ნაწილი ფულისა ისესხა, ნაწილი მომავალი წიგნის საფასურად მისცეს. მერმე შეძლებულმა ნაცნობმაც გაუმართა ხელი და საქმეც დაიდო. მერე სასურველი სტამბაც გამოიძებნა, მუშებსაც დაუახლოვდა.

1919 წლის 28 მარტის „საქართველო“ იუწყება: „იბეჭდება და სულ მალე გამოვა პოეტ გალაქტიონ ტაბიძის წიგნი“. მსგავსი ცნობა მოთავსებულია აპრილის „თოლაბულისის სარტყელში“, ხოლო ამავე ეურნალის მაისის ნომერში ვკითხულობთ: „დაიბეჭდა და იყიდება გალაქტიონ ტაბიძის ლექსები. ტ. II“. გაზეთ „ერთობის“ ინფორმაციაში ფასიც არის დაფიქსირებული – 25 მანეთი. ისიც ხაზგასმულია, რომ რედაქცია დაეხმარება პროვინციაში მცხოვრებთ წიგნის შექენაში.

გალაქტიონი შეეცადა არა მხოლოდ შინაარსით, არამედ ფორმითაც მიმზიდველი ყოფილიყო წიგნი. უარყოფილია პირველი კრებულის გაფორმების მანერა. გარეკანზე ჩარჩოში, რომელიც ორი პარალელური განსხვავებულპუნქტიანი შავი ხაზით არის შეკრული, ფიქსირებულია ძირითადი მონაცემები:

მგოსანს ბევრი უფიქრია სათაურის შერჩევაზე. შემთხვევითი არ არის, რომ ყოველივე ეს სხვადასხვა ფორმით მეორდება შიდა პირველ სამ ფურცელზე. მეოთხე ფურცელზე ეპიგრაფებია ფრანგულ ენაზე, ამონარიდები შ. ბოდლერის, თ. გოტიეს, პ. ვერლენის და ა. რენიეს ნაწარმოებებიდან. ხაგულისხმოა ისიც, რომ წიგნის ყოველ წვეთს გვერდზე ტექსტის ზემოთ ავტორის სახელი და გვარია დაფიქსირებული, ხოლო კენტ გვერდზე წიგნის სახელწოდება. ეს მეთოდი – გახანგრძლივებ-გამეორება ძირითადის აქცენტირებით არის მოტივირებული.

მგოსანს ბევრი უფიქრია სათაურის შერჩევაზე. შემთხვევითი არ არის, რომ კრებულს „GRANE AUX FLEURS ARTISTIQUES“ უწოდა. როგორც თავად შენიშნავს: „წიგნის სახელწოდებაც კი ირონიულია: „თავის ქალა არტისტული ყვაილებით“ – იგულისხმება თავის ქალა (სიკვდილი), არტისტული ყვაილები (ხელოვნება), სიკვდილი და ხელოვნება. რომელმა უნდა გაიმარჯვოს? – რა თქმა უნდა, ხელოვნებამ. რა არის ხელოვნება? ხალხისადმი, სამშობლოსადმი სამსახური...“.

პოეტი იმასაც დასძენს, რომ „ამ საკითხზე სწვრდნენ ჩვენი კლასიკოსები, მაგრამ მათ არ ქჷონდათ ასე მკვეთრად დაპირისპირებული სიკვდილი – სიცოცხლესთან, სიკვდილი

¹ გ. ტაბიძე, თხზ., ტ. XII, გვ. 153.



ხელოვნებასთან, სიკვდილი - რევოლუციასთან¹.

ეს სიტყვები მოგვიანებით არის დაწერილი და ფაქტობრივად ამოკიდებულებას, ფხიზელ ანალიზს მოითხოვს. მით უფრო, რომ სათაურისა და ეპიგრაფების შეპირისპირება რამდენამდე მაინც იწვევს მკითხველის გაორებას. ამჯერად ჩვენ სულ სხვა კუთხით გვინდა წარვმართოთ საუბარი. რამ განაპირობა სათაურად ფრანგული სიტყვების გამოტანა? ამით ხომ არ არის ხაზგასმული ფრანგი სიმბოლისტებისადმი თაყვანისცემა? (გავიხსენოთ: „ხშირად ვიგონებ ვერლენს, როგორც დაღუპულ მამას“²). იქნებ სათაური ქვეტექსტით იმაზე მიგვანიშნებს, რომ ამ კრებულით გალაკტიონი მსოფლიო მიღწევების დონეზე დგება და ამის ცნობა-აღიარებისაკენ მოგვიწოდებს.

როგორი იყო „არტისტული ყვავილებისადმი“ სზოგადოების დამოკიდებულება? ამის გასარკვევად ყურადღებას ვამახვილებთ გამოსხმაურებათა რაოდენობასა და დონეზე.

პრესამ გაცემებით ნაკლები ადგილი დაუთმო მეორე წიგნს, ვიდრე პირველს. მხოლოდ სამიოდე რეცენზია-ბიბლიოგრაფია დაისტამბა. „არტისტულ ყვავილებზე“ ქართული პოეზიის არც ერთ გრანდს არ გაუმართავს ვრცელი მსჯელობა.

შეცდომა იქნებოდა გვეფიქრა, რომ გამოჩენილმა ლიტერატორებმა ვერ იგრძნეს „არტისტული ყვავილების“ სიძლიერე და ხიბლი. მაშ რით აიხსნება გაყუჩება? ვფიქრობთ, თავი იჩინა ამ პერიოდისათვის არცთუ უცხო კინემა - „ჩემზე უკეთ რად იმღერაო“.

ნუ დაეივიწყებთ, რომ ცისფერყანწვლებსა და გალაკტიონს შორის ხიდი ნატეხილია. მგოსანი არც სხვა პოეტებთან არის ხელგადახვეული.

ამჯერად მხოლოდ ფაქტს ვაფიქსირებ. მოვლენა საგანგებო შესწავლას მოითხოვს, რომლის დროსაც ორივე მხარის თავისებურება უნდა იქნეს გათვალისწინებული.

და მაინც: როცა თანამოკლამეების გალაკტიონისადმი დამოკიდებულებას ვშიფრავ, ყოველთვის მახსენდება აღმოსავლური სიბრძნე: რაც უფრო ჰკვიანია კაცი, მით უფრო ნაკლებად ჰყავს მეგობარი.

ახლა გადავხედოთ რეცენზიებს. ამ მხრივ ყველაზე მნიშვნელოვანია ივანე იოსელიანის „გენიალური გალაკტიონი“ იგი რამდენადმე ცილდება რეცენზიის ფარგლებს და

¹ გ. ტაბიძე, თხზ., ტ. XII, გვ. 153.

² იქვე, ტ. I, გვ. 305.



პრობლემურ სტატიას უახლოვდება. მასში არა მხოლოდ არტისტული ყვავილების¹ შეფასებაა, არამედ გალაკტიონის მთელი შემოქმედების. კრიტიკოსი ცდილობს განსაზღვროს გალაკტიონის ადგილი სამამულო მწერლობის ისტორიაში და ამიტომაც სხვათა დამსახურებასაც აფიქსირებს, რაც ძირითად დაბუღლებას დამაჯერებლობას მატებს. მთავარი მაინც ის არის, რომ დასკვნები გამოტანილია მრავალსაუკუნოვანი ქართული ლიტერატურის მიღწევათა ღრმა გააზრების საფუძველზე.

ტენდენცია სათაურშივე არის გამოვლენებული - „გენიალური გალაკტიონი“. ფაქტი ზუსტად არის კვალიფიცირებული, მაგრამ ეპითეტმა მაინც გააღიზიანა ზოგიერთი.

კრიტიკოსის აზრით, „...გაეიდა მამულიშვილური და პროგრამული პოეზიის ხანა. ახლა ქართული პოეზია ზეიმობს თავის ფურისცვალებას და ამ განახლების პირველი ჩუმი და წრფელი აღიარება ეს წიგნია: „Grane aux fleurs artistiques“¹.

ამ ამონარიდში თერგდალეულების მოღვაწეობის შეფასებაც იგრძნობა. ცხოვრება მწვავედ აყენებს პრობლემებს. არსებითია ღრმად ჩასწვდუ მათ და ფეხი აუწყო. ილიამ კარგად განსჭვრიტა ვითარება და მოქმედების ზუსტი გზაც დასახა. პატრიოტული მოტივის წინ წამოწევა და ღირიკის გარკვეული დაპროგრამება დროის კარნახით იყო პირობადადებული. მაგრამ ვითარება შეიცვალა და ის, რაც ერთ ხანს მიმზიდველი იყო, მომდევნო ეპოქაში მოძველებული და უკუსადები აღმოჩნდა. „აკაკის მხეობამ ბევრი დააბრმავა. მისი მარგალიტები დაიტაცეს და დაახურდავეს. გახშირდა ტრაფარეტული „ფიალი-ტრაფიალი“, „ჭალარა-ნალარა“. პოეტური შემოქმედება შაირობამდე დააქვეითეს“². შაბლონმა არაერთი ნიჭი იმსხვერპლა.

ამ მართებული თვალსაზრისის აქცენტირება იმიტომაც სჭირდება კრიტიკოსს, რომ უკეთ წარმოაჩინოს გალაკტიონის წვლილი, დამსახურება.

ხაზგასასმელია ისიც, რომ ივ. იოსელიანმა გალაკტიონი კი არ დაუპირისპირა კლასიკოსებს, არამედ მათ ნიჭიერ მემკვიდრედ გამოაცხადა. „წარსულის პოეზიამ მას უანდერძა ბუნებრივობა, ესთეტიკური სიმტკიცე და ლიტერატურული სინდისიანობა“³.

ამის აღნიშვნას მაშინ განსაკუთრებული მნიშვნელობა ენიჭებოდა, რადგან წარსულთან დამოკიდებულებას ზოგიერთმა

¹ ჟურნ. „ტფილისი“, 1920, №1.

² იქვე.

³ იქვე.



ლიტერატორმა მახინჯი სახე მისცა.

„საქართველოში მოდის დიდი მწერალი და მანქანაში ულოცავს ერის ეროვნულ-პოლიტიკური თავისუფლებას. მწერნი თვალწინ ირდევვიან ხელოვნების დამხრდილაჲი სოციალური პირობები და ამიერიდან ხელოვნება არ იქნება მარტო ბრძოლის საყვირი, არც სიბრალულისა და სათნოების ფსალმუნად იქცევა იგი. სილამაზე, მშვენიერება! – აი რა იქნება მისი მიღწევა, თავისუფლება ყოველგავრი დოგმატებისაგან! აი რა იქნება მისი დევიზი“¹.

ეს დებულება ორმხრივ საყურადღებოა. იგი ბაზისისა და ზედნაშენის დიალექტიკურ ურთიერთობაზე მიგვანიშნებს. ამასთანავე დამოუკიდებელი საქართველოს პერსპექტივებს წარმოაჩენს. რაც მთავარია, უახლესი ლიტერატურის ძირითადი ფინქციის მართებულ განსაზღვრას შეიცავს.

ივ. იოსელიანმა მიუთითა, რომ გალაკტიონის პოეზიაში ურბანიზმი მძლავრობს. ამ თეზისში იგი ოდენ ქალაქური ცხოვრების ნატურალისტურ ჩვენებას როდი გულისხმობს; უფრო მნიშვნელოვან გარემოებას აფიქსირებს. ეს არის გალაკტიონის პოეზიაში დიდი ქალაქის რიტმის გამოვლენა. „პოეტის შემოქმედების წყარო – დიდი თანამედროვე ქალაქია, ქალაქი გიგანტი, სადაც კინემატოგრაფიული ჩქარი ცახცახით ცლიან სურათი სურათს, გრძნობა – გრძნობას, სადაც ყოველი ხეკული საესეა „გამოუცნობი ქიმურებით“.

გალაკტიონის ნერვიული სტილი და შფოთიანი სული – გადატანილი სახეა ტფილისის, რომელსაც ბედმა არგუნა იქცეს საქართველოს პარიზად...“².

მეორეფრიად მნიშვნელოვანი დებულება რომელსაც კრიტიკოსი ავითარებს, ეს არის პესიმიზმისა და სევდის ურთიერთმიმართების საკითხი. განსახეავებით ბევრი კრიტიკოსისაგან, ივ. იოსელიანმა ამ მხრივაც ლოგიკურად შეაფასა გალაკტიონის ლირიკა. მას მოაქვს ნაწვეტი ლექსიდან „პირიმზე“ და „მამული“.

*„დავიწყებული ჰიშკრის კარბაზე
ხაეხი, ყავრები და წვიმის წვეთი!
გაქქრა ათასი თეთრი დარბაზი,
გადარჩა მხოლოდ ცამეტი სვეტი“.*

„გაიყვეს ძმებმა მოხუცი ბაღი
და მწუხარება დამრჩა ასეთი“.

¹ კურნ. „ტფილისი“ 1920, №1.

² იქვე, №1.

დასკვნა მართებულია: „ოჰ! სრულიად არ შეიძლება ყოველგვარ ამახსენებელში და ცხოვრების უარყოფა დაურქვესპირების უნაზესი ხევა და დიდი სიყვარულის და გრძნობათა ნაყოფია“¹.

გასაზიარებელია შემდეგ თვალსაზრისიც: „გალაკტიონ ტაბიძემ შექმნა ჩვენში შკოლა წმინდა ესთეტიური (განა ეს ადვილი საქმეა?). მეორე მხრით, დღეს ფორმისა და სტილის დაძლევისათვის ბევრი ნიჭიერი ვირტუოზობს, მაგრამ გალაკტიონისებური ბუნებრიობა, მისებური სიმარტივით მიღწევა იშვიათია. საკმარისია დაახახელოთ ღექსები: თოვლი, შერიგება, პირიმუჟატმის ყვევილები, მარმარილო, ანგულოზი პერგამენტით, ის, პარადელი, მთაწმინდის მთვარე, შიშველი, დღეები პეტროგრადში, შენ ერთი მაინც და სხვ. ღექსებში გესმით შოპენის მულოდიები; გხიბლავთ ისეთივე ხიბილვე და რიტმთა გრძნეულება, როგორც შოპენის მუსიკაშია“².

საანალიზო წერილი გამორჩეულია გალაკტიონის პოეზიის ორიგინალურობის ჩვენებით, მისი ღირიკის ძირითადი შტრიხების აქცენტებით, დებულებათა გამოხატვის მიზიდველი ფორმით. ივ. იოსელიანმა ხელი შეუწყო გალაკტიონის შემოქმედების თავისთავადობის გაცნობიერებას.

1920 წლის „ცისარტყელაში“ დაიბეჭდა ვარლამ ხუროძის წერილი „გალაკტიონ ტაბიძის შემოქმედება“. ეს კრიტიკული ცდა, როგორც ავტორი უწოდებს, საგულისხმოა იმ მხრივაც, რომ „არტიტული ყვაილების“ შეფასებასაც შეიცავს.

შესავალშივე აღნიშნულია, რომ მგონის — ორივე წიგნი ძვირფასი მარგალიტებია ქართული ლიტერატურისათვის, ჩვენს ხელოვნებას უსათუოდ დიდი საგანძური შეემატა ამ ტომთა გამოცემით“³.

გახაზულია ის ფაქტი, რომ გალაკტიონმა, როგორც ბართაშვილმა, გაარღვია ეროვნული ზღუდეები. ქართველი მგონანი, მსგავსად ბაირონისა, ინტერესდება ადამიანის არსებობის მიზნით, ეძებს ცხოვრების აზრს და მისი წუხილი საკაცობრიო სატიკივარს უკავშირდება.

კრიტიკოსის შეხედულებით პესიმიზმი ნიშანდობლივია გალაკტიონისათვის. მაგრამ ოპტიმიზმიც არ არის უცხო.

¹ ჟურნ. „ტფილისი“, 1920, №1

² იქვე

³ ვ. რუხაძე, მოთხრობები, პუბლიცისტურ-პედაგოგიური წერილები, თბ., 1993, გვ. 284.

ამ თვალსაზრისით განიხილავს ორივე წიგნს და შემდეგ დასკვნას ვეთავაზობს: „... იმედიანობის ნაპერწკლები ჩვენი პოეტის ქმნილებებიდან მხოლოდ და მხოლოდ პირველ ტომში გამოსტყვივის. მეორე ტომი კი ნამდვილი შავი წიგნია, უიმედო, უსასოლო“¹.

ფიქსირებულ დებულებას არაერთხელ იმეორებს და ვითარების ახსნასაც ცდილობს. იმ პერიოდში გავრცელებულ თეზისს იმრავლებს, რომ პირველი რევოლუციის დამარცხებამ რეაქციის გამძაფრება და ინტელიგენციის დიდი ნაწილის სულიერი დაცემა გამოიწვია. გალაკტიონი მეორე წიგნით მისტიციზმში ჩაეფლო. მისი „ლურჯა ცხენების“ ფილოსოფიას ვერ გავიზიარებთ.

იბადება კითხვა: თუკი „არტისტული ყვავილები“ შავი წიგნია, სვედითა და უიმედობით აღსავსე, რატომაა იგი დიდი საგანძური? კრიტიკოსის დებულებიდან გამოეყოფდით შემდეგსაც: „ტაბიძის შემოქმედების მეორე ხანის ერთ-ერთ დამახასიათებელ თვისებად სიმბოლიზმის საკმაოდ დიდი გავლენაც უნდა ჩაითვალოს“².

ეს მართებული შენიშვნაა და საზოგადოებას უბიძგებს, გალაკტიონის ლირიკას ახალი კუთხით შეხედოს.

არსებითია ისიც, რომ კრიტიკოსი მადალ შეფასებას აძლევს გალაკტიონის პოეტურ ოსტატობას. ამ მხრივ განუმეორებელიაო. „ტაბიძე ძლიერი და შეუდარებელია, როგორც ნაგრძნობ-ნაფიჭრის ღრმა აღბეჭდაში და მკვეთრად გადმოცემაში, ის იმ ხელოვნურ ხერხებში, რომელსაც ის ხმარობს. ხელოვანის აღლო იმდენად ძლიერია მასში, რომ თითქმის ყოველი ლექსი დასრულებული და უტენდენციო ხელოვნური ქმნილებაა“³.

და შემდეგ: „მუსიკისა და რითმის მხრივ ტაბიძის პოეზია უმაღლეს წერტილზე ასულად უნდა ჩაითვალოს. ახეთი სადა, მომხიბლავი და ძალდაუტანებელი რითმა თითონ გრიშაშვილსაც კი არ მოეპოვება. ამ მხრივ პირდაპირ აკაკია ჩვენი ახალგაზრდა ლიტერატურისათვის“⁴.

ვარლამ ხუროძის მსჯელობაში შეინიშნება სოციალ-დემოკრატიული კრიტიკის დიდი გავლენა. მაგრამ ისიც ფაქტია, რომ ნიჭიერმა ლიტერატორმა იგრძნო გალაკტიონის ხიბლიერ

¹ ივ. რუხაძე, მოთხრობები, პუბლიცისტურ-კვლავოგიური წერ-
ილები, თბ., 1993, გვ. 284.

² იქვე.

³ იქვე.

⁴ იქვე, გვ. 299.



და შეეცადა თავისი ამადლებული განწყობა მკითხველისთვისაც გადაედო.

„არტიტულ ყვაილებს“ ი. გრიშაშვილიც გამოეხატა. მან უკრაინულ „ლეილას“ მეორე წიგნში იგი ახალი გამოცემების ბიბლიოგრაფიულ მიმოხილვას ბუჭდავს და რამდენიმე აბზაცს გალაკტიონის ტომსაც უთმობს.

ავტორი გარკვეულად შეზღუდულია ჟანრის სპეციფიკით, მაგრამ რასაც ამბობს, ისიც საკმაოდ მნიშვნელოვანია განხილვის საგნის შესაცნობ-წარმოსახუნად.

დასაწყისში ხაზგასმულია, რომ „ტაბიქე სხვანაირია. იგი ყველა ჩვენ პოეტზე უფრო ფანტასტიუტი ადამიანია“.

გამორჩეულობა ჯერ კიდევ არ ნიშნავს სიდიდეს. მაგრამ მოცემულ კონტექსტში ეს „სხვანაირობა“ აიღქმება როგორც ღირსება. ფანტასტიური ადამიანი (წავეიკითხოთ: - ლირიკოსიც) ვერ იქნება სინამდვილის ორდინალური აღმქმელ-გამომხატველი. მან უნდა გაარღვიოს ყოველდღიური პროზის მოჯადოებული წრე და ვარსკვლავებს გაუწვდინოს ხელი. ი. გრიშაშვილმა კარგად მიგვანიშნა არსებითზე.

ისეთი ფაქიზი სმენისა და დახვეწილი გემოვნების პოეტს, როგორც ი. გრიშაშვილი გახლდათ, შეუძლებელია გამოპარვოდა „არტიტული ყვაილების“ მუსიკალური დახვეწილობა. მაგრამ ამჯერად მთავარი სხვაა - გაამხელდა თუ არა ნაგრძნობ-ნაფიქრს და თანაც რა სიძლიერით.

მიმოხილველმა პირდაპირ მიუთითა, რომ გალაკტიონის „მეორე ტომი დიდათ განირჩევა მისი პირველი ტომისაგან“. ხსენებული დებულება გაშლილ-დასაბუთებული არ არის და მაინც მნიშვნელოვანია რამდენადმე დაფარული, მაგრამ არცთუ ძნელად გასაშიფრი ქვეტექსტით.

თუ გავითვალისწინებთ იმ გარემოებას, რომ პირველ წიგნს თვალსაჩინო გამოხმაურება მოჰყვა, რომ 1914 წლის კრებულით გალაკტიონი პოეზიის ალამდართა მწყობრში ჩადგა, გასაგებია, რა დატვირთვა ექნება ზემოხსენებულ წინადადებაში განსაზღვრებას „დიდი“, ე. ი. „არტიტული ყვაილები“ ნახტომია პოეტის შემოქმედებაში.

და მაინც: ი. გრიშაშვილის რეცენზიაში უთუოდ იგრძნობა თავშეკავება. ამაზე მიგვანიშნებს შემდეგი შენიშვნაც: „როგორც მის პირველ ტომში, ისე აქაც მხოლოდ რამდენიმე ლექსია კარგი და ავტორის დამახასიათებელი“.

ჩვენ სხვანაირად ვფიქრობთ. კარგი ლექსი „მხოლოდ რამდენიმე“ კი არაა, ძალზე ბევრია. „არტიტული ყვაილები“



შედეგების აკიდოა.

იმ პერიოდში ბევრს წერდნენ სალიტერატურულ ნაშრომებს, სიწმინდეზე ღიხსიქითა მწერლებს უეჭვინებდნენ იმერეთში, პროვინციული გამოთქმების შემოტანას. ი. გრიშაშვილი ამ თვალსაზრისით მკაცრად აკრიტიკებს ვ. გაფრინდაშვილს, ხოლო გალაკტიონის მისამართით აი რას ამბობს: „გალაკტიონ ტაბიძემ კი უკვე მოიხსნა თქვა პროვინციალური (წინათ პქონდა: ცვენა) და როგორც ყოველი სემინარიელი და ნიჭიერი პოეტი უფრო მეტის სიყვარულით ეკიდება ქართულ ენას“.

ჩვენ ამ შენიშვნას აღვიქმათ არა მხოლოდ კონკრეტული ნიუანსით, არამედ უფრო გლობალური მნიშვნელობითაც. გალაკტიონი გამოცხადებულია სრულიად საქართველოს მგოსნად.

ი. გრიშაშვილის დებულებიდან ძალზე მნიშვნელოვნად გვეჩვენება შემდეგი: „არც ერთ პოეტს არ ეხერხება ასონანსები ისე, როგორც გალაკტიონს. ჩამოთვლა ნუ გვინდა. აუურცლეთ წიგნი და ირწმუნეთ“.

ამ ჭეშმარიტების დაფიქსირება კიდევ უფრო ზრდის გალაკტიონის ხიბლს და ავტორიტეტს.

დასასრულს ი. გრიშაშვილი აცხადებს: პირადათ მე მომწონს მისი „ლურჯა ცხენები“, „მერი“ და „პირიმზე“. ამ უკანასკნელში თინათინობს საქართველოს ყოფილი ხვედა.

ეს ფრაზა ნამდვილად მოითხოვს ჩაღრმავებას. თუ ვიტყვი, რომ ი. გრიშაშვილი სამივე ლექსს ერთი დონისად მიიჩნევს და ამიტომ ათავსებს ერთ ხიბრტყეზე, შეიძლება შეცდომა დავეუშვათ. სად სიმბოლიზმის კლასიკური ნიმუში „ლურჯა ცხენები“ და სად რომანტიკული აფეთქების მშვენიერება „მერი“, რომელიც სიუჟეტური ლექსების რიგს განეკუთვნება და აკაკისებური წერის მანერით ხასიათდება.

დასახელებულ ლექსთა გამოყოფით ვფიქრობთ, ი. გრიშაშვილს გალაკტიონის პოეზიის სამი ნაკადის წარმოჩენა სურდა და იმის ხაზგასმა, რომ მგოსანი ყოველ განსტოლებაში დიდებულია.

ი. გრიშაშვილის ბიბლიოგრაფიული შენიშვნა მრავალმხრივ საყურადღებოა. პოეტმა ივრძნო პოეტის გულის ფეთქვა და მაღალი შეფასებაც მისცა კოლეგის ნაღვაწს.

როგორც ვხედავთ გალაკტიონის წიგნი სხვადასხვა პოზიციიდან იქნა შეფასებული. იყო ცალკეული ურთიერთგამომრიცხავი დებულებები, მაგრამ ძირითადი დასკვნა, რეზიუმე ერთნაირი გახლდათ: ტაბიძის სახით საქართველოს უნიჭიერესი პოეტი მოველინა.

ახლა უფრო კონკრეტულად იმის თაობაზე, თუ რაღომ მიგვანიხია „არტიტული ყვაილები“ საექტაპო მოვლენად.

1. ჩვენს სინამდვილეში იგი პირველი ფართომასშტაბიანი სიმბოლისტური კრებულია, რომელშიც ძალუქმად გამოშვლავნდა მოდერნიზმის თვისებები. წიგნში ბევრი ისეთი ლექსია, რომელთა დაშლა ლოგიკურ მსჯელობად და „ცნებების ერთ თარგმნა“ შეუძლებელია. ისინი უჩვეულო ემოციურ ეფექტს იწვევს.

საქმე გვაქვს გართულებულ მეტაფორულ აზროვნებასთან. მძლავრობს საშყაროს სიმბოლისტური მოდელის პროექცირება. როგორც ვიცით, სიმბოლიზმი არ ცნობს კონკრეტულ საგნობრიობას, ერთგანზომილებიან მიმართულებებს. წინ იწვევს ნიღაბი, უხილავის და მოუსმენელის ინტუიტურად წედომის პათოსი.

„გალაკტიონის პოეზიაში ყველაფერი მრავალმნიშვნელოვანი და მრავალპლანიანია. გალაკტიონის საგნების ემპირიული თვისებებისადმი მკითხველი, ჩვეულებრივ, გულგრილია... გალაკტიონის ატმები, ატმის ყვაილები, ატმის რტო, ორი ჭადარი, ვერხვები, ალვები, შავი კუბო, ლურჯა ცხენები, თმაგაწეწილი ქარი, ყორნები, თოვლი, იისფერი თოვლი და ა. შ. და ა. შ. მხოლოდდამხოლოდ სიმბოლოებია და არა ემპირიული საგნები – მათ თითქოს მორღვეული აქვთ საგნობრიობის გამომკვეთი კონტურები, რაც სწორედ სიმბოლისტური პოეზიისათვისაა არსებითად დამახასიათებელი“¹.

გალაკტიონის არაერთ ლექსში თავიდათავია მუსიკა, მისგან მომდინარე შთაბეჭდილებანი. ეს მით უფრო გასაგები ხდება, თუ გავითვალისწინებთ, რომ სიმბოლიზმი ესწრაფვის უმაღლეს მუსიკალობას, მისი მეოხებით შთაგონებას.

ვერც იმას უგულვებელყოფთ, რომ ცალკეული პოეტური ხატები გასაღების როლს ასრულებენ, მაგრამ ან არ იცი ან ძალიან გიჭირს, როგორ მთარგო ისინი ჯადოსნურ ბოქლომს. ერთსაც დავსძენთ: ზოგიერთი ლექსი იძლევა იმის უფლებას, რომ გალაკტიონის „ფერად სმენაზე“ ვისაუბროთ. ეს საკითხი საგანგებო შესწავლას შიითხოვს.

სხვათ შორის, არცთუ ცოტანი გალაკტიონის პოეზიაში სიმბოლიზმის ცალკეულ ნიმუშებს ხედავენ. ისინი გამოხოლოებული სახეების აქცენტირებას ახდენენ. ეს კი როდია თავიდათავი. არსებითია არა სიტყვის გაცოცხლება,

¹ ნოდარ კაკაბაძე, სიმბოლიზმი და გალაკტიონი, ქურნ. „ქართული ენა და ლიტერატურა სკოლაში“, 1981, №4, გვ. 39.



არამედ აზროვნების ახალი წესის დამკვიდრება. ამის გარეშე არ არსებობს ნაღდი სიმბოლოზში. ეს კი სწორედ „არტიკულ ყვევილებში“ გვექვს. აქ არა მხოლოდ დექსიკის განახლება და პოეტური კონსტრუქციის ნაირგვარობაა, არამედ დაკვირვების საგნის ახლებურად წარმოსახვა, ახლებური მხატვრული სისტემა.

დადგა დრო, ისიც ვთქვათ, რომ დღეს ღიმილს იწვევს ჩვენში ადრე დამკვიდრებული შეხედულება სიმბოლოზის პირველდინილ რეაქციულობაზე. ერთი წუთითაც არ უნდა დავივიწყოთ, რომ ხელოვნება, ცხადია, ღირიკაც, ეს არის სამყაროს ურთულესი შემეცნების საფუძველზე მიღებული ახალი სინამდვილე აქედან გამომდინარე, სიმბოლოზში მეორე სანამდვილეს ქმნის, რომელიც არ ჰგავს ნამდვილს, მაგრამ მაინც რეალურია, გამომდინარე ხელოვნების სპეციფიკიდან.

ხაზი უნდა გაეკვას შემდეგ ფაქტსაც: გალაკტიონის სიმბოლოზში რამდენადმე განსხვავებულია. პოეტი ემიჯნება არაერთ ვეროპელ კოლეგას და თვით ცისფერყანწველებსაც. გალაკტიონისათვის მიუღებელია ღოზუნგი: „... უარყოფთ წარსულს, როგორც მზით განათებულს, ისე დამეში შეწუხებულს“¹. იგი ყოველთვის ღრმა პატივისცემითა და მოკრძალებით ღაპარაკობს ბარათაშვილზე, ილიაზე, აკაკიზე. ყურდნობა კულტურულ მონაპოვარს და მომხიბვლელად აღრმავენს, აფერადებს მას.

ასევე გალაკტიონი განილტვის სიმახინჯის აპოლოგეტებისაგან.

2. კრებული ყურადღებას იპყრობს მოტივთა ორიგინალობითა და სიღრმით.

მძალეურობს სინამდვილის დრამატული გააზრებ, რასაც არცთუ იშვიათად ტრაგიზმისაკენ მიყვავართ. მაგრამ ისიც ფაქტია, რომ ყველაზე ტიპურ სიმბოლისტურ დექსიშიც კი მარადიული ქროლვის, დაუდგრომელობის, შეუპოვრობის განცდა იწვევს წინ. ეს ფრიად ზრდის წიგნის ღირსებას.

გალაკტიონის დამოკიდებულება მარადიული თემებისა და ცნობილი მოტივებისადმი ორიგინალურია. მაგალითად, სიყვარული ეს არის ტანჯვით ამადლება, ტრაგიკული განცდა, რაც ბოლოს და ბოლოს სულის გაფაჩიზებას ესაფეხურება.

ახლა ვნახოთ, მამულისადმი ტრფობა როგორი სიძლიერითა და სიფაჩიხით არის მოცემილი, ყალბი პათეტის გარეშე მაგალითების მოხმობა შორს წავკვიყვანდა. დაგკმაყოფილდეთ ტროპული მეტყველების ორი ნიმუშით: „ცვრიან ბაღახზე თუ

¹ 3. იაშვილი, პირველთქმა, ჟურნ. „ცისფერი ყანწები“, 1916, №1.

ფეხშიშველა არ გავიარე - რაა მამული?“. „გინახავთ თქვენ ფერი დაბინდულ ქლიავის? ეს ჩემი სამშობლოს მთებია“
ისეთი სახეებია, რომელთა მსგავსი საუკუნეში ერთი ბნელ მთებში იქმნება.

სხვა მოტივებზეც შეიძლება ვეცხაუბრა.

3. „არტიტული ყვაილები“ გამორჩეულია ვერსიფიკაციით. ეს, უპირველეს ყოვლისა, იგრძნობა მეტრის მრავალფეროვნებაში. ფაქტია, რომ ვერლიბრის დამკვიდრება ქართულ სინამდვილეში ამ წიგნით დაიწყო. სპეციალისტები იმასაც აღნიშნავენ, რომ „არტიტულმა ყვაილებმა“ ასონანსურ და კონსონანსურ-დისონანსურ რითმებს ფართოდ გაუხსნა გზა. წიგნი ყველგალობს შიდა რითმებითა და ორიგინალური შეწყვილებებით. მარტო ის რად ღირს, რომ სწორედ ამ კრებულში დაფიქსირდა „საუკუნის რითმა“: სილაში ვარდი - სილაჟვარდჱ. სხვა სიახლენიც საგრძნობია.

მართლაც, „არტიტული ყვაილები“ თვალშეუდგამი სიმად-ღვა. მასში ორიგინალურად გამომვლავნდა გალაკტიონის პოეტური მრწამსი. რაც არის ნათქვამი, შინაგანი აუცილებლობით არის ნაკარნახევი.

ერთი სიტყვით, მგოსანი მნიშვნელოვნად ემიჯნება ბევრ სახელოვან წინაპარს. ჯერ ერთი, მან გააბატონა ცხოვრების სიმბოლისტური გააზრების წესი, მანერა და თავისებურად მოხაზა ლირიკის სახელები. მეორეც, მკვეთრად განასხვავა ურთიერთისაგან დროებითი და მარადიული ფასეულობანი. მისი გაგებით, ჭეშმარიტი ხელოვანი, უწინარეს ყოვლისა, პირველის მსახურია. პოეტი ვარკვეული თვალსაზრისით უნდა ამადღდეს ეპოქაზე. ამ თეზისში მხოლოდ ყოველდღიური მოვლენებისადმი მიმართება-არამიმართების საკითხი როდი ისმის. გალაკტიონი ღრმად სწვდება ცხოვრების არსს. მაგრამ ისიც კარგად გავგება, რომ ხელოვნება სინამდვილისადმი პუბლიცისტური მიდგომა-ასახვას არ გულისხმობს. დიახ, იგი მხატვრულ ლიტერატურას აკისრებს არა კონკრეტული ყოფითი საკითხების მოგვარების ფუნქციას, არამედ საზოგადოების აღზრდას მაღალი იდეალებისათვის საბრძოლველად, ღაჟვარდებისაკენ ღტოლვის განწყობით.

„არტიტულმა ყვაილებმა“ ახალი თემატიკა მოიტანა, ძველი პრობლემების საძანები გადასწია, ლირიკული სამყაროს წარწოები გააფართოვა. ადამიანის ხელის სირთულის, სიღრმისეული შრეების ჩვენების ასეთი მასშტაბი იშვიათი იყო ქართული ლიტერატურისათვის. რაც მთავარია, მგოსანმა ჩვენს მიკროსამყაროში



დაასახლა ორიგინალური ტიპი არისტოკრატიისა, პიროვნება დაუცხრომელი და მაძიებელი, რომლის უკმაყოფილება აწყოთი და სწრაფვა უკეთესობისაკენ შორსაა მანერულობისაგან. ღირსი კუდი გმირის ქმედება არსებითად სამყაროს განახლების ფილოსოფიურ ტენდენციას ეფუძნება.

„არტიტულ ყვაილებში“ ძალუმად გამოიკეთა ქართული ღექსის რეფორმა, პოეტური ნოვაციები. მაგრამ იმასაც დაუხძენ, რომ ორიგინალური სათქმელისათვის ორიგინალური ფორმის გამონახვა მხოლოდ პოეტიკის სფეროთი არ შემოიფარგლა.

გალაკტიონის ახალი წიგნი, მხოლოდ მოპოვებულის შეჯამება როდია. ეს არის მომავლის კონტურები, ფიქრები ამაღლებაზე, ქართული ღირიკის განვითარებაზე.

ვიდრე წერტილს დავესვამდეთ.

ისტორია ფაქტებს აფიქსირებს, პოეზია განწყობილებებს. ორივე შემთხვევაში თავიდათავი ისაა, თუ როგორია ეს ფაქტებ-განწყობილებები და რა სიზუსტე-სიძლიერით ელინდება.

გალაკტიონის პოეზიაში ირეკლება მსოფლიო მოქალაქის და დიდი პატრიოტის განცდები, უნიჭიერესი და უფაქიზესი პიროვნების ენებათაღველა. რაც მთავარია, ეს ხდება რთულ და შთამბეჭდავ სახეებში. ამიტომაცაა მისი ღირიკა ესოდენ გლობალური და მარადიული.

„დედარ ღვთისაჲ, მზეო მარიაჲ!
როგორც ნაწიმარ სილაში ვარდი,
ნემი ცხოვრების გზა სიზმარია
და შორეული ცის სილაგვარდე“.

*უბნაუკუბო!
მე. ვასილია ვაიკა ვაიკა ვაიკა!
ო. ვაიკაო. ვაიკა ვაიკა ვაიკა!
ო. ვაიკა ვაიკა ვაიკა ვაიკა!*

¹ ბ. ტაბიძე, თხზ. ტ. II, გვ. 13.

„მეფე ვარ და მგოსანი“

„აირჩიეს იგი მხოლოდ,
რომ ზარები დარქოს,
რომ სიმღერა მთად და ველად
გრგვინებით გადაარქოს“.



გალაკტიონი

გალაკტიონის გამოსხივება დიდზე დიდია. მისი ლირიკით გამოწვეული შთაბეჭდილებები რეცენზიებში პუბლიცისტური ტენდენციებით არის გამჟღავნებული, რის შესახებაც ჩვენ შემოთ გვექონდა საუბარი. მაგრამ არის სხვა ასპექტიც, რომელიც არანაკლებ მნიშვნელოვანია მგოსნის სიძლიერის შესამეცნებლად. მხედველობაში გვაქვს შემოქმედებითი ზეგავლენა. მოგბაძონ თანამოკალმეებმა, რომელთაც მეტოქეობის გრძნობა უკიდურესად აქვთ გამახვილებული, რომელთათვისაც დამახასიათებელია საკუთარი „მეს“ ხაზგასმით წინ წამოვანაწინავს, რომ შენ სკოლის შექმნის უნარი და ძალა შეგწევს.

სამართლიანად მიუთითებს ირაკლი აბაშიძე: „მეოცე საუკუნის ახალ ქართულ პოეზიას სათავე გალაკტიონ ტაბიძემ დაუდო. ამიტომ ბუნებრივია, გალაკტიონ ტაბიძის გავლენა მეტ-ნაკლებად შემდეგი თაობის თითქმის ყველა პოეტმა განიცადა, მით უმეტეს თავის პოეტურ სიჭაბუკეში“¹.

მიბაძვა აღიარების მძლავრი ფორმაა, განურჩევლად იმისა, ნებსით თუ უნებლიეთ ხდება ეს.

გალაკტიონმა არაერთი სიახლე მოიტანა და შევირდებიც გამოუჩნდნენ. თავად შენიშნავდა: თანამედროვე ქართულ მწერლობაში პირველად მე გამოვიყენე ნაწილაკი „და“ ტექნიკური მიზნით. „...მე მივეცი ორგანიზებული ალიტერაციის სახე („თემი“, 1912 წ. „ახალი წლის დამე“). ჩემს ცდას მოჰყვა მიბაძვები, რომელთაც აფსურდამდე დაიყვანეს კეთილი სურვილით გამოწვეული ჩემი წამოწვევა— (ცუდ მიბაძვაზე საზიზღარი არრა არის რა)“².

სხენებული მანერით მხოლოდ „ახალი წლის დამე“ როდია დაწერილი. ამ თვალსაზრისით უთუოდ საყურადღებოა პირველ წიგნში შესული „...და გაფითრდა“, „ქალის ღანდი“, „თეთრ თოვლის ქვეშ“, „სიკვდილი“.

ეს შედარებით წერილმანია. სხვა უფრო დიდი სიახლენი შემოგვთავაზა.

¹ გალაკტიონი, ახი ლექსი, 1959, გვ. 6.

² გ. ტაბიძე, თხზ., ტ. XII, გვ. 173.



გალაკტიონისაგან სესხულობენ თემებს, პოეტურ სახეებს, რიტმს, რითმას და ა. შ. ხაზგასმით აღნიშნავდა აღნიშნულმა გალაკტიონმა მთელი სახელმძღვანელო შექმნა „პოეტისა“ „ეველას შეუძლია ისარგებლოს იმ ახალის შემოღებით, რომელსაც გალაკტიონ ტაბიძის ლექსები გვაძლევს“¹.

ცოტა მოგვიანებით ი. გრიშაშვილი წერდა: გალაკტიონი ასონანსი პირველი არაა...

უფრო ადრე ცისფერყანწელებმა ი. გრიშაშვილს უკიეინეს: ფორმა ლექსისა „იღბალი დისონანსებით“ გალაკტიონისაგან გაქვს წამოღებულიო.

იქნებ არც შემდეგი მაგალითი იყოს უმნიშვნელო. 1915 წელს გალაკტიონი ქმნის ბრწყინვალე ლექსს „ვიგონებ რა იმ მიქელ-ანჯელოს“.

*„ვიგონებ რა იმ მიქელ-ანჯელოს,
არაა ძნელი მთების დადნობა,
როცა ცისკარისკენ მაღალ ანგელოსს
ესაფეხუროს ღაღის ტატნობა“².*

როგორც ჩანს, ამ პერიოდში იწყება შემდეგი სახის სიტყვათქმნადობის პროცესი: „ესაფეხუროს“, „ააზამბახებს“, „ეაღუბლება“, „გაღუნაქდება“, „ითანდათანა“, „გაიადონა“, „გადაასონება“ და სხვ. „ესაფეხუროს“ იმიტომ გავიხსენეთ, რომ იგი გვხვდება ვალერიან გაფრინდაშვილის „სანტიმენტალურ ტრიოლეტშიც“, რომელიც 1916 წელს არის შეთხზული.

*„ვარ მოწყენილი, ვით ზამთარში ნაზი ბელურა,
ვით შემოდგომის ღამეებში თეთრი ვერსალი.
შენ სიღამაზეს ჩემი ტრფობა ესაფეხურა
ვარ მოწყენილი, ვით ზამთარში ნაზი ბელურა“³.*

არის სტრიქონები, რომელთა შინაარსობრივ-შხატვრული ეფექტი განუმეორებელია. ისინი ღრმად იბჭვდება მკითხველის გონებაში და აფორიზმის სიხშირე-სიძლიერით ხშიანებს. ასეთია „მამულის“ ტაეპები:

*„ცვრიან ბაღახზე თუ ფეხშიშველა
არ გავთარე - რაა მამული?“⁴*

ლექსი 1915 წელს დაიწერა. და აი, ოციან წლებში გრიგოლ რობაქიძე ქმნის რომანს „გველის პერანგი“, რომელშიც

¹ ჟურნ. „ახალი ცისკარი“, 1916, №1, გვ. 9.

² გ. ტაბიძე, თხზ., ტ. I, გვ. 287-288.

³ ვ. გაფრინდაშვილი, ლექსები, პოემები, თარგმანები... 1990, გვ. 43.

⁴ გ. ტაბიძე, თხზ., ტ. I, გვ. 283.

ანალოგიური ფრაზა გაიელეკებს. „ქარგია: როცა ცხელი ტერფებით ცვრიან მოღზე გაიელი დილით“¹.

ზედმეტი არ იქნება იმის გახსენება, რომ 1948 წლის თებერვლის 25-ს, როცა გალაქტიონი ჯერ კიდევ არ არის შესული ლომის სოფიაქოში, გრიგოლ რობაქიძე ასეთ ჩანაწერს აკეთებს: „გალაქტიონი: - მდინარე განგი. შუალამისას ნავეები დასრიალებენ. ნავეებში - ლანდები. ათასს ლანდში ერთი არის მომთვარული. მიყვარს მისი მთვარეული სიზმარი“².

ამ დახასიათებაში კარგად ჩანს როგორც ხელოვნების რობაქიძისეული განცდა, ასევე გალაქტიონის ლირიკის გამაოგნებლობა. გრ. რობაქიძემ გალაქტიონი განგს შეადარა. ეს არ არის მხოლოდ სიდიდესა და სიმძლავრეზე მინიშნება. განგი საღვთო მდინარედ არის მიჩნეული. ის ინდოვლთა ამამაღლებელია, გარკვეული აზრით, მათი სულიერი ცხოვრების განმსაზღვრელიც.

საგულსიხმია, გრ. რობაქიძე გალაქტიონის პოეზიიდან არა სოციალურ მოტივებს და სინამდვილის მატერიალისტურ აღქმას გახაზავს, არამედ სიზმარისებურ ხილვებსა და მთვარისეული შთაბეჭდილებების ესთეტიკას.

ყურადღებას გაეამახვილებთ ერთ აზრობრივ პარალელზეც. ლექსში „თოვლი“ (91916) გალაქტიონი ამბობს:

*„ჩემს სამშობლოში მე მოველე მხოლოდ
უდაბნო ღურჯად ნახევრდები“³.*

1922 წელს გაზეთ „ბახტრიონში“ იბეჭდება გრ. რობაქიძის წერილი - „მოქანდაკე ნიკოლაძე“, რომელშიც ვკითხულობთ: „თბილისი მხოლოდ უდაბნოა მოქანდაკისათვის“⁴.

ბარემ იმასაც ვიტყვი, რომ ამ ასპექტით შალვა კარმელიც ეხმანება გალაქტიონს. „სხვა უდაბნოა საქართველო და ქუთაისი“, ეს ციტატა 1921 წელს გამოცემული „ბაბილონიდან“ მოვიტანეთ.

კიდევ ერთი პარალელი:

*„ნაწვეთ რიგში ცამეტი ტყვია,
ცამეტჯერ უნდა მოვიკლა თავი“⁵*

გახსოვთ, ეს გალაქტიონის ცნობილი ლექსიდანაა - „ცამეტი

¹ გ. რობაქიძე, გველის პერანგი, ფაფესტრა, 1988, გვ. 226.

² ხელნაწერი ინახება ზაზა აბზიანისის ოჯახში.

³ გ. ტაბიძე, თხზ., ტ. I, გვ. 301.

⁴ გაზ. „ბახტრიონი“, 1922, №22.

⁵ გ. ტაბიძე, თხზ., ტ. I, გვ. 314.



საქართველოს
საქართველოს

წლის ხარ“. იგი 1916 წელს არის შეთხზული.

ახლა გადავიკითხოთ 1927 წელს დაწერილი ტიცოანე ტაბიძის „რიარია“.

„ღამადეთ გულზე ტყვია ცამეტი,

მაგ თქვენი მამის სულის ცხოვნებას“.

კონსტანტინე გამსახურდია ბრძანებს: „გალაკტიონისთანა დიდი ვირტუოზი ლექსისა არც საქართველოს და არც ჩვენს პლანეტას არ მოეპოვება“¹.

ეს, უწინარესად გონიდან მოდის. ფრიად განსწავლული და ლოგიკურად მოაზროვნე შემოქმედის დასკვნაა.

„მე არაერთხელ გამღვიძებია ღამით და გალაკტიონი მომღანდებია“². ეს კი გრძნობათა სფეროდან მოდის.

ორივე შემთხვევაში ბატონი კონსტანტინე გულწრფელია.

ხსენებული სიტყვები პოეტის სიკვდილის შემდეგ არის დაწერილი, მაგრამ, როგორც ირკვევა, ამგვარ აღტაცებას კ. გამსახურდია ადრევე ამჟღავნებდა.

1923 წელს გალაკტიონს ასეთი ჩანაწერი გაუკეთებია: „ჩემი დამოკიდებულება გრიშაშვილთან ცოტათი უმჯობესდება, ტიცოანთან უმჯობესდება. შესაძლოა გაფრინდაშვილთან გაუმჯობესდეს, შესაძლოა პაოლოსთანაც და გრიგოლთანაც. ჩემი დამოკიდებულება დეო ქიანელთან საუცხოოა. მან სთქვა, რომ ლექციას დაამზადებს ჩემზე... გამსახურდია მიწოდებს გენიოსს. მისთვის მე უფრო ძვირფასი ვარ, ვინემ დოსტოევსკი...“

ჩანს, კ. გამსახურდია ისე ეწაფება გალაკტიონის ლირიკას და იმგვარი სიძლიერით განიცდის გენიოსის გამოსხივებას, რომ ზოგჯერ რემინისცენციებიც კი ჩნდება.

კ. გამსახურდიას „დიდ იოსებში“ ასეთ ფრაზას წაეაწყდო: „გადაჰყვა მარტი უხვირო ქარებს“³.

ეს მოთხრობა 1926-27 წლებით თარიღდება. ათი წლით ადრე, უფრო ზუსტად, 1915 წელს კი გალაკტიონი თხზავს საქრესთომატო ლექსს „შერიგებას“. იგი ასე იწყება: „ტოტებს ქარისას გადაჰყვა მარტი“.

პარალელი ფრიად საგულისხმოა.

ისვე 1915 წელი.

„ვაისმა შორი სროლის ხმა მთაში
და მონადირემ დაკოდა შევლი.“

¹ ტ. ტაბიძე, თხზ., სამ ტომად, ტ. I, გვ. 101.

² კ. გამსახურდია, რჩეული თხზულებანი რვა ტომად, ტ. VI, გვ. 681.

³ იქვე, გვ. 680.

⁴ კ. გამსახურდია, რჩეული თხზულებანი რვა ტომად, ტ. II, გვ. 161.



საღამო იწვა ხავერდის ყდაში,

ვით წიგნი ღურჯი და ძველისძველი

დიდი ხნის შემდეგ, კერძოდ, 1932 წელს ილო მონაწილის ნარკვევში „სათავიდან შესართავამდე“ გალაკტიონის ამ სახის შემდეგი ვარიაცია გვხვდება: „ღუდაბის ყდაში ჩასმული ალაზანი“.

ისიც უნდა ითქვას, რომ არა მხოლოდ სიტყვიერი თანხვედრა ფიქსირდება, არამედ მოვლენებისადმი მიდგომის გალაკტიონისეული მანერა და ფაქტთა გააზრების პათოსი.

ბევრის მოქმელია ისიც, რომ ზოგიერთი ვეროპელი პოეტი გალაკტიონის „ენითა და სტილით“ ითარგმნება.

არცთუ იშვიათია იმიტაცია. შორს რომ არ წავიდეთ, გავიხსენოთ ანზორ საღუქკაძის „იმიტაცია გალაკტიონ ტაბიძის პოემის „ჯონ რიდი“¹.

მსგავსი ძიებანი შორს წაგვიყვანდა².

ჩვენს მიერ მოხმობილი მაგალითები, რომლებიც შერჩეულია სხვადასხვა მხარისა და ნიუანსის გათვალისწინებით, ვფიქრობ, წამოყენებული მოსაზრების გასამაგრებლად გამოდგება. და ბოლოს: გვინდა დავხსენხოთ ოთარ ჭილაძეს:

„მე არ მგუგულება ჩვენს თანამედროვეობაში მეტ-ნაკლები შესაძლებლობის, განათლებისა და გაქანების პოეტი (რა თქმა უნდა,

ჩემი ჩათვლით), გალაკტიონის გავლენა რომ არ განეცადოს. გავლენა, კარგი გაგებით, კეთილშობილური აუცილებლობა, განვითარებასა და წინ წასვლას გულისხმობს, რადგან სულში ტოვებს კვალს და არა სახეზე“³.

როგორც ვხედავთ, საზოგადოებრივი რეზონანსი დიდია. მაგრამ ყველაზე უკეთ თვით გალაკტიონმა იცოდა საკუთარი პოეზიის ხიბლი და მნიშვნელობა. ისიც გაცნობიერებული აქონდა, რომ თანატოლებზე მაღლა იდგა. ეს არა ოდენ ინტუიციური წვდომის, არამედ სიღრმისეული ანალიზის შედეგიც გახლდათ.

ვიმეორებთ: გალაკტიონი დაჯილდოებული იყო მიგნებისა და მოვლენათა არსში წვდომის საშური ნიჭით. შეეძლო დეტალით მთელი სამყაროს დახასიათება და ჩანაფიქრის

¹ გ. ტაბიძე, თხზ., ტ. I, გვ. 284.

² გაზ. „ლიტერატურული საქართველო“, 1937, 24. VII.

³ ამ თემაზე იხილეთ ჩვენი „გალაკტიონისეული ხილდები და ასოციაციები“, საქ. ლიტერატურათმცოდნეობის აკადემიის შრომები, II, 1999.

⁴ მ. კვესელავა, პოეტური ინტერვალები, 1977, გვ. 657.

ფეიერვერკისეული მომხიბვლელობით გამოხატვა. ამიტომაც მოითხოვდა ღრმა პატივისცემას, ზოგჯერ მუხლმოყრასაც კი. ნურც იმას დაევიწყებთ, რომ გენიოსისათვის ნიშანდობლივი არაორდინალობიდან გამომდინარე სრულიადაც არ ერიდებოდა ხმამაღალ განცხადებებს.

ჯერ კიდევ „მთაწმინდის მთვარეში“ ბრძანა: „რომ მეფე ვარ და მგოსანი და სიმღერით ვკვდები“. ეს არ არის მოულოდნელი გაველეხა, რის დასტურად შეიძლება მივიჩნიოთ ქვემოქსტი სავესე ლექსი „აუზთან“.

„შენ გელის დაფნა, შენ დიადი დიდება გელის,
პოეტო: არვინ არ ყოფილა ესდენ ძლეული“¹.

ახლა გადავიკითხოთ „შერიგება“:

*„ჩვენ გვირგვინები გვაქვს ოდნავ მსგავსი,
ლამაზი შუქთა მარადი ნთებით;
მე – მსუბუქ დაფნის ფოთლებით სავესე,
მეინვარს – უმძიმეს იაგუნდებით“².*

სამივე ლექსი 1915 წელს არის დაწერილი. მაშასადამე, მოვლენის მყარ და საფუძვლიან გააზრებასთან გვაქვს საქმე.

ეს ხაზი ძლიერდება და 1916 წელს პოეტი დაჯერებით ამბობს:

*„ჩემთვის დღესავეთ არის ნათელი,
რას იტყვის ჩემზე შთამომავლობა“³.*

პირად წერილებშიც გაცხადებულია, რომ იგი სწორუპოვარია. დღიურებშიაც არაერთგზის გაიუღვებს ასეთი ფრაზა: ჩემი ვარსკვლავი ყველაზე კაშკაშაა, ჩემი დიდება გარდუვალია.

ყოველივე ამის შემდეგ გასაკვირი არ არის, თუ ჩნდება სურვილი მგოსანთა მეფად კურთხევისა.

პოეტების მეფის არჩევას დიდი ხნის ისტორია აქვს. ამ ტიტულის ერთ-ერთი პირველი მფლობელი ყოფილა X საუკუნის სპარსელი პოეტი ონსორი⁴. ევროპაში პოეტთა მეფის არჩევას გასული საუკუნის მიწურულს ჩაეყარა საფუძველი „С конца прошлого столетия избранние короля поэтов применяется во Франции, где первым избранником

¹ გ. ტაბიძე, თხზ., ტ. I, გვ. 282.

² იქვე, გვ. 276.

³ იქვე, გვ. 324.

⁴ მ. ქურდიანი, პოეტი – მეფე, „ბურჯი უროვნებისა“, 1996, №5(10), გვ. 6.

был Поль Верлен, вторым Стефан Малларме. Поэтический престол после смерти Малларме перешел к Леону Диржу, а после смерти Диржа кролем поэтов был избран Поль Фор, символист¹.

გალაკტიონისთვის უცნობი არ ყოფილა ფრანგთა ტრადიცია. დადგა დრო, ისიც ვთქვათ, რომ 1918 წელს გალაკტიონი მოსკოვში დაესწრო ივორ სვერიანინის არჩევას პოეტთა მუფედ. სვერიანინს კარგად იცნობდა ჯერ კიდევ ქუთაისიდან. მაშინ რუსი პოეტი დაპირდა, რომ მის ლექსებს თარგმნიდა. და აი, 27 თებერვალი. პოლიტექნიკური მუზეუმის დიდი დარბაზი. გალაკტიონი მოხარულია სვერიანინის გამარჯვებით. გულწრფელად ულოცავს. ამ ცერემონიაზე დასწრება გარკვეული სტიმული, ერთგვარი ბიძგია 1921 წლის ბატალიისა.

საქართველოში პოეტების მეფის არჩევაზე საუბარი ჩვენი საუკუნის 10-იან წლებში დაიწყო. ტიციან ტაბიძე წერილში „უმეფობა – ლიტერატურული ტრაურია“ ამ წესის დამკვიდრებას მოითხოვდა და ეუროპელთა მაგალითით იმაგრებდა ზურგს. გრ. რობაქიძემ განსახვევებელი პოზიცია დაიკავა. „ამას წინად ახალგაზრდა შვერალი ტ. ტაბიძე თითქო სვედით ამხილებდა, რომ ქართულ პოეზიაში მეფე აღარ არის. ამასთანვე „მეფის არჩევის“ ჩვეულებასაც ახსენებდა. ჩემის აზრით იგი ჩვეულება დასაგმობია (თუ გინდ საფრანგეთშიაც მოხდეს): კენჭის ყრით საპოლიტიკო საკითხი თუ გადაწყდება (თუმცა ესეც საცილოა თეორიულად), პოეზიის საკითხი კი – „რა მოგახსენოთ“. წარმოვიდგინოთ: ერთს დანტე მოსწონს ერთი, ათასს „სხვას“ – მეორე. როგორ გადასწყვეტო?! აქ კენჭის ყრა აბსურდამდე მივიყვანოთ“².

„ფრაგმენტები“, საიდანაც არის მოყვანილი ეს ციტატა, იმ მხრივაც არის საყურადღებო, რომ მასში თანამედროვეობის უპირველეს მგოსნად ი. გრიშაშვილი იხსენიება. ამრიგად, თუ კი ჩატარდებოდა რობაქიძისადმი არასასრუველი არჩევნები და მას აიძულებდნენ მონაწილეობა მიეღო კენჭისყრაში, საფიქრებელია, გვირგვინი გრიშაშვილისათვის დაეღვა.

გრ. რობაქიძის სკეპტიციზმს სხვებიც იზიარებდნენ. მაგრამ იყვნენ ისეთებიც, რომლებიც მხარს უჭერდნენ მგოსნთა მეფის არჩევას.

„ახალი ცისკრის“ რედაქციამ განიზრახა სათავეში

¹ გაზ. „ბორბა“, 1921, №21.

² გაზ. „სახალხო ფურცელი“, 1916, №469.

საქართველოს
ფოტოგრაფია



ბალაკტიონი



ჩადგომოდა ამ საქმეს და სათანადო ანკეტებიც კი დაბეჭდა. ისინი უნდა დარიგებოდა მგოსნებს, ბელეტრისტებს, დრამატურებს, პუბლიცისტებს და საზოგადო მოღვაწეებს. რუდაქცია ამასაც იუწყებოდა, რომ კენტისურის საიდუმლოება სასტიკად დაცული იქნებოდა. „უნდა გვახსოვდეს, რომ ევროპაში ასეთ მოვლენას დიდის სიმპატიითა და თანაგრძნობით ეპყრობიან.

საჭიროა ჩვენი საზოგადოების მოწინავე ელემენტები წამოყენებულ საკითხს მეტი პატივისცემით მოეპყრონ და მეტი ანგარიში გაუწიონ.

აქვე ვაცხადებთ, თუ ვინმეს რაიმე აზრის გამოთქმა სურს აძღრულ საკითხის შესახებ, ვთხოვთ გვაცნობონ გაზეთის საშუალებით¹.

ამ თაოსნობას უარყოფითად გამოეხმაურა „სამშობლო“. გზეთში დაიბეჭდა ელო ანდრონიკაშვილის „მგოსნის არჩევა“. ავტორის აზრით, ასეთ საქმეში აჩქარება არ შეიძლება. ტიტული მეფის 200 კაცმა კი არ უნდა მიანიჭოს მგოსანს, არამედ ხალხმა, თანაც პოეტის ხანგრძლივი მოღვაწეობის გათვალისწინების საფუძველზე, როგორც აკაკი წერეთელთან დაკავშირებით მოხდა.

უფიქრობთ, გაიგივებულია ორი სხვადასხვა მოვლენა. ერთია პოეტთა მეფის საჯაროდ არჩევა და ამ წესის დამკვიდრება, რაც ლიტერატურული ცხოვრების ანაკადება-გამძაფრებას იწვევს და მუორეა მასების საერთო და ხანგრძლივი სიყვალის გამჟღავნება შესაბამის ეპითეტსა თუ მეტაფორაში.

ე. ანდრონიკაშვილის განცხადებით, პოეტთა მეფის არჩევას „სალონურ-ჟურფიქსული“ ხასიათი ექნება და იგი სასურველ შედეგს ვერ გამოიღებს. ხომ შეიძლება ფართო საზოგადოებაში არ გაიზიაროს ჟიურის დასკვნა და „სულ სხვა ვისმეს მიუძღვნას ტახტად მისი გრძნობა? ხომ შეიძლება ესე მოხდეს?“

მაშ იმ ეხლა არჩეულს რად ვაყენებთ ასეთს უხერხულ მდგომარეობაში?

ამის დრო თავისით მოვა და...

ისევ ხალხს ვაცაღლოთ არჩევნები².

ე. ანდრონიკაშვილის წერილს ერთვის რუდაქციის მინაწერი, რომ იგი „სრულიად იზიარებს“ ავტორის აზრს.

როგორც ჩანს, ამ წერილმა და სხვა ფარულმა თუ აშკარა შეტყვევებმა „ახალი ცისკრის“ წამოწვევა ჩაშალა. მაგრამ პოეტთა მეფის არჩევის საკითხი მაინც არ მოხსნილა.

¹ გაზ. „სამშობლო“, 1916, №304.

² გაზ. „სამშობლო“, 1916, №308.



შემთხვევითი არ არის, რომ პოეტთა მეფის მოსაპოვებლად ტიციან ტაბიძე წერს ლექსს „ანგელოზით“. მისთვის ეს ტიტული არ უბოძებიათ, მაგრამ ფაქტობრივად თავისთავად ძალზე მეტყველია. იგი არა მხოლოდ მოკლენის ბუნებრიობას გახაზავს, არამედ იმაზეც მიგვანიშნებს, რომ მეფის გვირგვინისათვის ბრძოლა გამძაფრებული იყო.

ინტერესს კორონაციისადმი ისიც აძლიერებდა, რომ ევროპამოვლილი ინტელიგენტები ხშირად რომანტიკული ფერებით წარმოსახავდნენ ამ ცერემონიას.

კოლაუ ნადირაძის გადმოცემით, გერონტი ქიქოძე თურმე დასწრებია ფრანგი პოეტების მეფედ პოლ ფორმის არჩევას. ალბათ, სენადალეული ლიტერატორი ბევრს უბნობდა ამის შესახებ და გარკვეულად აღვივებდა შგოსანთა მეფის არჩევის სურვილს.

„არტიტული ყვაილების“ გამოქვეყნების შემდეგ გლაკტიონი გენიოსად აღიარეს და მეგობრებმა გადაწყვიტეს, იგი პოეტთა მეფედ აერჩიათ. ეს გადაკტიონის თანხმობით, უფრო მეტიც, მისი ერთგვარი წაქეზებითაც მოხდა.

საერთოდ, გადაკტიონისათვის უცხო არ იყო გამორჩეულობისაკენ ლტოლვა. ამის მიზეზი და ლოგიკური საფუძველიც აქონდა. მაგრამ ხშირად ვერ ითვალისწინებდა რეალურ ვითარებას, სოციალურ-პოლიტიკურ სიტუაციას... გათვლაშიც ცდებოდა და ამიტომ რამდენამდე ემსგავსებოდა კეთილშობილ ღამანჩელს.

თვალი გადავაგვლოთ მის დღიურებს, ჩანაწერებს, თუნდაც 1943 წლის თხოვნა-შუამდგომლობას. იგი გადაკტიონის შემთხვეულია და სურდა მწერალთა კავშირის სახელით გადაგზავნილი მთავრობას.

ამ წელს სრულდება 35 წელი სამწერლო ასპარეზზე გადაკტიონ ტაბიძის გამოსვლისა და ვშუამდგომლობით თქვენს წინაშე, რათა მას

1. გაუდიდდეს პერსონალური პენსია (1000 მანეთი).
2. დაერქვას თბილისის ერთ-ერთ თვალსაჩინო ქუჩას გადაკტიონის სახელი.
3. დაერქვას ქ. სამტრედიას – საგაღკტიონო.
4. დაჯილდოვდეს პოეტი ავტომობილით.
5. მიეცეს კეთილმოწყობილი სახლი.
6. უზრუნველყოფილი იქნას სპეცმომარაგებით.
7. ნება დაერთოს პირველი იანვრიდან გამოსცეს ყოველკვირეული ჟურნალი სახელწოდებით „გადაკტიონის“

ეურნალი“.

გალაქტიონი ნამდვილად იმსახურებდა ამას, მაგრამ როდის ითხოვს? გაგანია ომის პერიოდში, როცა საკუთარი მანქანა ორ სამ კაცს თუ ჰყავს, როცა მოსახლეობას პურის ტალღებზე გაცემული 400 გრამით ძლივს გააქვს სული, როცა სუბნორდინაციის ინსტიტუტი მეტად მკაცრია და მწერალი ქვედა ეშელონშია.

არ გაგვიტაცოს ამ გადახვევამ. დაეუბრუნდეთ პოეტთა მეფის არჩევას.

წამოწყება შორსმჭვრეტელობას, სიფხიზღეს და დაძაბულ შრომას მოითხოვდა. როგორც ირკვევა, აქტიურობდნენ გ. ქუჩიშვილი, ი. იოსელიანი, გ. საგანელიძე, მის. ბოჭორიშვილი.

ერთ ჩანაწერში, რომელიც მოგონება-ესკიზის გეგმას წარმოადგენს, გალაქტიონი მიგვანიშნებს საგანელის თავდადებაზე: „12 გიონი აწყობს ორგანიზაციას პ. მ. არჩევას. 13. გიონის შეტაკება ყანწვლებთან“¹.

გიომ საგანელი ერთხანს ცისფერყანწვლებთან იყო დაახლოებული. შემდეგ გალაქტიონს მიეკედლა. ბოქმური ბუნების კაცს და საოცრად გულწრფელ პიროვნებას თავდავიწყებამდე უყვარდა გალაქტიონი. შეეძლო მისთვის ქუჩურ აყალმაყალშიც ჩარეულიყო და მკლავიც გაეშართა. გალაქტიონი შესძრა ამ ნიჭიერი პოეტის თვითმკვლელობამ.

ინიციატორების ძირითად დასაყრდენს ახალგაზრდობა წარმოადგენდა. საქმე რიგიანად წარიშართა და აი, 1921 წლის 25 იანვარს (და არა 27-ს, როგორც ზოგიერთები წერენ) მოხდა გალაქტიონის არჩევა პოეტთა მეფად.

29 იანვარს „ბორბაში“ ვკითხულობთ: „25-ого января литературная молодежь Грузии произвела выборы «Короля поэтов». Пожизненно возведен в это почетное звание самый достойный из поэтов – Галактион Табидзе, имеющий громадное влияние на всю современную поэзию Грузии“ და შემდეგ: „Галактион Табидзе был избран единогласно. Присутствующие молодые поэты устроили ему шумную овацию“².

ახლა მოვუსმინოთ აკაკი ბელიაშვილს: „თანამედროვე ქართულ პოეზიაში მას ბადალი არ ჰყავდა. ეს თავიდანვე ვიგრძენით ახალგაზრდა დამწვებმა მწერლებმა და, როცა 1920 წელს ერთხელ თავი მოვიყარეთ, გალაქტიონი პოეტების მეფედ გამოვაცხადეთ. საამისო სიგელიც დაეწერეთ, და ეს სიგელი მის

¹ გ. ტაბიძე, თხზ., ტ. XII, გვ. 275.

² გაზ. „ბორბა“, 1921, №21.

არქივში დღესაც ინახება“¹.

ეს იყო გალაკტიონის ცხოვრების ერთ-ერთი ყველაზე ნათელი და ბუნდური დღე.

მოხდა ის, რაზეც კარგა ხანია ოცნებობდა. იგი მთვრალია წარმატებით. უკვე მეტად შეუძლია ფრთების გაშლა... ახალი იმპულსი, ახალი შთაგონება, ახალი ვადდებულებანი...

...შინ აფორიაქებული დაბრუნდა.

მეორე დღეს მეგობრები ესტუმრნენ. სახელდახელოდ გაიშალა სუფრა. მალე უჩინარი წვერიც – დიონისეც შემობარბაცდა და... იყო ლაქვარდებში განავარდება. ღიმილად იღვრებოდა გერგისეული, ენაწყლიანობდა საგანელი (იგი მხოლოდ უზანგის დამჭერი როდი გახლდათ). როცა გალაკტიონმა ლექსის კითხვა დაიწყო, ყველაფერი ათინათინდა. პოდა, ვინ გაბუდავდა ეთქვა, რომ ეს ციცქნა ოთახი „როტონდას“ ჩამოუვარდებაო.

გუშინაც იყო ღხინი, მაგრამ ტრაპეზთან სხვადასხვა ტემპერამენტისა და მსოფლგაგების ადამიანებიც აღმოჩნდნენ. ზოგიერთ მათგანს არ უძნელდებოდა ღოთობა და არც უხეშობაში შეტოპვა. დღეს კი ფერი ფერს.

გალაკტიონი სვიანია. მაგრამ სიტუაცია უფრო და უფრო იძაბება. ქარიც მალე ამოვარდება და გატყდა ღიმილი ტუნის, განდა შეშლილი ფერი.

საზოგადოების ნაწილი გაღიზიანებულია. ეს, უპირველეს ყოვლისა, პოეტთა გარკვეულ ფალანგაზე ითქმის.

– ვინ აირჩია მგოსანთა მეფედ? ეს მწერალთა კავშირის დასტურით უნდა მომხდარიყო. – გაიძახიან ერთნი.

– ბურჟუაზიული, უკუსაგდები ჩვეულებაა! – მრისხანებენ მეორენი.

– ნეტა რა დაუფდა? – ქილიკობენ სხვანი.

რაც მთავარია, მოწინააღმდეგენი გამომწვევად იქცევიან, არც არის გასაკვირი. ბევრის ცნობიერება დანისლულია ალოგიკური წარმოსახვებით და უსამართლო დასკვნებით. სუბიექტური მინარევებისაგან განთავისფლება კი ნამდვილად ჭირს.

მაგრამ ჯვარზე გაკურა იჩითად, 1921 წელსვე არ მომხდარა. მოწინააღმდეგენი ვერ შეგუენ გალაკტიონის გამეფებას. დრომ ვერ გაანელა მათი ვნებათაღელვა. პირიქით, დუნთი თანდათან მატულობს. საკმარისია ასათნის გაკურა და ინკვიზციის კოცონი აბრიალდება.

ამის საბაბიც მიეცათ.

¹ კრებ. „სადღევრძელო იუოს მისი“, 1973, გვ. 26.

1922 წლის ზაფხულში გალაკტიონმა განიზრახა ოპერის თეატრში გრანდიოზული საღამოს ჩატარება. აფიშებიც დაბეჭდა ქართულ და რუსულ ენებზე, რომელშიაც იგი იხსენიება „საქართველოს პოეტების მეფედ“. ეს კი მეტისმეტიაო და...

სიცოცხლის მიმწუხრს გალაკტიონი იგონებდა, თუ როგორ ხვედნენ აფიშებს, როგორ წააწყდა ამ საქმეში გართულ სამ ფურტურისტს (გვარებს შეგნებულად არ ვასახელებ) და „დაულეწა ებები“, როგორ გაირეკა თხებივით“.

ეს მაინც დეტალია. მოწინააღმდეგეებმა მწერალთა კავშირის საბჭოს შეუტოვეს, რატომ სათანადო ზომებს არ იღებო. ზეწოლა დიდზე დიდი აღმოჩნდა და კ. მაყაშვილი 23 ივნისს საგანგებო სხდომას იწვევს. დაადგინეს: „მოისმინეს რა გალაკტიონ ტაბიძის საღამოს აფიშების შინაარსი, სადაც გ. ტაბიძე თავის თავს პოეტების მეფედ აღიარებს, საბჭოს სრულიად შეუფერებლად მიანია ასეთი საქციელი საბჭოს წევრისა და პოეტის სახელისათვის და უცხადემს მას საყვედურს, მით უმეტეს, რომ გ. ტაბიძე არც ერთი ორგანიზაციის ან საზოგადოების მიერ არ არის არჩეული პოეტების მეფედ.“

ვინაიდან საზოგადოებაში ხმებია გაერცვლებული, თითქო ეს საღამო იმართებოდეს საბჭოს ინიციატივით, გამოცხადდეს პრესაში, რომ საბჭოს არავითარი დამოკიდებულება არ აქვს ამ საღამოსთან¹.

დამუთანხმებით, საკმაოდ მკაცრი განაჩენია. ამ დადგენილებით საერთოდ ანულირებულია გალაკტიონის მეფობა. რაც მთავარია, ქვეტექსტით ისიც შედაენდება, რომ წოდების მინიჭება სახელმწიფოს, მთავრობის პრეროგატივაა. ვფიქრობთ, აქ ზემდგომთა ხელწერაც უნდა იგრძნობოდეს. გამორიცხული არ არის, როგორც დღეს იტყვიან, ზემოდან ზარმაც უკარნახა კ. მაყაშვილს ხსენებული საკითხის განსახილველად გამოტანა.

შეპირისპირებისთვის: პოეტთა მეფედ აღექანდრე ბლოკის არჩევაში, რომელიც 1911 წლის 10 დეკემბერს მოხდა პეტერბურგში, რესტორან „ვენეციაში“, სულ ხუთი კაცი მონაწილეობდა: დიმიტრი კუზმინ-კარავევი, ვასილი გიპიუსი, ოსიპ მანდელშტამი და კიდევ ორი². გალაკტიონის კორონაცია კი ფართო საზოგადოების დასტურით მოხდა.

25 ივნისს გაზეთ „კომუნისტში“ გამოქვეყნდა „წერილი

¹ საქ. ლიტერატურისა და ხელოვნების ცენტრალური სახელმწიფო არქივი, ფონდი 8, აღ. 1, საქმე 29, ფ. 25.

² მ. ქურდიანი, პოეტი-მეფე, „ბურჯი ეროვნებისა“, 1996, №5(10), გვ. 10.



საქართველოს
საქმიანობის



ბალაკტიონი და გიორგი ქუჩიშვილი

რედაქციის მიმართ“, რომელსაც ხელს აწერს სრულიად საქართველოს მწერალთა კავშირის საბჭო. წყნობის საზოგადოებაში ხმა დადის თითქოს გალაქტიონ ტაბიძის საღამო (რომელიც იმართება დღეს საოპერო თეატრში) ეწეობა სრულიად საქართველოს მწერალთა კავშირის საბჭოს მონაწილეობით, საბჭო იძულებულია განაცხადოს, რომ მას არავითარი დამოკიდებულება არა აქვს ამ საღამოსთან. საღამო იმართება კერძოდ, გ. ტაბიძის ინიციატივით“¹.

განცხადება მშვიდი და აკადემიურია. კ. შავეშვილი მაინც გალაქტიონისკენ გადმოიხარა. ამ განცხადებაში სიტყვაც არ არის დაძრული იმ მკაცრ განაჩენზე, რომელიც გალაქტიონს გამოუტანეს (საყვედური).

აზირობება დიდია. მოწინააღმდეგენი ჯგუფ-ჯგუფად იკრიბებიან, იმართება ცხარე ბაასი და ისახება ბრძოლის გუგმა. შედეგი?

იმავე „კომუნისტში“ დაიბეჭდა ერთი ცნობილი პოეტის „ღია ბარათი სრულიად საქართველოს მწერალთა კავშირის საბჭოს“. ავტორი აღშფოთებულია გალაქტიონის საქციელით და მოითხოვს მკაცრი ღონისძიების გატარებას. მისი აზრით, გალაქტიონის მოქმედებას „...უძღვევს რაღაც იაფი, ცირკის ხასიათი, რომელიც შურაცხყოფს ქართული ლიტერატურის ღერძს და ეს ხდება სრულიად საქართველოს მწერალთა კავშირის საბჭოს თვალწინ და მისი სახელითაც.

თუ ეს ასეა და ამ სასკანდალო საქმეს მწერალთა კავშირის საბჭო ხელმძღვანელობს, მაშინ სრულიად სამართლიანად მიმანია ის აღშფოთება, რომელიც გამოიწვია ასეთი განცხადების გამოქვეყნებამ როგორც ქართულ მწერლობაში, ისე საზოგადოებაშიც...

ამიტომ მწერალთა ერთი ჯგუფის სახელით გვეითხებით: – თუ მართლა საბჭოს რაიმე კავშირი აქვს ხსენებულ საღამოსთან და იგი აპირებს ამ „დაგვირგვინებას“, რომელი სტატუსის მიხედვით ხელმძღვანელობს და რა მიზანი აქვს მას ასეთი „ღინასტის“ დაწვებით?

ხოლო თუ ეს შანტაჟი კერძო, უპასუხისმგებლო პირისგან ხდება, რა ზომას იღებს მწერალთა კავშირის საბჭო თავისი შურაცხყოფილი სახელის აღსადგენად და ასეთი კრიმინალური ტიპის თავის წრიდან განსადევნათ?“²

¹ გაზ. „კომუნისტი“, 1922, №142.

² გაზ. „კომუნისტი“, 1922, №142.



ყურადღება მიაქციეთ ბოლო ფრაზას. კიდევ კარგი, რომ
ჯერ არ დამდგარა 1937 წელი, თორემ ასეთი შერისხვის შემდეგ
გალაქტიონს გულაკიც კი საოცნებო გაუხდებოდა.

ამ გამოლაშქრებამ არა მხოლოდ გალაქტიონი, არამედ
მთელი საძმო, პატიოსანი ლიტერატორები შეაშფოთა და
ააფორიაქა. თვით „კომუნისტის“ რედაქციაც კარგად მიხვდა, თუ
სად უმიზნებდა ავტორი და უხერხულობა იგრძნო, ამიტომაც
აღნიშნავს სქოლიოში – წერილის კილო მკაცრიყო.

გალაქტიონი უკიდურესად გაადიზიანა ამ გამოლაშქრებამ
და მწერალთა კავშირის საბჭოს სთხოვა, ოფიციალურად გაეცა
პასუხი „კომუნისტში“ დაბეჭდილი წერილის ავტორისათვის.

3 ივლისს შეიკრიბნენ საბჭოს წევრები: კ. მაყაშვილი,
ლ. ქიანელი, ობოლი მუშა (ს. თვარაძე), ი. გრიშაშვილი, კ.
გამსახურდია და ი. ავლაძე. იმსჯელეს გალაქტიონის თხოვნასთან
დაკავშირებით. ჩვენთვის უცნობია, თუ ვინ როგორი პოზიცია
დაიკავა. მაგრამ ერთი ცხადია, სხდომა მშვიდად არ ჩატარებულა,
რაზეც მიგვანიშნებს დადგენილება: „ვინაიდან ხმები შუაზე
გაიყო, საკითხი გადაიდო შემდეგი სხდომისათვის, რომელზედაც
მეტი საბჭოს წევრი გამოცხადდება“¹.

შემდეგ სხდომაზე ამ თემას არ დაბრუნებიან.


გალაქტიონმა ძალზე მტკივნეულად განიცადა თავდასხმები,
რადგან პოეტთა მეფედ არჩევა კანონზომიერად მიიჩნდა. ეს არ
იყო ამბიციის, გვირგვინისკენ უსაფუძვლოდ ხელის გაწვდენა.
გენიოსი კუთვნილ დიდებას მითითვოდა. ჩვენს ხელთაა
დილოვის ფორმით დაწერილი ჩანახატი, რომელიც უცნობია
საზოგადოებისათვის. იგი ცხელ გულზე შეუთხზავს გალაქტიონს.

ქიმერა. ხელმწიფეო, თვითეული თქვენი ლექსი შედეკრია.
ყველა თანამედროვე პოეტს იყიდის და გაყიდის. ეს ფაქტია,
მაგრამ თქვენ ხშირად იტყვევით უბაქტოდ...

გალაქტიონი. ქიმერავ, ნუ შიშობ. გალაქტიონი უფრო
შორსგამჭვრეტია, ვინემ ზოგს ჰგონია. იგი ნაბიჯს არ გადადგამს
მოუფიქრებლად.

ქიმერა. დალოცვილო მეფეო, გაგემართათ საღამო. ფულები
ხომ გექნებოდათ, მეფეც იქნებოდით და პატრიარქიც. ხელმწიფეო,
ამას კი ვიტყვი, რომ რაღაც ახალი მხოლოდ თქვენით დაიწყო

¹ უახლესი ისტორიის არქივი, ლიტერატურისა და ხელოვნების
განყოფილება, ფონდი 8, აღ. I, საჭმე. №29, ფ. 25.

ქართულ პოეზიაში. შეცდომაა, როცა თქვენი მტრები სმას/ ავრცელებენ, თითქოს თავისი თავი თქვენვე გამოცხადდეს/ პოეტების მეფედ. არის საამისო დოკუმენტები? 

გალაკტიონი. ქიმურავ, შენ კიდევ რაღაცას მაღავე.

ქიმურა. (ამოიღებს კიდევ გაზეთებს) ნუ მიწყენთ, ხელმწიფეო, აი გაზეთი „ბორბა“, 1921 წლის. ნება მიბოძეთ წავიკითხო (კითხულობს)...

გალაკტიონი. ქიმურავ, ეს საუცხოო დოკუმენტია. ეს ამბავი მას შემდეგ რაც მე დაბეჭდედი წიგნი: „Cr'ane aux fleurs artistiques“ შეიძლება ეს წიგნი ვისმეს სხვას ეკუთვნოდეს, ქიმურავ?

ქიმურა. მეფეო, არ შეიძლება გკითხოთ, მაინც რა უნდათ თქვენგან პოეტებს?*

მართლაც და რა უნდათ? ამ კითხვას დღესაც არ დაუკარგავს სიმწვავე.

შემთხვევით არ გამახვილებთ ყურადღებას კითხვაზე. სხვაა, როცა მავანი გეკითხება და სხვაა, როცა იგი შენივე სულიდან მოდის, შინაგანი მოთხოვნილებაა. ამ დროს პიროვნება მეტ-ნაკლებად თავისუფალია გარედან ზეწოლისაგან, რამდენადმე მაინც ნიღაბნამოხსნილია და პახუხიც გაცილებით გულწრფელი გამოდის.

მეორეც: როცა კითხვა თავად გებადება და პახუხსაც შენვე ეძებ — ეს აზროვნების გამაფრება-გამახვილებისა და სინამდვილის ფილოსოფიური შეცნობისაკენ ღტოლვის მანიერებელია.

დიახ, გალაკტიონი არ ხსნის ფრჩხილებს, თუ რა უნდათ მისგან პოეტებს. ისე კი, ნვენთვის უცნობი არ არის მისი თვალსაზრისი.

— შური, ძამიკო, შური!

აქ წურტილის დასმა მართებული არ იქნებოდა. გასათვალისწინებელია სხვა გარემოებანიც. ერთი კი ცხადია: ვითარება უკიდურესად დაძაბული იყო და ეს მოწინააღმდეგე მხარეების ახირებად არ უნდა მივიჩნიოთ.

ნაღდი პოეტი ვიოლინოს დაჭიმულ სიმს მოკვავს. მხოლოდ ასეთ სიმს შეუძლია ზღვრულად წმინდა და ოპტიმალურად მკლერი პანგი გამოსცეს. მაგრამ ასეთი სიმი ძალზე ადვილად წყდება, თუ სათუთად არ მოვეპყარით. გალაკტიონმა გაუძლო. რადგან სიმართლე მის მხარეზე იყო. ღრმად სწამდა, რომ პოეტთა მეფის გვირგვინი ხწორედ მას ეკუთვნოდა.

გავიხსენოთ „ჯონ რიდის“ ეპიგრაფი: „ეუძლვნი ამ წიგნს ძვირფას რიგს პოეტებისას, რომელთაც გამომაცხადეს პოეტების მეფედ 25 იანვარს 1921 წელს, რევოლუციიდან დაბრუნების შემდეგ“.



ეს 1924 წელს იწერება. ასევე საგულისხმოა ცნობილი ლექსის „სადღევრძელო იყო მისი“ ერთ-ერთი გვიანდელი ვარიანტი *სადღევრძელო იყოს მეფის - გალაკტიონ ტაბიძის...*

*ვინც ტრიუმფის იყოს ღირსი,
ღირსი მზის გათუნების,
სადღევრძელო იყო მისი
დღის და ღურჯა ცხენების¹.*

გალაკტიონი მთელი სიცოცხლე ამაუობდა, რომ იგი პოეტთა მეფედ აირჩიეს. მახსოვს, არაერთგზის, განსაკუთრებით როცა ამაღლებულ განწყობაზე იყო, ჯიქურ მიმართავდა მავანთ და მავანთ, ზოგჯერ უბირ დახლიდარსაც კი, რომლისთვისაც პოეზია უცხო ხილი იყო: - იცით, მე ვინ ვარ? - კაროდ პოეტოვ! რატომღაც ყოველთვის რუსულს ესესხებოდა. შეიძლება შთაბეჭდილების გასაძლიერებლადაც.

ჩვენ ზემოთ საზოგადოების ერთი ნაწილის თვალსაზრისი დავაფიქსირეთ. მაგრამ იყვნენ სხვები, თანაც გაცილებით მრავლად, რომლებიც არა მხოლოდ ცნობდნენ გალაკტიონის მეფობას, არამედ აღტაცებულნიც იყვნენ მისი კურთხევით.

გავიხსენოთ გიორგი ქუჩიშვილის სიტყვები:

*„ჩემს პროცესიას ამშვენებდეს გალაკტიონი.
გვართ - ტაბიძე და ტიტულით მეფე-მგოსანი,
მის ლექსთა თქმაზე ქვითინებდეს ძველი სიონი
და მწუხარებით დაიბუროს მზე სხივოსანი“.*

ყოველივეს ეს გულს ეფონებოდა.

მაშ ასე: გალაკტიონს ხელთ უპყრია პოეტთა მეფის სკიპტრა. ეს კურთხევა პირველი და ერთადერთია ქართულ სინამდვილეში. პროტესტები ვითარების არსს ვერ ცვლის. ფართო საზოგადოება გალაკტიონის მხარეზეა. თავადაც, როგორც ვნახეთ, კანონიერად თვლის ამ არჩევას და ბედნიერია. თუმცა, მოდით, უფრო ფრთხილნი ვიყუეთ, სიტყვა აეწონოთ. ბედნიერება რელატიურია.

საქმე ის გახლავთ, რომ გალაკტიონთან მძლავრობს ბედნიერების რომანტიკული გაგება - პერმანენტული სწრაფვა ამაღლებისა და სრულყოფისკენ, რაც დაუსრულებელი პროცესია. კონკრეტული მიზნის მიღწევით სრული ბედნიერება არ

¹ გ. ტაბიძე, თხზ., ტ. II, გვ. 333.

² „გალაკტიონ ტაბიძის კურნალი“, 1922, №1, გვ. 3.

მოიპოვება. იგი მირაქსა კგავს - უახლოვდები, უახლოვდები და
მაინც ვერ აღწევ.

აი, სწორედ აქედან მომდინარე ტრაგიზმი უნდა იყოს
გალაკტიონისთვის მთავარი და არა კონკრეტულის მიუღწევლობით
დაბადებული სევდა. აკი ბრძანებს:

„სულს სწურია საზღვარი როგორც
უსაზღვროება“.

ახლა სხვა კუთხითაც შევხედოთ პოეტთა მეფედ არჩევას.

ხასიათი ქარიშხლიან დღეებში იძვრება, იწრთობა. ეს
პერიოდი კი გალაკტიონისათვის ნამდვილად იყო კონფლიქტური,
რამაც გარკვეულად განსაზღვრა შეუპოვრობის გრძნობის
გამძაფრება.

„ცხენთა შეჯიბრებაზე ჩემი ღურჯა ცხენები
ქროდნენ ეფემერული და ფერადი ქარებით,
იყვნენ საუკუნენი, მაგრამ მე ვიხსენები
გაფრენილი პირველი წყების ნიაგარებით.
ვწუხვარ: ერთადერთი ვარ და ზეცაზე სწურია
ჩემი ვზა და ახალი ღაღის კართაგენები,
ბუდი - ქოლვის გარეშე - ჩემთვის არაფერია,
ჩემთვის ყველაფერია ისევ ღურჯა ცხენები“.


Handwritten signatures and notes in Georgian script, including names like 'გიორგი თუთუაშვილი' and 'გიორგი თუთუაშვილი'.

¹ გ. ტაბიძე, თხზ., ტ. II, გვ. 102.

სარჩევი



„ზღურბლზე სათქმელი“	6
„სადღაც შრიალებს ჭაობი ჭყვიშის“	8
„არ მოსწრებიხარ შენ მშობელ მამას“	41
პაპა.....	42
მამა.....	44
დედა.....	51
ბიძა.....	63
ძმა.....	70
„ვიგონებ ყრმობას“.....	104
„ქუთაისო! მშვენება შენი“.....	122
ძველი და ახალი მებრძოლი.....	156
„ღმერთო, რად გამაჩინე!“.....	161
„მაქვს უნარი გუღმოდგინედ შრომისა“.....	220
„ვწუხვარ... ვეძახი სიცოცხლის მიზანს“.....	284
„ვინ არის ეს ქალი ასეთი ცისფერი?“.....	318
„შენ ხომ ბედუინი ხარ“.....	357
„სულში გენიით ატეხილი რეკავს ლერწამი“.....	397
„მე, ნოემბერი და პეტროგრადი“.....	460
„...ვით სამრეკლო ცის უდაბნოში“.....	498
„მეფე ვარ და მგოსანი“.....	555



თბილისი 0177, ქუთათელაძის 18,
ტელ/ფაქსი: (995 32) 39 55 87
e-mail: saungeo@gmail.com

274.705

3

UNIVERSITY OF TORONTO
LIBRARY